

四庫全書存目叢書編纂委員會編

齊魯書社


四庫全書存目叢書

四庫全書存目叢書編纂委員會編

齊魯書社

四庫全書存目叢書

集部
第七一冊



責任編輯：孫言誠 賀 偉

ISBN 7-5333-0615-5



EB5/06

四庫全書存目叢書·集部七一

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092毫米 16開本 41.375印張

1997年7月第1版 1997年7月第1次印刷

印數1 100

ISBN 7 5333 0615 5

Z·60 集部定價：127800圓

集部第七一冊目次

集部·別集類

嵩渚文集一百卷目錄二卷(二)

〔明〕李濂撰
杭州大學圖書館藏明嘉靖刻本

一

觀政集一卷

〔明〕李濂撰
北京圖書館藏明鈔本

三九六

人瑞翁詩集五卷

〔明〕林春澤撰
福建省圖書館藏清鈔本

四四〇

谷平先生文集五卷附一卷

〔明〕李中撰
江西省圖書館藏清光緒十三年吉水葆元堂刻本

五〇八

嵩渚文集一百卷目錄二卷

(二)

〔明〕李濂撰

杭州大學圖書館藏明嘉靖刻本

附《四庫全書總目·崇渚集一百卷》提要

嵩渚文集卷之四	五十四	汪石
辯六首		琴水藏本
三不朽辯		
放蠅辯		
醫辯三首	有序	
濟池靈石辯		
解三首		
公叔文子謚解		
三不幸解		
金鐘解		
嵩渚文集		不食鹽田
目錄畢		

辯六首

三不朽辯

范宣子以世祿爲不朽寔欲侈其門閥以夸于人其所見誠陋叔孫豹以立德立功立言折之似矣惜於道猶有所未盡也左氏書之若與其知言者杜氏之釋無所發明而漫引古之人以實其說均之爲未聞聖人之道也嗚呼自叔孫豹倡是三不朽之說古今稱述以爲至論歷千百年無有明辯其非者愚竊以

嵩渚文集

卷四十四

二

爲不然豹之言曰太上有立德其次有立功其次有立言夫以德功言鼎列而爲三無乃失本末先後之倫乎德體也功言用也體立而後用有以行也蘊之爲德行措之爲事業達之爲文辭皆是物也夫豈有二哉是故人患無是德耳苟有是德以之立功則爲天下之駿功所謂徵則悠遠悠遠則博厚博厚則高明是已以之立言則爲天下之名言所謂言而世爲天下則百世以俟聖人而不惑是已德成於已而功言隨之所謂根之茂者其實遂膏之沃者其光暉是已有諸中而形諸外不信然乎故盛德之士立功立

言無往而不可也涼德之士立功立言無往而可也然則抗功言於立德豈非決衡之論乎抑太上有立德斯言吾無容議矣繼之曰其次有立功其次有立言語意之間若微有優劣者豹於是乎失言矣問嘗泛觀古之君子達而在上則立功以濟時窮而在下則立言以明道時有窮達而功言異著誠不可以優劣論也味豹之旨若謂功不如德言不如功者非惟不知聖人內外合一之學而亦不知君子與時詘信之道矣杜預氏釋之乃曰立德者黃帝堯舜立功者禹稷立言者史佚周任臧文仲夫黃帝堯舜之德固

嵩渚文集

卷四十四

三

至矣豈無功之可紀乎禹稷之功固大矣豈無德之可尊乎詩書六藝之文皆聖人精蘊之所寓自古立言之粹莫有尚焉者也舍詩書六藝之文而稱史佚周任臧文仲爲善於立言預果何所見哉吾聞有德者必有言也史佚周任姑未遑論臧文仲乃魯之先大夫豹最所欽慕企仰者而下展禽廢六關妾織蒲作虛器縱逆祀祀爰居仲尼蓋嘗譏其不仁不知其涼德如斯又何取於善立言哉杜氏之謬無俟深辯而左氏書之若與其知言者其識趣之卑近可窺也已愚故曰均之爲未聞聖人之道也緊欲持論之無

疵當何如而可盡曰太上立德達則立功窮則立言三者皆雖久不廢此之謂不朽噫聖人復起不易斯言矣

放蠍辯

或問於嵩渚子曰君子之見蠍也將殺之乎抑放之乎嵩渚子曰蠍毒蟲也不殺或至於傷人是故君子之見蠍也亦惟殺之而已矣曰程子大儒也何以曰殺之則傷仁放之則害義而竟放之乎曰殺之誠是也放之者竊未敢以為然何以言之曰啓蟄不殺君子愛物之心也為民除害聖王保治之方也昔者當

嵩渚文集

一金鑑

三

堯之時洪水橫流汜濫於中國蛇龍居之民無所定乃使禹治之驅蛇龍而放之菹澤之害人者消然後人得平土而居之及紂之世沛澤多而禽獸又至周公相成王驅虎豹犀象而遠之天下大悅凡此皆為民除害云爾蠍之為物雖微厥毒可畏亦猶虎豹犀象之能為人害也惡可宥之而弗殺哉間嘗攷諸周禮若絜民掌覆妖鳥之巢曰覆其巢則殺之必矣庾氏掌射國中之妖鳥若不見其鳥獸則以救日之弓與救月之矢夜射之曰不見其形猶夜射之苟得見其形焉而肯舍之乎宅若冥氏掌設弧張為阱獲

嵩渚文集

一金鑑

中

以攻猛獸穴氏掌攻螫獸各以其物火之罌氏掌攻猛鳥各以其物為媒而拊之勇獸亟擊不遺餘力見諸秋官者甚著夫先王命官分職周慎嚴密而果於除民之害如此矧蠍尾之毒最為酷烈中之者呻吟號呼不堪痛楚顧可以曲為之容縱之使去如浮屠氏所謂因果報應之說乎或又問曰彼肆毒以螫人而遭殺是彼有取死之道殺之宜矣若彼飲毒未螫無罪而輒殺之君子之心詎若是其刻乎曰吾聞之矣天地之性人為貴惟天地萬物父母惟人萬物之靈人與物輕重懸絕弗可以槩論明矣國家制律凡有害於人者計傷而議罪法之經也最爾蠍亦蠢動之細者耳豈可以待人者而待之乎孫叔敖之埋蛇也一見之頃即殺而埋之未聞以其受傷然後殺而埋之也周處之斬蛟也一聞父老之言即奮然以斬之初不以其曾傷乎我而後斬之也世俗惑於浮屠氏因果報應之說又因程子有殺之傷仁之語心無定見遇蠍而姑舍之遂使古先聖王為民除害之盛心晦而弗白嘻可哀已左傳曰蠍蠆有毒莊生曰其智慤於蠍之尾蒯通曰猛虎之猶豫不如蠶蠶之致蠶絲是知蠍之為害人皆懼之人皆惡之而

可以少恕乎是故殺之者似刻而固無損於仁放之者似恕而實有戕於義作放蠲辯

醫辯三首 有序

嘉靖己酉夏六月余避暑於城南別墅客有造訪者留酌林木之陰偶談及醫事數條間有溺於舊說之非者余劇論以關之客既去豚子請曰盍識之以破積疑余憮然曰六經註疏承謬襲謬者亦多矣寧獨是哉聊漫錄之俟質正於有道者

李子曰虛心察理乃讀書之要法而杜撰穿鑿輒自

滿漢文集

卷五

五

立說以騁已見最學者所深戒余嘗讀素問至移精變氣篇黃帝問曰余聞古之治病惟其移精變氣可祝由而已祝由故反已止也註曰移謂移易變謂變改皆使邪不傷正精神復強而內守也精神內守病安從來是以移精變氣無假藥祝由不勞鍼石而已此說本無可疑而金元起以祝由為南方神是誤以祝由為祝融其謬固不待辯近世陳定宇櫟乃引書泰誓篇祝降時疫以解之而訓祝為斷孔疏云祝斷也以為轉移自己之精神變改其所感受陰陽風雨晦冥之六氣而斷絕其受病之由則其病自己與下文岐伯

荅辭意不相貫余不敢從也按韻書祝詛也與呪同書曰否則厥口詛祝是已孔疏云以言告神謂之詛祝詛神加殃謂之詛竊

窺素問本意蓋言上古之人處恬憺之世嗜慾寡少邪不能深入凡厥疾患感受輕微不必毒藥鍼石故可移精變氣祝由而已觀岐伯荅辭可見定字乃謂詛祝寔素問之大禁而引拘于鬼神不可與言至德為說殊不思拘于鬼神謂志意邪而好祈禱者言也非是之謂也周官瘍醫掌腫瘍潰瘍金瘍折瘍之祝藥副割殺之齊反曰祝者即此祝由也夫醫之用

祝尚矣而瘍尤宜祝南史載薛伯宗善徙癰疽有公

滿漢文集

卷五

五

孫泰者患背癰伯宗為氣封之徙置齋前柳樹上明巨癰消樹為之痿損即其遺法孰謂天下無是理邪唐王勣氏著外臺秘要一書而符水禁呪咸具焉朱丹溪亦曰外臺秘要有禁呪一科乃移精變氣之小術未嘗謂其無是理也定宇獨不之信而著論非之亦幾於強辯矣善讀書者何事於杜撰穿鑿輒自立說以騁已見為哉杜元凱曰優而柔之使自求之厭而鈇之使自趨之若江海之浸膏澤之潤渙然水釋怡然理順然後為得也學者苟能玩味斯言則虛心察理之方思過半矣

周禮醫師掌醫之政令凡邦之有疾病者則使醫分治之歲終則稽其醫事以制其食十全爲上十失一次之十失二次之十失三次之十失四爲下註曰全猶愈也謂每歲之終總考其所治愈不愈之狀而制其祿以爲五等之差必十無一失者始爲最耳李子曰此解經者之誤也且人之受病有淺深故治療有難易乃若偶爾速和感觸輕眇雖初學醫之士一二劑可愈也假使醫緩遇如晉景公疾者三四人扁鵲遇如齊桓侯疾者三四人太倉公遇如曹山跗疾者三四人皆弗能使之生然則三子者果下醫乎或曰

萬壽文庫

金匱

上

十全爲上非謂十人皆愈也言診視之頃即知其孰可治孰不可治遠則期歲近則期月又近則期日十人之安危死生無不中者故以爲上而食祿獨厚蓋優之也李子曰此說得之
曲禮曰醫不三世不服其藥言君子用藥之當審也蓋以其父祖子孫傳習既久術以累葉而精脉以診多而驗藥以歷試而効故抱疾者倚之以爲命度不至於有誤也周官司徒以世事教能者意亦如此世儒不達厥旨乃爲之解曰古之醫師必通於三世之書所謂三世者一曰雷公鍼灸二曰神農本草三曰

素女脉訣脉訣以察理本草以辨藥鍼灸以祛疾非是三者不足以言醫故記禮者云然李子曰爲此說者何其好奇之甚而果於立異也博雅如宋景濂亦從而喜談之甚哉讀書察理之難也雖然斯言也亦道其常耳惡可泥此以爲擇醫之準乎且古之名醫如扁鵲太倉公張仲景華元化姚僧坦許智藏諸子皆自我始業未聞其先世有精醫者神功異蹟流傳不泯又何必於三世哉即論近代如劉河間張潔古張子和李明之朱彥脩輩皆非世醫也著述滿家而並著顯名於天下今之學醫者咸師宗之如儒者之於瀛洛關閩然惡在其爲世醫也是故三世之說君子不泥焉

萬壽文庫

金匱

上

濟池靈石辯

河北之濟源縣蓋有濟濟廟云廟中有二池世所傳濟源池是也余游濟池裴徊池上見廟之裏門有石碣一刻記云大漢通容元年甲辰大早有懷州河內縣人李繼安爲商泛湖至君山廟禱祀忽見一朱衣人持書一封付繼安命寄至濟源縣西北三里許有龍池焉池前有石一塊擊之必有人應其形差異第

言以書叩石其事果驗末云大宋開寶六年四月廿日再書此記不著撰者姓氏余編考史冊兩漢蜀漢五代漢竝無以通容紀元者乃知後人妄為此記以欺愚瞽而又繆塑繼安像于廟門像前寘大石一塊方三四尺以爲即昔所擊之石大可笑也且其事竊倣仲毅傳書洞庭君之事但改擊橘樹爲擊石耳抑豈知柳毅傳書之事亦好奇者爲之而非理之所有者乎嗟乎正學不明邪說競作神僊鬼怪一切不經之談鐫石刻書假託傳播格物窮理之君子固弗爲之惑而庸夫俗子或聞而信之是不可以不辯嘉靖乙巳春三月夷門老人李灝書于濟池之天慶宮

解三首

公叔文子謚解

論語公叔文子之臣大夫僕與文子同升諸公子聞之曰可以爲文矣按檀弓公叔文子卒其子戍請謚於君曰日月有時將葬矣請所以易其名者君曰昔者衛國凶饑夫子爲粥與國之餓者是不亦惠乎昔者衛國有難夫子以其死衛寡人不亦貞乎夫子聽衛國之政脩其班制以與四隣交衛國之社稷不辱不亦文乎故謂夫子貞惠文子抑當時以貞惠文子

謚公叔蓋據其平生行實合三義以定謚也而惟稱文子者鄭氏以爲文足以兼之是矣然公叔之所以得謚爲文者寔因能脩其班制以與四隣交衛國之社稷不辱而已初不爲薦其家臣同升諸公而謂之文也仲尼聞其有薦賢之美而稱之曰可以爲文矣謂即此一事亦可以無愧於文之謚矣固非指此爲文也朱註以順理成章釋之意義已足而又益之曰謚法亦有所謂錫民爵位曰文者則幾於贅矣故蔡虛齋曰錫民爵位曰文於義最遠使文公再訂集註或在所刪矣史遷無識輕信偽書所謂錫民爵位曰文蓋本此章而附會之所謂勸學好問曰文蓋本孔文子章而附會之皆非周公之舊也或曰汲冢周書謚法解固已云然吾子何過疑乎曰汲書亦偽書也先正具有成說矣顧余寡陋夫何所知哉漫書之以俟知者

三不幸解

伊川先生曰人有三不幸少年登高科一不幸席父兄之勢爲美官二不幸有高才能文章三不幸敢問斯言何謂也曰古人爲學之道以明明德爲本已之明德旣明而後可以新民故子夏曰學而優則仕季

路使子羔爲費宰而孔子以爲賊夫人之子也蓋凡人少年登高科必無深蓄厚養之學練達精明之識志滿意得輕佻浮薄其能致遠者鮮矣席父兄之勢爲美官多挾貴恃權弗自檢飭行已則乖臨事則眩其能自立者鮮矣斯二者皆未能明乎脩己治人之術或有任情妄作竝保終之爲難謂之不幸誠哉其不幸也至于有高才能文章則其氣必揚凌忽長者傲慢同列自以爲辭藻超異人莫我及必不肯俛首求益虚心下問以探討義理之精微其於治心養氣之功不復知所用力縱使成名亦不過爲文人詞客而已豈非人之不幸邪胡仁仲有言今之儒者移學文藝干仕進之心以收其放心而美其身何古人之不可及哉旨哉斯言寔與伊川之言相表裏嗟乎當今之世父兄之所訓督師友之所講授惟舉業文章而已宗族之所期望鄉黨之所歆羨惟科第官職而已苟能有是皆以爲家之令子里之奇士抑豈知科第文章之外有聖賢之正學乎風俗至此良可慨歎故嘗爲之說曰少年登高科則快意於進取必萌侈大之心何有乎謙虛勉進之功席父兄之勢爲美官則溺志於逸樂必致敗亡之禍何有乎畏慎持盈之

道有高才能文章則騁技於枝葉必棄本根之實何有乎沉潛爲己之學伊川以是三者謂之不幸其憂深其慮遠其爲天下後世人才計至警切矣顧習俗之移人雖資稟淑厚者亦弗能自脫然則人才之不幸若也有繇然哉

金鐘解

東郭先生過金鐘李氏之藥肆見縣鐘於門弗知厥繇問諸里人咸弗知或曰浚儀翁汴之博聞君子也盡訪諸東郭先生乃訪於浚儀翁曰李醫縣鐘於門何謂也浚儀翁曰嘻鐘也者醫之本也昔者黃帝命伶倫軒轅援原陰陽別律呂審清濁作十有二鐘主十有二月之聲所以宣八風之氣導天地之和俾民物康寧無滯闕天札之患者也伶州鳩曰鐘音之器也小者不窳大者不樞則和於物是故宋左師每食擊鐘鄭伯夜飲酒擊鐘古人於飲食之際必鳴厥鐘所以和志氣而祛疾病也禮曰內金示和也又曰入門而金作示情也莊周曰金石有聲不考不鳴奏金而鳴之內以示情外以示和醫之道也醫家縣鐘於門其以是乎東郭先生曰吾聞李氏醫醫也何獨金鐘之縣曰金生於土而別於土其卦則兌其方則西

其時則秋其風閭闔其在人則為肺夫脾屬土肺之母也鐘空也空其內以發聲也嬰孩百病得之傷飽蓋言腹過實也是故節乳以疎脾因聲以察病而金鐘之義該矣東郭先生宅日見金鐘主人備述凌儀翁之說而面叩馬金鐘主人曰有是哉甚矣翁之鑒也吾李氏世醫也在汴宋時先世有諱某者醫皇子痲瘵有功上欲官某為太醫丞固辭不受乃賜金鐘一持之以歸因為號由是四方之人咸稱之曰金鐘李氏後裔世其業而縣鐘於門昭祖之仁術云爾夫豈有宅義邪東郭先生曰子之言是也凌儀翁之說雖涉附會至理存焉亦弗可棄已金鐘主人於是併錄之以為金鐘解

萬清文集卷之四十五

對二首

雲心對

醫有三品對

答問七首

私謚答問

徵賻答問

忌日答問

招魂葬答問

許文正公仕元答問

李文達公起復答問

薛文清公從祀答問

原四首

壽原贈張翁

原姓上

原姓中

原姓下

對二首

雲心對

初弘治壬子滌陽于公器之以易薦於南畿將北試於禮闈筮焉遇需之八象曰雲上於天需君子以飲食宴樂再筮焉遇乾之屯象曰雲雷屯君子以經綸公曰嘻是予之心也夫於是名其齋曰雲心越十餘年為正德戊辰公舉進士累官至山東按察使其諸泰山之雲觸石而出膚寸而合不崇朝而雨天下乎

而馳為澍為霖以膏以濡經綸靡驕宴樂如愚曰有心者君子謂之誣客再拜曰微子之言吾不知雲心之說也

醫有三品對

客問儒家有言醫之品大槩有三上焉者得古聖人之心而為者得古聖人之術術之不精心之不仁斯為下矣其說然乎李子曰何謂得古聖人之心曰聖人之心天地生物之心也其視天下之人皆吾同胞也無不欲其同躋於壽域故見人之有疾也猶己之有疾也一念惻隱愀然而動思盡吾術以療之必瘳而後已初無望報之心焉如涪翁隱身漁釣乞食人間鍼石救人病已則悅或有餽遺則拒之不受曰吾豈利病者賄邪董奉為人治病口弗言利病愈來謝止令種杏一株數年之間蔚鬱成林杏熟則易穀以賙貧乏此所謂得古聖人之心者也故曰上醫何謂得古聖人之術曰醫道淵閑非龜鏡者可至如扁鵲太倉公華陀之流洞達陰陽貫徹表裏掌握造化權衡生死可謂得古聖人之術史稱扁鵲謂輕身重財者不治太倉公行游諸侯或不為人治病病家多怨之者華陀獄中歸絕始出其活人之書更不敢受乃

人好之夫三子者雖精乎術而甚秘其方雖利其
賄而能愈卒病故曰中醫何謂下醫曰操術踈謬惟
賄是圖乘人危難敢肆覬覦不惟不能祛疾而反有
以害之此縉紳所共惡而鬼神之必殛者也故曰下
醫李子曰爲是說者無乃惡庸醫之不仁而抑揚之
間不自知其或過邪慨自井田法廢民無恒產是故
農工商賈各專其業蓋爲仰事俯育計也顧學醫之
士亦藉此以自養但不可汲汲於利以涉於貪耳矧
無德不報在禮宜然致餽有辭卻之不可使爲醫者
貴如褚澄富如李杲已疾而不求報則可矣明晦之

萬壽集

卷五

中

答問七首

私謚答問

或問門人弟子之私謚其師禮與蒿渚子曰非禮也
郊特牲曰古者生無爵死無謚爵謂大夫以上也故
卿大夫有謚士無謚曾子問曰賤不誅貴幼不誅長
禮也是故君之謚則稱天以誅之臣之謚則請君以
賜之諸侯相誅猶爲非禮况弟子而誅其師乎曰士
之有誅何也曰乘丘之戰縣賁父死之魯莊公誅其
赴敵之功以爲謚蓋以義起也檀弓記之以著其失
禮故曰士之有誅自此始也曰謚者行之迹也先生
長者生有善行其死也乃以無爵而弗得易其名門
人弟子之心實有所不能自安者私謚之舉亦禮之
變者也何爲而不可曰昔者橫渠先生沒門人欲謚
爲明誠中子且云漢魏以來此例甚多乃質於明道
先生先生疑之訪於司馬溫公公答書深以爲不可
大意謂漢魏以來事不足法孔子之沒也哀公誅之
不聞弟子復爲之謚也子路欲使門人爲臣孔子以
爲欺天門人厚葬顏淵孔子歎不得視猶子也君子
愛人以禮今關中諸君欲謚子厚而不合古禮非子
厚之志也與其以陳文範陶靖節王文中孟貞曜爲
比其尊之也曷若以孔子爲比乎此至當之論百世
不可易也曰唐制無爵稱子凡養德立園聲實明著

萬壽集

卷五

中

則謚曰先生何也曰此亦公謚也謂有司表其行而請之於朝既得謚則告諸柩前以白君之賜固非弟子之私謚也然法不應謚雖公亦私所謂漢魏以來事不足法者也亦何足據哉曰劉敞撰續謚法五十字自以爲待後世天爵之君子何也曰此原父之臆見也吾嘗覽其所撰五十字皆以古人之名實之其無謂殊甚自宋迄今而世亦莫有用之者抑天爵之君子令聞廣譽自足以垂於後世胡爲而私謚之邪是故弟子於師之亡也心喪則可謚則不可

徵賻答問

嵩溪集

卷五

五

汴省有卒於官者其寮案憫其亡也思有以賙之乃案牒下屬徵賻或問於嵩渚子曰卒於官而下屬徵賻可乎曰不可也何以知其不可也曰子未讀檀弓乎昔者子柳之母死子碩請具子柳曰何以哉子碩曰請粥庶弟之母子柳曰不可如之何其粥人之母以葬其母也既葬子碩欲以賻布之餘具祭器子柳曰不可吾聞之也君子不家於喪請班諸兄弟之貧者夫不家於喪惡因死者而爲利也子碩欲粥其庶母以供葬事其貧甚矣然子柳猶惡其家於喪焉古人之安分守禮如此子獻子之喪司徒旅歸四布夫

子曰可也夫世衰道微時人皆貪而獻子之家獨能守禮如此故夫子曰可也蓋嘉其廉云爾子高曰吾聞之也生有益於人死不害於人吾縱生無益於人吾可以死有害於人乎哉曾子曰君子之愛人也以德細人之愛人也以姑息吾何求哉吾得正而斃焉斯已矣由一聖三賢之言而觀之則下屬徵賻之舉斷乎其不可行也矧州縣之吏藉是以擾吾民者叫囂乎閭里催科鞭笞之下稱貸乾沒其弊又有不可勝言者矣是故爲此舉者施之於死者則爲不忠施之於死者之子弟則是不以孝廉待其子弟剥下以市恩孰謂知禮者爲之手然則何爲案牒而行之曰徇小仁而破大義蓋囿於世俗煦煦之見而不自知其非者也是故檀弓不可不讀

忌日答問

嵩溪集

卷五

本

李子當考妣忌日必杜門謝客不親書史疏素竟日客有造謁于門者闢人辭焉宅日客愠見曰先生何簡客也曰以忌日曰忌日不見客何也李子再拜謝曰某有罪某有罪已而仰天歎曰古禮之不明於天下也久矣檀弓曰忌日不樂祭義曰君子有終身之喪忌日之謂也忌日不用非不祥也言夫日志有所

至而不致盡其私也又曰忌日必哀其於考妣忌日致齊於內不通賓客守先王之禮也亦情之不容已者也粵稽諸古若王脩之母以社日亡每歲社日脩感念哀甚里間爲之罷社祝欽明以匿親忌日而貶申州元亘以忌日擘攝祭而甘坐罰凡此咸可鑒也夫既見賓客必接談笑而孝子之心忍乎不忍乎顏氏家訓曰忌日不樂正以感慕罔極惻愴無聊故不接外賓不理衆務而艾仲孺侍即嘗聞其祖母于歸時衣笥中得黔黑衣婦姒皆驚駭詰之曰父母教以遇翁家忌日着此服耳當時衣冠之家猶知此禮惜今未之聞也晦菴先生大儒也每於母夫人忌日着黔黑巾衫門人問其故先生曰子豈不聞君子有終身之喪乎先生凡值先代忌日必蚤起出主於中堂行三獻禮闔門蔬食此士大夫所當法也故曰君子有終制之喪有終身之喪有斯須之喪終制之喪三年是也終身之喪忌日是也斯須之喪弔日是也夫天之道陰陽不同時則當寒而燠者逆道也人之理哀樂不同日則忌日接見賓客笑談如故者逆理也君子愛人以德君其勿深咎予哉客再拜曰先生教我矣作忌日答問

招魂葬答問

嘉靖丁酉冬十二月十日汴馬生北赴南省試渡河走氷壞其舟溺而死求其尸逾月不可得其家擬招魂葬焉乃質於李子曰招魂葬有諸李子曰史傳有之禮家之所不取也吾聞葬也者藏也所以藏其形於地下以安厝也故擲周於棺棺周於身非身無棺非棺無槨也苟無其身而招魂葬焉則於義爲窒於德爲悖於禮爲不物何也亡者不可以假存無者不可以僞有也是故禮經無招魂葬之文漢魏以還或有冒爲之者而衣環荀組于寶孔衍之徒咸著論以非之可謂通幽明之故知鬼神之情者矣且人之死也歸神於天歸形於地故延陵季子曰骨肉復歸於土命也若魂氣則無不之也是故聖人制爲殯葬之禮本以掩厥形骸不以安魂爲事既葬之日迎神而返於家蓋孝子之心不忍一日離也詩曰祖考來格知自外至也又曰神保聿歸歸其幽冥也故墓以瘞骨廟以棲神此古今之通禮也乃若失形於彼穿壤於此誌石明器無柩可依若堂若坊虛文是尚反乎人情鑒乎聖典王者所宜禁也嗟乎閑靈爽於沉鬼之域是不仁也樹松楸於空棺之冢是不知也仁知

亡而人之道熄矣豈孝子事其親之心哉由是知招
魂而葬乃委巷之陋習非先王之遺制也豈可乎哉
曰招魂之篇見諸楚辭何也曰非是之謂也古者人
死則使人以其上服升屋而號曰皋其復遂以其衣
三招之乃下以覆尸蓋猶冀其復生也而荆楚之俗
或以是施之生人故宋玉憫其師屈原無罪放逐恐
其魂散而不復還乃託帝命假巫語以招之欲以復
其精神延其年壽而盡愛以致禱耳豈謂招魂而葬
之邪曰橋山之冢葬其衣冠何也曰好事者爲之也
按大戴禮孔子論黃帝生而人得其利百年死而人
畏其神百年亡而人用其教百年史稱黃帝在位百
年壽百十有一歲豈有騎龍上天之事乎世傳葬衣
冠於橋山者謬也曰然則當如之何曰閭閻眷屬宣
於遭溺之地備迎神之禮括髮徒跣號呼於塗而迎
之以歸祠廟以妥之木主以依之祝辭以告之牲醴
俎豆以饗之哭泣擗踊以哀之三年而除其服歲時
舉祀如常儀則庶乎其可也

許文正公仕元答問

或問許魯齋何如人曰魯齋天民之先覺身任斯道
之重以覺斯民者也歐陽文公玄稱其純篤似司馬

君實剛果似張子厚光霽似周茂叔英邁似邵堯夫
窮理致知擇善固執似程叔子朱元晦蓋兼諸儒之
長而有之姚文公燧謂五百年必有名世者惟魯齋
足以當之國朝薛文清公極其推尊嘗曰魯齋召
之未嘗不往往則未嘗不辭善學孔子者也又曰視
富貴如浮雲許魯齋其人也繇三君子之言觀之則
魯齋之爲醇儒明矣宜其節惠文正而從祀孔庭也
與曰魯齋既爲醇儒矣豈不知春秋內夏外夷之義
而乃北面事元何居曰魯齋河內人也生於金大安
已已其世金之世也其地元所有之地也世爲金人
鄉爲元域自其先世已氓於夷隔絕於宋久矣當是
時倫紀數壞日事於攻伐生民之厄已極仁人君子
可忍然坐視弗思援之以道乎矧世祖之於魯齋待
之甚誠禮之甚厚惓惓圖治之意屬望於魯齋者甚
切抑行道濟時吾儒素志亦安忍固守高尚之節而
必於不仕邪曰若然其於孔子作春秋之旨未免有
所盤與曰春秋所外之夷有過於楚者乎楚昭王聘
孔子而孔子亦往使其不沮於子西則孔子固將爲
楚之臣矣夫孔子魯人也尚可臣楚魯齋元人也乃
獨不可臣元邪曰魯齋既尊禮於元矣何以不盡變

其俗俾綱常倫理大明於斯世邪曰變必以漸弗可
以驟爲也胡元安於夷俗非一日矣魯齋以疎遠羈
旅之臣而欲一時盡變其俗勢不能也孔子曰齊一
變至於魯魯一變至於道夫齊中國也何不一變至
道邪勢不能也然當世祖之時綱常不至於絕滅人
類不入於禽獸者伊誰之功魯齋之功也近世丘瓊
臺劇論魯齋仕元之非崔後渠以爲昧稽實而肆臆
貶其然乎哉瓊臺又曰許子盍隱居教授以淑其徒
如劉因之屢召不出出而亟歸可也夫元取劉子於
名耳曾如待許子之尊其道德而極其隆禮乎假使

嵩澤集

奎里

圭

許子亦如劉子之屢召不出出而亟歸則世道生民
之庇將誰賴乎程朱儒者之學將誰倡乎嗚呼魯齋
德望風烈師表百世固非一時一人之論所能軒輊
漫述舊聞以爲答問俟就正於有道云爾

李文達公起復答問

或問父母之喪斬衰三年天下之通義也有服在大
僚者奪情起復禮與曰禮有之喪有四制變而從宜
取之四時也有恩有禮有節有權取之人情也又曰
門內之治恩揜義門外之治義斷恩資於事父以事
君而敬同貴貴尊尊義之大者也以是知抑情就職

禮之變者也曰古之大臣亦有勉從者乎曰有之唐
房玄齡張九齡宋冠準皆召起苦次釋纓拜命載在
史冊可考也曰李文達公之奪情起復論者何以嘖
嘖不置邪曰文達公聞父之喪在成化丙戌春二月
是時 憲宗初嗣位公受 英廟顧託之重

新皇 兩宮倚毗專切 詔公起復而令有司營

葬事公上疏言士見用於盛時者無分小大於父母

喪皆得盡三年之制若臣以所任之事而不得盡恐

無補於名教得 旨朕賴卿輔導母以私恩廢公義

宜抑情遵命以成大孝不允終制公復上疏言

嵩澤集

奎里

圭

陛下必欲起臣以爲 國家事重不得以彼易此今
內外大臣當任者皆忠正老成之人使臣在此不過
贊成其事無臣贊之亦不爲欠臣之去就甚輕昔富
弼累詔不起亦以朝廷有人不至甚不得已故也臣
之蹤跡似亦類此伏乞容臣終制假使未填溝壑驅
策駑鈍以報 皇上固有日矣復得 旨卿當深
念職任之重移孝爲忠不必固請終制所請不允於
是 遣太監林興輔行公聞故鄉歲侵加以師旅請
止官營葬不允既抵家裏事興即日促公上道夏五
月至京師入見 上慰勞有加公退上疏言

陛下謂臣可以委託堅使奪情而不知臣實駑鈍不堪有類折足之鼎且古之大臣若張九齡寇準輩雖起復而人不非者良以其人之才足勝重任有益於天下國家也如臣不過尋常之流無事之時亦招物議今不獲命則不知者謂臣心實以此爲榮姑陳奏章免人之議而已乞察臣至情而矜從之復得 旨禮有經有權朕特從權制用卿若固違君命豈得爲孝卿當深念大義勿恤微言勉起就任所辭不允毋得再陳公復上疏言臣累訴衷情 陛下曲加勉諭終不矜允奉誦 恩旨涕泗交頤臣所以不能遵

嵩漢文集

卷四

七

聖訓者區區之心誠有所不忍況臣日迫衰朽縱起供職未必能副 陛下盛意徒重臣之慚增臣之罪而已復得 旨卿言之再三朕已具知但委託尤重宜體至懷即日就任慎勿再言又 遣中官至公第道 上意夫 朝廷懇切固留如此公欲遂其私情得手論者不察乃伏大義以攻之遂使公之心事弗白於天下後世良可悲也南陽王文莊公鴻儒嘗爲公著論曰君子之爲義也或有所制而不得遂當察其心而不當即棄其人苟即棄之則天下無全人矣安陽崔文敏公鉞亦嘗曰文達奪情而相出於

新皇眷倚之篤非文達求之也羅氏勸 上遂賢之請可矣乃襲宋士詆嵩之文而醜言過斥何與二公文集具存其說固非阿其所好曲爲鄉先生辯雪也偶因或人之問聊述二公之言以答之漫識於茲以俟君子

薛文清公從祀答問

或問從祀之典徵諸著述有之乎曰有之唐貞觀間詔以左丘明卜子夏公羊高穀梁赤伏勝高堂生戴聖毛萇孔安國劉向鄭衆杜子春馬融盧植鄭康成服子慎何休王肅王輔嗣杜元凱范甯賈逵二十二

嵩漢文集

卷五

七

人竝令配享尼父廟堂皆以其有訓釋經籍之功此後儒從祀之始也曰是固然矣伯淳平仲弗事著述而亦從祀何也曰著述有明道之功固宜祀實踐有體道之功亦宜祀咸秩祀之所宜而脩食無忝者也曰 國朝薛文清公瑄屢有建言於 朝請令從祀者矣其人果何如也曰薛公學識純明操脩嚴密教人以復性爲先立言以明性爲要居敬窮理深造自得懋敦確篤實之功以力挽末世口耳辭章之陋習死生利害畧不動心出處進退皆可師法是故李文達公賢稱之曰 本朝理學一人彭文憲公時稱之

曰心契性理之淵源行蹈聖賢之軌轍窮達一心夷險一節洛陽閻禹錫稱之曰心印濂洛神會洙泗仕止久速充實輝光許魯齋之後僅見而已餘千張吉稱之曰士生宋後聞而知之篤信不變者在元有許魯齋國朝有薛公一人而已孔子所謂篤信好學守死善道孟子所謂富貴不能淫貧賤不能移威武不能屈薛公足以當之而無愧誠可謂守道之醇儒躬行之君子也顧從祀之典集議在廷臣錫予在朝中夫輩輩之士所敢與知邪曰成化間劉文安公定之嘗著論謂公直躬慕古講道淑徒進無附麗

謝漢集 卷之四 薛望

退無貪戀勤學好問可謂文矣歸潔其身可謂清矣是以存荷 聖知沒 賜美謚其為 皇朝名臣夫何間然至引考亭門人黃直卿輩而較量其著述之多寡若微寓不滿之意以為從祀之舉可無施行其言果出於公否乎曰此文安崇重祀典之嚴之意也抑人品如薛公學術如薛公允有體道之實行惡可以其著述之寡而少之哉間嘗歷考前代從祀之議有定於一時者有定於數十年之後者有定於百餘年之久者固非一人之見所能輕重於其間矧今理學大明崇儒重道之時薛公之從祀孔庭恐終

有不容已者矣余曩承乏晉臬巡行龍門河津之墟過其里居謁其祠宇詢之耆舊訪之士夫咸稱公為昭代真儒無可疑者至于侑食之議則有司存爰錄問答之辭以俟尚論者之采擇

原四首

壽原贈張翁

李子曰遐哉張翁之壽其有所自也夫余請言壽之道夫捐好惡則自然之天全矣遺榮辱則冲和之氣育矣從厭性則生可長矣忘厭機則神斯定矣夫人之所以成其生者以好惡為之累也惠子問莊子曰人故無情乎莊子曰然惠子曰人惡得無情莊子曰是非吾所謂情也吾所謂情者言人不以好惡內傷其身常因自然而不益生也此捐好惡而全自然之說也夫榮辱之念弗除而能不滑其和者鮮矣龍叔謂文摯曰吾有疾子能已乎文摯曰惟命之聽龍叔曰吾鄉譽不以為榮國毀不以為辱得而不喜失而不憂視富如貧視人如豕視吾如人處吾之家如逆旅之舍觀吾之鄉如戎蠻之國吾之斯疾也奚方能已之乎文摯曰嘻此非疾也子方寸之地虛矣此其視榮辱何如邪昔者海鳥止於魯郊魯侯觴之於廟

奏九韶以爲樂具太牢以爲膳鳥乃眩視悲鳴不敢
飲食此以已養鳥非以鳥養鳥也夫以鳥養鳥者必
棲之深林游之壇陸浮之江湖食之鰭鯢彼惟人言
之惡聞而奚以曉曉爲哉故雲門咸池之樂張之洞
庭之野鳥聞之而飛獸聞之而走魚聞之而沉人聞
之則相與環而觀之何也其性異也故善養生者從
厥性而已矣從厥性而生有弗長者乎子貢之過漢
陰也見丈人爲圃鑿隧而入井抱甕而出灌用力甚
多而見功寡子貢曰有械於此一日浸百畦用力甚
寡而見功多夫子不欲乎丈人笑曰吾聞有機械者
必有機事有機事者必有機心機心存則純白不備
純白不備則神生不定神生不定者道之所不載也
吾非不知羞而不爲也是故味莊生之旨則知好惡
之戕生也繹龍叔之論則知榮辱之滑和也鑒魯侯
之觴則知從性之順天也睹丈人之獲則知忘機之
順神也張翁栖志簡泊無所好惡而榮辱得失不少
縈諸心然又弗事矯飾從厥性而與世委蛇機械不
設壯老一致衛生之要道備矣今日翁初度也宗族
親友咸在揖遜有容壽年載舉余敢以是醴之賓筵
以著翁致壽之原

原姓上

濂聞生民之本在於姓氏周禮天官冢宰以九兩繫
邦國之民五曰宗以族得民夫自牧長師儒主吏友
數暨宗而九皆大君所立以管攝天下之心而使
之弗散者也三代盛時其法甚備秦漢而下猶未盡
亡鄭漁仲略曰自隋唐而上官有簿狀家有譜系官
之選舉必由於簿狀家之婚姻必由於譜系是故歷
代皆有圖譜局置即令史掌之乃復慎簡博通古今
之儒知撰譜事四方以家狀上者官爲考定藏諸秘
閣副在左戶厥制炳如弗可紊也是以當時人尚譜
系之學家族譜系之書源遠支分各有統紀男子則
稱氏女子則稱姓夫男子稱氏所以別貴賤也女子
稱姓所以別婚姻也故姓可呼爲氏而氏不可呼爲
姓貴者有氏賤者有名無氏今南徼諸蠻此道猶存
孔子曰禮失而求之野殆此類與嗚呼先王之制所
以使天下貴有常尊賤有等威不相紊亂而宗法立
國本固長治久安率用是道也秦并六國姓氏混而
爲一氏族之學世不復講而先王以族得民之意亡
矣矧自五胡亂華之後百宗蕩析夷夏之裔與夫冠
冕輿臺之子孫紊亂已極不可復辨學古經世之儒

于此每三歎焉然亦未如之何也已

原姓中

古者天子賜姓命氏諸侯賜族其實一而已矣曰姓者統其祖考之所自出百世而不變者也曰氏者別其子孫之所自分數世而一變者也凡言姓氏者皆原於世本公子譜二書而二書則本諸春秋左氏傳抑左氏所明者因生賜姓胙土命氏及以字以謚以官以邑五者而已夾添鄭氏乃復推廣得姓受氏者多至三十有二類而左氏之說始覺闕畧而未備然自漢以來偉夫聞人淹貫群籍之士莫如司馬遷揚

高漢集

金鑑

本

雄子長自序其所出曰司馬氏世典周史惠襄之間司馬氏去周適晉晉中軍隨會奔秦而司馬氏入少梁按春秋左氏傳隨會奔秦其後復自秦入魏而還晉固未嘗自晉奔魏也子雲自序揚氏所自出言其祖食采於晉之揚因以爲氏周衰而揚氏或稱侯號曰揚侯張衡非之曰晉大夫食采於揚爲揚氏食我有罪而揚氏滅無有所謂揚侯者夫問學如遷雄博覽古今如遷雄而譜牒踈謬不免人之詆訾如此甚矣氏族之難言也唐元和中朔方別帥天水閻某者封邑太原其上言非本郡憲宗謂宰相李吉甫曰有

司之誤不可再也宜令博雅儒生條其世系攷其郡望子孫職任皆總輯之凡加爵邑必先閱視庶免舛錯吉甫乃命林寶撰姓纂若干卷而說者謂寶不知已姓所由來又安能盡知天下之庶姓乎嗚呼世無刻子能言其祖者何人而不識其先不獨一籍談爲可笑也然則氏族之學顧可以忽焉而不之講哉

原姓下

氏族之學古人所甚重今世不講久矣矧吾李之在天下爲最繁雖一鄉一邑李姓者輒數十家而唐及南唐賜姓之多尤不易辨茲欲攷其源流究其遷徙

高漢集

金鑑

主

歷歷有據無所謬謬難矣哉瀛生也晚愚闇寡聞間嘗參稽世譜徧覈百家之說而畧得其一二矣按李氏系出顓頊高陽氏之裔高陽氏生大業大業生女華女華生皋陶字庭堅爲堯理官因官命族爲理氏夏商之季有理徵爲翼隸中吳伯以直道不容得罪於紂厥妻契和氏攜子利貞逃於伊侯之墟食木子而得全遂改理爲李氏傳十一世有名耳者字伯陽以耳聃也又號爲老聃居苦縣賴鄉曲仁里或曰聃六世祖碩宗周康王賜采邑於苦縣未知何據夫本理氏也厥後或改爲里氏或改爲相里氏咸臯陶之

後也當商之末理徵孫仲師遭難去王為里猶鄭之
為章邾之為來橋之為喬邾之為朱邵之為召從省
文也故晉有里克魯有里革鄭有里析而里克為晉
惠公所戮克妻司城氏攜少子季連逃居相城因為
相里氏猶葛氏之居諸邑者為諸葛也韓子曰相里
子古賢人也著書七篇漢有河隄謁者相里平持書
御史相里虎濟陰太守相里祉而相里氏有聞於天
下者寔多皆與李同族云聘曹孫曇生二子曰崇曰
璣崇之子孫居龍西璣之子孫居趙郡散布四國皆
其技業也瀛上世所自出遠不可考第祖考相傳汴
人也奕世以醫術所可知者瀛高祖之父諱景權御
醫府君由御醫府君而上遐哉邈乎弗可知已使及
今不為之譜將愈遠而愈失其真後世子孫曷稽焉
瀛為是懼竊又慮年齒漸衰精力日憊漫述所聞以
貽後之人作原姓三篇

高渚文集卷之四十六

連珠

演連珠五十五首 有序

嵩渚文集卷之四十六

大梁李濂川父

連珠

演連珠五十五首 有序

嵩渚子曰連珠古無是體也其昉于漢安帝之世乎維時班固賈逵傅毅三子受詔同撰嗣是蔡邕延篤劉珍潘勗張華又從而廣之梁昭明文選止載陸士衡五十首炳蔚典則非它作可及曰演連珠者言演舊義以成章也大都體裁流轉辭麗言約不指說事情必

嵩渚文集

卷四十六

二

假喻以達其旨蓋有合於古詩諷興之義且貫穿情理如珠在聯光彩爛然照映心目是以作者尚焉 國初文運肇興宗工輩出如劉伯溫宋景濂王子充諸名公皆嘗擬作而其經國之才濟時之畧博物之精畜德之富頗槩見於翰墨之間矣余游心藝苑竊慕雅音暇日摹倣爲之得五十有五首第愧聞見隘狹藻思彫落曷敢望昔賢之萬一亦惟姑守其矩矱之麤迹差賢於飽食終日無所用心者耳劉勰有言連珠文小易周思閒可贍

足使義明而詞淨事圓而音澤磊磊自轉可稱珠耳嗟乎如斯之妙何有於我哉聊叙始原兼宜鄙抱好古君子或有取於斯文

臣聞斗轉參移陰陽運而天功畢鴻來燕去寒暑催而歲事惟成是以阜藝稷契獻其猷而虞廷之鴻化彌乎六合蕭曹丙魏宣其績而漢室之駿烈盛於西京

臣聞人道參兩儀之大而識有所弗通垂羽極萬物之微而智有所不闕是以巢居者知風風將來則徙巢穴處者知雨雨將至則出穴

嵩渚文集

卷四十六

二

臣聞果藏於室陽春乃芽髮附於膚剪截罔痛是以仁者與萬物同體一氣川流聖王盡百姓之情四方風動

臣聞天下萬殊而一本聖人異世而同神故陰慘陽舒機緘莫測春生秋殺功用惟均是以湯武之征誅何戾唐虞之揖遜孔孟之著述允符周召之經綸臣聞酸醎異嗜寔難以一律齊材器殊科不可以九品定故鳧頸雖短續之則憂鶴脰雖長臧之則病是以猿狙之靜躁靡一俱樂其天鵬鷃之大小弗同名安其命

臣聞心之所感幽無不通氣之所包言弗能究故精神可以貫金石聲音可以格鳥獸是以蕭韶成於虞廷而九苞來儀玄鶴奏於師曠而百羽咸臻
臣聞聖王御天期遂民之素願蒼生懷土思樂業於鄉關是以欲各不同箕星好風而畢星好雨家無不戀狐死首丘而豹死首山
臣聞有九方臯之目能辨紫燕之奇有風胡子之神始別青萍之銳是以豪士失遇而飲悲哲匠逢知而售藝故薛簡肅識范景仁於童稚之年歐陽公拔魯子固於困瘁之際

萬壽文集

卷之六

七

臣聞物有相制肆神理之難明用有相資惟知者爲能格是以鹽非金匹也而洗金則以鹽石無玉貴也而攻玉則以石

臣聞至仁布而四海服大義舉而萬姓欣是以盡瘁之迎翹首雲霓之主牛酒之獻歸心縞素之軍

臣聞晬晬春華何如秋實煌煌五輅惟恃兩輪是以霧縠氷綃豈宜備禦寒之服雕蟲篆刻不可爲輔世之臣

臣聞羽虫含覺得氣之先哲人秉靈知風之自故幾動則應乎聲世變則徵乎異是以鸛鶴集於中國

而魯史必書杜鵑鳴於天津而洛翁興喟

臣聞學不貴多文湏博見理雖至約進必盈科是以漁父取魚不作一目之網獵夫獲鳥肯爲半面之羅

臣聞守有餘者貞於嶮巇量不足者難於負荷是以鮑勝之才不及王貢而守過之故成其名山濤之才亞於稽阮而量右之故免於禍

臣聞見有所拘告弗容潰故夏蟲不可以語冰裸國不可以議服是以山中之叟弗信如木之魚海上之人弗信如魚之木

萬壽文集

卷之六

四

臣聞日不常午月不常望年不常豐人不常壯是以虧盈益謙者天道之常燭兆明微者哲夫之亮故微世無虞聖王切履墮之憂防疾未萌君子免采薪之恙

臣聞量力而進進則有成審已而謀謀則必中苟志廣而慮疎斯挈輕而失重是以精衛填海而海豈可平螭負山而山何能動

臣聞著替不棄國重故交跡屢弗遺士知引汲賸薄俗之可嗤慨古風之難及是以王陽登朝而貢禹彈冠子皮捐館而國僑灑泣

臣聞日月有時而蝕理不可虧世教有時而衰道不可毀是以狂瀾既倒而底柱猶存風雨如晦而雞鳴不已

臣聞中衰之業賢嗣克振其宗積善之家後昆必紹其美蓋一氣妙感召之機天運有循環之理是以仁傑有餘慶而兼謨爲之孫安石有餘殃而元澤爲之子元澤王季子

臣聞乾鵠晨噪聞之者欣鵠鵠夜鳴聞之者惡是以君子之一言出而天下皆以爲經小人之一言出而天下無有不怒

高唐文集

卷之五

五

臣聞源泉既遠徒挹末流玄酒已空聊甘糟粕是以禮廢而絲絃興詩亡而楚騷作

臣聞勇不輕生智不居寵故惺中決勝辟穀從遊膝下包羞登壇震悚是以智而能愚天下之大智勇而能怯天下之大勇

臣聞鼠可害象豺能殺虎故三戶可以亡秦一夫可以勝禹是以明王慎德獨觀萬化之原君子知微克贊三才之矩

臣聞道分天地位列君臣故莽操師昭史氏著其罪文王泰伯仲尼嘆其純是以叩馬止戈首陽有噍

薇之少斬不躍劒戰國稱吞炭之人

臣聞窮居寂寞徵君子之操持世態炎涼見人情之浮薄是以仲蔚之宅惟長蓬高翟公之門堪羅鳥雀

臣聞一窮一達生民之定分一寒一暑造化之鴻鈞是以龍蛇之伸於霄漢者以其屈杞柳之屈爲栝櫟者以其伸

臣聞女妬於宮色貽身累士嫉於朝才招衆譁是以上官肆讒屈原沉於湘水絳灌不悅賈生竄於長沙

高唐文集

卷之五

五

臣聞故奴年耄可備咨詢老馬齒衰能識道路是以召公求去而元宰懇留司馬再相而衛士驩呼

臣聞堅冰積雪木之禎祥貧賤憂勞人之慶幸是以木經寒沍歛脂液以滋其根人歷艱危益悔厲以養其性

臣聞帝德盛於唐虞王道先乎水土故五辰惟叙溟海無波六府孔脩蒼生安堵是以分方授職朝欽四仲之官善政養民功著九韶之舞

臣聞天下之封壤不同所同者感應之理天下之編戶不同所同者好惡之心是以甘棠之陰誦德者

留詠峴碑之下墮淚者滿襟

臣聞僊術玄微詎容以旁蹊入形軀枯瘠不可以多
室腴故九轉鍊金傾資於爐汞三峯采玉殞命於
房姝是以粉黛充幃必無良之宕客布衾獨宿寔
有道之英儒

臣聞昊天之道徧覆而仁同王者之恩均施而惠普
是以春風能榮萬卉而不能榮一葩聖人能富四
海而不能富一戶

臣聞全形自保至道寓於守愚滅智弗彰古訓嘉夫
善晦是故膏油以明而煎泗石以音而碎翠禽羽

麗畢生虞羅之徒神龜殼靈授命津漁之輩

臣聞事有邪正言有駁純故歡溺尋常聊堪飽腹衣
錦絢爛難以救焚是以繁廢淫哇不足謂之樂難
溢險惟不足謂之文

臣聞孤忠之士履難險而不辭獨醒之夫繫綱常於
既敗是以一園之木支大厦之顛危五寸之鍵制
重門之闔闢

臣聞物極則反法久則攜故通變宜民國斯可永補
偏救敝政乃不迷是以尊尊而親親周公以弱而
喪魯舉賢而尚功太公以強而亡齊

臣聞九章弗軌聖人不得已而用刑四方弗庭聖人
不得已而用兵故兵法兵鈴但明節制刑書刑鼎
特示章程是以欽恤者用刑之本仁愛者用兵之
情

臣聞用枉其才官人之極弊才適其用為治之良圖
故干將割於厨中即庖丁之刃騁憂立於仗下同
驚駘之駒是以伊傳下僚豈有格天之業禹臯散
地終無輔世之謨

臣聞善以化成惡由習取故火鼠弗畏熱而水蠶弗
畏寒糞蛆不知臭而蠶蟲不知苦是以學道貴乎

擇方問舍必先察主

臣聞負才於已受命於天故才與時逢際雲龍之嘉
會命與時忤守林谷之退閒是以有才無時孔子
轍環於列國有時無命許由槁死於箕山

臣聞樂天之叟志不在於豐居守道之儒義弗容於
苟祿是以景公千駟豈如顏氏之一瓢齊國萬鍾
難挽畫邑之三宿

臣聞天有晦明人有語默故著述則因平時侍坐則
觀乎色是以雷不聲於啓蟄而聲於日至則氣機
乖雞不鳴於鄉晨而鳴於宵中則人聰惑

臣聞千年之松霜雪靡彫其色百鍊之金始終難變其質是以灌夫不負寶嬰於橫斥之時任安弗忘衛青於退休之日

臣聞畫月者弗能畫其明貌泉者弗能貌其聲是以語言文字之間曷足以盡道揖讓周旋之際寔難以洞情

臣聞理有所難詰事有所難窮故物畏其天不在大小毒逢其制立見禍凶是以魚不避網罟而避鵠鵠蛇不死鋤斧而死蜈蚣

臣聞萬斛之舟在一柁之綱維八鸞之車聽六轡之萬葉集卷之六 余東六

控馭是以卜商博聞不如曾子之守約顏氏如愚何貴冉求之多藝九

臣聞鵠羽亂鳳辨之惟明魚目混珠一之非是故采欺世之虛名爲執衡之大累是以孟嘗君養列國客而不能得一客公孫弘延四海士而不能得一士

臣聞衆言之淆亂定於聖智之片辭細物之死生繫於閭巷之一語故佞諂雖若無稽傳播則不可弭自夫弗入愁門之言出而燕之福無窮自夫復生雙尾之言出而蠲之禍無已

臣聞權分輕重鑑別妍媸故短綆不可以汲深小梯不可以陟巍是以夷齊返於首陽或有加富二等之諷許由逃諸逆旅或有竊取一冠之疑

臣聞家蓄吠犬里巷皆寧國有謀臣邦家之慶是以吳請成於越而范蠡不可越王之霸聿成楚求和於漢而留侯弗從漢高之業遂定

臣聞一心清靜百病自爾靡干五官和平四體因之不死故願神之士冲默端居衛生之家保耆加愛是以錘砧日聒鍛工之耳先聲爰燁歲慮庖丁之目蚤贖

臣聞學貴躬行德先文藝故家藏萬卷罔切於身口誦五車何裨於事是以公明宣三年而不讀書趙中令半部而足輔世萬葉集卷之六 余東六

臣聞洩夫謫誕日拙而卑碩士高明天游乃廓是以貴如商君富如石氏然利害禁擾無時而非憂貧如原憲窮如伯夷然心志淵澄安往而不樂

高唐文集卷之四十七

雜著三十一首

擬漢高帝封樂毅後詔 高帝十年

擬漢為公子無忌置守家五家詔 高帝十二年

擬留侯謝病書

補公孫弘荅鄒長倩書

毀白起廟文

書戒六首

瞽言四首

學稼堂賓位咨目四首

高唐文集

卷之四十七

工

諭工

勉問

錄畢

高唐文集卷之四十七

大梁李濂川父

雜著三十一首

擬漢高帝封樂毅後詔 高帝十年

十年甲辰秋九月高帝過趙問樂毅有後世乎對曰有樂叔乃封之樂卿號曰華成君

蓋聞前代智勇之臣忠于所事功業建于當時聲光

流于後世朕甚嘉之屬過趙地寔昌國君樂毅故墟

封祀斷絕朕心惻焉矧惟戰國之世士無定君君無

常臣毅獨擇主而事之燕昭王以為亞卿徐興雪耻

之師乃付以上將軍之任并讓趙楚韓魏燕五國之

高唐文集

卷之四十七

二

兵以伐齊破之濟西濟王敗北指顧之頃下齊七十

餘城皆為郡縣毅可謂有大功于燕而無負于昭王

矣後惟譏間遁逃走趙乃遺書嗣王以宣布衷曲忠

憤激發上貫星日君子悲之朕提三尺誅無道秦

亦惟忠賢是賴今天下既定追獎先烈訪求子孫俾

承廟祀所以勸有功也其以裔孫叔為華成君封之

樂鄉奉毅後世世勿絕以稱朕崇德象賢之意

擬漢為公子無忌置守家五家詔 高帝十二年

昔者武王克商封比干之墓表商容之間所以褒賢

聖風四海也朕過大梁駐蹕夷門之下聞魏安釐王

時有公子無忌者謙恭禮士不耻下交執轡監門枉駕屠市卒賴士力卻秦救趙威震于諸侯既成大伐益敦退讓而趙之君臣感德服義口不忍言獻五城可謂一世之雄豪矣閔代遠風緊猶存今家墓荒涼鞠為茂草朕甚愍之特命郡國為公子置守冢五家俾世世以歲時奉祠公子仍復其家亡與它事庶得專守塋域防禁樵採以慰公子于九原所司其欽承之勿忽

擬留侯謝病書

按史記漢書載良辭高帝止數語今敷衍成篇

留侯臣良昧死再拜言臣聞之師曰賢人君子明于

滿漢文集

卷之七

七

盛衰之運通乎成敗之數審乎理亂之勢達乎去就之理臣雖非其人竊有志焉而未之昭晰也伏念臣家世相韓及韓滅不愛萬金之資為韓報仇繼秦天下震動侵侮焉奔走四方間關道路幸遇陛下于陳留一見語合辱命臣為廐將臣感知遇罄竭忠悃數以太公兵法進說左右陛下不棄對非時時嘉納之曾未五年平一海內此天命也臣何功之有屬者剖符作誓分封功臣丹書鐵契金匱石室藏之宗廟盟諸帶礪甚盛典也臣素多病體質孱弱雖處從法駕東征西伐徒以三十舌與議帷幄愧無塞旗斬將之

績乃亦封萬戶位列侯此布衣之極於良足矣竊聞老子曰知足不辱知止不殆可以長久又曰功成名遂身退天之道也是故殷道復興伊摯請老越王既霸范蠡五湖臣不佞固不敢僭法元聖亦不能效鵲夷子皮乎神堯御極下有巢由川泳林棲各遂其性伏望陛下察臣知足知止之心憫其夙疾縱之長往臣願棄人間事相羊海濱從赤松子游辟穀道引以延長年則犬馬餘生皆陛下之賜臣不勝惓惓敢昧死以列侯印綬上

補公孫弘答鄒長倩書

滿漢文集

卷之七

七

按西京雜記及古文苑長倩以三物遺弘有書一篇弘答謂弘不存今補之

元光五年月日弘再拜長倩足下弘舊川鄙人家素貧窶牧豕於海上蹉跎後時弗聞先王之教乃者主上即位之初繆以賢良應徵奉使無狀蒙恩弗賜誅戮免歸鄉里厥幸大矣屬奉明詔搜訪遺逸郡國復推上弘猥辭靡繹賴賴就道伏辱足下解衣脫屣資給徂西惠我者甚腆乃復贈芻一束素絲一襪撲滿一枚絨書達意旨趣淵永顧弘何人曷以當此詩曰生芻一束其人如玉君子比德於玉蓋嘗聞諸仲尼矣溫潤而澤仁也縝密以栗知也縝而不劇義也匪

之如墜禮也叩之其聲清越以長其終訕然樂也瑕不掩瑜瑜不掩瑕忠也乎尹旁達信也詩曰言念君子溫其如玉足下以王而勗弘自愧委瑣無以仰副長者之意寧肯自棄弗知底厲以終負良誨邪今夫絲之爲物也出於蠶口成於繭繰自忽以至襪非一縷之積也是故拳石日累泰華埒焉涓滴不已江河匯焉粒米之積可盈倉庾寸陰之積可成萬古天下之事莫不皆然君子克勤細善式基大功惟德罔小斯貽鴻慶睹茲素絲寔吾進德之藥石也已嗟乎撲蒲則破可復完乎積而能散明哲保身之道也老子

萬壽文集

卷之七

四

曰多藏必厚亡是故君子知滿之不可居也恒處于不足昔者原憲作宰有粟九百憲懷懼請辭仲尼止之曰盍與爾隣里鄉黨乎陶朱公用計然之策既施諸國而霸矣復施諸家而鉅富其妾悲號恠問其故曰總于貨寶非家之福也陶朱公嘉其言乃散金於貧交疏昆弟此所謂積而能散者也弘人品閭劣乏超見遐識然執儉守約竊聞之於有道者猥承訓迪允契夙心願終身誦之矢弗忘機滿之戒日月逾邁後會末期倘弗棄捐歲規必再求懷風義仲聽嗣音弘再拜

毀白起廟文 有序

嘉靖癸未秋九月李子提刑山西過上黨之長平時天氣慘澹木葉盡脫秋聲颼颼杲日將墮方劇憤懷之懷乃褰帷遠眺見古廟焉召父老而問曰此何廟邪父老曰武安君白起廟也每歲春秋之仲居民集優伶鼓樂婆娑歌舞以饗祀之李子乃駐車山麓令邑令亟毀其廟輦材木尾斃于邑內構學舍以訓蒙士抑恐父老弗知所宜也爰摛文以著起之罪其辭曰

萬壽文集

卷之七

五

嗚呼噫嘻不仁哉白起之爲將也粵自太公以來握將帥之權擅用兵之長者代有其人未嘗不以仁義爲本夫以至仁伐至不仁以至義伐至不義救民于水火之中而已矣詎有殘忍酷暴視人命如草菅快殺戮於漂杵如起之所爲者哉嗚呼噫嘻起生於郿寔鍾厲氣賦性蛇虺處心梟獍磨牙吮血嗜殺無厭其始爲左更而攻韓魏於伊闕也則斬首二十四萬嗣攻魏拔華陽走芒卯而虜三晉將也則斬首十二萬嗣與趙將賈偃戰也則沉其卒二萬人於河中厥後攻韓陘城拔五城也則又斬首五萬茲坑趙降卒

於長平也四十餘萬人挾詐而盡殺之嗚呼噫嘻不
仁哉銳頭兒也皇穹造物上帝好生惻隱之心人皆
有之汝亦人耳獨無是心邪前後殺戮奚啻百萬然
則壯鄧之一劔曷足以償百萬人之命乎嗚呼噫嘻
天人之際甚可畏也是故福善禍淫見于書虧盈益
謙炳諸易天定勝人唱之史自起而後吾徵二人焉
李廣白首不侯語王朔曰吾爲隴西守嘗誘殺降者
八百餘人至今獨恨此耳朔曰禍莫大於殺已降此
將軍所以不侯也虞詡東都儒將二十年家門弗增
一口臨終謂其子恭曰吾平生行已無愧但爲朝歌
長而殺賊數百人其中何能不有冤者斯獲罪於天
也夫二人之濫殺不辜較起所殺之數多寡懸絕然
猶或削其封焉或勦其後焉陰密之遷使者之劔亦
云晚矣嗚呼噫嘻凡人有歉於心者必有愧於天心
即天也天即心也夫豈有二乎哉起之自到也乃曰
我固當死長平之戰趙卒降者四十萬我詐而盡坑
之此足以死是起有歉於心久矣語曰天網恢恢疎
而不漏起之罪天安得赦之乎嗚呼噫嘻坑卒之事
趙人固不幸違厄已而秦人殺傷者亦過半焉至厘
秦王自行河內督發民十五以上者咸荷戈以向趙

又賜民爵各一級以慰疲戰之心可謂破趙之功小
而傷秦之敗大何晏謂起善戰而拙勝後亦難以重
得志矣誠確論也余曩讀遷史至趙世家暨白起傳
未嘗不掩卷悲怛今輜車西邁經行戰場親見觸骸
成山遺鏃滿地而又駭駭于廟貌之在茲也亟命毀
厥廟以絕厥祀孟子曰善戰者服上刑夫上刑且當
服而顧可以祀之乎此余毀廟之本意也

書戒六首

嵩渚子曰人之有賴於書也爲其開發聰明長益才
智窮萬物造化之原究古今治亂之迹考禮樂制度
之詳明善惡邪正之歸以淑吾身以資吾識以施諸
人倫日用之間以措諸家國天下之大斯乃讀書之
實用也苟或不知此意徒以爲綴緝文辭之需鈞取
利祿之具則失古人讀書之義遠矣吾不欲汝曹之
爲之也嗚呼其戒之哉

嵩渚子曰吾少孤而貧性雖嗜書力弗能置每假借
友朋書冊連夜抄寫刻日緘還故假借者弗厭焉自
服官以來節縮俸入尋訪購求積以歲年經史畧備
遇有脫落手自抄補歸田多暇頗得肆力於此朝夕
披閱自以爲人間之至樂也邇來齒逾六十血氣浸

衰來日無多豈能徧覽所望為子孫者寶而藏之母
致散逸取而讀之母致損汚則養志之孝於是乎在
嗚呼其尚體念之哉

高渚子曰書不難於積而難於讀不難於讀而難於
悟不難於悟而難於行積而不讀猶不積也讀而不
悟猶不讀也悟而不行猶不悟也嗟今之人有積書
滿屋而弗能讀者矣有背誦無遺而弗能省悟其義
者矣有省悟了了而弗能允迪實踐者矣書貴入乎
人負書乎語曰讀得一尺不如行得一寸最哉小子
慎勿徒為書櫃也夫

高渚集

卷之五

上

高渚子曰人有恒言非聖之書不可觀無益之文不
必作吾每見人有好觀非聖之書好作無益之文者
其人必浮薄躁妄踰閑犯禮為君子所不取蓋平日
無義理以灌漑其心防檢何由而密言行何由而臧
乎此最學者所當戒

高渚子曰裴晉公云凡吾輩子弟但可令文種無絕
然其間有成功能致身萬乘之相則天也黃山谷云
四民皆有世業士大夫子弟能知忠信孝友斯可矣
然不可令讀書種子斷絕有才氣者出便當名世矣
陸放翁云子孫才分有限無如之何然不可不使讀

書但書種不絕足矣貧則訓課童稚以自給亦是佳
事切不可迫於衣食為市井小人事耳夫先民之言
莫不以子孫讀書為第一事汝曹聞此當知所以自
力者矣

高渚子曰凡吾點勘書籍雖未能盡得古人精微之
蘊然於章句音讀之間綱領旨要之所在亦頗明矣
為吾子孫者當珍藏寶玩以為傳家之重器可也開
心牖以成聞人保手澤以貽永世區區懇望於賢子
孫者如此若有輕易假借與人及收貯弗謹者均為
不孝庸茲諄諭垂示方來

高渚集

卷之五

九

詩言四首

或問士何學高渚子曰學道曰學之方奈何曰爾知
夫苗乎土以培之糞以腴之雨露以澤之本根既盛
而秀而實其孰能禦焉是故君子之為學也培之以
敬腴之以不息澤之以經籍夫經籍以致用非以資
博也不息以廣業非以飾外也執敬有恒非以弋譽
也君子篤志於學以為己而已矣

夫道一而已矣古之為道也本乎一今之為道也出
乎二二則支支則離支離則畔於道矣是故立德立
言其心同也德業舉業其理同也學道學文其體同

也知其同守其一先後有序弗支弗離夫何畔之有
六經文之至者也諸子文之工者也天何文哉日月
懸象地何文哉山川成章故六經之文似之紆志以
顯物綿情而肆采諸子之文工矣而非至也嗟乎文
至於工亦難矣三代以來稱工於文者春秋則左丘
明戰國則莊周荀况韓非秦則李斯漢則司馬遷賈
誼董仲舒劉向楊雄唐則韓愈柳宗元李翱元結宋
則歐陽脩王安石曾鞏蘇氏父子僅二十人焉爾夫
二十人者之於文誠工矣其視六經之文猶燧之於
日也潮之於海也何也六經者道之邪也包羅天地
萬物之理

金鑑

上

揆叙萬有天下之至文也不求道於經而惟文之爲
雖工弗貴焉

文也者非君子之極致也譬諸居室焉忠信者基也
恭敬者棟也仁宅也禮門也義路也智牖也文丹雘
也築厥基立厥棟廣厥宅闢厥門廓厥路啓厥牖乃
復塗之以丹雘室斯備矣苟惟丹雘是塗而基棟弗
治其何以爲善室故曰文也者非君子之極致也

學稼堂實位容目四首

閒退之人屏處林壑矢堅晚節以遠耻辱苟踰禮義
之閑瀝通世刺瀝瀟有司則廉耻掃地貽辱縉紳其

寧死弗爲也鄉里親識凡有事公門者幸勿啓齒某
實弗敢從命抑即使勉從在位者孰肯俛首聽我亦
何益於彼之事乎夫自喪廉耻罔益彼事繁人已奚
利焉語曰君子不強人以必從不責人以所不能爲
伏惟加察右辭請託

某年逾六十血氣早衰稍勞心思輒動疲火怔忡眩
暈常弗成寐詢之醫師咸曰此心血損耗之故法當
省思戒作文字不爾非延生之道也凡枉顧君子倘
以文事見屬其實弗能拜命伏冀曲賜矜恕弗加譴
責則朽腐老人感德多矣其悚又謹告右辭求文

金鑑

金鑑

上

曩初還田廬年齒尚壯間有一二友朋過從講學口
耳訓詁勉酬答肆予拋棄金蹄積歲已久自揣疎
繆無補俊髦相對厚顏遂爾謝絕今驛驛暮舊殖
益落反視故吾一蠢然老農耳童蒙求我何以副厥
來意乎幸加體察別訪良師某非敢爲拒也力不能
也惟諸賢諒之右辭來學者

初度舉賀古亦有之顧衰老之人靡堪勞役凡我親
友竝乞停止如弗賜俯從必欲惠顧爲俎豆光其預
以一揖請嘉貺腆儀咸辭免敢告從者右辭賀初度

論工

嵩渚文集卷之四十七
歲戊戌余造宅閱工睹諸匠之勞於所事也乃論之
曰汝役汝力吾役吾神役力者得以消食飲而導其
氣役神者寔以費籌畫而耗其真是故役神之士鬚
髮易白而役力之家多老壽之民古云形苦志樂者
益其算形樂志苦者損其身此固氣血流滯之所以
分而亦天道之乘除有不可得而究陳者歟

勉問

孔子曰審問之子思曰道問學惟學斯問惟問斯覺
余每恨讀書有得而無入下問或讀書有疑而無處
問人嘻無人下問斯固近時學者好高自滿之病而
無處問人寔余離群索居之故是以孤陋而寡聞也
仲虺有言好問則裕嗟余不敏面墻是懼毋自挾以
驕毋自闇以蔽有疑斯問有得斯契敢不虛心而沒
齒以勵乎

記一 八首

遊王屋山記

遊明月山記

遊百家巖記

遊白茅寺記

遊石門潭記

遊濟源池記

遊龍潭記

遊盤谷記

大梁李濂川父

記一 八首

遊王屋山記

王屋山在濟源縣西百里禹貢曰底柱析城至于王屋是也以其山形如王者車蓋故名或曰山伏如屋也又曰山空其中列僊宅之其內廣闊如王者之宮也按龜山白王上經暨茅君內傳皆云大天之內有玄中洞三十六第一曰王屋之洞周迴萬里名清虛小有之天杜甫詩憶昔北尋小有洞即此山也其絕

高渚集

卷之四十八

一

頂曰天壇常有雲氣覆之輪囷紛郁雷雨在下飛鳥視其背相傳自古僊靈朝會之所世人謂之西頂蓋以武當山爲南頂泰山爲東頂而並稱三頂云余夙慕天壇王屋之勝顧塵事羈縻恒以未獲一遊爲憾歲乙巳三月十三日乙亥蚤起渡河往遊是夕宿原武翌日丙子宿武陟丁丑宿單懷戊寅宿濟源而濟源令陶金實治具以從已卯晨出縣城西走溝中四十里飯胡嶺又折西南行十五里度秦嶺皆行山上逾五里至劔河堡南行又折西北行十五里至陽臺宮宮在王屋山之麓唐司馬承禎修真之所也明皇

高渚集

卷之四十八

二

御書寥陽殿三巨字殿中塑昊天上帝像旁侍十二元辰皆偉麗而白雲道院乃在寥陽殿之東曰白雲者承禎別號也入道院見大鑊一徑丈深數尺勝國時物也宮之南有八僊嶺其勢如八僊冠佩下天拱揖而嚮陽臺又有僊猫洞不老泉皆去宮不遠出陽臺宮東北行下山百餘武謁煙蘿子祠祠之前有洗參井祠即煙蘿子宅址也煙蘿子者晉天福間人燕姓失其名世傳煙蘿子佃陽臺宮田苦積功行忽一日於山中得異參闔家食之援宅上昇云過煙蘿子祠北行磽道中褰亂藤履危石東西兩山壁立千仞風颼颼起巖谷林木間令人震恐磽道中行八里復上山坂疊嶂盤曲莫記層數將抵紫微宮而道士數十人霓旌羽衣笙簫鼓樂逐余而來乃循石磴導引入紫微宮仰視臺殿如在天上至前門見其金書榜曰王屋山朝真門入前門爲天王殿榜曰天下第一洞天又上一層曰三清殿面對華蓋山如几案然又上一層曰通明殿塑昊天上帝像殿中環列朱龕貯國朝御賜道藏經若干函有碑記數十通余徧覽焉皆宋金元時物薄暮酌方丈之松菊堂道童五六人歌雲水道清曲佐觴又調雙鶴舞階下頗有物外煙

霞之趣漏下三鼓始寢翌日庚辰夙興爲天壇絕頂之遊乃乘小山轎僕夫持絙牽輿以上出紫微宮西上二里至望僊坡閣披雲子脩煉之蹟又上四里至憇息亭凡登絕頂者至此必飲茗少憇故名其地有仰天池四面高中凹舊有泉今涸事余之西遊也仲子礪叟定待行至此則山愈峻徑愈險雖小轎不可行乃徒步以上礪叟不能從先還紫微宮候余矣過此則躡瘦龍嶺登一天門曰瘦龍者以山脊之癯如瘦龍露骨也一天門有草衣道人者結菴巖畔召之語弗荅蓋持戒不言也過一天門登十八盤山石壁陟絕旋繞而上至躡雲嶺巔蘿子登僊石石上有足跡下有澗曰避秦澗又稍上則紫金巖巖之右有三官洞洞之前有僊人橋遇方士劉鶴霞于洞中講歸根復命之言余聞其言灑然少頃至南天門則愈陟絕手攀鐵索以上觀軒轅黃帝御愛松小憇換衣亭謁玉皇殿殿之東曰清風臺西曰明月臺皆巨石也又行數十武至絕頂入虛皇觀謁軒轅廟真君祠乃陟三級瑤臺極其遐覽東曰日精峯日始出時晶彩爛然西曰月華峯月上時光華先見也於是東望海岱西眺崑丘北顧析城南俯黃河如線而嵩山

少室隔河對峙咸聚目前下視華蓋諸山卑如培塿竊意天下奇觀無踰此者余徘徊久之乃下三級瑤臺徧觀古今諸石刻而日已晡矣是夕宿上方院偶思李白詩願隨夫子天壇上閒與僊人掃落花之句超然有遺世獨立之心焉余入寢室將就枕道士走報曰僊燈見矣請觀亟出戶視之則見遠火如流星下上明滅杳無定迹時從行者數人咸相顧駭異辛巳昧爽起觀日始出之景甚奇天既明陰雲蔽翳移時弗散頃之開霽步至北天門見古松十數株夭矯如虬龍環列成行儼如侍衛皆千百年物也遂觀捨身崖志心石在東北虛巖之上突出一石闊尺許長丈餘勢欲飛墜下瞰峭壑神悸股栗又觀老子煉丹池池上有老子祠古碑存焉聞東北有王母洞奧邃莫測人跡罕至元歲時投金書簡于此余欲往遊之道士曰徑險不可行且有蛇虎潛其中遂止乃下南天門一里許遊黑龍洞洞前有太乙泉一曰太乙池蓋濟水發源之處也世傳析城之山升白氣于天落五斗峯化爲濕雲自石竇中滴水降太乙池云道士曰每歲諸元會日五更之初輒聞僊鐘自遠洞中發聲悠揚清婉可聽又曰日出沒時間有倒影之異

余暫遊而速返悉未之逢也是日繇舊途下山仍宿紫微宮翌日壬午回濟源縣返駕共城地邇而還曩余未第時嘗夢遊一山極奇絕嗣後宦遊四方遇名山輒遊之鮮與夢符者乃今王屋之遊與夢中所見歷歷皆合畧無差爽然則斯遊也良亦不偶矣哉作遊王屋山記

遊明月山記

太行之陽丹水之東有山焉曰明月山蓋太行之支峯也層巒疊嶂聳峙于後而左右迴抱宛如城闕有寺巋然在山之半者曰明月寺也余西遊天壇還乃繇清化鎮西行至五里堡折北行七里許至山神廟始躡明月山之麓石逕兩旁雜樹交蔭悉桑柿青楊胡桃諸木維時三月垂盡櫻桃滿山谷果纍然如紺珠赤璣摘之可食值微雨初霽塵歛宇清心神怡悅自山麓仰登三里許苔磴逶迤盤轉而上寺之諸僧皆持香花奏笙簫下山迎迓歷峻坂抵稍平處則金剛殿再陟則天王殿又再陟則大雄殿又再陟則水陸殿殿之前有旱蓮花生石罅中六七月則開階砌之右有連環雙井味甚清冽又再陟則藏經殿先朝賜經貯于此是殿之西則蒼公洞洞方一丈有

天平石光瑩如碧玉曰蒼公者寺之逝僧也嘗居是洞又再陟則觀音閣高逼霄漢可舒遠眺閣之東峯下有泉曰課蜜泉正德初河南提學副使歷城王公勅所鑿水極甘美群蜂爭聚吮之朝夕弗散因名課蜜云閣之西有祖師堂塑五僧像實開山以來住山者皆名德曰空相廣惠古峯蒼公雲峯也余見寺山皆古栢無它木恠問其故老僧曰元泰定丙申僧空相始創茲寺乃以泥九栢子持彈弓四擊巖中今蒼鬱成林障蔽天日者皆泥九栢也寺舊名明月國朝天順戊寅 賜額曰寶光寺而寺僧數十人咸以織麻屨爲業依岩傍草花竹環擁佛宮僧寮分據幽勝而寺之前後諸巨石如伏犀馴象不可狎玩是爲置懷一郡之佳境云李子曰邇余之遊天壇也見御賜道藏經茲遊明月則又見 御賜佛藏經皆全部余汴人也汴中諸寺觀匪無二經皆散佚零落不可讀嘗有志印購欲徧覽焉顧力未能耳期以數年之間賤軀強健擬齋糧渡河重遊福地讀道藏于天壇讀佛藏于明月弗限歲月讀竟而後返用償夙昔之願然未知果能終遂焉否也聊識于茲以徵諸宅

遊百家巖記

太行矗矗數千里雄跨河北諸郡而山之所至隨地得名其實皆太行也修武之北五十里有曰百家巖者以巖首稍平可容百家也嘉靖乙巳春三月余下天壇旋軫取道修武往觀百家巖之勝乃繇馬坊村並山北走度岡嶺數重失道入灌莽中遇樵翁指示小徑草樹蒙密攀緣以上石路欹仄愈進愈峻少頃至其處則見飛峯疊嶂懸崖峭壑連亘起伏若迎若送若拱若揖若拒若闔堆蒼積翠煙霏宜濛態狀不可勝窮太行穠秀此當爲冠而叢林崇明寺寔據其

嵩陽文集

卷之八

上

勝上人謂之百家巖寺創于高齊唐稠禪師益拓大之巖巖窳宇咸壯麗乃若冷然自山而下潏潏有聲穿佛殿之礎而流入僧厨者玉女泉也一泓湛然影沉沉紺寒在佛殿之後者明月池也朱欄碧牖當池之陽而四面敞豁可凭可眺者環翠亭也舊佛殿之西有石如砥可坐而飲面對瀑布泉如千丈珠簾噴水灑雪涼氣颯颯侵人肌骨者劉伶醒酒臺也臺下有池方廣踰數丈泉出其中四時不涸者稽康淬劍池也宋嘉定四年河北提刑曹涇楷書醒酒臺淬劍池六巨字刻于石上而鍛竈乃在淬劍池之畔云繇

醒酒臺而上廢址宛然有磴可躡者避暑樓也相傳漢獻帝爲山陽公時嘗避暑于此瀑布泉之旁有稠禪師菴草名龍鬚生諸菴左橋水救旱者率采之以塞瓶口它山所無也巖上有二洞焉千佛洞在稠禪師菴西而觀音洞乃在玉女泉下皆空窻可居也王烈泉直挂如藍殿後絕壁上烈遇石髓于此也寺中有斷碑數十皆剝落不可讀所可見者唐杜鴻漸元張琬二碑王惲馬子安數絕句也風景殊絕裴徊忘歸漫志其際以貽好事者深愧余文之弗工不足爲山靈重也

嵩陽文集

卷之八

上

遊白茅寺記

下百家巖並太行之麓東北行三十里至白鹿山白鹿山之半稍西南一里許有寺曰白茅一曰白雲泉壑清曠林木蒼蔚蓋太行諸寺之最佳者始余之西遊也友人謂余曰必遊白茅至則丹崖翠壁環峙前後惟石奇栢谿豁撐拄而三鳳嶺參差翔舞若自天而下抱寺之左右而落焉繇山之麓抵寺凡三里余攀援而上足罷力勸遇稍平處輒坐憩石上僧持茗來迓啜若畢乃手拊僧背努力盡石磴入寺之前門竹樹陰合弗見天日佛殿凡五層而水陸殿獨在絕

頂壁畫諸天像頗工緻稍折而西有二泉皆平地湧出左曰金沙泉沙黃色如金右曰銀沙泉沙白如銀二泉交匯于池潏然奔流下灌園中蔬弗事桔槔也泉上有紫荆樹二土人呼曰百日紅泉之後石梯數十級褰裳以陟至石臺臺上有地藏王殿又西登石崖有窟窅然曰青龍洞洞內有水色正黑沉沉無聲懷神寒骨寺之東園中有宋大中祥符二年所建五百羅漢碑今無一存者余聞是寺在弘治正德間最盛僧徒至百餘人殿宇完整衣食饒裕學士大夫來遊者僧供張欸留信宿而後返比歲僧困賦役十逃盡遺棄

遊石門潭記

出白茅寺東北行二十餘里至石門山曰石門者兩山壁立相距其罅如門也石門之下有三潭焉方廣踰二十畝淵深不可測水皆黛色能興雲雨蓋蛟龍之所宮也首潭二潭咸在山上有水無魚而三潭者

獨在下中有神魚千百頭觀者弗敢侮或以石子尾礮投其中風雷雨雹隨作故人皆敬憚之因憶歐陽公爲西京留守日嘗與推官梅聖俞登嵩頂至武后封禪處見有石記戒人遊龍潭者勿妄語笑以瀆神龍龍怒則有雷與此正同也余立三潭上命從者撻金伐鼓群魚咸出浮水面大者長丈餘小者尺許俱黃金色乃戲拋餅餌潭中群魚爭鼓鬣仰吞往來翕忽倏爾沉逝甚可樂也三潭之上有三龕古列僊所居語曰上有三龕下有三潭而三僊廟乃在山之深奧處塑像三女僊道冠霞帔土人以爲雨神歲時有司致祭禱雨輒應石門之東有峯曰挂鏡臺相傳雲蔽挂鏡臺必大雨李子曰余遊石門潭竊林絕澗曠遠間寥又值西日下崦嵫景色悄愴不能久留也乃促從者回轅趨共城

遊濟源池記

山海經曰王屋之山音水出焉而地理志亦曰王屋山沁水所出灑灑聲相近蓋一水也沁水即濟水發源爲沁既東爲濟故禹貢曰導沁水東流爲濟入于河溢爲滎東出于陶丘北又東至于荷又東北會于汶又北東入于海今夫濟之爲水也瑩潔如王性

下勁疾貫大河而不濁故釋名曰濟濟也言源出河北濟河而南也余曩閱桑欽水經鄆道元爲之注凡天下之水異常之事無不具載而於濟水條下弗著靈異之蹟乃知世之所謂靈異者皆傳聞之譌耳余汴人也去濟源僅三百里數聞鄉人獻香祠下者云有借貸錢布浮藥以療病之事心竊疑之每欲親造其地縱目一觀未遑也嘉靖乙巳春三月計當俗所謂潮賜之期乃單騎而往時遠近州縣獻香之人皆首戴甲馬紛遶四至車馬絡繹霧集而晝夜叫佛之聲一倡百和響震林谷余聞之惘然嘆曰斯人也其皆功利之心驅之邪徼福者冀降福畏禍者冀免禍無嗣者冀子嗣有疾者冀蠲疾厥願寔繁厥求寔懇人有此必得之念橫于中寧肯憚行旅之勞費而惜是行哉余既至池上肅謁濟瀆神祠祠之後有北海神殿誌謂濟瀆源通北海故祀北海于此或曰以北海遠望而祭之也北海神殿前有池即浮物之處也是謂東池池之西有石橋焉橋之西又有一池是謂西池皆濟水自王屋山頂流入太乙池乃伏流地中東行九十里復見于此匯爲二池地理志謂東源周迴七百步其深不測西源周迴六百八十五步

其深一丈合流至溫縣歷號公基西南入于河自今觀之東池即東源周僅百餘步亦不甚深西池即西源周如東池深纔三四尺耳余躬躡王屋山頂觀太乙池亦涸其諸古今陵谷變遷乃爾邪正德初楚辰潘君崇爲懷慶府推官嘗著辯謂春夏之交泉脉騰沸升發之氣勁疾愈于常時故近接之物沉沒在下或當泉脉之衝隨沸而上此理之常無足怪者余坐水殿竟日親見布帛桃乾浮在池面者上書姓氏年月亟取驗視咸三二日內所投者則鄉所聞浮出遠年之物皆妄傳也又見紙裹成藥浮出以應人之求者上有字焉意神爲之必僊書雲篆余取觀之皆俗筆而服之者亦罔效則知池中之藥廟中人投之也然所謂潮賜絕不見有體重之物暨人間所未有者則鄉所聞出銀錢以貸人一切奇異之物悉虛言耳又乞嗣者以銀嬰兒拋池中有沉與不沉人以爲誠之至與不至細閱之殊不然蓋銀嬰兒皆空其中製有滲漏沉不踰時苟無滲漏何沉之有潘氏謂果水之靈則當無時不然何獨惟於春夏之交餘月則否其爲水泉氣盛所爲明矣此論得之乃若能興雲雨能蕩垢濁能澤百穀或見或伏或斷或續不因餘水

而能獨行以赴海是皆濟之靈也先王列之爲瀆廟
食萬世不亦宜乎而好恠之徒罔知乎此顧駕以妖
誕不經之說其矯誣亦甚矣余聞在昔少皞氏之衰
九黎亂德民神雜揉家爲巫史民瀆齊盟有顓頊氏
出乃命南正重司天以屬神北正黎司地以屬民俾
無相侵瀆人神之典始明厥後三苗昏虐民之得罪
者莫知端倪無所控訴相與聽于神皆祭非其鬼有
堯舜大聖人出復命重黎嚴幽明之分祀典爲之再
明故甫刑曰乃命重黎絕地天通罔有降格抑此正
人心之大政可專屬之重黎已乎尚賴廟廟之大僚
及百司庶府凡有風化之責者相與闡明人鬼之理
俾人弗惑于渺茫冥昧之說而末俗庶幾乎一變故
曰群后之逮在下明明赫赫常鯨無蓋嗚呼聖王治
天下之首務安有大于正人心者哉於惟濟瀆乃祀
典正神我 國家定制惟 天子得遣官祭告觀
廟中歷代碑刻可見蠡茲下民罔知僭謬乃不遠千
里相率求福田利益男女群夥填塞道塗而爲人上
者可聽其貿貿而莫之禁乎夷攷自古姦人多假神
以倡亂如漢末之張角一日同起者三十六方而張
魯起兵亦以五斗米首過于神以誘愚夫卒之流毒

海內撲滅弗易焉由是知絕地天通罔有降格其消
弭大患之要術乎子曰務民之義敬鬼神而遠之可
謂知矣論民之方莫切于此有經國之遠圖者其尚
加之意哉其尚加之意哉大梁達生老人寓天慶宮
信筆漫識

遊龍潭記

龍潭在濟源縣西五里去瀆廟僅二里耳余謁瀆廟
畢寓天慶宮陶令曰龍潭寺近在咫尺請公一遊余
詰之曰非陳文忠兄弟讀書處乎白然乃欣然而往
出天慶宮稍西見沙村水寺瀟灑可愛檜楫菰蒲參
差掩映孤塔秀從蒼雙鶴巢其巔而所謂龍潭者是
在寺前潭廣闊一頃餘渟渟清澈可鑒毛髮舊有涵
虛閣跨潭而建今廢居人曰潭中有神物乾溢靡常
其將乾也水鳥蛙忽不見水將至也夜輒聞蛙鳴水
鳥盤旋其上弗去人以爲異云宋盛時蜀人陳省華
嘗爲濟源令有惠政治民因家于濟今城北里有夜
香臺乃其妻滕國太夫人馮氏焚香祝嗣之所臺址
尚存省華三子堯叟堯佐堯咨同讀書龍潭寺中後
相繼登甲科而堯叟堯咨皆進士第一父子四人接
踵爲將相皆贈太師中書令子孫蕃茂仕中朝者十

數人而虞部員外郎知儉嘗構四令祠堂於佛舍之側司馬文正公爲作記碑刻亡矣寺中古石刻往時最多今存者校書郎張庚所撰省華善政錄暨真宗宸翰送堯叟謝病歸詩而堯叟和章併刻碑陰又有尚書戶部侍郎三城范公遊寺詩塔前短碣蓋紀建塔之績者今漫漶不可讀矣余裴徊薄暮乃移酌潭上誦堯叟水昏煙暝自成圖之句因嗟歎久之將起行寺僧羅拜于前曰塔歲久崩塌茲幸修完願賜一言以記之余謝以弗嫻于文辭兼罔究西方之學僧又請余和三城侍即遊寺詩余謝以弗工詩矧前代

嵩陽集

卷八

七

鉅公之篇未敢僭和適殿左有空碑僧又乞留一日爲重書司馬公四令祠堂記余謝以弗善書且臂痛不能多作字僧頓首曰明公之至於斯也可無一墨留乎余大笑曰何可無也遂援筆題名于寺之東壁曰嘉靖二十四年太歲在乙巳春夏之交天氣澄穆余渡河而西往觀濟源池之勝淹留二日興猶未盡乃遊龍潭寺訪陳相國兄弟舊讀書處懷賢弔古日落始歸夷門李漁題

遊盤谷記

盤谷在濟源縣北二十里唐李愿隱居于此昌黎韓

公有序送之而是谷遂顯名于世按韻書盤磬古通用蓋山石之安固者荀子曰國安于盤石漢文紀盤石之宗是已韓序謂環兩山之間曰盤又曰隱者之所盤旋余遊其處則見諸峯矗立蒼翠晦暝蔚然深秀旁視危岑多聲磬插起危若飛墜而此獨平穩似取諸安固者爲是谷口有農夫數家草屋參差榆柳交蔭雞犬之聲相聞韓序所謂草木蓳茂居民鮮少殆至今猶然也愿之行實無可攷曩嘗閱新舊唐書列傳皆無之觀韓公以文見贈則其人之賢可知已公之序濟源舊有石本在張端家與集本小有異同

嵩陽集

卷八

七

乃貞元中縣令崔泱刻石者其後書云昌黎韓愈知名士也高愿之賢故序而送之而歐陽永叔集古錄跋尾云當時退之官尚未顯其道未爲當時所宗故但云知名士然當時送愿者爲不少而獨刻此序蓋其文章已重于時也是序作于貞元十七年辛巳公年纔三十有四耳蘇東坡曰歐陽子謂兩晉無文章惟陶淵明歸去來辭余亦謂唐無文章惟韓退之送李愿歸盤谷序平生欲擬作一篇每執筆輒罷其爲後賢稱服如此公又嘗和盧郎中送盤谷子詩而谷之相近名勝如天井燕川枋口馬頭溪諸處咸蒐叙

無遺東坡亦稱是詩不減杜子美可與知者道也嗚呼盤谷不過太行一支山耳乃獲公一序一詩輝映今古余又深慶夫茲山之遭也今太行諸巖岫如盤谷者何限獨盤谷之名甚著墨卿學士爭紆道遊之者以昌黎之文也抑盤谷固佳勝愿固賢使無昌黎之文何以使天下後世皆願遊于其地邪余聞滁有琅琊山亦稱奇絕鄒無醉翁亭記世不復知有琅琊山或者乃謂文章無關于世豈通論哉雖然韓歐人品風節師表百世故人樂誦其文不然文雖工人亦不之傳也是故君子必自立于天下而後天下重其言遊歸之明日寓濟源縣之分司作記

卷之四十八

高渚文集卷之四十九

記二 六首

遊百泉書院記

遊三湖記

遊寧邑雜記

韓莊記

遊雪竇山記

附 張甬川書

遊東湖阿育王山天童山記

目錄畢



記二 六首

遊百泉書院記

詩曰：彼泉水亦流于淇。又曰：源泉在左，斯蓋謂共城之百泉實衛源云。共城之西北七里有山曰蘇門山，一曰百門山，乃百泉始出之山。其地岩谷幽邃，林樾茂密，古名士多卜居焉。晉孫登、宋邵康節、元許魯齋、姚雪齋、牧菴王鹿菴、秋間耶律丞相、寶學士咸遊寓于此。余自束髮慕其勝，屢欲往遊，不果。乃今歲之暮，春膏車西邁，逾二日止，百泉書院肅謁先師像，遂登蘇門，徘徊嘯臺，慨焉懷孫登之爲人，史稱登居蘇門之土窟中，好讀易，常撫一絃琴，阮籍往候之，與言終不荅，退至山半，聞山巔有聲若鸞鳳，乃登嘯也。稽康從之三年，不言，臨別康強之言，登曰：火生而有光，而不用其光；人生而有才，而不用其才，故用光在乎得薪，所以保其耀；用才在乎識真，所以全其年。味斯言也，其善體易者邪？志曰：國無道，其默足以容。登之謂矣。僊人巖在蘇門之巔，有僊人足跡，巖石上刻大字三曰：僊人跡。下嘯臺也。遷西轉約半里許，至康節

安樂窩，拜其遺像。康節，范陽人，幼從父古徙共城。父語之曰：若知孫登之爲人乎？吾所尚也。乃築室百泉之上，名其所居曰安樂窩。布裘蔬食，窮費以養父。而李之才適攝共城令，遂授以數學。後人于此建祠，專祀云。出安樂窩東行，南下入三僊洞，洞高一丈許，內塑丘劉譚三真人像，乃其脩真處也。或以是爲登舊居之土窟，誤矣。降三僊洞，遊集僊資福宮，寔書院之左隣，乃蔡氏園址也。而書院西墻下有古白楊樹，十四株，高山書樓之上，大可蔽牛，蓋數百年物也。過古白楊樹，爲思親亭，在蘇門之麓。百泉之上，昔許魯齋寓共城，日時與諸門人遊眺于此。厥後子師可爲衛輝路總管，思之立亭，門人白棟撰記，刻石亭中。過思親亭，爲衛源廟，以百泉爲衛水之源也。廟創于隋世，稱靈源公殿曰清輝郡邑之得名曰輝，以此。宋宣和間，封威惠王，元加封洪濟威惠王。國朝洪武初，廢正祀，改稱衛源之神，有司歲以四月八日致祭。禱雨輒應。廟中諸碑刻，具載唐宋以來褒封之典，而所謂聚遠亭，耶律丞相祠，舊在蘇門山上，今竝廢。伊余之遊百泉也，輝邑令郭淳設宴泉上，以候既登蘇門，特覓泉乃赴席于涌金亭，亭之正壁有蘇東坡書蘇

門山涌金亭六大字宋元暨國朝諸名士題詠甚多曰涌金者泉仰出縷縷千萬窠隱爲巨池池方廣一頃餘水泠泠澄白日照之閃爍如金故名中有菰蒲荇藻魚鱗之饒埒涌金翼狀而相對者噴玉亭也亭中有石碣刻靈源二大字是即俗所謂聖井者而看花樓乃在涌金亭南池水中盛夏蓮荷芬郁翠色上浮扶疎蔥蒨今改爲穠翠亭穠翠亭之左曰洗心亭右曰雲橋寔爲中流勝槩薄暮移酌穠翠亭坐聞棹歌漁唱于兼葭洲渚之間而泉流觸石怒響作噌吰鏗豁之聲晝夜不絕余倚闌四顧波光接天沙鷗水鳥飛鳴下上者殆不可數時春雨初晴岸花雜吐酒酣起舞逸興浩發於是援筆賦七言近體二首五七言絕句十首書諸亭上而又總爲一記以識歲月第愧才思蹇鈍筆力萎弱弗足以揚休山川同聲往哲聊以紀一時之遊而已時嘉靖乙巳三月晦也李瀛記

遊三湖記

人有言曰河北諸名山固多而惟輝縣山水爲勝輝縣山水固勝而惟三湖邃奧爲尤勝三湖信尤勝而獨中湖奇絕爲最勝余慕三湖久矣今年春始克來

遊事償夙願云於是作遊三湖記藏諸山寺以附昔賢故事記曰輝縣之西北七十里曰侯趙川四面崇山截業而中悉平疇煙林村墟雞犬相應蓋彷彿桃源焉相傳古時避兵者居此實四塞險阻之區也侯趙川有水北流土人呼爲北流河或者乃謂侯趙川無川誤矣然遊者欲至侯趙川必過十八盤山而十八盤山極危峻石磴仄隘盤旋而上殆若登天然遇不可輿處則徒步行僕夫牽曳以上俯瞰兩崖頗深峭若較諸天壇之十八盤山則此差爲易上矣余晨出百泉書院過午始抵侯趙川少憩巡檢司頃之至

嵩陽文集

卷之四

四

中湖寺岩谷幽窈倚崖叢竹數萬竿翠陰蔽日涼颼瑟瑟雖盛夏亭午暑氣不到余坐其下聞竹音如笙簫竿籟心神蕭爽寺中有石鏡半規往聞能照山河人物之影俗稱透靈碑余諦觀之殊昏闇與常石等僧曰昔有一上官見此石異之昇以歸至盤山頂忽昏闇無所見乃復送至寺云余聞僧言因憶歐陽公作菱谿石記有曰好奇之士聞此石者可以一賞而足何必取而去誠有識者之言南湖至中湖僅三里北湖則倍之闊大宏敞視中湖寺咸弗及乃若各當一峯之奇有泉有竹則三寺同耳中湖寺建于唐中

和二年南北湖寺則元至正間建有碑刻存焉余徧遊三湖昏黑不能返宿中湖寺是夕風起撼林木獵獵如秋聲卧不成寐乃秉燭起坐賦五言古體四章襲正德戊辰春北郡李公夢陽寓汴嘗往遊三湖歸爲余言中湖之盛殿宇壯麗煙火稠密僧徒數百人歲穀饒裕出則乘騾馬距今三十餘年矣殿閣傾圯廊廡毀廢僧死徙殆盡存者僅五六人朝不謀夕余恠問其故僧憮然曰比歲不登賦役日繁里甲逃之四方邑長吏繫僧完其逋坐是大困余聞而悲之乃私歎曰叢林廢興寔物理之常無足深慨所可慨者

萬清文集

卷之九

五

乎

遊寧邑雜記

修武古寧邑武王伐紂勒兵于寧因改名修武

詩有之駕言出遊以寫我憂嘉靖乙巳暮春之月李子爲河北諸山之遊乃飭伯子莘叟攝家事而仲子確叟待行巾車載馳至于寧邑夫寧邑者昔賢棲遲之區也出邑之北門二十里至真清觀閱丘長春所

書劉海蟾入道歌石刻觀前有古潭瑩澈如鏡相傳海蟾子洗丹處也又十里抵山陽城一曰濁鹿城漢獻帝之墓在焉曰禪陵魏曹丕逼帝受禪奉帝爲山陽公居此陵之東五十步有漢獻帝廟傾圯厓側正德初蜀人冷宗元爲邑令復其守陵者二戶余至其處見孤塚如阜封鬣荒涼荆蔓蒙絡不勝異代黍離之感晉七賢竹林亦在茲地向予期所謂山陽舊居者也余徘徊四顧絕無一竹尋訪遺蹟得一寺寔七賢堂舊址蓋後人建堂于竹林以祀七賢者草莽中卧一斷碣隱隱有字可攷元末始改建爲寺曰山陽寺又曰竹林寺云七子當魏景元中政歸司馬氏時事日非懼禍及乃相率爲竹林之遊以自放焉茲地近許洛泉谷幽僻故徜徉于此初七子之縱酒也實欲閉關沉晦冀免刑戮顧亦有弗能免者君子處世之大方其別有道乎乃若蘇門之孫公和得之矣余繇山陽也邈至六真山訪六真修煉之迹山南有洞曰六真洞深邃窈冥不可入聞其中有數丹竈洞前舊有六真觀今廢而新河之水自六真山合黃母泉南流入吳澤陂六真者丘處機劉處玄譚處端王處一郝大通馬鈺也處機號長春子登州人處玄長生

萬清文集

卷之九

六

子處人處端長真子處一金陽子大通廣寧子鉅
丹陽子俱寧海人皆師事王重陽李子曰士生不辰
思保其身是故七賢逃諸酒六真逃諸僊七賢無政
六真無倫無倫則無家無政則無國率是道也其何
以敦風正俗措斯世于平治邪抑六真辟穀鍊形山
林長往元無宦情弗足深恠七賢皆仕諸朝有官職
乃蕩滅禮法醺酣竟日當時士大夫不以爲異反慕
效之天下之事可知已嗚呼有國有家者宜豫慎是
防無俾有若人者以亂名教則天下可幾而理也

韓莊記

嵩齊文集

一卷五

七

修武縣東北三十里曰南陽城韓文公退之故里也
居人呼其地曰韓莊又曰韓村公自上世居此按李
翱爲公作行狀曰昌黎人而公亦嘗自稱昌黎皇甫
湜爲公作墓志銘不言鄉里李白作公父仲卿去思
碑曰南陽人嗣後劉昫舊唐書列傳亦曰昌黎人蓋
本諸行狀而歐宋新唐書乃增曰鄧州南陽人蓋本
諸去思碑而誤加鄧州二字也昌黎古韓氏通稱如
李則曰隴西崔則曰博陵孫則曰樂安耳今修武之
韓莊有公墓而湘之墓亦附葬蓋韓氏世墓也道旁
有湘子祠塑像于其中雙髻童面挈籃戴花云修武

壤接河陽並隸河內公嘗自言歸河陽省墳墓而女
孀塋銘亦曰歸骨于河南之河陽韓氏墓由是知退
之爲修武人無疑已乙巳春三月余西遊王屋還道
經韓莊憩湘子祠下而邑令黃仲陽實率數騎來迓
因駐轡相勞苦令請曰湘之爲僊也有諸曰否好事
者爲之也曰湘果公之姪孫乎曰曩嘗攷洪興祖所
撰公年譜暨韓氏世系表矣公皇祖獻生仲卿仲卿
生會愈會無子以姪老成爲後老成生滂湘湘字北
渚好出世之學公集中有宿曾江口示姪孫湘詩二
又有左遷至藍關示姪孫湘詩一皆元和十四年赴

嵩齊文集

一卷四

八

潮州時作逸集中又有在徐州贈湘詩云自言有奇
術探妙知天工若指開頃刻花者而青瑣高議乃謂
湘字清夫落魄不羈公勉之學不從因戲作頃刻花
花上小金字有藍關秦嶺之句後果有驗而酉陽雜
俎亦載是事其說不經君子所不語也時日旻將上
馬別乃諷令曰關邪崇正非邑宰之職乎古云鄉先
生沒而祭于社是祠祀文公爲宜而乃祀湘何也亟
撤湘像易文公木主歲時有司以牲醴致祭於風化
大有關焉今唯唯余窺其意若憚于改作者而莫之
強也於是賦七言近體一章書諸壁而去春風匹馬

過南陽聞道昌黎有舊莊鄉社祗宜崇吏部里祠何
事貌韓湘文章山斗還今古蓬海煙霞竟渺茫佇立
短吟無限意遠林斜日下蒼蒼

遊雪竇山記

余少閱宋大觀四明圖經聿慕雪竇之勝辛巳秋自
汴遷明明年嘉靖改元夏五月既望清戎奉川公暇
遊焉奉川有江翁者桂林太守同年朝儀之父也請
治具遲于日嶺余侵晨出郭屏驕北走又逕逶迤松
檉蔽日行聞岩泉澗溜奔流鉤磔之聲如千鯨萬鼉
哄鳴劇和耳目應接無不冷然善也逾十里始抵日
嶺之麓乃循磴而升僕夫絙輿居人導途層級盤雲

金華先生

九

視不可下及嶺之眚有亭翼然榜曰烏峯烏峯者日
嶺之別名也亭左壁有元表學士楠記絕頂有巨石
亭亭屹立圍數尋高百餘尺偃而頡銳而肖髻故土
人呼爲新婦岩復尊之曰夫人山云禱禳輒應建祠
以祀之唐宋並有錫命 國初釐祀典毀之天順甲
申土人復其祠祠後有二石高有夫人圍倍之罇夾
長石如巨鰭罇上一石疊疊然如鰭之狀余與江
翁徘徊仰睇久之下山西北行二十里涉鄭家渡石
流齒齒沒馬腓又行六七里見樹杪雲氣皆瀟瀟濕

白萬峯行雲奄忽四合從者曰雨至雨至盍避諸馳
半里許入白岩廟憇焉頃雨歇猶霖霖沾衣乃緩轡
吟行茹奇而咽秀唵哢飛走皆成媚妍將五十餘里
有亭翠微榜曰雪竇山砢磴崎嶇愈陟愈峻乃攀藤
而上薜蘿蒙茸莫可四望歷數十盤始至望官曲遐
矚下方空闊無礙凡官長至寺僧於此望而迎之故
曰望官曲于山之椒有亭曰御書亭宋淳祐間天子
夢游茲山覺詔職方氏圖天下名山以進閱協厥夢
乃書應夢名山四巨字賜寺剡石又行數百武度二
石梁始見寺僧曰今歲三月九日寺灾山門鐘樓藏

金華先生

金華先生

十一

室暨先朝賜諸經典燼矣余聞之惻然入山門爲佛
殿穿佛殿爲講堂越講堂爲方丈層起岩巖而方丈
則據山之巔榜曰天開圖畫石樓敞豁神宮僊居萬
壑烟雲聚獻目睫前對萬年塔如筆插几案乃命僧
洞開牖扉恣展遐眺晡雨霏霏諸峰環碧余與翁對
酌載歌孫興公天台賦及李白夢遊天姥之章塵
祛思適悠然忘歸乃寢于禪床翌日夔既步兩寮之
宮石踞花燃種種佳勝徐易巾屨乃出而遊焉群山
繚迴天圻城堵厥寺四旁平疇蕃茂中起一石阜廣
弗盈畝柘栢森蔚海鶴巢之名曰含珠林西行數十

武曰錦鏡池今湮爲田僧憮然曰昔寺盛時池水渚
百步過之倒映如錦鏡當時名僧輩出應徵召者相
望于道邇忽涸改池爲田故僧鮮奇寺亦弗振又折
北行半里登飛雪亭前峙千丈巖巖畔懸瀑布泉飛
簾倒垂下瀉無地龍溜噴薄川駛雪翻時熇炎寒飈
峭冽亟斟酒數爵復起而觀飛濤洶涌磅礴硤碎雷
霆震驚弗聞人聲如天河之決也如駟之驅也如虎
旅億萬鼓譟疾驅而前也下灌長壑開怒徐殺乃邇
邇瀟瀟作白虹北去翁掖余臨岩俯眺而口喏目瞪
莫能從已又行十餘里曰妙高臺亂石谿硤虎豹攸
穴上故有藤龕元高僧曰和庵主者巢其中雙虎馴
伏大德丁未龕燬余聞寺舊有偃蓋宴坐隱秀雲外
西麓諸亭庵今並廢所謂桃花坑徐無若龍隱潭丹
霞洞之勝故迹存而館榭亡矣四顧類廢牛山增悲
日在崦嵫乃下山至溪口與翁別午飯淨明寺趨北
渡登舟還郡嗟乎佳哉雪竇之爲寺也創于光啓盛
于咸平表于淳祐所謂丹丘層城夫何加焉余嘗遊
天下之名叢林矣瑰異神秀若雪竇者可多見哉東
海之濱域偏而道僻遊者罕至厥勝弗彰焉茲遊也
雖慰幽抱慙無愧辭丕揚山休聊述槩以貽僧

附 張甬川書

讀雪竇集爲魏晉及盛唐人風格何幸於今日見
之又何幸斯山之遭之也嗚呼亦令人增感矣自
有雪竇以來幾千億年而未始有品題之者其地
僻也今也固幸其遇矣亦安得不悲其晚邪方其
夢宋帝時已有自惜其久晦無聞之意然不過得
御書應夢名山四字而已使四方之人皆得神遊
雪竇雄奇瑰秀森然如在目睫間者其在茲文哉
其在茲文哉邦奇不勝歆美輒亦忘其寒劣次韻
得十餘首矣累日客至未能悉和也少間當萃小

卷請教即午忽聞赴杭之期甚迫求才事 君搗

章華 國昔所倚重於湖湘者今復得之父母之
邦又不自知其何幸也第念荒劣謬蒙知愛久思
密席左右傾倒素懷而復有兩月之別嗣是又當
高騰雲漢矣悵仰之情匪言可喻秋暑伏惟爲道
加重不宣嘉靖元年壬午秋七月既望邦奇頓首
遊東湖阿育王山天童山記

明州東二十五里有大澤焉曰東湖方八十里受七
十二溪之流灝漭匯蓄足以溉鄞定七鄉之田舊名
萬金湖昭利博也唐天寶二年鄞令陸南金始闢廣

之宋天禧中郡守李夷庚增築堤堰民罔知旱南渡
後史丞相卜瑩湖上茲勝以麗祠制邃密卉木芬郁
埒抗西湖之盛故並稱東西湖云嘉靖癸未春三月
二日余觀水利于東湖因爲阿育王天童之遊夏官
黃之汝文時在告惠然陪予出郡城之東補陀寺前
登舟過張村橋雲龍碕抵黃山大橋上厓暮暗山嶺
一二里見湖逼暝弗泛於是同黃子宿隱學寺秉燭
對酌劇論忘寢翌日盥漱畢覽放生池碑出寺東行
一里上湖艇風日和朗澄波如鏡泛五六里入霞嶼
寺覽補陀洞天相傳史丞相之母欲禮補陀丞相虞
海濤之險乃鑿東湖之山爲竅以入曲洞通明內真
石觀音像洞前刻補陀洞天四巨字給其母曰此補
陀山也母禮石觀音而還洞上有亭亭牖開四面南
望韓嶺北望二靈東望上水西望陶公嶺岫迴合西
湖殆弗如也飯霞嶼畢復上湖艇棹歌淒清越謳迭
和擊鮮醢酒信艇所如北至錢堰出湖逾鹿山渡匯
澗橋東浮五鄉磯寶幢登岸陸行三四里至阿育王
山山下有寺扁曰阿育王寺字法道勁相傳宋黃庭
堅肇晉太康中并州劉薩阿得佛舍利置七寶塔藏
于寺中今尚在予得覽觀焉宋治平中廬山僧懷璉

開禧文集

卷四

三

之逸山詔許自便璉歸老于茲乃建閣藏仁宗皇帝
所賜詩頌凡十有七紙榜曰宸奎閣眉山蘇軾撰記
手書諸石閣燉軾碑在寺門左出寺東行曲徑數折
登鄮峯南俯湖東北眺海風煙浩渺天下奇觀也故
有望海亭今廢峯畔曰東塔院塔高百餘尺下塔數
百武曰佛跡巖巖有巨人足跡深寸許蓋後人飾之
者下有金沙井龍湫也井有靈鰻旱則禱之輒雨歲
六月十八日有司祀之故有淵靈廟今廢歷覽盡日
宿于石牀晨興出寺循白雲山而南過小白嶺東行
至天童山寺予聞管僧義興嘗住是山篤戒律有童
子曰給薪水居無何辭去曰吾太白辰也奄忽不見
宋孝宗書應夢名山四字賜之入寺路徑如斗形雙
池並深跨池而橋築七塔以象斗外池有水碓磴內
池曰萬工池木葉彫落不入其中即入焉經宿輒不
見宋紹興間建千僧齋堂有大鑊二深廣皆盈仞當
時齋千僧之具也今存其一東寮有東蒙堂西寮有
西蒙堂並說經所寺之西北曰鉢盂峯峯之下曰虎
跑泉泉瀾瀾流庖厨間東行一里曰中峯亦佳秀世
稱小天童西曰玲瓏巖巖西南曰響石叩之馮馮有
聲山川留人遊興未倦予適攝郡符黃子拉予還郡

開禧文集

卷四

四

越五日而有山西之命伊昔官是邦者哲賢相望多
以不獲遊東湖阿育王天童二山爲憾嗟予寡陋偶
遂茲遊歷想幽奇恍如夢寐豈勝遊亦有數邪

嵩清集

卷四十九

七

嵩清文集卷之四十九

嵩清文集卷之五十

記三 九首

瓊林宴歸圖記

士師廟祭器銘記

獲嘉縣重修儒學記

趙城縣重修廟學記

臨晉縣重修廟學記

毓芝堂記

永思堂記

聚書樓記

纓泉記

嵩清集

卷五十

七

目錄

高清文集卷之五十

大梁李瀛川父

記三九首

瓊林宴歸圖記

正德癸酉冬十月瀛以計偕上京師明年甲戌春二月會試南省中式三月九日禮部以廷試事聞奉

聖諭三月十五日殿試至日昧爽上御奉天殿

策多士以宋儒真德秀所著大學衍義意欲希古帝

王之學以增光祖宗之治命多士敷陳化理將

親覽焉其讀卷官自光祿大夫柱國少師兼太子太

師吏部尚書華蓋殿大學士楊廷和而下十有四人

提調等官自資善大夫禮部尚書劉春而下四十有

八人罔不精白一心各慎厥事是日多士集丹陛

下各陳所蘊以對揚休命晡校卷明日各詣太學領

進士巾袍履笏始釋褐又明日文武臣工朝服侍班

廷設鹵簿上衮冕御奉天殿鴻臚寺官傳制

唱名維時欽縣唐皇舉第一甲第一人而瀛以誦薄

叨第二甲賜進士出身明日勅光祿寺具醪饌

賜宴南省命太傅定國公徐光祚主宴而讀卷等

官咸在云越二日賜狀元朝服冠帶及諸進士楮

雖有差明日上表謝恩又明日詣太學會業先師禮

成而釋服於戲我國家待士禮意優厚恩澤汪濊

有如此凡我多士被茲寵靈其何以圖涓埃之報於

萬一哉伏念瀛自登第後觀政戶曹以戚畹疎絕候

勘京邸者二年丙子守沔陽辛巳移官四明癸未遷

晉臬奔走畏途殆十餘年苟祿蹉跎漫無寸補丙戌

蒙恩放歸屏居林壑頗以文史自娛杜門掃軌絕

無它慕獨恨庸劣之資學未聞道進無以裨諸明時

退不足以淑諸鄉之蒙士上負君父大造之恩

下負民物責成之望中負師友切磋之益曾子曰五

十而不以善聞則無聞矣誦斯言也烏容已於悲咤

邪此圖瀛觀政都下時所繪是時年二十有六今嘉

靖壬寅欽已三十年矣回憶宴時恍忽如隔世事諦

觀圖中之像我顏昔丹今黢黢矣我髮昔顯今種種

矣我鬚昔始苗今斑斑矣犬馬之齒日衰而蓂莢之

心莫展湖海餘生惟歌詠太平之盛以贊神功頌

泰運焉耳矣其次則訓子課孫飭勿放逸俾學以待

用耕以供賦所謂圖涓埃之報於萬一者僅此而已

詩云夙夜在公寔命不同瀛安敢妄效古之人自傷

不過而反覆致詰於天人不可必之際乎披覽斯圖

恭書此於上方以識區區感激 國恩沒世不忘之
意時嘉靖二十有一年閏五月下旬奉 詔致仕山
西按察司僉事 臣 李瀛頓首謹記

士師廟祭器銘記

阜陶墓在洪洞縣南十三里墓之西曰阜陶里里中
故有士師廟云嘉靖癸未夏巡按山西監察御史東
萊王君士英按部平陽謁士師之廟矚敞而惕既闕
侈厥舊矣謂祭器未備非禮也乃諭令孫巨鯨曰汝
春秋有事于廟器闕而儀亡其何以享汝盍備器物
以昭神休令受命於是購西山之銅召上黨之冶甲
子卜 鑪庚午鼓鑄癸酉徹火越十日而器成爐一疊
一簋二簋三銅二簠三爵三邊豆各十二乃告成事
于御史御史謂瀛曰器有銘古之道也子其銘之瀛
於是隨器撰銘其爐銘曰南有靡蕪其葉于于采之
燔之馨香孔敷夙夜盥手敢告司爐疊銘曰疊有醴
敬爾俊髦疊有醴敬爾君子簋銘曰實厥簋惟稷惟
黍神其陟降汝簋銘曰古有土簋茲易之以金清廟
惟欽尚無忘古人之心銅銘曰我有脯脩和之爲羹
吉日丁戌乃薦于銅再拜稽首以洽神靈祭銘曰照
爾前察爾後爵銘曰執爵如千鈞獻爵如見神是曰

吉人夢銘曰眠爾簠東栗澤澤士師來格豆銘曰豆
赤中兮殖醢惟崇兮肅爾容兮庭堅氏之宮兮銘既
成御史覽之曰慎哉祀乎祀思虔虔思省致虔惟齋
致省惟銘茲九銘也可以永觀省矣乃命鑄于器以
告諸執事者

獲嘉縣重脩儒學記

記曰古之王者建國君民教學爲先慨自三代而下
鮮知攸重學若漢歷五世始立太學宋歷四世州郡
始有學我 皇祖立郡縣學於即位之明年卓然
復古庠序之制云河南省獲嘉縣學宋元時在城之
西北隅 國朝洪武三年知縣熊邦基因舊址脩之
迨成化丙午知縣吳裕重脩之歲久敝壞且西逼城
門南衝直衢爲堪輿家所忌嘉靖壬辰三月生員王
璉陳愷謂諸同學生曰吾輩肄習於斯而廟學敝壞
如此非所以妥靈而育材也盍告諸吾黨之尚義者
各量力出貲以新之乎僉曰諾於是聞而應者五十
餘人得白金七百有奇教諭周曉乃聞諸當道下令
獎成督工者則輝縣主簿任經寧山衛百戶蔣騰省
祭官王讓咸夙夜勤勞弗怠厥事而知縣羅浙調度
惟謹學之址稍移東十餘丈以避衝逼前建櫺星門

門之內爲泮橋橋之北爲戟門門之內爲大成殿殿之後爲明倫堂堂之後爲文奎閣閣之右爲朱文公祠祠之前爲敬一亭亭之前爲號房若干牖其左則官師宅而宅之後則會饌堂落成於癸巳十月規模宏敞視昔有加丹青黝獰煥然改觀而廟學於是乎新矣維時巡撫都御史一溪簡公巡按御史交濱蔡君咸嘉之曰凡有裨斯後者勞勸之罔或遺亟徵文以紀其事於是教諭姚顯虞訓導王朝儀宗蘭縣丞姚夢龍主簿張藩典史龍大春介生員呂經徐宗祐走書於大梁李瀛請爲記瀛不敏敢告多士曰學之

嵩清文集

卷之五

五

道無它自新新民而已矣爾多士睹學宮之敝壞而倡議新之是之謂新其外云爾蓋亦思所以新其內以達諸高明之域乎夫新其外而弗新其內君子不謂之善新也新之維何曰其道具於六經其要在於大學其功始於格致而成於誠正其用行於家國天下其極致則止於至善是故自新明德之功正今日之所當致力焉者而新民之道則惟可行於家俟他日仕而有位然後可行諸國與天下語曰居家理故治可移於官爾多士盍亦思所以脩諸身驗諸家以爲他日治平之本乎弗以舉業奪其志弗以詞章妨

其功弗以富貴動其心朝夕游歌於斯而琢磨以成其德始可謂内外交脩而無愧於士矣不然飾外而遺內非所望於多士也瀛喜學宮之一新側知多士有維新之念故敢首以大學告若夫尚義者之姓名暨出資之多寡則皆刻之碑陰

趙城縣重修廟學記

嘉靖癸未夏四月巡按山西監察御史萊陽王君士英東行郡邑入趙城之境觀豫讓橋曰穹哉橋乎古烈士躍劍擊仇衣之地也式之過媧皇廟曰遐哉聖乎戮康回止滔川以黃冀方者也趨之望簡子祠曰

嵩清文集

卷之五

六

是樂聞鄂鄂之名卿也能附趙邑而懷晉人詠之既入城詣學禮廟見殿庭穿漏也曰敝矣廡闕而庖仆也曰陋矣樞星戟門庠弗稱也曰隘矣齋舍弗足以容也曰居業難矣問名宦鄉賢二祠令曰廢矣公讓令曰俊髦曷造惟序惟校景行曷資惟廟惟祠汝能新厥敝改厥陋宏厥隘舉厥廢俾二三子咸居業焉惟汝良績或弗成惟汝忝厥令罔曰後艱惟畫之定罔曰謗隨惟度之正汝亟有事哉其以贖金裕厥用令拜曰唯於是鵠鳴而肇工雷伏而合構虹匿而告成敝新陋改隘宏廢舉殿廡我我門庖翼翼齋舍渠

渠復增建名宦鄉賢二祠，岷如鱗如脩垣，皓如由是居業者，樂尸教者，安鼓篲在宮，琴瑟在牖，彬彬乎備矣。君子曰：善哉！崇教有本也。式橋者，仰趨廟者，虔誅祠者，思仰以寄悲虔，以宣忱思，以永懷夫。如是官營廟學，弗緩也。予聞是邑，瀕于汾，成化癸巳，汾水齧城，崩其西隅，逾五十年，弗克緒。公下令築重堤焉，外以捍川內，以庇城，遂完予紀其績之本末，而系以詩。其詞曰：

周封造父，維茲趙城。七葉叔帶，始佩晉珩。霍泉涵涵，羅雲韞韞。中鎮名壤，三聖旬服。爰有廟學，顛圯弗支。

金華

七

諸士罔業，邑令惴而御史西來。煌煌繡斧，孟夏停驂。載臨黉宇，環囑興喟。乃議建修，曰爾有令。爾經爾謀，令受嘉猷。購堅撤腐，儒宮以成。弦歌鐘鼓，惟爾多士。廣業敬身，達則濟川。窮則韞珍，出入禮門。趨踰義路，譬彼百工，居肆成度。刻文紀績，樂石嶙峋。奕奕鄉校，於千萬春。

臨晉縣重修廟學記

臨晉者，秦築壘以臨晉疆之邑也。喬陝而阻河，壤狹而道僻。部使者輪轍鮮及焉。邑有學，學有廟，創于洪武，脩于景泰。歲久傾圯，風雨穿漏，殆非所以妥神而

育才也。嘉靖癸未夏五月，巡按山西監察御史王君冒暑而來茲邑，晨興詣學，謁廟，慨然曰：語有之，匪廟曷興？匪學曷淑？夫瞻依觀感之謂興，化民成俗之謂淑，是故古之王者，建國君民，教學為先。立學以儲俊才，為一世用也。立廟以祀聖人，為萬世師也。今廟學並敝矣，興焉淑焉，非吾黨之責乎？乃步宮書，度下檄召工，卜辰始事，發贖金若干以庀財用。知縣丁守中奉令惟謹，拓隘易堅，夷塹徙礎，殿廡堂廡，齋庖庫咸新焉。五越月而告成，事君命瀛為記。瀛告多士曰：天聖遠而教衰乎？夫世漓而道晦乎？夫俗降而士靡乎？游息作養，本乎校景行嚮往，切乎廟啓發引掖由乎師薰仁摩善，賴乎友肄習稽討存乎籍篤信力行成乎德，是故游校趨廟，儒之方也。隆師親友士之常也。博籍懋德教之良也。克興克淑道之光也。故曰：立天下之準者，莫尚乎鵠；明天下之務者，莫尚乎學。為天下之宗者，莫尚乎聖人；遊于斯者，其互勉之哉！其互勉之哉！君名秀，字士英，萊陽人。甲戌進士，巡按是邦，無僻弗至，窮谷黃耆，不識使軺者，聞其來皆扶杖往迓，詢瘼沛澤。晉人胥悅，蓋嘗新皇陶之祠，封祁奚之墓，復杵臼之廟，表羊舌之里，其在臨晉則脩廟學。

高唐文集

金華

八

如此云

毓芝堂記

出皖城之西十五里有湖曰石門湖湖之上有山曰鳳山巨川李公之先塋在焉嘉靖己丑秋九月芝三莖產于塋之側赤如珊瑚黃如兼金瑩如堅冰五秀輪囷華采曄曄里之人咸奔走聚觀驚異嘆嘆莫不曰此巨川公之孝感也或繪圖以歸示諸人或爲歌詩賦頌以獻公而公之新堂適成客請名公之堂曰毓芝紀瑞也亦著公之德也夫人之德莫先於孝公弱冠爲第子員即以孝聞甫壯舉進士宰邑佐郡數歷內外臺以至方岳又移孝爲忠有聲于時積德深厚薰蒸太和而芝茁于塋非偶然也瀛竊觀傳記所載常弘宗楊思貞許利川諸君子皆古之純孝人也而皆有芝產于親之墓側與公之以德致瑞若合符節焉天人感應之機曷嘗有古今之異哉瀛竊待罪沔陽適公以監察御史左遷判郡瀛獲公教益甚多迄今三十年夢寐弗忘諸懷嗣公晉貳寧波未幾擢廣西憲釁以去瀛又代之厥後公解組歸皖而瀛亦跼伏夷門矣南北相望三四千里辱公不我遐棄而以堂記見屬瀛不敏敢述公孝感之同諸古人者以

復之

永思堂記

吾友青陽王子用明厥考竹谿先生年四十無子中夜籲天曰吾蚤暮爲宗祧憂昊天鑒予衷無斷予嗣居無何王子生嚆雄而貌傀竹谿先生甚喜祝于廟曰吾願吾兒壽王子方九齡能誦毛詩三百竹谿先生益甚喜謂厥妣曰儻吾兒成立吾瞑目九京矣乙卯王子廩于庠賀者造門曰竹谿君有子矣無何而厥妣終甲子王子薦于鄉賀者造門曰竹谿君有子矣無何而厥考終王子哀感無已因名其堂曰永思志不忘也壬午王子倅於四明乃請余記余嘗沂大江而南也泊諸青陽之野聞王子善居喪其慕厥父也不以遠而忽不以老而衰故登是堂也升階則思容過庭則思訓瞻構則思謀聽于無聲視于無形思之極也極則永永則弗變是故袒衣括髮形貌變矣悲哀愴恚中情變矣暮練禪祥時月變矣而永思之心白首如一日故州間鄉黨咸曰王子孝哉伯叔昆弟親舊咸曰孝哉王子詩曰永言孝思孝思維則又曰孝子不匱永錫爾類其王子之謂歟君子曰永思孝之道也維則而錫類孝之化也吾聞青陽之北有

慈姥山下蘭氏祠焉嗟嗟王子其聞風而興起者乎

聚書樓記

莆田周子彥通構樓貯書臨翠湖之勝自大父榆川公考瓊崖公以逮周子積書萬卷必樓者辟濕也亦尊閣之也肩鑰孔巖曠暴孔時里人咸望而稱曰周氏聚書樓云李子提刑山西從周子後日聆緒論乃問之曰子之績學也可得聞乎曰吾家聚書有樓宣讀書樓中二十年矣時序川馳覽鏡激喟曰樓之所儲功之所施濂雖不敏願聞焉周子曰吾樓匪華僅全棟楠倚棟布檣檣分架首列六經尊無上也次

萬清文集

卷之五

七

列墳丘崇邃古也九史並藏厥往也諸子畢陳參厥變也律緯星曆靡不研也卜筮樹圖罔或棄也金石遺文悉備觀也非聖之編弗敢溷也洙洛在几日敏求也騷選在旁暇則及也吾昔業於是樓也有四忘焉登焉忘降誦焉忘疲坐焉忘食卧焉忘寐今仕于四方携之則艱違之則戀戀則思思則咄嗟作述哉甫也吾曷嘗斯須忘是樓邪周子言未竟愀然而有歸色李子再拜曰夫洙洛者道之淵也騷選者辭之宗也子篤志乎洙洛從容乎騷選本末兼茂業之盛也昔也書在爾樓今歛于子之心矣夫既歛于心

當施諸人厥施未竟子未可以遽歸也為樓記

纓泉記

滇南之永昌郡即古哀牢國也其地蓋有九隆山云九隆之山麓有池焉圓若明鏡瑩若碧玉空靚渟涵吐納光景陰晴變候態狀倏然其源泉則有九涌出如珠匯為一池物無遁形可鑒毛髮生雲起霏四時靡涸相傳以為有龍居之故名曰龍池池之上有臺臺有亭昔人扁曰濯纓昭其清也大行人邵君希舜家世永昌習觀厥勝因自號曰纓泉詩曰泌之洋洋可以樂飢比者君奉使周藩乃屬余記之顧余

萬清文集

卷之五

七

衰病愧無以應也逾月使事竣過余言別且申前請余乃復之曰清之時義大矣哉宜君之有取之也孺子之歌曰滄浪之水清兮可以濯我纓滄浪之水濁兮可以濯我足孔子曰小子聽之清斯濯纓濁斯濯足矣自取之也蓋物有貴賤水有清濁因水而濯無紊施焉寔水之自致耳詩曰永言配命自求多福今夫士君子之生斯世也方其幼而學也則思潔其志及壯而仕也則思潔其官既老而倦也則思潔其名是故終身弗敢一置躬於汙辱之地惴惴然惟恐澆焉者亦惟求潔其身而已矣詩曰淑人君子其儀一

今君博南名士也近取諸泉勵志清苦茲持節大梁
自廩餼外一疏弗苟受 王國璽饒悉峻卻之嗟嗟
使君可謂清也已矣昔宋趙清獻公閣道 國朝薛
文清公德溫竝以實行應謚法士林賢之君青年登
甲科德業日新名位日起行當媲美二公而永垂清
譽於無窮其有得於斯泉之助不既多乎詩曰伐柯
伐柯其則不遠漫書以爲記

嵩渚文集卷之五十一

記四 七首

歸德府儒學雅樂記

儀封縣重修廟學記

堯山記

王峯子壽藏記

桃谿書屋記

土橋世墓記

蘇村阡記

嵩渚文集卷之五十一

大梁李瀛川父

記四 七首

歸德府儒學雅樂記

竊聞 國初時 高皇帝駐蹕江淮即先謁孔子廟幸學既 登極之元年遣官釋奠孔子迺厥興王之業所以衍我 國家億萬年無疆之休者寔肇于此越四年辛亥更定釋奠孔子祭器禮物十五年壬戌 詔天下通祀孔子頒釋奠儀二十六年癸酉頒大成樂于天下府學令州縣如式造焉而州縣乃不之造也皆諉曰大成樂惟府學得用之州縣學咸不得用踵誤承謬沿襲滋久雖上官宿儒亦以為然蓋弗考之故也歸德在勝國以前為府入 本朝降為州文廟樂舞廢闕有年乃嘉靖乙巳 天子用守臣議 詔改為府兩值丁祀而廟樂猶未之舉明年丙午秋八月太守平定李侯奉 命至甫下車詣學謁廟進師生而問焉始得樂舞久亡之故侯慨然興歎曰飭器備物學宮之舊儀秩祀報功王朝之鉅典矧茲郡在昔為宋地殷微子建封于此宣聖其先為宋人正考父實其所自出世系昭然本源可攷又嘗

與諸弟子習禮大樹之下有天生德於予之語遺蹟相傳迄今未泯而廟祀之樂顧可後於它郡哉乃白其事于督學者可之爰集工匠蠲吉興事造祭器若干於凡鐘磬簠簋登銅邊豆爵勺簠簋之類罔弗備也造樂舞器若干於凡鐘鼓管磬琴瑟埙篪麾旐柷敔羽籥干戚之屬罔弗新也又慎簡樂舞生若干於凡迎神奠帛三獻徹俎送神之儀罔弗習也卜丁未夏六月庚寅大會僚屬迎于學宮陳而演之肆告成事于廟是日也天宇晶明神御儼肅金石在懸絲竹就列八音克諧儀文靡紊踴躍洋洋宮牆有輝父老環觀生徒感躍咸訴訢然相告曰我侯舉數百年之曠典於今日非有本之學其何以致此屬仲秋丁祀舉事如儀樂奏禮成神人胥悅是歲雨暘時若百穀茂登闔郡之人莫不仰嘆禮樂之功用若是其大也於是教授應元清訓導韓煥武志德陳中和汪燦僉謂侯之功德在吾學宮者甚盛不可以無記乃遣生貪閭威郭拱辰輩持狀走汴徵余言余抱疴山林文思荒落視茲盛舉曷敢以衰劣辭乃作而言曰學校者禮樂之所自出而先師孔子萬世斯文之宗主也故文王世子曰凡始立學者必釋奠于先聖先師又

曰元釋苴著必有合也按成周之制大胥春入學舍
菜人舞秋頒學人聲惟釋苴則併合之以侑神所以
降昭格之儀示崇德也間嘗稽諸前史北齊以太牢
釋苴孔子設軒架之樂唐開元中則用宮架宋景祐
初始用登歌乃不用軒架而用判架不施之堂下而
施之堂上又有歌而無舞殊非古人習舞合樂之意
我朝釋苴用登歌而堂上堂下之樂咸備可謂度
越往古無以復加耳矣今州縣儒學樂舞廢闕雖有
良有司方以勤簿書急催科為能事其視饗祀先聖
之典漫不加省嘻可慨已侯領郡未久乃能講求圖

儀封縣志

卷五

三

譜脩明禮樂化俗作人於是為大良宜鑄之堅珉以
詠來者侯名念字惟克乙未進士

儀封縣重修廟學記

詩曰思樂泮水薄采其芹魯人以僖公能脩泮宮而
喜之乃為是詩言樂哉此泮水也我往觀之而采其
水中之芹夫采芹何樂也樂僖公之能脩泮宮而託
采芹以詠歌之也其曰魯侯戾止言觀其旂其旂
旂聲噦噦喜其來至之辭如孟子所謂聞車馬
之音見羽旄之美舉欣欣然有喜色云爾其曰無小
無大從公于邁言通國之人皆從公往遊泮宮以觀

儀封縣志

卷五

四

其行禮如漢史所謂冠帶搢紳之人園橋門而觀聽
者蓋億萬計云爾千載之下諷誦是詩有以見僖公
崇重文教國人樂之而儀封葛侯之脩廟學也士民
感乎踴躍從事拭目新宮謳吟鼓舞古今殆一軌乎
儀封瀕河而邑其廟學建置闢拓之繇具載叅政魯
公聲憲副胡公謚司馬王公廷相記中嘉靖以來河
兩遷徙郊外寢高城中寢下居民各自填築以遠沮
洳而廟學之址愈卑窪矣每值霖雨停水尺餘入門
無徑展拜無地春秋朔望弗克成禮官師生徒相顧
浩歎丁未冬十月沐陽葛侯之奇奉命來幸邑首
謁廟學見之驚惕思撤舊而新之時罹荒歉公私匱
乏弗堪興事欲姑已之顧敝壞如茲又勢不容已者
侯於是盡出其蒞任俸金以倡僚屬而邑中士夫第
子貧暨富民之好禮者感侯之義不令而來輿土輦
甃木石交集自夏徂秋工役就緒而卑者崇闕者完
欹者正腐者堅若仍舊貫而實鼎新焉自禮殿兩廡
戟門櫺星門敬一亭名宦鄉賢祠以至宰牲之庖齋
宿之所廩庫泮池周垣百堵規制畢備視昔有加丹
雘黝堊輝煌整肅既落之日侯乃以成事告于先聖
祖且秩若趨蹌有容黎庶走觀老稚咸悅思樂泮水

之詩若爲侯而作者侯何以得此於民哉漁躬耕河
上密邇儀封雅聞侯廉質神明操厲冰檠一倡是役
闔邑景從雖古之循吏何以加諸儒學教諭方冕訓
導郭廷璋韓繁率弟子負李培之翟昌胤岳凌雲輩
謁記於濂竊惟學校之在天下凡郡邑皆有之矧儀
封爲聖人過化之地經始興脩宜有加於它邑而諸
士之游於斯也緬懷封人惓惓願見之意俛仰今古
能無榮於中乎木鐸一言識趣高遠不惟知聖人之
當乎天而且知天之不能違乎聖人何患於喪之語
雖卒不能驗然聖人之道得以大行於後世永被生

嵩安文集

卷之三

三

民教化無數則亦未嘗不驗也嗚呼封人之見誠非
晨門荷蕢沮溺丈人之徒所可幾及寤寐懷賢正諸
士今日事也其知所歆慕嚮往篤志聖人之道以仰
會封人願見之心乎濂辱師生之託既紀其事而又
系之以詩俾邑之人歌侯之德於無窮亦猶魯人之
頌僖公也詩曰

奕奕廟宮聖靈攸安淪爲水區棟敢薨墮潦積屏除
鼉鳴道左疇其築之令曰在我潭潭庠序髦士攸虞
沮洳湫陋其何以居弦誦無所齋舍乃瀦疇其營之
令曰在予俸賜我捐官寮我倡庶民子來成是高廣

輪土山巍荷歸雲往易茲下窵而登爽朗首起禮殿
若騰以騫爰及兩廡櫺星戟門庖福廩庫神道周垣
罔不完好厥功可言孟秋落成祇告先聖令拜稽首
翼翼其敬賴聖之靈數月工竟興學育才惟 天
子命文翁在蜀常衮在閩乃建黌校乃作人文風移
鄒魯俗變雅醇二公已矣疇繼芳塵有斐焉侯配古
循吏役衆惟和動民以義廟學改觀下不知費麗牲
有碑鐫文紀事小子作詩風告同志

堯山記

宋范石湖虞衡志評天下之山以桂林之山爲第一

嵩安文集

卷之三

三

大槩謂太行恒山衡岳廬山皆崇高雄偉雖有諸峯
勢相連屬無平地崛起特立者而世之所稱秀峯真
如池之九華歟之黃山括之僊都溫之鴈宕雙之巫
峽然皆數峯而止又因重岡複嶺之勢盤附而起獨
桂林諸山千峯峭拔旁無延緣悉自平地崛起特立
王笋瑤簪森插霄漢可謂天下之絕奇矣是故志地
理者咸謂桂林山水甲天下而昌黎韓子以爲湘南
一遊勝於騷轡僊去其信然乎哉桂林壤接蒼梧郡
九疑拖脉至于八桂寔相條貫昔舜狩于蒼梧故桂
林郡城之北有舜山焉而堯山乃在郡城之東居人

因建堯廟于其上名山之繇莫知厥始或曰以與舜山對峙而得名也又曰桂林風氣清淑俗尚質朴人慕堯舜之風而名其山也抑環桂諸山固奇絕然皆石而露骨獨堯山多土有敦龐渾厚之象堪輿家謂其地宜營兆域儲祥毓祉其子孫當有貴而壽者吾郡守白公先世之墓寔在茲山之麓公因勝以志感乃自號曰堯山蒞政之暇爰命汴人張路繪圖以寓鄉思屬瀛記之瀛惟山川之靈磅礴鬱積必有物以洩其奇誠非丹砂鍾乳之類所能獨當也是故崧高生申尼丘孕孔神理勿穆莫測端倪桂林山水甲天下秀鍾英哲代不乏人乃若二曹之詩名三石之文行而趙觀文王世則又並以制策魁多士數子之後乃有白公體貌魁碩德業博大有筮仕以至今官持惇慈仁愛之心施坦易和平之政非有得于茲山之敦龐渾厚者邪夫人德行材藝有諸已者也祿位名壽繫諸天者也稟薄者厥用匱氣完者厥福全此自然之理也堯山降神公得其敦龐渾厚之體備享諸福弗俟言已所謂祿位名壽有不如茲山之峻極者乎瀛不佞敢以是揚山之休亦以著公之為瑞于世非偶然也是為記

王峯子壽藏記

嵩渚子曰吾觀王峯子之為壽藏也有三善焉何謂三善曰弗避俗忌也弗泥風水也弗尚華侈也此之謂三善夫三者有其一已足以規高明徵識度矣矧三者備邪吾於是知王峯子之賢也何謂弗避俗忌曰人之生也有少壯衰老之異猶一歲之有春夏秋冬一日之有旦晝暮夜也日弗恒午月弗恒望吾人可恒少壯乎是故古之達人哲士自祭有文自述有誌自祭繭室自樹墓槨曾不以此為諱者誠知物之始也必有終氣之聚也必有散亦天道之自然云爾今之人貪生而惡死凡送終之事咸諱之弗為而宗人為尤甚蓋其身處貴富厭聞歸化故稱人之卒也曰老曰乾或出門見衰經者輒卻而走吁亦惑矣王峯子年垂六十體豐而健耄耄可期也乃豫營壽藏於汴城東之蘇村可謂有昭曠之見而靡染於習俗者矣不賢而能之乎何謂弗泥風水曰風水之術古無是說也而學士大夫咸崇信之覬利之心使之也周官冢人掌公墓墓大夫掌凡邦墓皆辨其尊卑度數而葬以其族大司徒以本俗六安萬民次二曰族墳墓兆域悉有常處是葬不擇地也今據堪輿家之

言以爲子孫之殷厚榮顯比擬於葬地之穴則將盡廢人事而不之爲一惟恃諸風水以俟其自至耳有是理哉初王峯子置別業於東郊命家僮治稼事因闢其後圃以爲樂丘且曰吾荷國恩澤歲食祿千石愧無寸補即溘先朝露願窆於是足矣而庸師野巫所謂五音星卦方位之說何足信哉絲是觀之則王峯子之賢於人也遠矣何謂弗尚華侈曰吾聞中古之葬也窆木爲匱膏蠟爲緘其穿下不亂泉上不泄殞而已曷嘗窮極土木之技飾其陵園以爲美觀哉昔楊王孫志欲窆葬而友人祁侯移書詰之王

蕭漢集

卷之五

九

孫報書數百言闡明友真之理甚著要其大指惟在於不加功於亡用不損財於亡謂而祁侯卒不能難也班史書之王峯子之爲斯丘也坎堂穹窿甃砌完密前建石門運以鐵樞俟百歲後納棺焉焉繚垣秩如樹木成列饗亭夾室朴素堅固君子以爲不侈不儉得禮制之中云嘉靖戊申春三月甲子壽藏成屬萬渚子爲記王峯子諱睦樞封鎮國將軍義寧昭安王之第三子周惠王之曾孫太祖高皇帝之六世孫也

桃谿書屋記

桃谿書屋開化澗濱徐子讀書所也余聞開化在衢之上游山邃而幽水清而駛巒嶂迴合風氣攸聚寔爲東南奧區昔人所謂僊真之所遊神靈之所宅有遁者之所止也舊有大岳寺據邑山之勝前有谿曰桃谿層林絕壑多古木怪石春夏雜花弄色爛若蒸霞蓋彷彿桃源云人因以桃谿名之正德間澗濱子之兄夢漁司諫君嘗築精舍其間後司諫君沒而寺亦廢茲誦故官鞠爲茂草比歲郡守克齋李君至其地詢諸父老告以故守惘然曰此徐氏故業也宜歸徐氏矧澗濱子賢宜爲是山主歸是桃谿風物澗濱子莫得而辭矣家宰漁石唐公聞之手書扁曰桃谿書屋又賦五言近體一章以貽之於是閩邑之士咸走賀曰復故業以嗣兄志是固郡大夫禮賢之意亦惟澗濱子足以承之也澗濱子乃誅茅結廬挈琴書往居之時尊翁南澗先生既壽且康奉以棲息躬執饌以養事親讀書徜徉吟嘯窮天壤之至樂誠無以踰此者去年冬會試屆期澗濱子方娛色養不欲行翁促之曰仕固有不爲利祿者期以行厥義爾急於私恩而緩於公義君子弗取焉吾幸健兒亟勉圖功業以報國家毋徒戀戀爲我留也澗濱子涕泣弗

蕭漢集

卷之五

十

乃翁翁強之以行今年春澗濱子登甲科對大廷
賜進士第將拜 聖天子明命為京朝官即擬上
疏乞終養不果乃以使事便道江南聿還桃谿之故
廬為翁上萬壽秋九月過夷門之墟會余于大梁書
院握手道故舊甚驩竊憶曩守沔陽適南澗翁為學
職而澗濱子纔七齡穎敏秀異咸呼為奇童余賦徐
童子詩贈之期望遠大繇茲驗之若左券然今垂三
十稷矣澗濱子學成名立出瑞于 明時固其得諸
庭訓者多而桃谿進脩之功亦弗可誣已抑開化山
川雄麗清淑之氣往往鍾為雋英乃若程俱之文學
鄒補之之經濟鄭介夫張宗元曾貞之博雅皆所謂
發山川之奇者而清獻趙公亦嘗讀書于招福院之
萃清閣距桃谿為甚邇風槩猶存其則不遠澗濱子
持使節暫還桑梓服稱觴之暇謁七賢之堂緬懷
諸君子于百世之上其諸思所以趾美矣乎它日建
功樹業為時名臣則今日之桃谿當益著于天下所
謂地因人重非邪澗濱子再拜曰沔聞教矣敢不蚤
夜以勗願書之以為記時嘉靖丁未菊月既望嵩渚
老人李濂川父撰

土橋世墓記

土橋在汴城西郭外出鄭門之南三里許吾家之世
墓在焉竊憶童稚時吾父合族眾拜掃於此瀟灑侍
杖屨以從野立瞻望聞叔祖東門府君謂吾父曰吾
李氏上世為汴人元季兵亂譜亡不可考所可知者
五曾祖御醫府君葬青城之墟夫青城者宋郊壇大
次之地也在封丘門外自藝祖以來每歲郊祀營青
城幄殿靖康之變金人粘沒喝邀二帝於青城即此
地云歷金元入 國朝數罹河患不可以墓宣德初
御醫府君之嫡孫諱得禎者改卜土橋之兆遷御醫
府君為始祖避河患也吾父泫然泣曰小子濂汝謹
識之歸宜書之于簡嗚呼瀟灑聞斯言今四十餘年
矣惟茲土橋之兆自始祖至吾兄堊六世為穴十有
六列塚纍纍年祀寢遠曾高莫辨瀟恐後世子孫弗
能悉也於是為之圖以列于譜俾子孫展謁之餘世
代昭穆一一可攷而又為之記以詔後之人記曰始
祖御醫府君諱景權居塋之中穴北首餘則分左右
而叙列焉左則高祖諱鐸曾祖諱得禎曾叔祖諱得
祐伯祖諱全叔祖諱倫諸父諱政諱繡右則曾伯祖
諱得禎曾叔祖諱得福伯祖諱榮祖諱信父諱敬諸
父諱敞諱縉兄諱洪咸如族堊法而其配各附從夫

穴禮也左昭右穆尊卑秩如坤靈載寧體魄用妥是故六世之間一百有餘年子孫蕃衍幸免於饑寒而鄉邦之人莫不稱吾門為積善之家凡此皆承祖考之遺澤云爾正德戊寅冬十月諸父伴讀府君歿業已葬於是越三年辛巳其子儀賓永昌之配秀容郡君歿 勅葬永門西閭家寨之原而伴讀府君之藏亦併遷嘉靖乙未夏六月瀟妻孫氏歿塋無餘穴於是改卜城南蘇村之阡蓋甚不得已也間嘗讀周官大司徒以本俗六安萬民二曰族墳墓謂祖先考妣相依以葬使之聯屬而不忍舍去也夫人之生也聚

陽清文集

卷之五

三

族而居比屋而相親朝夕會於一堂之上飲食笑語嘻嘻和樂奈何死而異之是故先王制為族葬之禮欲其骸骨依附不至疏遠所以教民睦也今土橋塋域固無隙地不可復葬為吾子孫者時其拜掃而封樹焉雖有新阡不忘本始可也韓魏公曰謹家牒而心不忘於先學孝之天也李氏之子孫其尚慎守之哉其尚慎守之哉

蘇村阡記

余游鄉校時嘗讀臯章廬先生文集見其所著學墓而竊有疑焉先生之意欲學者於六經子史之餘繼

陽清文集

卷之五

四

以郭璞葬書余以為不急之察非所以為訓也時方攻舉子業未遑及之乃後竊祿于 朝出典方州驅馳王事亦弗暇及丙戌蒙 恩放歸山林日長始取而閱之則見其立論精微一本諸天地生生自然之理誠吾儒所當講者乃知先生開示學者讀書之方未可以輕議也大氏景純之書其指要以生氣為主首之曰葬者乘生氣也夫生氣者即一元運化之氣也是氣磅礴於天地間發育萬物無有終窮葬者乘生氣於地中則體魄安子孫昌如木之培植其根而枝葉自茂故伊川先生曰祖父子孫同氣彼安則此安彼危則此危亦其理也間嘗參考晦菴西山諸先正之言咸謂葬書切于送死之一事廣大深奧寔未易究而吉壤亦未易求是故古人之葬必稽諸卜孔子曰卜其宅兆而安厝之夫卜其宅兆謂卜其地之美惡也使天下之地皆可葬夫何待于卜惟夫地不能無美惡之殊而葬不容無久遠之慮故卜焉以求厥吉必得生氣攸聚之壤五患弗干六凶弗預而孝子慈孫之心始安然則人謀鬼謀可廢其一乎嘉靖乙未夏六月余有妻之喪因祖塋逼隘地不可容不得已而卜兆乃訪求精堪輿之學者圖之適麻城陳

右人爲吾邑教諭素開是術而門人陳生周又薦
希泰至於是屬二子出郭求之逾月未有得也
戒顓天以焦顓易林占之得未濟之小畜其辭
曰騎龍乘鳳上見神公彭祖受刺王喬贊通巫咸就
位拜福無窮余竊喜必有逢也又求之逾月未有得
乃復齋戒以易林占之得師之既濟其辭曰精誠所
在神爲之輔德教尚中彌世長久三聖與爲多受福
祉翌日二子晨出城之東南十五里至蘇村原見堤
勢後繞河形前抱且土色明潤草木暢茂二子拊掌
笑曰地是在是矣亟至其處周覽四顧則見禽伏獸蹲
主客迎迓二子大喜曰是足以爲兆矣余猶未敢遽
信也乃復齋戒以易林占之得賁之履其辭曰坤厚
地德萬物蕃息平康正直以綏多福二子曰卜不習
吉君請勿疑乃八月癸丑斬草開塋域祠后土氏之
神九月庚申穿壙深一丈餘五寸辛酉發引掩土而
葬禮成嗟乎堪輿家之說固聖人所不道然書不云
乎我乃卜澗水東瀍水西惟洛食我又卜瀍水東亦
惟洛食詩不云乎旣景乃岡相其陰陽觀其流泉又
曰卜云其吉終焉允臧夫擇地稽卜古之人皆然今
龜書不傳余以易林從事神明感格理無不同抑余

之所期者平穩安妥焉耳矣焉敢望非分之福如世
之野巫所云乎妻既襄厝余旣爲之銘以埋諸幽又
撰此記備述建阡卜兆之繇而勒之石俾來裔知所
始嘉靖乙未冬十月吉李瀛記

嵩渚文集卷之五十二

記五 八首

學稼堂記

孝友堂記

崇雅堂記

碧雲精舍記

景延精舍記

藏書閣記

藏書閣後記

避暑記

嵩渚文集

卷五十二

目錄

嵩渚文集卷之五十二

大梁李瀛 川父

記五 八首

學稼堂記

嘉靖丁酉嵩渚子築室于汴逾年而堂成爽塏靚深可居可燕然未有名也乃默自念曰夫人之有生也自少至老弗可一日輟學今仕而歸矣將奚學吾其學稼乎因名其堂曰學稼或難之曰稼者小人之所有事也昔在聖門樊遲嘗請學稼仲尼斥之曰吾不如老農且名之爲小人而推明禮義信爲大人之所

有事以著其不屑于小聖訓炳如夫人皆知之先生曷仕諸朝爲執憲大夫茲焉致其事而歸豈它無可學而獨學稼爲哉嵩渚子噓然而笑曰非是之謂也方遲之未仕也以學稼爲請仲尼陋其志而斥之乃進之以禮義信大人之事以爲後役于農圃內弗足以脩己外弗足以治人非所謂聖賢大學之道正已而物正者故拒之諭之譬諸風雨霜露之於萬物長養摧折無非至教甄陶造育之方於是爲至吾棄人也瓠落無所用於世苟祿四方靡有樹立茲倦遊而歸講明農事終歲勤動謀八口之食順天之時因地

之利盡已之力以求免于饑餒上農夫且猶不敢望
矧敢言大人之事乎是故吾几案所展閱者惟農書
蠶譜授時曆相牛經田家五行占行坐所謳吟者惟
仲長統樂志論潘岳閒居賦陶淵明儲光義王摩詰
諸田園雜詩巷陌相隣朝夕與往來者惟牧犢之翁
荷鋤之叟善測晴雨之田父所願時和歲豐為太平
一閒人俾鄉里後生咸稱之曰學稼夫人志願畢矣
如弗諒其之心鰓鰓然分別大人小人之事非特不
知鄙人而仲尼斤遲之旨亦難白矣哉凡有疑於堂
之名者請以是告之

高漢文集

卷之五

二

孝友堂記

李子燕寢之堂在廳事之後嘉靖丙戌冬落成宗族
親友咸至灑掃既潔觴載舉乃問名於族之老人
老人曰美哉堂乎惟有德者能居之抑德莫先於孝
友厥道邇厥事易繫萬善之宗百行之基也克孝克
友其家道之所由興乎請名是堂曰孝友衆賓咸起
賀曰美哉名乎可以永觀省矣李子獻爵再拜曰夫
堂構將以遺子孫也吾之深願於子孫者孝友而已
矣幸惠一言俾世世誦服之老人曰嘻人之大倫有
五而父子兄弟為天性之親家庭之內朝夕與居以

恩合者也出于鄉則有長幼游于學則有朋友仕于
朝則有君臣然皆以義合而推行之漸則自父子兄
弟始是故周禮大司徒以鄉三物教萬民三年大比
考其德行道藝而首孝友以鄉八刑糾萬民而不孝
不弟之刑亦先焉斯先王淑世之典所以厚倫而敦
俗也三代聖王迭作治隆化洽比屋可封其見諸詩
書傳記以孝友稱者如君陳張仲閔子賽輩弗能盡
書也世衰道微風俗踰薄知是道者鮮矣姑以吾鄉
言之其也弗率厥考之訓以不孝見誚于里之人而
其業亦遂衰其也兄弟不相容以不友見誚于里之
人積憾成隙而受厥家吁可畏哉堯典曰克諧以孝
言和之著于家也皇矣之詩曰因心則友言友出于
心而非勉強也夫事親而能和則愉色婉容柔聲下
氣罔有或犯也友于兄弟而出于心則讒間之言聞
聞之語罔有或聽也吾願汝之子孫咸孝咸友不見
誚于里之人則是堂也世世為子孫有所謂惟有德
者能居之衆賓咸起贊曰老人之言名言也蓋書之
老人復揚觥祝曰孝友之至通于神明光于四海太
和薰蒸鍾為休祥不特芝蘭荆榮頌歸譽隨而家道
之昌慶澤之長後裔之良悉本于此汝能訓厥子孫

高漢文集

卷之五

三

悉為孝友身雖不仕於朝而道亦行于家矣故曰是亦為政奚其為為政衆實曰然遂書之以為記

崇雅堂記

李子歸遯于梁開門掃軌日以讀書課子為事關堂于宅之西偏為二子續文所屈之曰崇雅竊慮其未達厥旨也復撰記以警之畧示為文之法俾弗迷于嚮往云記曰君子何崇乎崇雅也崇雅者何雅之為言正也文以足言言以足志言之弗正不可以為文文之弗正不可以明志雅之弗崇如文何小子聽之吾語汝文嗚呼文非學者之所急也而亦不可以不

高渚文集

卷之五

四

講古之聖賢初未嘗有意於為文而文為天下之至文者以其有本也本者何德是也惟其德之立也充實而光大故其見之文也絕達而精明是故一代之制作必一代之偉人為之非可以襲取爾也吾涼于德故短于文蹉跎歲華駸駸乎老矣深悔立志之不堅為學之無本而莫予追也履轍可戒小子其蚤圖之大氏文之品有三上焉者內正其心外正其容忠信以植其本集義以養其氣載籍以博其趣德裕諸已而達之文字之間譬諸三江九河之濤逶迤漫漫浩浩乎莫知其所窮所謂有本者如是其惟不言言

而世為天下則也非命世之鉅儒其孰能與于斯次焉者情陰力學超悟自得博觀而約取厚積而薄發其發也左右逢原卷舒隨意譬諸揚鑣振策于九軌之衢行之天下無有不合轍者矣一洗近代衰痿之習而矯然復古作者之風非老于文學者其孰能與于斯下焉者記誦剽竊蹈襲摹擬以富麗為工以艱澁為古讀之索然無雋永之味譬諸剪綵以為葩鑿池以象溟徒勞心力而不足以為天下觀斯文之至陋者也又何雅之云乎夫上焉者吾企之而未能中焉者吾學之而未至下焉者吾方以為戒而亦欲小子之戒之也或曰二子方從事舉子業可驟語以是乎李子曰惡是何言也文者道之著也夫道一而已矣文豈有二乎哉德業舉業其致一也古文今文其理同也如之何岐而觀之是故君子之為文也本之於德而達之以才體之身而為雅道運之心而為雅思宜之言而為雅音所謂根之茂者其實遂膏之沃者其光晔也噫非潛心大雅者其孰能知之

碧雲精舍記

古人講學授徒之所謂之精舍亦謂之精廬一也後漢包咸擅敷姜肱皆立精舍講授宋晦庵朱子有武

夷精舍葉少蘊氏有石林精舍今遺蹟尚存遊者仰其風聞者慕其勝其諸地因人重矣乎余年三十有八以謫免歸家居寡營溫繹舊業而邑之俊髦摳衣及門者弗能拒也乃築精舍於故里匪獨講授且將以爲菟裘焉爾丙戌之冬精舍成然未有名也友人左君舜齋大書碧雲精舍四字見貽取江文通詩日暮碧雲合佳人殊未來語也余歛容謝曰斯名也正合鄙意余少游庠序壯仕于四方驅馳荆楚吳越燕冀三晉之墟其取友抑多矣或厠硯席或叨寮案或偕征役同舟共車聯牀並轡笑談竟日盃酒達曙倡和連牀情投志合蓋有其人伏自拂衣謝事友麋鹿而盟泉石緬懷海內故交或德量弘遠或風節踔絕或學術淵粹或仕績宣朗或文辭古雅或識趣超卓或襟宇冲曠或操執堅定或遭讒而去國或蒙垢而困諸野三四十年来出處異跡存沒異世升沉異位悲喜異情山川阻修音問寥闊靜言思之殊增愴怳瞻碧雲而興遠念文通之詠深有契于余衷左君以是名扁其先得我心之同然乎昔陶靖節辭彭澤而返柴桑也春日懷友作停雲之篇厥旨寔與文通合其首章曰良朋悠邈搔首延佇末章曰豈無它人

李子寔多鳴呼傷哉羈鳥呼群獨鶴思侶在物且然而況於人乎岑寂無聊俯仰今昔幾欲賦碧雲以寄興顧才思寒澁吮毫弗就左君其爲我書靖節停雲之篇於精舍將朝夕諷歌用紆髦髦不必出自我而後見懷友之情也是爲記

景延精舍記

李子之致憲事而歸也葺精舍於廳事之西日讀書其中扁之曰景延蓋慕延篤之風而景仰焉者也客有疑而問者曰古之賢人君子可景者亦多矣子獨景叔堅氏何居李子曰士固有曠百世而相感者非必其迹之似亦惟要諸志之同而已間嘗閱曄史至叔堅傳讀其止李文德薦引之書而深有感焉其言曰吾昧爽櫛梳坐于客堂朝則誦義文之易虞夏之書歷公旦之典禮覽仲尼之春秋夕則消搖內階詠詩南軒百家衆氏投間而作洋洋乎其盈耳也煥爛乎其溢目也紛紛欣欣乎其獨樂也當此之時不知天之爲蓋地之爲輿世之有人已之有軀也斯言也雖叔堅氏自述已趣恍若親見余精舍讀書之况而模寫之者所謂曠百世而相感者非邪今天叔堅客堂諷誦之籍易也書也周禮也春秋也詩也百家衆

也皆精舍中所具也朝夕閒適惟文是娛幸頗與
之同所謂盈耳溢目之樂余亦有之第愧材質朽鈍
乏叔堅之精識而論解經傳弗能有所駁正爾叔堅
又曰吾自束脩以來爲人臣不陷于不忠爲人子不
陷於不孝上交不諂下交不瀆從此而沒下見先君
遠祖可無慙赧余三復斯言點檢平生幸未嘗得罪
於君親居鄉游宦頗無愧於上下之交即使渣先朝
露見先君遠祖於地下庶幾少免於慙赧乎抑叔堅
生丁桓帝時黨事禁錮以終其身余遭逢 盛時仕
雖不達幸保首領歸耕原野歌詠太平未爲不遇它

萬壽文集

卷五十五

十一

日鄉里好事者不必圖余形于屈原之廟但稱之曰
斯人有景延之志足矣按本傳永康元年延建於
其志行文詩云我思古人實獲我心此之謂也客再
拜曰聞子之言知子之志矣請書之以諭來者遂書
諸壁爲精舍記

藏書閣記

書貴於多乎哉曰不貴多也有一言而終身可行者
矣有半部論語而足以治天下者矣奚以多爲書不
貴於多乎哉曰多書所以博聞也易大畜之象曰君
子多識前言往行以畜其德夫前言往行載諸書君

萬壽文集

卷五十五

九

子欲大其蘊蓄以成其學舍多書奚以哉是故六籍
之堂萬卷之樓尊經之閣古之名卿鉅公咸屬意焉
寧有安於孤陋以自畫者邪孟子曰博學而詳說之
將以反說約也夫惟博而後可以言約未有不原於
博而徑約者此爲學之大方也余自孩童時酷好書
冊寔出天性然少孤而貧雖好之而莫能購也洎登
甲第游宦於四方俸金之所易胥吏之所錄家朋
好之所餽遺月增歲益頗充篋笥顧軼掌 王事莫
能讀也嘉靖丙戌免歸始取舊所儲書用唐人法分
經史子集爲架以貯之而屋隘莫能容也乃建藏書
閣於客堂之後蓋自伏羲至於文武自周公孔子至
於周程張朱自六經諸史至於裨官小說凡幾千卷
貯分類別填塞列度雖不能盡有天下之書凡士之
所當讀者亦靡備矣余寢室在閣之下夙興盥漱畢
即登閣披覽校讎有舛誤者則補正之其六經三史
注疏暨切要諸書輒用丹鉛點勘俾後人易讀間有
一得則又私爲論著以識知新之益食時侍者以饌
至食已披覽校讎如初倦則倚欄凝佇而書猶在手
也歸休以來垂二十年于茲飲食坐卧呻吟疾痛無
日弗與書俱客有叩門訪者童子必辭焉非素稔者

不之通客或怒而去久之知余無它亦弗深谷也暇時召二子至閣上而訓迪之曰古人無書求之甚難既得之必執讀不忘今人有書而不肯讀何迷繆之甚也昔王充家貧無書常詣洛陽市肆閱所賣書潛心默誦遂博通諸家藏逢世欲讀班固漢書苦假借難久乃就親友丐求客刺及書翰紙尾手自抄之卒以漢書聞陽城不能得書求寫書於集賢因竊官書讀之逾六年無所不通夫三子者其家無書而勤苦如此余儲書滿閣卷帙頗富汝曹從事於斯不必閱諸市肆丐夫客刺寫之集賢終身讀之有不能盡者

藏書閣後記

卷五

十一

矣忠臣孝子碩儒佳士皆由是出汝曹勉乎哉苟知有書不能讀者之可耻而專力以卒業焉異日倘成令名人將指而稱之曰此某之子也厥父善教厥子亦善學豈不有光於斯閣矣乎不然則閣中之所藏祇為蠹鼠蠹魚之資耳雖多亦奚以為也汝曹其書是於簡而警惕於無散哉

藏書閣後記

藏書閣者大梁李氏藏平生所積之書於是閣而崇重之也竊念年齒漸衰豈能徧讀將以是遺諸子孫而望其執讀切要之書以開發聰明成就德業不徒

誦說而已固非謬望其徧讀而亦不欲其但以博洽聞于世也顧淺哉其為學者輒引趙閱道之語以自文曰皐瓊稷契何書可讀抑閱道斯言有激而發耳豈其然乎三墳八索九丘遠古有之皐瓊稷契豈無可讀者而明刑典教三禮六樂亦非不讀書者之可辨也而以博自負者又懵然不知聖賢為學之本動以誦覽之富驕諸人斯二者皆非也歷考古之人以博學稱者無如晉之張華奇書秘籍無所不有其徒家也書至三十乘當時秘書監攷定官書皆皆華本以取正焉其所藏者可謂甚多所讀者可謂甚富史稱博物洽聞世無與比時人擬之子產而君子譏其學不足以適道才不足以制變專用心於名物度數之間而不知聖人之大用其諸孔子之所謂具臣矣乎夫博學如華猶弗免後儒之訾詬如此則夫竊勺水以自多者亦可以汗顏已足故聖人之教人也讀書有法欲其得之於心而體之於身自夫起居飲食之際無事而非學以至於藏脩遊息之地無學而非事所謂開發聰明成就德業者具有功緒可稽由是達則為一代之名臣窮則為一鄉之善士而書肆之機庶乎可免矣若夫能識劍氣能辨龍鮓能察庫雉

藏書閣後記

卷五

十一

能鳴石鼓能賦鵲鵲能手畫漢宮室制度之詳且區區小識末智非所謂聖賢大學之道也如有豪傑之士肯甘心以華自居哉夫不屑於爲華而有志於經世之業必有所從事者矣非余寡聞之所能知也敢書是於閣之壁以質諸有道者

避暑記

雲漢之詩曰我心憚暑憂心如熏蓋言驕暑繇早暎致云乃者已酉之夏炎歊孔熾粵自今歲春二月以來亢暘不雨至五月半始雨連陰靡解濕氣蒸灼遂成溽暑人弗能堪店廩盛作吾避暑於樂山亭奉時從化頗得順養天和之道繆自以爲奇爰命童史執筆記之記曰避暑有道乎曰有夏三日夜臥早起無厭於日吾得諸內經止聲色薄滋味節嗜慾定心氣吾得諸月令不以脾胃熟生物暖冷物吾得諸柳公度大暑不出吾得諸邵堯夫是故吾之居夏也每日昧爽而起盥櫛畢端坐一室溫繆舊業食戒太飽至午後食消乃閉戶偃臥甫就枕即魴魴寐家人悉屏兒童雞犬俾勿喧比寤而日晏矣起坐少頃覺腹內飢乃食食亦戒太飽食畢則逍遙庭除緩步吟諷或賦詩或屬文或裁荅四方書札任吾意弗爲之限

日既沒納涼亭中飲新茗一二盞頃之侍者以浴具進浴畢散髮露坐良久乃入戶寢息復魴魴寐比寤而雞三鳴矣起而事事如初繫吾每歲自端陽日止酒至重九日始弛禁雖賓友至亦鮮舉盃酌坐久惟茗話而已至于省思慮平喜怒慎起居簡人事茹淡獨宿則通四時爲然不特三伏時也吾行年六十有二自丙戌歸田二十有四年于茲矣凡百世務舉不嬰念獨讀書考古汲汲敏求心誠好之弗能解脫真若佛氏之所謂障者顧舍此則心無所寄亦何以消永日送殘年乎聊復從吾所好以自娛樂云爾嗟乎世人皆苦熱而吾獨不知暑以是故耳昔人有河朔之飲爲避暑也抑酣飲非老人所宜豈若吾避暑之方寬舒自得簡易可行有百益而無一損乎夫野人快曝背而美食芹且不欲自秘而思獻焉吾曷敢私有其樂而不以告人邪漫書其事弗暇藻飾山林有道之士諒有取於斯文

嵩清文集卷之五十三

記六 九首

嵩清書院記

榆枋小隱記

寶橋堂記

望嵩樓記

樂山亭記

東西塾記

醉休亭記

前河記

南園記

目錄

嵩清文集卷之五十三

記六 九首

嵩清書院記

大梁李漁川父

出汴城南薰門之十里許曰吳家屯嵩清子之別業在焉歲時率子弟耕讀于此耰鋤筆硯兩不敢廢云別業之前有綽楔一里人和汝南氏大書其上曰嵩清書院由綽楔而入左右之翼室各六楹左則牛櫪農具而右則確礮杵臼礱碾颺扇之處也中門據屏墻以分內外入中門為寶橋堂堂凡六楹廣五丈有奇深半之虛其中之三以為客座簾垂永晝花香穿牖墀曲圖籍琴奕壺矢匏樽土鼓田漏靡不具客至則留飲賦詩歌嘯竟日酒惟自釀茗取諸城市食菓雞豚果蔬蔬茹皆田廬畦園中物弗假外求也堂之前後左右室各四楹為子弟弦誦所而傭作者之所居則在別業之東偏茅屋土垣戶接而簷比也竊聞之君子先王經世之大法不過使人孝弟力田而已矣夫孝弟乃立身之本學者所以明此也力田乃養身之本耕者所以辦此也耕則為農學則為士匪耕則饑匪學則盲二者相資闕一不可也三代盛時一

夫受田百畝無不耕之士當有庠遂有序家有塾而亦無不學之人甫田之詩曰黍稷薿薿攸介攸止烝我髦士絜士農未嘗分也舜大聖人也萬世稱孝友者莫加焉而耕于歷山伊尹告君曰立愛惟親立敬惟長蓋孝友之人也而耕于有莘之野漢去古未遠乃立孝弟力田之科詔下郡國徵求賜勞可謂達治體者吾少登仕版叨領州郡垂十年愧弗能宣揚聖化以導民孝弟力田少裨風教之萬一今退耕田野無所用於時欲使吾宗之子弟知斯二者為立身養身之本戒游惰而敦本實飲詩書而勤稼穡不惟租賦易供緩急有備而禮羅之所求賓興之所需將有不能舍諸者矣請以是為書院之教規別業之農訓

榆枋小隱記

李子之居于郊野也草堂窈窕聊蔽風雨林樾茂密人迹罕至時禽變音如聞管籥熙熙然陶然自以為天壤之間無以易此樂也於是名其所居曰榆枋小隱何取乎是名也夫人之有生也同也而亦有不同也行藏異遇臧否異名聖狂異途彭殤異量圓方異性疆弱異力張弛異智短長異能羶香異嗜不同

也而亦無不同也各適其適而已矣是故古之至人和其天倪休乎天均順諸天則而無所容心於其間行者自行藏者自藏否者自否臧者自臧聖者自聖狂者自狂彭者自彭殤者自殤圓者自圓方者自方弱者自弱疆者自疆弛者自弛張者自張短者自短長者自長羶者自羶香者自香左弗矜右中弗訾旁舟弗惡車官弗厭商彼足彼分吾安吾常推斯意也其諸放乎廣莫之野而稅駕於無何有之鄉者乎莊生天游之士也其為說曰鵬之徙於南溟也水擊三千里搏扶搖而上者九萬里蜩與學鳩笑之曰我決起而飛搶榆枋時則不至而控於地而已矣奚以之九萬里而南為夫鵬翱翔於天池蜩與學鳩飛搶於榆枋大小高卑懸絕也然鵬不以九萬里而眇蜩與學鳩蜩與學鳩亦不以飛搶榆枋而羨鵬樂其自然之天而不慕乎外足其分之所固有而弗強其力之所不能亦曰各適其適而已矣是故達人大觀以天地為逆旅以古今為過客睥睨宇宙一任夫自然之運執行孰藏孰否孰臧孰聖孰狂孰彭孰殤孰圓孰方孰弱孰疆孰弛孰張孰短孰長孰羶孰香孰物自得亡害亡妨亦何必仰跂鵬之九萬里而俯陋蜩

與學鳩之榆枋也邪李子自識此理無日而不灑然
樂也乃作榆枋之歌酒酣擊缶自歌之歌曰榆枋
榆枋逍遙徜徉大小惟分兮化機聿章高弗妄覲兮
卑棲何傷圖南非吾願九萬從翔鵬兮鵬兮背負
青冥兮吾無能兮榆枋攸寧兮

寶穡堂記

李子治農于大梁之野築堂以居樂栖遁也逾時而
落之乃問名於荷蓀丈人丈人曰子之所事何事也
曰穡事哉丈人曰請名子之堂曰寶穡願聞其說丈
人曰天有五穀天之寶也地有五穀人之寶也宋有
結綠梁有縣黎楚有和璞魏有照乘之珠晉有垂棘
之璧當時莫不各以爲寶抑寒不可衣饑不可食有
亡不足以爲國之輕重時君世主顧以是爲寶至以
連城償之此與宋之愚人寶燕石者何異蓋寶穡之
經矣洪範八政食貨爲先曾史垂訓有年則書是故
堯命四子敬授人時舜命后稷播時百穀自古聖帝
明王重五穀而賤金玉撫運揆物寶其切于民用者
而已詩曰思文后稷克配彼天立我烝民莫匪爾極
貽我來牟帝命率育言穡事之始也又曰曾孫之稼
如茨如梁曾孫之庾如坻如京乃求千斯倉乃求萬

斯箱黍稷稻粱農夫之慶言穡事之成也由是仰足
以事父母俯足以畜妻子內足以瞻賓祭外足以供
賦稅閭門飽食忻乎樂康也與天下之可寶者焉
有過於穡乎吾以寶穡名子之堂其孰曰不宜李子
再拜謝曰敢不祇奉丈人之教亡何客有遺篆書寶
穡堂三大字者消吉而揭之相它日丈人登堂見之
盱衡而言曰寶不自寶惟勤苦者得之不然蕪穢弗
治祗益困累耳何寶之有詩曰無田去甫田維秀驕
驕言爲農不力而秀寇苗也長梧封人曰昔子爲禾
耕而幽菴之則其實亦幽菴而報子耘而滅裂之則
其實亦滅裂而報子言農功苟簡之爲害也由是仰
不足以事父母俯不足以畜妻子內不足以瞻賓祭
外不足以供賦稅閭門枵腹戚戚乎愁嘆也寶失其
寶而無所濟是豈寶之罪哉噫嘻寧獨穡事爲然邪
行政之方進學之術舉弗外是已吾子其慎思之李
子復再拜謝曰丈人惠我以嘉名爲陋室光又聞斯
三者聞農閭政聞學皆天下之名言也瀝不敢不寶
其所聞

望嵩樓記

詩不云乎崧高維嶽駿極于天夫五岳惟嵩爲最高

故曰嵩高其下有三十六峯東曰太室西曰少室相距十有七里而嵩其總名也余聞少室高九百丈太室則又高而嵩則尤高故曰駿極于天大哉嵩乎僊靈之窟宅也昔周靈王太子喬遇道士浮丘公接以上嵩山得道時乘白鶴徊翔山間居人往往見之余自少嗜神僊之學苦世溷濁夙抱煙霞之想顧俗累羈縻未能解脫翹首嵩高時興浩嘆余家居有樓頗雄峻敞朗暇則登樓獨酌望嵩于暮雲之外酒酣興發輒擊節歌曹植升天行李白飛龍引宋之間嵩山天門歌數章俛仰天地其樂無窮也因名其樓曰望嵩或曰凡山近則可望稍遠雨晴塵歛亦可望太遠則望之不可見已河南之汝州故有望嵩樓唐人劉禹錫送廖參謀詩有望嵩樓上忽相見看過花開花落時之句蓋自汝望嵩僅百里實可見也汴去嵩五百里而名以望嵩不已誣乎李子曰是非汝所知也天下之事有可以神會而不可以言喻者今夫莊周之所謂逍遙遊豈真遊哉精神之運意嚮之往心幾之動皆遊也昧者不察而求之足跡步履之間其亦難與語遊矣大氏與有所寄不限以遠近志有所屬不泥於有無雪中之蕉無絃之琴何爲者邪人苟無

冲曠閒遠之趣雖終日與嵩相對謂之不見可也誠有是趣飄然于埃壒之表嵩山雖在千里之外而神契靈孚固吾几案間物也詎可以道里遠近論哉鄉者皎月之夜凭闌獨立有飛鶴西來凌天風而度寥廓也忽聞空中笙音若鳳鳴者其僊人王子喬乎精誠感通不疾而速千載猶旦暮也千里猶咫尺也望之雖不見嵩而得見嵩之僊人亦何負於望乎夫然則余之樓名之曰望嵩亦宜

樂山亭記

汴故無山出城四面各數百里皆平原曠野四通八達之郊張儀所謂戰場是也故居人不遠遊者多弗識山或乍見畫圖中峭峯迴巘層巒疊嶂丹崖翠壁佛宮僊觀煙靄之吐吞晴晦之變態輒驚心駭目恍如夢寐諺曰陸居之民難與語山其然哉余汴人也幼弗識山年二十有七始遂壯遊之志輟車之所經東舟之所泊每遇名山必載酒登覽窮日而後返所謂峭峯迴巘層巒疊嶂丹崖翠壁佛宮僊觀煙靄之吐吞晴晦之變態數飽看而徧陟矣中歲棄官家居汴沒塵土思欲一見夙昔所登覽者以少紓幽曠蕭散之趣而絕不可得暇日偶誦宗少文圖山于壁卧

以遊之之語有繫于中乃竊自嘆曰與其則遊不若
坐翫於是疊石爲假山於藏書閣之陰高可數仞其
巔與閣埒雖出人力殆若天造而峭峯迴嶽層巒疊
嶂丹崖翠壁佛宮僊觀煙靄之吐吞晴晦之變態吾
山咸有之但具體而微耳是故對之可哦登之可眺
立其絕頂可嘯坐其麓可仰天而歌山之前有亭風
櫺月牖可飲而醉設石牀其中可倦而寢亭之外有
竹數百竿黛色可掬余長夏則避暑于此涼陰瑟瑟
清風颯然甚樂也亭故無名余友左君舜齊過訪留
酌亭中左君曰地無山而有山子有亭而無名可乎
請名之曰樂山遂索筆題樂山亭三巨字余辭謝曰
樂山仁者事也瀝曷敢當左君曰自子之歸休也掩
關卻掃弗與物接賓刺不通飲宴不赴公府不入可
謂靜矣語曰仁者靜子惡乎辭自子之屏絕人事
也日坐亭之中凝神冲默反視納聽保厥天和而又
玩義理以養心薄滋味以養血平喜怒以養氣是故
年逼耳順而髮黧然是壽之徵也語曰仁者壽子又
惡乎辭矧山在戶庭几席之間吾子終日挂笏而靡
厭非仁者能如是乎李子曰余勉於仁者也樂山固
其志願書左君之言於亭之中以自勵焉

東西塾記

父有善孰不欲其子似之詩曰螟蛉有子蜾蠃負之
教誨爾子式穀似之父有不善孰肯欲其子似之莊
周曰厲之人夜半生子遽取火而視之汲汲然惟恐
其似已也嗟乎既見其生實欲其可豈獨淵明有是
心哉雖庸夫愚叟之於其子也皆然但義方之訓未
之或知耳蒙之彖曰蒙以養正聖功也學記曰禁于
未發之謂豫發然後禁則扞格而不勝是故風愆具
訓于蒙士彛酒誥教乎小子格命啓聰于童孫蓋入
之幼也得諸天者純一而不雜故教之言易入而其
受教也亦堅固而不忘養之貴於蒙而禁之必於其
豫也有以哉吾家學稼堂之旁左右夾室各四楹因
以左爲東塾右爲西塾命子弟肄習其中延師以教
端模範也擇友與處資麗澤也乃於始就塾之日飭
言以告曰汝曹之從事於斯也無非使之講明義理
以淑其躬俟其成而後推以及人以發於事業云爾
豈徒資口耳廣聞見捷科第媒富貴已哉自古聖賢
教人之法多矣吾不暇遠引以涉於曠等姑舉今日
開卷所誦讀者言之子曰弟子入則孝出則弟謹而
信汎愛衆而親仁行有餘力則以學文夫孝弟所以

明倫也謹信所以敬身也愛衆親仁所以審於接物也力行之暇則學文而游於藝焉本末相須内外交養文質適均華實兼備此維第子之職而天德王道寔基於是大哉聖人之言乎抑古之人以家教聞者如韋長孺房玄齡柳公綽韓忠憲呂正獻司馬溫公康節邵先生咸有訓戒子弟之辭雖言人人殊要之皆義方也然深味之不若聖人之言切近精明貫徹上下在初學尤有力所謂蒙養之方豫禁之術具在是矣苟能不倦以終之斯李氏之佳子弟也詩曰夙興夜寐無忒爾所生勗哉小子其無忘父師之訓以貽塾羞

醉休亭記

古之人放情於酒遨遊醉鄉者若稽中散阮步兵劉參軍之流豈真嗜酒者哉蓋其負才卓詭逢時弗售低回偃蹇齎志而莫之紓也於是託酒昏酣閉關沉晦俛仰今古短歌長嘯一醉而萬事休矣其跡若踰諸禮法之外而其志寔可悲已錫山秦公爲周王左史之明年構亭三楹於公署之西扁曰醉休内列觴盤外植花竹客至則留飲奕碁賦詩抵醉而罷或擬諸稽阮而公弗之卹也公敎歷中外二十餘年宦

轍所至人皆賢之茲爲藩國之相諮議輔導扶隆而道尊然非其志也夫非其志而思歸亦人情也思歸而未能源遂蓋託諸酒而更隱矣乎此名亭之意也揆公之心蓋與莊周之浮休司空圖之三休山谷之四休同一昭曠由是而廣之書所謂作德心逸日休亦豈外於是哉亭成屬余記之公諱鑑字國重別號藕塘汲人咸稱之爲醉休先生云

前河記

埽頭集在汴城之東四十里集之北三里有村落人煙林木蒼鬱而河流潏潏環抱之堪輿家謂其土潤沙明形勢可居者鄉進士李君之別業也君始祖諱安元至正間襄陽路儒學教授以文章道德重一時二世祖諱延中國初舉茂才仕至廣西右布政使三世祖諱謙封文林郎行在山西道監察御史四世祖諱彬宣德庚戌進士仕至山東按察司僉事李氏爲大梁文獻故家其徙居埽頭寔自封監察御史始成化間河故道在埽頭南弘治中乃徙埽頭北在李氏別業之南相去三里許今河復徙於北咸父弗移而李氏別業乃在河之前矣是故君自稱前河子云君少從于遊爲深遠有本之學且廬前於河顧瞻興

懷味川上之旨繹水哉之嘆其有得於河之助大矣
由是涵養益深識見益遠它日作濟川之舟楫以凌
沃天浴日之濤歷九曲如平川而中流自在謂非河
上之所得可乎君名華魯字東學雅文飭行克世其
家云華魯後舉甲辰進士

南園記

大梁天下之都會也百貨之輻輳也名商巨賈之聚
區也然其間儒而商者乃有南園子云南園子者歟
西棠槌里人也忠信端慤以孝友聞於鄉始南園子
之生也先一夕厥父宇夢南園葵花盛開因命名曰
葵父服賈雄於財馳義聲梁宋間歿之日業寢衰矣
時南園子尚幼也奮欲振起之稍壯乃挾微貲遊大
梁十年居積倍徙遜產二兄而撫其孤俾各成立故
中州士夫咸高其行而樂與之遊云其從姪積英嘗
告余曰吾季父號南園園乃吾從大父所遺蓋經畫
而未竟者季父重惟先人之志乃益開拓增廣之經
始新第於園之中堂室祠寢皆完美矣有池可魚有
畦可蔬石逕逶迤花竹翳鬱可遊而賞園外薄田千
餘畝可供歲用田外溪流縈紆俯之可鏡溪外有山
而黃羅石耳紫陽問政黃山諸峯拱揖獻秀於霄漢

之表可對之而哦是故吾鄉稱勝槩者必曰南園季
父每遠遊歸則徜徉於園之中顧瞻丘壑徘徊涕泗
深慟其親之弗及睹也願先生記之以示後之人嵩
渚子曰孝哉南園子之爲行也所謂善繼人之志善
述人之事者邪隆殖業產增光於前人乃復敦念同
氣分財能讓撫育孤姪有薛包謝幾卿之風斯園也
雖謂之孝友園可也抑聞南園子之祖燦爲母吮疽
朝廷旌其孝於戲休哉其所由來者遠矣

嵩渚文集卷之五十四

序一 八首

國朝河南進士名錄序

國朝河南舉人名錄序

國朝祥符鄉賢傳後序

國朝祥符鄉賢傳後序

國朝祥符文獻志序

國朝祥符文獻志後序

河南癸酉鄉試叙齒錄後序

山西乙酉鄉試叙齒錄序

目錄畢

嵩渚文集卷之五十四 江西汪石

序一 八首

國朝河南進士名錄序

余少游鄉校竊聞之前輩曰今天下郡邑儒學咸有
 修學碑記然不過各紀其興建繕治之勞遷改增拓
 之績暨訓飭生徒之規而已茲有之固足以資學官
 無之奚足以病文獻邪越若科第題名則斷不可闕
 蓋歷歲悠邈人亡澤斬雖同井共巷之人亦弗能知
 其繇某科某家有盛衰嗣有續絕而郡志邑乘復多
 闕誤向非題名以識之跡湮影滅茫無稽察甚至有
 為之後裔而忘其祖之履歷者矣則夫科第題名之
 錄詎可少哉洪惟我朝自洪武辛亥始開進士科
 至嘉靖丁未凡五十六科姑舉河南一省而言登進
 士者八百餘人皆祖宗列聖之所作養皇
 仁帝澤之所培植而登進之者也其間名卿碩
 輔良臣循吏科有其人茲會萃而哀錄之將使鄉邦
 後學一開卷間即知先達某繇某科某與某為同年
 仰止之念聿興而世講之懿可復寔於風化有關焉
 前輩所以惓惓謂科第題名斷不可闕非有見於是

乎昔唐姚康寧輯科第錄起武德迄長慶而樂史重修登科記起李唐迄五代各爲一代總錄史又有江南登科記則專載一方者也宋洪适著大宋登科記自建隆庚申以至紹興庚辰李椿著中興登科小錄自建炎戊申以至嘉熙戊戌而宋之科第備矣論者以爲可補史之遺缺則輯歷科之名氏在前代固有之矣我朝景泰間湖廣藩司始刻國初以來歷科進士總錄而建陽書坊亦管梓之韻以洪武丁丑韓克忠榜誤爲辛未科而丁丑科則闕之不書皆諉曰世遠莫可攷已余歸田多暇繆志纂述乃屬同邑陸生束爰於總錄中摘出河南登第者名氏自爲一帙以便同鄉覽觀凡厥闕誤一一訪求補正間有事體異于常科者亦附注各科之後而世道之升降士風之醇漓人才之高下咸隱然可見聊亦備一方文獻之節目云爾吾黨之士披閱是錄而尚友其人豈無欲從先進而思與之媲美者乎若徒歆豔錄中之高官顯爵而倖一第以爲榮則非區區修纂之初意也方來科第擬續刻于左余不佞敢僭以是言爲鄉之後賢告

國朝河南舉人名錄序

嵩渚子輯河南歷科進士名錄成復欲輯舉人名錄以示邑子顧弘治以後咸有鄉試錄可攷自洪武庚戌始開鄉舉以迄于成化丙午歲遠錄亡莫可尋究乃多方蒐訪極其勤率逾二稔稽索明備所闕畧者國初二三科而已兩河士大夫聞之咸走牘借觀噴噴嗟嘆以爲難且曰嵩渚子亦勞甚矣乎余笑曰探討舊聞罔敢墜佚固吾黨事也苟克成編亦足以補誌乘之闕勞何足卹哉輯已將鉅梓以傳或曰事以小費類以多賤矧我朝位通顯者多繇進士科先生已輯其名氏矣繁舉人名氏十倍于進士可勿輯也余應之曰不然舉人之於進士也固繫乎學然亦有幸不幸焉仰惟先朝用人惟賢是使弗限資格是故進士舉人胄監保薦一體拔擢無所軒輊以茲奮揚事功天下熙然稱治此非立賢無方之明驗邪余少侍教於鄉長者每聞其亟稱吾鄉前輩繇舉人出身有聲於時者如太子太保兵部尚書臨漳石公璞太子少保戶部尚書祥符馬公昂刑部尚書祥符趙公玘工部尚書信陽孫公顯兵部侍郎洛陽李公郁工部侍郎祥符張公信右都御史鄆州王公彰翰林學士磁州蘭公從善其餘登九卿列侍從爲給事

中御史者濟濟其人乃若倡明理學歸爲聖代
眞儒稱首則有澠池曹公端孝行純篤 詔旌其門
則有光州劉公進洛陽關公錫外而位方伯官憲
使守大郡自左布政使祥符張公斌簡而公陵按
使歸德徐公永達而下寔不可以一二數也嗚呼
行如諸君子官業如諸君子鄉評推重如諸君子
有所謂生有益於時死有聞於後者也惡可以其鄉
人而少之哉宋儒劉子宣有言場屋之文朝廷假以
取士與學優則仕者異矣士大夫以此高下人物更
相矜傲更相景慕亦可悲矣斯言也頗中近世抑揚

嵩陽文集

卷之五

四

國朝祥符鄉賢傳序

瀛嶺蒙無似顧自幼喜聽鄉耆老劇談忘倦伏憶中
角時侍父師几杖竊聞其燕語曰吾邑人才最盛其
在勝國以前者姑未暇論入 國朝來名臣茂士彬

彬者齋躡風雲之會者踵相接于時其間宿儒遺老
如學士滕公克恭長史劉公淳宣方六曹如尚書安
公無趙公執馬公昂王公繼李公鉞侍郎張公信張
公泰經營四方如都御史祝公暹鄭公寧岳公璿陳
公瑗執法持平如大理卿王公宇納言慎允如通政
杜公明蜚聲藩臬如布政張公斌參政袁公江參議
王公豫副使劉公安僉事李公彬呂公益楊公璉監
驛廉貧如運使李公興循良牧守如知府王公觀趙
公登劉公謙康公厚張公賢盡心州邑如知州傅公
皓知縣甄公鐸清修耿介如訓導韓公忠劉公昂夫
諸君子者皆祥符人也生逢 盛時履方砥節先後
物故多歷年所幸頗得其事實於鄉耆老之口無之
殘碑斷帙間見一二失今靡記日浸湮滅後學何觀
焉屬者耕穫之暇稍親筆研乃據平日所聞而各爲
之傳僭附論贊寓高山景行之思云昔方遜志先生
嘗欲采輯邑賢遺事爲先達傳而卒未成編漁何人
斯輒敢及此但念諸君子或以文學稱或以節行著
或以事功顯皆 累朝 列聖之所作養諸先正
風聲之所漸摩而成其德器項背相望爲時聞人今
誌乘闕亡門祚衰薄聲沉響絕鬱晦弗彰又矣試舉

嵩陽文集

卷之五

五

其姓名以問里中縫掖之士咸茫然罔知矧鄉人乎
雖其子孫亦鮮有譜牒碑誌之存者比叩其家世莫
能措一辭矧它人乎瀛自蚤歲謬以一邑之文獻為
已任間嘗語同志者曰鄉先生湮滅無聞此吾黨之
責也或縱吏曰惟先生其圖之毋多讓於是極力蒐
訪自學士滕公而下得三十有二人私為傳論以示
邑中子弟倘有觀感而興起焉者固亦間師黨正萬
一之助而區區一念仰止之心不孤矣第愧聞見陋
陋筆力萎弱弗足以成一家之言聊且披故實備遺
忘竊為之草創云爾若曰發潛聞幽揚休播烈坐令
鬱者章晦者光俾諸君子精英飛動於冥冥之中必
有良史之才者能之瀛何足以與於此

國朝祥符鄉賢傳後序

君子之用心於天下宜無所私愛而獨於父母之邦
惓惓焉者何哉釋名曰鄉向也眾所向也燕人老而
歸本國或指城曰此燕國之城也乃愀然變容指社
曰此若里之社也乃喟然歎此無它重鄉土也是
故古之人過桑梓而下車望粉榆而舉祭豈不以祖
宗墳墓之所在而先生長者聚于斯游于斯邪嗟乎
先生長者逝矣然其高風餘烈奕世猶存晚進同鄉

卷之六

金志

六

寔深景慕顧其間多有後裔衰微書香斷絕叩其先
蹟家鮮遺文吾懼其泯焉而無傳也蒐訪闕亡私為
紀述俾一邑人文炳然可考夫豈得已也哉子曰吾
猶及史之闕文也有焉者借人乘之今亡矣夫抑史
闕文焉借人斯二事者於道未大有關繫聖人猶錄
之以詔後世矧吾邑之先生長者文章風節允有可
稱而邑中曾無一字紀焉愈久將愈湮沒莫可求已
茲非吾黨之責而誰之責乎瀛少孤而情落魄失學
二十六而登第三十八而免歸偃臥林壑今二十年
矣竊悼鄉俗日嬗古風寢滅追思前輩謬輯是編釐
其卷則八總其人則三十有二後賢相望尚有其人
續錄增修以俟君子所願邑中子弟讀傳懷人居鄉
尚友于木隱而西河美張湛歸而平陵譽昔有斯人
今奚多讓諸子弟其仰而最諸若但以甲科賡仕為
榮高車駟馬擁旌建節以夸耀畫錦於鄉人則稍有
識者皆醜之甚非區區表章先哲風厲來學之初志
也諸子弟其慎戒之哉末簡綴言庸致風俗之義

國朝祥符文獻志序

祥符為中州七郡之首邑自昔產材甚夥漢地里志
所謂重厚多君子厥民猶有先王之遺風其信然乎

哉粵自信陵君侯羸朱文張耳陳餘而下率多瑰璋
卓絕之士歷觀前史所載班班可考茲不贅錄獨念
國初以來邑中賢哲湮滅亡聞絕無紀述之者瀛極
力蒐訪得三十有二人已著鄉賢傳八卷顧又有姓
名僅存事實闕畧者卒無所據以爲傳乃復輯是編
總百有餘人分十有七卷竊放近世名臣言行錄之
例凡散見諸家文集掄揚贈答之篇有可徵者亦皆
采入而一邑之文獻亦畧備矣編既成或有問於瀛
者曰子惓惓於邑之諸賢而不置何也曰此區區之
夙志也昔者趙文子與叔譽觀乎九原文子曰死者
如可作也吾誰與歸夫九原晉之卿大夫死而墓於
此者抑多矣而文子獨屬意於隨武子當時晉人謂
文子爲知人瀛固非善知人者敢謂吾邑無隨武子
乎今俗尚異昔士風日下顧先烈猶有未泯焉者瀛
敢不知所與歸乎漢高之過大梁也爲公子無忌置
守冢五家且令民奉祀不絕亦惟表厥風禁云爾瀛
之爲是編也將使同鄉後進聿興趙武之思而宦遊
君子或有置信陵之守者乎此瀛所以惓惓於邑之
諸賢而不置也雖然瀛重有感焉夫人生弗百年即
百年亦甚近也百年之與百世就遠也士君子自立

高要集

卷之五

八

於一時固皆欲垂令名於百世也古謂鄉先生歿而
祭於社然或不見錄於一鄉斯亦可悲也已夫高官
華秩幸致於目前者不足夸而德業文章論定於身
後者定可畏耳讀是編者孰能不悚然而懼奮然而
興起邪瀛不敏書無郭侯之戒聞非胥臣之博妄輯
是編多所踈漏來譏召皆諒有所弗免焉嗚呼知我
者其以是編矣夫罪我者其以是編矣夫

國朝祥符文獻志後序

吾邑之風俗舊稱醇厚見諸往牒者可稽也士大夫
皆守禮法重名節以干謁諛諂爲深恥凡官長至則

高要集

卷之五

九

投刺往拜一茗而退翌日官長枉顧則具茗掃廛以
候寒溫外曾弗及它語是後相見甚簡或遇諸塗則
引車趨避居常鮮餽遺飲宴故有宦游四五年不三
三會者其遷去也則合衆祖之郊門闔韻賦詩以爲
別有善政及民者則愛戴戀慕越數十年思之猶弗
忘如故巡撫侍郎于公謙之經國裕民提學副使陳
公選之躬行率物布政崔公文奎之不抑市價郡守
衛公英之清簡愛人皆畫像以祀之誦說其德政迄
今不衰間有政令未協於民者而絕口不談其闕失
所謂居是邦不非其大夫吾邑誠有之其仕者之居

鄉也雖身都將相見邑里前輩執躬子禮遇諸金
則下車拱立稱呼尊行雖貧賤必曰某伯丈某叔
丈其自稱則以名而士之在庠序者見同學之長者
如見其父師即命之瀝婦孺必固敢遠越或乘騎遇
長者步必躍然下牽轡徐行俟長者行遠乃已然或
試居優等見長者則執禮愈恭退然如弗勝者余卅
角時猶及見之顧近時乃有大不然者矣烏庫士大
夫者齊民之俊彥鄉閭之標表也宣德天順以前士
風淳朴人皆君子正統成化以後俗尚忠厚靡有輕
佻迨至近年風移俗變始有恃聰明以凌忽長者挾
貴勢而驕其里隣者矣吁可恠哉余不自量僭著鄉
賢傳八卷而又博采逸遺輯文獻志十有七卷章隱
發潛式揚往烈而邑中同志鈔寫惟難乃節縮薄田
之入鳩工鋟梓藏之家塾時一幕印以應邑人之求
斯寔予小子夙昔未償之志也刊既成客有造余者
曰先生之爲是編也良苦而又捐貲刊之不已費乎
余對曰君其弗諒余之心哉余見世之仕而歸休耗
費於無益者抑多矣而余獨於此惓惓焉者竊念化
導鄉閭吾儕之責表章先進起後賢則是編也庶
幾有補於風教乎區區之勞費何足言也客懷然謝

曰先生之屬意者遠矣非某所及也遂書之于末簡

河南癸酉鄉試叙齒錄後序

余鄉舉舊有叙齒錄刻于鹿鳴始會之日者也嘉靖
癸未余承乏晉臺又明年乙酉汝南張光啓自嶧調
令陽曲因相與詢訂諸君子出處存亡之詳而復刻
之虛左方以俟後書不逾月而刻成余披是錄三覽
焉未嘗不竊慶得從諸君子後而繼之以獻猷也憶
昔癸酉之初第也連鑣九衢濟濟如也既而甲戌登
第者九人丁丑登第者二人庚辰登第者八人癸未
登第者四人謁選郡縣者八人典教者五人宦跡風
蓬邂逅靡易音塵寥闊曷慰我思乎明年丙戌赴南
省試者三十有二人咸厚積而將大施者也然先後
物故者業已十有三人矣盡乎悲哉盡乎悲哉夫自
鹿鳴始會之日距今纔十餘年耳而亡歿之多聚合
之難已如此歟忽數十年之後余又安敢知邪嘗聞
之間長老曰出處者時存亡者命聚散者勢厚薄者
情夫時命非人所預而聚散寔理之常乃若敦篤情
好世講而弗衰願與諸君子圖厥永焉

山西乙酉鄉試叙齒錄序

序曰人之大倫有五而朋友長幼居二焉二倫克敦

而君臣父子夫婦之倫罔弗敦矣嘉靖乙酉山西科
舉事竣予讀其鄉試錄則見諸俊士之姓名也郡邑
也文藝也咸具于是乃嘆曰簡八郡之材而禮羅之
題于一榜宴于一堂或夙契者或弗相識者或聞其
名而未覩面者茲同舉于鄉聞其有朋友之道矣乎
逾旬同年叙齒錄成予覽而復嘆曰諸俊士之同是
舉也經分而類合地異而氏殊乃今畧其宅惟齒是
叙其有長幼之道矣乎嗚呼五倫各居其一不可兼
也獨同年之士兼朋友兄弟之二倫焉嗟爾俊士可
不知所重與孔子曰朋友切切悃悃兄弟怡怡夫切
悃悃則責善而無隱否則諛怡怡則莫逆而有終
否則薄若夫德業相勗名節相厲勲業相期皆切切
悃悃之謂也同心之言共濟之美世講之好皆怡怡
之謂也曰諛曰薄君子耻之嗟爾俊士子知其免矣
尚致思於切切悃悃怡怡之際哉

嵩渚文集卷之五十五

序二 九首

魯文恪公集序

蔡石岡詩集序

河南碑刻目畧序

山西碑刻目畧序

明州倡和序

雪霽倡和序

河風序

夏周正辨疑會通序

續醫說序

嵩者文集卷之五十五

大梁李瀛川父

序二 九首

魯文恪公集序

古稱楚多材其風以文辭相高自屈宋而下代有聞人近遡勝國以前繇瀏陽歐陽文公而上殆不可以一二數云我朝文運誕啟楚材爲尤盛諸聲光未顯大者姑置勿述粵若館閣大老則有石首楊文定公華容黎文僖公長沙李文正公郁彬彬後先相望皆江漢之英醇氣之毓也三先生之後乃有景陵魯文恪公爲立鳳覽崛起于湖之南其華國之文鳴盛之什視三先生無忤色焉余生也晚弗及見楊黎三老甲戌登第始得拜文正公于京邸丙子試守沔陽而景陵其屬邑也時文恪公在告里居余以公家事往來厥邑聿訪公于夢野臺書院搜辱欵宴文談彌日竊嘗從公杖屨泛磬池眺鳬洲酌已有之園遊大椿之洞徘徊于紅雪午陰之磯者屢矣公不鄙寡陋間出其著作示余則見其根柢六經春容醇雅理到而辭昌氣充而意足味雋而光燁洋洋乎可以用之朝廷奏之郊廟誠所謂典則之文和平之音

也余讀未終卷乃作而言曰夫所貴乎文者非以其詞之工而貴之也當理之言斯貴矣是故君子之立言也不雕琢而自工不摹擬而自古時抒所蘊以發之筆端莫不完旨趣具文質中矩度接諸往軌而有合俟諸後聖而不惑斯可謂文也已而近世之爲文者則異于是銜華藻而本實之意微肆譏評而夸誕之氣勝艱澁以爲奇險恠以爲高僻晦以爲深求其中則理無所有而施之於政則不達措之於實用則不足是豈文之所貴者哉嗚呼文章關氣運盛衰疇其倡之而使至此極有世道之責者可不思所以障厥頽波而反之正乎公沒後二十餘年其子鄉進士彭嘉輯其遺稿將鐫梓以傳乃走使二千里謬以序屬余惟全楚文獻自三先生之後公信足以紹其芳躅矣初公入翰林文正公時在內閣每閣試輒眞公首列自謂恨相知之晚而文正公之初度也諸翰林咸以詩壽公即席賦詩有功收調燮無聲色疏乞歸休有歲年之句文正公擊節嘉歎以爲鄉邦有人夫公之文辭見重於鉅人長者如此則其必傳於世可知也矧公淳懿端慤之行恬退廉直之節尤足以淑一時而風百世者乎今海內之士咸惜公受粹于

天懋德于已宜登台輔以弘兼善之澤乃位止成均
壽齒七十徒使深蓄厚積之學僅託之詩文弗獲見
諸事業卒混迹樵漁偃仰于雲林煙水之間而溘焉
逝矣斯世斯文之慨寧有既邪沔陽童庶子士疇嘗
謂公功不及康濟而休風令節激昂食餼位不至卿
相而榮名重望傾動朝野年不躋期頤而清德粹論
垂式後昆其知言哉其知言哉公諱鐸字振之別號
東岡復號蓮北學者咸稱爲蓮北先生舉弘治壬戌
禮闈第一人文恪其 賜謚也

蔡石岡詩集序

嵩陽文集

卷之五

三

正德初吾鄉人之宦于京師者最號多文學之士若
翰林編修栢齋何公粹夫洹野崔公仲鳧給事中石
岡蔡公成之柳泉馬公敬臣水南田公勤父監察御
史浚川王公子衡無涯孟公望之中書舍人大復何
公仲默皆中州之產也諸子雖俱以文學著名而各
擅所長栢齋談名理浚川講經制洹野雄于文大復
工于詩而蔡馬田孟四子咸敷藻藝林步趨騷雅金
春王應竝稱能言杯酒倡酬殆無虛日蓋一時之盛
云癸酉冬余以計偕上京師明年甲戌春登進士第
時諸子或外遷或遠謫業已散去惟洹野大復在

朝籍余三人者乃相約爲文字之會道藝切劘篇章
啓發退 朝之暇無集不偕追憶曩時同鄉胥晤之
盛雖不可復得而朝夕過從亦差足以慰離索豁旅
抱已亡何余以戚里例不得備宿衛授沔守以去大
復則督學關西而洹野亦病歸鄴下矣嗟乎人生斯
世聚散靡常轉盼之間皆成陳迹此陶翁所以託詠
於停雲高生所以興哀於開篋也嘉靖癸未余有晉
陽之役而石岡蔡公適來長臬事列署相隣交契投
合公餘輒相與奕棋鼓琴探討文義甚樂也甲申秋
七月雲中變作 廷議推閔猷遠識之士往撫之乃
擢公僉都御史以行公毅然蒞鎮計斬渠魁宥釋脅
黨除煩苛示恩信圖惟更始而反側以安 帝嘉
其伐優詔褒獎於是進公爲副都御史仍撫其地公
方且不有其功獨謂生民之幸非人力所爲又何其
長者也而論者或囂呶失實其於公峻大瑰瑋之業
夫何損哉初公舉弘治乙丑進士改庶吉士讀書翰
林當時識者已許公器量絕人沉幾先物它日可以
處大事決大疑目爲文武通才既而敷歷中外二十
餘年輜軒所至懋樹風聲一撫雲中克成奇績孰謂
文章止於潤身已乎公在雲中者七年 召還拜少

司馬偶罹事非 予告南歸遂不起才不究用天下
惜之公既沒其子崇儒崇俊哀輯其遺詩將壽之梓
謂余爲父舊寮且夙有同聲之雅屬爲序余自愧謏
劣嘗辱公剡薦于 朝蓋知已也序曷可辭竊惟宋
廣平張曲江嫺於詞賦而人但稱其相業張睢陽顏
魯公善於聲詩而人但稱其死難之節寔以功烈掩
其文章爾公蚤負詩名同館巽服後宦績日隆而詩
名頗爲所掩顧公之意亦未嘗數數于詩蓋其志有
在也詩大序曰詩者志之所之也在心爲志發言爲
詩是故觀公之詩可以知其志觀公之志又可以知
其志

嵩陽文集

卷之五

五

公之爲人若曰公獨長於詩豈知公者哉公平生著
作多不存稿二子蒐索散逸僅成此編奉以相示意
甚悲慨余諗之曰君子之學以功及斯民爲實用若
夫徒殫精力于雕蟲篆刻之間者抑末矣汝父戡定
叛亂全億萬生靈之命于危城之中可謂有仁者之
功太史氏自當書之以有聞于後世其所以爲不朽
者在是又何著述多寡之論乎二子再拜泣曰幸聞
教矣遂梓之以傳

河南碑刻目畧序

余少讀歐陽公集古錄趙明誠金石錄洪适隸釋鄭

樵金石畧竊愛其紀載三代秦漢以來金石遺文甚
夥瀛洲間見一二恨不獲徧閱其真蹟而爲之一快
云或難之曰古人之文方冊具載之矣何必覩其真
蹟而後快于心乎曰漁仲蓋嘗言之矣方冊者古人
之言辭歟識者古人之面貌以後學跋扈古人之心
使得親見其面而聞其言何患不與之俱化邪洙泗
三千皆爲賢哲而後世罕聞焉絲弗得親見聖人之
儀刑爾金石質堅可垂永久以茲稽古庶不失真是
故觀晉人筆法可想見晉人之風猷觀唐人字畫可
坐得唐人之典則博雅好古之士舍是其何以哉抑
古人之真蹟傳世有久與不久者視石之堅脆而已
矣今天下之石惟齊魯爲最堅故秦漢以來碑刻僅
存于世者莫盛于山東如泰山孔林濟寧州之所存
者可攷也其次莫若河南而河南古碑之最善者莫
若酸棗湯陰受禪尊號諸碑耳瀛洲聞見隘狹未能盡
見天下古刻以償夙願繫故里河南寔古中原之地
其間豐碑巨碣殘章斷畫幸存于風雨剝蝕之餘樵
牧毀傷之後者尚有之矣蓋嘗訪造其下墓塌而歸
墨本璣奇昭映几席每一展玩心志豁然始信漁仲
所謂親見古人面貌之說良不我誣也復念深山窮

嵩陽文集

卷之五

六

谷之中土壤埋沒荆榛隱翳未見于世者不敢謂無耳然則余之斯錄詎能盡河南境內之所有而無遺乎姑據所見哀輯成編且各綴以數語效顰歐趙萃王河嵩鼎以為一方碑刻目畧俟後有所得則續錄于左焉是為序

山西碑刻目畧序

夫山西克舜禹之故都也秦漢以來碑刻宜繁於天下乃嘉靖癸未秋余赴官晉陽竊自念曰茲行也必得縱觀古金石之文如圖誌之所載者比入絳州而絳帖及東庫本亡矣至介休謁郭有道之墓而悲邑之隸碑亡矣渡滎河訪后土之祠而漢武之秋風辭碣亡矣上黨泐馮勅之碑榆次失荀藐之刻顧所存者皆宋金元近代之物可觀覽者絕少而漢魏兩晉諸名刻無一存者然則堅珉玄石果足恃邪昔歐陽永叔集古之遺刻謂物之終敝雖金石不能自久其感慨咨嗟之意溢于言表君子當知所以自立者矣余按部所見悉輯錄其目以備考訂仍各疏其槩于本刻之下而題之曰山西碑刻目畧貽我同志聊資博識云爾嗚呼好古君子豈無先得我心之同然者乎嘉靖乙酉冬十一月朔日汾儀李瀕川父書于鴈

陽樓文集

卷之七

七

門行臺

明州倡和序

明州在會稽山之東襟帶滄海枕山臂江鬱然據東南之勝余曩閱四明圖經歎慕久矣乃正德辛巳移倅是邦觀風問俗之餘而兼得登山臨水之趣心竊尚之又明年癸未叨轉晉臬征驂戒發郡之卿大夫家食者合餞甬江之許少司空董山李公時升揚解而前曰敝郡辱使君某矣而未有掄揚之篇是薄吾郡也願留一墨以嘉惠海濱余聞之躍然而起蒲飲浮白授筆賦明州歌十首書之江閣聊識薄遊云爾

高渚文集

卷之八

八

若曰發舒山川之奇以為郡乘光則吾豈敢哉維時在座者董山李公時升為最長首成和章乃若甬川張公常甫致齋黃公誠甫白齋張公君王皆四明之彥也咸和之時嘉靖二年春三月既望夷門李瀕川父書

雪竇倡和序

始余之徙官四明也客有以黃文獻公文集見遺者余展卷讀之見其雪竇紀遊八詠而心竊嚮往焉既抵任亟欲往遊屢以職務羈絆弗果行歲壬午夏五月余以公事至奉化縣而雪竇山實在奉化之西北

六十里維辰天氣清和景物絕茂佳興翻然不可禦
遂策馬沿其下登陴探歷信宿而後返自以爲平生
遊觀之許無踰雪竇者筆墨隨行興至則書之凡得
記一首雜體詩二十有五首時甬川張常甫以湖廣
提學副使致仕里居見之乃倚韻屬和而雪竇之勝
蓋自是稍聞于天下顧興猶未盡欲拉常甫再遊而
不可得因憶黃文獻公詩僊靈多窟宅欲往不敢又
則又不能不有繫于中焉今常甫謝世已三歷寒暑
矣披誦和章爲之潸然爰命童史合而錄之藏諸山
齋以志久要云爾

蘭溪文集

卷五

九

河風序

往正德丁丑春正月余以河陽守入覲都下而汶上
尹孟望之洋亦以職事至維時崔子鍾銑爲翰林侍
讀何仲默景明爲中書舍人薛君采蕙爲刑部主事
咸在京邸余五人者爲文字之會孟酒賡和朝夕胥
晤甚驩也追望之之遷汶上也余與仲默君采各賦
七言歌行贈之慕輿傷離亦各宣其情而已矣既書
之卷而崔侍讀子鍾讀之歎曰此盛世之音也乃四
子者家皆近河茲不謂之河風乎遂題其卷曰河風
今三十餘年矣崔何薛先後物故顧余樽材擁腫

支離如昨言念諸子墓木已拱矣蓋不必望西州之
門聞山陽之笛而不覺涕泗之交頤也田居多暇夏
輯成帙聊書此于卷端以識感悼之私云爾嘉靖丙
午清明日夷門老人李濂川父書于達生菴

夏周正辨疑會通序

濂聞之師曰春秋昭明如日月簡易如天地垂訓命
辭直書無隱顧世之學者每求之於深奧而聖人筆
削之旨荒矣謹按春秋隱公元年首書曰春王正月
左傳曰王周正月謂建子之月也伊川程子乃爲之
說曰周正月非春也假天時以立義耳夫以程子之
賢豈憚於此蓋泥於論語行夏之時之一言今夫論
語者聖門論道之書也春秋者魯國紀事之史也其
爲書固不同而可以例觀邪胡文定作春秋傳乃曰
以夏時冠周月龜山之在當時已不能無疑答書辨
駁其改正而文定卒未之從此所以啓後儒紛紛
之議也自是而後衆論蜂起或以爲改月不改時或
以爲時月皆不改或以爲時月皆改甲可乙否各持
堅白不相下於是春王正月之旨遂爲千古不決之
疑矣烏虜生今之世而反古之道仲尼以爲災及其
身矧春秋之作將以誅僭亂尊周室正一王之大法

濂溪文集

卷五

十

乃首改周之正朔其何以服亂臣賊子之心而使之
然以懼邪斯理甚明無可疑者今不復深思孰講
窮至當之歸而固執意見之偏取於盡廢衆說曷
若如寧闕疑之訓虛心研究以徐求其得失之爲善
乎劉者嘉靖丁酉北畿鄉試主司嘗以此爲策問而
力主葉時戴良周洪謨之說刊刻程文貽譏當世逾
三科丙午南畿鄉試主司鑒北畿之誤復以此爲策
問大意謂孔子周人也嘗曰吾從周苟無其位而改
周之正朔其何以訓天下試錄一出海內有識之士
咸是之孰謂人心無真見天下無公論哉瀛屏處山
林日長無事凡六經疑義竊嘗究心而於春王正月
之旨尤數數焉乃參攷群言就正有道反覆思繹久
之有得爰輯舊聞釐爲四卷題之曰夏周正辨疑會
通其前二卷所載雖於經旨有乖聊復存之欲使學
者先覽庸知其誤後二卷所載庶幾弗悖經旨謹備
錄之以爲讀春秋者之指南所謂昭明如日月簡易
如天地者始曉然于天下而莫之能惑亦古今之大
快事也區區自惟寡陋夫何所知詎敢仰測聖筆之
萬一博稽衆論漫爾折衷如曰不然請俟來哲

續醫說序

晉諸子曰醫家之書自西京以前不多也晉唐而下
括在詞典日增月益其說寔盛是故洞天之所錄有
司之所藏道經之所載凡一百七十九家二百九部
一千二百五十九卷學醫之士皓首窮年亦莫之能
竟也已抑醫籍雖繁肄習有要學有當熟讀者焉有
當細覽者焉有當參攷者焉夫曰熟讀者謂咀嚙其
味務得之於心也曰細覽者謂研究其術期應之於
手也曰參攷者謂質疑正誤博觀而約取之也今夫
內經述黃帝岐伯問答之語雖先秦之士依託爲之
乃其奧義微言寔爲醫家鼻祖殆猶吾儒之六經乎
秦越人八十一難經演軒岐之旨而闡明之蓋內經
之亞也張長沙本素難而爲傷寒論暨金匱玉函經
王叔和括軒岐素越人仲景元化之書而爲脈經茲
四者所謂當熟讀者也神農本草雷公炮炙華陀中
藏經巢元方病源候論劉溫舒運氣論奧王惟德銅
人鍼灸圖茲六者所謂當細覽者也葛洪肘後思邈
千金王壽秘要沈括靈苑初虞世尊生要訣婁居中
食治通說文潞公藥準張李明醫說茲八者所謂當
參攷者也間嘗與雲嶠翁論醫及此翁深以爲然顧
諸書世鮮善本學者病之而李明醫說屬者始刻于

山西臬司余偶得三冊乃以一遺翁翁曰之竟走謂
余曰是編所載千餘條皆汴宋以前事蓋李明南渡
後人也而劉守真張潔古張子和李明之朱彥修諸
子皆金元時人故其所論說咸未之採吾欲著續醫
說亦千餘條以補李明之未備可乎余贊之曰甚善
非翁之博洽其孰能續之逾暮而書成函以相示且
屬為序余披閱浹旬得以聞所未聞見所未見如入
武庫充戈和弓左右森列如瞰王府奇寶異珍震盪
心目如登泰華之山疊巘層峯應接不暇較諸李明
之編則事益詳而說益富矣凡學醫者當人真一冊
於几案朝夕參攷而不可一日離者也翁可謂用心
之勤而有功於斯道者矣翁名鑑字尚宜別號
大梁之儒醫也余自卅角時與翁為友問奇探秘逾
四十餘年相知為最深鄉為翁撰傳歷叙其劬書好
古老而靡倦人以為實錄今年七十有三耳目聰瞭
著述不輟而續醫說十卷特其一種云

嵩著文集卷之五十六

序三 九首

金鐘李氏譜圖序

醫史序

科場漫筆序

交游贈言錄序

勾股算術圖解序

稼軒長短句序

碧雲清嘯序

入沔圖政錄序

沔陽政畧序

序三 九首

大梁李應川父

金鐘李氏譜圖序

序曰家之有譜猶國之有史也三代建置史官紀載時事以昭典章示監戒職守至重也家之於國雖小大不同然昭穆支庶之分仕商之別生卒言行之細不有籍錄將與人俱滅歷祀浸遠或有不知王父之字者矣此豈非子孫之罪哉故古之人以三世不脩譜牒謂之不孝然則賢智而不為與愚不肖不知為者厥罪均焉爾吾李氏之先世自御醫府君諱景權而上不可攷夫不可攷者雖古之良史亦闕之不書孔子曰吾猶及史之闕文也夫闕之者慎之也斷自所可知而闕其所不可攷史之法也亦譜之法也李氏故無譜御醫府君之六世孫曰濂蓋嘗有志於脩譜不幸少而孤弗得備聞先世潛德之詳比年族中耆老相繼物故毚勉屬草無從咨詢坐是因循歲華久而未就日月于征倏忽白首乃竊自念曰人寓形宇內其生也若蜉蝣然生無益於時死無關於後是甘與草木同朽腐也顧吾之一身上承乎祖考

萬世文集

卷五

一

下啓乎後昆中庚乎族人恒愧昔竄不立進既弗能建功立業垂不朽於竹帛退又弗能發揚祖考之幽光丕示子孫之懿範聯屬族人之渙散寔天壤間一棄物耳將何以少述不仁不孝之罪乎濂為是懼乃聲脩族譜斷自御醫府君而下姑據見聞書之先之以圖繼之以傳傳以誼圖圖以明譜而附以論諒終焉無侈辭無飾語無夸事創制起例皆出自已心亡所蹈襲雖靡敢上擬歐蘇二氏之雄筆亦粗足以具家乘詔後裔云爾中間迂謀私志畧見論說而不仁不孝之罪或可藉是以少贖於萬一也夫李氏之子

萬世文集

卷五

二

醫史序

醫史者余輯前史所載方技列傳以為學醫者之正宗也前史無傳而諸名家文集有為之撰傳者亦採錄之都無可攷而醫術顯著者則借為之補傳蒐羅訪索凡得七十有二人而古今之名醫畧備矣或曰醫小道也子孽孽焉輯之何居焉清子曰醫道淵微匪言可盡非通乎天地之化明乎陰陽之理達乎運氣之旨察乎事物之曠者弗足以語此儒者以是為小道謂其但周乎一身之用而不足以該乎經世之

學耳若推其極究天人原性命洞經絡晰表裏幽贊神明功奪造化天下之道蓋莫有大焉者矣顧可謂之小道乎哉醫史之輯所以補準的示龜鏡存軌轍將使天下後世學醫者以是為師庶弗迷于嚮往云爾較之輯史更畫史者茲不切于用乎曰何為其切于用也曰人之有生也養身肅親慈幼之所當講者有急于醫者乎吾儒致知格物之目亦多矣其間最關於軀命者有踰于醫者乎孔子之所慎者三而疾居其一程伊川亦曰事親者不可以不知醫是故古之君子脩已治經之餘鮮有不致力於醫者今之君子舉崇法律之外顧於辭章字畫殫精散神為之而於父母之弗安也已身之失攝也昆弟妻子之遘疾也則諉之庸醫以試其術其不能無憾者弗少吁可謂不知務之甚矣故諺有之曰攻墓不若攻詩攻詩不若攻醫其有見于此邪曰攻醫之要上遡靈樞中探金匱下研金元數子之書可矣而奚事往蹟之求曰往者來之鑒也古者今之式也歷代之有名醫猶歷代之有名臣也名臣行道濟時所謂達則為良相也名醫活人利物所謂窮則為良醫也抑歷代名臣各有史傳近代又有言行錄傳世唐甘伯宗始纂名

醫傳七卷紀遠古以迄于唐之醫而世無傳本宋許慎齋紀五季以來之醫有圖而無傳近時豐城楊文恪公虛堂著名醫錄又畧而不詳讀者少之然則醫史之輯可容已哉曰與其輯醫史孰若輯方劑書之尤切于用乎曰古之上醫要在視脉脉理既明病乃可識脉之玄妙難以言傳意之所解口弗能宣也執古方以療今病不惟弗能起病而反增劇昔人嘗有是論矣故曰不知方者之輯方猶不知詩者之輯詩一詩未工何損於詩一方未善為醫曷窮難權許胤宗亦曰古之哲醫也而並有軸方之戒惡可謂遠矣為之以誤人邪曰方劑弗可輕輒則吾既得聞命矣而醫史之輯也果益于斯世乎曰益哉人能常閱是編可以究醫術源流之正可以諸入門遊奧之階可以識攻擊滋補之機可以得未病先防之道可以養身可以事親可以慈幼裕乎已而周於人寔為有益之寶學而辭章字畫之藝舉非所當先矣曰子之言良是也請備錄之以為醫史序

科場漫筆序

國家以科舉取士故凡思效用于時者必習舉子業以階仕制三年一大比郡國論秀率據此為格式

百八十年以來莫之有易也余少角時讀書鄉校爲
弟子負師課友亦惟以此稍長有知識心頗厭之
乃棄置不爲弱冠與里中諸豪俊游始得史記漢書
暨唐宋諸名家文讀之乃知古人自有文而古文自
有法於是益厭舉子業以爲不足爲矣正德庚午鄉
試見黜于有司余作下第賦以自嘲知厚者或勸余
曰以子之才少循矩矱于掇第也何有乃稍稍俛首
爲之適督學使者至集闔郡諸生試之見余所爲文
輒大驚喜以爲奇歲癸酉謬舉河南鄉試第一甲戌
叨進士第丙子己卯二科大比余兩爲湖廣簾外官

萬壽文集

一卷五

五

時守沔陽越三年壬午余在浙江爲受卷官時貳寧
波又三年乙酉余在山西爲監試官時僉按察凡四
預試事而監臨者皆以程文是託余每以素弗嫻于
舉業堅辭之監臨者請之益懇乃不得已而漫應之
是故三省試錄多出余手潦草屬藁姑了試事而已
歸休暇日偶取而閱之諸醜呈露不覺怵怩顧業已
鋟梓傳之四方雖欲掩之而不可得已乃自哂曰斯
雖一時漫筆不可以訓家塾之童稚乎聊復收輯以
貽兒輩實弗敢示諸人人也丙子之作間有爲人所
竄易者茲不錄惟自己卯以後三試之作釐爲三卷

每卷論一篇表一道策問五首答如之總名之曰科
場漫筆六

交游贈言錄序

余嘗讀陸士衡嘆逝賦有曰川閱水以成川水滔滔
而日度世閱人而爲世人冉冉而行暮未嘗不悽惻
慨然掩卷而歎歎者久之又曰親落落而日稀友靡
靡而愈索顧遺棄於遺存得十一於千百則又未嘗
不泫然泣下涕泗洑瀾而弗能自已云余平生海內
故交寔多文雅之士或奮羽廊廟或淹跡蓬蒿職命
不同顯微殊軌二三十年以來日月靡留先後物故

萬壽文集

一卷五

六

殆如晨星落落存者無幾士衡所謂共游一塗同宴
一室十年之外索然已盡嗟古今同一哀爾言念疇
昔諸交游贈言之篇贊倡和往來之什積盈篋笥未
遑輯理簡牘零亂日漸散佚因命豚子莘更類編成
帙命之曰交游贈言錄耕鋤之暇時一披覽追思曩
日離合之情遊宴之好感舊懷人曷勝於邑蓋不必
奏雍門之琴聽隣人之笛而搔首躊躇形神愴悵不
知何如其爲情也援翰寫心聊題首簡見屋梁之頽
色惜紫芝之眉宇余將寄深慨於斯編嘉靖乙巳月
南呂夷門老人李漁川父書于蓮生菴

句股算術圖解序

句股列九數之末所以御高深廣遠之法也或曰句股者蓋周髀之遺術算學之極致云在昔魏劉徽撰海島算術用句股之法後周甄鸞唐李淳風宋楊輝輩咸有註釋顧詞義簡奧未易通明嘉靖癸未余承乏晉臺任學之餘頗究心于九數竊念算學極于句股而句股達乎天運固非方田粟布諸顯著者可擬也乃不揆庸陋輒蒐輯古法綴以一得日久成帙命之曰句股算術圖解旨趣分明粲如指掌則凡天之高星辰之遠清淵白石之深名城巨宮之廣皆可坐而致也其爲用不既大乎書成藏之便笥時自檢閱乃知天地萬物之數皆自然而然忻然有會于吾心信游藝之可樂云爾若曰自附于胡安定許文正以算數教士之義則余豈敢哉

稼軒長短句序

稼軒辛忠敏公幼安歷城人也少與黨懷英同師蔡伯堅筮仕決以著懷英得坎因留事余稼軒得離遂浩然南歸紹興末屢立戰功賞作九議暨美芹十論上之皆切中時務累官兵部侍郎樞密都承旨晚年解印綬歸僑寓鉛山之期思帶湖瓢泉者煙谿月稼

軒吟嘯于其間亦樂矣哉今鉛山縣南二里有稼軒書院而分水嶺下厥墓在焉余家藏稼軒長短句十二卷蓋信州舊本也視長沙本爲多序曰稼軒有逸才長於填詞平生與朱晦庵陳同父洪景盧劉改之輩相友善晦庵答稼軒啓有曰經綸事業股肱王室之心游戲文章膾炙士林之口劉改之氣雄一世其寄稼軒詞有曰古豈無人可以似吾稼軒者誰後百餘年邯鄲張楚過其墓而以詞酹之曰嶺頭一片青山可能埋得凌雲氣又曰謾人間留得陽春白雪千載下無人繼觀同時之所推獎異代之所追慕則稼軒人品之豪詞調之美槩可見已晦庵之歎也時黨禁方嚴稼軒獨爲文哭之卒之日家無餘財僅遺平生著述數帙而已烏虜賢哉長短句凡五百六十八闕余歸田多暇稍加評點間於登臺步壠之餘負朱荷鉏之夕輒歌數闕神爽暢越益超然不覺塵累之解脫也惜乎世鮮刻本開封貳郡歷城王君詔讀而愛之曰予忝爲稼軒鄉後進請壽諸梓願惠一言以爲觀者先余聊摭稼軒之取重於當時後世者如此其中妙思警句則評附本篇云

碧雲清嘯序

余嘗閱花間尊前釵漱玉清真聊復稼軒古山等
集皆詞曲也昔人謂之詩餘又謂之長短句蓋其體
昉于唐而李太白氏寔爲之倡今所傳憶秦娥菩薩
蠻二曲乃倚聲填詞之祖也嗣有溫飛卿皇甫松輩
亦稱妙絕人並膾炙焉逮宋盛時歐陽永叔蘇子瞻
黃魯直秦少游晏同叔張子野諸子咸富填腔之作
要之以醞藉婉約者爲入格故陳無已評子瞻詞高
才健筆雖極天下之工然終非本色以其豪氣太露
也而子瞻獨稱少游爲今之詞手豈非取其醞藉婉
約爾邪程子曰古人之詩如今之歌曲當是時金元
度曲未出所謂歌曲正指填詞耳而范文正朱文公
諸大儒亦嘗有作一洗香奩粉澤之陋超然自得於
筆墨蹊徑之外使人讀之有瀟灑出塵之想洋洋乎
邈哉竊觀近世以文章名家者多弗究心於此若曰
吾不屑爲也豈其然乎惟誠意伯劉公伯溫平生所
作幾三百首神藻絢爛光溢簡帙蓋自伯溫之後家
家百餘年間有作者不過數首而已豈非引商刻羽
之調填腔定難而陽春白雪之音屬和自寡邪余幼
嗜聲律喜誦古人雅曲撫景觸事潦草效顰寫興適
情游戲翰墨陶然而樂也耕鋤之暇積案漸多爰

命童史輯錄藏之篋笥漫題其簡首曰碧雲清嘯碧
雲者余小子山居之堂名也清嘯其自放云

入沔圖政錄序

曲禮有之四十曰強而仕五十曰艾服官政蓋自弱
冠之後強仕之前凡二十餘年皆古人讀書力學時
也逮至四十則問學充矣閱練熟矣而後可以事人
故但曰仕而已至五十則問學益充閱歷益熟而後
可以爲大夫任長民之責前此未遽授也此先王經
世之法也是故子夏曰學而優則仕夫學焉未優惡
可以言仕邪昔夫子命漆雕開仕對曰吾斯之未能
信夫子悅之者何哉悅其不自欺也夫人莫難於不
自欺而尤莫難於不自足未信之語自視欽然窺其
意惟欲及時進脩深詣而邃養以造高明之域其早
聲堅定之志確如也夫子悅之其諸不與由求爲國
之對而獨取浴沂詠歸者之意乎抑今之學者自髫
髻時便學舉子業師友訓督朝夕記誦者無非時文
講套是究是習以求速售而古人爲己之實學匪惟
絕口不談亦絕耳不之聞矣夫以不學之人一旦而
授之政其不顛踵債事賊夫人之子者幾希於虐此
斯民所以不得蒙君子之澤而治道不古若也瀟年

三十有七叨竊甲第以姻親故例不得爲京朝官
乙亥季冬分符守沔顧惟孱庸正當讀書力學之年
而朝命驟加專城謬寄中心祇懼若履薄冰明年
仲泰銜命赴郡便道過家上冢事竣乃走南陽葉
鄧之墟抵襄登舟逢窓書靜頗覺閒適漫輯是編庸
資龜鏡凡七日而成命之曰入沔圖政錄書不云乎
圖厥政莫或不艱夫苟知其艱則莫或敢以易心臨
之矣持不敢易之心以圖有終之政庶幾少有濟乎
爰錄成帙將就正於有道者時正德丙子夏四月奉
訓大夫守沔陽州李濂川父書于漢江舟中

沔陽政畧序

李濂川

土

沔陽政畧序

昔張芸史謁歐陽公於京師聞公多談吏事疑之乃
請曰學者之欲見先生莫不以道德文章爲欲聞者
今先生每教人吏事寔後學所未喻也公曰文章止
於潤身政事可以及物子異日臨事當自知之抑政
事及物乃儒學之實用濂竊有志焉而力莫能逮也
伊濂之初入沔也在正德丙子夏四月其去沔也在
辛巳秋九月蓋首尾六年云中間入覲者一考績者
一科場供事者二數奉臺檄驅馳於外邑足跡殆徧
湖南而在沔理事之日甚少于凡沔民利病所當興

沔陽政畧

李濂川

土

華者弗知則已知之未嘗不行行之未嘗不決任然
取謗咸弗之卹是故愚見之播諸公牘行於上下者
頗多顧鄙人之意惟欲小民安妥少贖曠瘼之罪而
已故既行之後多弗留稿迨遷而去片楮靡存繫繫
餘之芻狗病痊之藥石夫何所用之而亦不復記憶
矣嘉靖癸未濂承乏晉臬沔人童太史士疇一日以
四鉅冊寄我題之曰沔陽遺愛錄且致書曰是編皆
吾師治沔政蹟乃門生故吏之所私輯者於吾沔有
遺愛焉茲錄其副以獻門下吾沔之人願與吾師之
子弟並藏之濂開緘涉目愧汗沾背亟移書止之曰
國莽之政何足以戒矧公牘乃吏胥之事亦何足以
傳邪遂返是編於太史請燬之而太史復答書曰明
道先生之作令也不有晉城縣譜乎富文忠公之作
守也不有青州郡譜乎晦菴先生之蒞南康所東也
不有勸諭約束諸公移乎善政嘉猷良弗可泯不然
則後世奚徵焉吾聞其言而不能難也於是刪其瑣
細無大關係者三之二僅存其切於民生利病者若
千篇而易其題曰沔陽政畧藏之家塾以貽我後人
倘有沾一命之榮膺守牧之任者苟能裁酌而行之
以爲臨民處事之龜鏡則區區及物之澤益遠矣而

太史氏惓惓寄我之意庶幾其不孤矣乎嘉靖甲申
冬十月朔大梁李濂書于鴈門行臺

嵩渚文集

一金李

三

嵩渚文集卷之五十六

嵩渚文集卷之五十七

序四 十首

楚辭序

孔叢子序

荀悅申鑒序

鍾嶸詩品序

唐李白詩序

陶淵明集序

白虎通德論序

事類賦序

源流至論序

未第序

嵩渚文集

一金李

二

目錄畢

尚書文集卷之五十七

大梁李瀛川父

序四 十首

楚辭序

李瀛曰漢劉向聲輯楚辭十六卷輯屈原離騷諸作續以宋玉九辯招魂賈誼惜誓淮南小山招隱士東方朔七諫莊忌哀時命王褒九懷劉向九歎而大招乃附漁父之後賈誼弔屈原賦顧遺而弗錄東京王逸後又續以九思而注釋之爲十七卷世傳王逸楚辭是也宋洪興祖是無咎又從而補注之重編之

尚書文集

卷五十七

一

訓詁篇章雖頗詳備然皆不如朱注精確云按朱註楚辭凡八卷其篇次悉如向定獨刪去七諫九懷九歎九思而斷大招爲景差之作進賈誼弔屈原賦二篇其去取可謂嚴矣又采擇荀卿成相以下至呂大臨擬招凡五十二篇爲後語蓋取晁氏所輯續楚辭變離騷二書而刊定之者也夫楚辭者風雅之變詞賦之祖也後人爲之如至方不能加矩至圓不能過規學者讀三百篇後即當讀是書矣顧世無善本梓行成化間吁江何憲使廷秀嘗刻之汴臺歲久漫漶殆不可誦余幼好是書每借人家藏善本手自鈔

勝之苦弗使也通守沔陽亟刻共八卷以傳或曰何以不刻後語也曰後語所輯咸古人名筆矯矯然稱雄於數代之間者安可以弗刻也第刻附屈宋之後辭或不類假若博輯凡古詞賦良弗可遺也今專叙楚辭而濫及它作無乃盤作者之意邪朱子斯錄亦不得已而仍晁之舊耳觀其不直以楚辭名之而別之曰後語意淵遠矣今止刻八卷蓋遵朱子之本意云爾非僭有所去取也乃若後語諸作所以不類楚辭之義世自有能辨之者茲弗殫述

孔叢子序

尚書文集

卷五十七

二

孔叢子七卷爲篇二十有三世傳漢孔鮒撰鮒字子魚一名甲魏相順之子也秦并六國召鮒爲魯國文通君拜少傅始皇三十四年丞相斯議令燔書鮒懼遺典之滅亡也方來之無徵也遺今之禍烈也乃與其弟子襲歸藏書壁中隱居嵩山之陽無何陳涉起爲楚王聘鮒爲博士鮒以目疾辭退而著是書乃蒐輯仲尼而下子思及子上帛子高穿子順慎之言行列爲六卷後太常孔臧又以所著賦與書合爲一卷附焉曰孔叢子云嘉祐中宋咸嘗爲之注矣嗚呼是書也宋鮒之手筆否邪按漢書藝文志無孔叢子而

儒家有孔臧十篇雜家有孔甲盤孟二十六篇宋晁氏謂孔叢子即漢志所載孔甲條孟者也夷攷顏師古注謂甲爲黃帝史或曰百帝孔甲姓名偶同世代異矣顧可以鮒爲著盤孟者哉晦庵朱子嘗謂是書文氣緩弱不類西京 國朝潛溪宋氏亦有辨說疑即注者宋咸所作要皆有特見者然則刻之柰何曰七卷之中皆推尊孔氏緒論雅正儒者尚焉固不可不刻而傳之也

荀悅申鑒序

余嘗過許昌之墟訪父老問荀氏故居高陽里所在許父老弗知也乃出城北之五里則見八龍冢歸然岡左餘冢數十叢然參差環繞之蓋昔荀氏之族也於是駐馬遲徊歎歎久之弗忍去蓋傷荀氏多賢而逢時不造云按申鑒作於荀悅氏悅儉之子淑之孫也年十二能說春秋家甚貧無貲易牘每借牘覽視輒一一誦記所負者綽乎足用世矣惜乎生值靈帝時志在獻替卒弗得行乃退焉託疾著書以自表見而時人莫之識也所著有漢紀三十篇申鑒五篇崇德正論及諸論數十篇皆可傳而申鑒久無刻版余守河陽乃刻之郡齋以爲人之不遇而幸其

言猶存也嗟乎世之賢人志士抱經世之遠略格於時而弗能用者豈獨一荀仲豫哉然人滅而文彌彰仲豫亦可以少慰矣

鍾嶸詩品序

鍾嶸詩品品漢魏晉六朝諸家詩也品者何進瑜而退瑕昭往以標來示弗迷也審其言低昂體裁辨析情理要皆發所獨得嶸可謂知言者矣其言知言之難也自西京以來沉寘超悟以文學著者如楊子雲厥儷鮮已嶸有言曰如孔氏之明用賦也則賈誼升堂相如入室矣蓋深相如而淺誼也夫屈宋之後作者踵起獨誼詞最爲近古相如子虛上林諸賦雖極其瞻麗環情之觀較諸惜誓弔湘鵬鳥之作崇下無俟辨矣善乎朱子曰賈生以命世英傑之才俯就騷律其文高古非一時諸人所及信確論也嗟乎子雲乃茲失品漢矣余於是益嘆知言之難也嶸爲梁征遠記室參軍在當時號稱知言觀其立論大抵推曹劉爲文章之聖擬陸謝爲體貳之才又曰陳思爲建安之傑公幹仲宣爲輔陸機爲太康之英安仁景陽爲輔謝客爲元嘉之雄顏延年爲輔又曰孔氏之門如用詩則公幹升堂思王入室景陽潘陸自可坐

於廊廡之間矣妙賞精鑒洞淵幽玄若參軍可謂知
言者矣余嘗見世人多刻宋人詩話無慮十數家若
此書曷可以弗刻也乃刻之河陽貽我同好意表嶸
知言云爾

唐李白詩序

李白者唐開元天寶間詩人之冠也詩至開元天寶
間爲最盛若杜工部孟襄陽高渤海岑嘉州王右丞
儲御史王江寧李頎常建者皆聲振藝林言中金石
彬彬乎一代之英也故稱盛唐十大家云孟高而下
諸子白與之同時並稱能言才非白敵罔敢頡頏獨
工部與白齊名世稱李杜自唐宋以來評者無少軒
輊國朝洪武初新寧高棟編次唐詩品彙允有賞
鑒乃收白於正宗而標甫獨爲大家微意可槩見矣
蓋白詩風之變也甫詩雅之變也白天才縱逸神秀
難蹤甫學力闢深準繩具在此李杜之別也故曰白
開元天寶間詩人之冠也按唐志白有草堂集二十
卷當塗李陽冰所錄陽冰序中已謂十逸八九而
近代刻本又多附以厲作亂其精實東坡之在當時
業已有是恨矣矧年代彌遠校讎彌疎則夫今所傳
者誰敢保其無謬逸邪余刻白詩十二卷於河陽共

詩九百六十四首而賦序書表贊頌雜文不與焉辨
屬補逸尚有望於世之博雅君子云

陶淵明集序

嗟乎辭仕而就隱者豈古人之本意哉故商幣及莘
伊尹幡然而喜樂正子相魯孟子喜而不寐夫二子
者何喜焉道達而志行也古之人有生不逢時進則
詘志乃不欲詘志也於是揆時勢酌重輕違亂於未
形垂高於不朽翩翩乎蠅蛺蝶埃之中放浪江海之
上鴻飛冥冥絕塵而不反者蓋甚不得已也余嘗愛
晉徵士陶淵明棄官從好脩然有採薇蹈海之風每
撫其遺文輒興愴慨若形影贈答之篇平死生一禍
福蓋深會禦寇力命之旨三良荆軻之詠衛木塢海
之感宛有黍離之遺悲歸田穫稻飲酒間居之趣雖
古之巖棲澤釣結蕭蕭卜灌畦牧豕之徒又何以加
焉嗟乎是豈淵明之本意哉載觀感士不遇賦遐望
軒唐緬懷馮魏固非無意於當世者千古悲涼之思
疇則諒之淵明舊有集八卷共詩一百二十三首文
十七首鍾參軍謂其詩篇意高古辭典婉嫵爲古今
隱逸詩人之宗梁昭明序其文曰有能觀淵明之文
者馳競之情遣鄙吝之意祛由是觀之則淵明此集

匪特爲藝家之宗抑亦約進之良軌也詞翰人間風流未泯余刻而傳之學者仕者諒皆有取於斯焉

白虎通德論序

昔者孔子刪詩序書稽正禮樂替周易脩春秋而六經作泰燔圖籍以愚黔首而先王經世之大典燼矣漢興懼遺文之散亡乃始開獻書之路建藏書之閣置寫書之官迨至向歆父子總群書而著七略顧六經之同異莫之議也光武中興篤好文雅明章續緒尤重經術鴻生鉅儒負笈挈帙不遠千里而至者甚夥由是辟雍東觀蘭臺石室宣明鴻都暨仁壽閣之所藏者動以萬計而古書稍稍復出矣建初中詔集諸儒於白虎觀講論五經同異不曰六經者樂亡而不可考也維時天子稱制臨決如石渠故事此白虎通德論之所以作也其後有董卓之變焚蕩殆盡繼又有劉石侯景祿山黃巢之變極而至于五代之季以迄女真蒙古之變而自漢以來文籍世鮮存者幸而白虎通一書如魯靈光殿巋然獨存若有鬼神訶護於其間往歲遼陽傳君鑰守太平時刻真郡齋而中土人士未之獲見祥符學諭麻城陳君全通解書院供費以壽諸梓與諸生共之嘻可嘉已大氏天下

之物山有時而崩川有時而涸石有時而泐獨至理之言與天地並存日星同耀是書佐佑六經開拓見聞誠非他書可比屢經世變而不隨泯滅謂非鬼神訶護之力可乎陳君篤學好古近刻學則若干條以訓髦士君子謂其得師道云

事類賦序

宋博士渤海吳淑著事類賦自篇奏詔而爲之註蒐羅百家貫穿古今可謂博洽也已余覽是書未嘗不嘉其考覈之精敘述之美而三歎其用心之勞也雖然余竊有論焉載籍日多世罕自得之學以得之之易也七十子之徒目不見載籍而斐然成章以得之之難也古之人有老而後見完本論語聘上國而始見詩之風雅頌適曾而始見易象春秋其得之之難如此故其潛心覃思強探力索一旦豁然貫通則爲自得之學矣近代雕印寔繁汗牛充棟故學者微悟寡而剽竊多訓愈明而功愈懈如道德性命之說則有陳北溪字義程若庸字訓而真西山讀書記爲尤精如車冕器服之辨則有朱晦菴儀禮傳通解楊復三禮圖而陳祥道禮書爲尤備如草木鳥獸蟲魚之類則有司馬公名苑陸農師埤雅而羅鄂州爾雅

翬為尤悉是故古之人有終身不能通者今開卷了然而可曉抑體驗精察之功其於此心之自得何如也吳氏此書聚博為約最便初學且彙括成賦諧以音韻誠類書之優者也展而閱之亦窮理格物之一助惜乎賦體皆俳匪古之軌蓋遵當時取士之制云爾開封守南宮白侯刻真郡齋請余序之余借書所見於卷端如此甲午冬十一月朔嵩渚李瀛書

源流至論序

新喻簡公之巡撫河南也政暇謂開封守南宮白侯曰源流至論一書外講特甚蓋校勘刻之侯奉令惟

嵩渚文集

卷之三

九

謹未暮月而告成事或問於嵩渚子曰聞見之知多知也德性之知真知也君子之學亦惟致吾德性之知而已矣乃若源流至論博聞廣見徒資舉難焉耳矣奚以刻為嵩渚子曰嘻夫知者心之靈而性之用也曰德性之知曰聞見之知一而已矣是故博聞廣見雖得之於外而所聞所見之理則具於心夫豈有二乎哉子曰多聞闕疑多見闕殆又曰多聞擇其善者而從之多見而識之大學曰致知在格物夫聞見者所以致吾知也外之物格則內之知致此儒者內外合一之學也不然聖門立教何以一則曰博文二

則曰博學而深賢夫以多問於寡者乎苟專務記誦而無及身實踐之功斯可鄙耳是書門析科列祭如井如蒐羅事實悉有斷制初學之士讀之亦足以聞所未聞見所未見于凡經史之綱要百家之異同前人論說之是非歷代制度之沿革咸得以略識其槩焉刻之以傳顧不宜哉曰奚以源流名也曰淮南子不云乎有形之類莫尊於水而禮記亦云三王之祭川也或源或委夫委者流所聚也是書由古以達今如水之自源而徂流浩浩洋洋莫可涯涘蓋有本者如是爾舊分前後續別四集前後續集為林德頌氏所編而別集則編於黃吉父氏德頌名駒吉父名履翁皆閩人也並有文學顯名於宋之季世故紀載宋事獨詳云

未第彙序

余孩提時隨先母歸寧外氏至輒啼舅遺果啖之啼弗止母曰兒在家每啼以書冊示之則止舅從母言試之果然咸以為異甫能言先君子授以孝經入耳輒不忘六齡就塾師日誦千言九齡學作詩句頗出諸人語間長老奇之年十四先君子捐賓客資給單寒欲改業里人謂兄曰弟也才科第易耳鞠養無

嵩渚文集

卷之三

十一

愠也年十九而喪母然一身伶仃困苦無力買書
贊師常借書覽詞約友肄習焉正德丁卯元夕偶作
理情賦爲友人左舜齊持去而空同李子時僑居汴
見斯賦於舜齊所乃大驚異稱之曰逸才逸才翌日
訪余吹簫讀書處忘年締交多倡和之篇居無何遂
庵楊公以都御史督馬政西入關中饑舟河漕李子
其門人也往謁焉公首問中土人才李以余對頃之
郡守陳侯澍來公曰汴有一士守知之乎陳謝不敏
公語以姓名陳歸亟召見郡堂面試譙樓上梁文援
筆立就陳太奇之自是知名郡中戊辰鳳山秦公以
督學至試以文甚見稱賞遂延入公署命與子泮同
硯席未幾遷去而執齋劉公代至見余所作古文歌
詩甚奇之待以國士癸酉發解鄉闈明年會試南省
登進士第乃以戚里補外低回州郡漂泊湖海間關
邊塞者逾十年日惟從事於案牒簿領之間而學殖
荒落矣歸愈氏所謂聰明不及於前時道德日負於
初心斯言殆爲余發歟未第豪氣有數百篇遊宦以
來散佚殆盡滿者謝政里居心閒無事檢尋敝篋香
無一存顧親友之家間有藏之者蒐訪收錄僅得十
之二三暇一展玩而少角之志蚤年之見拂鬱之情

蕭瑟之迹亦略見於是今年垂四十學不加進靡序
如流駸駸鄉暮而氣血漸衰踈懶愈甚尚敢望大有
成就邪余讀傳記見古人少而穎異者長必振立於
時若祖瑩八歲耽書王勃年十二而序滕王閣胡致
堂吮乳夜啼燈書示之則止後皆有聞焉余幼嗜書
冊寔出天性似頗異於群兒乃今落魄無成誠天壤
間一棄物耳撫躬憫志惡容已於悲咤哉昔宋景文
公每見舊作輒憮之甚欲焚棄余意亦然客有勸余
勿毀者姑存之以示我後人使知凡爲學者雖有美
質尤當努力慎毋優游歲月坐致頽廢如余之無聞
斯爲善學也已爰書簡端用代家訓時嘉靖丙戌冬
十一月夷門歸客李瀛書於榆枋小隱

嵩渚文集卷之五十八

序五 十首

汴京遺蹟志序

乙巳春遊臺序

湖廣鄉試錄序代作

浙江鄉試錄後序代作

夏止齋先生政監序代作

周文端公文集後序代公之婿陳御史陳作

永感十慕詩冊序

救荒本草序

嵩渚文集 卷五十八

陶節菴傷寒六書序

幼科類萃序

目錄畢

嵩渚文集卷之五十八

大梁李瀛川父

序五 十首

汴京遺蹟志序

余未第時讀書吹臺營輯宋藝祖而下九帝起庚申至丁未凡一百六十有七年之事為汴宋春秋垂完而輟既叨甲科遂服官政固無暇及此丙戌免歸始得肆力纂述乃於篋笥中檢尋故稿散逸罔存於是追憶舊聞著汴京遺蹟志二十卷冠之序曰粵惟秦漢以來天子建都之地曰關中曰洛陽曰建業曰汴梁曰臨安其間遺蹟往事非藉圖籍以傳則蹟與代湮事隨人滅陵谷變易城闕丘墟雖都人遺老有不能道其舊址之所在者矣然則圖籍之在寰宇亦豈可少哉今關中有三輔黃圖呂汲公長安圖記程文簡公雍錄葛稚川關中記洛陽有楊佺期洛城圖韋述西京記李格非洛陽名園記王正倫洛陽類事建業有史正志建康志朱舜庸建康續志陳魯南金陵圖考臨安有武林舊事周淙臨安志李心傳朝野雜記皆行于世學士大夫一展閱間故都遺蹟宛聚目前不必履屨觀風詢宮問沼躡荒臺矚廢殿而感時

懷古之情自不容已于卧遊之頃矣獨吾汴自五代以迄于宋久爲帝都而紀載之書無聞焉幸微有孟元老夢溪錄一帙燕巖猥瑣無足觀者余少角時聞先生長者咸稱宋敏求東京記王權夷門記頗爲明悉而未之見間嘗徧叩城中藏書之家暨海內博雅之士皆亡有也丙午之夏余避暑于南垞別墅幽居寡營神慮澹爽乃稍親筆研創輯汴京遺蹟志成所愧聞見褊陋蒐羅疏略摭括靡周詮次無法詎敢曰與呂汲公程文簡諸君子之編並行于世哉聊亦擬故實備考索舒慨資譚噉補鄉國之闕文消山林

讀書集

卷之六

二

之長日而已乃若區區刪訂取舍之意備見凡例所謂一代興衰治亂之故亦略寓于其中讀是編者當自得之

乙巳春遊彙序

余少厭塵囂雅尚丘壑然家本大梁苦無山水間嘗閱嶽圖海經洞函嶠錄輒喏然坐忘意馳神往蚤歲宦游四方每遇佳山水必掉鞅以遊探奇窮幽竟日忘倦乃若京師之西山襄陽之鹿門湖南之大別洞庭京口之金焦吳門之虎丘無錫之慧山杭州之西湖會稽之雲門天姥若耶剡谿四明之天章雷實阿

育王山台溫之赤城鳳蕩河東之底柱龍門罔不遂眺覽之願焉嘉靖丙戌免歸時年三十有八杜門掃軌不復遠遊蓋逾三十年于茲矣乙巳暮春晴陽戰和覺獵心之復萌適婚嫁之甫畢乃策杖渡河駕首西邁入王屋躡天壇觀濟源池張徊于龍潭盤谷之間弔古懷賢殊有情興還經寧邑過山陽問竹林遺跡遂入六真山尋列僊丹竈地邈至百家巖駢客嶺石門潭軒憩井城之百泉書院爰陟蘇門山絕頂訪孫登嘯臺邵子安樂窩觴詠于泉上之涌金亭留連數日興盡而返樂哉斯遊良足慰吾平生也已往返

讀書集

卷之六

三

僅二十日得遊記十二首雜文三首五十五言雜體詩五十九首詩餘長短句十首合爲一帙實多几案時一展閱恍若身在巖瀑間雲翔霞蔚猿鳥亂啼清賞既足而吟嘯以歸也昔宗少文好遊名山西走荆巫南登衡岳晚歸江陵歎曰吾老矣諸山恐難徧歷惟澄懷觀道臥以遊之凡所經履悉圖之于室謂人曰撫琴動操欲令衆山皆響抑余之輯是彙也其諸少文圖山于室之意乎彙凡五卷秘不以示人明年丙午秋巡撫大中丞池陽柯公枉駕敝廬偶見之客堂踞然喜曰廣志抒抱遊之大義疾誦一過心骨灑然

是不可不錄梓以傳乃屬聞對太守桂林白侯刻之
郡齋余固辭焉而未能也姑漫爲之序以論諸同好
者

湖廣鄉試錄序 代作

正德己卯秋天下當大比士巡按湖廣監察御史毛
伯溫職當監臨先期謂藩臬諸臣曰賓興重典也其
豫聘師儒祗遴諸執事以供若事務期得俊士以佐
翼我國家於是肅度挈綱諭士嚴屬惟公惟慎
殫厥心力焉先是都御史秦金巡撫數年于茲澤深
化洽士咸奮勵總督侍郎陳雍賑濟都御史吳廷舉
撫治都御史王鎮繼至又皆作其氣而新之夏六月
鎮守太監李鎮始至暨總兵安遠侯柳文分守太監
梁英呂憲司權太監李文僉以文事爲重樂觀厥成
適即中王宗伍全負外郎徐咸主事茅胥以事至
而藩司秦臺檄所聘諸師儒亦相繼至戊辰入院御
史伯溫乃以其暨教諭劉大清爲考試官武文周潮
張時格粘燦李鎬訓導胡山楊喬緒高爲同考試官
左右政使周季鳳右叅政夏從壽爲提調官按察使
聶賢僉事顧英爲監試官右布政使方璘左叅政葉
相副使惲魏陳萬黃天爵左右叅議黃質顧珣僉事

汪玉田登張萱與欽都指揮張勳劉淳石爾皆贊襄
于外者也綜理既定乃合提學副使張邦奇陶簡士
而三試之取士八十有五刻其文之粹者篇二十丙
戌格院以榜以宴諸俊士於是乎進矣某不肖濫竊
乎文茲與諸俊士始見也其可以無辭乃揖諸俊士
而告之曰嗟爾俊士其知君子所以進者乎夫君子
之進也行吾道也非爲爵祿也科舉者以言進者也
爾之言豈端爲科舉計邪書曰敷奏以言明試以功
言責實也嗟爾俊士其知君子所以自立者乎蓋義
利之分幾微之間也君子講之熟見之定審其幾而
罔惑是故惟義之尚匪義弗爲也雖衆人非之毅然
而不顧此君子所以自立於一世也孟子曰欲知舜
與蹠之分無他利與善之間也言不可不審也嗟爾
俊士其知君子所以不朽於後世者乎崇階鴻閣一
時之人則知之歷代稍深乃滅沒弗能見已君子藏
脩於其家懋明厥德靡怠靡間故徵於身則面睟背
盎推於人則物動民化及其立人之本朝也隨事宣
力皇皇焉惟素食是報而務樹一代之駿功暇則爲
志載籍力誦而靜思以會古聖賢之心或有所得則
起而筆之績成一家之言以詔來世蓋言之不容已

者此之謂不朽是故韓穆叔曰太上立德其次立功其次立言夫知所以進則知所以立知所以立則知所以不朽於後世者矣其致知於爾後士者如此爾後士平日自期待者亦有合於是乎抑頗戾於是乎夫見與是合而厭聞焉謂之自盈見與是戾而弗之取謂之自是自盈則日荒自是則日損荒與損學者之大患也嗟爾後士其敬聽之哉其敬聽之哉

浙江鄉試錄後序 代作

嘉靖紀元天下當大比監臨浙江鄉試者御史何絳也至期則申飭諸司額天以從事內外百執事罔不

滿漢文

卷之六

六

公度祇慎務期得人焉錄成某序諸後曰嗟乎士之舉也猶女子之嫁也禮有之女出于門父命之曰戒之敬之夙夜無怠毋施衿結帨曰勉之敬之慎乃宮事子多士行且仕矣余何言庸助爾乎吾聞君子之事君也行其義也達其道也義行則志不孤道達則學有用夫士之窮居也志以基之學以殖之弦誦校序脩身俟時基崇而殖厚矣乃薦于鄉以上于朝聚而試之叙而官之中外靡齊皆行義達道之地也子多士夙昔之志之學何如而可自負也與哉夫古人之心未嘗不欲仕也而亦未嘗不欲推所打以煎

濟也倖致者戾義旁趨者畔道寧政者寡學曠時者里志君子耻之是故道合言從曰遇澤流于世曰融四海又康曰崇推賢遜德曰吉內省弗怍曰安令聞不泯曰永六者義之樞也道之軌也志之鵠也學之獲也執樞導軌而鵠而獲士之善者也子多士其敬之哉勉之哉舍是吾無以語子矣

夏止齋先生政監序 代作

政監三十二卷華亭止齋夏先生所著余覽是編未嘗不悲其才志之大而厥用弗竟云夫才者夫所賦也而充之由學志者心所期也而行之由時

滿漢文

卷之六

七

長老曰先生正統甲子薦于鄉時年二十二謂續學不深厚也辭同行會試者不赴戊辰始試舉進士明年授南京吏部主事局務清簡購大學版刻群籍悉誦習之己丑遷江西提學副使讀書白鹿洞中暑寒靡倦觀諸政監所載才猷足徵而金陵白鹿所得弗可誣已故曰才充由學夫以先生之才俾秉鈞衡敷張獻納必大有可觀者而位止山東右布政使齋志以歿君子傷之故曰志行由時抑聞先生自弱冠時業已留心世務聞 國家政令之善喜形顏色否則不憚終日平生慕諸葛武侯范文正公文丞相之為

人嘗觀其像縣書舍中昕夕瞻對時興浩嘆由是觀之則先生之人品槩可見已先生名寅字時正一字正夫天順成化間數上封事皆民隱急切政化本原並寢不報所著有紀行集備遺錄東遊錄史詠讀易記藏于家政監持其一爾乃刻之沔陽

周文端公文集後序

代公之婿陳都御史陳作

君子之功業文章所以垂百世而不朽者必本諸志志也者功業文章之準的也吾志既立而功業文章卒赴其所期由是銘之鼎鐘勒之琬琰來世傳之後學仰之曷莫而非本諸志哉璘幼聞太保文端周公

尚書集

卷之六

八

教曰志以基美美以昭遠遠以永譽故功業不若韓范文章不若韓歐非吾志也嗣見公送李廷輝文有曰人必有志也而後可以有為必有為也而後可以名世夫天下之事在君子所當為者抑多矣知之而不為與為之而不至其極者皆非志士也由是觀之可以規公之所自立者矣公蚤承厥考莊懿公之訓登天順庚辰進士繇翰林累官至太子少保大司徒其在禮部也卻夷獅之貢毀妖姑之寺其在吏部也抑高祿之傳陞罪梁處之按獄其在戶部也臧織造之嵯金止靈臺之增役處分戚畹之田奏省元宵之

費凡災異條陳必切時病隨事納忠不可殫述古稱賢和如韓范諸老公何愧焉公為文不尚險怪艱澁之辭步驟韓歐諸大家而間出已意義理明曉讀者遜服公歿後長子太守某輯其遺文十卷將鐫梓以傳而屬璘序諸末簡璘忝為公婿誼不可辭敢述疇昔之所聞于公者為序以見公之功業文章所以垂百世而不朽者本諸志爾璘受公良誨如此奔走中外幾三十年仕蹟竟罔聞于世負公之教多矣援筆而愧慙者久之

永感十慕詩冊序

尚書集

卷之六

九

永感十慕詩冊者沔郡倅張君玘慕其父東山翁作也翁既沒玘追慕其善行弗能盡書也於是摘其大且要者十事布之於冊曰永感十慕彰其善也冊既成於是沔之寮友暨鄉大夫里居者咸為聲詩詠歌之嘉其慕也正德己卯春玘携冊造余請曰吾父東山翁潛德重于鄉閭玘學而未能也茲擇其十事如左旭夕顧諟惟恐或遺公其為我叙之言未既泣數行下復哽咽不能語余戚然展冊睹其所謂十事者曰敬身曰齊家曰孝親曰教子曰慎祀曰親賢曰樂善曰卹貧曰崇儉曰服勤乃嘆曰賢哉翁之為行也

悲哉琬之為慕也諦觀翁之行事皆隱居之所有事而動合古訓一一可為鄉人範施干有政蓋無往不宜者其古隱君子之流歟傳曰往而不可返者年也斯不可追者親也憶琬未仕時翁髮蒼體健庭訓諄諄在耳也今仕矣而翁弗存則夫皋魚季路之所以為心者琬其能免乎哉此十慕冊之所以作也抑翁之十事皆施于家而未布於國琬推翁之心而達諸政以澤一郡之民天下之孝莫大于是矣故曰孝者善繼人之志善述人之事者也琬其母徒慕也與哉余重述其請漫書冊首聊以廣琬之慕焉

之心於九京云爾

救荒本草序

淮南子曰神農嘗百草之滋味一日而七十毒由是本草興焉陶隱居徐之才陳藏器日華子唐慎微之徒代有演述皆為療病也嗣後孟詵有食療本草陳士良有食性本草皆因飲饌以調攝人非為救荒也救荒本草二卷乃永樂間周藩集錄而刻之者今亡其板瀟家食時訪求善本自汴携來晉臺按察使石岡蔡公見而嘉之以告于巡撫都御史蒙齋畢公公曰是有裨荒政者乃下令刊布屬瀟序之按周禮

大司徒以荒政十二聚萬民五曰舍禁夫舍禁者謂舍其虞澤之厲禁縱民米取以濟饑也若沿江瀕湖諸郡邑皆有魚蝦螺蜆菱芡藻蘆之饒饑者猶有賴焉齊梁泰晉多墟平原坦野彌望千里一遇大侵而鵲形鳥面之殍枕藉道路吁可悲已後漢永興二年詔令郡國種蕪菁以助食然五方之風氣異宜而物產之形質異狀名彙既繁真應難辨使不圖列而詳說之鮮有不以虺牀當靡蕪難危亂人參者其弊至于殺人此救荒本草之所以作也是書有圖有說圖以肖其形說以著其用首言產生之壤同異多名次

言寒熱之性甘苦之味終言淘浸烹煮蒸曬調和之法草木野菜凡四百一十四種見舊本草者一百三十八種新增者二百七十六種云或遇荒歲按圖而求之隨地皆有無難得者苟如法采食可以活命是書也有功於生民大矣昔李文靖為相每奏對常以四方水旱為言范文正為江淮宣撫使見民以野草煮食即奏而獻之畢蔡二公刊布之盛心其類是也夫

陶節菴傷寒六書序

陶華尚文號節菴者正統間臨川名醫也嘗著傷寒

瑣言及家秘的本殺車槌一提金截江網明理續論
為傷寒六書云治河大中丞松石劉公謂是事關微
鉤玄濟物攸賴守湖州時嘗刻之郡齋今復移檄開
封命郡守白侯刊布焉而贊成之者河道憲副鉞山
胡君也工既完屬瀟序諸首簡瀟家世業醫幼聞之
先人曰百病之急無踰傷寒是故學醫者當自傷寒
始傷寒既明餘病無難理也自漢魏晉唐以來治傷
寒者咸祖張長沙仲景之書顧其文辭深奧非洞識
經絡者弗能曉且專論外感而遺內傷間有宜於古
而不宜於今宜於北而不宜於南者兼之篇帙殘闕
讀者病焉嗣有王叔和朱奉議許叔微龐安時成無
己劉守真滑伯仁諸子衍繹補輯粲然可觀而世之
治傷寒者有指南矣節菴之為是書也精思妙詣獨
智自得多發諸子之所未發可謂大有功於長沙者
夫何惓惓囑其子秘而藏之勿傳諸人似非仁人君
子大公無我之心此松石公之所以一刻再刻而不
容已也瀟披玩是書重複繁冗而各編命名亦弗雅
竊意節菴其子之質鈍惟恐言之弗詳知之弗固
而不慮後之刻梓以傳播於世故若是其草率耳安
得深於是術兼長於文學者秉筆刪削以為精明簡

約之書以淑諸人以傳諸天下後世豈非醫林一快
事乎節菴又有傷寒治例直指及標本論點點金段
段錦四種統名曰傷寒十書倘松石公見之自當續
梓焉以行于世

幼科類萃序

醫之為科也十有三而最難者莫如小兒蓋小兒筋
骨未堅脉息未完神氣未全問之而弗能言診之而
未易決是故謂之啞科書曰若保赤子言保之之難
也老子曰聖人皆孩之言孩之之不易也黃帝曰吾
不能察其幼小者言幼小之難察也慨自顧頡經亡
而童孺夭折者多矣世之稱小兒醫者曰錢仲陽陳
文中李樞董汲栖真字漢東王氏皆有顯名於一時
顧未免囿於準繩尺度之中而乏超然自得之見求
其推移變化卒與法合譬如珠之走盤而不出於盤
惟錢仲陽一人而已夷考仲陽當宋神宗時為太醫
丞素難與言無所不窺乃建立五臟之方各隨所宜
用之謂肝有相火則有瀉而無補腎為真水則有補
而無瀉可謂抽金匱玉函之秘而得內經之髓者矣
惜其遺書散亡出於門人閻孝忠之所裒輯者非仲
陽本意也幼科類萃一書不著纂者姓名觀其引用

諸家之說蓋近時醫工為之者治河大中丞松石劉
公謂是書有保嬰活幼之功乃命開封郡守南宮白
侯刊布焉竊謂鉅山胡君寔方贊之昔程伯子有言
一命之士苟存心於愛物於人必有所濟斯刻也其
諸利民惠物之心而形於疏濬之餘者歟刻既完松
石公以序引見屬余嘉其有益於民生故不辭而書
諸首簡

陽清文集

卷五十八

古

尚書文集卷之五十八

尚書文集卷之五十九

序六 九首

王端毅公文集序

大學士賈公南塢集序

巴陵余氏族譜序

李氏居室記序

朱僊鎮岳廟集序

四明文獻志後序

尚書義粹序

北觀集序

甲壬集序

陽清文集

卷五十九

古

目錄畢



序六 九首

王端毅公文集序

竊聞元宰大臣之文與墨卿藻士之文不同也何爲其不同也志不同也蓋元宰大臣志在於天下國家曾弗有意於工文而斬人之悅且譽也墨卿藻士志惟在於工文規規然摹擬於古而必斬人之悅且譽也夫志既不同故其文自有不可得而同者稽諸隆古若咎繇之謨伊摯之訓傳說之命周召之誥以至無逸君奭立政諸篇上毗君德下潤生民風淢乎皆天下之至文邈乎不可尚已抑近代鉅公亦有以文集傳世者若韓魏公之安陽集司馬溫公之傳家集文潞公富鄭公范文正公諸君子竝有著述皆未嘗有意於爲文而因事屬辭簡明平實如米粟之可以療饑木絲之可以禦寒藥石之可以伐病適於用而靡疎要諸父而弗繆非徒爲無益之空言而期以一藝自名者也於戲休哉嘉靖乙巳巡撫河南都御史三原維公仲僊以其鄉先達王端毅公文彙屬礪銓擇編次將錄梓以傳且徵言以爲序瀛受而讀之浹

旬輒用已見稍刪其太率易者二十篇餘悉仍其舊釐爲十卷乃再拜颺言曰天之生是人也其有意弼成一代昌明之治乎公舉正統戊辰進士敷歷中外幾五十稞累官太子太保柱國吏部尚書丕著風節於憲宗之朝其碩望偉度足以懾四夷沉畧遠識足以熙庶績仁心惠政足以福黔黎議論嘉謨足以翊皇度暨譽不動其心進退必以其正海內之士無不仰其風采其諸孔子所謂大臣以道事君者邪孝宗御極之初首召公還朝東鈞政府于時恭運方亨君子道長公引拔群賢布列當路如盧氏耿公好問襄城李公公勉莆田彭公鳳儀盱江何公廷秀太原周公伯常金陵倪公舜咨華亭張公時敏皆一時縉紳冠冕同寅協恭共輔太平之業非公之休休有容人之有技若已有之而無毫髮媚嫉之意其何以致彙征之效而措天下於至治哉公去今四十餘稞矣而其高風令聞猶使人嚮慕詠歌不能自已是以撫其遺文興三歎焉公平生所作多不刻意雖或出於肆筆爲之而其要歸必本諸仁義忠孝有補於天下國家夫豈若世之墨卿藻士雕琢其詞艱澁其句苦心於一字一句之間動以之自

夸詡曰是擬其代也是擬其篇也而竭一生之精力以爲無益之空言者哉公所著有介菴奏議石渠意見玩物意見經籍格言清河通志歷代名臣論諫錄總若干卷不在集中

大學士賈公南塢集序

孔子曰辭達而已矣至哉斯言自六經以來莫之有易也其千古命辭之準乎夫辭文辭也意蘊諸中非辭莫達是故君子之命辭也但取諸達意焉已爾辭苟足以達意豈非辭之善者哉今之所謂詩與文大都皆辭之類雖出於後世之所撰而其原皆本於六

萬葉集

卷五

三

經竊聞序述論說原於易詔命策檄原於書詠歌賦頌原於詩哀誄祭告原於禮書秦箴銘原於春秋代有名家人有名篇而何後世之能達其意者不多見也粵自春秋戰國以來若左丘明荀况莊周漢則司馬遷賈誼董仲舒劉向班固唐則韓愈柳宗元李翱元結宋則歐陽脩曾鞏及蘇氏父子元則虞集姚燧柳貫黃潛國初則宋濂王禕蘇伯衡方希直以迄於楊士奇諸君子皆所謂辭達者也前倡後承竝稱能言學士大夫咸宗之夫何近代之爲文者弗浚其源而助其瀾弗培其根而飾其葉詩必曰漢魏而摹

擬以求似何有於興致之優柔文必曰遷固而艱澁以爲古何有於旨趣之雋永甚至牽綴蹈襲前轍釀訂刻削晦澁辭弗足以達意而詩文之陋至此極矣曩乎文中子曰古之爲文也約以達今之爲文也繁以塞斯弊在隋唐之間已然而今尤甚惟吾鄉文臨穎先生南塢賈公則不然公以純明惇確之德端直恪慎之操自翰林編脩以至少傳大學士遭際

萬葉集

卷五

四

明聖入司密勿其養之也充其積之也厚故其發爲詩文平正馴雅辭不繁而意達誠所謂薈閣之文盛世之音也公請老而歸逍遙於潁水之上者垂二十年今八十有二歲聖眷優隆錫恩存問公體康而健製作日昌以富邇以所著南塢集若干卷寄瀛命有言以爲厚瀛資稟閭方有志弗彊遊心藝苑歷壯而老曾未能闢作者之戶庭茲幸讀公之文竊愛其不假雕飾意盡而言止庶幾弗整聖師辭達之訓視世之以艱深之詞文淺近之說使人讀之不可以句而本意反爲所蔽者曷足與議於文哉公當朝文章鉅公也固弗俟後學小子之贅贊敢謬述管見於簡端庸識嚮往之私云爾嘉靖乙巳秋九月鄉後學李瀛撰後二年公卒賜諡文靖

巴陵余氏族譜序

開封別駕巴陵余君叔載手輯其族譜成既鋟梓矣一日奉以相示曰坤先世居豫章之長茅嗣徙巴陵之山口村遂爲巴陵人唐宋以來故有譜勝國時有諱千秋者與吾遠祖千二府君寔爲伯仲千秋爲巨商鬻鹽常駕數艘往來江湖間其桅之占風旗大書千秋二字艘過九江以名諱雁變詳具譜中當是時道路諱曰法將逮其族人於是諸族人咸驚走竄避遂失其譜千秋側室鄧氏有遺腹子然無所歸乃依隣治馮姓者爲之室甫三月產一丈夫子鄧欲余其

譜序

余堯

五

姓以存宗祀馮曰必從吾姓則生否則殺鄧不得已合兩姓均命之曰余洪堯蓋洪即馮之譌而堯云者猶云饒之而不殺也故今其裔有從軍於蜀者猶以洪爲姓寔與余同宗云千二府君之嗣始遷栖巴陵之尹家塘後徙上游村之西冲源 國朝洪武初勅參政張公毅民就屯吾高祖崇六府君縣弟崇七以西冲業產付所親湯甘二氏筦執三遷乃止于月田之上龍陂尋分處刺史洞之官倉堰卒定居于月田之港南岸是爲吾余氏始遷之祖月刺山川形勝物產風俗較諸西冲迥異意者吾祖宗積德致慶而

鬼神默相於其間故獲是善壤以永貽我後人休歟是未可知也自萬四府君迄受二凡四世歷山口龍潭尹家塘官橋村黃婆塘上游村之西冲源諸處其生卒年月塋兆山向皆亡考失今弗譜後世何述焉坤茲輯譜將以徧給族人願先生有言也走受而讀之終卷乃仰而歎曰譜史之類也夫史與譜雖小大不同然紀事載德備遺昭戒其義一也大氏近者見聞而可知遠者日湮滅無稽已嗚呼譜可以無作乎哉顧世之爲譜者冒望則附諱微則匿浮實則夸三者皆譜之疵也有其一而人斯疑之矣夫譜所以傳信也而乃召疑亦何貴於譜邪走觀是譜其文約其事核其立例簡以明獨據所知以爲始祖而族姓辨矣世爲圖系以著承繼而昭穆叙矣人各疏其所出而家介嫡庶明矣君子曰余氏之譜善譜也別駕君之家政可徵已經曰居家理故治可移於官家政如此而郡政有弗脩舉者乎觀其譜可知其人也因書而歸之

李氏居室記序

堂室有名非古也而有道者所不廢蓋以義起云乃若韓魏公之醉白王晉公之三槐司馬溫公之讀書

堂咸有記以闡名義至于園池齋閣莫不皆然而當世之君子不以爲非焉抑湯武大聖人也盤盂觴豆戶牖牀几悉爲銘以寓規警而堂室顧可闕乎間嘗讀晦菴朱子名堂室記訓述父師學崇敬義前賢高明之志可窺已余自丙戌蒙恩放歸始經理垣屋以承先志城中敝廬暨郊外別墅有堂有塾有樓有亭有閣有精舍有書院漸次苟完足以佚老而自適林居多暇無所用心敢竊附有道各爲之名而又恐子孫罔諳厥繇也乃一一爲之撰記以詔方來因構命辭各有意義所願爲子孫者瞻棟宇而仰思締造之艱服訓辭而俯期繼述之善母情於學以隕家聲母荒於德以貽鄉誚毋侈於用以隳素業誦柳玘門地之言鑒衛公平泉之戒悚然而懼卓然而自立以求弗辱其先人斯惟李氏之賢子孫哉記凡十有三首意在垂訓弗致工於文辭而室中諸器物箴銘凡五十有九首咸附焉言擬藥石舉非浮浪無益之語合爲一表統名之曰李氏居室記聊命豚子藏之以翼家乘

朱僊鎮岳廟集序

朱僊鎮在汴城南四十五里有宋岳鄂王班師地也

按紹興十年夏金人渝盟南犯朝議洵乃加王少保兼河南北路招討使王誓師奮擊捷書日聞郛城之戰金虜敗衄倉皇奔竄而兩河豪傑皆帥衆歸王中原響應王指日渡河收復舊京可期也顧相臣掄沮之欲畫淮以北與虜和王師駐朱僊鎮元水復聚兵十萬對壘而陣王遣背嵬五百大破之咸以爲中興之機金亡之日也乃一日奉金字牌趣班師者十有二王憤惋泣下東向再拜曰臣十年之功廢於一旦民皆避馬痛哭王亦悲泣取詔示之曰吾不得擅留哭聲震野王既歸虜勢浸橫而恢復之計不可復議矣嗚呼可勝恨哉朱僊鎮祠廟土人悼王垂成之功不就而立也近歲有司從民之請始訂定饗祀儀如錢唐湯陰故事余汴人也往來祠下必肅謁焉每見經過名卿大夫留題壁間者甚多余自童子時竊有志哀錄以方攻擊子業未暇歲序荏苒倏忽白首比者田居寡營漫爲編輯總十有二卷先之以宋史列傳欲觀者悉王之行履也次之以班師本末斯廟爲班師而立斯集爲班師而纂不可不具其事之終始也又次之以饗祀見土人追思之意有司崇報之禮也又次之以論評列兩說之是非而折衷以義理

之中正也又次之以哀弔見騷人墨客晷晷惡惡之心自有不容已焉者也終之以昭雪見忠臣必食其報而天定之有在也附錄王之遺文者誦其言可知其志也嗚呼昊天弗弔豈不欲殄滅醜虜乎我中國民而胡爲有此班師之詔邪使無是詔則金人之讎可復靖康之耻可雪二帝可還故壤可得中原不足定也檜之罪於是上通乎天而王之憤至此極矣夫何迂儒曲士猶有援將在軍君命有所不受之說而訾王班師爲不識權是豈知順逆之道者哉余嘗聞爲人臣者君命召在內不俟屢在外不俟車禮也詔令南還乃矯制北伐亦何以使偏裨用命而律士卒之不我違乎論郭王者當設以身處其地而熟思之可也

四明文獻志後序

李瀛曰昨者今之鑑也昔者我之型也志者事之郭也匪鑑曷觀匪型曷範郭曷載擇而載之先達之烈也固觀周範後死者之罪也四明負滄海而郡靈鍾秀蟠產材寔繁伊昔官于是邦者嗣揚休績並垂無窮之聞是故四方誦文獻之盛者莫甲焉粵若先民鄭氏嘗有述矣曰四明文獻集黃氏繼有述矣曰

四明文獻錄猶弗備也少司空董山李公時升乃纂是編曰四明文獻志可以觀可以範可以載而傳矣夫鄭黃宦弗隆也索居窮年爰有集錄公仕績昌明復成茲志傳所謂三不朽者公兼有之矣百歲之後如有續是編者孰會公平哉觀 國朝自洪武迄今百六十年于茲矣登是編者郡大夫纔三人合五邑之產者纔九人嗟哉難矣詩曰高山仰止景行行止夫鑑之型之景仰之謂也君子疾沒世而名不稱可不懼哉可不勵哉嘉靖壬午秋九月

尚書義粹序

津南書義凡六十有二篇蕪城王若虛從之所著文辭醇雅析理明暢務舉業者尚之曩在勝國時有刻版題曰經義新式 國朝弘治間南陽王文莊公懋學提學山西再刻於晉陽書院乃易其題曰尚書義粹云余家世業是經憶昔少角之年誦是編甚習比者歸老夷門心閒無事緒理舊業訓課子孫漫一閱之益覺新思疊出發揮明盡而深歎近時經義之弗爾也爰正其謬誤校謄一過冠以金史本傳俾觀者先知其人復附以宋張庭堅程從元二公尚書義三篇刻之家塾而爲之序曰士君子自立於一世者有

三曰氣節曰文章曰政事三者闕其一則亦不足貴也已從之爲金翰林直學士值崔立之變群小獻諂爲崔立樹功德碑乃以尚書省命召從之爲文從之外若遜辭而實欲以死拒之卒不秉筆其氣節屹屹何如也從之雅負經濟才於中外繁劇亡不堪任嘗爲管城門山二縣令咸有惠政及民每秩滿歸老幼號泣攀送至理逼不得行則其政事宜民有足徵者矣金源氏雖用武立國而能飾以文治開科興賢俊聖奮起一時名士如趙秉文元好問王庭筠党懷英李純甫皆蔚然爲一代宗工從之與之頗頡頏稱文傑余雖未見其全集第觀中州集之所載者譬尚書義諸篇亦可以概其餘矣夫氣節也文章也政事也三者兼備渾南其全材矣乎抑余聞從之少受學於其舅氏周昂昂有文學重名嘗誨之曰文章工於外而拙於內者可以驚四筵而不可以適獨坐可以取口稱而不可以得首肯又曰文章以意爲主以辭爲役主強而役弱則無令不從今人往往驕其所役至跋扈難制甚者反役其主雖極命辭之工而豈文之正哉從之所得於鄉前輩者如此則其文之足傳蓋有所受之也讀是編者宜以此求之則思過半矣

北觀彙序

語曰農勞廢浴官勞廢學詎不信然哉正德丙子夏四月余赴官汴陽仲冬循例入覲乃離任繇竟陵經應城申城過大梁故國渡河涉淇出磁州如邯鄲趨涿鹿以朝京師時天氣嚴寒余縮首輿中飛雪颯颯入僕隸皆逆風倒踵行及抵京師則日候銓部前各僦廬棚而坐以奉約束日沉鈴響始散歲首事竣即陛辭出城親友邀餞者咸弗遑赴於是手不操筆筴者累月矣豈復有吟詠時邪既出京復道大梁七日而南轅乃又走尉氏許昌南陽之墟始達襄陽而汧船業已來埽矣顧余遊裏之興頗劇遂登峴首躡鹿門入隆中謁半侯之祠訪諸葛之廬尋龐公之壠徧遊襄陽諸名寺與客觴詠習家池上留連數日始去嗟乎斯行亦甚樂矣寧意道塗困瘁之餘而乃有是邪入覲往返凡五越月所得詩賦若干篇興致雖存而文思則荒矣緣皆紀行之作弗忍捐棄爰命胥史書之藏諸篋笥庸識旅況云爾時正德丁丑春二月嵩渚子漫書

甲壬集序

甲壬集十四卷夷門李瀛輯所自爲詩與文也曰甲

壬者何自甲戌迄壬午歲所得也詩與文咸弗足觀
 宜棄置勿輯胡爾存是棄也曰儲棄以受刑且考之
 方來也柳子厚曰前過三十七年與瞬息無異後所
 得者其不足把玩亦已審矣余誦斯言悲之夫時者
 往而不可復者也學者日新而弗容間者也輟耘弗
 獲輟步弗至時乎靡留髮髮變矣記曰時過然後學
 則勤苦而難成余少而失學長無聞於時今年三十
 有四矣內省中疚而於道未見湖海驅馳頗有柳州
 之感流光逝波風夜震懼於是自輯其所為詩與文
 千餘篇實諸几端時自吟諷亦弗棄雞肋之意也時
 嘉靖改元歲在壬午蜡月漁書于東海上

高渚文集

卷五十九

三

高渚文集卷之五十九

高渚文集卷之六十

序七 八首

海虞徐公巡撫河南奏議序

郭君尋親歸葬詩序

嘉貞詩冊序

榮哀錄後序

賈夫人輓詩序

竹菴壽冊序

東谷詩藁序

戀德之音序

高渚文集

目錄

一

目錄

嵩清文集卷之六十

大梁李瀛川父

序七 八首

海虞徐公巡撫河南奏議序

瀛聞前事之不忘後事之元龜也舊典之可稽今日之指南也昔魏相條漢興以來賢臣便宜章奏以為古今典制方今務在奉行故事而已蘇文忠公校進唐陸宣公奏議警諸已試賢方謂不必皆從已出而趙忠定公編類宋諸臣章疏以資經濟君子以為識大臣之體今巡撫河南大中丞永濟齋魏先生刊刻前巡撫海虞徐公奏議其意亦猶是乎初徐公巡撫河南在弘治辛亥逾甲寅去汴迄今垂五十年矣其與諸之蹟保障之功憂國愛民之心雖小夫賤隸皆能道之稱頌而不已問雁 宗藩構誣賴 孝廟明聖浮駁不行且調撫湖廣以示弗疑公聞 命即行兩河父老擁道鑒送哭聲震原野蓋公忠清直亮至誠懇惻苟利於國與民必行其志自壯至老夷險一節如貞松古柏挺霜雪凌雲鬱矯然獨秀而不可摧折如此公蘇人也論蘇之人物者謂 本朝吳文恪葉文莊吳文定暨公四人皆閩范文正之風而興起焉

者惜用之弗盡其才爾嘉靖初先生為御史按部姑蘇公之孫某持其祖奏議數表投謁行臺先生嘉其適用之文政暇輒一披覽携以自隨者十餘年今撫公曩撫之地而事之難處又有倍徙於曩者經畫調劑之間勞瘁滋甚而較若畫一之規固在也因檄藩司刻之以存故事備考閱乃屬序於瀛仰惟 國家設巡撫重臣關繫封疆生靈者甚大顧近年災沴頻仍民力彫瘵賴先生拊循煦濡之澤甚深而又不自滿假博采前人之善亟梓其奏議傳其用心可謂公且勤矣竊憶唐開成間起居舍人魏謩獻其祖文貞公笏而當時有甘棠之擬然則海虞斯編謂非中主之甘棠可乎先生撫綏吾省二年于茲為吾民興利祛害騰諸奏牘者已積數冊比歲醜虜南犯先生經畧調度捍禦措畫之疏凡十數上皆封疆生靈至計尤為人所傳誦然則先生之奏議當與斯編並行於世無疑矣公自諫垣歷方岳都臺終少司空中外奏議甚多此獨刻其在河南者耳若夫出處言行之詳二泉邵公有傳今併列之卷首以為觀者先亦誦其言必論其世之道也

邵君尋親歸葬詩序

郭君廷珪直之夢化人也正德戊寅父敏授合江簿挈家之任至安東病卒是時郭君留渚遠在萬里外實未之聞也乃后聞變者不知骸骨及眷屬所在嘉靖壬午郭君領鄉薦北上沿途訪之往返垂二十年而始得焉蓋嘗三涉洞庭六渡揚子舟號陸涕艱苦萬狀向非誠孝感格神明默相於其間豈能終獲父骨而復聚其家眷乎稽之往牒吾於唐得一人焉曰杜羔於宋得一人焉曰朱壽昌於元得七八人焉曰羊仁曰黃覺經曰高必達曰章卿曰俞全曰李鵬飛曰劉琦曰魯德之數子者皆童年嬰難失其父母昆弟間關二三十年走數千百里外而求獲焉骨肉聚以孝友終前史美之寔與郭君之事先後一轍吁可駭已吾少嘗閱東坡集見其爲朱壽昌作梁武懺贊得以此神其事又作七言古風賀之後因閱李肇國史補又書杜羔事以遺壽昌蓋不勝驚歎嗟悼之意夫今日之安東即壽昌之同州杜羔之佛寺羊仁之潁郡黃覺經之春店李鵬之羅田也嗚呼異哉津渡迷茫音塵遠絕執紼行泣於路矐其知之矐其告之使非神明默相於其間自首道塗無益也郭君通判吾郡嘗述其情事以告士大夫士大夫咸哀而賦

之積久成帙時付諸梓以傳而乞序于瀛瀛愧無坡公之筆以開揚其事偶記古人事蹟之同者列諸卷端以爲觀者先庸見郭君情事之皆有同于古人者如此遂書之以爲序

嘉貞詩冊序

余觀史傳古之貞烈之婦操從一之節視死如歸而與其所天偕亡者代有其人若夫出自王室之冑而能然者由古迄今余得三人焉乃若平原公主之爲段豐配也豐歿而平原繼絕蘭陵公主之爲柳述配也述徙而蘭陵情死真丘郡主之爲蔡昇妻也昇歿而真丘殞命之三人者死於所天雖同而真丘之節則尤峻以完何也平原不能死於豐卒之時而死於改適餘熾之日心事固顯然白也然已身履熾之閭矣視真丘之無所逼而慷慨同歸抑孰爲尤峻乎蘭陵先適王奉孝奉孝卒而適柳述夫再醮已不得爲完人矣始弗能不貳於王而終能不貳於柳臨終上表乃引共姜息媼以爲儔果若是班乎方真丘之慟其夫歿也觸首東壁與之偕亡而子女富貴舉不足以泯其中義氣衝激日星慘然今四十餘年矣談其事猶使人歔歔沆瀾而弗能自己貞哉真丘其在

王室之曹古今僅見者也部使者以聞詔旌其門曰嘉貞表獨行也貞丘之孫復元起家進士茲爲蘇州別駕著績過浹浹之大夫士聞貞丘之節咸義而哀之或爲詩或爲歌或爲賦頌闡揚休烈盛矣備矣余僭書此于冊端以著貞丘之節非平原蘭陵可及蓋數百年而一見云

榮哀錄後序

烏庠孝子之事親也孰不欲其親之壽且康而躬侍祿養致封錫之命於生存之日哉徧閱當世顧多不能如子之願者蓋莫不有天定焉非人力之所能爲也魯子曰初吾爲吏祿不及釜欣欣然而喜者非以爲多也樂其逮親也親歿而仕有珍饌鼎食然猶北嚮而隕涕者非爲賤也悲不逮親也故曰椎牛而葬不如雞豚之逮親存也子路曰昔者由也爲親負米百里南游於楚貴顯矣而親不逮也雖有甘旨滄漣之味將安獻乎故曰往而不可返者年也逝而不可追者親也木欲靜而風不停子欲養而親不逮斯人子終天之至慟也夫二子者古之賢人也其深悲永慕之辭載諸簡冊令人慘不忍讀則夫同有是恨者其何以爲心邪浙江右方伯曉溪謝先生尊耆栢崖

府君明經飭行領弘治乙卯鄉薦未仕卒于京邸年纔四十耳而母崔氏痛夫蚤逝哀毀成疾亦卒于家得年二十有九是時先生尚幼未第也正德己卯先生領鄉薦嘉靖丙戌登進士第己丑拜浙江道監察御史辛卯秋皇上郊壇禮成推恩輦轂之臣府君贈文林郎如子官母贈孺人戊戌春先生以山東叅議擢陝西按察副使己亥秋皇上尊崇二祖覃恩中外府君加贈中憲大夫如子官母加贈恭人可謂榮矣先生愴祿不逮養言念罔極輒泫然泣下其心事之苦視孔門二子蓋異世同情也於是海內能言之士凡與先生友識者咸爲歌詩以寓哀輓長篇短什雖言人人殊要之皆歆豔先生之立身揚名兩致錫命於二親而痛二親之不及見也爰題其卷端曰榮哀錄先生一日授余讀之請曰願惠一言以昭先德意甚悲怛余慰之曰君親大倫也忠孝一道也父母存日之於子也蚤夜以課之延師以教之惓惓期望于厥子者顯榮而已矣苟如其願則親雖逝矣亦悅於九京雖亡猶不亡也先生壯登甲科克承先志今以強仕之年而位陟方岳將來功業愈懋階秩愈隆行致錫命於二親者愈崇以屢泉

壤有光鄉閭仰歎二親爲不沒矣則忠孝之道豈不兼得也與哉詩曰孝子不毀永錫爾類又曰永言孝思孝思維則請以是紆先生之哀而綴諸末簡

賈夫人輓詩序

余聞之莊生曰緇謳所生必於斥苦夫所謂緇謳者蓋如世傳薤露蒿里云按薤露者言人生歎忽如薤上之露易晞也蒿里者言人死鬼魄歸諸蒿里弗可復覩也崔豹氏乃謂漢高帝時田橫門人爲之至武帝時李延年分爲二曲薤露送王公貴人而蒿里送士大夫並使挽靈輜者歌之以寄哀音間嘗稽諸往

古學文集

卷六十

七

古學若左氏命歌虞殯秦人之賦黃鳥皆在漢前崔豹氏之說豈其然乎夫虞殯伐齊示死也黃鳥哀三良也薤露蒿里悼橫之不得成其志也至今讀之使人泣數行下語曰悲歌當哭其斯之謂乎周藩奉國將軍安其事其先考妣以孝聞乃嘉靖乙未春二月七日妣夫人賈氏卒夫人懿德淑行里閭稱之故其既歿也汴中諸文學士咸爲詩章輓之將軍哀輯成冊徵余言以爲序緬惟晉桓伊善輓歌而庾晞亦喜爲輓歌每自搖大鈴爲倡俾左右齊和袁崧出遊酣醉則慨慷歌輓此皆一時名流達士習尚云爾非

如近世例以爲悲愴之辭而諱言之也今汴人之輓夫人者寔出於秉彝好德之誠而將軍之哀是冊又非桓伊袁崧之放爲子孫者一覽是冊不待曉遺像拜新阡履霜露設俎豆而一念孝思之心油然而起謂非是冊之助可乎作輓詩冊序

竹菴壽冊序

天下草木之類抑繁矣古之高士多寓情於竹者豈徒充玩賞而已哉蓋將取之以爲輔德之資云爾今天竹之爲物也其心虛虛以有容君子觀之以受善其性直直以矯俗君子觀之以立身其節貞貞以明操君子觀之以堅志是故君子居必於竹不可一日無此君以是故耳夷考古之人蓋嘗有聞之徑辟乎林醉於溪者矣想其坐挹琅玕卧對簟簟曾冀鳳雛宜便坐籟籟聳聳焉不忍舍者豈非有取於竹之虛直而貞者哉內江高先生西蜀名士也數試有司不利已乃棄舉子業不爲而結廬團山之下種竹數百竿清陰翳鬱涼飈蕭瑟望之如淇園渭川先生謝絕人事日讀書鼓琴其中因名其所居曰竹菴邇以其子世彥貴勅封南京刑部主事時年五十有八今年辛丑夏五月十有八日先生懸弧之辰也其子

適宦游河南公泉事乃紉竹卷圖馳獻稱壽潘臬諸
寮友暨汴大夫里居者咸賦詩壽之且盈冊矣余曰
嵩渚子宜序諸首竊惟竹壽名義諸君子悉言之矣
顧瀛學殖荒落夫何增益於其間哉夢寐幽居曷勝
嚮往輒敢述古人有取於竹者如右以彰先生觀物
成德之美要之延年益壽之方亦不外是而鄙意猶
有未盡者乃不揆庸陋撰竹卷壽歌三章授使者以
達於先生先生吟嘯之暇倘命侍者歌以侑觴與風
篴兩條音響迭和未必不為卷中一勝事云歌曰竹
之色同碧玉芳菴中人矚之媚幽獨兮竹之質耐霜
雪芳菴中人悅之嫵高潔兮竹之聲如笙簧兮菴中
人聆之與世相忘兮

東谷詩彙序

君子名世之作當以天下論而不當以一方論也宋
呂景微居仁嘗著江西詩派圖自黃山谷而下取陳
無已韓子蒼潘邠老輩二十五人以為法嗣大意推
尊山谷為派之祖而諸君揚其波夫無已彭城人子
蒼陵陽人邠老黃州人非盡皆豫章也而派之云者
無乃謂諸君雖非豫章之產而詩之源流實出豫章
邪自紫微斯圖一出而劉後村楊誠齋並有異議此

余所以謂君子名世之作當以天下論而不當以一
方論也東谷敦先生子發督學中州訪余于梁臺之
下談論竟日偶及詩賦淵乎其旨之遠也確乎其評
之精也嗟乎其說之長也余聞而悚然問求其所作
始得斯彙而閱焉披讀之餘乃歛衽嘆曰此名世之
作也此余所謂當以天下論而不當以一方論者也
使紫微見之盛賞名題詎當在山谷之下乎嘉靖壬
辰夏四月嵩渚李瀛書于榆枋小隱

戀德之音序

正德己卯正月既望駕部東濱徐子泰使過河河徐
子故治之邦也子治有惠政人懷之既去人思之
茲復過河也寔慰寮友士庶耆父老之思於是寮友
士庶耆父老喜焉乃拔留浹旬而子以使事辭去乃
又相率為聲詩贈子之行繫思也亦志喜也詩悉登
卷矣請余題而序之余於是題其卷曰戀德之音云
夫德政之本也戀德之致也音戀之宣也德布於人
令人戀之又從而播之音可以觀政矣今天下之政
莫難於刺史也上之人以催科為賢否則辱下之人
以撫字為良否則怨公府督逋之檄日沓至於刺史
之庭凜乎其辭也斷乎其期會也皇皇乎其若是急

也疲癯困踣之民扶杖而泣於其前疇平其形之哀
乎其訴也懇懇乎其求緩也得乎上則失乎下悅於
下則怒於上嗟乎刺史之難為也徐子為刺史四年
上不稽公府期會之檄而下有以寬吾民宜吾民戀
其德而播之音也余繼子治是邦甚歎徐德以立政
今過子於漢水之涯而得考政於子且親諸聲詩之
贈也故述為刺史之難以見子之賢於人亦察友士
庶老及老之意也

尚書

卷之六十一

十一

尚書文集卷之六十

尚書文集卷之六十一

序八 八首

贈大中丞東沙張公撫蜀序

贈江西左方伯沅溪何先生序

贈河南右叅政白溪周君序

贈福建左叅政銓山胡君序

贈山西口北道分守叅議蘇君序

贈湖廣叅議余君序

贈鄧應輝宰臨城序

贈陳遼州序

尚書

卷之六十一

十一

目錄

滿清文集卷之六十一

大梁李瀛川父

序八 八首

贈大中丞東沙張公撫蜀序

浙古越地也江海毓靈故自昔多材傑我國家肇運東南繇洪武以迄于今文章經濟之儒崛起兩浙者尤盛于往時顧無之者鮮矣粵若烏程之張羽崇德之貝瓊山陰之唐肅金華之胡翰蘇伯衡上虞之劉履胡粹中文學優矣而仕績罔聞錢塘之于肅慈樂清之章恭毅嘉興之項襄毅勲庸赫矣而擢翰命詞論者以為非名家烏虜難哉間嘗涉覽前輩諸大老之文而追攷其用世之蹟惟青田之劉浦江之宋功業見于當時文章傳諸後世它莫得而班焉然人皆稱劉之功業宋之文章何也蓋劉以功業而掩其文章宋以文章而掩其功業抑各舉其所尤盛者言之乎而二公可謂能兼之者矣聿求諸今之世若大中丞四明東沙張公庶幾紹二公之芳躅而無愧于其鄉人也已公起家癸未進士筮仕南都禮部局務清簡得肆力于問學嗣陝江西督學憲副崇雅悼典士類興起若轉藩參憲正左右轉徧歷閩溫齊楚大

梁之墟戀政之暇援筆為文辭直欲追古人而與之並驅如黃鍾大呂鏘然和鳴于闕宮清廟之中而俗樂自廢蔚乎茂哉憶昔正德辛巳瀛竊祿四明公時弱冠領鄉薦才名已震然出流輩今二十餘年矣公閱世益深積學益邃宣力四方仕績燁燁所謂兼文章經濟以垂于無窮非公而誰歟蜀者為吾省左使兩半莽刊定賦役畫一之規官民便之嚴章吏胥積牘之弊凡郡邑以事至者不寄炊而去又出公幣餘金易民廬若干區恢拓省制俾遠市鬻先是藩國祿餉給予後時宗人嗟咨公至以時畀之鈞石公平宗人胥悅茲拜大中丞奉 璽書入蜀宗人自諸王而下欲留公而不可得乃微言于瀛以贈公且曰感公之德無以為報也瀛復之曰田疇繼圯咸望雲霓四海瘡痍人思良藥君子仁政之所及孰不樂被其澤哉觀汴人之欲留公而不可得知蜀人之望公而後其至也今 聖天子方隆堯舜之德敷求老成端恪之士以資毗輔公撫綏績聞入相有日矣彼蜀人亦安能久留公邪詩曰四牡騤騤八鸞嗃嗃仲山甫徂齊式遏其歸瀛不佞敢誦是詩以贈公之行而 諸宗人惓惓願留之心聞此其少釋矣

乎

贈江西左方伯沅溪何先生序

國家建制外服之官至布政使而極夫謂之使者即
虞廷所謂牧伯而視古相臣左右並置者重之也左
便佩印綰綸褒然為藩司之長右使秩雖與均然猶
有所遜者長之也是故使而至於左綱領行省專制
一路學大施諸政道大行于時士起布衣而至此亦
榮矣哉沅溪何先生為河南右布政使下車甫兩月
而有江西左使之命同官諸君子重先生之行也徵
嵩渚子之言為先生贈嵩渚子曰天下之大政有六

嵩渚文集

卷之五

三

焉卿倡于內牧承于外卿分而受成牧合而宣力歸
于阜民而已矣江西古揚州地當吳楚閩粵之交厥
民樸茂文獻之所萃也厥土塗泥財賦之所輸也厥
湖曠邇厥山遠密寇盜之所出沒也藩祿軍餉民疲
供億通蕩侵漁未易稽察矧近歲以來誅求日繁財
力日困早曠為害穀價翔踊此皆左使之所深憂而
夙夜靡寧者也憂之如何亦惟修厥五善而已何謂
五善曰通關梁正區畝督農桑申孝弟講求荒政咨
詢民瘼俾四境之內各安其業是之謂惠獎厥能汰
貪吏昭章程庸管倫操法示誨蒙冀敢犯是之謂嚴

剔垢蠹燭幽隱清吏藏晰籍冊均平賦役吏莫能為
奸是之謂明禁淫奢敦儉素罷工作縮浮費導民蓄
貯民用不匱是之謂節亟儲峙議防禦慎封守時訓
習飭其險阻以備不虞是之謂武夫五善舉而保境
和民之道得矣古者封疆之大夫得以經紀其統轄
之壤者非謂是邪此皆左使之所當有事者也沅溪
蚤承厥考大司空石湖公之家教歷宦三十年以廉
慎稱歷郎署以至今官卓然自立無所依援君子嘉
其守翌日內陟樞要勲庸與厥考相後先則是遷也
亦發軔之地爾斯固海內士民之望沅溪有不得而
辭者矣于時同官諸君子聞嵩渚子之言咸欣欣然
喜曰沅溪仕而練者也茲所謂五善皆其家庭之所
習聞而管見之行事者也抑五善豈特盡牧之道邪
繇牧而卿亦率是道焉耳矣

嵩渚文集

卷之五

四

贈河南右叅政白溪周君序

吾聞遠於禮者足以飭身足以善政是故禮也者飭
身之矩矱善政之軌度也曲禮曰宦學事師非禮不
親班朝治軍莅官行法非禮威嚴不行夫宦學事師
學者之事也班朝治軍莅官行法仕者之事也然二
者皆有待於禮者也是故聖人作為禮以教人所以

飭其身而政也河南右叅政白溪周君以禮經起家與余同舉甲戌進士筮仕刑曹讞斷惟允未幾出僉浚臬分巡河之南北黜貪墨鋤疆梗而兩河之民至今思之未幾遷副憲督理河道諸所興革咸足以流惠永世吾邦之人惟恐其亟遷他省舍我民而去也乃今復遷是職於是吾邦之人喜其得終惠於吾土也咸歌於道曰君侯僉臬民鮮訟爭何以云然君侯之明載歌曰君侯副臬大河孔理何以云然法禹治水又歌曰君侯三遷皆浚汴土保我平康卹我疾苦於戲君何以得此於民哉禮器曰甘受和白受

嵩陽文集

卷之五

五

采忠信之人可以學禮夫忠信禮之本也無本不立又曰禮也者猶體也體不備君子不謂之成人設之不當猶不備也先生備禮於身設施咸當豈徒今日之爲藩臬而一方之民蒙其休澤已乎他日秉鈞衡預機務四海九州皆將於爾乎是賴茲豈余一人之私言哉君之遷也寮友徵言以贈余不佞敢推原政善之所自以爲說俾天下仰聲光而願見之士咸知遷於禮者其效如此云

贈福建左叅政嶧山胡君序

昔劉邵著人物志君子以爲知言聞聲究其體要所

在大約謂兼備之材歷試而皆宜偏至之材應變而或匱甚矣人材兼備之難也夫材能既殊任負亦異考之傳記和諶長於謀矣然謀於野則獲而謀於邑則否必待馮簡子斷之而後行杜如晦長於斷矣貞觀之相業諸凡謀議皆房玄齡主之黃霸長於牧守矣而爲相之功名頗損於治郡時之數子者皆瑰瑋蹕絕之士也而其才性之蔽有不能兼通者如此此孔子所以有才難之歎也今夫人之才於政事焉見之而政事之在天下其大者有三曰錢穀曰甲兵曰河渠而已長於會計者而戎旅或未閑長於戎旅者而疏濬或罔習求其三者兼備而所至奏功俾人思之而不能諉者吾於績溪嶧山胡君見之矣君筮仕戶部主事進貢外郎中夙以恪敏稱遇事無難易雖叢沓旁午處之裕如也維時大司徒九峯孫公鳳山秦公咸器重之嘉靖甲申虜寇甘肅大司馬蔡溪金公提師往征獨疏君董餉事君駐節河西芻糧兩足而西陲以寧丙戌陟四川布政司叅議督理邊儲君單騎入蜀前刷積弊兵食告充蜀人至今稱之則君之才長於錢穀可徵矣未幾移叅廣東時劇盜充斥君設奇謀悉俘馘以歸不遺一矢非習中有數萬甲

嵩陽文集

卷之六

六

兵者之平邇滋吾汲為河道憲副適有空漕之役
君以按事為已任晝夜焦勞殆忘寢食三越月
而河底底平於是治河大中丞松石劉公巡撫大中
丞一溪簡公文章薦君可大受然則君之才豈獨長
於河渠已乎茲拜 新命進福建左叅政則其所經
理者一省之錢穀也駕輕車而就熟路八閩之餉政
吾知其必有成也由是知君之材庶幾劉邵所謂九
徵皆至變化無方可以經世而理物者豈彼偏至之
材長於辦一官而短於為一國者可髣髴其二二哉
君啟行有期其寮友微予言以贈顧余寒闌夫何助
於君乎詩曰文武吉甫萬邦為憲言吉甫有燕備
之材也才兼文武而為今日之吉甫不能無望於君
君其有以副余言哉

贈山西口北道分守叅議蘇君序

比歲醜虜南犯蹂躪全晉上厓 當宇西顧之憂
朝議若曰虜擾晉人廢農樞兵災其曷生生允惟
得人經理哉茲後藩臬官銓司其慎簡才俊以充務
俾內輯邊關外掉胡虜以綏非民 制曰可今年春
山西口北道分守叅議關員天官卿以河南按察僉
事蘇君疏名上請 允之朝野翕然以為得人

其同官諸君子徵贈言之篇於大梁李蕙乃再拜言
曰蘇君是行正君子逢時據縕之秋盤根別器之日
也今塞鄙多事得若人而經理之振媮媮之習以興
起事功虜不足憂矣漁鄉聞口北分守之在宣府也
其體統也尊其管攝也眾其綜理也繁夫宣府在西
北稱巨鎮其總帥鎮朔將軍與分守分庭抗禮而萬
全閭司官執禮甚恭每入謁撫按臺臣弗敢與分守
偕廣平大名真定保定四郡八判悉鞍馬以從聽役
使惴惴焉恐後其體統可謂尊矣在鎮三衛六營暨
在外五路五十三城堡而居庸迤北隆慶等州皆分
守所隸自守備都指揮而下官凡若干員而熊龍戰
守之士凡若干人歲餉皆仰給于分守其管攝不為
不眾然有錢穀有獄訟有勘報凡邊籌次第屯種火
傷城堡建置之宜分守皆得稽察覈閱案牒旁午日
昃不暇食其綜理不為不繁夫管攝雖眾綜理雖繁
以蘇君之才而為之無往弗濟矧風聲聞望之在天
下人皆仰之其於內輯邊關外掉胡虜也何有漁昇
伏丘壑未嘗識君面竊聞之於士大夫曰蘇君方嚴而
有執教歷刑曹練達法理邇為河南按察僉事兵備
潁州政績燁燁茲行也出其緒餘以蒞塞鄙行見倉

庚克尼士飽馬騰坐使疆圍寧謐紆 萬宇西顧
之憂其必有道矣它日晉陟撫臣東持節鉞則體統
益尊管攝益衆綜理益繁屹萬里長城之防銘百世
景鐘之烈此其階也余山林朽廢之人尚延頸跂足
以觀功業之成

贈湖廣參議余君序

源聞宋范景仁有言蜀當西南陬曰坤輿坤為文為
臣是故多文章功業之士其信然哉稽之於古若司
馬相如王褒楊雄陳子昂蘇氏父子虞邵翁其尤著
者也抑數子者皆文章士而以功業聞者則有何武

萬壽文集

卷之五

九

任昉張綱虞允文張魏公陳堯叟伯仲入 國朝則

有寒忠定余肅敏其尤著者也於峨嵋蘊精江漢

炳靈蜀之多賢挺生寔坤輿之勝發英降神不可誣

已河南按察僉事青神余君故太保兵部尚書肅敏

公之孫也屬者分巡河北適隣境有虜患君悉心備

禦居民賴以無恐甫八月擢湖廣右叅議瀕行其寮

友徵言以贈瀟灑何所可知蓋嘗聞君家學淵源之

懿矣君大父肅敏公有經濟遠猷歷仕景泰夫順成

化弘治間自民部主事以至大司馬內修外攘政蹟

烜赫而創建榆林一鎮與寧夏甘肅鼎立為三尤為

我 國家萬世之計石齋少師嘗序其奏議謂公正

不詭俗庶不近名歸然為一代名臣人以為知言君

自幼習聞祖訓與兄太史先生聯翩鳳舉甲科相望

文章功業期並垂于不朽茲遷方岳將大行其志而

奚假於鄙人之言乎矧君曩守鄧州鄧人迄今思之

不忘比巡河北而河北之人惜君遷去見諸謳頌君

何以得此于民哉亦曰盡心於所事而已肅敏公嘗

語人曰人臣事君當隨事盡力凡有建樹即近且小

者亦須為百年之計君誦斯言久矣佩服而率行之

竊知其必善述也昔伊尹之孫陟賈誼之孫嘉狄仁

萬壽文集

卷之五

十

傑之孫兼謨咸有祖風前史美之求如君之兄弟齊

名並顯于時則古今僅見耳書曰續乃舊服無忝祖

考又曰率乃祖考之攸行昭乃辟之有又瀟不佞敢

舉是以贈君君其懋慎厥修庶文章功業以有聞于

永世則峨嵋江漢之靈家學淵源之懿豈不益兩可

徵哉請以是質諸太史先生必有以復我也

贈鄧應輝宰臨城序

余少角時與長葛鄧應輝同肄業大梁里中應輝治

毛詩攻苦劬學同舍生成重之戊子舉于鄉屢會試

南省不第今年春謁選銓曹拜臨城令屬過家省是

別余于山。留觴話舊酒數行應輝避席請曰鳳辱交三十餘年矣茲筮仕小邑寧無言贈我乎曰詩有之豈第君子民之父母君豈第人也於臨城乎何有應輝叩之不已余乃言曰吾聞臨城壤狹而近山民多蓄羊於山之下博利以自給厥俗已久昔卜式論牧羊曰治民亦猶是矣夫羊性善群猶民之性也是故善牧羊者必先有愛重之心夫有愛重之心斯無慢易之意矣牧民亦然昔人謂牧羊必須老叟及資性仁厚者視羊之饑渴猶己之饑渴視羊之羸瘠猶己之羸瘠視羊之疾病猶己之疾病時起居以適其

性情順涼燠以養其血氣除糞穢以清其牢圈夫然

後毛毳潤澤脂臙肥腴孕育實而蕃息盛矣君以毛

詩舉不聞宣王考牧之詩乎其曰誰謂爾無羊三百

維群爾羊來思其角濺濺言善牧而羊之夥也其曰或降于阿或飲于池或寢或訛言牧人能順其性而無所驚畏也其曰爾羊來思矜矜兢兢不騫不崩言牧之有道羊壯盛而無耗損也其曰麾之以肱畢來既升言與慶日久彼此交孚不假鞭笞而悉從令也未章曰牧人乃夢衆維魚矣旒維旗矣大人占之衆維魚矣實維豐年旒維旗矣室家泰泰夫天人相與

之際其機甚微牧事克盡其道而夢有富庶之祥蓋理之自然者世之民牧苟有愛重斯民之心則政令自無不當居者安逃者復戶口日增田野日闢和氣致豐穰生齒溢版圖尚何疑哉漢武帝奇卜式治民猶牧羊之言欲試之乃以式爲候氏令候氏便之君往哉愛重斯民順其性而不違若老叟之牧羊然行見臨城之民生息長養歲漸富庶誦豈翁之德於無窮而君之令名亦於是乎有永矣應輝再拜謝曰鳳聞教矣遂書之以代贈言之義

贈陳遼州序

正德間余在京邸聞同年友彭朝吉魏宗名數稱其

邑人陳君志操峻潔異日可任以事余記其言而未

識其面也嘉靖壬午閱山東試錄始知陳君領鄉薦

丙申拜平陽府督糧通判甫下車遇指揮張世朝之變時巡撫都御史苑洛韓公檄君勦之乃提兵往捕躬冒矢石追至中條山之五老峯下一鼓擒之疆域底寧郡父老迄今頌之戊戌罹內艱守制還幸丑免喪復除開封府之捕盜通判往判多自受詞便已私君以爲不可故在任三林惟奉行上司批發微訟終不受一詞政令清簡盜賊屏息數承檄督徵列邑

通賦賦輒完於是巡撫都御史湛齋魏公旌薦之今年秋七月擢守遼州郡大夫兗山白侯謂其寮案曰陳君行有日矣贈言之篇必屬之高渚子禮幣及門余辭弗獲乃作而言曰昔人有言居視其所不爲貧視其所不取古之負知人之鑒者識英雋於未遇之時以此而已矧里閭之相隣硯席之爲友朝夕之與游處之也久故知之也深豫斷終身如持左券竟無毫髮爽者蓋有以見其必然矣夫豈幸而中哉憶昔彭魏二子亟口稱陳君之賢且許以異日可任以事方是時陳君猶在黌校也今仕於四方隨其所至而著績焉士民頌其德使者上其績所謂如持左券竟無毫髮爽者非邪夫陳君曩判平陽職專督糧也而以平寇之功聞今判開封職專捕盜也而以完賦之政顯詩曰左之左之君子宜之右之右之君子有之惟其有之是以似之其陳君之謂乎遼州爲三晉大郡比歲胡騎馳突州人震恐農廢厥業士妨乎學商梗諸塗居民疲於轉輸征調困苦已極茲得君而爲之守撫慰安輯之方保障捍禦之策必有出於尋常舊章之外者矣斯行也大慰遼人之望以永垂令聞於無窮則彭魏二子知人之鑒自是益著而西岷來

暮之歌太史循良之傳行賞見之君尚毋倦於官而圖惟厥終哉

嵩清文集卷之六十二

序九 八首

贈都御史獅山柯公巡撫陝西序

贈四川憲使員齋馬公序

贈山西參政葛公之任序

贈吳仲敬擢遼東苑馬寺卿序

贈張元甫擢山西參議序

贈河南參議董先生序

贈四川參政疊川於公序

贈開封顧侯擢河南憲副序

嵩清文集

目錄

嵩清文集卷之六十二

大梁李瀛川父

序九 八首

贈都御史獅山柯公巡撫陝西序

嘉靖甲辰冬十有二月陝西撫臣闕貢銓部議曰陝

西天下之巨鎮也寇胡接壤封守是繫故經畫計會

徵調轉輸甲兵刑獄賦役祿給咸主于撫臣厥任甚

重寔難其人焉今 天子勵精圖治方軫念西州

非得忠貞脩正具文武材者其孰宜會督河南左布

政使獅山柯公其人也乃疏名上請 制可之

嵩清文集

卷九

一

命既下朝野胥慶莫不皆以為得人其發金石金

公疊川於公授簡于瀛曰贈言之篇子其母子辭瀛

再拜颺言曰往余宦游四方夙慕關中百二之勝而

未及游也夫未至其地而談政君子以為誕雖然聞

嘗聞諸關中之士大夫矣 國朝自正統成化以來

撫陝最有聲者咸稱鹽山王忠肅公盧氏耿清惠公

鈞陽馬端肅公單縣秦襄毅公先後拊循關中蹟業

炳著至今三秦之士誦說其善政不衰以今之時較

之諸老之時寔尤有難者公之是行也咨詢前政而

思其所不合者監酌損益愈周以密其並垂聲光于

無窮乎或曰關中之地周公之所經理也昔者周之有天下也陝以西周公主之而為政于國中陝以東召公主之而宣布于諸侯今河之南固陝之東也公由河南左轄晉大中丞奉 璽書持使節置施仁政于三輔之間 廟堂之上蓋以旦願之烈望公也公其有以副天下仰望之心乎語曰測遠于邇覘來于往夫邇者遠之自也往者來之證也公嘗令吉水矣令商河矣二邑並號難治也嘗守寧波矣守武昌矣二郡皆不易理也嘗為臬之副與使矣為藩之參與左右轄矣咸有成績播在人口而又嘗給事諫垣數上封事如減貢軀禁罰操裁冗官汰冒濫比關天下大計即平日所已試者而措之三輔于撫綏也何有茲非所謂測遠于邇覘來于往者邪臨我 朝諸老之往蹟駸駸乎媲美日昃之列銘之鼎鍾勸諸琬琰歸然稱 國朝名臣則今日撫陝之行固它日入相之地也瀛夷門鄙人未達于政弗敢妄有所陳指惟舉前人已著之迹以告公冀公訪求其故而潤澤以行之必有以慰蒼生之望而永垂百世之思者矣諸寮友咸再拜曰此盛世大臣太平之駿業也非獅山公其孰能當之請備書于簡以徵諸它日

贈四川憲使貞齋馮公序

瀛聞儒者之品有三曰道德曰文章曰事功道德其體也事功其用也而文章其華也是故文章必本諸道德而事功斯徵夫學術古之聖賢皆然非可以襲取為也間嘗執是說以觀金華諸君子蓋彬彬乎備矣卑自東萊呂成公倡道于婺而何王金許四先生寔繼之皆以道德聞于時乃若宗忠簡滕敏叔林正惠陳同父潘子賤王師心伯仲事功炳著前史載之而黃文獻柳文肅具淵穎入 國朝則有宋潛溪戴九靈王子克胡仲申諸子著述甚富蔚然為文章大家於戲金華人文之盛一至於此哉吾省左參政貞齋馮公金華人也登壬辰進士筮仕丹徒令值大侵而歲漕十萬石弗可免公請諸監司以倉儲代輸民免追徵無逃徙者論者謂得賑濟之實內召給事諫垣章疏屢上皆聞 國體之大者擢河南左參政癸卯冬入覲 闕下部院諸老祗承 聖天子耿命大明黜陟之典咸嘉公政績當右遷甲辰春二月甫還省而有四川憲使之命察長三峪維公微言于瀛以贈公之行瀛寡聞無似夫何所知固辭之弗得則以復曰夫人之居處所貴乎有鄉先生者豈無謂哉

良以流風餘韻陶養見聞有所資益云爾金華自昔
稱多賢人以為小鄒魯所謂道德文章事功三者具
有其人見諸史冊郡乘者可考而知風聲之所漸摩
志節之所觀感好尚之所薰染典刑猶在也矧公高
大父孟英由御史績官至廣東憲使曾大父汝寅為
彭澤令從大父宗魯仕至虞部貢外郎而公之父封
君翁亦嘗為來安令清德令聞後先相望公習聞家
庭之訓固宜其卓然樹立如此哉子曰魯無君子者
斯焉取斯夫金華固多賢而馮氏一門名德萃聚所
謂文章本諸道德而事功徵夫學術公得之父兄師
友之助者亦多矣特是以往雖相天下可也而況於
蜀臬乎詩云伐柯伐柯其則不遠公益懋隆德業以
追配前人休于無窮則桑梓之地將愈有光耀焉而
三峪公惓惓僉言之意抑或在茲乎瀕不敏敢以是
為贈

贈山西參政葛公之任序

河南督學憲副德平葛公與立以資望序遷山西省
參政其察友諸大夫謂行者必有言贈乃枉駕敝廬
乞言以贈之余固辭以無所知而諸大夫請之益堅
乃并拜賜言曰君子抱有為之志必得位而後行負

能為之具必當事而後見方其窮居未試也訥言而
正行履繩而蹈矩孱然與眾人同而人亦莫能窺其
蘊即使號于衆曰我能治兵我能治賦非惟人弗之
信且將笑之以為狂君子於此惟知汲汲於進脩焉
耳矣是幸人之不我知以自韜晦深養厚積冀天有
所成就以圖樹立於異日夫奚暇於銜乎及仕而有
官職隨事而見其才鴻猷石畫裕民定國功烈紀於
旂常聲光流於海宇而閭里之人始駭異之以為不
易識鄉小仕而臨事抑何以自見哉今夫千將其邪
天下之利器也在匣而未割與鉛刀等驥與駒駘天
下之逸足也伏櫪而未馳亦何以自別於驽馬邪是
故切玉如泥斷犀犀如刈草管然後知干將莫邪之
為銛也追風逐電瞬息千里然後知驥駘駒駘之為
良也君子何以異於是葛公少游鄉校以穎敏稱聞
長老雖奇之猶未能知其才已擢省元舉進士始仕
彰德府推官有聲部使者上其治狀于 朝徵入郎
署縣儀制郎中拜吾省督學憲副明足以鑒士品而
不遺公足以愜輿情而不矯過前政之濫汰而黜
者若干人學校肅清士咸奮勵公蒞汴垂三櫟乃今
陟山西參政夫山西當戎虜蹂躪之餘選任材賢以

經理其地茲固銓衡之所簡拔而 廟堂之所深屬
意者也公行矣輜車所至去其貪暴而休養之憫其
傷殘而卹撫之招其流徙而安輯之察其荒蕪而勸
課之蠲其逋負而蘇息之脩其險阻而防禦之實其
倉廩而振貸之作其勇敢而訓練之斯八者皆旬宣
之所有事而全晉瘡痍之民夙夜仰望於臺省之上
者亦惟此而已雖然一方之善政曷足以盡公之才
邪它日宦績丕著躋三事位端揆矢文德于中夏暢
威名于四夷覓視頌聽之業繁自今日始公其永有
無窮之聞矣乎諸大夫曰請以是為贈言之篇遂書
之

金奎

六

贈呂仲敬擢遼東苑馬寺卿序

正德辛巳余竊祿甯郡維時姚江吳君仲敬偕二三
子渡江而來相從講學余見仲敬篤實沉靜嗜學如
弗及心知其它日必大有立逾四年乙酉余承乏晉
陽得浙江試錄閱之而仲敬鄉闈中式則甚喜明年
丙戌春閱南省試錄而仲敬登進士第則又甚喜逾
八年癸巳冬仲敬以南京刑部主事入賀 長至今
節過汴謁余于夷門草堂則見其貌愈恭學愈進譚
論愈豐悉中理道則又甚喜又逾十年癸卯夏仲敬

自承天守擢汴臬治河副使復聚首於夷門余見其
德器老成政學兼茂垂三基河防底績則又嘉歎其
才猷茂著云公今年春三月 聖天子軫念比歲虜
患孔棘馬政廢弛 勅銓部恤簡督牧之司以脩明
馬政於是擢仲敬為遼東苑馬寺卿其同臺叅發咸
謂余與仲敬有一日文字之雅宜有言以贈之竊惟
天下之事凡有所興建樹立必敦厚深遠者能之非
浮薄淺近者之可辦也蓋觀諸詩乎定之方中美術
文公也其卒章曰秉心塞淵騶牝三千駒駒牡馬頌
魯僖公也其首章曰思無疆思馬斯臧是故有文公
塞淵淵深之心乃能致騶牝三千之盛有僖公立心
之遠而後思馬斯臧之效可覩也仲敬篤實沉靜所
謂心之塞淵思之無疆咸有之行見遼陽馬政振作
政觀卓然為一時督牧之冠而 廟堂邊圉之憂其
少紓乎抑聞在昔督牧之臣克致馬之蕃盛者稱張
萬歲至毛仲二子皆盡心所事不要近功而雲錦成
群戎事攸賴焉茲非為政在人而明驗邪承天為
公上湯沐地仲敬守郡三載禮文工役百事興舉又
建議累修 興都志寔為 昭代不刊之典此其已
試之績不獨河流既道而已今日之往也益懋修職

金奎

七

業于不怠思所以追蹤古之名臣而萬歲毛仲之業
肩足以載乎余與仲敬相知二十有五年非泛泛交
游者故于贈言之篇特致期勉之辭亦道義致勵之
意也

贈張元甫擢山西參議序

正德辛巳夏四月蘭陽張君元甫來食山西按察司
事分巡雲中夫雲中者禦胡之要鎮也羽檄馳烽
燧宵接故按部者輒得代者慶元甫獨慨然請行時
盛暑於是擐甲櫜矢單騎出鴈門關題其壁曰胡雲
漠漠莽沙霧兮桑乾漫漫湧鴈度兮四郊多壘小臣

恥兮捐軀紫塞報

天子兮揚吾鞭兮躍馬出此

關兮既至雲中則彰憲樹令芝棟漸垢獄無冤夫几
無停牒乃又飭濠嚴片埃清庾藏正風俗禁戢勢
權約縮浮費咸足稱述逾再莽始還時則巡撫都御
史廣陽楊公遼永張公巡按御史新昌俞君先後上
其治狀于 朝乞超擢以勸不報厥後移巡河東冀
南二道蹟業如雲中時則巡撫都御史長垣胡公巡
按御史三河張君萊陽王君郊城張君復交薦之俱
不報嘉靖乙酉夏五月銓部乃擢元甫為山西布政
司左叅議而累勲未懷云客有問元甫者蓋憶其

愷也諦見元甫朝以聽政夕以鼓琴坐以披牘行以
問俗坦坦如也客恠而問曰曩倩執戟爰作客難子雲
不調遂撰解嘲君寧無動于中乎元甫曰嘻是非爾
所喻也寒暑陰陽天地之方屈伸往來鬼神之良疾
徐利鈍聖哲之常吾知其內弗知其外內焉不忤外
焉奚較秩弗樂乎崇善何功遷弗樂乎速吾何較君
子志道小人志祿矧貳省轄如臨淵谷敬事後食聖
謨是易吾安能效曩倩子雲輩而終日壓壓卒客懷
然曰卓哉張君其所見者曠矣子聞而書之

贈河南參議董先生序

濬聞諸耆老曰君子之仕也有三憂焉有二知焉何

一知為何

九

謂三憂曰惠澤之弗流也猷志之弗行也利病之弗
興釐也何謂二知曰知義也知命也是故知義以守
正知命以俟時惟君子能之或問君子之仕也亦言
命乎曰內也近也遠也順利也超軼也人情孰不欲
也而命有所弗逢外也遠也勞也輒軻也淹滯也人
情孰不惡也而命有所弗免吾嘗徵諸古矣田千秋
一言而致宰輔董賈千萬言卒不免江都長沙之行
衛青一戰而縮通侯之印李廣歷七十餘戰而不封
是不謂之命邪所貴乎君子者惟安于義命而已內

外遠近勞逸之間非惟不暇計而亦不自知矣陽信
董先生以進士起家筮仕為高平令三年而為民部
主事在民部數年遷陝西按察僉事監甘肅兵屯以
執法忤中貴人中貴人誣奏其罪詔下錦衣獄再
替始釋又數年復為山西按察僉事分巡雲中河東
所謂外也遠也勞也輒軻也淹滯也先生兼有之而
安於義命處之泰如也吾聞先生之治高平也有惠
政高平人立生祠以祀其在甘肅也振兵清屯脩剔
廢隱而猷志得以大行其在雲中河東也均徭役去
貧暴民利無弗興也民病無弗瘳也君子之所謂三
善者先生其免乎假使先生翱翔內近之地累陟亟
拜蚤得志於一時較之高平甘肅雲中河東峻大瑰
偉之績以彼易此孰得孰失智者必知所擇矣先生
弘治乙丑登第至今二十有一年始遷河南右叅議
晉之察友咸惜先生材大而遷之徐且難手別也徵
鄙言以為贈顧蘊寡聞夫何助於先生哉敢述所聞
三憂三知之說以貽之

贈四川叅政疊川於公序

君子之仕也賣賣焉惟職業之修是懋而遷之徐疾
弗遑卹也或其遷疾以數必其受知於君相也不然

必有近君相者日譽而薦之也或其位淹以久必其
弗見知於君相也不然必其特然孤立無干於時而
又無近君相者日譽而薦之也噫嘻豈惟今為然哉
古之人材大而淹之久而多託諸文以自鳴者東方
朔之客難揚子雲之解嘲班孟堅之賓戲張衡之應
問馮衍之自論不得為美官千載之下讀其文而悲
其志豈其人弗足以受君相之知乎時有所弗利也
故曰利鈍者聖哲之常也知遇者曠代之事也吾省
叅議疊川於公起官郎署歷雲中守累陟外臺副使
兵備霸州易州威稜遐暢聲稱赫然其在易州時扈
從山陵迎送聖駕同事者俱負譴去而公獨完父
之陟山西叅政維時三關有虜患公適分守冀南斬
獲之功居多虜遁去言官交薦公堪任巡撫者二乃
遷湖廣憲使未幾復遷山西右布政使議者謂公為
叅政時統轄之地有被虜殘害者乃左遷吾省叅議
人皆為公不平公曰吾罪也荷蒙聖恩弗即誅戮
幸也乃怡然之任今年春擢四川叅政駸駸柄用矣
而士林猶以公為淹者蓋以公之鴻才碩望又著于
時矧自登第以來二十有五年數歷中外隨地宣力
功業烜赫然則以公為淹者士論之公也孤立而無

所干懋修職業泰然不知其淹者公之所以爲高也持無干之操以堅有終之節公惟自盡其道而已人之見知與否公何預焉自公之蒞吾汴也虜復犯宣府之浮圖峪京師戒嚴而河南其隣境也公董師防禦勞勩寔多由是撫按嘉其識察案遜其功士民感其澤不可謂不見知于人也夫聲以實彰論以久定公之是行也著成績于三巴播賢聲於千古辭省轄而超遷樞要也可計日待矣客難解嘲請作何足以辱公之觚翰哉

贈開封顧侯擢河南憲副序

高清文集

卷五

七

開封郡故宋京都地也域廣而政繁號難治守戴星而起秉燭坐堂上諸司之文移徵會積凡案者以數尺計吏抱牘而趨押者魚貫以進日晏不能休其劇也如此然能使風行千里之外屬吏畏且服政修事舉而列邑咸安堵焉抑難矣昔在宋盛時守是郡者多大賢君子若薛簡肅奎正肅育范忠文鎮吳文肅奎包孝肅拯畢文簡士安則尤著者也今之世求庶幾諸君子而無愧者吾於南田顧侯見之矣侯東齊名士也舉進士初令浙之山陰山陰之人至今思侯不忘累遷汝寧太守逾幕而政孚撫按臺臣咸

謂侯之才可任劇郡乃上其治狀於朝遂調開封再逾幕擢河南憲副立備信陽潁行其舊案告余言以贈余觀侯之克舉於郡知侯之克舉於憲也惟侯之治開封也法令嚴明境內肅然有薛簡肅之以嚴治郡而京師之民相戒不敢犯之風鋤強抑暴弗少假借蓋允合吳正肅之首擊豪猾而曰吾惟去其爲害者而已之意日不遑食靡間寒暑與范忠文之急於民事獄無停囚之勤勵同刑律閑練吏奸莫售與吳文肅之達於政事吏不敢欺之精敏同風度端凝不可干以私與關節不到有閻羅包老之風裁同居官十七年而田業不增益尺寸與畢文簡之自奉無異寒素未嘗殖產爲子孫計之操履同侯上蕙有宋諸君子之長下垂吾邦千百世之思由是而之焉雖將相可也而況於信陽乎詩云維其有之是以似之顧侯之謂也

高清文集

卷五

七

嵩渚文集卷之六十三

序十九首

送南溪子改湖廣提學序

送都指揮鮑君之留都序

送焦子晦之貴州參政序

贈都御史淺齋郭公治河序

贈京兆尹孫公之金陵序

贈湖廣右方伯陳公序

贈山東按察使定齋王先生序

贈河南右方伯南川陶公序

贈河南參政雙巖樊公序

目錄畢

嵩渚文集卷之六十三

大梁李漁川父

序十九首

送南溪子改湖廣提學序

南溪子之改督學憲副也將入楚過嵩渚子而問曰
吾何以督楚學也嵩渚子曰嘻君嘗誦夫易與詩乎
觀之象曰風行地上觀先王以省方觀民設教夫風
行地上徧觸萬物有周覽之象焉是故風以動之教
以化之厥象惟同故先王體之以省方觀民設教如
禮所謂國奢則示之以儉國儉則示之以禮也曩余
薄遊河鄂蓋嘗縱觀楚之山川文物歆豔而嘉樂之
者久矣乃若大別之渾流衡山之峭嶠漢江之委蛇
洞庭之浩淼變態不可勝窮故主生其間靈鍾秀毓
英偉卓詭之才居多焉是故發為文辭雄俊瑰奇準
騷而絕雅澹澹楚材在近時為尤盛余竊懼夫遂外
而遺內其弊也浮南溪子深涵而邃負伯仲家學直
於江左茲奉 璽書以往運鼓舞之機於臬臺之上
風聲所至人將翕然向化其於省方觀民之教必有
在於文辭之外者矣臯麓之詩曰豈第君子遐不作
人夫學校之設所以作人也然必歸之於豈第君子

者長養愛育其必有道乎思齊之詩曰古之人無數
譽髦斯士夫以文王之德純亦不已而一時人材咸
底有造君能慎懋明德以師文王楚之髦士佇見有
譽於天下人將稱之曰張督學造士之功如此則君
之譽亦將與衡山洞庭同其悠遠矣其尚永念之哉
送都指揮鮑君之留都序

戊子春三月留都神機營坐營關負本兵議曰留都
重地也京營鉅任也非優於才者曷敷哉乃以河南
都指揮信陽鮑君請于上允之命下戒行諸寮友
乞言以贈余賀之曰鮑君行哉茲遷也將帥之階也
余曰子何以贈鮑君曰鮑君之才無事不宜也余知
鮑君久矣往余之剖符入沔也度長臺之關過申伯
之城見鮑君練兵於郊央央乎其幟也肅肅乎其伍
也赫赫乎其威名也道路諱曰自鮑侯守吾土楚人
不敢為寇境上詩曰赳赳武夫公侯干城嗣余西遊
鴈門至于桑乾聞鮑君守禦雲中竟其事而士卒無
佚者夫御人與御馬其道同也東野畢魯之善御者
也而顏淵知其馬將佚魯君曰何以知之顏淵曰昔
舜工於御人造父工於御馬舜不窮其民故無佚民
造父不極其馬故無佚馬東野畢不知馬力已殫而

策之不已是以知佚也詩曰執轡如組兩駟如舞通
余循太行而返田廬也適鮑君視篆返閭三月而戎
政脩甫基而臺院薦踰年而神人和詩曰靖恭爾位
好是正直神之聽之介爾景福夫善變者無方才大
者不匱故鍾完於簾音斯遐焉雲厚於天澤斯渥焉
鮑君之才無事不宜也於將帥乎何有矧坐營哉詩
曰左之左之君子宜之右之右之君子有之言全才
也

送焦子晦之貴州參政序

嘉靖壬寅秋九月貴州參政關員銓部以河南督學
憲副雪山佳先生疏名上請制可遂其同官諸君
子以贈言之篇屬筆於瀛瀛學殖荒落身能為後敢
迷平日私所論說者以告序曰史儒一道也政教一
源也德言一致也詎可以岐而二之哉昔司馬遷作
史記分循吏儒林為二班固漢書因之而不變其間
精吏治者或歉於師教而以師教稱者又不過訓詁
義疏記誦焉耳矣乃後為史者又增以忠義良吏儒
學文藝之目餘千百年卒無統會之論此固循襲之
見而亦人才難於兼備也夫歐陽子曰三代而上治
出於一而禮樂達于天下三代而下治出於二而禮

樂爲虛名至哉斯言自荀揚以來皆不能及然歐陽
子知政事禮樂不可出于一而不知道德文章尤
不可使出于二紫陽朱子嘗著論惜之夫六經皆文
也萬事皆道也古之聖賢有是實于中則必有是文
于外如響之應擊影之隨形光明之從炬是故見諸
一身達諸庶物發諸辭令施諸政事無往非文亦無
往非道也何必筆之簡編託之著述而後謂之文邪
自後世以文爲文弗知文與道一故吏儒分政教析
德言判外內罔合而道術始裂遂使聖門一貫之旨
弗明于世而治道不古若也有由哉雪山集先生子
晦巴蜀儒者也起家進士敷歷官終于曹綽有文譽
曩嘗爲貴州督學會事不鄙夷其士而以教化行于
其邦則今日之往必不鄙夷其民而風行鬼方之域
抑有出于錢穀壤賦之外者矣矧先生昔嘗爲雲南
參議則旬宣方岳之政又其所素試者所謂吏儒一
道政教一原德言一致一以貫之而無外內之間先
生蓋嘗從事于斯矣銓部以教化旬宣之責交任先
生豈非有以灼知其蘊而然乎瀕屏居林壑雅厚先
生知愛故于其行也弗敢效世俗穹階峻秩之祝辭
述區區鄙見以質于先生以復諸君子之命亦就正

有道之意也

贈都御史淺齋郭公治河序

嘉靖癸未夏四月瀛自越遷晉舟過吕梁洪時淺齋
郭公爲冬官主事治洪事而洪上之民有誦於道路
者曰吾民自得郭公蒞吾洪築長堤以捍巨浸而民
始藝立社學暨書院以訓髦士而民始學建義倉以
儲糴穀而民始弗厄於歉它若禱雨憂農講武防寇
旌淑懲惡興利滌弊諸善政皆有裨於吾民吾民惟
恐其代而去也語嘖嘖不休瀛聞而異之及會公留
酌洪署之觀物軒則見其氣貌古雅緒論悉根理道
時進賢舒太史芬同在坐乃相與共歎淺齋之賢
別去今十七八年矣公位望日隆宦業日炳以著今
歲春河南省災甚左轄貧闕銓部歷選才望之士謂
非公不可乃自山東左布政使移長汴藩居無何
簡命擢公都察院右副都御史總治河防公拜 璽
書以行藩臬諸大夫徵余文以華其行瀛惟君子之
學修已治人而已矣夫修已治人本無二道要不出
乎吾之一心心體苟得其正則施之政事無往不宜
是故王道本諸天德安百姓在於修已天地位萬物
育而基之中如此體信達順之道也淺齋始舉進士

講明心學於陽明先生之門涵養既深發越自盛是故治洪事而民有頌焉入刑曹而獄無冤焉職方考功並懋嘉績湖閩學政兩地修舉而又不動聲色戡定狴犴之變此皆心學之功用也夫發之以誠而何事不立出之以理而何感弗通本之以性而何措匪臧動之以神而何嚮靡化所謂發而皆中節物來而順應取之左右逢其原者歟所謂蘊之爲德行行之爲事業合內外之道者歟夫公之往績既隨試而輒茂則其于治河也何有孟子曰所惡於智者爲其鑿也如智者若禹之行水也則無惡於智者夫智也者性也鑿也者私也禹之治水因其勢而導之不以私智奸乎其間卒底地平天成之績公以心性之學往董河政運疏濬之智以成利漕奠壤之功吾知其必優爲之矣將使天下之人稱之曰 國朝治河大臣宋司空陳平江白康敏劉忠宣之後有郭中丞焉顧不偉哉諸大夫曰是可以贈公矣遂書諸簡爲贈行序

贈京兆尹孫公之金陵序

詩不云乎高山仰止景行行止是故步芳躅躡逸軌君子思齊之心固如是爾金陵爲我 國家根本重

地憶昔尹於茲者名臣碩輔項背相望其在盛宋時若張忠定公詠呂文穆公蒙正張文定公方平包孝肅公拯豐功峻烈炳煥信史金陵父老歲祀之如一日 國朝永樂中大康顧公佐之爲府尹也剛正弗撓吏民畏服而豪宗貴戚斂手避匿威稜赫然宣德中宜章鄭公堃之爲府尹也廉慎在公政事精密吏不敢欺而民濡其澤宿弊爲之一洗天下至今誦二公之業不衰是故稱南府尹者必曰顧鄭云嘉靖丙申夏四月應天府尹關貞銓部議曰金陵根本重地非得老成清正之士不可乃以河南左布政使殺菴孫公疏名上請 帝曰俞命下屈行其累友造余之廬丐言以贈余竊識公於四明蓋嘗讀公之瑣闥奏議而知公之爲人矣明足以定天下之是非而不爲苛察才足以濟天下之政務而不遺細小望足以鎮天下之雅俗而不事矜伐是故陟爲藩臬謫爲邑幕而夷險一節由是而尹京府其所樹立必有以震動人者殆見有宋之諸賢 國朝之顧鄭將弗得專美於前矣所謂步芳躅躡逸軌高山而景行者不在於茲行乎自茲以往名位益崇勲業益著垂無窮之思而亦有無窮之聞公之所必爾也余屏公知愛最深

故於公之行輒敢述高山景行之義如此

贈湖廣右方伯陳公序

孔門四科政事列於文學之先而魯穆叔之三不朽立功亦先於立言何也蓋文學蓄諸已也政事推諸人也立功濟乎時也立言不得已也故伊尹曰與我處畎畝之中由是以樂堯舜之道吾豈若於吾身親見之哉昔張氏見歐陽公於京師歐陽公劇談更事其言曰學者之見先生莫不以道德文章為欲聞者今先生教以吏事後學未喻也歐陽公曰文章止於潤身政事可以及物子異日臨事當自知之由

一

上

是而觀則古人之所加意者可知已姚江省齋陳公鉉仕為嘉定令有惠政邑事無大小悉有條理及為御史初按長蘆山東離法剔宿弊竄戶至今頌之嗣按貴州河南劾黜貪黷者若干人風裁凜然其在貴州疏請分建土官乃引漢賈誼告文帝主父偃告武帝之說乞封土官子弟俾以漸削弱易於制馭如身之使臂臂之使指而叛亂可潛消云使當樞能用其言則鬼方兵革之患可息矣其在河南節縮浮費勤以萬計舊時文廟丁祀百司齋宿供張皆里甲僦賃一宵假寐厥費百錢公乃引杜祁公不燃官燭范

文正公焚羅綺帷幔事下令禁止民甚便之便此令守之而不變十年所省之費可勝計乎公之貳蜀臬也兵備松潘若勦除惡番若防禦達虜若疏通道路皆永遺邊人休邇總憲返臺而洗冤澤物之功尤著茲以資望擢湖廣右方伯 命下屆行諸寮友徵言以贈濂與公為同年知厚詎敢以不文辭竊惟公之政事見諸奏牘者人皆誦之無間於朝野加諸民物者人皆思之無間於夷夏抑何以致然邪蓋本之以誠裕之以學暢之以識達之以才成之以果誠以基學學以滋識識以廣才才以致果果以立政是故無

一

上

贈山東按察使定齋王先生序

嘉靖丁亥冬十月沐臬督學副使定齋王先生擢山東按察使 簡命之也消吉啓行文旌東指汴之鄉大夫懷其德諸生感其化相率祖于大河之汭酒三行或謂嵩渚子曰督學之於憲正也政理果相通乎嵩渚子曰然夫督學所以立教也憲正所以弼教也二者蓋相為用以期于無刑云爾昔穆王命呂侯訓刑四方其所謂司政典獄今提刑之任也然訓刑之

辭一則曰伯夷降典折民惟刑一則曰今爾何罪
時伯夷播刑之迪夫伯夷禮官也臯陶刑官也先王
訓刑舍提刑之臯陶而顧乃屢言典禮之伯夷可謂
知本矣茲進督學而為憲正其得先王之遺意乎或
曰學憲政理之相通則吾既得聞命矣然則舉於督
學之職者其必優於憲正之職乎嵩渚子曰然夫督
學以育才為職凡儲養於黌校者咸得以黜陟之憲
正以察吏為職凡布列於郡邑者咸得以黜陟之職
不同而道同先生之於畿內也河南也歷中外蓋其
職皆督學也德化素行知罷訟之自息也品藻素明
知讞斷之惟允也學術素正知風紀之不振也他日
嘖嘖有聲於齊魯間稱名按察使者其先生乎其先
生乎或曰舉乎教者優於憲則吾既得聞命矣敢問
昔督學於吾汴而永遺我後人思者可得聞乎嵩渚
子曰是非我所知也昔督學於吾汴者皆吾師也師
之則思之矣雖然後死者吾不敢論也逝者論定間
嘗聞諸耆老矣乃若天台陳先生之身教姑蘇劉先
生之文教廣安吳先生之言教皆垂百世之思者也
夫身教行而善俗興文教行而閑辭出言教行而奧
理明非天台無文姑蘇無言也各舉其成章者言也

是故士誦其功家崇其訓戶祀其像莫之能忘也我
定齋先生其三先生之儔乎此所以鄉大夫懷其德
諸生感其化戀戀追送而不能自己焉者也或曰先
生行矣宜贈言于其圖之嵩渚子獻爵再拜曰鄙人
夫何助於先生哉敢備述祖席之語以貽之

贈河南右方伯南川陶公序

濂竊觀宋史未嘗不欽仰唐子方劉器之鄒志完陳
瑩中之忠鯁焉夫四子者皆宋之諫官也正色昌言
無少畏忌並以直聲動天下遐窺窮謫而氣節屹然
弗少挫古所謂剛正不撓者歟吾省右方伯南川陶
公由丙辰進士改翰林庶吉士拜工科給事中其在
孝廟時上疏乞進講大學衍義以緝聖學其與志完
謂願稽五朝聖政而繼述之以揚七廟之光之意同
正德間逆瑾柄政威焰震赫公因六月雷雹之變上
疏劾瑾等導引逸遊之罪抗論剴切聞者悚慄其與
器之瑩中攻博卞之罪之憤激同既而放歸里居謫
戍甘肅削迹朝端技荒萬里之外其與子方英州之
遷器之梅州之徙志完新州之行瑩中合浦之寘之
艱苦同無何蒙 宥家食嘯咏於翁洲蘭渚之上者
十有七年今 上改元大司徒東莞王公御史上

虞曹君交章薦公始起公爲江西按察使事累陟以至今官其與四子之被命召還躋華陟要而天下之人咸延頸瞻望以俟大用者蓋後先一揆矣嗟乎忠鯁者道心之所形而公論之所寓也夫道心之在人無智愚之殊而公論之在天下無古今之異子方器之諸君子已矣然其危言讜論之載諸簡冊者固未嘗與其人俱往也而况朝評之所伸拔士論之所崇獎國恩之所嘉予銓衡之所錄叙者亦曷嘗終有暮人哉觀公之屏居林麓若將終身而峻階鉅任卒歸之未艾焉則詘久而信過久而光之理益不我誣已

贈河南參政雙巖樊公序

樊公之擢右方伯也

樊公之擢右方伯也

樊公之擢右方伯也

昔畢萬之筮仕晉也遇屯之比辛廖占之曰吉屯固比入吉孰大焉後其蕃昌乎故卜偃曰畢萬之後必大蓋謂此爾古之名聞世胄有大勲勞於國四海之賴其安定也久生民之蒙其惠澤也深而其子孫之賢足以振其宗而世其家者若漢之張安世氏鮑宣氏楊震氏唐蘇頌氏李德裕氏崔儼氏宋之呂正獻氏錢文僖氏韓忠憲氏祖孫接武鸞翔而虎變名德

相望於後先而海內之士稱述其美者迄今弗休烏虛盛哉河南右叅政雙巖樊公鄆城之望族也曾大父守一翁登洪武辛未進士爲春坊司諫右通政累官行軍司馬文皇帝眷注甚隆授以節鉞統甲士十萬填撫濟寧翁于時宣力効勞績用丕著所謂四海之賴其安定生民之蒙其惠澤久且深者翁兼有之雙巖公亦登正德辛未進士爲臨潁令有善政敷歷內外臺才猷綽茂士林重之寔與乃祖後先相望承其休烈而益有光焉非克振其宗而世其家者乎書曰世篤忠貞詩曰繩其祖武其公之謂歟通公

爲汴泉憲副考績瀕行用焦贛易占之遇屯之萃其

爲汴泉憲副考績瀕行用焦贛易占之遇屯之萃其

爲汴泉憲副考績瀕行用焦贛易占之遇屯之萃其

爲汴泉憲副考績瀕行用焦贛易占之遇屯之萃其

嵩渚文集卷之六十四

序十一 八首

贈都察院右僉都御史李公巡撫宣

贈山東按察副使張君兵備曹濮序

贈山西按察副使艾公兵備易州序

贈山東僉憲孫君兵備武定州序

贈貴州憲副張君序

贈憲副初君之雲南序

贈湖廣參政紅川端公序

送吳侯守備安慶序

嵩渚文集

金鑑

目錄

嵩渚文集卷之六十四

序十一 八首

贈都察院右僉都御史李公巡撫宣府序

宣府古朔方之域其地有層山峻壁腴田沃壤可耕

以藩屏 皇畿拊戎狄之背而掩其吭蓋天下之雄

鎮云慨自石晉時沒於契丹而嗣淪於金終宋之世

不入中國者四百餘年 高皇帝聖武平胡廓清

函夏 即位之初謂地瀕沙漠乃盡徙居民於關內

洪武壬申始立宣府前左右三衛築城堡峙勿誤

命將屯兵以鎮之 文皇帝定鼎燕京而是鎮遂

為三輔去 輦轂僅三百餘里埃壘亭障益嚴以密

宣德庚戌 始立萬全都司統攝十有九衛所五路

六營五十三城堡彌弩突騎之士凡十萬有奇隊分

部聚呼吸響應故西北要害重地茲鎮為冠而大同

次之永宣以來兵食充牣烽燧不興吏民相安於無

事維時巡撫其地者又往往稱得人乃若墾田增戍

多所建白則有崑山之葉文莊運籌出奇破敵走虜

則有黎陽之王襄敏紀律嚴明虜不敢犯則有單縣

則有黎陽之王襄敏紀律嚴明虜不敢犯則有單縣

之泰義毅之三先生者皆所謂內憂之雋英北門之
鎖鑰也余曩承乏晉臬巡行關徼每見朔方之故將
老卒寒翁野叟猶能道三先生經畧之績甚備歎
感歎追思不已烏庠何其善於撫馭遺澤深厚而使
人誦說弗忘如此邪比歲醜虜繹騷兵食不足較諸
三先生所處之時寔大有難者非得闕獻卓識身繫
天下之望者以撫之則邊事奚賴焉今年夏五月宣
府巡撫福山郭公晉少司馬總督宣大軍務 朝議
僉薦河南按察使麟山李公遂甫克繼厥任乃超拜
都察院右僉都御史 命往代之六月之吉 聖書
臨汴公杖鉞啓行而藩臬舊僚諸君子屬余贈言余
寡聞無知其何以復無已則舉儒生之恒談以告可
乎昔者子貢問政子曰足食足兵民信之矣愚意今
日之所患者無踰於此語曰千里餽糧士有饑色又
曰石城十仞無粟莫守言食最急也今邊廣告匱必
請之 內帑 內帑不繼必謀之糴買而糴買之令
民困輓輸亦豈策之善者乎竊聞赤城獨石洋河雲
川之墟土脉肥壯並可種作清理屯田且耕且守苟
獲一鍾可省轉運十鍾之費此非今日之所當講者
乎史冊所載趙充國之田金城孔明之田渭濱羊祜

之田襄陽咸用是道也上谷之民古稱驚悍材武不
憚征陣懷以恩信人樂效用誠簡閱什伍汰疲弱而
拔驍健則行間之呂蒙幕下之武穆何代無之所謂
兵不貴多而貴精不但得兵而亦可得將行且見之
矣夫恩信既著教化易行人心聿孚士氣自倍是故
以守則固以戰則捷執戈荷戈之夫皆慕義感德之
士也又焉有驕肆不用命者乎絲是知兵食兩足而
民信雖聖人一時詔門弟子之言實千萬世行師之
要也公沉敏果毅本之以學術嘗分守雲中威恩茂
著宣府將士蓋稔聞之茲行也經綸展布盡攝其蘊
負之奇邊陲利病以次興罷行見五路又安六營整
肅隱然為上谷長城而三先生者不得專美於前矣
出車之三章曰天子命我城彼朔方赫赫南仲猷猷
于襄請歌是詩於祖建以饒公之別
贈山東按察副使張君兵備曹漢序
嘉靖乙巳秋七月河南省參議張君汝功奉 簡命
擢山東按察副使兵備曹漢余曩承乏晉臬與君有
文場一日之雅君將去汴之齊過敝廬而問政焉余
諭之曰 朝制之設兵憲于曹漢也得非以其地界
三省之交寇賊叢穴易于興發而為之備歟曰然曰

八憲開府一方柄專責鉅凡吏治得失民生休戚河防獄訟蓋無一弗當察而獨曰兵備云者得非以弭盜爲尤重歟曰然曰古之善治盜者稱蠲逋君之所悉也昔漢宣帝時渤海盜起二十石弗能制丞相御史薦遂才足任帝召見問遂何以治渤海遂對曰將勝之邪抑安之也帝曰選用賢良固欲安之耳當是時遂弭盜之策已慮之審矣乃單車之任下令曰諸持鉏鈎田器者悉爲良民持兵者乃爲盜於是盜皆棄其兵耆而持鉏鈎四境靖安不復知有盜至今烈耀史冊爲漢名臣治盜者會是無足法矣曰遂之爲渤海也守也今叙之東也臬也臬之於守政體弗同也可以守之政而達諸臬歟曰守與臬職雖弗同咸以爲民也顧守之令施諸郡中而已臬司出尺檄于行臺之上輒馳雷動倏忽千里譬諸順風而呼乘雨而播豈不尤易乎曰叙聞遂之治渤海也慰撫牧養政尚寬簡抑古今異宜古之民也樸今之民也頑寬簡之政亦可行于今歟曰世有古今民無古今也君不聞醫之療病乎善醫者先元氣而後攻擊則正氣勝而邪自祛苟肆攻擊而忽元氣邪未必祛而元氣索然矣岐黃之術亡是也矧君子之所謂寬非以縱

爲寬也弗事許急而已君子之所謂簡非以畧爲簡也弗爲繁碎而已其或以縱而爲寬則害治孔棘是芸田者之弗薅稂莠也以畧而爲簡則庶事廢弛是居貨者之弗戒局鑰也夫豈政之善邪臬陶贊舜曰臨下以簡御衆以寬蓋言其簡有要而寬有制也古帝王治天下之道亦如是焉耳矣汝功登第二十年歷仕中外皆有聲稱所謂有制之寬有要之簡見諸從政者稔矣茲往也張弛適宜民懷頌作于曹濮也何有余曩閱汝功試卷已與其有深學今睹其行政又嘉其有懋績故于其別也特舉古名臣之業以告之亦知君之才力足以副之也翌日其寮友徵贈言之篇余構思移日卒無以易前言者爰書以贈之

贈山西按察副使艾公兵備易州序

易州即古上谷郡今爲畿輔之地倚山爲固屏蔽戎虜蓋重鎮也夫西北之山東起醫無閭西接太行經國者因險設關亭堠相望其最稱要害者曰紫荆居庸倒馬而三關之中紫荆爲尤重蓋居庸險塞易守倒馬去京師稍遠紫荆視居庸則頗平視倒馬則逼近京師矣間嘗稽諸史傳自昔攻取燕者多由紫荆如李存勗之出飛狐克瓦橋關竟入燕執劉守光父

子以歸元主鐵木真敗金兵于五回嶺皆由紫荆入而正統己巳之變虜擁三萬騎入紫荆直薄都城時則本兵有于肅愍公指授諸將方畧分兵拒守虜失利遁去而廷臣南遷之議始沮由是觀之則紫荆之所繫較諸鴈門井陘豈不為尤重哉比歲北虜犯順擾我疆圉辛丑趨平定壬寅鈔澤潞癸卯殘浮圖峪甲辰窺紫荆游騎突至唐完二邑密邇神京震驚旬服朝野咸以為憂焉易州去紫荆八十里舊設兵備憲署以山西按察副使蒞之賜以重書俾駐節行事屬者關負銓部以汴省參議米脂文公疏名

上請制曰可命下届行左方伯永平李公徵郵言以贈竊聞中國禦戎守備為上天王有道守在四夷我聖祖以神武定天下至論北虜為患亦不過曰當選將練兵以謹備之耳溯諸前古趙充國告漢宣帝曰兵難遙度願至金城圖上方畧卒之屯田湟中計滅先零論者謂得帝王全師之道而宋真宗時契丹南侵寇萊公請命朝士出知諸州戒之曰百姓皆兵府庫皆財今不貴汝浪戰但失一城一堡者罔攸貸卒能却虜定難以致又安事茲往蹟寔今日之所當監者兵法曰攻不足者守有餘其斯之謂乎

公之是行也安輯人民訓練士卒剗削險阻修築墩堡儲峙芻糧閱實器械皆所謂急先務者萬一有警則據險守隘虜不得入堅壁清野虜無所掠不感浮言而修實政不求近功而期遠圖不幸其不來而恃吾有以待之則虜謀自覘有備而邊關無事矣公起家乙未進士由南戶曹出僉浙真有水僻聲靈為汴省參議分守河北減役節用士民頌之當路諸大老咸知公才畧足任邊事之重乃有今擢行見樹立績業為時良臣而當路諸大老知人之明益昭著云

贈山東僉憲孫君兵備武定州序

戊申秋九月開封別駕孫君文甫擢山東按察僉事治兵事於武定州既拜命奉重書以行其屬邑儀封令葛侯之奇感君知遇之深乃走使夷門徵贈言之篇余雅聞君之政事在鄭在真定在河防者頗悉矧辱道義之好又重以葛侯之託其何以辭聞嘗閱遷史暨兩漢書泛觀古之循吏竊歎仰之以為不可復見乃今得若人于吾郡豈不良可喜邪昔者子產相鄭一年豎子不戲狎班白不提挈童子不犁畔二年市不豫幣三年門不夜閉道不拾遺四年田器不歸五年士無尺籍穆穆乎古之遺愛也君舉戊戌

進士筮仕鄭州守與學造士厚風正俗剪除煩苛惇崇禮讓環漆汴之濱皆弦歌之地也君去郡垂十年鄭人思之不衰至今大河之南稱守令之良者必指屈焉君其聞僑之風而興起者乎襲遂之爲渤海守也適歲歉盜賊遂起乃移書勅列邑悉罷逐捕吏諸持鉏鉤田器者皆爲良民吏毋得問於是慰養疲瘵勞來阡陌而郡中大治君自鄭移倅真定時隣境有虜警百姓洶洶弗寧厥居君督修邊牆四百里民咸得安堵樂業農畝不廢故家有餘粟野無饑色視賈劍買牛賣刀買犢之政若出一轍恒山渚水之墟雖

嵩陽文集

卷之六

人

謂之渤海可也當建武永平間王景之治河渠也自滎陽東至千乘海口千餘里商度地勢鑿山阜截溝澗防遏衝要疎決壅積逾年渠成充豫之間無復潰逸之患漢史美之君補倅開封職專河事甫下車目擊曹縣墊溺乃先事豫防亟築遙堤數百里三閱月而底績是歲之夏河流暴漲儀封之三家莊幾不免君躬率吏民樹椿下埽晝夜視事不遑宴息而祥符之馬家口蘭陽之銅瓦廂咸保無虞茲役也較諸景修浚儀渠之勤夫豈多讓乎蓋奉職拯患體國之大方興利卹民爲臣之恒分即君之三仕著績而令譽

日章測知山東之政必有聳人之聽聞者矣矧按察之任益尊以嚴而風憲之權尤易以振厲展布以大施惠澤于民整飭戎兵保障齊魯以寬聖天子東顧之憂繫君之所優爲者行見臬政有成台階荐陟上以匹休古大臣之業不特如前所云公孫僑與少卿王仲通而已君其勉哉宣力弘猷始終一節不以位高而逸不以宦成而怠不以時之難處而易其素守公論之在天下萬古如一日也非君之賢余不敢以是言進君其有味於余言哉

贈賈州憲副張君序

嵩陽文集

卷之六

九

當事而奏績者存乎才因時而卷舒者存乎識守度而不可奪者存乎剛成是三者存乎學君子從事於學而有得焉則才益充識益進剛益大矣是故君子惟學之爲貴西蜀張君子英少以文學知名與余同舉甲戌進士主事戶曹監督太倉糧斛時有建陽衛官賂總督中宦欲乘臨倉軍糧照出乾沒者君不從坐是忤其意維時中宦煽雪欲中傷之百方踪跡竟無所得而止君遂謝病歸家食者幾六年績學俟時若將終身焉者今上嗣統百度聿新君幡然北上復補戶曹監督南石渠等倉糧斛剷洗夙弊積逋

告完甲中改兵曹武選進員外郎丁亥擢河南按察
僉事屬歲大饑分巡河之南北平反刑獄盡殺十餘
萬計晝夜焦勞鬚髮為之白兩河庭廡之民賴以全活
者甚衆時劇寇充斥淇鄴震恐君明信賞罰擒勦殆
盡三年之間政聲籍甚由是觀之則其當事之才因
時之識守度之剛何如也今年春貴州按察副使關
負銓部擬君資望當擢上可之命下屆行其寮友
徵余言以贈余惟全蜀地靈萃於岷峨而岷峨之英
鍾焉賢哲其在國朝若冢宰蹇忠定公司馬金蕭
敏公皆君之鄉先達也其勛烈在冊鐘聲名在夷夏

陽澤文集

卷之四

十一

典刑在縉紳之間夫人皆知之君才識剛果士林雅
重自此存陝近要而大行其所學繫於二公有光焉
將使天下後世咸仰而羨曰蜀之多賢也如此張按
察之足以紹其鄉前輩之休光也如此則君之名亦
將與岷峨之山同其高且久矣君勉乎哉

贈憲副初君之雲南序

雲南中沔數瀕潯江之邑故知初君世胄之遠為甚
粹繼而承乏督臬時君監臨河東故知君懷度之修
為頗真比退處於汲密邇睢陳之郊而君適為其備
金帛故知君保隙之績為最著嘗聞潛父老曰天之

陽澤文集

卷之四

十一

報予善人也信哉觀諸吾邑初氏可見矣君曾大父
沙縣公以懷材抱德舉於洪武大父清河公以賢良
方正舉於宣德父省菴公以鄉試舉於成化慶源深
遠乃有初君余聞之於沔者如此舊制河東之離專
給邊餉而陝右華馬池離例不得鬻時總制大臣輒
移檄鬻之河東之離尼而不行邊儲告匱君抗疏止
之而河東之離政大舉余聞之於晉者如此睢陳當
南北之衝壤連淮魯每值歲侵寇盜孔劇君既拜
命稽首矢曰臣持節中土殫心宣力俾睢陳安堵於
是修城陞練兵甲安輯小民咸樂生業余聞之於沔

寮友曰欲請書諸簡以贈初君

贈湖廣參政虹川端公序

余聞士君子之仕也通塞利鈍遲速險夷莫不有天定焉皆非人力之所能爲也間嘗攷諸古之人而益信斯言之不誣云粵在宋盛時有若范忠宣公純仁陳忠肅公璘劉忠定公安世蘇文忠公軾唐質肅公介先後以直諫獲罪宰執擯斥遐域備歷艱苦卒之直道以久而著公論以久而明忌者去而薦者至召還闕庭升華躋要名與位而兩崇此之謂天定信非人力之所能爲也是故士君子直躬守道安寓俟時

萬壽文集

卷之五

十一

惟求盡乎職業之所當爲者而已其于仕途所謂通塞利鈍遲速險夷非惟弗暇卹而亦不必言矣當塗虹川端公爲御史時嘗論劾樞要人皆危之無何出知大名府再遷陝西死馬寺少卿君浩然乞歸去徜徉于龍山牛渚之間者越四五年侍母太恭人庭闈怡愉若將終身焉嘉靖丁酉南畿巡撫都御史平溪侯公巡按御史同安游君交章薦之銓部乃起公遶東行太僕寺少卿尋擢汴臬憲副兵備信陽甫下車適歲大歉君賑撫窮詰禁姦究疆域賴以寧靖於是總賧少司徒蒲灣王公巡按御史鏡峯陶君咸

薦之辛丑巡撫都御史淺齋魏公巡按御史西郭陳君會薦公宜典學校爲一方人倫師表不報今年秋九月擢湖廣右叅政駁駁昌大柄用有期矣由是觀之天定於君者何如也詩曰靖共爾位好是正直神之聽之介爾景福又曰樂只君子福祿申之公行矣臺中諸寮友乞言以贈余素仰公之風節竊高其見卓而守固邇諸既往驗之今日測知天道有在而方來之福履未艾也敢推明天定之說爲贈言序

送吳侯守備安慶序

我國家設守備都指揮一員於安慶建牙開府

萬壽文集

卷之五

十一

賜以璽書命其統轄九江安慶建陽三衛官軍修濬城池訓練士卒整飭戰艦緝捕寇盜其爲江防計甚周且遠也今年冬十月安慶守備關貞職方氏上議曰安慶在九江之北三楚之南昔人所謂淮服之屏蔽江介之要衝而守備武臣宜慎簡以充茲擬河南宣武衛指揮同知吳子英堪任是職請擢用之俾以都指揮體統行事則江防幸甚於是太子太保兵部尚書吉水毛公具奏以聞制曰可而吳侯適領秋班京操軍寓京師乃拜命于朝奉璽書以行便道過汴而衛之舊寮重侯之別謁嵩渚子之廬請

一言以壯行色滿渚子曰安慶余嘗游之矣憶昔正
德辛巳余有四明之役道經皖城而天水胡子世甫
適爲郡守留余飲宴倡和泊城下者數日則見大江
滔滔環城之東西南三面而大龍百子諸名山崇崗
絕壁蒼梧雲漢望金陵北眺中原余慨然思守封
疆之臣焉胡子謂余曰今海宇寧謐四方無事子遊
覽于此而思守封疆之臣何也余告之曰我國家
承平日久武備廢弛欲振作而興起之非才智勇略
之士不可此余所以慨然而思守封疆之臣也余與
侯同里閭雅知其才智勇略足以建功立事則于今
萬幾集
參之
日之往也寧不爲侯喜侯勉哉蚤夜矻矻務竭力於
其所當爲者必使江道肅清武備振舉以紓九重
南顧之憂庶無負封疆之寄而余倦倦之所思者始
慰矣書曰詰爾戎兵又曰慎固封守侯念之哉翌日
視事江上督理既定幕府多暇時或擁騎而出旌旄
前導躡皖伯之臺酌忠宣之祠尋李白舊題詩處寄
峯秀水映帶左右其諸極平生之偉觀乎余衰矣恨
未能聯舟南下以再遂勝遊也

序十二 九首

贈山西巡撫大中丞畢公歸養序

再贈畢公歸養序

送閔方伯考績序

送龍湫子東歸序

贈都指揮徐君致事序

送秦長史致事南歸序

送金訓導致仕還鄉序

贈開封太守白侯入覲序

贈開封太守劉侯入覲序

嵩渚文集卷之六十五

大梁李漁川父

序十二 九首

贈山西巡撫大中丞畢公歸養序

古有父子爵秩並躋顯顯而勛名輝映先後者盛宋
韓魏公父子忠孝呂文靖有子正獻范
文正有忠宣爲之子韓忠憲有獻肅爲之子天下至
今誦之維時位登卿相而母在者惟宋宣獻富文忠
二人而已嗚呼難哉巡撫山西大中丞濟南蒙齊畢
公先考尚書公敷歷中外幾四十年忠藎在 朝

尚渚文集

卷六十五

一

二

膏澤在黔黎典刑在縉紳之間夫人皆知之中丞公
世濟厥美而宦業在河南秦晉三省者尤著母夫人
眉壽無疆疊膺 錫命古之所謂難者中丞公其備
矣乎嘉靖甲申 今上大禮告成推恩臣工乃贈
厥考爲資政大夫封母氏爲太夫人士林榮之明年
乙酉太夫人病于齊中丞公聞之驚愕欲上疏乞養
乃謀諸巡按是邦張儲二監察曰往予守汝寧時先
君謝政家居癸酉冬入覲過家將以觀畢請告而未
敢言先君知之面誨曰汝壯年正圖報之時吾筋力
尚健蚤歸何爲因齋志就道踰年而先君卒此終天

之慟也今母老且病予欲上疏乞養倘荷 皇仁賜
歸寔爲私願爾言未竟泣數行下張君慰之曰捧
檄爲孝叱馭爲忠方今邊事甫寧士民賴公煦濡之
澤甚切太夫人天畀遐齡當勿藥有喜公盡爲三關
重鎮留乎儲君揖而進曰吾聞搃臂而參歸嚙指而
順悟公思侍太夫人而歸志浩然寔人子至情乞養
之請惟公共審諸公遂上疏函陳母病思歸之狀言
甚悲怛 上可其奏且嘉公之孝特許侍養亦異
數也秋七月之吉公奉 詔東歸二監察咸謂公是
行不可無言以贈乃以序屬 漁惟二公挽留之辭
或篤於忠而孝行其間或急諸孝而忠紓於後所以
贈公者至矣顧漁庸劣復何言哉比辱公暨三監察
會薦予 朝受知最深誼不容默輒敢叙次二君挽
留之辭及宋史之所希見者以贈之它日應 召而
起澤被四海太史氏大書特書必將曰濟南畢氏父
子勛名之盛世擬諸宋韓范諸臣父子云

尚渚文集

卷六十五

二

再贈畢公歸養序

漁嘗讀晉潘岳閒居賦及羊祜與弟琇書未嘗不喟
然有感於古人求養親之樂厲勇退之節而並垂聲
光於後世云夫樂孰爲大養親爲大節孰爲大勇退

爲大是故古之人有致位通顯而親存者惜年齒之
邁集喜懼之心乃辭廊廟而侍庭闈一日之養三公
弗易君子謂之能愛日求若人於今之世吾於大中
丞蒙齊畢公見之矣公烈考資政公正色立朝穆然
有古大臣之風太夫人相之惟慎惟約家政井井資
政公得以盡忠於國而無內顧之慮者太夫人之助
也今年春公上疏請歸養 溫旨褒嘉特許之公之
斯歸也奉太夫人于鵲山之堂身冠綵服色養膝下
烹鯉摘蔬親調昕夕之膳潘岳所謂御版輿升輕軒
常膳載加舊病有痊稱萬歲以獻觴咸一懼而一喜
者公實有之非天下之至樂乎初公之來撫全晉也
業已懷乞養之志值醜虜薄塞雲中變作公飲志而
未遂者逾年矣適者烽燧息雲中寧公仰天歎曰賴
朝廷威德全晉舉安歲穀豐稔白雲在念吾其東歸
乎味公斯言其與羊祜所謂既定邊事當角巾東路
歸故里者先後一揆耳古今封疆大臣其所見畧同
如此然人皆知公遂養親之樂全勇退之節抑豈知
公之斯舉有關於世教之重乎昔者夫子之門人聞
魯魚之悲而歸養者十三人陽城爲國子司業發省
親之間而歸養者二十人蓋相觀興孝云爾今 聖

朝以孝治天下公奉身而退以償愛日之願天下之
士大夫安知不有聞公之風而興起者乎若然則公
之歸也有關於風化亦大矣是爲序

送閔方伯考績序

嘉靖乙酉山西左布政使任丘閔子居省轄者三年
矣筮之得觀之六四曰觀國之光利用賓于王閔子
曰吾其北觀乎乃詢諸史史曰于汴于晉膏澤之潤
兆民懌康思侯不忘有虞之廷簫韶洋洋洋洋九成
鳳凰來翔故曰觀國之光方策載功猷之明堂明堂
旭啓葱珩鏘鏘帝曰汝嘉桓桓干城相臣紀績以俟

嘉靖文集

卷之五

四

明揚故曰利用賓于王維時日在井月在張星氏中
閔子策駟而北諸寮祖之太原之野於是景靈李子
歌甘棠閔子再拜謝曰美哉召伯之政也群黎懷德
詠而不斁吾弗能之矣開州李子歌羔羊曰美哉憲
憲乎委蛇而可象也吾聞周文王之化深矣瀘川王
子歌緇衣曰美哉述乎鄭桓公武公之好士如此今
不可見矣南鄭張子歌卷阿曰美哉顯顯乎圭璋之
德四方之綱也惟諸君班之故城李子歌蟋蟀曰美
哉儉乎猶有堯舜氏之遺風焉良士瞿瞿吾弗能忘
矣陽武王子歌狼跋曰大哉周公赤鳥几几盛德之

至也吾寤寐若人乎朝邑韓子歌形兮曰嘉賓哉鐘鼓既設何以副饗也棠邑許子歌南有嘉魚曰靡靡哉和也庖有酒能無樂乎蘭陽張子歌松高曰駿極哉鍾靈而發祥于蕃于宣邦家之翰也其惟甫申乎澶淵宋子歌采菽曰其周之盛乎君子殿天子之邦是宜萬福攸同矣吾何敢當乎子濂氏聞閔子之筮及諸寮之歌詩也乃揖而進曰六四賓王兆之祥也風雅賡歌厚之方也行者遜謝謙之光也君子曰謙以有德德斯崇厚以永好好斯固祥以錫善善不怠請書諸簡以贈閔子

嵩凌集

卷五

五

送龍秋水東歸序

龍秋水少耕鮒鰓之野結髮舉于鄉祿食內外者二十年乃陟行太僕寺卿鴈門是居駉牧是典然非其志也龍秋水晨興坐廳事覩白雲嫋嫋生巖谷間爰擊缶而歌曰白雲連翩如麋鹿兮聚散飄忽媚幽獨兮吾日蹙蹙兮益歸乎來吾與爾相逐兮或問其故曰吾歸矣吾歸矣晉之諸寮友咸留之嵩渚子曰嘻吾知龍秋水欲歸久矣憶昔正德庚辰予遇龍秋水于漢上維時秋宇搖落丹夜弗寐龍秋水鼓琴頽裝之間予倚棹而聽之乃遠遊篇也因語客曰龍秋水

嵩凌集

卷五

五

贈都指揮徐君致事序

有歸心乎逾三年爲嘉靖癸未予復遇龍秋水于大梁則見其脩乎若絕塵也冲乎若葆真也泊乎若逸民也竊嘆曰龍秋水有歸色乎今年春復遇于鴈門予與龍秋水游夏屋之山攀明月之岩酬青澗之觴吟紫芝之曲龍秋水竟日話桑麻鷄豚之事予瞿然駭曰龍秋水有歸言乎夫歸心幾之萌也歸色蘊之著也歸言事之形也有歸言者必有歸色有歸色者必有歸心予故曰龍秋水欲歸久矣諸君無苦留也秋七月龍秋水束書東還逾忻口經太原克允然若有得也諸寮友邀餞汾水之上酒數行龍秋水叩舷歌曰汾水泱泱兮何如澶之湯湯兮太行蒼蒼兮望不見我故鄉兮我有鋤有笠何能辨驢黃兮又歌曰緬朱瑟兮斟桂漿壽慈母兮萱之堂稱千歲兮樂未央諸寮友知弗能留也乃賡歌曰鴻鵠舉兮何之窮方圓兮委蛇有矰繳兮焉施嗟燕雀兮依依安能從汝兮奮飛歌未竟而龍秋水之舟駛乎不可追矣

書至此未嘗不三嘆將帥釋權之難云當廣之守上
谷鎮鴈門總代郡雲中之旅也擁隼旗剖麟符建牙
專閭爲國長城登壇以崇之臨軒以授之出則節鉞
入則榮戟行則鸞靈坐則罷虎自偏裨而下莫敢仰
視其榮重如此而歸也乃不免於醉尉之呵今天下
之爲閫帥者能知止勇退未老而乞休其於世情軒
輊曾不少介意焉豈非踔絕不群之士哉河南都指
揮僉事東溪徐君遼之廣寧人也年甫五十遽乞解
閫事臺察者惜其才咸留之東溪子曰吾聞諸卻轂
矣說禮樂而敦詩書吾龜勉報國垂三十年願偃息
丘壑以禮樂詩書訓子孫臺察者曰美矣如厥用未
究何東溪子復請曰吾聞諸年枯矣既定邊事當角
巾東路歸故里以終天年吾之心事敢竊比於羊公
其臺察者曰潔矣如厥用未究何東溪子復請曰吾聞
諸表記矣軍旅不避難朝廷不解賤終事而退臣之
厚也鐘鳴漏盡吾誠不能以夜行臺察者曰完矣從
爾之志矣東溪子既辭閫事乃日與諸賓客者舊宴
樂遊賞翩翩乎若與世相忘也諸賓客者舊感嘉東
溪子能不以世情軒輊動其心謁余言以贈之余聞
君子聽鐘聲則思武臣聽磬聲則思死封疆之臣聽

鼓鼙之聲則思將帥之臣夫君子之聽音也胡爲乎
思之爲國家而思之也東溪子致其事而去固美矣
潔矣完矣俯仰無怍遑恤乎醉尉之呵今四郊多壘
正武臣宣力之日如東溪子之才顧可使之高臥于
碧嵩清洛之間乎廟堂之上拊髀而思頗牧不可謂
今無人東溪子勉哉行將有薦子以折衝之寄者矣
送秦長史致事南歸序
錫山藕塘秦公爲周藩左長史王其敬禮之顧
時時思歸爲吳吟歲丁酉秋公倚杖而歌曰秋風起
兮驚客心脫吾組兮投吾簪有尊有鱸兮聞江之澤
歲聿征兮鄉思深願爲黃鵠兮返故林或聞之而告
諸王王曰先生無遐棄予明年戊戌公思歸愈切
乃作書貽王其略曰臣荷王之休眷遇隆渥曳裾
陽之裾飲穆生之醴豈勝銜戢第臣年七十餘矣齒
衰而志不副乞南還故鄉以終餘年敢不拜王之
賜王若曰左長史鑑明德先覺予切倚毗君歸其
疇予迪勿歸哉公思歸彌切乃遣家僮走京師上疏
於朝乞骸骨其略曰臣敝歷中外三十餘年遭逢
明聖擢臣以董賈之職今年踰七十輔導無狀仰思
古人盡忠規諫臣不如吳儀左右獻替臣不如韓維

陳戒投箴臣不如孫華老乞賜臣南歸江鄉以全晚節俾得優游林壑歌舞太平臣之願也 帝若曰左長史鑑求歸懷惻其從爾志允厥歸 命既下公喜劇循增走大呼曰吾歸矣吾歸矣即日束裝啓行於是汴之里居諸大夫咸謁嵩渚子徵贈言之篇嵩渚子曰榮哉左史氏之行乎老子有言功成名遂身退天之道公家世業儒屹然爲南州之望茲仕涿州學正遊其門者多顯官聞人嗣陟瑞安令有惠政邑民立生祠祀之厥後判撫州貳保定並垂去思乃以南京刑部員外郎晉擢長史今勇退而去 王亟留之

嵩渚文集

卷之五

七

不可得非所謂功成名遂身退者邪視鍾鳴漏盡猶夜行不已者其賢不肖相遠何如也公從弟官保大司馬鳳山先生瀛師也先乞休去而公又繼去二疎不專美於前矣公抵家之日兄弟觴詠於湖亭之上嶺慧山之泉弄梁溪之月仰泰伯之流風尋延陵季子之遺跡白髮徜徉天倫至樂世稱完名全節者必歸之二老焉詩曰愷悌君子福祿攸降又曰樂只君子遐不作壽請以是爲二老頌

送金訓導致事還鄉序

曩子下廣陵逾淮陰泝清河矚桃園而泊下邳也訪

甘羅之故城尋圯橋之遺跡艤舟四覽喟焉懷徐仲車之爲人按仲車淮南之孝子也忠信朴直本諸天性以徵薦爲楚州教授囊舍設考妣几筵昕夕執饗滌器饋食如生時人稱其純孝余竊意邦閭里閭之間必有聞風而興起焉者乃後會訓導金君志仁於吾邑覲其貌則慎而恭叩其學則實而確詢其績則教成而擢科者若干人問其鄉則下邳人也今爲邑訓導七年矣每遇寒食時輒南向稽首涕浪浪數行下門弟子揖而進曰先生何哀之甚邪曰斯時也吾州之人出郭門拜掃者填塞達路馬醫賈畦之鬼無不饗子孫追祀者吾遠遶松楸千里外曾不得挈兒女輟壺漿以灑墓前之上遙望白雲崩裂心腑吾其南歸乎於是移書諸當路乞解職事去門弟子恐其行也相率詣諸當路垂泣號曰我有姪龜無端其歸我有楷模無駛其驅君請益堅諸當路者不能留也甲午之春行李戒發門弟子乃相率抵敝廬曰願丐子之言以旌其行余曰噫哉金君之歸乎夫人道莫先乎孝士行莫尚乎節爵秩之卑崇罔攸論也君思丘壠念豆羹拂衣勇退惴惴焉惟闕祖考之祀是懼可謂孝矣以禮而進以義而退生徒不能留當路不

嵩渚文集

卷之五

七

能奪可謂節矣夫孝也節也仲車之美謚也君而
有之亦將有無窮之聞乎抑君爲仲車之鄉後進且
職與之同行與之同而官亦與之同前倡後承若合
符節非所謂聞風而興起者邪茲歸也過仲車之祠
而拜焉可以無忤色已

贈開封太守白侯入覲序

我國家監虞周之制以定述職之典每三載令天
下諸司會朝京輦銓部考其功能而黜陟之法至
善也其有才行超著政績卓異者銓部往往旌拔之
以勵天下在弘治中鈞陽馬端肅公爲冢宰嘗旌拔

嵩洛文集

卷之五

七

大名守韓福之風稟宜陽令胡獻之廉平而正德中
遷蒼楊先生爲冢宰亦嘗旌拔南昌守李承勛之器
識揚州守孫祿之苦節賜宴禮部播告海內未幾
皆右遷于時豪傑嚮風翕然鼓動奮揚事功而馬楊
二老知人之明自是益著云明年甲辰春正月值朝
觀之期今歲冬十有一月吾郡太守臨桂白侯洵日
戒行其寮友僉曰述職重事也矧侯之善政咸可稱
述不可無言以贈乃相率枉駕敝廬求所以爲贈者
漁汴人也寔居郡城內竊聞侯之善政爲詳茲於述
職之行敢舉其大者颺言之開封爲中原首郡統隸

州邑凡四十有三域廣而民衆政事繁劇案牒旁午
素號難治自侯之下車也庶以守官才以濟務而郡
事日以脩舉往時吏胥徒豎承府檄而下屬者常數
十百人叫賢卑州邑諸長吏坐是愈困而事愈廢侯
至首革之乃與諸長吏約曰凡吾公牘至州邑逾期
弗究竟者罪長吏繇是諸長吏咸傾竦勤事日夜馳
報罔敢後不數月而郡大治即此一端政可知已往
時郡守入覲其道塗旅需豐京華饋遺方物皆
取諸民而從行與馬諸費亦甚夥侯一切謝絕之雖
印繕書奏市易巾帨之類皆弗之辦獨單騎蕭然北
行曾不携一物人皆爲侯難之或曰此舊規也君胡
盡蠲邪侯絕然曰吾弗忍以是擾吾民即入覲一
事觀之而清簡之風方介之操可窺也已於戲侯之
善政豈獨在吾郡爲然哉蓋自釋褐爲邑令而永嘉
當塗之人頌之無異辭嗣陟別駕督貳離司而郎陽
兩淮之人思之無異心今述職于朝聖天子方
軫念元元思得良守牧以共圖治理而天官卿奉宣
德意舉先朝馬楊二老故事求天下守令之最賢
者而旌拔之必以開封爲稱首而豪傑嚮風翕然鼓
動奮揚事功會見之今日於治體大有補焉昔龔遂

爲渤海守治狀并聞上召入將爲公卿而議曹王生告之曰天子即問君何以治渤海如此宜曰皆聖主之德非小臣之力也遂如其言上聞而嘉之濂不佞親侯之行不能有所助惟述王生告遂之言以告侯聊備 清問下民之對外是愚無以贊侯矣行當隨汴兒竹馬迓侯于大河之許而區區借寇之心其將有所慰也夫

贈開封太守劉侯入觀序

今之太守古之諸侯也晏子曰諸侯朝於天子曰述職述職者述所職也我 朝法古定制每三載令天

下藩臬守令咸集 闕下舉行課功覈實之典察有

異政者則 賜宴以榮之超遷以升之所以簡拔俊良風厲有位以圖治安也明年庚戌春正月寔維其期吾郡太守洪洞劉侯將先期戒行諸寮友感侯師資之義謂行者必有言贈乃屬序於濂而莫之能辭也竊惟君子之爲政於天下有稱能吏者有稱循吏者其施爲措畫雖均足以舉其職而治效之淺深不能無或異者矣何謂能吏飭法明禁燭幽察微遇事風生迎刃而解彊者斂其肆弱者庇其休此之謂能吏何謂循吏體國愛人簡靜弗擾政平訟理不怒而

威在任民懷之去任民思之此之謂循吏抑能吏或不足於循而循吏未有不兼其能者也甚矣循吏之難其人也間嘗稽諸古之循吏遷吏所載者僅五人班史六人范史十有二人皆先教化而後刑罰德洽惠流民戴之如父母三史雖同以爲循而實克兼能吏之事古今賢之開封在宋爲京府維時尹京者多鉅儒大老而包孝肅公爲尤著入 國朝來稱統轄之廣民物之繁政務之劇亦惟推開封爲之最先是守郡者固多知名然廉平長厚獨稱某公衛先生蓋當時行久任法先生知郡者九載惠澤甚深汴父老至今誦說其遺事不衰濂最承乏晉臺嘗爲先生作傳刻石於其故里先生去後逾五十年乃有劉侯善政嘉猷後先相望竝有古循吏風侯寔與某事同里閭淵源之所自風聲之所承鄉先生之所倡導者舉不可誣已 今天子寤寐英賢思闡化理諸公卿又皆精白一心以承休德公道昭明推轂恐後茲行也必有知侯之賢以薦之於 上者晉陟台階首膺遣接之寵非侯而誰歟昔漢二千石長吏有治行課放者輒以璽書褒獎增秩賜金或爵至關內侯若第五倫之在蜀郡鮑昱之在汝南昱子德之在南陽

皆以郡守徵拜三公侍帝左右侯循良之政夫何遜
於三子我 聖朝旌賢之典寧不以漢廷待三子者
而待侯邪侯行矣使輶不可留矣瀛雖文思衰落去
思之碑尚當執筆爲侯書之

嵩渚文集卷之六十六

序十三 十首

送陳國仁序

送石士元序

贈范汝和序

贈王士奇序

送毛長史序

送張敬諭序

贈魏令序

贈何汝璧序

送鮑維傑南歸序

贈義士雙峯方君序

嵩渚文集卷之六十六

大梁李濂川父

序十三十首

送陳國仁序

余少也嬉落魄弗幼學顧好與里中諸豪傑游維時
王庸之左舜齊陳國仁鄭叔度蘇乾伯田樹德車吉
甫文甫田深甫暨余十人爲文字之友同肄習大梁
學舍中然時尚惟舉業是急而十人者乃不之急也
顧好攻古文辭乃相與訂約程書讀五經正文暨選
固莊荀騷選諸籍夕會則各獻所得評隲爲凡里生
所珍秘程試講貫等編皆深惡之絕不宣諸凡上暇
日則挈酒登古臺歌嘯竟日分韻賦詩爲樂每一燕
集輒倡和成卷邑子爭傳誦之或有時聯騎出夷門
遊信陵君舊走馬地輒又慨然慕侯生公子無忌之
爲人而平生志願亦往往見諸懷古之篇於是顯治
舉業者咸笑以爲迂而里中長老見十人者所屬辭
賦暨諸體雜詩輒大賞異稱之曰十才子十才子云
于時提學憲臣錫山秦公國聲萬安劉公咸栗郡太
守東橋顧公華玉而北邵李公獻吉亦寓居梁皆當
世文章名家莫不折節下十子而獎進之而十子者

亦因有所興發益振大雅乃九子者先後取魁元登
第矣顧獨遺國仁數舉不第今年春國仁循貢入京
師授吳縣學訓導道波過家余造謁之且賀且慰國
仁慨然曰同舍生十人今庸之官祭酒子辭臺憲而
歸業十餘年矣諸君亦皆鼓翼天衢獨吾今始領教
職竊爲諸君羞余再拜告之曰歲月駛如河清難俟
十友者今五人在耳君不念鄭蘇二車田樹德之天
逝乎夫存亡者命出處者時利鈍者天運速者數君
蚤承厥考都憲公之嚴訓飭躬勵學雅爲吾黨所遜
服乃今循貢而教諸吳若詘君已安知天道乘除之
數不有獨厚於君者乎諺曰園桃灼灼早開先落嚴
栢凋松凌霜耐冬君行矣勿以是芥蒂於心作送行
序

送石士元序

夫沔陽川澤之巨數也江漢沱潛雲夢滄浪三滋之
奇於人鍾焉故多魁壘不羣之士正德丙子余拜沔
陽守竊意茲行也必得楚材始至郡乃合郡齋之士
而試之得童士疇吳子勤邵才仲石士元數子於儔
儕中嘉其文已又密省其行皆醇愿端飭遠大器也
乃大驚喜曰斯固江漢沱潛雲夢滄浪三滋之奇之

所鍾乎是時士元年獨少已卯士疇子勤舉手鄉辛
已余去郡而才仲亦舉于京闈嗣後每值大比輒求
湖省試錄閱之求士元名乃士元屢不第輒又浩嘆
曰出處信有命邪嘉靖己亥春三月士元以貢授鹿
邑訓導過汴謁余于田廬時余致憲事而歸業十有
四年不而吾士元者垂二十年矣相見甚驩於是留
士元蕭寺中相與叙故舊話肺肝問近所造詣者數
日不忍別瀕行士元再拜曰先生何以教我余握士
元手笑曰子非以教人為職邪夫教人者固將求真
才為 國家用非欲得浮華文藻之士以竊科第而
已鹿邑之士必有忠信好學者不必遠求哲人以為
範也若邑之先達不有軒司寇乎司寇數歷永樂天
順間廉直公正當時稱為名執法冰鑒之操論者方
諸古之李及士元之至鹿邑也幸為我詢訪司寇公
之祠墓而為之縣令者有能修其俎豆禁其樵采者
乎其遺碑舊碣或有仆諸草莽而未之復立者乎其
風餘韻迄今未泯者里之諸生有能奮發而興起
其子孫有在學肄習者乎亦有志行卓立能紹
人之休烈而振其家聲者乎是固余鄉後進者之
願聞也詩曰維桑與梓必恭敬止又曰伐柯伐柯

其則不遠是故造育英輔以人報國教人者之功莫
大焉士元之別也余喜鹿邑得良師故敢以是言告
贈范汝和序

嗟乎士之卑乎喜通而惡塞樂京職而厭郡邑夫重
之者以簡以逸厭之者以刺以勞尚簡喜逸避劇辭
勞庸情也君子亦若是乎吾聞君子之仕也有三貴
一曰權歸二曰志宣三曰澤流今夫令閭邑之事隸
焉丞尉替畫吏胥奉行拱如神明聽如雷霆非權歸
乎諺曰被褐讀書東帶行書昔者公洩不徒讀矣非
志宣乎天下之事公卿不能行之于國而令能行之
于邑宵得良籌且斯發令一節費而民紆財一省繕
而民紆力非澤流乎是故君子之仕也貴此三者簡
劇逸勞非所計也故職無崇卑圖報是期官無內外
行道為志使人皆乘車誰為御夫人皆食魚誰理庖
厨人皆簡逸誰當勞劇是故君子官不擇其位范君
汝和出令貴溪余喜其權歸志宣澤流也往賀之曰
簡劇逸勞知君必不計曰雖然子何以贈我曰往見
君試政通州儲寮友嘉君果役卒囑君嚴納戶頌君
便民以是治邑邑治矣余又何言

贈王士奇序

王士奇尹休寧或曰王子愠矣嵩渚子往見而解之
曰子以休寧遊乎曰非也子薄休寧健訟乎曰非也
子懼南北不習風土乎曰非也然則何愠也曰吾方
懋力于學求厥靜弗遠厥功今恐尹之弗及學也曰
往哉學必進矣休寧古稱佳壤東有松蘿石壁之幽
西有稍雲白嶽鹿髀之勝南有僊遊北有雲即遊于
茲心目豁然學必進矣惟學有師師毋求遠憶昔官
于茲者有若伏元曜之惠任昉之簡呂大防之嚴鞠
嗣復之果唐子華之廣是五賢者皆可師廉以基之
惠以先之嚴以維之簡以御之果以裁之是故廉則
令行惠則民懷嚴則吏畏簡則事理果則政成子如
是焉生則休寧頌之沒則休寧祠之學之用莫大焉
夫何憂乎遐逝何難乎健訟何懼乎南北不習風土
王子曰聞昌言矣敢不請事

送毛長史序

夫鐘完而後鳴遠德厚而後物化故我富始可以賙
人我正始可以格人是故君子之於天下德有所不
刑化有所不敷必反求諸己夫撓物者莫如風趨下
者莫如水風積不厚弗能噓萬彙水積不深弗能千
里駛也故人之蓄德何以異于是長史毛公積學而

德厚者也先事 韓王以服歸服關拜 涇王右長
史吾竊見其必能成 王之德也何則察心於言占
來於往公教祥符則興士於梁再教鄆城則變齊之
俗再教三氏及西安則道行于魯子秦邇為韓長史
也而 王無隱行國無疵政易曰鶴鳴在陰其子和
之我有好爵吾與爾靡之言有德而人自應之也公
自韓遷涇職不改昔移所以事韓者以事涇傳之道
萬加焉矣夫宦劇者專力于政宦簡者推力于學政
以濟時學以傳遠夫濟時者有限之澤也傳遠者不
朽之事也重賈之在當時皆為王傳當時之人皆惜
其左遷也然後世稱經術者曰董仲舒稱達治體者
曰賈誼漢室珥貂之公卿莫與也此顧可以內外崇
卑論哉公輔 王而事簡好文而老不倦德蘊形于
著述其傳遠也必矣夫

送張教諭序

仕無崇卑行其志而已矣秩無散要達其道而已矣
故乘田委吏孔子弗辭而況學校之官坐黌堂之上
朝鼓暮鐘聚俊者面誨之稱堯舜而述孔子揖進而
請益者彬彬乎其前不可謂不榮也世之人顧辭避
而不肯居者豈其憂金多所以表率乎人者有未能

哉亦厭其卑散云爾甚矣人心之千古也惟自任重而弗苟者不然昔胡文定之在荆南徐節孝之在楚州胡安定之在蘇湖陸子壽之在興國咸以教授爲職者也而其勸翼之方陶鑄之術矩矱之端天下至今誦之非所謂自任重而弗苟者歟其在國朝乃若胡願菴之爲華亭教諭魏文靖之爲松江訓導年恭定之爲德平教諭黃南山之爲南昌訓導四君子者身任師道之重成就人才受知列聖厥後或位冢宰或領司徒或總成均或督學政而聲光流于天壤之間者迄今不泯是故稱國朝名臣者必指屈焉

焉與宋之諸賢後先相望而匹休于無窮矣商水教諭張君汝厚攻春秋有文學盛名比奉臺檄傳經于汴省聚七郡之俊彥而從之游余間與之言則見其禮恭而學博辭倫而氣肅蓋自任重而弗苟者茲歲晏將歸請從游之士戀其誨而莫能釋也相率求余言以贈詩曰高山仰止景行行止汝厚遠法有宋之諸賢近追國朝之四君子則所以善於今而顯於後者有餘裕矣汝厚勉乎哉

贈魏令序

今之君子緩于責已而苛于責人其從政也弗由乎

理而不得乎民輒咎之曰某郡難治某邑難治嗚呼人情之好惡天下古今一爾苟據理而行政宜無有不得乎民者矣豈誠有難治之郡邑而不可臨蒞者乎孔子曰斯民也三代之所以直道而行也又曰言忠信行篤敬雖蠻貊之邦行矣矧吾中國禮樂文明之域久濡聖化之民而顧蠻貊之弗若歟予竊惟世之從政者官箴罔度而惟已之私是徇故吾民怨譏隨之甚或訐其私而訟之上乃又不自咎而咎民曰茲郡茲邑之難治也如此蓋亦思吾惟理之由乎蓋理者人心之所同也惟其政弗據乎理是故往往蹈害恩有所不懷威有所不懼祗見其難治而不見其易治有由然矣今有良牧于此寬嚴適中撫御有道兢兢然惟民事焉盡心則雖素稱難治之民將愛之戴之歌之頌之及其去任也將思之念之祠之祝之撫甘棠而謳吟望峴碑而涕泗蓋異世同符也孰謂古今人情之好惡有弗同哉清川令魏侯理之始爲西華簿廩介有守八年如一日嗣判易州清操靡渝擢知良鄉以憂去服闋補任丘今未幾改清川甫其百廢具舉屬有邊警侯完城郭實倉庫練甲兵飭守禦洵人賴以無恐而巡撫都御史洛齋魏公下

檄禮獎以勗其成邑庠士朱尚德王體元王克第輩
咸感侯德澤之深乃走汴乞予言以贈昔者尹鐸治
晉陽謂繭絲不如保障而陽城之刺道州也撫字先
於催科寧以是獲罪而不忍拂民之心卒稱良牧夫
西華易州良鄉任丘洧川皆民也皆素稱難治之郡
邑也侯治之雖久暫不同而一郡四邑之民皆以侯
爲賢父母愛戴歌頌如出一口者何也理之在人心
無不同也聿茲洧川之政當時之難爲而能以撫字
之勤樹保障之績撫臺禮獎君子曰宜侯尚懋于有
終以永遺后人無窮之思哉尚德諸生它日有官職
當取法侯之據理行政以臨其民予尚未老擬拭目
以觀二三子思齊之志

贈何汝璧序

荊州古郢地也東連吳會西通巴蜀南極湘潭北控
漢沔雄據江之上流爲商旅四集之地舟車日至如
雲蓋重鎮也我國家特設工部官一員駐節平市
權貨詰姦然必遴選在廷廉才之士以任之故常難
其人焉何也權密而國用饒則旅怨權疎而旅愉
則國用匱監守之下聲名累焉是非之府謗議生
焉非廉而才者欲稱是任難矣正德十年 上軫

念東南之民財殫力痛乃詔工部推才吏往任其
事部以主事何君汝璧疏聞制可之君慨然以建
揚樹立爲已任如郢以來嚴以立令恕以權稅精以
檢牘敏以剖爭明以燭弊果以集事旅頌而不怨國
用給而不匱不逾月而廉才之譽洋溢郢鄂之間嗚
呼難矣夫嚴也恕也精也敏也明也果也六者政之
美也嚴則不縱不縱則令行恕則不苛不苛則貨聚
精則不淆不淆則牘可稽敏則不滯不滯則爭可息
明則不眩不眩則弊可祛果則不回不回則法斯行
矣夫六美具焉其於政也何有雖然君之具是美也
有由哉嘗考君之家世自高祖而下登甲第者四領
鄉薦者九進侍御列部署者各二參省者一守二令
三膺封誥者內外十有三待用於太學鄉學者又十
有四五夫一門之中禮義薰灼聲華萃聚君之具是
美也不亦宜乎矧君少游於厚齋國老之門所以成
其嚴恕精敏明果之美者蓋有自矣語曰魯無君子
者斯焉取斯此之謂也

送鮑維傑南歸序

仕與商不同道至於遠鄉井以之它方老至而倦遊
歲久而思歸其情則一也是故莊鳥顧楚乃爲越吟

李應宣齊革鱸是念古今人情大抵然也夫仕商不同道而同情所謂信美而非吾土豈獨仲宣有是歟哉君子曰樂樂其所自生禮不忘其本夫樂生而敦本禮樂之道也然則懷舊山之巖薇憶故園之松菊見鴈而盼家書聞鷄而驚鄉夢仕商羈旅之情夫豈有異乎欽鮑維傑氏棠樾慈孝里人也商遊于汴四十有餘年正德初西羌弗靖大司馬金城彭公率師徂征虜懼以和請公走撤河南省取綵幣若干以備犒賞諸商憚邊塞險遠咸莫之應維傑奮然曰茲王事也臣子敢避難邪於是抱幣請行人皆壯之乃

嵩者文集

金季夫

上

冒犯霜露出入烽燧間驅馳數千里抵幕府而事克濟公大書平戎勞役四字以貽之墨卿學士倡為詩歌以侈其親上之義維傑今年六十有五秋風颯起鄉思轉深乃浩然治裝將返棹江南為歸老之計而汴之士大夫與之久處者重其人惜其別去咸賦詩以贈之而嵩渚子為之引

贈義士雙峯方君序

君子之利物也豈必居通顯之位有民庶之責而後得以行其志哉苟以濟人愛物為念隨其所處之地凡吾力之所能為者而勉為之則仁心旁達亦足以

及物而奚庸以位言乎竊聞之長者曰周卹鄉隣惠養宗族古今善行美事莫踰於此昔在宋時漢州有李發者遇歲不登輒施粥以食餓者自春徂秋日以千數老羸扶杖挈金歸之如市如此者三十餘年所活不可勝算使者上其事於朝孝宗嘉悅授之官以示褒異厥後孫寅仲起家進士累官至禮部侍郎敷文閣直學士茶陵有陳天福者值大侵發廩平糶貧弗能糴者則饋以米或給飯子錢戚戚然惟恐其餓而死也天福生三子接踵登第為京朝官而南劍之祝氏龍泉之張氏並以好施聞皆躋遐齡享全福胤

嵩者文集

金季夫

上

嗣蕃昌通籍朝署人以爲積善之報云雙峯方君起歛之義士也居城南二十里許之淪潭君德性醇篤富而好禮嘗捐貲修橋梁開道路建雨亭以便行旅是故往來由之者蹶石橋則嘖嘖歎美曰此方君之義蹟也履坦途則嘖嘖歎美曰此方君之義蹟也避雨亭下者則嘖嘖歎美曰此方君之義蹟也比歲自甲辰迄丙午連歉鄉隣之饑者咸賙以稻穀厥施凡幾千斛而族人之貧者病者孤寡無依者咸月給以米而活之又置義田義屋義塾以敦睦九族凡此皆人之所難而君勇為之非其宅心仁厚秉義貞固視

財利如鴻毛汲汲然惟以濟人愛物為念者而能若是乎維時邑宰閩中陳侯鐸郡守三原來公聘撫實以聞於是巡按御史同安劉公存德乃下檄禮賢且大書其楣曰尚義之門而南畿司諫婺源游公震德率諸嫺戚耆舊疊觴稱賀其同鄉親友王君鐸與君銳汪君賓暨咸商於汴爰徵言於嵩諸子乃語之曰方氏其興乎夫好善者天之心也播善者天之道也善積而福來者和氣之感召也是故德孚而聖由政修而彗滅氣機潛通捷於影響往古皆然何獨於今而疑之抑君不吝於捐貲以利物也故天亦不吝於錫福以旌善也諦觀君之高義割己之豐急人之困亦惟盡吾心而已矣初無覬報於天之意而神明鑒之福祉隨之天豈有私於君哉易曰積善之家必有余慶詩曰豈弟君子福祿攸降其斯之謂歟君有四子鏐鏐鏐鏐文采煥發翩翩其羽行見學成名立為瑞於明時鸞翔鳳翥四海瞻瞻而宋之李發氏陳天福氏祝氏張氏皆弗得專美於前矣請豫書是於簡以為天道福善之左券

嵩清文集卷之六十六

嵩清文集卷之六十七

序十四 八首

奉賀少保張太子太保禮部尚書武英殿大學

士賈公八十壽序

奉賀太子太保南京兵部尚書秦公七十五序

壽封監察御史盧公序

壽賈翁九十二歲序

壽杏垣翁七十序

壽海月子七十序

賀徐南澗先生八十二壽序

壽豫齋先生序

目錄畢

大梁李瀛川父

序十四 八首

泰賀少保兼太子太保禮部尚書武英殿大學

士賈公八十壽序

走讀書至君頤之篇有曰天壽平格保乂有殷未嘗
不仰嘆天無私壽惟德通乎夫者得之故能保乂邦
家而流勛澤於無窮也是豈惟殷之阿衡爲然哉若
周畢公漢丙丞相唐房太尉其在宋盛時若文潞公
富鄭公趙康靖公或壽百餘歲或近百歲皆事三四

聖君

一

一

朝豐功峻烈炳著萬世而天下後世稱頌之迄今不
衰於戲休哉肆求諸今之世若臨穎先生南塢賈公
孤卿台輔元德上壽真可以匹休摯高諸君子於千
百載之上而與之相後先也公弱冠舉河南鄉試第
一登丙辰進士儲養翰林讀中秘書自編修中允侍
讀學士兩京國子祭酒晉少宗伯伯少冢宰尋堂詹
事府被簡命入內閣參預機務進大宗伯加少
保兼太子太保立朝三十餘年歷 孝宗
武宗暨 今上皇帝其直筆在史局經學在講
幄公明在典試教化在成均建白在部曹經綸猷謨

在 廟堂密勿海內之士皆尊仰之如山斗云今年

壽躋八十巡撫都御史石疊李公巡按御史菊塢楊

公咸謂公一代元臣清德大耋宜崇獎以風勵天下

亟命疏以聞 制若曰少保三朝耆舊德業茂履

宜崇獎撫按臺臣其造廬存問以昭 本朝優老之

典乃仲冬六日公之誕辰也二公祇承 上命將入

其邑存問如 制而授簡于走徵言以爲賀走不爲

鄉後進方樂觀 聖朝仁壽之化儒臣遭際之盛欲

私爲紀述而未能也茲辱二公之命曷敢以謝陋辭

乃斂衽言曰詩有之崧高維嶽駿極于天維嶽降神

嵩渚文集

一

二

生甫及申嘗聞之賴父老曰始公之生也有異非故
幼負異質賴去松爲通公懸弧之鄉固其毓靈之地
也謂非嶽之降神可乎公少而登第壯而貴顯老而
入禁宥密醇雅雅恪慎終始一致今人泰矣而耳目聰
瞭形神日益健人皆以爲異人焉則夫臺院之所褒
奏 聖明之所優禮凡以重公之勛德云爾非獨以
其壽也不然世固有竊位而榮全軀而壽者矣亦曷
足以爲異哉翌日 天恩至門軒蓋萃止公望
闕稽首觴竿載舉鄉里後生咸奔走聚觀嘖嘖曰
吾鄉先達之拜寵數如此 聖朝之優禮耆舊如此

其堂院之褒獎名德昌言于 廷而舉曠世之典如此
莫不踴躍興起益力于學則公之壽不獨匹休摯高
諸君子于千百載之上而一鄉之觀感先焉可以風
勵天下矣其所繫顧不大哉抑聞公厥考樂菴翁壽
九十有五大父文質翁亦壽九十餘由是知世德之
家慶源深遠世享遐算其諸崧嶽之靈獨鍾于積善
之門乎走學殖荒落愧無以副二公之意敢敬誦松
高之什以爲壽筵獻

奉壽太子太保南京兵部尚書秦公七十五序

間嘗讀韓愈氏送鄭校理序未嘗不仰嘆古人遭遇

嵩洛文集

卷之七

三十一

之奇而不圖不肖偶似之也韓之言曰愈爲博士始
事相公於祭酒分教東都生也事相公於東太學今
爲郎於都官也又事相公於居守三爲屬吏經時五
年觀道德於前後聽教誨於左右可謂親薰炙之矣
瀛爲秀才時適今 官保大司馬鳳山秦公憲節中
州秉鐸造士乃辱簡拔於稠衆之中延入臬署命與
子泮同硯席而瀛之聞譽由是日起旣而擢本省左
叅政後進瀛館下卒業獲父承聲歟韓愈氏所謂觀
道德於前後聽教誨於左右親薰炙之者瀛竊幸
有之未幾公擢山東右方伯以去而瀛亦發解北上

矣甲戌春公入覲 闕下瀛會試南省登進士第乃

謁公於東御河橋之邸舍復聆教益又未幾公拜都
察院右副都御史巡撫湖南瀛適授沔陽守備自屬
吏迭罹水荒盜賊竊發饑饉師旅並作公左提右挈
扶植而保全之三載考績公薦瀛於 朝曰知州瀛
學行兼優修己之功素密兵荒善處卹民之政居多
乞擢用拳拳汲引導掖之意溢于剡牘韓愈氏所謂
三爲屬吏經時五年以自慶其希絕曠世之遇若爲
瀛道之庚辰冬公膺 內召晉少司徒尋改少冢宰
瀛亦循例補寧波武部運使而去湖南據瀛之遭遇

嵩洛文集

卷之七

四十一

於公以揆韓愈氏之於宰相鄭公餘慶蓋異世同符
云公敷歷內外四十餘年其崢嶸峻大之業固非餘
慶可擬獨念瀛平生遭遇偶同於昌黎第材庸庸凡
志氣衰餒不能副公屬望之萬一爲可愧耳公今年
七十有五體康而健優游於惠山泉石之間與其配
誥封太夫人眉壽偕老子孫彬彬乎滿前 聖恩
優隆時賜存問天下之全福公寔備之九月某日公
之誕辰也瀛辱門下沐公之德澤最深乃緘書數千
里馳使稱壽先民有言凡號門生而不知恩之所自
非人也矧瀛之於公非世之淺淺號門生者比故於

稱壽之文繆叙平生遭遇之奇以自附於韓愈氏之所云若夫岡陵松喬之祝鍾鼎旂常之頌闡明賀客皆能鋪張而道之灑不敢贅

壽封監察御史盧公序

吾聞杏山之麓紫水之陽有隱君子曰盧公者粹學篤行化行于鄉人八試弗利識者惋惜已卯計偕遊太學若爲之非矣公浩然嘆曰與其驅馳畏途之塵孰若偃卧故山之廬乎因自號曰山南逸人云公嗣子監察君舉河南丙子鄉試第一登進士改庶吉士讀中秘書陟內臺爲立虎變蔚乎中朝之望爾者奉

萬壽文集

卷之七

五

恩詔封公爲監察御史時年纔五十有七豸冠黑髮徜徉于杏山紫水之間身心俱逸榮壽備矣歲甲申監察君出按河東值九月晦公初度日也監察君持節于外弗克觴壽而翬翬之懷不能自釋灑於是爲逸壽之說以貽之曰首福惟壽致壽惟逸公別號曰逸遐壽之道也凡人之生也有血氣斯有無窮之欲有思覬斯有必得之念是故事物之來也靡涯而身心之勞也亦靡涯藝耆期耆農耆期獲利耆期競名耆期顯利鈍而寵辱具得喪而欣戚隨逐逐擾擾心無一息之逸血氣日耗而毛髮皤矣善乎先正吳子

有言未嘗逸而未嘗不逸不以少壯老而異者上也不能不勞于少壯而能逸于老者次也終身後役以至于疲薻鐘鳴漏盡而行不止者下也斯言也盡逸之說矣公年甫逾艾歸隱巖谷可謂得逸之上者以上逸而致上壽自然之道也抑灑又聞天下之至逸而無事者莫如德書曰作德心逸日休夫心日休則身日佚矣矧又有監察君爲之子則心日益休身日益健躋松喬之壽以紹盧敖之遊其不在茲乎敢以是爲壽公序

壽賈公羽九十二歲序

萬壽文集

卷之七

六

百里之邑殆數萬家至于民不啻數萬矣求年七十者少八十者則愈少連數邑而爲郡殆數十萬家至于民不啻數十萬矣求年八十者少九十者則愈少連數郡而爲一省殆數百萬家至于民不啻數百萬矣求年九十者少逾九而望百者則愈少合前三者藉令有之或困於貧弗能溫飽也溫飽矣或子孫鮮少也有子孫矣固弗能賢且顯也大氏天下之事凡可以力致者人能爲之乃若壽也富也子孫之賢且顯也皆繫諸天非人之所能爲也是故書稱五福史祝多男豈非天下至難之事哉於惟我朝 列聖以

來歛福錫民仁被四海而真定畿輔之郡涵濡休養之澤尤深有樸庵賈翁者生於其地翁之孫應春爲吾郡太守政事宜民蓋得之乃祖乃父家庭之訓故所樹立者如此翁忠信儉朴弗事矯飾猶介自持一介不輕取予冬一裘夏一葛見服華靡者輒嗤之至姻黨有急則拯卹之惟恐後處鄉和易弗與物競躬耕東莊足跡不入公府居常以力田守舊教其子姓故雖值歲凶不假貸於人焉今年九十有二髯髮半白黑筋力強健弗衰子四人長太守之父也 誥封刑部郎中孫男十有二人曾孫九人咸幼學植行蘭

森王立輝映階祀如翁者顧不謂享天下之全福者歟夫唐人稱九十爲人瑞蓋難之也矧九十以上乎宋故事民百歲者男官女封仕而父母年九十者官封如民百歲蓋以有子而仕爲尤可貴也矧有孫而仕乎先是嘉靖癸巳翁年八十餘伏遇 皇子生詔賜冠服爾者 皇上崇薦 祖宗廟號禮成賈恩海宇翁以近百之年 賜粟帛獨映兩拜

天恩五世全具且自幼至老優游于太平全盛之世目不覩戈鋌耳不聞鼙鼓逸居安眠終身溫飽子孫碩蕃既賢且顯一門孝友薰蒸太和天休存至百齡

殆未艾已於戲如翁者求之一省亦難爲儔矣又何一郡一邑之云乎正月二日翁初度辰也別駕臨汾張君郡判莆田黃君咸謂公躋上壽垂今名享全福寔古今所難不可以無賀乃屬平山張路繪圖而馳獻之大梁李瀛序之

壽杏垣翁七十序

余聞醫之爲道也蓋與僊通云素問曰恬憺虛無真氣從之精神內守病安從來至哉斯言豈獨爲卻疾已哉夫恬憺虛無者致中體和之道也精神內守者歸根復命之方也是故至人者窮造化之源知升降之軌收視返聽藏心於淵御呼吸之往來而周流不息則與天道同運而天行之機吾得而執之長生久視之術要不外是間嘗稽之僊人多以醫術行于時若安期生賣藥於東海崔文子賣藥於都市瑕丘仲實藥於甯以至壺公董奉任光玄俗之流皆然而華佗孫思邈二子又皆有醫方傳世皆年踰百歲耳目聰明種地僊焉由是觀之則醫之與僊通也不信然乎杏垣陶翁彭澤名醫也精脉理尤嗜神僊之學凡丹經洞錄悉灼玄秘其於所謂恬憺虛無精神內守之旨抱持而服行之者四十年矣翁今年壽七十

以仲子欽實封監察御史余雖未覲厥面竊聞翁之爲人矣以遮廬視宇宙以增繳視軒冕以糾纏視禍福螻蟻處丘樊蟬蛻埃壘之表業平醫而徹乎僊道是故志樂而神完氣充而體愈健方來無疆之壽必有以倚松喬而友仝鏗者矣始監察君之按吾汭也值歲饑疫拯活者甚衆返人咸德之諸大夫里居者感其政而修敬於其父乃各賦詩馳壽俾余序其事以致遙祝抑聞子思論事親在干修身而孟子亦以誠身爲悅親之本是故身修而後能事親誠身而後能悅親也監察君正已率屬誠心愛民衰狀爲名御史而致褒封於厥翁拜 錫命之美辭願親揚名天下之孝莫加焉其伯子欽民鄉進士季子欽中選貢士少子欽臯邑學生咸著文學盛名蘭室滿前心神閒曠素問所謂氣從以順各從其欲皆得所願者翁備有之矣非僊而何哉夫翁醫而僊古列僊有同之者而諸子皆賢古列僊未有也何日汗漫南游訪翁於匡廬之麓快瞻眉宇而一聆其性命之談未知果能終遂焉否也敢先致聲於翁以達夫髦髦嚮往之意

壽海月子七十序

嵩渚子鈕于大梁之野時有仕於梁者曰藕塘先生諡于嵩渚子曰吾鄉海月華翁與余有姻婭之好翁今年七十矣余羈旅于茲弗獲觴賀請子言以爲壽子無我辭嵩渚子曰嘻翁以海月爲號樂在海與月也夫樂海月者其知達生之道矣乎今夫海冲融沆瀣沃天無際嘘噓百川迴伏萬里凡巨而鯨鼇小而鱗甲顯而雲霓隱而靈恠不可殫識莫不畢具登島而四顧茫茫然弗知其津涯也惟翁之德量似之今夫月蘊金之精涵水之氣澄輝流彩易宵爲晝益而金波滿而銀鏡鑒乎山川皎乎河漢翳之而莫蔽也仰之而愈明也惟翁之襟度似之當夫海與月之相映也洪濤不驚纖塵不起上下天光瀲灩一色翁於是時放扁舟挂帆席叩鮫人之室凌素娥之宮友海而賓月盖不知年數之我增也若夫曰德量曰襟度云者皆它人擬頌之詞耳翁但知引滿獨醉相忘於海月之間而已矣文子曰法海以象其大注下以成其廣夫自小者不可以語大也自狹者不可以語廣也詩曰如月之恒如日之升夫并言有隆而無降也恒言有盈而無虧也翁履和致祥福壽兼備矧長嗣雲懷才茂學掇第北畿而翁又拂衣謝仕版漫游桑

梓家政井如也則翁光前裕後之休殆有如海之大月之恒者綿綿松喬之壽必屬之翁無疑已致以是復藕塘之請云

賀徐南澗先生八十二壽序

嵩渚子曰君子之致壽也有天道焉有地道焉有人道焉有子道焉何謂天道曰人稟陰陽同茲靈氣分厚薄年異短修是故堅栢長松寧資灌溉元龜玄鶴詎假修爲蓋其受諸天者完也何謂地道曰山谷之叟弗睹紛華田野之夫亡它嗜好兼之壤含靈氣水有宜人是故南陽菊潭民多百歲遼陽參澗土有

萬壽集

卷之六

十一

老翁蓋其得諸地者淑也何謂人道曰神情抱一遐壽之基起居有常攝生之要故靜躁殊科而齒髮繫之矣今夫冥鑑風隙頃刻而灰截火密房父之始燼何者制諸人者異也何謂子道曰敏于農賈父母怡愉矧成令名親心益悅豈惟悅之亦克壽之故子爲三程則大中爲不死子爲元晦則常齋爲永存茲不謂親之壽在于子邪繫是四者有一焉亦足以致壽而兼之者鮮矣吾友南澗徐先生儒化人也賦質冲醇生平寡疾年逾八袞貌豐體肥其受諸天者可謂厚矣開化在萬山之中厥俗古朴故生于斯者力猶

務學弗假勸督凡世所尚靡色之娛咸所未見莫之能繫則先生之壽得諸仁里之助者有足徵已抑且德義功躬服食節澹性不喜飲酒興至則三二酌而已易泰六經浮雲萬物心無外慕神自內腴雖不數數然壽延齡之術而修諸已者可謂嚴以周矣先生年幾半百主器未立乃正德乙亥之冬生文河于沔陽學舍文河幼而岐嶷占對捷奇長而劬書文辭典贍甲午舉于鄉丁未登進士第器識凝重蔚有時名振樹顯揚行將壽其親于千百歲矣四者兼備壽擬無疆合而論之子道特重語曰天壽風地壽氣人壽子剛風旋而不息則天常覆大氣舉而無遺則地常載乎繼而有立則親名常存傳之不朽此古今之定理也先生今年八十有二季春穀旦初度隸臨某踰伏夷門弗能走賀聊述蕪撰寄壽于江之南復賦詩四章整諸簡末倘歌之壽筵用侑觴竿則嵩洛故人恍若周旋于尊俎之側也其詞曰人壽有四曰天地人矧是子道尤切親身回壽無絲毫也壽點光于聖門佳名莫掩於惟南澗葆真毓和篤生哲嗣蚤擢甲科大岳之山桃谿之水山高水深令聞無已

壽豫齋先生序

君子之處富貴也有道存焉經曰高而不危所以長
守貴也滿而不溢所以長守富也豫齋先生貴為宗
室而不驕富有廬祿而弗侈是故宗人嘉其履子弟
式其行士大夫樂與之游今年五十有一矣四月二
十二日先生之初度也太學生和君汝南率諸友徵
余言為先生壽余辭之曰先生以豫名齊壽之道在
是矣奚假鄙言乎哉汝南曰請繹豫之說以為壽可
乎余曰唯唯夫震上坤下其卦曰豫震動也坤順也
動而和順是以豫也夫逸豫之道放則失正惟六二
中而得正其爻貞吉蓋上下皆溺於豫而獨能以中
正自守者也先生其六二之爻乎上交不瀆貞正而
吉又何疑焉是故初六鳴豫滿可戒也六三盱豫悔
何道也六五貞疾失所乘也上六冥豫渝斯善也六
二當豫之時而不溺於豫獨能介于石不終日焉可
謂知幾者矣故爻以貞吉歸之夫既壽且康吉何加
焉彖曰豫順以動故天地如之天地以順動故日月
不過而四時不忒夫日月不過運有常也四時不忒
歲功成也君子觀天之道執天之行識陰陽之軌度
知魂魄之所居四時順宜與氣相得五行守界不妄
盈縮奪元命之秘齊松喬之年所謂含精養神通德

三元者皆自豫而得之矣先生其審思乎哉序卦曰
有大而能謙必豫故受之以豫先生貴而弗驕富而
弗侈有謙之道焉法豫之占以順而動有壽之道焉
由艾而耆而耄而耄而期順而無疆皆造化之所弗
靳也庸書諸簡以俟

嵩渚文集卷之六十八

序十五 七首

賀封大理評事孟公暨配謝孺人偕壽序

賀翟憲副父母雙壽序

壽樊母侯太孺人七十九序

壽許母七十七序

壽陸節婦七十序

壽劉母岳恭人七十序

壽雙崖李公八十六序

嵩渚文集

卷六十八

一

目錄

嵩渚文集卷之六十八

大梁李瀛川父

序十五 七首

賀封大理評事孟公暨配謝孺人偕壽序

嵩渚文集

卷六十八

一

余覽載籍每見古之人兄弟相繼登科竝立華要如燕山之寶儀氏蜀之陳堯叟氏未嘗不掩卷歎曰父母之於子也方童稚時擇師以教之蚤夜以課之冀立期成如播種于地而望穫也苟伯仲顯名門閥寔大而嫺里亦與有光焉父母其樂矣乎又竊思之曰人寓形宇內大期維百然鮮克臻之者蓋志有所闕而氣弗獲壘也有子如禹鈞之五郎省華之三子則親志以適而願無不遂矣夫志適則氣順氣順則永年父母其壽矣乎抑此猶傳記所載異代事耳非親見者曩余蒞遊四明邂逅碧湖陸翁茂軒載翁諸子接武甲科為美官二翁形神逸豫相羊山水間皆年八九十歲非余所謂樂而壽者邪抑此猶異省非同壤也乃若靈寶許翼毅公南陽王文莊公父子兄弟並躋通顯兩河人士莫不嘖嘖歆豔以為難抑此猶異郡非同邑也吾邑自昔稱多材而兄弟連科者亦弗多見獨付村大理評事孟公者子四咸以文學著

伯子淮起家戊戌進士筮仕廷評晉山東按察僉事
次澤次津先後領鄉薦季子洙尤稱秀穎一門之內
何其盛也伯子以考績便道觀省而二老之初度屆
期擬舉觴上萬壽乃造余請曰家君今六十有三仲
冬九日其初度也母孺人少家君一歲初度同是月
而後十有六日淮以秩滿過汴幸值壽辰願先生惠
之言爲大人祝也余與伯子有年家之誼雅聞公之
素履矣公天性仁孝少時母臥病不食公亦不食終
夕憂弗寐衣不解帶母因強食慰之平生不偽色辭
以悅人鄉閭服其直教諸子嚴而有法纔六七歲即
令入家塾日授以句讀稍長命習舉子業弗俾暇逸
居常語之曰吾願汝等爲君子科第不足道也孺人
淑慎儉勤宵弗休績穆然有曾敬美之風諸子內受
警飭外承訓督是故學業皆蚤成而二老方彊健綜
家政所謂志適則氣順氣順則永年二老實有之則
其樂而壽也寧有已筭哉矧伯子仕優而學益潛心
大雅之業造詣日以邃甄陶諸第咸爲珪璋如古之
八龍三鳳聲華籍籍以增重桑梓之國將使天下之
人皆仰羨吾邑爲高陽里而邇厥慶源之所自上可
以壽其高曾遠祖于無窮而二老之壽峻極維嶽矣

又何耄耋之足云乎伯子躍然喜曰懿哉誨言是固
吾二親之所樂聞者也謹書諸文綺率諸弟拜舞獻
之爲庭闈壽

賀翟憲副父母雙壽序

君子之壽也有五其致壽也有四何謂五曰受帝之
寵綸誥自天再命三命簪紱以永年此之謂榮壽耳
聰瞳明修齡而健食居弗藥行弗杖此之謂康壽林
壑寡營嘯詠自適俯仰天地何憂何慮此之謂逸壽
有子惟賢有孫維繁世享今名以陰于無疆此之謂
樂壽結髮之偶黃髮之儷皇天祐之並躋乎期頤此
之謂借壽何謂四曰種德實其人莫我知食報未艾
流慶有餘斯不亦仁而壽乎厥心坦如親進弗躁唯
悔弗較斯不亦寬而壽乎守愚含貞靡私厥能維其
靡矜是以昌寧永延乎爾生斯不亦晦而壽乎冲澹
以居血氣循軌日月于征而久厥視斯不亦和而壽
乎夫四者難于兼獲五者難于兼獲是故兼獲者德
之周也兼獲者福之備也余同年友憲副翟公之父
曰翟翁服德行義於東海上東海人咸尊禮之翁廩
于鄉校二十有五年七舉不第乃仰天嘆曰與此役
役于物孰若徜徉釣海濱以肆吾志乎於是棄其業

而放焉尋以憲副公貴封給事中再封僉事嗣奉
恩詔進金紫母曰王太宜人孝睦慈勤鄉邑丕式所
謂仁也寬也晦也和也寔蕙履之則夫榮也康也逸
也樂也偕也固宜其兼獲哉翁今年八十有二大宜
人七十有九汴之士大夫與憲副公文契最深相率
繪海屋添籌圖賦詩致祝咸謂余同年也不可以無
言余聞東海上多僊非誠有積籌滿屋也蓋受氣之
淑有遐壽之道焉而昧者疑之余於翟翁暨太宜人
有徵已

壽樊母侯太孺人七十九序

嵩者文集

卷之六

四

游聞之君子曰孝也者百行之權輿也夫人之所當
自盡也或曰孟之筭也王之鯁也斯謂之孝矣乎曰
此以物事其親者也孝矣而非至也或曰萊之綵也
潘之與也斯謂之孝矣乎曰此以形事其親者也孝
矣而非至也敢問至孝何如曰以物事親不離鼎俎
然則養口與養志者孰賢曰養志哉以形事親不踰
溫清然則回馭與奉檄者孰賢曰奉檄哉曰子知是
則至孝之道豈復有餘蘊乎是故君子之事親也不
以物不以形悅其心弗違其志而已矣吾省觀察樊
公由名御史遷返臬便道覲省跪請于其母侯太孺

人曰兒少也孤賴大人之訓以有今日大人春秋高
矣兒願辭新命侍大人膝下終身焉太孺人泫然泣
曰汝知汝父蚤歲倦倦之所以望汝者乎夫顯親而
揚名子之峻節也急私而緩國士之疵行也汝出而
宣力四方吾食於家焉樂也苟釋官守而戀庭闈雖
調羹侍膳於斯夕吾弗樂也汝亟行哉汝勿復言矣
公拜泣就道既抵返時馳使候起居太孺人益康以
健茲可謂不以物不以形悅親之心而弗違其志者
矣豈非孝之至哉今年太孺人七十有九孟秋朔日
為始生之辰公將以王事過鄆城屆期稱壽具之寮
友咸為詩為歌贈之屬嵩者為序夫子貴則毋悅
是故氣和而壽愈增毋健則子悅是故安情舒而續
業日茂夫績業日茂則位望日崇位望日崇則慈訓
益章慈訓益章則孝思益闡詩曰永言孝思孝思維
則樊觀察之謂也

壽許母七十七序

嵩者文集

卷之六

五

古之君子卓然有所樹立於天下者固其父師庭訓
之功而母教亦不可誣云余覽載籍得五六人焉方
其幼也若孟子之母教子以勤學呂榮公之母教子
以正身及既仕也若陶侃崔元暉之母教子以廉雋

不疑之母教子以平反審獄陳克容之母教子以忠孝輔國家之六母者可謂克敦內範者矣求若人於今之世若吾判府許君之母楊太夫人其庶幾乎吾聞太夫人天性儉朴相其夫即中公惟約惟慎姻黨式之弘治丁巳即中公卒太夫人夙夜勸判府勵學懸燈紡績伴誦讀居常語判府曰爾其端飭自持以光爾父之業無渝無墮惟爾良其與孟母之斷機呂母之嚴訓若合符節云爾正德丁丑判府令太和乃迎養太夫人於宦邸每進豐饌輒麾之曰爾當以志養無以食養吾欲爾為廉吏吾豈有意鼎俎間哉味斯言也方諸陶母之不受蚶鮓崔母貧乏好消息之言其識一也判府每退食太夫人必問日所行事曰獄訟得無有冤抑者乎下情得無有壅闕者乎國事民事得無有未殫厥心者乎判府具對日之所為稱意乃食否則不悅由是觀之昔所傳傳不疑陳克容之母之賢特簡編陳迹耳今吾聞太夫人之行足以媲美諸賢母於千百載之上矣太夫人今年七十有七道里云遠迎養弗便判府思之甚圖歸未遂中夜悲泣十月朔日乃其初度也別駕閻子乞余言以賀之詩曰魯侯燕喜令妻壽母若太夫人可謂即中之

今妻判府之壽母也語曰捧檄為孝叱馭為忠判府其勿亟于歸懋建勛業以慰太夫人之心則忠孝備矣孟深思之

壽陸節婦七十序

余讀詩至柏舟之篇未嘗不三歎共姜之節云觀其一則曰寔維我儀之死矢靡他一則曰寔維我特之死矢靡慝其辭激以厲其音悽以愴而其志之確以正從可知已烏虜貞哉余汴人也聞里有節婦張氏者為馬指揮鑑之女也年十九適陸處士浚五年而浚卒無所有方是時年二十有四耳舅姑閱其少諷使改適節婦泣不從復屬養戚委曲為之言節婦以死自誓曰婦人無再醮之禮無以有死而已吾豈踐二庭乎舅姑知其志不可奪乃構遂室以居節婦垢容卸飾雖至親女婦罕覩其面有姊為周藩沈丘王妃病篤思一見數遣女使延請卒不往或曰一往何害曰王宮非婦人所宜往矧子未亡人敢踰關邪及聞訃但哭于其室亦不往弔其守禮堅定如此余又聞節婦善事舅姑弟憚勞瘁舅姑說其孝諭使少休曰妾兼子婦以事舅姑庖俎絰浣常先同輩何敢自逸頃惟舅姑之喪哀毀過禮雖至衰暮遇伏臘

忌辰慟哭終日第淳喪妻遺子女節婦鞠養之咸底成立今孀居四十六年矣內外稱之無間言吾不圖共姜之後而復見若人也孰謂古今人不相及哉今年春正月郡諸生上其節于巡按御史金谿吳公悌提學憲副德平葛公守禮覈勘既實乃移檄邑令蒲州祁君天叙疏聞于朝詔樹闕里門復其家如制勅旨下臨先生巷陌而節婦之齒適躋七十八月某日乃其初度也於是鄉之大夫士嘉美節婦志行之貞聳觀聖朝褒勸之典僉曰是不可不徵文為賀乃相率謁余于碧雲精舍再拜請曰節婦之壽天道昭焉風化關焉願得先生言以闡其事余嘗友識其從子鄉進士東雅聞節婦之行故樂為之辭曰嗟乎以齒壽者弗若以德壽者之為永也莊周所云上壽中壽下壽所謂以齒壽者也其壽也有限君子表樹名節史冊揚其芬百世仰其入所謂以德壽者也其壽也無窮抑共姜之壽不可攷即使其躋上壽弗踰百歲已爾而共姜之名千萬年如一日者以其德之貞也節婦秉義純固凜秋霜而明皎日而其清風令聞當與高山大河同其悠久矣而七十之壽繫未足以為智吾所賀者特以其不出閨闥而化行乎

一鄉姬型媛範於是乎在而吾里之俗自是其益美矣乎詩曰淑人君子正是四國正是四國胡不萬年余擬授童子以是詩俾其於衆賓觴壽之日當筵而歌之

壽劉姑岳恭人七十序

夫人之壽者多繪古女仙為圖畫如王母麻姑上元夫人萼綠華謝自然之類相傳皆羽化神舉登名仙錄逍遙乎十洲三島崑丘瑤池之上雲輶鶴駕往來飄忽且云去中國數十萬里弱水統之鴻毛不浮人莫能至其說虛詭不經荒唐恠誕蓋事理之所無者君子嗤之然則欲壽人之母者盍即彝倫日用事理之所有者以壽之豈不雅正典實而於世教有補乎今夫坤德之為範也有四其在室也有女道焉其于歸也有妻道焉其事舅姑也有婦道焉其教子姓也有母道焉苟四者咸盡其道則凝和兆祥閨門受祉怡愉朗暢坐享遐年所謂形和則氣和氣和則天地之和應此事理所必有者以此為壽夫豈不宜而顧附之以虛詭不經荒唐恠誕之說如世所傳王母麻姑上元夫人萼綠華謝自然之類即使有之亦不足為倫理重何必繪之圖畫以取有識者之譏

謂乎河南之儀封有故左副都御史東阜先生劉公
元配封恭人岳氏宋鄂王武穆之後裔也幼開禮度
端淑寡言其女道有足稱者年甫笄歸東阜先生克
以孝事其舅姑辛勤具甘旨奉養得其權心其婦道
有足稱者先生自游邑校登甲科歷官中外三十餘
年家事不少嬰諸懷人以爲必有妻以相之也恭人
蚤夜綜家政內外咸理先生爲御史時嘗以直諫遠
謫恭人曰此臣職也了無愠色其妻道有足稱者恭
人生丈夫子四爰彖象占皆飭行力學弗修弗肆人
以爲必有母以教之也而恭人訓迪有方恒諭以敦
禮讓崇儉素植立門戶以無忘先都憲之德其母道
有足稱者合是四者而有之此天下之全德宜其享
天下之全福也今恭人行年七十而十一月十二日
寔維初度其姻眷岳生咨翟生昌胤王生在走汴百
里問壽於余余自愧謏陋安能爲恭人揚聲光哉三
生請之不置乃詰之曰汝何以壽恭人曰恭人之德
間里則之一方化之惟德致福而壽斯隨之敢以是
爲壽曰古哉願聞其再曰恭人之壽戚黨祝之鄉曲
頌之人心攸同而天必從之敢以是爲壽曰情哉願
聞其再曰恭人之子伯仲皆良紹武承芳于先人有

壽德文集

卷之六

十一

光亦惟慈訓之臧尊榮豫康壽考無疆敢以是爲壽
曰樂哉盡壽之道矣夫其心甚樂則其壽甚永內無
宅慮神情安裕耄耋期頤亦絲茲致乃事理所必有
者而恭人之壽詎可量乎抑四海之遠九州之大果
真有仙人殆無以過之矣而况虛詭不經荒唐恠誕
之說皆事理之所無者乎余嘉三生之言遂援筆序
其事以張恭人之壽

壽德文集李公八十六序

壽德文集

卷之六

十一

昔箕子衍皇極之疇曰皇建其有極欽時五福用敷
錫厥庶民夫人君體天以理民當以天之所以福民
者福之使其仁壽安富然後可以望其協極否則沮
於頤欲迫於俯仰其何能穀所謂汝弗能便有好于
而家時人斯其辜者也則夫欽時五福以敷錫庶民
者豈真有欽散之迹哉蓋有道之君作民父母以爲
天下王其經綸懋業自能措一世於雍熙太和之盛
而斯民皆得以飽暖安逸訓治化有壽考而無夭
折是果誰之賜邪揆厥所由謂非人君有以予之不
可也抑所錫之福有五而壽爲之先故箕子衍五福
之疇一曰壽二曰富三曰康寧四曰攸好德五曰考
終命今夫壽考康寧考終命謂之曰福宜也獨攸好

德者乃自脩之事何以列諸福嵩渚子曰人之有生也愚闇無知未免妄作以陷於罪戾雖處富貴觸冒禁網者有矣其何以致福乎惟夫氣質清明知德義之美而樂之則災害自消受天之祐謂非天下之至福不可也是攸好德者又諸福之根柢而上之導下下之承天惟在於是而已善乎許益之曰上之人能使下好德則可遂其錫福之公下之人能攸好德則可享天所賦之分顧斯世斯民知德者鮮矣矧曰好乎嘻此所以諸福兼備之難也余聞雙崖李公三晉之善士也樸茂儉直勤力稼穡性弗喜華侈敝衣糲食怡然自足善飲酒少酣輒散步壠畝躬視家人耘耔且諭之曰蚤完國賦吾輩食其餘耳然宗族親戚不有貧者乎宜竭困以賙之平生卹窮濟乏如恐不及有里胥至必勞以飲食雖家有顯官弗變其疇昔鄉曲皆稱其長者云又聞公敦尚行義事繼母以孝聞撫諸弱弟咸有成立訓課子孫耕讀弗暇逸凡此皆攸好德之事公服行靡倦誠皇極之俊民保錫之良軌也而壽考康寧之福固宜其滋至哉公有丈夫子五長應奎中正德庚午鄉試今仕爲晉府右長史次應韶治農別業次應庚中嘉靖乙酉鄉試

今知乾州次應箕中嘉靖甲午鄉試今會試南省次應斗郡學生伯仲齊名綽著文譽孫男十六人念愈同登乙未進士今念守歸德愈守鳳陽金紫交輝竝稱良牧餘皆勸學勵行遠大可期曾孫男十人闔門雍睦人無間言而公以應庚貴封順天府推官孟子之所謂三達尊洪範之所謂九五福公悉有之求之天下式鮮厥儷豈特三晉之所罕見者哉秋八月二十有八日爲公始生之辰蓋八十六春秋矣商丘尹郭侯忠顯爲歸德屬吏沾被德澤受知爲深乃走使大梁徵言以致賀余以寡陋嘗納交於歸德雅聞公操履醇篤全福攸萃欲造拜堂下一觀其德容而不可得茲因郭侯之請聊繹箕疇之旨爰推原公之所以獲福者皆聖天子之所敷錫而攸好德於厥躬乃其致福之本有不可誣者如此詩曰豈弟君子求福不回又曰壽考維祺以介景福余不佞敢歌是詩以復侯遙爲雙崖公壽

高渚文集卷之六十九

奏疏二首

水災請賜賑貸疏

乞免併隸漢陽疏

議一首

屯田議上秦巡撫

狀二首

水災戒諭官屬狀

求州學諸生直言過失狀

目錄

高渚文集卷之六十九

奏疏二首

水災請賜賑貸疏

臣聞古之人臣視民之饑猶已饑之視民之溺猶已溺之蓋以民命為至重也矧為之守牧任父母斯民之責而可坐視其陷于死亡而莫之拯乎臣待罪沔陽備員守牧竊照沔陽地方最號卑窪東抵九真白湖南接洞庭西連川江北通襄河竝無高山峻嶺長崗大阜實係湖泊處所眾水畢匯之墟也居民以土

築圩院七十二座防水耕種辦納原額秋糧一萬八千石有奇及各項歲課物料條件寔繁自正德十一年入春以來雨水調勻土脉墳起小民儘力佈種田禾正當暢茂之時不意四月中旬襄水泛溢加以淫雨為虐水勢愈長而所在圩院內盈外積苗稼多被浸爛僅得頗高圩院尚可栽秧又於五月二十等日川水亦漲二水合湊勢涌丈餘遂將各里圩院一槩衝崩坍塌淹沒田禾漂蕩室廬溺死人畜不可勝數當是時也有船者得以挈家救命無船者各用竹木倚樹搭閣棲身間被狂風擺落水中十活一二哭

號之聲達于四野窮民蹙額守饑張口待哺顛連困苦之狀已極况今雷雨大作晝夜不息切慮本年秋糧及各項歲課物料無從出辦若不蚤為區處議所以賑貸之者誠恐變出不測則地方之憂雖智者莫能料其後矣昔漢文帝以農為天下之本雖當稔歲猶賜民田租之半一遇水旱疫癘之厄則盡蠲田租仍下令郡國議可以佐百姓者仁聲仁聞光溢史冊天下至今稱之我皇上好生之德上符堯舜重非漢文可及聞此重災必屢聖慮伏乞勅下所司即與踏勘如果言不虛亟賜賑濟以救生靈其一應額辦田租歲課應蠲免者蠲免如例不可免亦望暫且停止姑候豐稔之年次第帶徵如此則危困之民庶得以少延殘喘而地方之變亦可消弭而無虞矣為此具本專差吏李必瀉親齎謹具奏聞伏候勅旨

汧陽連歲大水頭凡三上詔遣都御史吳廷舉專理賑事共蠲免汧陽州秋糧三萬餘石其京儲糧米例不可免者悉令湖廣布政司處補而汧民賴以甦

乞免併隸漢陽疏

正德十四年春二月 太子太保都察院左都御史陳金建議謂漢陽府所屬止有漢陽漢川二縣管轄人民僅二十餘里規模狹小不成府治乞撥汧陽州

并所屬景陵縣附益之事下戶部議可制允之部文既至士民駭愕咸稱弗便於是知州臣灋上疏曰臣聞聖王之經理天下也開疆畫野分列郡邑莫不量其地里之遠近度其道途之險夷相地制宜就民取便非直為官府威福重輕之計也竊照漢陽府原設在湖廣省城對江所屬漢陽漢川二縣共二十餘里視它府之所管轄誠為寡少顧國初創制漢陽府係裁減衙門不設同知止有知府通判推官三員與自皇祖肇基一百五十六年官制已定民心久安今天下府治尤有小於漢陽者未聞有所附益以拓大之也邇者左都御史陳金奏撥汧陽州并所屬景陵縣併隸漢陽府乞敕吏部添設同知一員協管府事庶規模恢闊方稱府治其為國經畫之意非不善也但其間地里民情殊有未便非素嘗經由者弗能周知而不可不之察耳洪惟我皇祖百戰而有天下肇造區宇酌量品劑至精至密豈不知漢陽府所轄縣少里薄乃以汧陽州直隸布政司而不以附之蓋以汧陽當荆襄之下流為衆水所歸之經其去漢陽府五百餘里水行則有野猪刀泅沉下瓜子清水九真諸湖波濤拍天浩無邊際其餘河

港甚多不可勝數陸行則九真山路崎嶇紆迴經過
津渡不下四十餘處時復水漲則諸湖河港混而為
一四顧淼茫與海無異雖商舶往來行止自由者亦
時有漂溺今以沔景二州縣併隸漢陽則其增添文
移倒換勞擾支費之苦姑未暇論聿當水盛之時小
民驅於役遣迫於限期舟楫安危弗遑自擇去岸逾
里罔測存亡離家經旬莫通消息風雨彌月不及往
還失期誤事之責猶可抑受而隕命浮屍之慘亦何
罪而罹此邪仁人君子聞之痛心矧為之守牧可坐
視其患而不為之一言乎再照它府隸縣多者必其
封壤連絡道塗坦易非有湖山隔越險阻不測之變
者也勢不可隸而必欲隸之是徒知府治之當閑而
弗度道塗之不便其與推而納諸水中者何以異哉
金應城人也自入仕途家居日少蓋未嘗經行漢沔
之間而重湖險遠之狀目所未覩故一時建白匪出
於私而不虞其害誤至此極耳臣查得弘治十七年
漢陽府知府蔡欽要將本州併隸該府呈蒙巡撫都
御史韓重具題有本州父老陳讓等奏行戶部駁謂
非惟文移紊亂抑且有擾於民原係開設成規擅難
更改已經咨行巡撫衙門仍照舊隸往事不遠卷案

見存而可復為此舉乎況本州自正德十一年以來
連歲水荒流亡載道荷蒙朝廷軫念重災特遣大
臣持節賑救稍得甦活見今水勢漸增秋成未卜若
復加此紛擾臣恐災傷之民愈不堪命矣伏望聖
明憫百姓之艱正一人之誤乞勅戶部亟行湖廣
撫臣再為詳勘如果道里隔遠民不稱便收回成命
統隸如故則沔景之民有更生之慶矣臣不勝殫越
待罪之至

漢陽府道里隔遠湖水不便
踰既上蒙行巡撫湖廣都御史秦金勸與
紹興其事

議一首

屯田議上秦巡撫

嵩著文集

卷之九

五

謹按兵農既分而屯兵有田其事昉於漢之趙充國
魏之東萊蓋寓兵於農之遺意也國初令內地及
邊衛開墾閒田以給官軍其牛種器具皆措於官內
設屯田司以領其事外命憲臣一員以督理之其
良法美意實為父安長治之慮非如漢魏務邊境而
遺內地應倉卒而忘遠謀者也百六十年以來軍安
其伍民樂其業有由然矣但田不皆良而有硠瘠年
不皆豐而有凶歉人不皆力而有竊惰官不皆才而
有汙墨積弊累變下不能如創制立法之初固其
宜也是故風通重大則不免告急於司農官庾空虛

則不免仰給於內帑李左車曰千里餽糧士有饑色今時則然矣而漢河之墟比遭陸沉平疇廣隰阻如為災嘉穗良苗魚鰲為餉故鴻鴈迷於中澤麋鹿遊於町疃加之征役繁興逃亡相繼豪右專利則占佃冒名娶婦秉鋤則招募無策此軍賦之所以空乏而士氣之所以單弱也去歲朝廷下蠲租之仁令遣賑饑之大臣思至渥矣政至善矣顧銀穀雖施僅足以充待哺之口牛種雖給未能以徧久荒之田為政者於此專於為租則困軍而將來之行伍益虛專於為軍則妨租而目前之糧餉告乏當此兩難之時

萬壽文集

卷之六

六

游惰毋以牛具難處而付之無可奈何毋以荒田難墾而委之無所措手竭盡吾力之所可為以聽天時之不可必務使田無遺利人無遺力如羊祜之屯襄陽逾年而獲十年之積李絳之屯振武而省度支二十萬損益適宜通融無弊庶乎屯丁以恤而屯租可完目前之艱難有濟而將來之儲積可望矣謹條陳屯田十事奉讀鈞覽伏惟采擇施行則地方幸甚軍民幸甚詩曰采芣采芣無以下體此之謂也

屯田十事

一闢荒

萬壽文集

卷之六

七

謹按沔陽州境古雲夢之澤也地勢最為卑窪比歲諸流並涌雨露為厲隄防崩潰田塍蕩沒高者鞠為草莽卑者匯為沮洳若不為終妨耕稼宜令所司躬循阡陌遍勘荒穢委官脩築隄防堅崇完固省諭各屯旗軍人等及比農隙乘時開墾先期者賞後期者罰則來春播種有地苟非比歲之災諒不至為患矣

二助耕

謹按會典屯田種器官為措備况大歉之後民物彫耗尤須區處但中間固多寡弱而殷厚

之家客或有之宜行該衛逐一研審分編戶則除上中戶省令自備牛種器具外其下戶極貧者量爲措給庶貧富均而用力齊矣

三勸力

謹按洪水既消人心洶洶如將復至時值播種大緊畏縮後有興作又已愆期坐失歲時誠可悼惜然天道未嘗終剥人力不可或廢養蠶蠶斯民固未知也今宜先行示諭管屯官巡歷阡陌躬自勸督驗其勤惰以爲賞罰使東作不遺而西成可冀詩曰饁彼南畝田畯至喜亦在管屯者加之意而已

四廣募

謹按軍丁輪戍之遠飛輓之勞逃亡者過半矣或婦孺伶仃或田廬荒穢冊籍雖存租賦莫辦爲今之計宜先查有力者令其自種其無力逃亡者省令本戶本旗廣爲招募官舍餘丁老商富民人等逐一承佃惟務租完以紓軍國之用雖有官三軍一之例亦不必盡拘也

五禁暴

謹按舊例軍一名田五十畝租六石以名計之

數逾千百中間增損不一派發多端歲有更張人無定業於是官舍則挾貴而憑勢冒名商民則恃富而肆意占佃故彼得其良此得其瘠利入私門害歸軍伍往歲查復舊制亦一便也今宜申明禁約毋令勢豪踰額濫佃其果無力拋荒及逃亡者方許承種如此則貪暴不容而土地均耕耨不遺而租賦完矣

六懲惰

謹按國家屯田之制蓋使兵農一途法至矣矣承平以來軍士偷惰憚於耕穫則任其占種而不還逼於征輸則付之招募而不顧膏腴是棄甘服役於私門耒耜不知徒優游於市井甚至游心筆阮豈勝胼胝之勞溺志樗蒲詎識耕耘之苦然則欲租完而用足何可得也宜令管屯官以身率物旌別勤惰其有匿名私家蔽身貴族及偷安務閒怠於農作者必罰無宥斯與利革弊之一端也

七時欵

謹按折坐之說本權宜應變之策不可復繼也今宜於禾稼登場之時先行徧查某屯成熟隨

即催徵某屯災傷豫爲計處母恃糧可折而廢徵收母恃賑可再而冀蠲免則賦不後期而屯無廢政矣

八償通

謹按民間逋負丁盡則本戶賠償戶絕則里甲賠償今軍衛每百戶一員旗軍十名田各五畝租各六石共田五百畝租六十石一旗之內大約上等三戶可承一分或二分或五七分中等三戶止能自完餘無力拋荒二戶并逃亡二戶通行查出計數摘撥先將屯租代爲辦納然後官給執照不許告奪如俱不堪承種省令各戶廣爲招募如招募不敷或應募無人即將本官本旗俸糧坐折一如民間陪糧之例

九省費

謹按本衛軍士逃亡者多其見存者老弱精壯相半而科差重大供億頻繁公支私使日見扣除幕府轉門時來需索輪戍邊徼則鋒鏑已摧輓漕京師則稱貸多負如之何不軍愈困而租愈欠也請行該衛申明禁約母因小以糾大母假公以濟私母營不急之務母爲可已之事如

有制用申請定奪斯今日卹軍之切要也

十均田

謹按本州田土卑曠接蜀連襄沔江據漢每歲春夏之交陂澤皆滿加以兩年水患異常高者則衝決成壑下者則汙渰爲畚况壤有肥瘠而地有厚薄良田入於豪門沮澤歸於疲卒生產不同賦役則一偏重之勢亦當較量爲今之計宜選委廉能官員沿坵履畝逐一踏勘某所當抑某所當增照數編撥定爲恒產庶田地適均而軍賦易辦也

狀二首

水災戒諭官屬狀

竊聞和氣致祥乖氣致異天人相感猶桴鼓之相應比者霖雨無時雷電孔烈川襄二流合漲竝涌此詩所謂燁燁震電不寧不令百川沸騰者也推厥所由寔予小子暨一二官屬奉職無狀不能秉公恪法勤政愛民以致此變夫五行以水爲本其星玄武婺女天地所紀終始所生政平則境川理脉絡通政僻則境川溢脉絡亂即事據理感召有餘凡百脩省事宜予小子不敢不勉茲諭爾所屬官吏各宜洗心改行

軫卹民隱絕苞苴之私祛侵漁之弊緩催科清逮繫
弛通負停宴會靡神不舉靡愛斯牲庶乎夫監警畏
而水勢可冀消矣其或有救災備荒之方泄瀉護則
之策招通銷盜之術許諸人陳說以俟采擇

求州學諸生直言過失狀

我聞在昔夏禹淵聖再拜昌言季路哲賢聞過則喜
故德榮譽尊千載仰茲無數予小子謬典州郡夙夜
祗懼靡敢自寧尚賴二三子明惠讜言匡予不逮以
圖惟厥終予惟初至爾邦亦嘗求爾言爾不棄予無
良導掖令弗迷予孜孜懋厥政事少裨于下民亦惟
二三子之德肆今鴻水為虐禾盡沒洪範咎徵師尹
惟日厥有感召之機撫躬省愆厥繇何辭敢告二三
子無吝誨言厥行政弗中厥馭吏弗嚴厥繁濫厥訟
寬厥愆戾弗除稂莠戕諸嘉苗厥耳目罔攸逮左右
規利罔聞知有一于茲咸拒天休爾其盡言攻予闕
予弗敢怒將采擇見諸事志曰言美者私言惡者師
嗚呼其尚胥規戒哉

公移十首

重大水災急救生靈事

正德丙子時
守河陽下同

處置地方以弭盜賊事

改竄民壯以重民兵事

裁減均徭以蘇民困事

拆毀淫祠以正人心事

釐正鄉飲酒禮事

招撫流移窮民事

勸農種以望秋成事

查理暴露屍棺以回和氣事

作養奇童期成大器事 山西提學

大梁李濂川父

公移十首

重大水災急救生靈事

正德丙子時
汴河陽下同

照得汴陽地方四境皆湖實為窪下之地頻年水旱

相仍盜賊殘害小民顛連困苦之狀已極節蒙恩

詔寬恤稍獲蘇息不意正德十一年五月二十等日

川襄二水合漲並涌將各里圩院田禾淹沒殆盡漂

流室廬溺死人畜不可勝數幸有浮圖等一十四院

地形頗高未會淹沒本月二十九日至六月初一日

水勢愈長加以大雨傾盆逾旬不止而圩院向未淹

者遂盡為巨壑四顧浩淼茫無畔岸老幼婦女坐困

水閣之上炊爨無煙哭聲震野若不亟為賑救則鳥

形鵠面之殍無復孑遺矣竊聞周禮以荒政十二聚

萬民大要不過賑救而已昔漢沒黯為謁者持節河

內道經河南目擊水旱父子相食即發倉粟以振貧

民比歸請伏矯制之罪武帝賢而釋之宋范純仁知

慶州時值大侵餓殍滿路純仁發常平封樁粟賑之

州郡皆欲俟請而後發純仁曰人七日不食即死曷

可待報諸公但勿預吾寧獨坐罪前史美之今汴陽

罹此重災小民饑餓之甚查得本州預備倉止

有米穀三千餘石除分投委官撥船裝載前赴各院

水閣處所驗口逐一給賑外但米穀數少不敷放支

伏冀蚤賜鈞斷急救生靈或借貸官銀或移發倉粟

凶歲通融恤患豐年照數還官庶乎將死者可生而

欲逃者復聚汲范二子不得專笑於前矣緣係重大

水災急救生靈事理本職未敢擅專擬合通行呈奉

處置地方以弭盜賊事

嘗聞盜賊起於饑寒饑寒緣於水旱比者川襄水溢

災變異常荆襄安沔之墟俱為淼茫之域而汴陽地

勢尤下受災獨甚是故稼穡廬舍蕩然一空老弱死

亡丁壯逃徙況本州倉廩空虛素乏備荒之儲本職

又以菲材初任睹患省躬憂惕無地書所謂若涉大

水其無津涯則信然矣竊思事豫則立有備無患若

不蚤為弭盜之圖萬一嘯聚流移乘荒肆劫則地方

之害有不可勝言者矣見今本州城垣被水衝齧坍

塌殆盡亟宜脩理工費不貲除會同汴陽衛掌印官

估計物料另行申詳外切照本州四十三村與該衛

三十三屯軍民雜處又與漢陽監利潛江等縣地界

相連訪得先年盜賊恣意馳騁如在民村劫掠或追

入軍屯而軍則曰我衛屬也與州無干如在軍屯劫掠或追入民村而民則曰我州屬也何煩於衛往往互相推調縱賊滋蔓以致動調官軍征勦方得寧息傷民費財莫此為甚為今之計惟當力破此弊以求地方安靖而已木職業已訓練民壯召募義勇嚴督本州巡捕官及沙鎮等處巡檢司官各率領兵快巡邏道路緝拿姦宄外柰緣村屯相參軍民不一事涉各統室礙難行伏乞劄仰該衛著落掌印官即於見操軍餘內揀選精銳若干名行委本衛巡捕官務要同心協力耀武揚威振其頹靡之習作其勇敢之氣

萬曆三十八年 卷之三十一 三十一

各於緊管地方盜賊出沒之處往來巡視設法擒捕或瓜其巢穴或邀其歸路倘民村有警軍衛即行策應軍屯有警有司亦與救援毋得推調觀望玩寇殃民其捕獲盜犯俱送州衛會問明白具招申詳有功之人照例犒賞激勵每月一次各巡捕巡司官具有無獲過盜賊緣由并不致偷安坐視結狀入遞繳報以稽勤怠仍乞通行漢陽監利潛江等縣一體遵照施行如此庶事有責成官無曠職盜賊可弭而地方可保無虞矣緣係處置地方以弭盜賊事理本職未敢擅專擬合通行呈奪

改食民壯以重民兵事

竊惟民壯之設最為近古蓋即成周以來寓兵於農之遺意釋耒耜而從事戈矛無糧餉而編隸行伍無事務農有警調集其創制立法之意本無不善為政者苟能潤澤而脩舉之豈不有裨於地方哉今照本州民壯四百三十名獨與別州縣事體不同誠為虛應故事本職履任之初訪知其弊蓋緣先年審編之時不於丁力相應戶內選充應役而繁於四十三村每里長戶下僉報一名在官聊以備數而已各門戶丁輪流應當又多半雇人代替操練之日更換不常甲來乙去彼熟此生號令未諳於心武藝未閑於手金鼓未習於耳旗幟未明於目朽盛敝甲何以衛身柳矢桑弓真同兒戲平居無事止可應名一遇警急實難有濟壞舊典設立之規負上司責成之望因循廢墜雖有如無本職詢察下情皆云充當年遠未蒙僉換以致如斯原額雖有四百餘名今實不滿二百之數其間尪羸之老衰已扶筇髻髻之童力難持戟半非精壯之夫全誤緩急之用况本州地方湖泊阻深荻林曠僻劫竊之徒易生難獲誠恐囂聚水鄉貽患匪細銷亂於未萌圖變於未著誠不可不為之慮

也本職欲查照近年兵部題准事例擬將本州并所屬宜陵縣民壯重新編審務於各里丁力相應之家從實揀選軀體強健年齒英銳者各一名俱開注年貌在冊不許私自更換仍給與小木牌一面常川懸帶令其隨軍操練歇操之日聽便生理不許分撥跟官及各項妨占役使仍免本戶二丁供給十年一換如此庶蓄威有素練武有時倘遇警急調用則行伍皆精壯之夫戰陣有必勝之理矣緣係改僉民壯以重民兵事理本職未敢擅專擬合通行呈奪

裁減均徭以蘇民困事

照得本職承奉巡撫都御史秦 案驗坐委審編本州正德十二年均徭內開如有革弊便民良法聽自斟酌從宜施行或事有干礙及更張太甚者呈來定奪竊思研審戶則以編均徭惟欲差役均平節財恤民而已本州連歲水荒民生彫瘵征科差役殊為浩繁必須酌量裁減以蘇民困所謂寬得一分則民受一分之賜是已本職謬膺委命隨調取累年均徭文冊逐一清查所編各項力差雖係從來舊規而中間亦有濫設者如山川社稷郡厲壇馬侯廟旌善亭河公館門子共十二名顧各壇止是春秋祭祀原無

祠宇馬侯廟止有敝屋三間旌善亭近在州門之外皆不須看守則河公館今已改建馬驛前項門子皆為虛設西門北門南門拖船渡並無官渡原編渡子八名亦為虛設合無自正德十二年為始酌量裁減壇廟宇館就令本處地方總小甲看守晨昏灑掃毋致汙穢其原無官渡去處渡子盡行除革襄河原編渡子五名軍器庫庫子四名二處雖難盡革亦當各減二名其總鋪原編鋪驛司三名鋪兵七名及新興鋪起至下查鋪止一十二鋪每鋪原編鋪司二名鋪兵四名勘得下路連接九真白湖不係衝要官路止是春冬遞送公文夏秋水發公文咸於上路遞送鋪兵似亦多設每鋪相應減去一名再照文廟及山川社稷郡厲壇春秋祭祀并二次鄉飲銀兩備細查算俱屬過多其文廟春秋祭祀原編銀六十七兩今量減二十七兩山川壇二十七兩今量減一十五兩社稷壇一十七兩四錢今量減九兩四錢郡厲壇二十六兩四錢今量減八兩四錢二次鄉飲四十兩今量減一十六兩通約裁減力差銀差共銀二百八十餘兩又照本州原編安陸州知州同知判官吏目負下莊薪草隸一十二名共銀一百四十四兩而本州各

官負下前銀又在安陸州審編竊度立法之意彼此交換絕嫌杜奸非為不善後緣因循過期彼此不解每年就便各支本處均徭銀兩以致缺官柴薪無憑叩除卷案不明實難查考合無彼州各官前銀准令本處審編支給本州各官前銀亦准令本處審編支給如此庶文移不繁各得兩便而缺官柴薪亦不難於稽考矣緣係裁減均徭以蘇民困事理本職未敢擅專擬合通行呈奪

拆毀淫祠以正人心事

竊惟私祠庵院在律法所不容拆毀淫祠於風化非小補昔狄梁公持節江南毀過淫祠千七百所其所存者夏禹周泰伯季札伍員四祠而已前史策之照得本州暨屬縣民俗尚鬼淫祠頗多相應嚴督拆毀以正人心除本州另行外為此牌仰本縣着落當該官吏照依牌內事理即將本境內寺觀庵院查係古刹及有勅賜牌額者不動外如有出於愚民私創及僧道募緣建造者量留一二所改作土穀八蜡神祠省令里老耆庶人等春秋祈報以禮致祭其餘盡數拆毀地基變賣銀兩并磚瓦木料俱入官運送該縣如法收貯以後倘有官廨學校倉廩牢獄傾頽損

壞就仍市請動支脩理限一月以裏將拆毀過寺觀庵院坐落四至及磚瓦木料并變賣過地基價銀各數目造冊申報以憑查考俱毋違錯不便

釐正鄉飲酒禮事

竊惟鄉飲酒禮舊典昭明養老尊賢有司首務脩一歲兩舉之儀寓化民成俗之意善乎孔子曰吾觀於鄉而知王道之易易也照得正德十一年十月朔日寔維其期據本州儒學開送賓僎耆老人等圖式到州看得儀注踵因襲之訛席豆率草畧之甚廣耆具列恐冒濫之或存鐘鼓在縣豈樂章之盡誦古禮既廢今典亦違擬合通行釐正以致尊讓潔敬之義為此帖仰本學掌印官速照帖文內事理即便督同知禮生負留心考察窮日講求酌二禮之文遵一王之制務要儀文中節禮度無差仍備查與飲致仕賓耆人等月旦之重輕年華之高下家世門風之清濁節行著述之有無齒德兼茂者不可以請求未至而見遺名實無聞者不可以子孫在學而冒入逐名查訪的確作急申州待報然後先日發書翌日肅賓至日聽候本州蚤詣本學演習禮儀閱視饌具務盡誠敬以成嘉禮毋得視為虛文苟簡了事及賓不擇

人宴不中度自奉則豐而待賓則薄甚至將素無行檢遠犯鼻憲之人畏勢利有濫廁賓筵及多派物料出入不明致令買辦人役通同吏典侵漁作弊事發罪各有歸先將應請應黜賔賓人等備細緣由同不致扶同濫保結狀繳來

招撫流移窮民事

照得當職本以凡庸之材繆膺民社之寄履任以來奉職無狀不能感召和氣以致豐穰連罹水荒小民困苦已極去歲徑奏 闕庭荷蒙 聖恩特遣大員一員專理賑事蠲免秋糧停止歲辦而彫瘵之民稍獲蘇息不料今年又值饑饉饑寒載道弗忍見聞除將本年夏稅糧米申准官銀代納其各項坐泐物料銀兩及節年逋欠錢糧俱暫停止又經備由具奏及通申合干上司并將預備倉米穀不待請示先行給

卷之十

九

賑外惟恐將來秋糧止免存留其起運之數例不可免臨時逼徵無從措辦又經申請議處代納及懇乞賑濟去後續奉巡撫都御史秦 批本州如此重災百姓救死不暇誰忍追徵錢糧其起運之數即案行布政司議處代納仰本州掌印官益展才猷以行所學招徠流移撫恤窮困以追配古之循吏可也仍聽

候處置給賑此繳若不遵行曉諭誠恐愚民不知

朝廷子惠之仁撫院優卹之意懼徵起運相率遠逃餓死宅鄉深為可憫為此刊刻告示前去城市鄉村人煙輳集之處張貼曉諭縣州人民知悉本州兩年水災不惟蠲免稅糧又且給銀賑濟恩澤汪濊今古罕逢仰逃移窮民早還鄉土湖池有魚可以撈摸度命嗟昔有債已經禁約逼迫往年諸色征科今日盡行停止汝宜速歸故鄉各安生業趁時脩築圩院以圖後效毋隨盜賊而禍及身家毋習游惰而屍填溝壑嗚呼胡馬嘶北風越鳥巢南枝在物且然而况吾人有墳墓親戚之念者乎興言及此良可慟悲茲用

卷之十

十

丁寧播告四境各宜體心歸來毋貽後時之悔

勸農種以望秋成事

竊惟生民以粒食為天農種以及時為務照得沔陽地方連歲水災氣數之變已極否泰循環自然之理今年豐熟不卜可知但田畝愚民懼水再虐不肯佈種或信擲卦抽籤或信俗占野讖利害惑於既往耕作昧於適從譬諸傷弓之鳥止即驚飛慮噓之夫從而廢食實信無稽之言虛度有收之歲載瞻荒土殊抱隱憂為此懇切告諭闔境父老子弟趁此雨水調

勾之年又值牛種給散之後亟播種於目前可收穫
於秋後況稅糧難望蠲免賑濟不可常期其或逸豫
自安京時弗種不惟妻子饑寒無以卒歲而租賦督
迫何以完官或監併於深牢或逃亡於外境臨時追
悔噬臍無及矣且如上年不肯種麥亦說今春有水
見今水勢不生二麥將熟蓋人事既脩天道自順一
勤一惰之間而終歲之苦樂繫之矣嗚呼秋成有望
在汝心省悟之萌農事無荒寔我輩憂勤之意互相
勸勉毋失歲時凡我良民各宜體悉

宣理暴露屍棺以回和氣事

竊惟和氣致祥乖氣致異天人有相感之機災沴無
虛生之理照得掩埋骼先王仁政之一也有其舉
之時維正月矧當鴻水瀰漫之後初寒風雪之時小
民困於饑凍不勝摧折或填於溝壑或漂諸湖港或
露助原野或橫骨城隅鳥啄犬銜蟻蟻蛄嘍屍骸腐
化穢氣薰蒸不無有傷天地之和以致災沴為此示
諭本州并屬縣各地方里甲等但遇死屍暴露未
掩埋者隨即報官給與蘆席四塊麻繩二條火速包
裹扛擡近郭者埋於漏澤園在鄉者埋於空閒地毋
得坐視忽然致傷和氣如有民間尚義之士捨貲出

力自行掩埋者是能以仁存心可嘉可錄者也仰即
指名報官以憑旌賞施行再照暴露屍骸不獨郊外
有之如各處庵觀寺院多有受人寄託之棺填滿
室而城市鄉村亦有在家停放之柩待選風水歲月
漸久鬼魄不安亦能上干天和感召災沴擬合通行
查審凡轄屬地方庵觀寺院及寄柩之家仰逐一開
報到官有主者定限取回安葬無主者責令受寄之
人和兼地方人等暫行禁葬改土其停柩在家年久
不葬者嚴限督令選期發引毋泥風水母作佛事以
正人心以厚風俗庶乎災沴可弭和氣可回而豐穰
亦可望矣

作養奇童期成大器事 山西提學

嘉靖四年三月二十三日日本職巡歷代州考定科舉
據行太僕寺卿王綖送到童子一名于弘係代州野
莊村民人于淮之子年方八歲器質溫醇言動不苟
四書集註及詩經集傳皆掩卷背誦頗能通其大義
詢其隣里言此兒自五歲讀書不出戶閤不隨群兒
嬉戲舉止動靜如老成人蓋信山川之靈 邦家之
瑞而世所希見者也且聞其家甚貧無錢買書而所
讀之書皆逐本旋借讀畢即還不遺一字本職隨用

虞米易換周易本義尚書蔡傳春秋胡傳禮記集說
 并小學近思錄各一部付與此兒令其先讀周易次
 讀尚書春秋禮記循序成誦又命工繪畫本處先賢
 薛文清公小像一幅令伊朝夕仰瞻觀感興起外照
 得人才之在天下舉業科目之士隨在頗多而道德
 純粹之儒希世僅見今閱此兒器質溫醇言動不苟
 而背誦經書乃其餘事雖不敢遽望其異日必為名
 世之彥使若陶鑄有方進修無間似亦可期望於世
 俗舉業之外者也除丁寧告戒其父凡時文主意破
 題及詩賦詞章一切非聖之書俱不許令兒觀覽止
 令熟讀五經四書暨小學近思錄以涵養本原俟其
 自化外但慮其家貧無食難以度日欲行代州每月
 給與粟米五斗以養贍之仍免伊父一丁差役俾得
 專力營運以便供給待其弱冠有成果如前之所望
 提學道開呈本院具實奏聞若至十五歲以上止
 是長於記誦不過尋常舉業之學而於道未有自得
 之妙然後佳其月給之米令其入學科目出身亦不
 失為五經佳士矣緣係作養奇童期成大器以圖補
 報事理本職未敢擅專擬合通行呈奪
 嵩渚文集卷之七十

嵩渚文集卷之七十一	題跋一 十八首	讀漢酷吏列傳	書風雅翼後	書唐音後	讀余襄公武溪集	讀浮溪文集	讀水心文集	讀書齋集	讀渭南文集	嵩渚文集	讀梅溪文集	讀柳待制文集	書石林燕語後	書乙卯避暑錄話後	書程史後	書愧郊錄後	書松雪齋文集後	讀天地萬物造化論	書文山集杜詩後	書靜修劉先生叔學後	目錄畢
-----------	---------	--------	-------	------	---------	-------	-------	------	-------	------	-------	--------	--------	----------	------	-------	---------	----------	---------	-----------	-----

高渚文集卷之七十一

大梁李濂川父

題跋一 十八首

讀漢酷吏列傳

秦尚水德以六為紀故事皆決于法刻削戾深母仁
恩和義以合水德之數漢興破觚為圓斷雕為朴稍
尚寬厚矣景帝時鼂錯始開苛酷之源其後乃有郅
都雍成周陽由趙禹張湯義縱王溫舒楊僕臧宣社
周深文巧法礫族不瞬目同時之人不幸遭厄也已
夫郅都能回天子救姬之舉威震匈奴射偶莫中張
湯庶直死後囊金不過五百皆所得俸賜者後世難
其人焉假令數子濟嚴以恕臨獄以平不亦美哉嗚
呼秦二世亡錯戮死數子皆鮮克有後詩曰殷鑒不
遠在夏后之世為今之吏者省哉

書風雅翼後

是編既名曰選詩補注而又名曰風雅翼何居曰自
一卷至八卷坦之取梁昭明文選所載之詩精擇而
去取之選詩舊有注未盡善乃增補之一取則于子
朱子詩傳及楚辭注復加圈點批截一一精當所謂
選詩補注者此八卷也又終于朱子未成之志自唐

虞以至魏晉凡古歌辭之散見傳記者彙為二卷題
之曰選詩補遺又選唐宋諸賢之作近古者彙為四
卷題之曰選詩續編以其皆可以羽翼風雅統名之
曰風雅翼云子朱子嘗曰吾欲抄經史諸書韻語及
文選古辭以附于詩楚辭之後以為根本準則又欲
擇文選以後之近古者以為羽翼與衛焉書未及成
而逝此坦之所以紹其志而為是編也坦之生丁元
末天下多故乃藏脩詠歌以見志歷洪武中隱居不
仕諦觀是編則坦之博學精識可窺矣金華戴公良
謂坦之是編當與文公詩傳楚辭注並行于世其知
言哉

坦之姓劉氏
名履上虞人

書唐音後

襄陽楊士弘氏編唐音若干卷亦有可觀第恨草率
耳夫始音專錄四子似矣正音所收李義山許用晦
之作頗多恐非音之正也見諸遺響者如王無功沈
雲卿劉昫唐音懷太子張巡陶翰諸篇風調乎唐之
正音何以入于遺響邪蘇平仲嘗病其以盛唐中唐
晚唐並謂遺響蓋先得我心之同然耳李長吉溫飛
卿二子體格非盛唐比乃各收二十餘首又何怨也
若歸鴈絕句一見正音則繫于錢仲文之下一見遺

鄉則繫于薛大拙之下夫一詩而兩見焉題品異而名氏殊他舛錯者詎止是哉甚矣士弘之草率也

讀余襄公武溪集

余襄公靖字安道韶州曲江人本名希古未第時以事更名靖舉天聖二年進士仕盛宋時凡治六州所至有惠政官至朝散大夫守工部尚書充集賢院學士公博學彊記其於歷代史記雜家小說陰陽律曆浮屠老氏之書靡不研究文名與歐蔡諸公埒為集賢校理時范文正公以言事忤宰相諫官緘口避禍無敢言者公獨上書曰陛下親政以來已三逐言事

萬壽文集

卷之十一

三

者矣若習以為常不甚重惜恐鉗天下之口書既上遂落職監筠州酒稅而尹洙歐陽脩相繼論救又以書讓諫官咸得罪遠謫當時號為四賢厥後仁宗感悟復召用范公又增置諫官以開廣言路乃除公為右正言公感激奮勵遇事輒言無所回避是年太白犯歲星于太微端門之右公上書曰金火罰星皆主兵喪及饑木為德金為刑惟金沴木五行所忌願陛下青躬脩德以謝天變上嘉納之維時官南海者多驕貴公欲嶺上置關籍簡官吏行李之往來以辨清濁諸所建白有補益于時者良多文章特其餘事耳

所著武溪集二十卷曰武溪者韶之水名也余深愛其海潮圖序契丹官儀辨堯舜之非謚論秦漢之興亡暨書譚氏東齋諸篇皆發所獨得非蹈襲前人者可謂善養其氣以昌其言者矣嗚呼嶺南人物唐有張文獻公九齡宋有余襄公靖並以忠言大節顯于天下且同生于一邑其諸山精海靈畜之既久而始鍾于二公邪揚誠齋廷秀謂越產人物不多見見必奇傑其有見于此哉公又有奏議五卷三史刊誤四十卷皆可傳世云

讀浮溪文集

萬壽文集

卷之十一

四

浮溪文集六十卷宋顧謨閣學士新安汪藻著藻自饒州德興徙居陽羨仍以浮溪故居為號又有文粹十五卷正德初刊之廬州或曰羅鄂州願所選每體不數篇較諸全集僅十之一爾中有批點亦甚精當孫鴻慶觀誌藻之墓謂建炎紹興間詔令多出其手指授諸將感厲將士訓飭有位哀閔元元之意聞者悽愴海內傳誦時人比之陸宣公云後為權奸所昵謫斥永州十有二年乃自肆於山水間而文益奇詩益工與柳儀曹相上下時胡司業仲亦有文名人為之語曰江左二寶胡仲汪藻或稱其深醇雅健

追配古作常楊燕許諸人莫及或稱其明徹高爽歐蘇之後邈焉寡儔信可謂一時之大手筆矣惜乎心有所蔽而情于決擇如草李綱落職制乃引驪堯少正卯爲比與吳知錄書則所重在文而排伊川之學誌汪伯彥之墓而許以中興之業謂乘輿南渡咎不由之可謂大謬也已豈其素累于詞章之習而不自知其非也邪藻著述甚富有三朝日曆青唐錄裔夷謀夏錄金人背盟錄皆可以補國史之闕又有古今雅俗字若干卷屢經兵燹喪失者多故世鮮傳者余累歲求之而未能全見也

高齊文集

卷五十一

五

讀水心文集

水心文集二十九卷宋吏部侍郎永嘉葉適正則著景泰初章貢黎諒爲處州府推官刻之郡齋王文端公直有序暇日披誦一過始知水心志在行道亟欲見之事功不徒爲文而已其論兵部郎官朱元晦狀極稱其文學行誼而直詆侍郎林栗誣劾之罪請加權折以扶善類說者謂與汲長孺面詰公孫弘張湯同科信知言哉史稱水心志意慷慨雅以經濟自負方侂胄欲開兵端以水心每有大讎未復之言重之而水心適自召還每奏疏必言當審而後發且力辭

草詔庶幾不至失已第出師之時若能極力諫止可免南北生靈之禍士論以此少之侂胄既伏誅而中丞雷孝友劾水心附韓用兵遂奪職惜哉水心又有外集別集若干卷末卷號後總專論賈田贍兵黃東發深非之說見日抄

讀常齋集

常齋朱松喬年宋建炎紹興間詩人也有盛名于時年二十七八始從龜山楊氏門人聞二程子緒論爲大學中庸之學又之有得而發於詩文者益精采覽達卓然名家丞相趙忠簡公張忠獻公皆深重之未及柄用而去秦檜以是忌之而常齋方且極論和戎之失檜怒出知饒州未赴復差主管台州崇道觀未幾卒其季子晦菴先生熹手輯其詩文十二卷託河陽傳自得序其首簡自得稱其詩高遠而幽潔文溫婉而典裁表疏書奏又皆中於理而切事情非過予也第裨逢年王瀾集一卷附刻其後而錫山尤袤爲之跋其詩什真常菴伯仲云

讀渭南文集

正德辛巳余赴官甬東過錢唐入會稽陟龍山探禹穴訪陸放翁之故廬求其遺文而觀之翌日客有以

渭南文集見晚者總五十二卷而詩未之備不可曉也舟中閱之累日深歎其氣壘而充才俊而逸辭典而蔚當為江左文字之傑余獨取其居室記暨上執政上虞丞相上辛給事書皆文之佳者而若陸伯政上舍書中謂學不通天人行不能無愧於俯仰不可以言詩誠為確論翁平生仕不甚達終實諫闕待制致仕宋史稱其才氣超邁尤長於詩但晚年為韓侂胄排南園閔古泉記時議少之朱文公謂其能太高迹太近恐為有力者所牽挽蓋先有以識此矣惜哉

讀梅溪文集

渭南文集

卷五十一

七

梅溪先生王忠文公前集二十卷後集二十九卷廷試策一卷奏議四卷天順間祥符劉公謙為温州守刻之郡齋公之學粹然一出於正詩文平澹典則不為浮華靡艷之詞而尤留心吏事故所至有惠政人皆思之紹興二十七年公奉廷對片數萬言切中時弊高宗親擢第一欲試以民事會判紹興府自後歷官侍從臺諫出知饒夔湖泉四郡入為太子詹事以龍圖閣學士致仕惜當時用之不盡其才也初公以制策甲天下或議其未必精於政事然自為郡佐以至守牧庶恕公平簡允詳練雖案牘填委必一一

繙閱審核至當乃已民咸立祠堂以事之子朱子序其文集謂其稟乎天者純乎陽德剛明之氣是以其心光明正大踈暢洞達如青天白日而見于文章事世者一皆如此誠哉是言也朱子又取前輩五君子以儷公曰諸葛忠武侯杜工部顏尚書韓文公范文正公人不以為過蓋五君子皆有文有行所謂純乎陽德剛明之氣如青天白日者公與五君子而為伍可以無怍色已然則士立于一世欲以文自命者可不植德勵行以為昌其文之地邪嗚呼有本者如是

在吾人當自勉爾

讀柳待制文集

渭南文集

卷五十一

八

元浦江柳先生以雄文為天下宗與雍虞公伯生陳音揭公曼碩烏傷黃公晉卿名相埒海內學者咸師尊之平生所著七豪異名而同工先生年四十北游于燕曰游豪及官國子助教曰西雖豪為太常博士曰容臺豪提舉江西儒學曰鐘陵豪自江西歸曰曰靜儉豪歸嘗西游吳中曰西將豪游而復歸也居烏蜀山中曰蜀山豪先生既歿其門人宋公景濂載公叔能乃會粹為一選定尤可傳者為二十卷詩五百六十七首雜文二百九十四首題曰柳待制文集

刻之浦江學宮板燬于兵燹 國朝天順間浙江提學副使崑山張君和重刻之今所傳者是也尚有詩九百七首雜文二百四十八首皆宋戴二公刪去者亦釐為二十卷題曰別集授其子自藏諸家瀛惟先生之文秀傑汪洋春容典贍而光采煥發如劍氣王色自有不可遏者始挾其所業走京師石田馬公伯庸時為御史一見稱之已而果以文顯蓋其蚤時仁山金先生之門授受淵源端有所自故沛放厥辭左右逢原所謂一代之文宗非先生而誰歟抑先生之文瀛不敢僭有所評嘗記陳衆仲曰柳公之文虎蔚

萬壽集

金主

九

讀石林燕語後

石林燕語十卷宋尚書左丞吳郡葉夢得少蘊著少蘊富有學識尤精於吏事晚嘗兩帥金陵當元末歸江移三山平寇有功秦檜秉政欲令帥蜀辭不行以是忤檜意尋拜崇慶軍節度使致仕少蘊居湖州之卞山石林谷中儲書數萬卷日事纂述故名是書曰

石林燕語陳氏乃謂石林出楚詞天問非少蘊意也正德初再刻于河南布政司岐山楊武時為清戎御史序其書謂少蘊黨蔡余考宋史本傳殊不然蓋蔡京雖曾薦少蘊而少蘊屢進謫言略無阿附意不知岐山何以有是說也茲一白之無使昔賢蒙此厚誣云爾少蘊又有石林總集一百卷年譜一卷

書乙卯避暑錄話後

紹興五年乙卯夏石林葉少蘊避暑于山中每旦起命一僕夫負榻擇泉石清曠松竹幽茂處偃仰終日賓客罕至其門生弟子從遊者日聆緒論輯成是編中間談論多理到之言誠足以傳世少蘊自云家藏書數萬卷歲出曝之閱兩旬始畢每盛夏避暑時命門生輩讀而聽之不覺至身鳴呼讀書避暑天地間佳事也顧知是味者鮮矣

書程史後

程史十五卷宋亦齊岳珂著中間紀載宋事頗詳皆當時史官不及收者雖間雜諧謔皆有為而發非徒然也珂相臺人仕至嘉興知府武穆五子雲雷霖震霆珂霖之子也博學能文無愧世胄此書有雲間陳文東批點甚精到始刻之嘉興成化間再刻之廣東

正德間又刻之太平嘉靖初又刻之浙江臬臺而附以吾鄉先正浙江按察使王公良死節事有西蜀劉公瑞撰王公祠記而潘石泉且謂檜毅武穆復監國史是故紀載多失其實可悲憤顧天因著程史以見志觀其贊吳畏齋一啓卓然經世之略可見斯言可謂知珂者

書愧郊錄後

按左傳昭公十七年郊子來朝而魯人問官焉郊子荅之甚詳仲尼聞之乃見于郊子而學之既而告人曰吾聞之天子失官學在四夷尤信與家語所載並同愧郊錄十五卷總若干則宋岳珂著紀載本朝官制十之九而雜事僅十之一曰愧郊者珂自道也是編於宋之朝野故事巨細畢舉誠足以補史氏之未備且筆力健絕叙事有法較諸程史似過之其珂晚年之筆邪第九卷禮殿坐像一則可祛世俗積習之惑觀者自知之

書松雪齋文集後

吳興趙孟頫子昂別號松雪齋詩文豐縟清麗如其字畫當世重之全集凡若干卷刻源戴表元有序正德間烏程令浮梁方選屬邑博陸公兆選刻子昂詩

文僅上下二卷蓋物之美者不必多一染指而品味可知也元史謂子昂人但知其詩畫而不知其文章知其文章而不知其經濟得非以其小者而掩其大者乎

讀天地萬物造化論

此論乃金華魯齋王栢所撰而周藩長史廬陵周顥爲之注成化間刊于汴中蓋魯齋受學于北山何文定公而文定嘗游勉齋黃先生之門傳授考亭之學師友淵源信有所自也初學之士得是論而熟讀焉亦可以爲入道之門戶矣

書文山集杜詩後

宋丞相信國文公集杜句二百首自序在幽燕獄中無所爲間誦杜詩而有感乃歷述顥沛通亡之跡及憤激扼腕志所欲爲而力未遂者咸取杜子美五言集之爲詩且云世變人事無見於此後之良史庶其有攷焉厥後鄧中齋劉申齋皆爲公作傳多據此叙述然則公之爲是集也亦豈徒然哉

書靜修劉先生叙學後

叙學一篇元儒容城劉靜修先生所著瀛海秀才時正德壬申澤州張伯純先生爲提學僉事乃於先生

集中摘出此篇翻刻之以教中州士今三十四年矣
閒中偶一閱之僭加批點藏之家塾重前脩之嘉言
悲憲師之長逝不能不惻然於斯編嘉靖乙巳夏六
月立秋日夷門李瀛書于樂山亭之避暑處

嵩渚文集

卷之七十一

七

嵩渚文集卷之七十一

嵩渚文集卷之七十二

題跋二 十七首

讀元遺山集

讀中州集

讀王秋澗文集

跋東京夢華錄後

讀中州名賢文表

書三事忠告後

書雪齋姚公家譜後

書宋氏傳芳錄後

嵩渚文集

卷之七十二

十二

書夏忠靖公遺事後

書東魯許先生文集後

書類博臺後

書張佛子傳後

書張東海集後

跋薛文清公從政名言後

書熊峯先生集後

書常評事集後

書陳石亭金陵圖考後

目錄畢

嵩渚文集卷之七十二

大梁李瀛川父

題跋二 十七首

讀元遺山集

遺山名好問字裕之姓元氏系出拓跋魏太原之秀
 容人也秀容今定襄縣父德明東崑先生有文名裕之承
 家學七歲能詩年十四從陵川郝晉卿學不事舉子
 業淹貫經史百家少作箕山琴臺諸詩時禮部閑閑
 趙秉文方持文柄一見奇之以為近代無此作也終
 是文譽日起人稱為元才子興定五年登進士第歷
 內鄉南陽令擢尚書省掾頃之除左司都事轉行尚
 書省左司員外郎兼修起居注天興初入翰林知制
 誥金亡不仕而卒壽六十八詩集二十卷文集四十
 卷中統壬戌刊版不存弘治戊午沁水李御史瀚巡
 按河南乃刻其詩集于汝州文集于布政司云遺山
 詩文典贍雅馴為金源氏一代文章之宗臣當時皆
 以為坡谷復出稱之者無異辭 國朝海陵儲公瑾
 謂遺山金亡以後文辭悲歌慷慨有詩人傷周騷人
 哀郢之遺意其知言哉

讀中州集

中州集自甲至癸凡十卷而樂府附焉遺山先生北
 渡後留滯聊城杜門簡出日以纂述為事念金源氏
 立國百餘年以來詩人為多兵燹散亡什不存一先
 生乃網羅遺逸蒐訪百至卒掇拾于干戈擾攘之餘
 總萃成書題之曰中州集厥後元人修金史多采用
 之使無是集不獨金史無所據而修而諸賢之作亦
 湮滅無傳矣先生嘗自題是集之後五絕句其末曰
 平世何曾有裨官亂來史筆亦燒殘百年遺業夫留
 在抱向空山掩淚看嗟可悲已弘治丙辰刻于西安
 府沁水李公瀚意也有郡守華容嚴永濬序

讀王秋澗文集

元翰林學士王文定公憚字仲謀號秋澗衡之汲人
 也蚤歲受學於鹿菴王先生操行醇古長於經濟文
 辭典贍有法度皆自肺腑中流出不蹈襲前人語自
 少至老未嘗一日不讀書累官翰林一時詔制辭命
 皆出其手人皆寶藏之平生著述甚富號秋澗大全
 集總百卷而承華事略守成事鑑中書事記烏菴筆
 補玉堂嘉話皆在其中別有相鑑五十卷汲郡志十
 五卷予未之見也

跋東京夢華錄後

幽蘭居士孟元老東京夢華錄一冊十卷凡宋之京城河渠宮闕官府寺觀橋巷市井勾肆大而朝賀典禮小而口味戲劇無不詳備可謂勤矣元老不知何人觀是錄纂述之筆亦非長於文學者大抵是錄擬宋敏求東京記而作東京記上中下三卷上卷為宮城周五里唐宣武節度治所建隆三年廣城之北隅用洛陽宮殿之制修之中卷為舊城周二十一里唐汴州城也號開城亦曰裏城下卷為新城周四十八里周世宗所築羅城也號國城亦曰外城敏求嘗撰長安河南二志其學精博元老不逮也元老自序自

徽宗崇寧二年癸未入京師至靖康元年丙午避兵南徙蓋寓京師者二十有三年故紀載時事極為詳備但是時艮嶽已成梁臺上方寺塔俱在而錄內無一言及之不知何也由是觀之則元老之所遺漏者抑多矣嗟乎自靖康丙午迄今五百餘年兵燹之所燔蕩黃河之所衝淤都城勝蹟湮沒殆盡覽是錄者能無黍離之悲乎

讀中州名賢文表

中州名賢文表內集三十卷乃天順成化間河南提學副使姑蘇劉昌欽謨編輯中州六君子之文也

君子為誰曰河內許文正公衡輝縣姚文公燧光州馬文貞公祖常安陽許文忠公有壬汲縣王文定公惲鄧州李未魯文靖公紳也六君子皆元人並以道德功業文章顯名當世誠所謂有本之學經濟之儒非區區浮藻詞華之士可望其萬一欽謨謂其文之行世如河洛淮濟之行地人固無有禦之不待表之而後傳者蓋確論也然又有外集正集雜集總若干卷粵惟河南之文自河出圖洛出書而伏羲畫之以成卦至于春秋戰國則有卜商端木賜顓孫師漆雕開列禦寇莊周漢則有賈誼鄭興蔡邕張衡荀悅延

書三事忠告後

三事忠告濟南張養浩筆也養浩為縣令時著牧民忠告為御史時著風憲忠告而廟堂忠告則其參議中書中丞西臺時著也余讀牧民忠告深有取于誠生愛愛生智之言而又切切以立石頌德建生祠以圖不朽為戒可謂切要之論風憲忠告中謂薦舉之體宜先小官糾彈之體宜先貴官如誠小人也雖有所長亦不必舉何則其平日不善者多也如誠君子也雖有小過亦不必言何則其平日善者多也誠居風憲者所當知廟堂忠告謂身為宰相何善不可行何功不可立顧乃為區區之利蠱惑而妄行切中時弊可謂有宰相之志者養浩字希孟號雲莊又自號齊東野人謚文忠文章風節卓冠一時蓋元之名臣也

書雪齋姚公家譜後

嘉靖乙巳春三月余遊共城之蘇門山尋孫登舒嘯處訪邵子安樂窩謁姚文獻公祠駐車于百泉書院有一儒生曰姚舜臣者持一巨冊來見余披覽焉乃其九世祖雪齋先生所著家譜也雪齋諱樞字八茂其先營州之柳城人後徙洛陽雪齋愛百泉山川之勝後徙共城仕至中書左丞謚文獻生一子曰燾字

顯甫別號誠齋仕至內臺中丞謚文忠姪燧字端甫號牧菴仕至翰林承旨以文章著名于時謚文牧菴受學于魯齋許先生而許先生之學乃得諸雪齋雪齋之學乃得諸江漢先生趙復仁甫云初仁甫之欲投溺也雪齋寔救之曉以徒死無益可保吾而北無它也遂盡出程朱性理之書付之雪齋踐履發明益光以大魯齋聞其言悅之盡室來共城相依以居卒成大儒而北方經學寔自茲始先是牙魯瓦赤行臺于燕惟事貨賄雪齋時為郎中必分及之乃一切拒絕棄官歸共城墾荒雲門糞田數百畝修二水輪誅茅為堂置私廟奉祀四世中堂龔魯司寇像旁列周程張邵司馬六君子像讀書鼓琴其中若將終身焉者維時草昧用武視民草菅之日雪齋以道學重名徵聘既至惓惓以止殺為言世祖深嘉納之蓋當元之初造倡明斯道止殺救民有功于一時大矣嗚呼道學豈空言已哉茲庶幾所謂於吾身親見之也瀛為秀才時而萬安劉先生適為河南提學僉事先生以弘治丙辰進士筮仕共城令故知雪齋行履獨詳嘗語瀛曰陳治道之條格詳定禮儀不足為公之才辨王文統之奸料李璫之敗不足為公之智興屯田

蕭伯顏以取江南不足爲公之功其大者惟在于倡明斯道止殺救民之二事耳觀雪齋之學術事其諸誠能動物已正而物正者乎余曩嘗讀元史列傳暨牧菴所撰公神道碑圭塘所撰雪齋書院記而深慕之茲詢諸舜臣咸茫然不知也旅次草草記識弗彊而又無書致證姑舉其槩書諸譜後以歸之

書宋氏傳芳錄後

宋氏傳芳錄六卷乃金華宋景濂先生存日命諸門人輯其入國朝所藏誥勅賜書御製詩歌登一時墨卿學士贈送之篇而以荅祿與權所撰文集

高子文集

卷之三

七

序王子充所撰宋太史傳終焉此皆先生垂老時手自校定授之子孫而期傳久遠者蓋家乘之遺也門人方孝孺有序厥後同邑王汝又增輯先生沒後行狀墓志祭文諸作而附以先生之父文昭子璫璉孫慎碑誌爲二卷成化間四川提學潘僉事璋鑲梓以傳嗟乎先生爲國朝文章家稱首其道德風節固足以師表百世奚恃此而後傳哉顧聖代彰賢之典名卿尊禮之誠後學景仰之深非此莫稽焉而况先生出處世系遷徙生卒之槩咸可備見惡可以不刻而傳之也間中偶借陸道函本展閱一過輒識此

于後以歸之

書夏忠靖公遺事後

嗚呼治亂相尋否泰相禪明良相遇皆天之所爲也故天將開一代之太平必生名世之才以佐興王之業繇遠古以迄于今莫不皆然皇天旣厭元德眷命皇明廓清函夏功德在生民者甚大維時乃有故太師戶部尚書夏忠靖公原吉應期而出與蹇忠定諸公左右夾輔以弼成一代文明之治豐功峻烈銘勳鼎彝固弗俟予小子之贅論者稱公之德量如王子明韓維圭勛業如房太尉魏鄭公寇平仲其所作詩

高子文集

卷之三

八

文平正典實不爲浮華艷靡之辭三原王端毅公以爲有德者之言皆確評也公平生奏疏甚多咸關宗社大計疏旣上即焚其草曰不可以是沽名是故嘉謨嘉猷所以開發宸聰扶植善類潤澤生民銷弭隱禍者外廷咸弗得聞較之近世一有建白即刊書鑲石汲汲然惟恐人之不知者其淺深小大何如也余過姑蘇舣舟公祠下公嘗治水東吳惠利定溥民至今思之故與周文襄公忱合祀于此余肅謁二公廟貌竊仰其高風大節願爲之執鞭而無從也旅次適有以忠靖公遺事見貺者舟中披閱一過僭附數

語以識區區景行之意時正德辛巳後學李瀛泊聞門書

書東魯許先生文集後

許先生彬永樂中登進士第時年十八改翰林庶吉士歷官檢討編修修撰遷大理少卿改太常少卿尋轉太常卿終南京禮部左侍郎正統景泰間國難方殷先生嘗一使虜廷開諭天道明示曲直凡三往返詞愈厲氣愈奮卒馴犬羊而屈服之可謂偉丈夫矣天順初召入內閣參預機務乃慨然以天下爲已任舉賢接滯布列庶位善類寔倚賴之維時岳蒙泉正嗣入內閣因詆武臣之橫二公同遭貶謫方舟南下先生途次有詩貽岳曰門燬承天火正紅詞臣被黜向江東斬蛟徒有旌陽劍報主空懷武穆忠道上鈎衣蒼耳子風前聒客白頭翁蒼蒼肯爲生民計終遣端人輔聖躬岳和之曰散步河濱夕照紅綠楊低拂岸西東寡妻亦解憂周亂漁父從教笑屈忠老去丹心能益壯愁來白髮欲成翁休憐謫宦成蹉跎聞說王臣尚匪躬廣和未終而岳有後命爲逮者所持甚急先生傾囊賂之以紓鉗錮且加贖贈以別迨蒙泉召復禁林先生官陝西叅政致事家居

再得復官而已終不一言自白其爲人器度何如也先生少游于大司成豫章胡公之門涵養深厚稜角不露傳游于玉堂鑾坡之署者三十餘年故其所作詩文獨多平正典雅海內傳誦焉序其集者有劉文和公薛文清公劉文安公皆一時大儒非阿其所好者愚小子何能知先生之文邪先生字道中號養浩謚襄敏山東寧陽人學者稱爲東魯先生聊述其履之槩以論觀者

書類博彙後

蒙泉岳季方先生我朝奇士也平生著述甚富今傳世者僅有類博彙十卷耳先生文章氣節雄一代受知英廟召入內閣與許襄敏公同心輔政天下方仰望太平功業竟窺遂坎珂以終其身而葉文莊公爲先生作墓誌銘乃以金緋在躬考終牖下爲先生幸又以李白柳宗元爲比要未爲深知先生者先生亡嗣歿後三十餘年其婿西涯李文正公爲作補傳頗紀其詳且謂其遭際之盛擬諸夢卜感際奮發忘身徇國方將以功烈顯于天下而爲權奸所構又厄于媚嫉投荒處僻竟不究其志以死最爲得之而遂菴楊公亦嘗以漢汲黯宋李綱況先生其庶幾乎

閒中偶閱是豪漫識所聞書諸卷末若夫詩文之高
簡雅健具目者當自知之弗俟子贊也

書張佛子傳後

嗟乎天人感應之理捷于影響其信然乎哉吾觀宋
王拱辰所撰張佛子傳而深有感焉夫佛子不過一
獄吏耳非有法理之司平獄之柄持三尺以坐于臬
臺之上者也顧其所加意于囚者止於飲食卧具之
間灑掃洗沐之細而已而一念好生之仁上達蒼穹
神明默祐康彊壽考後嗣顯榮當時相傳以為盛事
信乎善人之食報于天如持左券也佛子一人曰

高唐文集

卷五

七

亭終左藏庫副使孫六人曰洪應辟為檢討文字官
曰鐸曰鐸曰鐸同登元豐五年黃裳榜曰鐸曰鐸並
預薦開封洪之子公裕公庠亦同登霍端友榜咸有
文學顯名傳曰有陰德者其後必昌其然乎夫往
迹如此後人宜鑒之何今之典獄者毒刑以快私忿
殺人以媚上官作威黷貨視民命如草菅淹禁留獄
俾無辜枕藉以死曾不少動其心不知天道之於斯
輩亦容有佚罰否邪佛子名慶開封人為獄吏在大
中祥符間享年八十有二無疾而卒以子亨貴贈左
司禦率府帥云

書張東海集後

華亭張弼字汝弼號東海登成化丙戌羅倫榜進士
年已四十餘矣歷官駕部員外郎終南安郡守有惠
政及民詩文俱自得成家草書天趣逸發論者推為
一代冠冕非過評也觀其送子弘宜會試詩云直道
遜辭真要訣權門利路是危機可以見其為人矣而
無錫邵公寶嘗過南安賦詩思之曰張公不作南安
守祇說文章止潤身滿道棠陰棺蓋後忌公人是愛
公人可以見其居官矣天台謝公鐸誌其墓謂世之
所謂文人者類多浮薄東海獨尚行履慨然以風節
自將雖談論間雜諧謔而往往必以理勝莆田彭公
韶序其手稿極稱其天分人品學問政事四者之美
而世之人但知東海善草書得非以其小者而掩其
大者乎昔人稱趙孟頫文章經濟卓出流輩而顧以
書畫掩其殆東海之謂歟

跋薛文清公從政名言後

夫學與政一而已矣是故體之為學術用之為政事
有如是之學術斯有如是之政事矣孟子曰夫人幼
而學之壯而欲行之又曰有本者如是岐而二之非
也國朝河津薛文清公嘗曰讀書窮理須實見得

此學與政一之說也故公爲御史爲憲會提學爲大理爲內閣輔臣皆卓有聲望稱名臣焉然則今之從政者可不知所嚮往乎詩云高山仰止景行行止

書熊峯先生集後

國朝大學士熊峯石先生珪集四卷詩僅百餘首文二十餘篇而已中間衛開封英余真定瓚劉副使俊孫僉事博李評事芳諸傳古雅可誦蓋不特文字簡質而一念好惡之正可槩見已吁嗟熊峯即此亦足以不朽矣然則詩文傳世豈貴於多哉

書常評事集後

評事名倫字明卿樓居子其別號也山西之沁水人有逸才不可羈馬行已處物多弗近人情爲評事考察落職余承乏晉臬時嘗見評事詩什於郵亭壁間頗愛其疎爽有奇氣然未之識面也乃乙酉秋八月寮友韓公汝節以書抵余曰評事墜馬池中死矣時年三十四余心竊傷之集中詩凡百餘篇一刻于平陽守王君濂一刻于南康守南君大吉二君皆評事幸未同年同志者頗重其遺文故梓之以傳世傳曰有俊才而不以茂德滋益罪也余閱評事詩匪徒傷

之亦情之也

書陳石亭金陵圖考後

余聞宋乾道中史正志撰建康志而慶元中朱舜庸撰建康續志考據精確余皆未之見嘗以爲憾今觀亡友石亭陳君所著金陵圖考備載古今沿革之迹一展玩間而歷代山川古蹟城闕府寺繁如指掌其用志可謂勤矣君名沂字魯南本鄞人先世以醫徵入太醫院遂爲金陵人君生長其地故知金陵之事獨詳憶昔正德丁丑春正月余以沔陽守入覲闕下君適會試南省始相識于京邸是年君舉進士庚辰余又以考滿如京君已爲翰林編修時武皇南狩留滯者數月而台守顧東橋先生亦以述職至吾三人朝夕飲宴倡和情好甚篤嗣後宦跡蓬轉不復會者二十餘年歲時惟書問相及而已君自翰林侍講出爲山東叅議官止山西行太僕卿平生著述甚富此特其一耳友人陸道函氏購是編於京師書肆歸求余跋余覽圖懷人輒興於邑嗟嗟石亭仁厚君子也余之所以思石亭而弗忘者豈徒以其蓺藻之美而已哉嘉靖乙巳冬十月夷門李漁川父跋

嵩渚文集卷之七十二

嵩渚文集卷之七十三

題跋三 二十首

書內範集後

書吳斯衍慶卷後

跋五老觀太極圖

跋慎言集訓後

跋屠愈憲潤州公餘豪後

跋河南辛卯同年錄後

跋龍山入汴詩紀後

跋趙松雪畫李黃二公脫韓逐棹圖

嵩渚集

食生主

跋蔡中丞所藏懷素真蹟

跋陳澹菴草書千文後

書夏止齋政監後

題守愚卷後

題沔風後

書鄭鄂觀省詩冊後

題鄧川送別卷後

題李文正公詩賦手藁後

題顧東橋先生遊西山卷後

跋空同子觀燈行後

書譜圖後

書沔陽政畧後

目錄

嵩渚文集卷之七十三

大梁李瀛川父

題跋三 二十首

書內範集後

余讀傳記竊觀古之賢母若魯敬姜奇謂達禮知道者已敬姜因子歐之諷其休績也乃語之曰民勞則思思則善心生逸則淫淫則忘善忘善則惡心生而以上之沃瘠別民之材否且又述自天子以至于庶人朝夕之所有事暨后夫人內子命婦列士之妻賦事獻功之制準義數辭辭凜平法戒合符聖謨君子誦之事當是時去三代未遠而先王之教猶有存者是故齊魯大國名卿世族之家莫不皆有師傅保姆之訓圖史威儀之則其教之於闔壺者甚備故淑媛令姬風動化乎而人人有士君子之行焉由是知敬姜之賢蓋有所自云烏虜叔季教衰士鮮全德讀書劬學者猶弗能守道貞固矧敢以敬姜之賢而望諸世之爲女婦者乎姚江吳仲敬爲河南憲副一日持其母范太宜人內範集見示再拜請曰願先生之有言也余披閱一過則見太宜人之賢本諸天性成諸豫養而母儀婦道咸可師法不圖敬姜之後而見若人

也孰謂古今人不相及哉夫太宜人之懿行一時宗工鉅儒誌幽有銘述行有誄備遺有傳聞揚休美以詔後之人則有賦有頌有歌有詩諸體悉備矣余何能贊一詞詩曰其儀不忒正是四國太宜人有焉然則命是集曰內範其知言哉余不佞謬書是于末簡以復之

書錫斯衍慶卷後

鮑君汝陽年五十餘有六子六子皆秀穎鮑君教于嬰孺稍長者翩翩然文矣諸交游之士喜其多且賢也皆賦詩以贈成卷矣中川左子題其首曰錫斯衍慶鮑君持是卷以請于嵩清子曰願聞誨言嵩清子乃作而言曰嗟乎子道之重也緒桃以昭遠著代以成終故有子難也矧多乎多難也矧賢乎夫多出於天賢由於父其在隆古時高陽氏高辛氏皆有才子八人通聖明神不可尚已在漢則有石奮氏荀淑氏宋則有竇氏聲名萃于一門亦絕代僅見抑何自邪蓋所以防之者嚴而教之者周也夫防在僻後時而防焉無及已教在正後時而教焉無及已故教者愛之樞也時者教之機也防之於初以閑其習教之於素以漸其性故曰蒙以養正聖功也發而後禁則扞

格而器成君其深省于斯哉吾拭目以觀六子之成立也

跋五老觀太極圖

雙泉子出所藏五老觀太極圖求余題跋或謂五老爲五行之精其說不經余不遑辯姑述太極之槩爲雙泉子言之濂溪先生曰無極而太極謂無形而有理也太極所以指天地萬物之根無極所以著無聲無臭之妙其爲理也至高而不遺於卑至妙而不離於微至精而不囿於氣至神而不滯於物雖涵陰陽動靜於其中而不雜陰陽動靜以爲言非先生洞悟道體其孰能與於斯哉雖然建圖固難知圖匪易昔者孔子贊易曰易有太極蓋義文以來所未道者自孟軻氏沒聖學失傳斯理不明於天下漢唐諸儒言太極者咸以混沌未分之氣爲說是祖老莊遺意其失聖人之旨遠矣先生生於千數百載之下而灼見聖人之心於千數百載之上建圖立說真得千聖以來不傳之秘故潘清逸誌先生之墓叙所著書特以是圖爲首可謂知言者而朱內翰震乃謂是圖自陳搏种放穆修而來豈知先生者哉嗚呼知言者希不特內翰爲然蔡節齋爲西山冢嗣嘗從游朱子之門

其論太極往往背其師說故草廬吳氏非之乃若陸象山胡五峯世稱大儒皆不能無議於斯圖所謂不待七十子喪而大義已乖實其然乎雙泉子年少好學其尚潛玩朱子之釋以求先生之圖之意則庶乎得其門而入矣

跋慎言集訓後

嵩渚子曰言之爲口過行之爲身過固均爲自脩之疵也然矯飭之士身過或寡焉而口過能免者鮮矣甚哉慎言之難也或曰聖門垂訓言易而行難吾子之論無乃反其說乎曰聖門之所謂難易謂力行難而放言易也吾之所謂難易謂強勉其行易而時中其言難也東谷教子著慎言集訓二卷上卷標痰疾之狀下卷列攻療之方類例炳然深有裨於學者東谷示余此編請有言以益之顧此編之所載者博矣精矣余復何言以自取僭踰之罪乎雖坊間嘗讀文中子而得發言之道矣子之言應而不倡倡必有大端或問人善子知其善則稱之不善則曰未嘗與父也敢述是言以附末簡

跋屠僉憲潤州公餘臺後

大凡文章之造奇必藉佳山水以發其趣司馬子長

南浮江淮登會稽探禹穴闢九疑足跡半天下而史記雄筆爲千古良史張燕公謫岳州徘徊洞庭詩愈悽惋人謂得江山之助夫江山有裨于文章如此夫僉憲屠君爲潤州倅時公餘得近體詩若干首間以示余余撫卷嘆曰此得江山之助也憶昔正德辛巳八月余舟過潤州弭棹江流醺酒金焦之巔夕風層閣山若飛動下瞰洪濤鼉鼉出沒信天下奇觀也已酌于甘露寺東望滄海北眺廣陵煙波茫茫無限秋色當時竟無奇句以寫其勝于今有遺慨焉茲覽君公餘之作金焦風景宛聚目前如復遊其地然則江山之助惟助于君爾余何有哉余何有哉

跋河南辛卯同年錄後

唐貞元間陸宣公主試事維時中式者韓愈李絳歐陽詹崔群王涯輩皆一時瑰瑋踔絕之士時人號其榜曰龍虎蓋重之也後數百年至宋太平興國間而張忠定李文靖王文正寇忠愍諸公爲同年鴻敷茂烈載諸琬琰天下後世稱之皆以爲美談而忠定公亦嘗自云吾榜中得人最多天下後世信之不以爲夸辭由是觀之科目重人才乎人才重科目乎余閱河南辛卯同年錄漫書此於末簡寔期諸俊士砥行

樹業以垂令名於無窮終身厚之嗣世講之則斯錄也將益爲人所重而傳之永久矣若夫紫陌青雲之譏威鳳應龍之諷可預知其免矣夫

跋龍山入汴詩紀後

國初詩人稱高楊張徐蓋一代之選也其在湖南者武昌則有丁鶴年蒲圻則有魏觀沔陽則有歐陽謙潘子安輩雅辭秀句流播海宇學詩者咸喜誦之吾友龍山戴君純甫生於九真之湖湄密邇諸君之故里其聞風而興起者乎夫丁魏歐潘諸君或坎珂終身或仕不甚顯其肆力於翰墨宜也龍山爲御史晉陟卿寺時方擢用乃復篤志於是焉其才之優裕可徵已嘉靖癸巳龍山左遷吾省之右叅議僅三閱月擢浙省之左叅議百日之間得詩若干首梓符學諭麻城陳君全乃併錄京師諸名公贈行詩什及龍山駐汴遊嵩之作合而刻之以傳總名之曰龍山入汴詩紀刻既成求余題跋輒以是贅書卷尾

跋趙松雪畫李黃二公脫鞬返棹圖

脫鞬返棹圖贊二首宋端明殿學士并研存齋半公筆也公事宋穆陵直學士院于時中官董宋臣柄國虐賤赫如頌榮而議辱公抗疏三論必欲罷去之由

是忤宋臣出守太平州暇遊采石弔李白祭亭江渚乃畫高力士爲白脫鞬像寓奴視宋臣意且曰吾必以是得罪復畫黃山谷爲姑孰太守九日返棹圖以寄歸興作二贊併刻之石當時海內傳誦宋臣憾益深竟坐是罷歸景定壬戌復起爲禮部尚書兼崇政殿說書再論宋臣不當以內侍省押班穆陵嘉納之未幾拜翰林學士不可謂不遇也元初有司移二石於郡校歲乙酉其孫應復字景陽者會松雪趙承旨于錢塘時松雪年甚少欲以翰墨自見乃爲公重畫二圖代書其贊子閱是圖讀是贊未嘗不涕浪浪垂也嗟乎壁倖之于人國豈獨天寶符紹然哉植綱常作士氣屹然爲中流砥柱惟君子乎是賴厥身則殃厥聞則昌孰短孰長君子宜慎所擇存齋二圖贊觀者勿徒羨松雪之筆之妙也

跋蔡中丞所藏懷素真蹟

唐僧以書名者甚多若高閑亞栖晉光曇休齊已湛然辨才之流咸矯矯然稱名筆焉而獨懷素爲之冠嘗聞懷素與顏尚書同學書於郭兵曹從鄔彤求張長史筆法寺壁里垣靡不書之種蕉成林用供揮灑其致力亦至矣載瞻夏雲冥心超悟評者謂其揮毫

擊雷隨手萬變堪與張芝逐鹿非過予也有唐迄今數百年世罕真蹟今觀大中丞石岡蔡先生所藏良慰夙昔先生其實之

跋陳澹菴草書千文後

右草書千文一卷慈谿陳澹庵先生手筆也先生名敬宗字光世永樂甲申進士改翰林院庶吉士與脩高廟實錄成授刑部主事十二年脩五經四書大全成改翰林院侍讀累官南京國子監司業祭酒歷事五朝幾五十年粹學卓犖學為一代儒宗書翰之工特餘事耳余往游四明嘗謁先生世墓凋覽山川之勝遙遙磅礴蓄而不洩信鍾靈有自云先生書學晉人此卷蓋臨智永千文功力純熟得于心而應之手者舊藏于少司空張養正先生家其子大理永齡知余慕先生之風欣然持贈學者尚當求先生之德之業之盛而師焉苟徒襲于筆鋒波磔之間非知先生者也

書夏止齋政監後

往夏公語客曰君子有三惜客曰何也曰此生不學一可惜也此日閒過二可惜也此身一敗三可惜也客憮然避席曰名言也瀛聞而悲之傳曰學殖也不

學將落又曰人之有學也猶木之有枝葉也故伯魯不說學閔子譏焉魯人以鄉對獻子報焉故不學則牆面矣面墻不深可惜邪夫時者難留而易邁也齒者既衰而無復盛也是故大禹兢陰閔厥溺也文王勤止和厥民也周公待旦急於行也陶氏運甕厲厥躬也易有之君子終日乾乾夫乾乾則無暇時矣忠義者人之元節也廉潔者士之大閑也夷節踰閑餘美廢焉夫李陵名將也國士也戰匈奴矢盡弗能決絕乃自附于范蠡曹沫區區不死之義延喘絕域以需後功卒隕其家聲而隴西之士耻居門下傷乎傷乎夫不學者愚閒過者惰身敗者辱三者天下之大戒也故學必勤勤則無閒日矣勤必立立則無敗行矣是故君子以學為本夏公之學畧見政監公逝矣所不與之俱逝者此爾篤學脩政之士披政監之文誦三惜之戒能無高山景行之思乎

題守愚卷後

守愚者姚江陳君別號也君侍其父尚書公宦遊四方志卓而行潔禮恭而貌朴棲志林壑而雅以吟哦自娛聲華聞達之情泊如也自號曰守愚能言者咸詠歌之業盈卷矣余覽其卷而嘆曰嗟乎愚可守也

夫孔子曰聰明睿守之以愚崔瑗座右銘曰守愚聖所戒獨不觀諸物乎膏以明自銷薰以香自焚象以齒羈麝以膾斃鸚鵡以舌而見羈翡翠以毛羽而入虞羅泗石宜磬於是泗水之濱無遺石矣龍門之桐中琴瑟於是龍門之麓無遺木矣即物以推之人無往不然故知君之所守者智也非愚也傳曰大智若愚其君之謂邪

題沔風後

古者列國有風風者民俗歌謠之詩也諸侯采之以貢於天子天子受之而列于學官以考其俗之美惡而知其政之得失是故先王之世特以此為重後世不復講此矣猶幸途歌而巷謠不絕於野夫田婦之口往往有天下之真詩特在上者弗之采耳曩數會空同子於夷門嘗謂余曰詩者天地自然之音也文人學子之詩比興寡而直率多文過其情不得謂之詩塗巷蠢蠢之人乃其歌也謳也比興蕪焉無非其情焉故曰其真也余為沔守聞沔人鼓櫓之歌擊柝之吟相杵之謳揅秧之曲辭雖俚而情則深宛有國風之遺音輒嘆曰詩不在茲乎惜不得拉空同子聽之也因命吏輯錄成帙題之曰沔風藏之行笥時取

而覽焉沔俗之美惡居然可見而吾行政之得失亦竊因以自考云

書鄖鄂觀省詩冊後

夫思深而詠形乎夫愛至而勞忘乎夫言倡而和隨乎是故颺詠播音思則宣矣遠遊達愛勞弗知矣人子倡之孝斯徵矣君子和之情相感矣陳子堯章厥父少司空簡翁奉使鄖陳子省焉乃辭越過吳浮江入楚所謂思深而愛至者也故讀其詠者憫其思聞其事者憐其勞哦其倡者難其和鄖鄂之人輯其詠若干篇嵩渚子南遊于楚見而問曰輯之何也曰越有孝子沅詠于我邦君子之風也小人之軌也輯而識之俟觀風者采也

題鄖川送別卷後

聖天子御極之明年為嘉靖壬午秋九月二十八日冊立中宮禮成春官卿奏詔天下諸司入賀明州判郡王君用明定承是命歲癸未仲春既望揚舲啓行祖筵載道余率諸寮友餞于鄖川之蒨用明曰其何以贈我余援筆得七言近體一章諸寮友暨諸大夫里居者咸和之觥籌未竟卷帙遂成君携之北上時一展閱以代晤語豈特豁羈旅無聊之況而

已夷門李瀛書于四明之望京樓

題李文正公詩賦手彙後

少師李文正公詩賦彙一帙秋齋臺長寶而藏之重公之手澤也余細觀之皆故紙翻書補綴成帙公之儉德亦可見已昔晁無咎謂蘇文忠公所爲文章甫落筆四方傳誦片紙隻字人爭藏之其殆類是乎秋齋間以示余僭書其紙尾如此

題顧東橋先生遊西山卷後

往余客京邸時秋高興發嘗與客遊西山諸寺酌平坡宿香山射獵西湖之上輒越旬忘歸焉今閱東橋先生遊卷前興翻然恨弗得侍杖屨以從也先生且曰有高興幸一一屬和因竊憶鄉遊西山得小詩數十首潦草蕪惡愧無佳句然與先生之遊興大略相同故不敢以避醜辭而錄附卷末雖不和猶和也嘉靖改元壬午春二月既望夷門李瀛題

跋空同子觀燈行後

宋都元夕燈火之盛至政和宣和之間極矣是時歲穀屢登四方無事天子方樂于宴安勤于治理不復加意于紀綱法度之間而儉夫小人務悅其君者又倡爲豐亨豫大之說以逢迎之於是縱意肆欲大起

罄山之戲煙花火樹照耀城闕而生民膏血爲之枯竭今觀東京夢華錄暨宣和遺事所載令人驚怛惻惋不能自已嗚呼不作無益害有益召公明訓也微宗豈悟于此邪顧乃優游娛嬉以坐致靖康之亂寔人事舛錯爲之惡可獨歸之于天數哉空同李獻吉先生爲余書其所撰觀燈行于卷篋自喜其得意之作也竊觀空同此篇寔擬唐李嶠汾陰行而作雄渾古朴雖不逮嶠然其詞采煥發亦一代之傑作也暇日偶展閱一過漫書其後

書譜圖後

瀛家世祥符人也自始祖御醫府君以來皆以醫爲田藥物爲稼穡診視攻療爲耕耨相承十餘世襲殫婚娶咸取給于是百餘年來邑中貴者賤者貧降爲吐隸流爲餓殍竄徙履絕不知凡更幾變而吾家之寒素澹泊獨縣延至今守其遺業不廢矣惟技罔遷於它心弗慕乎外故累世皆精其術而醫道盛行於時大河之南稱德門舊族必曰金鍾李氏奈何近世子孫習爲惰逸乃薄醫而不爲所謂過侯前人光迷厥故業而莫之知復良可慨已瀛幼聞先君子曰吾祖宗無厚產遺子孫家藏經史醫書二敝簾後

硯銘六首

銅雀硯銘

白石硯銘

萃兒小硯銘

崢嶸銘三首

雪霽草堂銘有序

五美堂銘有序

百覺齋銘有序

座右銘

座右銘

車左銘

車右銘

井銘

甌銘

冠銘

帶銘

衣銘

履銘

目錄畢

嵩渚文集卷之七十四

江西汪石

楊家驊

瀛

川

銘五十五首

室中雜器銘三十五首有序

嵩渚子曰古之人動息有養所以防邪僻而

導中正者必隨器寓警焉是故聖如湯武盤

盂几杖皆有銘賢如衛武公行年耄矣猶作

抑詩以自振厲亡若宥坐之器金人之背以

至戶牖暴雷等數危區之屬咸著銘辭凜乎

法戒讀之悚栗蓋道無往而不在事無微而

可忽故雖褻御末器至理存焉是故自修君

子恒持淵冰之戒庶乎邪僻之萌無從而感

檢身治心之要豈復有加于此哉余小子居

室之中敝列雜器新故靡齊咸切于用吟玩

之暇因各爲之銘爰命童史諷誦我側以爲

養德之助深愧辭旨無謝不敢示人聊藏之

篋笥以訓子孫云爾嘉靖壬寅日長至夷門

李瀛志

几銘

直爾躬勿偏倚坐必端斯可矣

牀銘

夜分而寐鷄鳴而起爲舜爲跖自一念始勗哉小子

帳銘

垂諸夜寒諸晝心苟安寢無咎

衾銘

獨寢不愧衾或喪乃心獸邪禽邪

枕銘

夢可以驗學汝其覺夢可以驗德汝其飭

篋銘

總千貨寶禍之囊積而能散智之臧老子云多藏必

崇清文集

余之書

十一

厚亡

屏銘

屏以障風亦以蔽目弗苛于察德乃育

梳銘

我有裳衣或在于梳拭之敷之恐或汙之我德我儀胡不思之

鏡銘二首

嗟乎學不加進而貌日衰矣鑒汝歔歔疇知子悲

二

拭之則鏡塵之則銅人有靈言惡可容雜穢而溷其

中乎

櫛銘

完汝齒髮斯理有一弗完斯木屑耳君子百行聿懋修只一行或虧終身之耻

額盆銘

諺有之云鵲突面盆旦晝驚惕思斯言

席銘

華而皖兮幽丈展也不正不坐聖之典也我心匪席不可卷也

簞銘

時炎燠客新沐涼生於心而何貴乎蘄州之竹

湯婆銘

函彼湯兮載寢之牀兮君子不適于色禦寒汝良兮

卮銘

飲汝者狂甘汝者傷嗜汝者亡禹疏儀狄武誥昧鄉小子無荒吁慎勿以稽阮劉畢輩爲良哉

觴銘

持觴而浮白不若獨醒於朝夕元結以不飲爲惡客吾寧爲惡客乎

茶盃銘

釋煩去膩君之功多歟損氣火厥躬戒之戒之節乃容我奴釐水城之東安得善烹常伯熊

唾盂銘

咳唾之事則有司存君子擇術身勞道尊

簾銘

宰地而垂者簾邪避喧而繁者庵邪飽食而無所用心者慙邪

香爐銘

盥手于朝虔焚我香矣平生寸心達于彼蒼矣荷天之休四體幸康矣

嵩漢文集

卷之十四

四

帚銘

我以敬為帚掃心之垢內直奏功尚慎其守

扇銘

九華非貴蒲葵非賤遠之非踈邇之非戀情以景遷物隨時變奉揚仁風君子之扇

響竹銘

何物驅蠅曰響竹動搖有聲蠅乃逐人心之私何以克於惟敬有廓清力掃除邪穢完明德予懷不大聲以色

奕銘

惡乎求勝而苦思惡乎篤嗜而廢時

劍銘

萃五山之精含六氣之英上千斗牛電光熒熒襲佩汝以遠適北幽冀兮南荆衡嗟靈物之在匣待風雨而上征吾將東游于滄海之上其勿化為龍而飛騰于太清乎

刀銘

昆吾之刀可佩可攜今堅莫若王切之如泥今茲惟鉛刀鈍不可試今載磨載礪聊以從事今

藥厨銘

藥品惟千疾未必痊養心惟一醫道可畢故曰能療于方張不若善防于未苗

藥臼銘

吾家石曰腹喙圓手操玉杵敲瓊卅卅成服食能延年輕身不老稱地僊白乎白乎同爾堅

畫匣銘

不役耳目志乃寧玩物喪志德胡成慎厥嗜好存其誠

杖銘

叩竹孔直持危是職庶隅不削歷千百歲扶老以寧

是依是憑為君子朋

如意銘

嗚呼天下之事不如意者抑多矣指揮或頗乃千乃
戈如後患何

書案銘

拂拭烏皮展閱是宜我書我詩自旭至旰夜以達旦
載誦載玩歐陽子云至哉天下樂終日在書案

壺漏銘

晝夜流暑滴水定之天運可測人心難知燕昵與
對面九疑吁可畏而

印色函銘

二首

太一

坎殿中維朱之官潤色曷功曰文之同隨感而應以
施于無窮

二

琢爾石貯爾赤濡厥膏燁哉潏潏斯闢動斯闢元以
堅徑寸璧恒厥藏用無數

硯銘六首

銅雀硯銘

魏武層臺鑄銅雀千秋遺寶黃金博礪而方之無太
削即墨郡侯爾封爵

白石硯銘

磨不磷涅不緇觀爾德允我師

莘兒小硯銘

硯形逾寸文光燭天一泓洵滴才思涌泉挈以就試
千夫莫我先寘之斗室君子萬年

崢嶸硯銘

三首

崢嶸山之麓石佛之谷厥洞窈冥乃生斯璞玉質斑文
陰陽化育琢之磨之以佐簡牘維茲良硯匪他山石
丹砂之英卿雲之魄君子嘉汝宜毫宜墨締地經天
式匡王國

二

余玉

七一

維崢之同川有石之斑然既鑿既鑄為硯孔堅嗟汝
之丹受予之玄有續予簡編

三

厥文郁厥質溫文可憲質可珍曰茲硯器之純君子
道于此存溫而理簡而文

雪齋草堂銘

有序

志曰山東出相豈不信然哉間閱載籍若丙
魏之在漢吉魯國相濟陰房馬之在唐玄齡臨淄王
文正旦莘縣蔡文忠齊魯張忠定諫漢吳文

肅本潤之在宋皆齊魯多產也瀟叨從大夫

後聞長者論 國朝人物其在山東則亟稱

少保昌邑黃公福少師武城吳公中太子賓

客東阿張公本行軍司馬鄆城樊公豐功

峻烈昭耀琬琰於戲盛哉河南按察副使雙

巖樊先生嘗述其曾大父司馬府君當

宣廟時墳撫濟寧往來故里闢草堂而憩焉偶值

雪霽因以名扁歲父堂圯比即故址而新之

且屬瀟曰昭先德示後昆不可以無銘於是

瀟不揣寡陋爲之銘兼致期望之私行見雙

巖之勛業與諸公相後先而並垂聲光于無

窮也銘曰

海岱炳靈篤生雋英邦家之禎簡注 文皇慈闈

春坊納言廟廊出將擁兵填撫濟寧密邇鄆城乃構

草堂故壘之陽叢桂脩篁維時冬晴雪霽景明駐節

怡情綺野無塵萬戶同春臥雪何人戎暇而過載詠

載歌醉舞婆娑音萬石君下車里門旌旆雲屯裴公

在唐終綵野堂桑梓輝光司馬憇鞍鄉人聚觀故舊

交歡草堂徘徊手植三槐式埃方來曾孫憲臣多冠

斯堂貽謀允臧子孫永昌

五美堂銘有序

傳曰仁者必有後斯言豈我欺哉茶陵龍氏

自先世以來清德著聞鄉之人皆誦其慶源

深遠五美咸具今大中丞雲東先生之父鑑

齋公割賀石之塘以息族人之訟先生弗私

俸入賙卹宗族而嗣子鉞亦克承先矩讓地

不垣稱世義焉先生登丁丑進士族子誥戊

辰進士從子欽癸未進士甲科接踵稱世科

焉先生仕績宣茂被三世 錫命而從子欽

亦以刑曹沐 褒勅之典稱世恩焉先生之

祖父母父母以及諸兄皆年踰八十翼鏢強

健稱世壽焉祖父諸兄咸以齒德郡大夫敦

請鄉飲大賓深衣博帶觀者動容稱世賓焉

夫世義也世科也世恩也世壽也世賓也皆

天下之所難得者龍氏兼而有之孰謂非世

德之徵哉先生仰念祖父積德之厚而自慶

五美之萃于一室也因扁其所居之堂曰五

美徵銘於大梁李瀛竊惟世恩之家鮮或世

壽世壽之門鮮或世科世科之族亦鮮或世

義普太丘長陳寔四世為公卿並有重名而後德必衰時人有公慙卿卿慙長之謂先生世濟其美又能發揚而光大之實嘉紹誼之業盧諶振植之宗殆弗能有加也已滿於是迹其美而叙之而復銘之銘曰

於戲盛哉茶陵華胄厥氏曰龍虞庭納言寔維始宗奕葉以來世修清德子孫其昌鼎甲潭國渠渠新構五美之堂擬張老頌願言其詳睦族割塘敝篴厚利父倡子述是曰世義賢書雲薦縹緲孔多衣冠不乏是曰世科 璽書鄭重 紫誥便蕃琅函下賁是曰世恩父老子孝兄順弟耆耆英一家是曰世壽儒宮鄉飲大老幅巾項背相望是曰世賓餘慶餘延光于桑梓仁傑有孫蘇瓊有子桓桓中丞爰葺舊廬高其門閭容駟馬車長沙郡望家聲鏗如袍笏滿牀榮戟在閭問何以致德為苗裔於戲盛哉

百覽齋銘有序

余僉晉臬之明年構書室于廳事之西掘地築基得百覽焉偶思陶侃之事輒以名吾齋僚友咸賀且曰是不可無銘聊撰鄙辭以自策厲云爾時嘉靖甲申冬十一月也

我來西州星霜再歷安丘我齋掘地獲覽厥數維百觀者動色遂名其齋庸自警飭於惟陶公運甓孔亟朝勤暮勞弗敢燕息衆方樗蒲爾獨戮力衆方盃觴爾獨後食千載我師仰茲休績夙夜懋哉素餐是惕

座右銘

明理可以治懼守義可以破疑知命可以忘憂信道可以去危善晦可以弭妬寡言可以遠譏省事可以養德簡出可以自怡

座右銘

汝勿思思傷汝之脾汝勿怒怒傷汝之肝無益之文汝勿作非聖之書汝勿觀奉養薄可卻汝之病神慮澹可延汝之年汝能敬其身是自貽汝之福汝不欺乎心是善事汝之天

車左銘

立視五馬坐存一默入國不馳入里必式溝渠斯步城市勿速行不廣效顧不過較若倚於衡聖謨在目忠信篤敬欽哉佩服

車右銘

汝出何所之人皆汝窺塗有險夷盍慎厥馳馬馬孔亟不如遲遲審軫嚴駕敢告司綏

井銘

綆短不可以汲深彼以區區世俗之見安能測聖人之心

厩銘

芻水非其時則畜瘦欽哉司厩

冠銘

予林壑是安冠何必彈其或不正人將望望然去之矣奚取於章甫之冠

帶銘

視不下帶下帶則憂小子何求作德日休有所憂者

其德之不修乎

衣銘

尚絅非矯懸鶉非陋衣敝緼袍道腴日茂故曰令聞廣譽施於身不顧人之文繡也

履銘

東郭先生其履無底五柳先生跣足而已踐義蹈仁何必珠履永懷姬公赤舄几几

嵩渚文集卷之七十五

箴十九首

沔陽牧箴有序

書室雜物箴十二首有序

筆箴

墨箴

硯箴

紙箴

檠箴

鎮紙箴

冊函箴

書几箴

書燈箴

書架箴

琴箴

印章箴

林居四箴有序

寢食箴

問學箴

遊觀箴

交際箴

續硯箴

瓶齋箴爲同舍生作有序

頌九首

至德頌有序

三高頌有序

萱花頌有序

鳳樓圖頌奉壽王太君作

瑤池頌

問安頌

書紳頌

目錄

高渚文集卷之七十五

大梁李濂川父

箴十九首

沔陽牧箴

有序

臣聞周辛甲之爲太史也命百官箴王闕蓋
即其職事以獻忠云爾楊雄崔瑗劉駒駱革
皆嗣其音湖海小臣竊罪沔陽有懷芹曝竊
效虞人之箴時正德庚辰

茫茫雲夢東盡竟陵襟襄鄧沔陽是城水漾而渚
地窪而下江漢攸歸塗泥耕稼三農憂瘼築堤捍波
爰有圩院開閘放河春秋戰國曰惟楚域乃封關辛
于斯建國秦漢以還隸于江夏七澤縈迴三蒞包蹙
黃蓬嶸嶠作鎮是方百川咸匯浩浩湯湯兼葭蔽空
寇竊淵藪詰戎練兵慎固封守網罟寔繁魚蝦載饒
菱芡蓮實翎羽鱣膏貢賦 天庭歲有額課惟弗虐
以計民免饑餓政不可不臧德不可不履視民如傷
無怠無荒牧臣司沔敢告執事

書室諸物箴十二首

有序

嘉靖丁亥季子築室於城南之墟踈牖曲房
木捐石几坐臥其中心神甚適城闔既隔親

交罕至耕鋤之暇輒理舊編浩浩乎快悞乎
不知年數之忽焉我增也室中所有諸物皆
與文事相周旋因各爲之箴庸自警飭靡渝
初志兼以垂範子孫云爾

筆箴

德盛者言傳文盛者言亦傳維古聖賢有德有言培
厥本以昌厥枝尚慎諸毛穎之顛

墨箴

磨此明道道可由磨此記事事可求外是二者文之
蓋其辭艱深其意偷道喪文衰識者憂黃鍾大雅音
已收誰其振起韓與歐磨兮磨兮辭汝修汝無愧負
松滋侯

硯箴

池弗恒水則涸人弗恒德則決匪德何以潤身匪水
何以濡筆嗚呼知濡筆而不知潤身夫焉免乎疚疾

紙箴

下民有冤天吏克伸惟楮之冤抱恨無垠楮冤伊何
世鮮知者杜文旂辭布滿天下積楮如陵暴殄可憎
汙之者無罪耗之者貽懲此唐之舒元興氏所以含
悲而弔剡溪之藤

弊箴

風雨之夜與子相親于甕牖之下而戀戀不舍者非子也邪吁可謂久要不忘者已

鑛紙箴

修德有則能悟者得不知而自是者謂之蒙知之而不能自信者謂之惑詩以興趣為宗摹竊者匪工文以邈達為體艱澁者寡識貫穿百家游心六藝匯合渾融雲行川逝勿謂已長其思潛契前有往古後有來世

丹函箴

學識何如觀點書古有所言良不虛微辭要義咸聚如或有亥豕及魯魚執筆調丹心勿踈短繁明牖小子廬飽食無事日閒居上自皇墳素漢餘閑門點勘雙眉舒博而能約君子歟老之將至惜居諸

書几箴

弗信前哲何以成德專信前哲何以自得君不聞古語乎承言者喪滯句者惑

書燈箴

夜誦有得宜汝燃荷無所得弗如眠君子曰然

書架箴

藏書滿閣古人糟粕積書滿箱今人鼠蠶誦言忘味

萬卷奚貴一字有得行之不息小子慎乎盍涵泳體驗以求日進乎

琴箴

寥寥古音寫古人之心黃虞既邈涕泗沾襟吁嗟乎鳴琴

印章箴

有篆其章式寓姓氏嵩渚山人夷門居士噫嘻汝既解綬而歸里夫焉用此哉

林居四箴

有序

客謂李子曰子屏跡林居久矣古所謂清閒

無事之人非子也邪李子輒然笑曰子有四事焉安得無事何謂四事曰寢食也問學也

遊觀也交際也請言其詳曰子遜人也固與世無求然倦思寢饑思食不能不與人同顧

寢食有道耳然寢而覺食而飽夫何為哉亦惟披閱經史從事於問學真少有所見以求

寡過而已問學之暇不能不出而為遊觀之行徜徉天壤之間放浪形骸之外蓋甚樂也

夫遊觀無侶誰與晤言里閭過從曷能盡拒

於是有交際焉顧舊友彫謝僻性寡諧詎敢
息交而絕游惟欲簡緣省事弗招尤覺足矣
矧四事常相因未能解脫子何以謂無事也
客曰有是哉於是著寢食問學遊觀交際四
箴書之聖壁

寢食箴

眠告汝獨汝無面從精華內腴神觀外充食告汝潛
汝聽勿憊胃氣流暢病胡汝攻敬之敬之勿伐汝躬
藥豈能汝益禱豈能汝功惟慎茲二者遐壽之翁鳴
呼古人以飲食男女爲大戒汝敢適聲色而耽肥醲
乎

問學箴

少而問學舉業章句譬彼筌蹄期得魚兔壯叨薄宦
廢學驅馳譬彼荒田無穡不治黑髮歸來端居一室
誦詩讀書以消永日冀有所得用之修齊家邦無怨
乃見弗迷曷善廢藏以禮自防無得罪於一鄉無貽
笑於四方無踰閑以狂無縱慾以亡尚思所以垂範
子孫爲家道之昌哉

遊觀箴

汝無荒於遊豁暢心目何思何憂汝無淫于觀發舒

志意以盤以桓汝家中原無山水之觀搔首仰視在
雲青天亦足以嘯咏而忘年是故終日讀書而不知
遊觀者局也遊觀而無所得者俗也溺於遊觀而不
知止者慾也遊觀有得且不溺焉而益充養以學者
教也然則汝之遊觀局邪俗邪慾邪教邪

交際箴

日有十謁我咸弗出失或二三厥得也七月有十招
我咸弗走失或一二厥得也九時不我以藏焉已矣
失已之謂惑隨人之謂靡博交泛合君子所鄙

續硯箴

蕭穎士言硯有三災字札不奇文辭不佳窓几狼籍
三者可哀嗟乎我有窓几拂拭塵埃或可免矣乃
若字札文辭無穢可嗤中心怛怛而今而後毋易以
施小子慎之

瓶齋箴爲同舍生作

有序

同舍生某勵志慎言爰取守口如瓶之義以
瓶名其齋乃屬余爲之箴書諸壁以自警

嗟人處世惟口起羞雕龍者損靡堯者休若知瓶乎
細口巨腹不溢不濫乃容乃蓄名稱戴記象箸易卜
守口誓同請名齋屋無易爾聲金章可貞無開爾口

括囊無咎無放爾言耳屬于壇無贅爾辭駟馬難追
其言也訥若或窒之言必有中時而出之立朝諫爭
死顧何恤窮居躁妄焉能鮮失自今伊始日慎一日
勿瀆其瓶乃永終吉

頌九首

至德頌有序

吳有至德廟祀太伯也廟在閭門內東漢末
興二年郡守糜豹肇建於閭門外後梁乾化
間吳越武肅王錢氏始內徙之宋元祐二年
守臣黃履上其事詔扁其廟曰至德春秋祀

之甚盛典也昔狄梁公持節江南毀淫祠千
七百所惟留夏禹太伯季札伍員四祠蓋天
理之在人心公論之在天下萬古如一日也
正德辛巳秋余赴官甬東道姑蘇之墟纖舟
廟側展謁如禮謬撰頌詞書之左壁深愧不
文聊據仰德之私云爾

於戲太伯至德難名仰測父意爲荆蠻行文身斷髮
含章以貞句吳是國仲雍是承脫疑神器匪我矯情
順命正志可貸神明三讓天下無得而稱八百行祚
周基聿成吾儕小子物欲用事違卹乎它惟利是嗜

算及錐刀計周鹽豉豈無良知騁私破義朋友毀交
兄弟爭位貪鄙罔羞形骸爲累德之云亡矧敢曰至
緬想高風能不含愧我舟南下道經聖鄉廟貌赫奕
有儼冠裳監沐肅謁若挹景光牲醑醴清蘋分藻香
神其歆只稽首悚惶世衰道喪我心盡傷俗趨夷貊
風邈虞唐於戲太伯令名無疆

三高頌有序

三高祠在吳江雪灘之上祀越范蠡晉張翰
唐陸龜蒙也宋慶曆間長橋有古本畫像熙
寧中邑宰林肇重畫於鱸鄉亭號曰三高元

祐中邑宰王辟作亭於底定亭南而石處道
始塑像祀焉石湖范成大曰三君生不並世
而清風峻節相望于松江太湖之上故天下
同高之我舟入越道經祠下停橈作頌繫我
遐思時正德辛巳歲也

越王句踐困于會稽蠡病國政養晦俟時二十餘年
深謀遠規譬彼鷺爲匿形伏機一鼓靡戰吳爲沼池
將軍之功何以加諸言念鳥喙處樂則疑禽盡兔死
弓狗棄之大名之下難以久居體易變化與時卷舒
乃載輕寶浮海出齊扁舟飄飄煙水可嬉遊名遠害

君子曰知幾名高千古鳴夷子皮

有晉碩士張翰李鷹清才博學三吳雋英文辭典麗
造次立成縱任不羈或以爲狂生王室濁亂禍難未
平魯吐衷曲語之顧榮秋風颯起歸心歛萌緬懷鄉
物鱸膾莖羹不蚤去塵網勿嬰人生貴適志安俟
河清首丘一賦惓惓柴荆生前美酒身後浮名不如
滿酌以陶我情允哉曠達江東步兵

神龍淵壑逸鵠霄征賢哉魯望契道沉冥硯田十畝
茅屋數楹饘粥靡繼畚鍤是營釣舟自適天隨我名
筆牀茶竈綸竿酒觥雲情霞思鶴侶鷗盟微辟弗施

高渚文集

卷之十五

九

論撰聿成叢書登澤倡和松陵文以暢志潔以全貞
廊廟烜赫爾公爾卿江湖幽寂我漁我耕豈不可縻
祿不可榮吁嗟高尚甫里先生

萱花頌

有序

正德癸酉河南鄉試侍御吳江陸公寔監臨
之小子漁謬以時文舉第一壬午正月胥晤
于浙東公時爲行省參政公暇出萱花卷示
漁曰此爲吾母壽也予其詠之漁感公知己
之遇誼不可辭乃作頌曰

猗猗者萱植于北堂多男是宜煩憂載忘宵瞻婺星

光于吳越徵應恭人鳳冠鶴髮姜魚入饌潘輿映花
伊誰與儔曰華綠華紫微薇蕤齊芳競秀畫省稱觴
采英爲壽

鳳儀圖頌奉壽王太君作

翩翩女僊婺星之精靈霞衣被天風佩瓊琤有鳳雛
奮翼卅穴七德九苞鳴舞應節女僊馭之載遨載翔
上天下地歷覽圖方聞韶孔儀吹簫能致栖迹高梧
文明之瑞我頌斯鳥祝壽太君願言千祀再拜紫氛

瑤池頌

瑤池何許玄圃之東帝駿至止天人來同王母授觴

高渚文集

卷之十五

十

霞衣飄曳蛾眉如霜千八百歲

問安頌

旭鷄載鳴寢門始闢穆穆文王問安無數再問維午
三問維夕孝道暢敷萬國矩矱

書紳頌

言忠信行篤敬六字符馴入聖立參前興倚衡變典
猶皆可行守弗虔踐弗密州與里行斯室欽哉訓書
諸紳時警目日省身遵聖謨達聖軌百世師顯孫子

高渚文集卷之七十五

高渚文集卷之七十六

贊二十三首

問禮圖贊有序

焚香告天圖贊有序

拜石圖贊有序

行軍司馬樊公畫像贊有序

松石圖贊有序

南陽貳郡王君畫像贊有序

杜主事畫像贊有序 畫灰圖贊

閻翁畫像贊 自贊二首

夷白李先生畫像贊

柳塘楊先生畫像贊有序

黃南崖先生畫像贊

秦御史懋功趨朝小像贊

海籌圖贊

七子贊有序

趙宣子 韓獻子

程嬰 公孫杵臼

提彌明 鉅鹿

靈輒

目錄

高渚文集卷之七十六

大祭李燕川父

贊二十三首

問禮圖贊有序

按周景王二十三年孔子謂南宮适曰魯國

老聃博古知今通禮樂之原明道德之歸

吾師也今將往矣适言於魯君曰孔子將適

周觀先王之遺制考禮樂之所極斯大業也

君盍以乘資之魯君與之一車兩馬孔子遂

與适適周歷郊社之所考明堂之則察廟朝

之度見老聃而問禮焉是時孔子年三十餘

矣拜瞻遺像乃述贊曰

魯有一儒河目龍顏志在先王禮云遐訪六經垂世

聖無不通大哉斯問胡及此翁柱史伯陽寔生季下

象夔誦信猶龍變化曰亂之首維禮之文繁儀繁節

匪吾所聞驕氣多慾態色淫志子悉去之大適可至

傾耳肅聽捫根漱源再拜稽首感欽至言以心感心

惟聖契聖絕學何憂守雌何病可圖者貌難圖者心

函關紫氣吾誰與尋

焚香告天圖贊有序

宋清獻趙公閱道衢之西安人也景祐初進士累官殿中侍御史彈劾不避權幸帥蜀以一琴一鶴自隨拜參知政事與王荊公不合出知杭州請老加太子少傅致仕時元豐二年也公清心學道得諸佛者最著書所為者夜必焚香告天不可告者不敢為也韓魏公嘗謂人曰趙公真世人標表其然哉為之贊曰

姑蔑之墟太末之壤挺生哲人性天融朗離塵去垢得佛之深濁世所競舉不我侵明明上天無不覆幬常清文集 十卷五十六 一 蓋將有為夜必虔告爐香具列星斗照臨上帝儼若俯鑒此心外息諸緣祇餘琴鶴擬皆棄之清淨至樂內省方寸上合天神謂天非我我為何人紛紛淺夫誠公佞佛儒釋同原本無一物載瞻遺像風範凛然小子稽首仰止勉旃

拜石圖贊

有序

宋米公芾諷誦好奇知無為軍初入州廨見奇石曰此足以當吾拜命左右取袍笏拜之呼以為兄其襟袍卓犖可想見已余覽是圖高其趣而贊之

嫡皇補天手煉五色胡隨此君有景之國雲封首駁神栖鬼族露竅眼視接群羽翔夏禹制貢青州惟石聖心泊然亦弗棄擲有傾顛士逸思翩翩睹是峭嶠再拜孔虔彭澤醉眠平泉醒酒匪曰不嘉非此之偶零陵飛鷺昆池吼鯨匪曰不異焉如我兄熊渠莫射楚人勿感蓄髓含靈終古不泐嗟予弗類頗嗜環寄緬懷古人高風在茲孰貌此圖平山張子孰發此狂米元章氏

行軍司馬樊公畫像贊

有序

國朝行軍司馬鄆城樊公今河南按察副使

樊公集

卷五十六

三

雙巖先生之曾大父也續業者子

文宣之朝具載信史先生臺暇出其畫像示瀟生

氣凜然瞻拜悚栗爰述贊辭庸繫斗山之思

云爾

維公之對大廷獻 太祖三千之禮樂維公之荷

重任領 文皇數萬之甲兵授鉞臨軒允可託諸

屏翰征旄分閭真無愧乎干城沛霖雨於真定擁貔貅

於濟寧故誦其封章咸許為中流之砥柱及觀其

眉宇始識為上天之列星嗟遺澤其未泯繫後賢之

挺生讀公之遺書紹公之芳聲非公之聞孫踵辛未

之甲科而與者邪公洪武辛未進士
副君正德辛未進士

松石圖贊有序

南京大司徒麻城劉公養和別號曰松石松取其節石取其堅也南陽貳郡山陽王君聘實公爲御史時監臨陝西鄉試所取士也感公知遇乃屬大梁張路繪松石圖將壽公於金陵求嵩渚子爲之贊云

徂徠之松太湖之石駢秀埒奇奉參朝夕上凌層雲下壓后土勁節貞姿莫與爲伍維公之操如松後彫維公之介如石不搖爲棟爲梁用之明堂作砌作礎在滿堂文集天子所四時青青不改柯葉數仞嚴嚴仰之藏棄物之傀兮大人似之維其似之是以喜之根爲茯苓服食延壽真之平泉踞臥醒酒鬱乎宜嘏鏗哉可叩君子萬年與松石友我述贊辭以傳不朽

南陽貳郡王君畫像贊有序

吾邑舊令山陽王君聘治繁劇有聲被徵赴部以浮言僅轉衛輝別駕至衛輝又以伉直忤時貴乃調四川之保寧守制還服闋復補南陽間以其公服畫像屬筆於某爰述其行而贊之

學足以奉大對而名扼南宮才足以陟崇階而官淹三郡有攬轡埋輪之志薦之者蓋已得其風聲有清冰苦槩之操尼之者適以成夫令聞自祥符而赴內召循良荷當寧之知由衛輝而調保寧直道激烈士之憤政事合乎民心行藏任諸天運故叩其履歷者君子起欽而睹其容儀者懦夫思奮噫斯人也庶幾所謂肆不殄厥愠亦不隕厥問者邪

杜主事畫像贊有序

戶部主事朴菴杜公紹中州佳士也醇篤坦易鄉閭仰之公位不滿德而以壽考終且子

孫克肖天道乘除之數固有在哉再拜而爲之贊曰

其仕也遲伊孰爲之曰吾數之奇其已也早伊孰爲之曰吾命之宜內無疚於心志外弗愧於設施而又有賢子孫以世其業振家聲而不衰古所謂生有聞於時沒焉可以祭於社者非先生而誰歟

畫灰圖贊

太華之山石室蕭洒中有一翁麻衣道者誰其爲侶羽客圖南丹經玄訣終日與談有美錢生風骨奇特翁畫爐灰曰做不得弗作僊真必作名臣急流勇退

中朝鳳麟我覽斯圖雲霞動色言念異人神遊八極

閻翁畫像贊

抱冲而後醇葆光而茹真身經六帝之世家近九河之濟考其忠信之誠蓋庶幾行乎解貂論其朴直之性允可以解諸鬼神無寵亦無辱有子復有孫此非所謂草莽之老臣鄉飲之大賓肩壽之吉人太平之逸民也邪

自贊二首

早游辭賦之場晚嗜性理之學文雖竊平時名道未底於先覺懼岐念紛思之為心害也而凝神以養恬耻蹈襲鈔錄之不足傳也而弗事乎著作欲探六藝之精華未得古人之糟粕究其志實欲宣力於朝廷考其時甫至中年而黜落農耒漁竿碧嵩清洛無平子之四愁有啓期之三樂秋風舒嘯於古臺暮雪行吟於東郭悠然自適羨濠梁之魚浩乎遠遊慕井丘之鶴蓋寧懼市虎之謗頗不理於貉稽顧乃矜井蛙之觀任大笑於海若是故不知者以為溺於文字之間而徒苦辛知之者以為逃諸禮法之外而太濶略也

二

祿命連寒星者曰厥官匪崇鼻準豐隆相者曰厥心無毒汝何以喜為文而不能成一家之言汝何以好儲書而不能徧五車之讀葛巾布袍石田茅屋興到則長篇短章客至則山肴野蔌投頰悔乎棘侯夢已醒諸蕉厥寡識寡才不諳不瀆仕則無可稱退則無可錄其諸所謂不足齒之儉弗可雕之木也邪

夷白李先生畫像贊

嗚呼先生履道含貞南國之英績學淑人發為詩文諧于韶鈞出宰蘭溪牛刀割雞德洽旄倪乃被內徵晉太僕丞雲錦頌興牧守贛州威宣惠流平盜克猷吁嗟峻功來思來攻謫倖雲中惟古英豪亦多弗遭坎壈二毛天道好仁不在其身于其子孫賢嗣西臺身編新裁家聲舊哉皖江瀟瀟橋梓承休先生無憂瞻像如存謬贊鄙言詔爾後昆

柳塘楊先生畫像贊

夷門生曰余觀柳塘楊先生畫像未嘗不泫然泣下也嗟乎先生學政兼資古人之傳也閩楚河洛諸父老至今談其遺事不休顧位止左布政使壽止五十六而已嗚呼慟哉憶昔癸酉之秋先生提調河南鄉試不肖滿場

星之文謬為先生所嘉賞知遇之感沒齒曷
忘幸已久滿移官四明始得謁先生之墓并
替其畫像云

古行端恭嚴度峻整傳經四方流澤三省任艱如愚
睹利斯棄 皇朝名臣先生無愧

黃南厓先生畫像贊

越有厓翁紫髯華髮填曾古今雅志林樾德尊祿薄
業澹身閒杜門纂述克肖南山

秦御史懋功趙朝小像贊

雙闕星稀夾城啓旭御史趙 朝百寮振肅鵷人既

鳴鍾輒有聲御史秦事鵷班悉驚我義勇冠明明繡

斧在殿之東有華其組逆鱗是批家職是補燭燭臺
臣秦懋功甫

海籌圖贊

逍遙二翁東海之涘似黃石公與赤松子手握靈籌
溟渤塵壘發日月華吸沆瀣氣遇鍾越仝千八百歲

七子贊有序

七子者趙宣子韓獻子程嬰公孫杵臼提彌
明鉏麂靈輒也七子皆晉產皆所謂雄豪意
氣烈丈夫也嘉靖癸未余過九原始合祀七

子于廟攝文而鐘磬意猶未盡復述替辭焉
趙宣子

補袞無功批鱗蒙難殿廷耆宿邦家楨幹許身靡它
駕士弗惑亡不越境滿涕宗國

韓獻子

忠貞弗嗣吉人是悻矯擅弗誅凶人是肆片言悟主
枯木歲寒九原遇盾無愧心知

程嬰

厲孤文葆我其彰之真孤嚴谷我其藏之越十五年
趙宗復興慷慨長辭下報宣孟

公孫杵臼

立孤寔難死孤非易志貫金石道兼義智屠兵誓駢
闔門受戮千古荒墳夕陽麋鹿

提彌明

靈公仇諫呼焚噬之躊躇趨走彌明斃之侍宴執禮
歸變進規棄人用犬後世奚師

鉏麂

寢門既闕威服將朝危坐假寐庭寂寥賊賢慝忠
棄命匪信碎首于槐英標萬仞

靈輒

卿也于畋賢桑之地哀彼庭廡遺之簞食倒戟禦難
問名不對桓桓烈夫豫生之配

謝安集

卷之七十六

七

謝安集卷之七十六

高渚文集卷之七十七

策問一 十五首

正德己卯科湖廣鄉試策問五首

嘉靖壬午科浙江鄉試策問五首

嘉靖乙酉科山西鄉試策問五首

高渚文集

卷之七十七

七

目錄畢

嵩渚文集卷之七十七

大梁李濂川父

策問一 十五首

正德己卯科湖廣鄉試策問五首

問自古帝王受天命而有天下其所以肇鴻基而垂大統者必有非常之德不世之功觀諸孔子繫易序書五帝功德固無間然矣五帝之後傳世久遠者三代而已夏禹商湯周武王皆開基之主也其功與德果有異乎一時名世之臣亦能贊襄與否也三代之後享國長久者漢唐宋而已高祖文帝

嵩渚文集

卷七十七

一

藝祖皆創業之君也其功與德抑孰優乎當時在廷之臣其爲輔佐何如也元以胡夷久竊正統蓋天地之大變我太祖高皇帝汎掃腥羶肅清函夏亘古所未有也顧神功聖德有非後世所能悉者然載之聖製傳之父老豈無可窺測而想見者乎于時翊戴文武之臣固亦不可泯也今皇上嗣大歷服勵精圖治將以衍億萬年無疆之休宜無出於法祖之外者然則德何爲而脩功何爲而建諸士子誠欲希名臣碩輔於古昔將何以爲獻納乎請敬陳之

問禮義廉恥謂之四維管子之言也後之人有論其

言爲非者有論其言爲是者然證以先聖傳心之要則謂之禮義者自有一中之大道而謂之廉耻者特禮義之一節耳管子之言不亦偏矣乎竊嘗疑之道統之傳始於堯其授舜也則曰允執厥中舜之授禹則益之以三言何以不及於禮義也成湯聞知於禹者也仲虺稱之曰懋昭大德建中于民以義制事以禮制心何以不及於精一也文王聞知於成湯武王周公見知於文王者也文王之德詠於詩人者其於湯之禮義亦有所昭乎武王受戒於丹書周公繫辭於易文其於文王之禮義亦有所孚契乎孔子繼文武者也其進以禮退以義矣至於教人則曰克己復禮博文約禮言禮而不言義何歟孟子學孔子者也既曰義路也禮門也至論養氣則曰是集義所生者非義襲而取之也言義而不言禮何歟諸士子皆游習於禮義相先之地者其各述所聞以對

問歷代之文人可攷而知也然有文思之速者或食頃即成或援筆立就或倚馬萬言或擊鉢四韻或當食草奏或七步賦詩或思如涌泉或文如宿構

何其不經意歟又有文思之遲者或構思十年或鍊句一紀或疾感於苦思或氣竭於沈慮或濡筆腐毫或輟翰驚蟄或閉門覓句或空齋卧思何其太勞心歟謂文能使人窮邪寄身於府而因詩召見者乃爲登相之階分教輔郡而因詩入對者遂擢掌符之職樂府被之管弦而翰林增重詩聯書之御屏而侍讀馳名固未見其饑寒流落也謂文能使人達邪隨友直宿而幸見明皇者即放歸於南山隱姓爲僧而獲遇宣宗者卒殞命於司倉種桃一詠而黜刺連州新井一篇而左遷滄浦亦未

見其際會風雲也諸士子餘力學文於此必有灼見無諉曰文之遲速窮達非所論也

問士之讀書凡古昔人物臧否皆當究其所歸不徒誦說而已若汲黯蕭瑀趙普果皆爲社稷之臣乎李陵關羽張飛果俱有國士之風乎蘇章張鎮周裴垺同一不私故人也亦有優劣之可言歟馬援王昶柳玭同一戒子有書也亦有得失之可議歟前席而聞霸道與前席而聞鬼神者孰爲宜鄭人之鑄刑書與晉人之鑄刑鼎者孰爲當勸舉進士而不從與勸無舉進士而不從者何進退之不同

母不顧身以全子與母不顧子以全身者何慈忍之頓別斷機勸學與斷織勉學者何其同多請田宅與不買田宅者何其異守并州而恃於長城與在河朔而恃於金城者孰賢相延齡而欲壞白麻與相鄭注而欲壞白麻者孰愈馮驩之焚券與李士謙之焚券其皆輕利者乎孟明之焚舟與杜詩之焚舟其皆敢死者乎不飲盜泉之水與飲貪泉之水者何以同傳不喜詩書而亡與不喜詩書而興者何以異效是皆吾之所深疑而諸士子所嘗用心者也試言之以觀博古之學

問古者三年耕必有一年之蓄九年耕必有三年之蓄是故王制冢宰之制國用也必於歲杪五穀皆入之後視地之小大年之豐耗以三十年通融爲制而量入以爲出焉故當時倉廩充盈不識匱乏以之建功興事而無有不成蓋無足患者矣今天下諸藩湖湘稱巨我聖祖均田定制歲收之額不過二百一十萬耳今歲支之數多至二百二十萬焉縱使歲皆豐稔之秋民無升斗之通猶不贍也夫何頻年以來洪水爲患上厯南顧之憂至逮廷臣發內帑羨餘借諸他省納銀開平新

例而僅克有濟竊謂將來可憂者不但饑饉之猝遇也在平時財賦之最急者有二曰 宗室之日蕃也軍功之續錄也不知歲祿之漸增月俸之葺加而復遇水旱之災將何籌以處之乎今欲徐致九年之蓄而永爲萬世之計使平時而祿俸完遇災而賑恤備其道安在諸士子其詳著於篇

嘉靖壬午科浙江鄉試策問五首

問人君一身萬化之本原而御極之初尤不可以不慎者故烈祖之訓伊尹明言於嗣王告廟之時敬德之誥召公力陳於成王初服之始古之大臣以

五

道事君蓋如此夫謹始之道好尚爲先是故好尚端則志向定志向定則心體明心體明則治功成矣洪惟我 太祖高皇帝明聖哲神動與天合好尚固無不端者其與堯舜禹湯文武之心蓋異世同符邇者 聖皇續緒 宗社莫安而紀元一詔中外快覩固可以仰窺 聖心好尚之端矣矧自初服以來 盛德大業日新月盛而又親儒臣以御 經筵開言路以重臺諫凡涵濡於 聖化之中者復何所言顧臣子愛君願治之心尤有不能自己焉者諸士子脩於家者行將獻于 天

子之廷議舉 聖祖之所以端好尚者何事今日之所當謹始者何先將轉而聞之 當寧爲新政萬一之助

問自漢以來道術不出於孔氏各騁其說以亂天下者多矣晉以老莊梁以佛氏波沅風靡莫或正之五百餘年而後得韓愈學者稱其功齊孟子仰之如泰山北斗愈之後又三百餘年而得歐陽子天下翕然師尊之曰歐陽子今之韓愈也夫韓歐二子世異而道同如此攷其所見亦有時而不合者且荀卿之爲書也駁而不純儒先論之詳矣觀其所著仲尼王霸諸篇乃能尊主而賤霸述仁義而黜權謀獨不累於戰國縱橫之習韓愈氏表而列之於孟子之後且謂其旨歸與孔異者鮮而欲削其不合者以附于聖人之籍迨至宋理學昭明三尺童子亦知嚮往蘇明允以現奇卓犖之才震動一世顧習爲戰國縱橫之學此正與荀異者歐陽子一見乃驚歎以爲荀子夫荀子明儒術于戰國縱橫之時明允祖縱橫於理學復明之日其學不同也而歐之所稱乃戾於韓如此惡在爲世異而道同也抑韓之所以與荀者以其文而歐之所以

謂蘇者亦以其文之似邪或二子別有所見不在於區區文藝之末也擇學術辨人材亦儒者事願聞其說

問孔子序書斷自唐虞凡堯舜三代之事可爲萬世法者紀載周備其作春秋也則東遷而後之事可以垂戒後世者亦約而盡矣夫書與春秋皆史之宗也太史公放其意而爲史記固不能無失然其推尊孔子而極老莊流弊俾與申韓同傳亦庶幾有識者宋之名卿有謂遷之爲人淺近而不學疎畧而輕信故其紀堯舜三代之事皆不得聖人之

意而自謂追錄聖賢之遺意以明示後世乃改爲

主

古史者夫馬遷不得聖人之意固也而以古史自負者果能追錄聖賢之遺意否乎且自序曰古之帝王其道以無爲爲宗故其推之以治天下者有不可得而知夫既推之以治天下則其運用之迹必著所謂不可得而知者何居又曰孔子知之至矣而未嘗言孟子知其一二時以告人而天下亦莫能信夫孔孟古之聖賢也其緒論具在既知之至矣何以不言既傳其道于後世矣何謂但知其一二間嘗閱其書而竊疑之辨二史之得失以明

孔子之道是所望於二三子者

問宋儒有言古之君子相其君而能致天下於大治者無他術善惡明而勸懲之道至焉爾然行之必始於朝廷而至要莫先於謚法定一言之美惡關百世之榮辱故古之聖君賢相莫不持此以爲殲世之具然其法不見於六經布於載籍者有周公謚法有春秋謚法有廣謚有大戴記有世本有獨斷祠有劉熙來與沈約賀琛王彥威蘇冕扈蒙蘇洵之書皆取古謚法釋以已說而爲之編者中間得失固難遁於博雅之論或有撰謚法三卷者乃謂謚以易名不可加之以惡者然則孟子所謂百世不能改者非邪又有續謚五十以待後世天爵之君子者不知果無戾於先王之法否也我朝洪武以來惟武臣有謚耳文臣之謚則自姚胡始自後縉紳亦多有之然皆出於宸賜但臣工行實未易周知而乞請成風有失古意茲欲復先王公謚之規求周人奉天之道俾是非明於朝著之間公論定於蓋棺之後使天下後世聞之真可以爲勸懲之助何施而后可

問理財治天下之要務故王制冢宰之制國用必於

歲杪周禮春官天府於民穀之數必歲獻之要皆重是焉者夫財之在天下古今不異顧理之道何如耳漢至文帝時封國漸眾諸侯王自食其地公府之所入者甚寡缺築河和親之費親將出擊之餉大司農未嘗告乏文帝在位十餘年而減除之詔史不絕書抑何道以贍之乎 皇祖立國之初興造建置諸事肇舉凡宮闕城邑藩府官署壇祠學校悉創爲之矧戈馬甫息列屯坐食之士炊竈億萬賞賚錫予弗可勝紀而免租之詔無歲無之見于 御製文集者可攷也不知當時司國計者何術以濟之乎我 皇上嗣大歷服首頒明詔蠲積歲之逋減今租之半 仁恩汪濊海內傾心老羸癰疾扶杖而往聽者不但如山東之民感戴漢詔而已也夫承重熙累洽之後而又絕無度外之費財用宜無不足矣今計倉庾之所入不足以供祿餉之所出究豐縮之原以足經費之度留心於用世者必有說也盍極言之

嘉靖乙酉科山西鄉試策問五首

問自古帝王臨御天下莫不有典則以貽子孫三代之盛不可尚已逮夫後世唐太宗有帝範宋真宗

有承華要略皆傳之後王以弘太平之業今味其言雖未底于精一執中之蘊要皆箴警規切有裨化理使能守而行之亦足以爲治已我 文皇帝仰思 高皇帝肇造之難永念 聖子神孫

嗣大厯服之重乃於 萬幾之暇采古聖賢嘉言編輯成書名曰聖學心法復 親灑宸翰以爲之序而詳述其所以著作之意大哉 王言定與二典三謨相表裏豈唐之帝範宋之承華要略可彷彿其萬一哉蓋嘗莊誦 宸序有曰使吾子孫先觀吾言然後觀是編不觀吾言則無以見吾之用

心不知吾之用心則不能窺聖賢之閭奧夫

文皇帝之用心與所謂聖賢之閭奧可得窺測而言之乎又曰吾以是而遺子孫者蓋久安長治之道方今 聖神御極萬邦咸寧天下可謂安且治矣披心法之嘉言遵 文祖之聖訓以求所謂久安長治之道必有本之所在而行之當先者矣其鋪張揚厲之將轉聞于 當宁

問周禮成周經制之書也劉子駿鄭康成輩皆以爲周公致太平之迹文中子以爲王道盡在於是考亭朱子亦贊其能久精密以爲周家盛時聖人之

制作信斯言也宜盡善而無可議矣開嘗讀之亦有未能無疑於心者貨利非盛世之所尚也金玉玩好則入於王府良貨賄則入於內府山師川師各使致其珍異之物何汲汲於貨利如是也貨而聽訟濁世汙吏之所爲也司寇於民之以財貨相訟者令入束矢以罪相告者令入鈞金而後聽之貧者無矢與金何以自達於典獄者之前乎防民以禮猶或犯之而司徒之媒氏中春令會男女奔者不禁夫何以正民俗也先王使臣敦厚有禮條狼氏之誓群臣也於馭曰車轅於大夫曰鞭五百

三子

問顏魯思孟聖門傳道之四子也顏子聖門高第未及著書而蚤卒又無門人錄其言行今可見者獨問仁爲邦言志之對喟然之嘆數語而已昔者李純仁徐達左李邦彥輩皆嘗編顏子書以傳果能得其微妙精實者乎顏氏沒惟魯氏得夫子之傳漢

志有曾子十八篇隋唐以來乃逸其八存諸大戴禮者可攷也漢儒謂曾子自著宋儒謂後人僞爲之孰近是歟子思受學於曾子者也中庸之外古有子思子二十三篇今不可見雜見于檀弓孔叢子之所記者其無庸歟孟子受業於子思之門者也外書四篇皆依倣爲之者晁氏蓋嘗疑之而林慎思乃謂七篇之書第子所記不能盡軻之意復演其說而著續孟子二卷抑何所見歟夫四子之言見諸後世者雖簡繁不齊然其發揮大道如五緯並明于天而聖人之道賴之以傳者也何世儒之於孟子乃有刺孟疑孟刪孟翼孟常語折衷紛紜不一之論乎明辨之而弗惑亦聖人之徒也問上任德則下不忍欺上任察則下不能欺上任刑則下不敢欺吾聞斯語矣稽諸古人宓子賤之爲單父也人不忍欺子產之爲鄭也人不能欺西門豹之爲鄴也人不敢欺載在往牒並稱善治唐呂溫則分爲品第之說乃以不忍欺者爲堯舜之吏不能欺者爲三王之吏不敢欺者爲五霸之吏然歟否歟宋王安石謂德察刑不可獨任而詆訾三子皆未聞聖人爲政之道然則德察刑果不可獨

任歟爲斯言者果足以知聖人爲政之道歟嘗誦
溫之言謂子賤之政至誠潛孚子產之政明智旁
達西門豹之政嚴威允濟蓋皆許之而安石之意
則謂子賤之政無以正暴惡子產之政無以周隱
微西門豹之政無以漸柔良而三者舉不與焉二
說之是非得失可得聞歟子諸士行有治人之責
其於三子者之政當何從盡言之以徵它日

問備荒之政邦國首務使不預爲之所或遇凶荒水
旱有司不免告諸藩司藩司不免請諸 內帑顧
帑藏之儲蓄有限而天下之郡縣定繁其何以備

高渚文集

卷七

七

濟邪齊管仲告其君曰歲有凶穰故穀有貴賤民
有餘則輕之故人君歛之以輕民不足則重之故
人君散之以重說者謂其通輕重之權魏李悝之
平糴漢耿壽昌之常平其法果出於是歟嘗觀常
平之法弊於東漢廷臣多以爲便而劉般獨議其
非義倉之制昉於隋文胡致堂取其便民而近代
輔臣以爲不便其故何歟宋孝宗時嘗下朱子社
倉法於諸路其法固善然里社不能皆得如朱子
者以主之又不能皆得如劉如愚父子者以爲之
助抑可以行之而無弊歟邇者臺臣上言司農覆

奏欲修舉 國初郡縣四倉之制 先朝屯里儲
蓄之典而責成守令量里分以爲積穀之等其於
平糴常平義倉社倉之法亦有異同之可言歟夫
所謂備荒云者先事講求期經久可行耳有志於
用世者必有說焉固主司所願聞也

高渚文集

卷七

七

高渚文集卷之七十七

嵩渚文集卷之七十八

策問二 三十九首

沔陽季考策問十首

寧波季考策問二首

山西考定科舉策問二十首

山西考定武舉策問三首

家塾私試策問四首

嵩渚文集

策問二

目錄

嵩渚文集卷之七十八

大梁李濂川父

策問二 三十五首

沔陽季考策問十首

問先聖饗祀之禮以顏魯思孟爲四配蓋始於宋咸淳之朝此亦萬世之公論也顧顏子之父路曾子之父皙子思之父鯉乃在廊廡從祀之列竊聞學校所以明人倫也子雖齊聖不先父食今子處父上大倫以墮神靈有知其何以自安邪先儒武夷熊禾氏謂宜別設一室以齊國公叔梁紇居中南面而以路皙鯉脩春秋二祀當先聖酌獻之時以齒德之尊者爲分獻官行禮於齊國之前其配位亦如之如此則亦可以示有尊而教民孝矣仁山金履祥氏則謂古者廟寢之制前爲堂而後爲室宗廟之祭先室事而後堂事而庠序之禮先獻酬而後燕禮今二丁之祭宜先用饗禮牲幣陳饗先聖而南面於堂以顏魯思孟脩繼用燕禮邊豆簠簋奠先聖而東西於室以路皙而下七十子左右衿食如昭穆之儀說者又謂泗水侯孔林自有廟曲阜侯宜祀於其子顏子之廟而以顏子配萊

燕侯無後今嘉祥有曾子墓嘗有祠宜於此祀萊
蕪侯而以曾子配否則特立一廟於曲阜專祀三
子而以顏子曾子子思侑焉夫諸說未知其孰長
幸相與講明之勿諉曰籩豆之事則有司存

問濂溪周子奮起南服超然獨得建圖屬書闡發秘
奧蓋其學推本太極以及乎陰陽五行之流布人
物之所以生化於是知人之爲至靈而性之爲至
善乃明主靜之爲本以見聖人之所以立人極而
君子之所當修爲者由秦漢以來未有臻於斯者
也昔人稱其不由師傳默契道體而明道伊川二

子寔師尊之晦庵朱子撰大學序推明道統乃曰
河南程氏兩夫子出而有以接乎孟氏之傳何以
遺周子而不之及邪它日贊周子曰道喪千載聖
遠言湮不有先覺孰開我人又若以周而續孟者
二子子能無說乎予也願聞久矣

問樂毅不拔二城夏侯太初以爲庶幾乎湯武蘇東
坡以爲行王道之過胡致堂以爲昭王處之未盡
其道夫三子者之論說具在所謂庶幾乎湯武者
不知果有救民水火之心以慰當時雲霓之望否
乎夫王道特患人之不能行耳天下亦有行王道

而不興者乎昭王之處毅也腹心無間至斬醜者
以慰安功臣之心顧乃曰處之未盡其道即使如
致堂之所云果足以爲善後之圖乎君子於此每
有餘論焉請聽言之以發明英雄之心事

問危邦不入亂邦不居夫子有是言也釋之者曰君
子見危授命則仕危邦者無可去之義在外則不
入可也亂邦未危而刑政紀綱紊矣故潔其身而
去之由是知不入不居即易所謂見幾而作不俟
終日之義也夷狄聖人出處之迹則似有不然者
以衛靈公之無道而居衛以齊景公君臣父子之

間皆失其道而適齊以楚蠻夷昧禮之國不與中
國之會盟而之楚陳湣公六年吳王夫差伐陳取
三邑而去時兵戈擾攘庶政陵遲而在陳蔡昭侯
二十六年楚昭王伐蔡昭侯懼告急于吳時有竄
徙之行國勢岌岌殆矣而如蔡夫徒能言之而弗
能行在凡民或有之而謂聖人亦若是乎矧當是
時列國之不能用夫子人皆知之而夫子顧依依
栖栖于風塵道路之間不回轍而遽返者豈其智
不足以及此邪吾發此難叩之二三子苟能識聖
人之心則自不難於答矣

問沔水漢江之派也書衍東流詩稱南紀襟帶夢
信矣名川余少耕大梁之墟未遂觀瀾之願屬領
是州始瞻浩渺時秋水未漲悅目暢懷徘徊解珮
之臯眺覽沉碑之澣蓋嘗叩枻而歌望洋而歎矣
夫何比歲以來川襄二水合溢互涌漂蘆沒稼溺
饑竝虐茲固守牧不職之所致也意者亦或有無
支祁天吳河伯陽侯馮夷如世之所傳者在其間
乎昔李善夷渡漢怒其膠舟之事也乃作責漢水
辭而樊鑄於曲江之神亦移檄以責之雖皆以文
爲戲然終憤據憑亦於時有警焉爾諸士生長于
斯屢罹厥患憾蛟蜃之匪仁憫波濤之作厲能無
燃犀命弩之念乎幸爲我推災異之繇畫輯綏之
策責川襄之水洩父老之怒何以致巨浸之消何
以弭凶年之變明著于篇以匡守牧之不逮
問學莫先於立志吾志既定如射之有鵠躍然鳴矢
以赴之罔不中矣昔者孔子之教人也惓惓以志
爲問當夫燕寢閒居群賢侍坐師命載臨各言已
志喟哂交興而甄陶繫之矣子禾牧是邦與諸君
有一日之雅汝有所志而叩之弗言非所以待郡
大夫之道也盍罄乃心各陳所蘊刮目而驚

穎而見遂將不在於今日乎慎毋襲白沂水春風
之樂可學也
問韓子論荀揚之疵而韓子之疵有甚於荀揚荀卿
譏六子之蔽而荀卿之蔽不下於六子班固之論
司馬遷也以爲是非謬於聖人而范曄之論班固
也以爲目見秋毫之末而不見其睫凡若此者自
以爲是而未必是攻人之非而未必非幸極論而
折衷焉寔予之所願聞也
問朱子而下接道統之正傳者曰魯齋許氏近時薛
文清公極其推尊君子以爲弗過嘗觀鹿庵王磐
氏贊魯齋之像有曰尚友千古誰與爲徒管幼安
王彥方元魯山陽道州蓋異世而同符夫以魯齋
之人品學術尚友千古豈它無相似者乎而鹿庵
獨舉此四子爲同符何也是不可以不辨
問斯道流行於天下固無湮塞之時而天理之在人
心亦無滅息之日自晉唐以來世故幾更變矣若
司馬孚之於師昭武攸緒之於則天后朱金昱之
於朱溫皆能脫屣貴富不少累於權門要族之習
當是時教化淪亡士風大壞三子獨不爲流俗所
染虐焰所怵而卒亦免於禍焉其必操之有本而

處之有道矣顧迹雖相似而心未必同試究夏之以觀爾之取舍

問孔子之道見而知之者惟顏氏曾氏之傳得其宗聞而知之者惟子思氏故序中庸者以爲憂道學之失其傳而作也嘗讀孟子終篇歷叙群聖之統堯舜湯文皆有見知聞知之人至于孔子則見知聞知兩無所屬而隱然若有自任之意豈軻氏偶忘三子邪不然何不曰若顏曾則見而知之若子思則聞而知之微意所在必有能言之者

寧波季老策問二首

問堯舜皆古之聖人也孔子以大哉贊堯君哉贊舜其微意固有在矣余竊有所疑請質之二三子書稱胤子囂訟弗堪登庸蓋言丹朱之不肖也禹之戒舜曰無若丹朱傲惟慢遊是好傲虐是作罔晝夜顧頤罔水行舟朋淫于家用殄厥世蓋言丹朱之稔惡也及舜樂告成而丹朱感化故變有言曰虞實在位群后德讓蓋言丹朱一聞舜樂而即和於衷與助祭之諸侯以德而相讓其感化神速如此夫堯之於子終日與居而弗能化舜之於丹朱簫韶甫奏而底於和是舜之德愈於堯而堯之化

弗能行於子矣豈二聖有優劣而孔子之贊亦未爲定論邪抑余又有疑焉當是之時黎民已於變矣四方咸風動矣比屋皆可封矣而內則有丹朱之可戒外則有苗頑之可憂惡在其爲至治之極物無不化也是必有說幸明以告我

問名宦鄉賢有祠雖國典靡載然有之則足以樹風聲示監戒變士習成治化誠郡邑所不可闕者故禮有祀先賢於東序及祭鄉先生於社之文不以爵位而錄不以布衣而遺所以表揚前烈風厲方來甚盛舉也說者謂祀不可濫其選當嚴必如渤海之龔遂潁川之黃霸蜀之文翁閩之常袞始可以當名宦必如孔明之在南陽管寧之在東海張九齡之在曲江陽城之在晉鄙始可以當鄉賢夫然則饗之者無忤容拜之者無憾色否則庸品常流猶夫人耳而儼然廁諸俎豆之列同鄉之人固有指而議之者矣甚至或因子孫之顯達而獲倖入或緣有司之因循而未釐革亦曷足以爲榮哉爾諸士皆四明之產也向之仕於斯者莫非仕也孰風猷之可傳向之生於斯者莫非生也孰典刑之尚在未列於祀而血食偶遺者孰當續入已

列於祀而輿論弗容者孰當亟黜蓋明言之以觀
汝好惡之公取舍之正異日有官守言責之寄必
不肯苟同於人矣

山西考定科舉策問二十首

問國家成一代文明之化必有真儒者出以任斯道
之責生而表儀朝著沒而從祀孔庭稽諸前代咸
有其人我朝 列聖繼作敷化甚久而顧無一
人從祀何也竊聞河東薛文清公言行篤實出處
峻潔教人以復性為先著述以明理為務造道有
得晚而益深誠為 聖世之真儒屢有言官表揚

滿漢文集

卷之八

八

乞入從祀而或者乃謂薛子勤學好問可謂文矣
歸潔其身可謂清矣稱為名臣夫何間然至論其
於道所得以與朱子諸徒相比若黃幹輔廣之親
承微言金履祥許謙之推行緒說尚未可知伯仲
其間否也烏可以進諸從祀之列乎諸賢生長是
邦其於鄉先正之造詣窺測久矣從祀可否必有
公論顧聞侃侃之評

問宋儒蘇頌演謂當時天下有三不立由三不立故
百患並起而百善並廢今當天下全盛之時固無
所謂三不立者然防微杜漸容或有當慎其幾

者乎頌演又謂天下之事居之以強力發之以果
敢而成之以無私惟不能為三者則足以敗天下
之賢才而卒之以不能有所建是故無私而果敢
果敢而強力以是三者治天下之三不立以立為
治之地其言亦可以施之今乎夫人之有痼疾也
必有對症之藥三子學古待用皆有醫國之志
者試即先民之所論以談當世之務亦先天下之
憂而憂者也

滿漢文集

卷之八

九

問唐之文章首稱韓柳宋之文章首稱歐蘇說者謂
韓如海柳如泉歐如瀾蘇如潮今其文固在也誦
而味之然與否與有謂退之之文奧衍闕深與軻
雄相表裏而佐佑六經者有謂子厚之文雄深雅
健似司馬子長而崔蔡不足多者有謂柳豈韓之
徒者有謂封建論亦退之所無者有謂韓優於文
柳優於詩者果孰為確論邪有謂求叔之文窮極
古今變態如卿雲從風卷舒萬狀不可以常理待
之者有謂子瞻之文如長江大河一瀉千里至其
曲折變化之妙有不可以名狀者有謂六一之文
多自稱予而少謙抑者有謂蘇門文字脫不得縱
橫氣習者有謂歐氏師韓蘇氏師歐者抑孰為定

議邪諸生其詳著于篇幸勿曰文非所急也

問君臣天下之大義母子天下之至情二者無所逃於天地之間者也脫不幸而遇變事之難處或有不能兩全焉者爰稽往牒吾悲三人焉王陵之母被執於項羽趙苞之母見劫於鮮卑徐庶之母為質於曹操其事甚相類也想當是時一於救母則君臣之道虧一於事君則母子之恩絕俛仰躊躇肺肝崩裂是誠人之大不幸而事之至難處者也抑三子者之所處或以忠而廢孝或以孝而廢忠苟律以聖賢中正之道孰為近是乎夫綱常之在天下不可一日而不講二三子其正言之

問孟子譏蚍蜉不諫而蚍蜉卒以諫顯韓退之譏陽城不諫而陽城卒以諫顯歐陽永叔譏范仲淹不諫而范仲淹卒以諫顯夫三子者之言具在雖繁簡不一要皆有諷切之益焉夫諫官以言為職者也何以必待人言而後諫邪假令諸生有同志之友為諫官乃緘口數月而不言汝輩無所規乎脫有所規其於三子者之言當何取法試一吐其胸中之許以徵所養

問荀卿載周公之言曰吾所執贊而見者十人還贊

而相見者三十人貌執者百有餘人欲言而請畢事者千有餘人夫吐握下士固周公之盛德也如卿之說無乃太勞而力有所不逮乎抑相臣之體宜如是僕僕乎吾聞有周盛時士皆以道自重亦有號稱賢士而趨趨于宰相之門者乎王臨川謂周公之所禮者果賢當薦之天子而與之共天位豈惟執贊見之而已如其不賢何為與之為禮也是說也果足以知周公之心乎繼之曰上士吾薄為之貌下士吾厚為之貌若然是叔世顛倒豪傑之術也而謂周公為之乎又曰仰禄之士猶可驕

正身之士不可驕夫仰禄之士固可鄙也聖如周公亦從而驕之乎昔韓愈民尊荀卿為大儒而以孟荀並稱其記載之言未可遽以為厚誣聖人也願聞其說

問王荆公以道德經濟為己任被遇神宗致位宰輔君臣手契殆管葛無以過而天下後世皆贊其相業焉是豈其志行之弗堅邪問學之弗充邪抑富貴利達之念有以汨其中邪吳章廬一世大儒非阿其所好者其論荆公有曰一時議者非偏則私不惟無以開其蔽而亦何能有以愜公論哉求其

論之平而足以定其是非之真者其惟二程朱陸四子之言乎夫四子之言具在不知果足以開荆公之蔽而愜天下後世之公論否也即四子之言而質諸張安道呂獻可蘇明允之論和平峻激負平不同請悉舉其詞而折衷以對

問冉求列政事之科宰我列言語之科皆表其所長也夷考其實一則爲季氏聚斂夫子欲鳴鼓而攻之一則有戰栗之對短喪之問夫子每責其失言長於政事言語者固如是乎若然則聖門之所謂四科者非確評也二三子以爲何如

問文章之盛衰關乎氣運古人有是言也間嘗執是以考論前代之文則亦有未然者竊意爲此說者蓋因歐蘇王曾諸子操觚竝作文辭命世而適當宋運之隆故云爾邪抑宋之上爲唐而貞觀開元之間可謂一代之極治顧沿江左餘風絺章繪句文體弊壞未聞有能振起之者迨大曆貞元以來藩鎮跋扈唐政日衰而韓愈柳宗元皇甫湜李翱之徒出汪洋大肆沛放厥詞刊落陳言卓然復古史臣所謂抵轢齊魏上軋漢周而唐之文宛然爲一王法非過予也由是觀之則文章之盛衰亦存

乎其人耳夫何關於氣運哉諸生陶育魯官翱翔莖苑有年矣試爲我言文章之盛衰果關於氣運否明著于篇毋勦舊說

問女有五不取逆家子不取亂家子不取世有刑人不取世有惡疾不取喪父長子不取而申之曰逆家爲其逆德也亂家爲其亂人倫也世有刑人爲其棄於人也世有惡疾爲其棄於天也之四者之不可取無可疑者獨喪父長子而曰爲其無所受命也吾不能無疑焉夫女之喪父而無兄者世多有之茲固女之不幸而亦無害於德操者也惡可

與逆亂刑疾之子並棄於世哉若曰無所受命則其功之親戚得以主之胡爲令其終不得以適人邪元儒黃楚望氏與其徒趙子常氏函丈講授嘗及此章乃曰此蓋如宋桓夫人許穆夫人之類耳以其種育不明所出難辨是嫡疑之際君子所當慎焉者也吾反覆思之寔未能犁然於心且人之家世清修門祚潔白倫理秩然本亡瑕玷而輒以胷臆猜度之私絕人於莫可究詰之地聖人之心恐不若是刻也矧亦有父沒而母賢者則其陶養教戒之方亦必有道矣而可以槩棄之乎大戴禮

山疑義頗多此特其一耳二三子平居講學於此必有見試質言之以成相長之益

問夫婦人倫之本而禮有七出之文謂不順父母無子淫妬惡疾多言竊盜也夫不順父母以其逆德也淫以其亂族也妬以其亂家也多言以其離間也竊盜以其反義也有一於此出之固宜若無子惡疾乃其不幸非其罪而去之聖人之制禮豈若是已甚哉或有欲減七出爲五出而君子以爲野於禮者抑又何也夫刑于寡妻道行妻子凡爲士者皆當然而孔氏三世出妻惡在其爲聖賢也是皆未安於吾心而不得其說子何以釋我疑

問曹參爲相日以飲酒爲樂掾史縱酗置而不問弛然不復加意於紀綱政令之間天下宜入於亂矣而當時海內晏然稱治此其故何邪吾嘗恠參起刀筆吏爲百戰驍將一旦歛勇敢奮揚之氣而成清淨無爲之治固有所授而然者何其與夙昔之所爲大不類邪夫西京名相首稱蕭曹之二子者識量器度誠不能盡同抑使何相於孝惠繼統之後果肯如參之縱酒歌呼而漫不視事否乎使參用於干戈甫定之餘亦肯如何之役民動衆而大

治宮室否乎考二相之世家訂百世之公論是必有可言者矣宜悉心以對

問昔人謂杜少陵不獨長於詩君父大倫固皆篤厚至于文游寄憶動不忘情救房瑄薦岑參惜鄭虔夢李白思厚誼然宜若無愧於論交者獨於哥舒開府有可疑焉觀其推先鋒畧地之勳方魏絳頗之烈何其褒之至也及賦潼關吏詩則又哀百萬之爲魚鸞防關之勿學何其貶之甚也夫一死一生乃見交情一貴一賤交情乃見爲世俗淺丈夫言也哥舒一人耳而前後之間褒貶異焉豈少陵之口亦有雌黃而自古詩人盡無特操邪讀杜而有得必知所以爲對矣

問史稱周成王時越裳氏重譯來朝曰天無烈風淫雨海不揚波三年矣意者中國有聖人乎考其時天大雷電以風偃禾拔木邦人大恐見之於書者甚著何其與史異也吾將信史邪書何以爲經信書邪史何以傳信諸賢讀史至此寧無疑於心乎試言之以觀爾識

問豫讓臣事智伯及趙襄子殺智伯讓爲之報仇伺塗廁伏橋下拳拳不捨空之請襄子之衣拔劍三

躍而擊之以下報智伯至今懷有生氣司馬公胡致堂皆深予之或謂當智伯請地無厭之日縱欲荒棄之時讓宜陳力就列直諫匡輔使其禮賢愛民練兵儲粟蓄威養銳待時而發則足以保其社稷守其宗祀豈不身名俱榮為不負國士之遇乎諸生豫氏里中人也設使身處其地將如何以自獻于知己者

問孟子論王霸有曰文王以百里蓋言文王之國百里之小國也他日齊宣王問文王之囿方七十里則對曰於傳有之夫以百里之國而割其十之七

嵩漢集

卷五

去一

以為囿則是城郭朝社田疇關市官民之所居賦稅之所出悉取足於三十里之中矣儉于立國而侈於為囿庸主之所不為也而謂文王為之乎善讀孟子者必有所見幸勿以不敏辭

問陽貨弗擾並臣於季氏皆名教之罪人也陽貨欲見孔子孔子不見公山弗擾以費畔召子欲往夫陽貨之於弗擾同惡相濟厥罪惟均若不可以差殊觀也而夫子待之或不見或欲往其不同如此豈無微意存諸其間乎二三子曰誦魯論於此必嘗究心幸質言之

問諸葛氏兄弟三人仕于三國其才氣雖不相類要之皆人豪也世乃謂蜀得其龍吳得其虎魏得其狗夫狗弗如虎虎弗如龍固也諸士子請言其為龍為虎為狗之實毋徒曰三國之人物云爾也

問宮商角徵羽五音也五音之於樂如五味之於羹五色之於文章必交錯相和而後可成也考之周禮春官大司樂祀天神地示人鬼之樂不用商聲及觀其佩玉也左徵角右宮羽而商聲亦不與焉果何所取義邪夫禮樂不可斯須去身者也請言其故

嵩漢集

卷五

去一

問聖人不思而得謂明睿所照萬象森然而無所追初不待思索而後得也抑周公孔子古之大聖人也周公仰而思之夜以繼日孔子終日不食終夜不寢以思見諸論孟者可考也所謂不思而得者何在予方思之而未得諸生其明辨以對

山西考定武舉策問三首

問武成王有廟祀太公望也唐開元間詔京都及諸州各立太公廟以張良配享復選古名將以備十哲每歲春秋仲月以上戊致祭如釋奠孔子禮其法至今踵行不廢而君子有異議焉或謂文武一

道自古未有不兼文武而稱聖人者豈孔子專文而太公專武邪抑孔子太公竝祀于天下果事理之至當邪或又謂太公望起海濱以輔周室丹書數語合符聖謨故曰若太公望則聞而知之特以時維鷹揚之一言人遂以武歸之而世所傳太公六韜蓋後人依託爲之者今岐文武爲二道而以武首太公廟貌徧海宇可乎不可乎近世輔臣建議謂宜祀太公望於歷代帝王廟以配享文武自餘諸將有戰伐之可紀者各祀于桑梓之地及立功之處可也其說何如諸生肄習戎事駿奔廟庭

日之所聞以對

問周官司馬大田之禮仲春教振旅仲夏教誓舍仲秋教治兵仲冬教大閱其鼓鐸之節旗物之用車徒之數誓誓之辭可攷而知蓋兵法之祖也昔人謂兵家之言無出於孫武兵家之典刑莫詳於穰苴兵家之講明莫過於李衛公不知三子之書亦本諸大田之禮否也嘗讀孫武詭道一言及先王詰戎之訓衛公假成於神之說失古人告廟之心穰苴謂夏賞而不罰殷罰而不賞周德衰而賞

罰無之亦不識帝王鼓舞天下之術若然則所謂立言之粹典刑講明之善何在也抑疵繆止此數語而尚有可稱可用者乎請宣其說以觀爾曾中之甲兵

問孫子十三篇吳子六篇兵家之經也合而觀之起之言兵也輕法制草畧無所統紀不若武之言言約而意盡天下之兵書皆不出其範圍焉考起始用於魯而破齊入魏而制秦入楚而霸楚績業甚偉非徒能言之者據武之書宜無敵於天下矣然吳王闔廬之入郢也而武爲將軍及秦楚交敗其兵越王入踐其國外禍內患一旦迭發武殊無一策以弭其亂善言兵者固若是踈乎抑著書之與實用有二道乎昔人有不讀兵書而行師屢勝者其有鑒於此乎試言之以徵爾蘓

家塾私試策問四首

問易曰王公設險以守其國故自古建都必擇四塞之地以據形勝而朝諸侯其爲國真安之慮至深遠也茲不暇遠引姑以鄉土之近事質之宋都於汴平原曠野無險阻可守而養兵以爲固夫以藝祖之智豈不知形勝之所在而卒定鼎於此何歟

宋人有著安都之篇者乃謂大梁可都不下於雍周果何所見歟慶曆初有上疏請脩固京城者大意謂太平則居東京舟車輻輳之地以便天下急難則守西洛山河之宅以保中原而當時諫院之臣乃詆其議以為嬰城自守之計且曰都畿之下先自擾之根本不寧四方何望其說孰為是歟靖康之變幹離不粘沒喝懸師深入寔兵家所忌何以卒得志而無少損歟想當是時國勢岌岌殆矣有勸幸襄鄧以避敵鋒者有請固守京師以衛社稷者其說孰為善歟論者謂方虜騎之未渡河也

高才文集

卷八

主

拒禦之計莫急於防扼河津可用汪立信沿江之策及虜勢不可遏也自全之計莫切於權行避敵可用唐玄宗幸蜀之策若夫車駕既行京城防守之計莫要於堅壁清野可用周亞夫斃具之策其說然歟否歟二三子生長是邦綏聞往事覽良岳之遺蹤過青城之荒址寧無黍離之悲乎試為宋等之當何如而後可

問古之名將求其文武忠孝智勇才藝如宋之岳飛者可謂一代之全材矣今汴城南之朱僊鎮寔其拜詔班師之地也維時金人渝盟南犯朝議征討

乃如少保兼河南北路招討使付以閩外之寄飛將軍有捷書日聞金虜敗衄銳氣沮喪亟欲棄其輜重疾驅渡河天時人事若有可乘之勢矣而和議方興金牌疊至於是引旆而還虜衆遂熾恢復之計不可復議已夫君命下臨其孰敢違之而近世儒者乃援將在軍君命有所不受之說以為徇君命之忠孰與報不共戴天之讎之為忠何不乘虜敗衄鼓行而前必殄滅羯胡盡復故土然後上表自劾其矯制進兵之罪而精忠報國之志可酬也此其說果可行乎抑亦有所難行乎諸賢

高才文集

卷八

主

往來朱僊之墟肅謁遺祠徘徊故壘雲沙四顧愴焉興懷其於班師之是非必有定論請著於篇以舒憫忠弔古之憤

問孔子無常師故其弘師稟老聃郊子之徒皆嘗有問焉問之則師之矣乃其語南宮敬叔而獨以禮樂之原道德之歸屬之聃則聃之所得豈弘稟諸子可得而班乎夫然則聃之學術固孔子之所取矣抑原壤學老子者也何以又深惡之至以杖叩其脛邪竊嘗攷論二氏之學孔子以太極兩儀四象八卦見生生之妙聃則曰道生一一生二二生

鄉賢傳一 四首

謙齋滕先生傳

嵩渚子曰汴城之東北二十里曰南神岡岡之右蓋有滕學士家云夫滕氏大梁文獻之世家也余少時鄉校時時聞長者談說故學士滕先生之文行心緒嚮往之比歲求其著述不可得適者獲睹其所著謙齋稿春容雅澹有足觀者顧殘闕漫漶存者殆十之二三而其所著春秋要旨竟不可見其平生言行事

金卷十九

實皆亡考間扣其子孫亦罔知焉姑據所聞而為之傳以詒來者傳曰先生姓滕氏諱克恭字安卿祥符之南神岡人初號耕學晚歲更號謙齋曾祖某貫南陽隨州之棗陽縣宋季金人犯汴闔門竄避祖旺尚童稚獨流移於開封縣東之迷回村依寓室高氏留與子共學逮長才力過人代理高氏田業有緒因娶南神岡李氏始終親睦無間言里人呼為滕高家滕氏之居南神岡自是始父敬甫耕讀教子不求聞達以先生貴贈翰林院經歷母沙高岡李氏贈開封縣君生三子長直卿善治生勤力農事季遜卿讀書執

禮鄉黨稱善人先生其仲子也性明敏勤學好問博

通經史尤精於詩書登至正壬午科進士始仕為江

陵錄曹公廨稍東有曲江亭遠亭盡植梅江澄景霽

芬郁可愛先生簿書之暇輒杖藜散步徘徊玩間

發為歌詩以寄一時之興而時人莫之知也遷翰林

院經歷累官至集賢院直學士尋致仕歸值兵亂避

地錢塘與鐵崖楊廉夫相友善先生詩律清婉南州

人士多傳誦之時中原未靖欲歸不可得而先生懷

鄉之心時見諸吟咏其寄李提舉曰錢塘經亂後應

是咸繁華遠信秋憑鴈遊魂夜到家兩江罹殺掠四

海廢桑麻何日重携手春風汴水涯送段大使還汴

白長淮杳杳暮雲橫君到夷門兩月程北擁關山猶

戰騎東連滄海未梟鯨千金竊念垂堂訓一笑誰成

搏虎名我欲買舟從此去寄書先為問柴荆嘗與諸

名勝讌集江閣酒酣先生口占念奴嬌一闕擊節自

歌之聲振金石一座盡傾咸舉觥起曰今日勝遊滕

先生高倡為江山增霽願書之閣壁以垂永久先生

輒然從之其辭曰百年塵世歎人生南北馬牛風逸

客思愛逢重九過霜重井梧彫碧往事難憑佳辰易

生到處留鴻迹浩歌聲烈同誰傾寫心臆回首淮海

煙塵兵戈阻絕難寄西飛翼獨倚夕陽江閣遍衰草
斷雲何極便解征衫掀髯一笑花下重酣適免教人
道西風門掩秋寂 國初天兵定河南先生復歸故
里洪武辛亥甲子二科河南鄉試守臣重先生名兩
聘入貢院爲考試官壽百餘歲終于家子禮字叔儀
有隱德著宗譜圖說或曰滕先生元儒也子錄 國
朝祥符諸賢而首滕先生何也曰君不觀一統志乎
一統志收輯 國朝河南人物固以滕先生爲首爾
矧先生洪武初兩爲河南鄉試考官蓋嘗有掄材之
績而又考終於 本朝余烏得而不首錄之君子曰
其人可重弗以官也是故余不著其官而題之曰譙
齋滕先生傳

菊莊劉先生傳

南陽之墟有菊潭焉其水極甘冽潭旁多菊莖短而
花繁色味異於常菊居民飲此水壽多至百餘歲劉
先生自南陽徙汴猶以菊莊爲號其靡忘桑梓之思
乎先生名淳一作字文中高祖眞知南陽府曾祖
武中書右丞謚武襄祖墳同知靖江路父光祖陽翟
令生三子孟深晦德弗仕仲溫樞密副承旨先生其
季子也自幼穎敏不群甫能言聞長老談論能解語

意輕重長嗜學問博物洽聞凡天文地理陰陽醫卜
諸子百家之說無所不窺居家孝友工詩書屬文繁
室穰中以文史自娛不求聞達元末兵亂中原鼎沸
先生避地洛陽洛陽士大夫愛其文行多樂與之遊
臺觴詠歌以待天下之清 皇祖開基兆民允殖
先生始出游四方所過郡邑有司交薦辭不就洪武
二十五年壬申以原武令陳義薦爲其邑儒學訓導
時兵燹之餘北方學校久廢士弗知學先生循循啓
迪靡間寒暑自是人文蔚興登科第者數人是時先
生年未艾乃遽曰吾可以已矣堅謝事去占籍梓符
洛田舍爲定居計杜門掃軌專力著述茅屋土垣若
將終身焉者維時 周藩方闢東書堂延訪耆宿爲
世子師會有薦先生學者乃禮聘就塾先生每進
講必先忠孝禮義俾王遠聲色貨利以無干 訓典
是故世子庶子守先生之誨咸知飭檢無驕縱氣習
云壬午右長史闕 王疏薦于 朝允之先生之爲
右長史也數有論諫如毀塌房酒務罷舍貧私惠減
省朴刑一切越禮度者咸更之持正匡輔不遺餘力
雖游衍燕閒弗忘規諷如中和亭熙春堂蘭雪軒虛
白齋悉爲箴銘欲 王知所警惕永樂甲申有騶虞

產於封內神后山表 獻京師先生作頌以張天休
端禮門夾路槐盛夏如蓋偶枯數榦先生歷陳外徵
進戒于 王王納其言脩省枯榦復榮 王乃書一
牌懸于樹上曰攄忠槐先生自惟久于輔導歎曰昔
人謂知足不辱知止不殆吾以衰老之年曳裾不已
殆非知足知止者歟乃懇乞骸骨歸臥夷門之下是
時年八十餘矣華髮丹顏耳目聰明猶親翰墨而里
中子弟樞衣從游者弗之拒德望風節士林竦慕學
者咸稱之曰菊莊先生洪熙元年先生卒壽九十有
七所著有菊莊文集白雲小稿脩辭正音四書解疑

關漢文集

卷之五

五

小學大學群經要義刊正王叔和脉訣纂迷傷寒秘
要皆梓行于世 周簡王追思教益繪像于東閣以
示弗諼之意後賜歸先生子孫今藏諸家

論曰余聞之梁父老曰菊莊先生元末寓洛陽時山
東丁左丞師魯河南寧節中子玉過訪曰子太平人
物也胡不乘時進取而乃清約如是先生正色應曰
士窮達有命奚用進取以苟圖貴富爲其操行峻介
如此 皇明啓運文士彬彬嚮用而先生初攝原武
教事造士寔多如禮科給事中王達太僕寺丞馬顯
河東郡守于瑒皆先生高第也及謝長史而歸邑子

來學者庭舍弗能容如陝西按察副使劉安揚州貳
郡孟安江華令韓肅齊東令方昭皆煙有聲譽不愧
門牆云詩曰豈無老成人尚有典刑又曰有斐君子
終不可諼兮嗚呼先生其流風餘韻衣被我後人多
矣今過其故廬誦其遺書寧有不欷歔惻惋而俛仰
懷賢者乎

蘇州府知府王公傳

王公觀字尚賓祥符人也賦性耿介儀度英偉善譚
辯長於應對 國初鄉試中式入太學問學識見朋
儕咸遜服洪武十九年 簡授蘇州府知府公爲政
嚴整多所興建發奸擿伏民憚之如神明有賜吏錢
英累構陷長吏莫敢誰何公廉得之以計縛至庭立
捶殺之由是境內奸豪屏迹人皆稱快事聞于 朝
皇祖嘉歎遣行人白思中賁 勅褒之且勞以酒餼
大侵民逋無所出部使者督之甚急公乃延諸富室
集郡衙飲食之使各量出貲以代貧困者之逋眾驩
然如指諸掌乃完 朝廷嘉其能榜諭天下以勵怠政
者今祠于蘇州府學稱名宦云

論曰往余有四明之役舟泊姑蘇接見蘇之二三耆
俊知余爲祥符人咸詢問故守王公子孫門第余告

以湮沒無聞久矣然一二耆俊又歷道姑蘇賢守王公之前有李亨魏觀後有姚善况鍾比有惠政及民稱姑蘇五大守迄今郡人思之不衰立祀學宮百世不可廢也語曰桃李不言下自成蹊其五大守之謂邪

刑部尚書趙公傳

趙公和字雲翰號雲澗祥符雲驥橋人也其父自邢蓋遷汴元季兵亂公方在襁褓母抱匿林莽間有虎至母懼置公於地虎熟視而去公自幼聰敏嗜學不倦稍長游郡校嘗暑夕寢覺舍中群狐採麻葉作扇扇之驅呼曰趙尚書苦熱吾輩敢憚勞邪公聞之寢益勵志讀書中洪武丁卯鄉試入太學被命公幹山東以才勤受襲衣楮幣之賜庚午授兵部職方司主事圖天下要害扼塞屯戍貼說以獻高皇帝嘉其能乙亥擢武庫員外郎慎密小心為當路所器重戊寅擢浙江右叅政時海寇為患公畫策捕之地方底寧尋陞外艱還汴文皇帝嗣位以公能專對命使交趾克宣國威遠東龍服歸卻金寶之饋上聞而嘉之錫賚優渥甲申擢刑部右侍郎未幾改工部再改禮部被命往封西寧侯宋晟歸

拜禮部尚書賜宴于華蓋殿仍徹御筵膳羞以遺其母士林榮之戊子仁孝皇后崩上命公詣北京卜山陵告成有楮幣之賜壬辰經畧創建隆慶保安永寧諸郡公撫輯調度咸中機宜而新徙之民各安其業罔知勞役焉丁酉改兵部尚書明年母歿守制還起復專理塞外戎政偶疾作上遣中官偕名醫往視少瘳入謝復令調攝于家既愈復命詣塞北訪牧地遂具順聖川等處以聞於是出厩馬牧之孳用蕃息壬寅聖駕北征命公總督軍餉公措置有方餉不告匱仁宗嗣位改刑部尚書在職六年度恪如一日初公為郎署時一人犯大辟死獄中出其屍實閉氣詐死也越四十年公為司寇其人復犯法公一見呼其姓名駭曰汝非曩死獄中者邪訊之伏辜人以為神宣德庚戌公年六十七累上疏乞骸骨上憫其勞特賜致仕既歸汴構一室於東郭外扁曰石泉茅屋公幅巾藜杖日與親友故舊酌酒賦詩以樂太平正統丙辰卒壽七十三上遣官諭祭命有司營墓事公遺賦完厚識見超卓質直孝友博學工詩文遭際明時敷歷華要歷事五朝才與位稱出與時合弼諧廟謨頌贊皇度

勛業在 朝廷惠澤流海宇而詩文特其餘事耳晚
歲納祿里居優游林壑著終于家榮名盛福終始完
備謂非一代之偉人歟所著有僉父集傳世長子愚
舉賢良方正善吟咏有葵軒集仕終丘縣尹少子魯
隱居不仕亦善吟咏有鶴莊集並藏于家或問於余
曰趙公以僉父名其集何也曰此公之善誼也按晉
陽秋曰吳人謂中州人曰僉蓋輕侮之辭昔陸機入
洛欲撰三都賦聞臨淄人左思作之撫掌大笑乃與
其弟雲書曰此間有僉父欲撰三都賦俟其出當覆
酒甕耳及思賦出機驚歎以為不能及也遂輟筆云
論曰吾邑趙尚書有異質善賞識臧否正統中錢塘
于肅愍公謙巡撫河南時公謝政家居于數造其廬
以前輩禮事之甚恭一日公執于手啗之出血于即
悟泣拜請教公不荅頃于出其孫恠問曰大人何啗
于手公憮然曰于好官惜不得令終耳曄史載郭林
宗符偉明許子將並有人倫之鑒識深甄藻懸斷終
身後無不驗頗類後世卜相之事然實無他術亦惟
資稟自力異耳尚書公有三子之精識而又以事功
顯遐壽終則尤異矣世謂天地間氣鍾為哲英非斯
人也邪

卷之七十九

嵩渚文集卷之八十

鄉賢傳二 四首

四川都指揮使張公傳

湖州府知府趙公傳

温州府知府劉公傳

鳳陽府學訓導韓公傳

目錄

嵩渚文集卷之八十

大梁李瀛川父

鄉賢傳二 四首

四川都指揮使張公傳

張公信字彥實河南祥符人也自幼穎敏過人垂髫為邑校生善屬文弱冠舉洪武己卯河南鄉試第一游太學才名茂著永樂辛卯拜禮科給事中尋轉刑科都給事中封駁糾彈無所顧忌人或為公危之曰為臣盡忠當如是爾未幾擢嘉議大夫工部右侍郎簡命河南等處疏通河道又開濬北京直抵南京一帶河道咸底績時民間選幼軍隨侍上欲得才望大臣綜理其事公應命往選數千人上親閱之無一不當益嘉其能居亡何羅內艱歸沐服闋還朝浙江奏江塘潮決崩塌工役浩繁上命公往治之不數月脩築如故水患訖息時仁廟在春宮雅重公頻加眷顧甲辰即位明年乙巳改元洪熙轉兵部左侍郎賜資金綺甚腴太師英國公張輔公從兄也奏公同族親乞錄功世襲乃轉文為武調懷遠將軍錦衣衛指揮同知尋擢昭遠將軍本衛指揮使爪牙近掖上時賜召見公知無不言多所裨益

德改元丙午有奏漢藩不軌者上命公往察之得其狀乃佐上率師擒之東土底寧都督蔡福叛交趾公受命往平之事竣還朝適四川蠻寇倡亂廷議推諄練戎務威信素著者往鎮撫之咸曰非公不可乃擢公四川都指揮僉事昭勇將軍如故賜書往公至蜀恩威並著三巴晏然尋擢驍騎將軍都指揮使公在蜀十五年廉勤如一日吏畏其明民懷其惠鎮靜一方名重寇夷蜀人以諸葛武侯再至稱之正統乙丑六月一日卒于官享年七十有一上聞訃哀悼遣官諭祭仍命有司護其喪歸葬沐城東之白塔原祖塋之次公忠孝質直出于天性雖寵遇優渥恒以盈滿為懼是故文資武階兼陳其崇令名盛福近世罕儼嗟嗟驍騎其有德有才之君子乎

論曰皇天純佑我國家允惟篤生輔佐之臣武戡禍亂文致太平書旂常而銘鼎鐘者固不乏人何其聚於一門之盛如吾祥符張氏者邪乃若河間忠武王王定興忠烈王輔寧陽恭靖王懋文安忠僖侯貌裕國勇襄公軌洎驍騎將軍四川都指揮使信文英武雋林立家庭麟服蟬冠輝映邑里謂非夷山沐水

之靈秀所鍾胡有是人物之環異哉驟騎舉解元位
司馬以元勛世族改就武蔭今子孫世襲指揮使當
代稱世胄之盛者必歸焉茲雖先世積德慶源深遠
而亦 聖朝報功之典敦篤優厚保全無數誠有非
前代所及也歟

湖州府知府趙公傳

趙公登字從善祥符人性鯁直言不苟發永樂癸未
鄉舉明年甲申登進士第拜禮科給事中乙酉以言
事謫四川忠州判官在任十餘年蒞事公廉惠政最
多稍遷雲南安寧州知州宣德改元丙午超遷浙江
湖州府知府操為益勵吏民畏服時 宣廟軫念邦
本慮元元或阨于饑 詔天下郡國脩舉 國初義
倉之制以備凶歉公奉揚 德意召區里之長及鄉
之耆民聚于庭諄切勸諭而里中富羨之家聞公言
莫不感奮願出穀輸之官不決旬輒得穀數萬石倉
廩弗能容公鳩工庀材增構若干楹乃選公正耆民
洎殷實淳良之夫嚴慎守護無知出納之數申明戒
飭委曲詳密大要以絕私無擾為本於是里社細民
皆懼怖鼓舞仰戴 朝廷生成之恩而永嘉更文簡
公准寔記其事安吉有費氏者豪橫武斷奪人子女

田園縣官莫能制公論被害者訟之乃列其罪狀以
聞竟遷徙其家而人口田產悉還之民郡中由是肅
然姦宄屏迹正統壬戌去任其治湖州十有七年精
白如一日云

論曰嘉靖癸未余自四明移官晉陽舟過吳興夙慕
若溪雪川道場山之勝弭節游宴者數日聞是郡百
餘年來稱賢守者二皆敝邑人前有趙登後有岳璿
竝以循良稱雖婦人孺子至今猶能道其政事吳興
語曰賢守趙岳 岳政卓犖蓋當時行父任法趙守郡
十有七年而岳則滿九載始遷去是故各成其名漢

湖州府志

卷之十

四

王嘉謂孝文時吏居官者長子孫以官為氏其二千
石長吏亦各安官修職莫有苟且之意其有治行課
最者輒以璽書褒獎增秩賜金亦不遽遷它任以重
斯民去思之心是以吏稱其職民安其業漢世良吏
於茲為盛東都以來數易守宰而朱浮左雄輩屢懇
懇言之可謂達治體者顧此法今亦不行久矣坐是
民愈困瘁而良吏鮮聞於世有由然哉

温州府知府劉公傳

劉公謙字自牧其先由北平徙居祥符曾祖彥和祖
士弘在勝國時俱隱德不仕父源素稱長厚嘗行道

見一婦捧盥盤覆水于街遺金鐲二弗顧而去源拾而還之後以公貴贈行在山西道監察御史公生於洪武己巳自幼舉止凝重異群兒祖母于其鍾愛之疾革命源於榻前指謙語之曰此兒器質不凡它日必光大吾門汝宜及時擇師教之語畢而瞑是時公甫十歲父奉遺命惟謹年十七遭補郡學生劾書攻苦永樂甲午領鄉薦辛丑登進士第奉勅給餉開陝登諭祭秦邸事竣還朝適洪熙改元乙巳復奉命鳳陽諸郡纂修文廟實錄宣德改元丙午授陝西醴泉縣知縣以廉惠稱丁未父歿守制還辛亥服闋被當道者薦擢行在山西道監察御史兩以其績考于銓部都臺俱上最時浙東平陽銀冶往往爲人竊發互相讐殺封城弗靖朝議推風力御史按蒞之公被薦往至則撫窮民禁奸宄其惠遂息且其地與金鄉盤石等三衛隣居民素被陵轢莫敢誰何公以法繩之不少貸境內肅然又壤接閩括健訟成風獄事輟興公聽斷明允風亦漸革乙卯冬溫州守何公文淵入爲少司寇適英廟嗣位改元正統丙辰春二月詔若曰朕祗承祖訓率循舊章敬天愛民罔敢怠忽軫念民艱責在郡守務求得人

期臻至治在京堂上官其各舉所知以聞於是少司寇文淵特薦御史謙爲温州守代已制曰可是歲冬公抵温州廉惠如在醴泉時嘗語人曰守與令雖官階小大不同皆職民牧赫赫爲威民不近也察察爲明民罔容也平易近民守令之道也人以爲名言丁巳夏旱甚公率僚屬齋沐禱于龍湫免冠跣行五步一拜募抵神祠禱畢俄陰雲四興大雨如注歲大熟一時名勝如大學士黃公淮狀元周公旋輩咸賦詩頌公有兩句黃堂心上來之句癸亥霪雨壞稼公祈晴復應有鹽運使王某秩滿而去舟過括灘夜被盜劫誣逮平民若干人公禱于城隍之神頃之罪人斯得開釋無辜公治郡善政甚多詳具章恭報公綸撰狀其家已亡其豪今不可考矣丙寅滿九載將考績北上適母王孺人訃聞公守制還哀毀成疾丁卯閏四月丙子公歿得年五十有九歿後乃有福建右布政使之命公孝友寬簡平居寡言笑外無矯飾性惡侈靡服食尚朴儉持正侃侃人不敢干以私子鵬成化乙未進士官吏部考功主事蚤卒論曰正德辛巳余竊祿東海上而台溫其隣壤也公暇嘗爲赤城鴈宕之游一日宿能仁寺偶會永嘉一

耆宿張鏐夜話耆宿爲余言其故太守廣昌何公文淵祥符劉公謙二公政事宜民之實余因細叩之耆宿曰何冢宰之知溫州也在宣德五年庚戌寔左都御史太康顧公佐剡薦在任僅五年乙卯五月浙江左布政使閩中黃公澤以何治行聞于朝宣廟賜璽書褒獎增秩二級掌郡事如故命未下而禮部尚書毘陵胡忠安公濂薦何宜大用乃擢刑部右侍郎英廟嗣位改元正統命何舉賢自代何颺言於朝曰求賢知溫州無如御史劉某蓋劉嘗監銀冶於溫之平陽既廉且才何親見其行事故特薦之

廣昌集

卷六

七

朝議俞然稱愜厥後劉知溫九年政蹟真與人之明何公有焉嵩渚子曰古之人有舉賢自代者如蕭何之於曹參丙吉之於杜延年于定國呂蒙之於陸遜周瑜之於魯肅王旦之於寇準咸樹立勛名不負所舉何冢宰之於劉自牧亦何嘗少忝於代乎易曰援茅茹以其彙征吉識治體者苟能脩明先朝舉賢自代之制請而行之必將有不忍苛竇積毒道側者矣

鳳陽府學訓導韓公傳

韓公忠字景賢別號南齋祥符之大寧坊人也上世

居趙州之韓村祖某仕元爲儒學提舉至正兵亂徙河南通許之棣城洪武元年始貫祥符公生未滿晬喪父時兄甫六歲門祚幾墜絕賴母姚誓守節不嫁迎外姑黃相依撫育二孤克底成立云公志行峻潔成童時晨興赴學出里門拾金鳳釵一持曰白母曰待尋者至與之少頃里人高氏號於路曰新婦歸寧遺失金鳳釵一疇其拾者公應聲還之鄉間高其行弱冠受尚書於郡博陳彥衡得其要義永樂庚子中河南鄉試明年會試下第卒業成均納交海內名士同學益充甲辰文皇上賓仁宗臨御改元洪熙

廣昌集

卷六

八

初國子祭酒精簡太學諸生學行醇正長於撰述者十人聽用六館會舉七十八人三試彙倫堂公皆在首選乃奉旨同進士劉謙等持節江南諸郡纂脩文廟實錄逾年嗣奉宣廟特旨就便采輯仁宗昭皇帝實錄一併進呈事竣還朝史館嘉之宣德庚戌會試公名在乙榜授湖廣襄陽縣儒學訓導迎養母姚于宦邸亡何母卒扶柩還服闋改鳳陽府儒學訓導矩範端嚴士習一變久之有退休志乃上疏乞歸得致仕時年五十有五而翰林脩撰吉水劉公儼爲文贈之稱其文章可以範世風節可以表俗君

子以爲無愧云公之歸也行筇蕭然惟圖書筆硯而已故無田有敝廬二間不蔽風雨乃教授於鄉以自給扁其座曰書莊硯田志無它也河南巡撫都御史慈谿王公來聞公名禮聘爲子師辭不往郡大夫敦請爲郡志總裁儀幣及其門峻卻之其介特如此公惻極群籍尤長於詩平生累千百篇皆冲淡典實無雕刻綺靡之習自名知耻豪安貧守道怡然終日年九十神清體健鏤下能作細書而湖南淮西兩地文武士感德慕義問遺不絕忠信之行人皆稱之無間言

嵩渚文集

卷之十

九

論曰余夙聞南齋之高風數訪其子孫求事實又弗得也頗以爲憾比者鄉進士陸生東持烟薰殘帙一束至云得之一圻者問其姓名寔南齋之後裔也展讀之乃韓氏族譜暨松江太守黃平衡夫爲公作畫像記陽武訓導陳頌永之爲公作贊二子皆名士紀載頗得其實因撮其大端而爲之傳嗚呼今公之子孫衰弱垂絕事猶有一圻者能藏是煙薰殘帙而不至湮沒也

嵩渚文集卷之八十

嵩渚文集卷之八十一

鄉賢傳三 四首

山東按察使李公傳

僉都御史祝公傳

陝西按察副使劉公傳

福建左布政使張公傳

嵩渚文集

會集上

十一

目錄畢

高渚文集卷之八十一

大梁李瀛川父

鄉賢傳三 四首

山東按察僉事李公傳

李公彬字以中祥符之埽頭人也祖延中積官至廣西右布政使父謙勅封文林郎行在山西道監察御史公性峭直疾惡甚嚴持論慷慨耻浮沉詭隨永樂癸卯以易領河南鄉薦宣德庚戌登進士甲寅授行在山西道監察御史正統戊午命按兩淮鹽法陞辭上疏曰禮鹹離定天人互成或刮于地或風其

高渚集

卷之八十一

二

水而淮南離利定甲天下其都轉運司正佐官監守財賄責任匪輕宜選廉正之士爲之臣竊行多方詢察有貪黷實跡者必劾罷之乞勅銓曹此後除補務求佳士往充其責果有清節著聞一體擢用則人不厭此官而離政修舉矣從之由是諸離吏自度不爲公所容者咸望風解印綬去壬戌勅清戎山西公單車入晉移檄軍司曰某嘗究軍旅空乏之由矣寔因本管官剋削影射俾隸行伍者皆實弱而後私門者皆富健先是止據尺籍勾稽徒勞無益某今惟密訪平素投托都指揮等官門下服役者罪之令

代寔弱者行伍其自首者宥隱蔽不悛者罰由是山西軍旅填實無復敢給役私門者癸亥丁內艱守制還丙寅服闋改浙江道監察御史戊辰擢山東按察司僉事三載當考績適巡按御史關負廷議借留代巡按御史決囚景泰辛未入覲闕下受勅諭壬申懇乞致仕歸天順甲申詔致仕五品以上官進階一級授中順大夫成化戊子卒享年七十有三公嘗自言曰吾自筮仕以來皆典憲臬謬以平反冤獄振厲風節爲已任居官二十年未嘗有枉于法者此心敢對越天日云

高渚集

卷之八十一

二

論曰余聞埽頭李僉事仕宣德正統景泰間歷官內外臺執憲繩違必行其志殆古之所謂剛者歟退休林樾晦迹養高與衆議趙公公壁即中賈公從矩運司同知蘇公士英別駕孟公至善布衣趙公仲晦爲詩社友倡酬欽燕過從里閭榮莫林酒絕無華靡縱侈之風嗚呼前輩風流今不可復見謾識于茲以示邑子

僉都御史祝公傳

祝公暹字孟昭河南之祥符人曾祖秀元國史編修祖天祥江西路總管父德銘隱居弗仕以公貴累贈

中順大夫都察院右僉都御史公資稟秀異好學弗倦治尚書爲郡學諸生之冠領永樂癸卯鄉薦宣德癸丑登進士第正統改元授戶部主事時簡庸孔克只伯寇西寧朝廷遣將擊之廷臣薦公材畧可任特命公督理糧運處置有方餉弗告匱戶伯就擒公之功居多未幾父歿守制還汴既免喪補工部主事居亡何復調刑部公明刑慎獄罔訖威富聽讞多所平反聲稱籍甚九載考績擢員外郎錫之誥命階奉直大夫封其二親尋擢郎中戊辰閏寇鄧茂七作亂攻陷城邑勢甚猖獗上命左都督劉聚充總兵官往征而右僉都御史張公楷寔監其軍又之不捷朝議洵洵上復命刑部尚書金公廉參贊軍務率京營精兵暨江西浙江等處大軍刻期會勦輿論咸推公才望宜用之於軍旅上命公綜理軍務隨師以行公料敵制勝多所裨益明年已巳斬茂七傳首闕下論功行賞擢公都察院右僉都御史理院事適北虜也先犯京師景皇帝即位念保定等府爲畿輔要地勅公往守其城公畫策防守有障禦之功士民皆按堵如故會虜遁去上賜綵幣白金以旌嘉之復予誥命進中順大夫

推贈其親如已官用表忠勤壬申英廟復壁廡精圖治百度維新乃簡拔才俊布列庶位甚眷注於公而公以疾在告召還京師就醫調攝竟不起時天順改元八月二十四日也得年五十有八上聞訃震悼乃遣禮部郎中李和諭祭于其第復命工部進士邢表督造塋域於汴城奉聖岡之北原皆異數也公位不滿德任用不盡其才君子惜之使天假之年逢時柄用必有大施爲以顯於斯世生民之大幸也顧仕止僉都御史而歿且絕其嗣寔哀願蒼蒼是乎不可知云

論曰吾邑祝公之歿也殆百年家世衰微其遺事莫有傳者余雅慕公之爲人欲爲之立傳詢其履歷政蹟僅見一統志所載大畧而已嘉靖丙戌余免官歸汴弗揣寡聞惓惓以表章鄉賢爲已任數向其家求之弗可得壬寅秋七月邂逅鄉進士陸生東屬其訪之越數日陸生走告曰昨聞祝公塋域中有墓表刻石竊意必悉其平生亟策驢造其下而刻石爲土所瘞乃假錚掘空盡露其刻而剔壤讀之於是祝公之履歷政蹟歷可考見時秋暑孔熾陸生立日中鈔錄以歸其好古懷賢之志可謂篤已余拜受披覽如獲

拱壁遂隱括其事而為之作傳如右

陝西按察副使劉公傳

劉公安字元靜世為大梁人曾大父貞博學工文辭元至順辛未以茂才薦授國子監學錄大父士謙讀書好客嘗於所居東偏構軒扁曰延賓每客至必設酒留款劇談今古臺臺忘倦父榮公直孚于鄉曲以公貴贈文林郎山東道監察御史母陳氏封太孺人公體貌敦厚少厲志節入開封郡學為弟子負治周易夜必衣冠危坐誦讀達旦久之大有所得朋輩咸退遜以為不可及登永樂二十一年癸卯鄉舉宣德

高唐文集

卷六十五

五

庚戌春會試南省中乙榜授山東金鄉縣儒學訓導克勤誨士部使者薦之擢山東道監察御史公慨然以功業自期明憲綱究律令劾姦洗冤振揚風紀事有難處者都臺必以屬公無弗竟者嘗奉命巡按南北京畿風裁峻整公在道九載景泰庚午春以大臣薦擢山東按察司副使用法平恕恒存欽恤之意至遇渠惡巨猾為民厲者則不少假貸由是吏畏其威民懷其惠聲稱藉甚逾三載丁內艱還汴天順戊寅秋服闋復除陝西按察司副使應詔陳時務三策一曰從祀謂我朝開國以來養士百年豈無真

儒可續道統之傳請勅禮官推訪著書立言扶翊

聖道者列諸從祀以風厲來學二曰軍務謂邊方軍士衝冒風雪不勝寒苦合議罪犯收贖照例米粟軍饟兼納頒給軍士為禦饑凍之需三曰水利謂濟寧上下凡有泉源去處宜疏通入河以濟舟楫

英廟可其奏次第行之甲申公年踰六十懇乞骸骨歸與汴中二三耆舊詩酒倡酬以樂太平壽九十餘歲配楊氏先逝繼室孔氏宣聖五十九代孫也俱贈封孺人子一曰珣公天資英邁識見迥出人表雖案牘滿前左酬右答各中肯綮又能以忠勤自持嘗會計遼東隴西倉庾糧儲毫釐有差則通宵不寐必求至當乃已自校官進御史終外臺憲副數歷中外三十六年所蒞非一方所職非一事輟車至止輒有聲士大夫聞其風者莫不景慕之

論曰余聞汴故老言憲副公歸田時囊無餘貲惟舊屋一區弗蔽風雨敝衣糲食出不能具驢車挾其壽獨高又曰憲副公清修好古晚歲嘗采輯古今詩文之粹者若干篇分為六卷題之曰資養真諸家塾以垂訓子孫今家世衰微而其遺事鄉邦無知之者余蒐訪百至父弗能得茲姑據所聞書之無亦使其湮

滅亡傳焉爾

福建左布政使張公傳

張公斌字質中祥符太寧坊人也幼醇篤嗜學宣德四年己酉鄉舉明年庚戌會試乙榜授陝西鞏昌府以修學訓導端嚴範士正統己未秋七月九載秩滿給由銓部選送行在都察院理刑甫半期考中庚申冬十一月 欽授行在浙江監察御史癸亥冬十月三載滿考申子春三月母喪守制還汴丙寅夏六月服闋改除雲南道監察御史已巳春三月六載秩滿兩考俱稱職是歲冬十一月 勅往密雲協贊軍務景泰壬申九載秩滿例當代而邊事孔殷時鎮守密雲古北口迤西等處署都指揮僉事張興等奏稱御史斌久理閩塞備禦有策獄訟公平軍民倚賴遇警督兵截殺累立戰功乞留御史斌仍在密雲整理邊事俾醜虜畏憚保障畿輔 制下銓部稽例議覆部擬陞正六品協贊軍務如故待事寧回京不次擢用 上允之天順戊寅冬十二月 英廟念公久勞于外 召還 朝 命都御史鄒來學代尋擢公福建布政司左叅政歷俸七載成化丙戌正月大監崇昇傳奉 聖旨今各省布按二司堂上官

關員數多六部都察院通政司大理寺三品以上官各舉所知一二員明著才行實蹟并堪任正貳以聞銓部仍會同 內閣從公酌量定以職事日後有犯貪墨連坐舉主於是 太子少保戶部尚書馬恭襄公昂等各保舉叅政副使郎中等官王銳等五十員各堪任布按二司正貳官銓部會同少保吏部尚書兼 華蓋殿大學士李文達公賢等遂擢公本司右布政使已丑夏六月江西福建二布政司左布政使關員先是御史戴用建言公薦舉以求實政奉聖旨方面官還照正統年間例保舉銓部行移在京府部院寺三品以上官俱詣 內府公同保舉輿論僉同乃以江西右布政使林鶚補本司左而福建右布政使斌亦補本司左云公適在 闕下以右布政使入賀 萬壽聖節明年庚寅春二月抵任公時年六十五矣乃鑒止足之義引年乞骸骨歸而巡視福建都御史滕公固留之公請之彌堅浩然還汴與里居諸耆俊劉公元靜丘公志高楊公文振賈公惟恭王公用誠斐公志善鄭公志道呂公伯謙和公振綱張公文吉為嘉樂會優游林壑考終于家 論曰吾邑張布政質直君子也余為諸鄉賢作傳數

向其家求誌狀行實無有也近據其家藏手摺止載平生升遷履歷仕止大畧而已及今弗錄將來愈渾臧不可考矣姑次第其年月書之俟詢訪有得當續爲補入以備一邑之文獻云

尚書文集卷之八十二

鄉賢傳四 四首

大理寺卿王公傳

僉都御史鄭公傳

三河縣知縣甄公傳

僉都御史岳公傳

目錄畢

嵩渚文集卷之八十二

大梁李瀛川父

鄉賢傳四 四首

大理寺卿王公傳

王公字仲宏別號厚齋祥符西關廂人也自幼穎悟絕人永樂間道士張三丰寓汴之延慶觀慕綠里巷見之抱視良久謂里人曰此兒奇特不凡它日必為河南人物貴顯不足言也童稚就塾師日誦萬言悉了其大義弱冠受尚書於長史鄭公義入邑學為弟子食家貧力學忘寢食正統戊午舉河南鄉試第一

金全

一明年會試南省登進士第授南京戶部主事董治糧儲釐董積弊時都御史周公銓總其事器重之九載秩滿用大臣薦拜江西撫州府知府撫地狹民衆號難治公廉明敏斷庶政脩舉郡有處士吳與弼甘貧樂道足跡不至城府公數造其廬談論竟日且薦於朝曰臣訪得本郡崇仁縣民吳與弼明聖賢之道篤踐履之實隱居教授自守甚堅年逾六十不求聞達其學行無愧古人乞禮聘錄用 上嘉納焉更有挾權要為奸者盜庫金自若公廉得其狀竟寘之法閩郡畏服郡故有商縉錢歲計累萬前守皆取

之謂之堂食錢公悉屬之官郡治旁有塘前守養魚以自給公實之為倉儲粟以備賑荒郡人題其壁曰關節一毫無地入公廉兩字有天知宜黃多山有虎為患公告諸神而驅之虎遁去金谿民聚眾數千欲為暴公聞之曰此良民也迫饑餒耳開倉賑之民皆感泣解散時都御史韓公雍巡撫江西乃上公治行于朝 上特賜誥命以示優異天順改元山東荒歉乃擢公山東右布政使奉 勅以往公躬歷郡邑宣布 德意賑餓殍撫流移黜貪殘鋤強暴民賴全活者甚眾明年擢右副都御史巡撫宣府公練士卒築城堡籌餽餉興屯田邊政政觀而權貴人不悅矣賴 英廟明聖諳毀不行無何大同缺巡撫復屬公兼理之時石亨與其姪彪驟遷忠肅侯特寵驕肆而大同乃舊鎮之地索取尤橫人不敢言公抗疏劾之以為大蠹大奸甚於此乞正典刑以銷外患未幾亨彪果以奸敗 朝廷嘉公忠直庚辰罹內艱還汴未踰年奪情起復將有南臺之命適大理缺卿上念大理持天下之平非公不可乃改公大理寺卿公累疏乞終制不許乃拜命公在大理精研獄情多所平反人無敢干以私者癸未卒于官年四十七

上聞訃震悼 賜祭塋公天性剛介慎廉隅重名檢
居家孝友自奉澹泊雖致位九卿服食如寒士視貨
財如汙穢俸入悉以贖宗族卒之日無以為殮南陽
李文達公時為首相雅與公相善厚贈之公平生嗜
學問博極群書尤精星曆詩文馴雅有厚齋集傳世
論曰孔子曰惟仁者能好人能惡人夫好惡天下同
情何謂仁者獨能邪蓋仁者心無私累其心公故其
好惡正王大理其仁者歟為撫州守則薦吳康寧為
巡撫則劾石氏一則為 聖朝增徵聘隱逸之美
事一則為 國家除大奸愚其好惡之正如此至今

會都御史鄭公傳

鄭公寧字志道別號靜齋世為開封之祥符人資稟
穎敏少治舉子業雖弗甚勤苦而業加於人正統辛
酉舉于鄉明年壬戌登進士甲子授刑部湖廣司主
事三載考績推封父母如其官已已擢本部陝西司
署員外郎未幾改湖廣司景泰改元庚午銓注江西
司員外郎六載考績擢廣東司郎中公之在刑部也

十五六年精于法比諸寮隸服直隸顧山周氏武斷
不法事聞公奉 勅往勘周託一京職懷金夜謁置
牀榻間趨出公追而還之曰勘問自有公道何庸賂
為其人慚謝公蒞彼竟寘于法壬申聞外艱還汴有
邏卒獲隣人為盜者賊咸曰此鄭郎中家物歸之公
不受曰物有相似毋相誣也甲戌服闋復除刑部山
西司郎中奉 勅清理南畿冤獄讞辦平反曲當情
理用是舉望益著天順改元丁丑 詔選郎署才望
老成者出任方面公被薦超遷四川右布政使

陸辭奉 綸音丁寧至再 命內帑給寶鑑光祿具

萬壽集

卷之五

四

酒饌以 賜之公入蜀適劇盜趙鐸嘯聚倡亂公擒
滅之撫臣以聞 上賜綵幣二襲以示嘉獎戊寅
入賀 萬壽聖節事竣還任有唐千戶者妖言惑眾
逃避深山中為咎自固撫臣徵兵議勦公曰此愚民
無知耳可不煩兵而解乃屏去兵衛單騎入咎諭以
禍福千戶感泣請縛不假兵力而地方以寧公嘗以
公事連坐或唁之公笑曰此公罪也吾輩公罪不可
無私罪不可有耳人以為名言成化丙戌公同保國
公采永征勦石和尚等功成受白金綵幣之 賜丁
亥九載考績進階通奉大夫贈大父父皆如其官葬

擢太僕寺卿仍食從二品祿戊子改都察院左僉都御史巡撫宣府時盛暑築城堡工役數千人天久旱有司祈禱莫應公曰此勞民弗息之徵也乃下令罷工是夕天大雨穡事有秋邊人胥悅辛卯閏內艱復歸汴蒙恩遣官諭祭陟庸畢詔奪情起復仍舊職公固請終制不允再至鎮軍民咸迎拜喜曰我公來矣逾期奉旨移撫大同公在邊鎮數年適疆場無事幕府多暇日延見境內士大夫咨詢民瘼次第舉行甲午以未疾乞骸骨不許凡三上疏始得請其歸也囊無餘貲居閒十四年服食澹泊數至匱乏丁未詔在京五品以上官以禮致仕廉貧不能自養者有司歲給食米四石公稽首皇養饗終其身弘治戊申四月卒公質直謹愿雖貴顯接遇鄉人殊優厚是故鄉人多稱之

論曰天順成化間汴中士風醇厚鄉大夫致政里居者情好甚篤絕無嫉忌而人品亦由是可見瀛為童子時敝廬與鄭公巷正相對檢閱鄭公謝邊事而歸與同時諸老為嘉樂會每會則薄醪常果簡儉易辨文談情話真如兄弟焉當是時宦吾邦者如巡撫江浦張公瑄布政眉州吳公節咸雅重諸老稱吾汴為

君子鄉且垂念貧乏時有餽遺以為飲饌之需公同會者十一人曰都御史婁公良左布政使張公斌丘公陵叅政楊公鐸副使劉公安叅議賈公恪王公豫僉事呂公益和公維運使張公遂皆年七八十歲而劉則九十餘幅巾藜杖禮度雍雍真有古昔敦龐渾朴之風嗟乎今不可復見矣里俗日媮疇其與正緬懷前輩為之慨然

三河縣知縣甄公傳

甄公鐸字文振祥符西關廂人也性剛方雅尚志操少游邑校故少保巡撫侍郎于公謙器重之正統丁

萬曆文集

卷之三

六

卯以業成貢禮部卒業太學景泰丙子授保定府定興縣知縣定興密邇京輦號難治公下車剪鋤頑兇撫慰良弱節縮浮費不逾年政令大行無敢梗撓者定興邑小路衝先是走迤馬匹及櫃扛什物堆垛繫縣民力疲敝農畝日荒而迤運不前公立法編定牌甲班次分番走迤合用櫃扛弗泛給由是民力寬舒農種不廢邑中有一二黠豪隸結京要官為親識素與邑長抗禮相往來通餽遺邑長皆折節下之公峻拒裁抑之有犯則繩以法不少假辭色黠豪怒大肆詆排煽構成獄公不受誣令子悅之京奏辯定與民

無男婦老少及籍我京衛者殆千人咸伏 闕聲公
寬乃准行勘使者密受風旨以威嚴臨公設炮烙于
庭欲公証服公神色自若不為之動使者隱几假寐
恍惚見公服幘頭者厲聲曰甄知縣好官汝宜存公
道使者寤大驚乃虛心鞠審事遂白 詔調它邑定
興民又騰章上請乞留故令鐸仍治定興 從之而
代者已至適公聞父喪守制還汴服闕補文安公分
民上中下三等躬親察驗弗憑里胥言賦役均平罔
有怨憾又教民植桑棗差其勤怠行賞罰今翁鬱成
林父老指示幼者曰此甄公桑也此甄公棗也其遺
恩在民如此秩滿改三河成化甲午公引年乞骸骨
歸得請即戒行李不終日棄世無以代步民
涕泣攀送不可留因相率各出微贖市一馬擁公騎
以歸公強從之曰吾抵汴即遣還民或有未信者公
既至汴即遣馬歸父老見馬至咸歎服以為近代未
有也丁未七月公卒得年七十有八葬于宋故城西
金明池之北原

務實之學而不工於應試之文此治世之所需而科
目所不敢取也貢則收之故有常貢有特貢常貢以
待中材而特貢以待異品則天下無遺材矣近世重
科而輕貢膺貢者窘于遲暮往往以前途短狹自阻
子女家計又從而驅迫之鮮有弗改其素履者乃若
服介踐方之死靡變雖摧挫百至而卒不少回如吾
邑甄三河者亦由貢出身也姑迹其返馬于邑一事
時壽春^苗之後僅見若人耳孰謂古今人不相及哉
屬者令競苟其竭澤而枯猶弗飽厥饕餮使者不以
為異顧嘉其能而薦之此民生所以日益困也臯
陶曰在知人在安民旨哉斯言帝王經世之大法其
在是哉其在是哉

僉都御史岳公傳

岳公璿字文璣河南之祥符人自幼以穎敏稱博學
善辭令景泰庚午鄉舉明年辛未登進士第選授南
京山西道監察御史丙子三載考績進階文林郎
錫之勅命天順元年丁丑 英廟復辟銳意維新
之化乃妙簡天下賢俊分任百職尤屬意東南諸大
郡而公以才望擢知湖州府下車首詣學宮謁先師
孔子矚廟學竝廢弗庇風雨公喟然曰廟敝如茲何

以妥靈學敞如茲何以造士乃論郡中好義者咸助
貲修之而先捐已俸爲之倡復擇諸生耆民爲實勸
敏者命之監督工役焉逾年落成舊時春秋丁祀樂
舞久廢公敦延大常嫺于樂舞者董正大成之樂以
肅祀事觀者爲之改容郡有何山晉何措讀書處在
道場山之西南麓宋安定胡先生寔葬於此公曰斯
郡爲安定先生教化之地而墓在境內吾不可不往
謁之至則封鬣荒涼樵牧擾擾乃考定侵界而封樹
之禁樵采者弗得入故有表思堂碧澗菴乃祀先生
之所亦皆廢乃又捐俸爲倡而僚佐以下洎郡中士
大夫皆樂爲之助立神道門開淤塞路構堂六楹道
蹤表思碧澗之制以嚴先生之祀君子以爲有裨風
教云郡城之內有水橫貫於南北曰雲溪溪之上游
有長橋焉名伏龍橋又名東駱駝橋寔往來所必由
者故有橋以木爲之屢修屢圯公建議曰木橋非經
久計也乃易以純石環以三洞規制宏偉民至于今
利之先是湖州屬邑田賦科額不一而加耗無定則
吏胥詭弊滋甚公疏其利病于 朝乞每畝正賦外
加耗一斗餘瑣瑣罔民者悉蠲去 制曰可遂著爲
令郡邑稱便公在任九年民懷其惠成化丁亥考績

高唐集

卷之五

九

受 誥命進階中憲大夫尋擢山東左叅政未三載
聲稱著聞超擢都察院右僉都御史巡撫遼東甫履
任遽卒時辛卯七月也得年五十有二所著有仕優
小稿公襟度恢廓不屑屑細故臨民以寬弗事苛刻
而事亦無不舉者故所至人思之

論曰余曩會司空歸安蔣公瑤於夷門時公以副都
御史巡撫河南亟口稱岳湖州政蹟之良以爲今不
復可見且曰岳在湖州則爲名宦久已祀之學宮與
安定胡先生聯俎豆蓋胡以教岳以政也其在梓符
則爲鄉賢宜與韓伯俞聯俎豆蓋韓以孝岳以忠也

高唐集

卷之五

十

余歎賞其言今開封郡學祀岳公於鄉賢祠寔奉時
公檄云嗟乎岳公歿殆八十年其家衰削無應門之
童余爲諸君子作傳數向其家索事實片紙無有也
聊據所聞於父老之口及湖州士大夫所稱者書之
其爲南臺御史及山東叅政時事亡可考姑闕之以
俟知者

高唐文集卷之八十二

嵩渚文集卷之八十三

鄉賢傳五 四首

湖廣叅議王公傳

陝西按察僉事呂公傳

長蘆鹽運使李公傳

濟寧州知州傅公傳

嵩渚文集

會錄全

目錄畢

嵩渚文集卷之八十三

大梁李瀛川父

鄉賢傳五 四首

湖廣叅議王公傳

王公豫字用誠世家河南之祥符其先皆飭行不仕父和醇厚好施予贈禮科給事中公生數歲父母相繼亡為世父所鍾愛稍長嗜學不厭游邑校以才俊稱試當廩食再讓諸同儕之窘匱者監司賢之景泰庚午鄉試中式甲戌登孫賢榜進士乙亥拜禮科給事中立朝蹇諤持大體不為矯激之行天順丁丑

嵩渚文集

會錄全

英廟復辟益開言路公感激論事上章疏最多顧不欲留稿以故世鮮有知者是歲冊封天下諸王公詣楚府為輔行餽贐一無所受當時贈詩有操守一廬清似水之句人以為實錄庚辰殿試充掌卷官辛巳安南國王黎濟請封廷議推公偕通政司叅議尹公旻往道經廣西聞潯內難乃飛騎上聞取進止詔令還朝後國人奉濟第灝當立復表請上仍命公偕翰林學士錢公溥持節往封至其境公與錢公議曰蠢茲蠻夷獷悍昧禮弗諭遽入或有忤如辱命何乃移書論辨至五六既格服始

入其國瀨俯伏就位無敢異事竣覲膳甚腴公峻卻之交人有歌頌詳具使交錄中甲申以年勞擢湖廣布政使司右叅議奉勅提督太嶽太和山宮觀兼節制均襄軍民事公操為益勵威惠並施事神理民精白無貳成化乙酉丙戌連歲大侵公悉心賑救無遺策賴公存活者甚眾有劉千斤者嘯聚剽掠荆襄間王師征之公被薦督餉時賊勢孔熾道梗塞公轉輸不乏賊既平受勅褒獎時有諷公以子寬籍伍中徵爵賞者公笑曰饗功俸錄為子孫圖非吾志也已而上言鄧襄通寇淵藪今雖平靖尚慮有後變

高濟文集 卷之三

制曰右叅議豫其提督所司操守城池防禦奸宄如有盜賊生發與鎮守總兵等官計議斟酌施行公在均十年律已愛民如一日前後凡奉璽書十有三雖事與中貴偕然心公而直中貴亦知重公無所沮甲午秩滿軍民保留乞再任從之賜食三品祿尋解印綬去去之日囊橐蕭然歸逾七年卒壽六十有三子緯成化丁未進士歷官工部主事改兵部主事貪外郎即中終山西布政使司右叅議卒于官勤敏雅飭有父風

論曰余弱冠時與山西叅議章憲先生之子泊遊雅

聞其家世頗悉泊嘗為余言其祖朝請府君居家孝友平生無私謁無苟取終其身無婢妾之侍其謝事而歸也琴書之外無長物然雖貧而未嘗干人以私每出乘巾車與里閭故舊酌酒情話怡怡如也君子曰王公歷官垂三十年纔兩任其為人可槩見矣彼善巧宦者或一歲屢遷不數年坐致卿相之位視公之紆徐淹滯其有不以為迂且拙者邪雖然清議固有攸歸也已

章憲傳別號朝請府君謂公也說見文獻志

陝西按察僉事呂公傳

呂公益字伯謙別號梅菴世為梓符人祖仲賢父傑並以長厚稱公性資闊達正統元年丙辰入邑學擢藻綴文冠群士十二年丁卯以書經領河南鄉試景泰五年甲戌登進士明年乙亥授陝西道試監察御史是歲九月昌平侯楊俊以數倫事為家人楊榮所奏穢跡既著於是刑科都給事中王鎮等浙江道監察御史費廣等會劾之詔下都察院鞠問諸御史皆難之維時掌院事太子少保兼左都御史蕭文昭公維禎乃以其事屬公竟抵俊于法十月奉勅印烙直隸鳳陽等府馬匹時廬州府無為州等處連歲旱蝗虧損馬三千九百餘匹小民窮困弗能償公為

上疏于 朝得蠲免丙子八月實授本道監察御史
天順元年丁丑五月巡按廣東時都察院右都御史
耿清惠公九疇欽天監掌監事禮部右侍郎湯序各
奏稱在外大小問刑衙門見監輕重罪囚或有冤滯
上干天和行移巡按御史會同三司官逐一審錄有
可矜疑者具奏未減公星輒通歷郡邑夙夜清審多
所平反而廉欽化州等處蠻寇猖獗攻城邑荼毒
生民公會同鎮守左少監阮能副總兵都督同知翁
信按察使方官左參議熊鍊都指揮僉事孫旺等督
兵進勦身親矢石掃平巢穴已卯三月得代回京十
月 勅往直隸通州直抵山東東昌府緝捕寇盜明
年庚辰二月地方寧謐還 朝三月石亨姪瑯大同
都指揮使廖傑不法事聞 朝議行巡撫都御史王
公宇勘問適字議事回京患背疽未愈公被薦代字
往問傑伏辜六月 勅在京巡視九門并提督北城
八月德勝門奏各山軍民不知何故驚疑移居入城
公奉 旨詣西山一帶撫安人民九月終事定還
朝仍巡九門是月 勅封父如其官母妻俱孺人辛
巳十一月提督通州糧儲并巡視李家莊等處草場
壬午六月六年考績十月督捕眞保定大名等府寇

盜癸未三月巡按隆慶州并大同宣府二鎮所至著
風紀之績甲申擢陝西按察司僉事成化丙戌春考
察被廢公解官歸居鄉三十餘年謝絕人事不輕至
公門惟 慶賀 聖節長至元旦暨郡大夫敦請
鄉飲則一出杜門省愆安貧俟命壽八十卒公蒞官
十二年任事敢爲不避險難人多以顛目之竟以顛
獲免官
論曰余少游開封郡學充弟子員每春秋丁祀有事
於文廟周覽廟制規撫闕敞心竊仰歎老生謂余曰
汝知廟式之所自乎此吾邑前輩呂先生之所經畫
也曰何以知之曰天順丁丑呂先生巡按廣東而會
城學宮久敝弗稱祀事先生甫下車首謁文廟目擊
廢墜乃下令修建斟酌損益曲盡其制有圖藏于厥
家成化間吾郡守河東張公岫奉檄修學咨訪格式
適先生致政里居出圖以示守持圖白于臺省咸稱
善因如式更新云又曰汴城倉西街先生之舊廬在
焉汴人呼倉西街爲呂御史街云
長蘆鹽運使李公傳
李公璵字廷瑞祥符之馬尾墻保人家于汴城東四
十里曰埽頭曾大父肅恭元樞密都事父節永樂甲

午舉人為州判官操持清苦坐汗鹹免官公刻骨痛傷之益底厲志節景泰庚午以春秋領鄉薦甲戌登進士授戶部廣西司主事勅權濟寧舟課甫期積額外羨銀數萬兩盡輸之官不以一毫私已由是廉聲峻著擢四川司員外郎復奉命稽察畿內諸郡縣府藏所至先封其倉庫按籍覈之典守者弗得彌縫旋補盡得其侵漁虛耗之狀劾罷黜者若干人未幾擢浙江司郎中階奉直大夫受誥命居無何公墜馬傷足難于步履朝參弗便時盧氏耿文恪公裕為少宰與公同年進士雅重公且念其守官苦節高潔集
一參之五
六
家業未立乃以其故言於部蒙憲遂擢公長蘆鹽運使是欲其循常例為自腴計公聞之笑曰非吾志也既抵任嚴立條格分毫無所取其應得俸金恒寄予宗族為婚嫁費又賙濟里閭親故之貧乏者及致仕還篋皆無長物惟故人某贈赤壁圖一幅時人比之李及白集云宋李及知杭州未嘗市與物比去公既歸仍居埽頭田廬弗增益尺寸貧不能餬口乃以訓課里中童蒙士為業宜人王氏晝夜紡績不輟終身無怨言公林居二十年貧益甚每出門徒步不能具驢車時有米知縣者知公賢數有餽遺公不卻亦不

致謝藩臬諸公按部屬邑由城東官道者輒枉駕數十里造公公亦弗能備醪饌欸留坐久惟再茗而已子一蘭駭不能任事公不欲蓄財以益其過汴父老嘗曰李運使簡靜朴直甘澹泊耻干謁歲惟春冬鄉飲入城赴宴宴畢即出城返村舍未嘗輕身一見官長然官長顧有轉加敬者亦有惡其太簡伉云論曰余聞國朝廉吏出自吾郡者有鹿邑軒公輓太康顧公佐二公之後乃有梓符李公璵云李公歷官三十年皆典財賦其歸也貧窶特甚乃訓家村墟以自給其死也弗能具棺殮當時藩臬諸君子合銀十兩以賻始克襄厝嗚呼清修苦節非人情所甘也李公秉介貞固終始靡變而絕口不自言其廉庶幾清畏人知者哉胡惜乎子孫衰微無業儒者故其事實亡可考近屬門人李生華曾訪求之僅得其平生之槩如此噫使及今不為之傳後世豈復知有李運使乎濟寧州知州傅公傳
傅公皓字孔陽別號暘坡居士梓符人也公天性篤實外和內剛少苦學夜誦徹旦以書經舉景泰丙子河南鄉試第二人上春官不第卒業成均成化辛卯

銓授順天府通州同知寬厚平易得吏民心在任八年民惟恐擢去戊戌通州守闕負百姓老穉千餘人叩闕上章乞擢同知皓為守會使者交薦銓部稽其勞績又當遷遂擢通州知州通州密邇京師是水陸輻輳之地勲戚宦寺田莊居大半素號難治公一切裁以法凡驛遞船馬饋遺非度者悉寢不行諸權貴干索弗遂中心甚憾然媒孽之無所得竟亦不能害云鄰郡邑有冤獄弗白者咸赴愬使者願下公聽斷使者如民願屬公輒服公盡心民事嘗上疏論戶口食鹽民鈔炭輸官鹽無給不報公因通融里甲立取鹽法郡中至今踵行不廢有清軍御史按郡捕得迹伍者親識即繫之獄遣行以代公歎曰無罪而代戍豈制邪緩之令以情奏竟免公為守十有二年弘治庚戌考績陞朝列大夫俸級改知濟寧州通民泣送數十里戀戀不忍舍去濟寧亦要衝郡政務繁劇公守濟寧三年節財愛民惠政懋著癸丑公年六十有三請老歸汴又七年己未公卒享年七十公前後典州郡二十有三年清慎無間終始

論曰龐公有言人皆遺子孫以危我獨遺之以安吾鄉州守傳公其有見於是乎傳父又剖州符淹滯不

調平生所積俸金僅三百兩歸置城東田數百畝其子孫至今守其遺業耕讀不廢非所謂遺之以安者邪嗚呼後仕者可以永觀省矣

嵩渚文集卷之八十四

鄉賢傳六 四首

四川參政袁公傳

南京兵部尚書王公傳

副都御史陳公傳

通政杜公傳

嵩渚文集

目錄

目錄

嵩渚文集卷之八十四

大梁李濂川父

鄉賢傳六 四首

四川參政袁公傳

袁公江字自岷祥符之新興村人自幼資性超異讀書過目輒成誦不忘弱冠落筆有警彙語年十九領天順壬午鄉薦時東平梁御史覲巡按河南寔監臨鄉試有劉僉事瑄者與梁有隙疑公年甚少而一舉輒第暨同榜祥符人唐昭杜明皆指為梁所私併劾之英廟覽奏勅法司提解御史覲僉事瑄舉

嵩渚文集

卷之八十四

人江昭明俱械繫至京下館閣覆試咸入格得釋乃罪瑄誣奏覲復職江等舉人如故明年癸未春二月公入南省試適文場火詔改秋八月會試既揭曉河南壬午榜止中公一人厥後唐乙未進士杜戊戌進士而公論益白云乙酉公年二十一始聘致仕左布政使丘公陵之女為配初授戶部主事奉勅監督徐州倉糧出納嚴慎時有中貴人倚勢乾沒公奏黜之自是後無敢肆者成化辛丑母吳安人歿公守制歸居于汴城東之百餘里新興村舊廬足跡不至城府而提學僉事廣安吳公伯通同年也數命駕

往造翌日始還。癸卯冬，南畿撫臣劾兩淮鹽運使白行中不職，罷之。乞擇公廩素著者爲運司之長。公服制垂滿銓部，扣公闕期，擢兩淮鹽運使。明年甲辰，履任。公規畫課程次第，徐疾一以至公行之。貴戚歛跡，商竈咸稱快焉。運司有同知王某者，出納弗度，公移書戒之曰：「齷齪政，吾惟總其大綱而已。出納冬有司存，執事虛出實收，有監法守，似非明哲保身之道。某叨廁寮案，敢布腹心。王慚謝自新，卒免困躓。丙午冬入覲，戒行白塌河巡檢某以黃金實酒，繞中餽公。陽曰：「此秘方藥酒也，可卻病延年。」公嘗而遣之。巨商劉武錦，末舍餘也，暮夜懷黃金二錠爲贖，叩首畢，拋金趨出。公追還叱卻之。弘治改元戊申，廷議各省通貢孔多，乞選補督賦之官。公被薦，擢四川右叅政，督理糧儲。簡書嚴重，公兼程之任，便道過汴，累世家產頗豐，裕公悉讓與諸弟。若姪而自置宅一區，纔直二百緡，爾旣抵蜀，巡行郡邑，無少休息，條祛奸弊，殫厥心力。未歲餘，察出隱蔽官賦及夙逋在民者若干萬，督屬徵完盡。解戶部，大司徒題奏旌獎，以風勵天下之職餉者。公驅馳勞瘁，疾作，或有勸其自逸者，公曰：「其既受上知，敢復愛其身乎？」未幾，疾大作，竟卒。

于官得年五十，公坦夷無物，平生以清慎自將，歷官三十年，典司財賄，無所點污。顧年僅下壽，用不究其才，君子悲之。

論曰：甚矣哉利欲之移人也。往余過維揚，聞兩淮都轉運鹽使司爲分司者三，通泰淮也，爲場者三十，淮南二十五，場則皆前淮北五，場則皆曠而鹹，離之利甲諸天下。漢吳王濞鬻鹽，致富即此地云。是故司離之吏往往沉沒，蓋其通商鬻鹽之弊其來已久，歷數運司之長自袁公以前多以墨敗而升遷者，寔自公始。公爲運使六七年，力修鹽筴之政，廉聲茂騰，顯陞方岳，可謂運綱之卓詭者矣。夫離司利之府也，離之歛散紆急由其掌握，而商人奔走之故不爲所動者鮮矣。嗟乎吏無良而漁商以自腴及償乃績，輒快快志曰：「職守累我也，豈不大謬哉！」

南京兵部尚書王公傳

王公繼字述之，別號樺菴，梓符人也。祖覺王父瑄俱以公貴，累贈資善大夫、戶部尚書。公自幼神采聲骨與凡兒異，甫五六歲，即能誦詩讀孝經，見片楮必拾取，請父紅書模寫。年十二三，從鄉先生孫公信學，終日端坐，不與群兒戲。正統戊辰，巡按御史豐城徐公

謙選入開封郡學充弟子員公初名維涂公謂同摩詰更今名云公在郡學數年大肆力於二載禮師友咸器重之景泰癸酉父歿值歲歉公養母撫弟孝友兼篤丙子免喪復學巡按御史賈溪高公明試優廩食益力學靡怠天順己卯鄉試中式卒業太學成化丙戌舉進士戊子授雲南道監察御史奉勅督理兩淮鹽法肅條夙弊國課以充辛卯巡按山西監臨鄉試搜閱汰卷中得陶琰主槐二卷連舉解元衆服其明晉藩侵奪居民廬址百餘家民甚苦公擬奏震怒乃不敢肆民賴以安宗室分封忻州者

盧縱特甚公疏其罪狀以聞詔遣中貴按治竟幽其首惡餘黨悉賞以法忻人大悅太原郭外有惡少守瓜圃見少婦抱孩過欲犯之婦怒罵惡少乃誣告婦盜大瓜二又以平日所失瓜盡誣之公麾婦出令取大瓜二償之仍給留孩償平日失者惡少喜亟取瓜孩不能兼公叱之曰汝爲壯男子且弗能兼抱瓜孩矧一孱婦孩在抱不可下豈能挈一瓜行邪惡少慚沮服罪高平富民牛氏子殺人賂其婿代死民婦某氏後姑誣以不孝二獄俱成公辨其冤奪與民婦俱得免牛氏子棄市人以爲神癸巳巡撫陝西都

御史馬公文升以邊塞屯政久廢場儲匱乏疏請才力過人者往任之擢公陝西按察僉事督理屯田先是屯丁恃頑弗納租歲以爲常公一切繩之以法自權貴始不數月逋負告完公乃令造魚鱗冊四至昭晰易於稽察甲午巡撫榆林都御史余公子俊鍾削邊山自榆林東抵清水營工役繁浩屬公董之刻期而完丙申巡按甘肅監察御史許公進惡邊民水利爲勢家奪乃以其狀聞上命公兼督其事乃令造河渠溝渠軍民田畝冊量地多寡以時分旣自是豪強者不敢專其利西人至今德之戊戌鎮守中

貴劉祥侵占塞下田公上章劾之謫裕陵司香已亥擢固原靖虜兵備副使奉勅撫安高橋等處土達公繕城堡慎烽燧造兵車鑄火器先聲遐振虜不敢犯宗室在平涼者許構大獄逮繫千餘人巡撫都御史程公元檄公按之公任怨推鞠盡得其狀奏上奪首惡者爵其次減祿示懲辛丑擢山西按察使父老咸迎拜道左踴躍喜曰廉明御史復來也晉俗自新正至上元好施獄而宗室皆戴牲饌香錢器具竟入官府獄中莫之禁公諭示不可風頓息汾州宗室不法事聞上命巡撫都御史何公喬新

按之檄公往勘公執法窮詰無少顧忌踰入

上幽其子而勅責其父前是有希進用者奏山西

紫碧山有石膽能延年上遣中貴採求經年不

獲民皆告病公下車令取小石子一升以示中貴中

貴怒曰汝等不肯用心此塘塞耳石膽載諸古書何

以謂無公曰鳳凰麒麟皆古書所載今果有乎矧山

西連歲荒歎民不聊生何為久擾於此乃毅然上疏

寢之人皆稱其有回天之力癸卯丁范太孺人憂歸

屬官有賄諸途者悉峻却之丙午免喪改福建按察

使鎮守中貴受民詞批臬司公罪其告者竝以中貴

濫受民詞入公移中報之自是批詞訖息丁未擢山

西右方伯抵任甫三日適福建江廣流賊剽劫三省

靡寧擢公為都察院右副都御史往勦之命初下

屬吏有不職者皆望風解印綬去比至選將練兵指

授方畧元兇就縛餘黨悉平弘治庚戌上以哈

密為甘肅藩籬其城為土魯番所據擣其王印乃

勅公巡撫甘肅公至運籌畫策按兵不動大振天

威以俟其自屈土魯番果納款請降歸其城印公乃

議取舊王姪陝巴襲忠順王爵兵不血刃而西陲底

寧上賜綵幣白金以旌嘉之壬子擢南京兵部

右侍郎南都黃無廟宇借民舍以居公渡江即捐已

貲買民舍為公廨後至者便為南都士大夫至今以

為美談丙辰召入為戶部左侍郎提督京通倉場

糧芻丁巳九載考績進本部尚書仍總舊職公以朴

忠受知孝廟特賜大紅絲織官袍以示寵異辛

酉改南京刑部尚書乞便道展墓賜寶鏤千二百

錠為道里費抵家未逾月復改南京兵部尚書參贊

機務典司留鑰云公老成持重歸然為黎庶具瞻縉

紳標表凡處京畿大事不動聲色而悉中機宜內外

臣僚罔不帖服癸亥夏四月乃以病乞休諭留之

命方下而公逝矣壽七十有一訃聞贈太子少

保命官諭祭遣職方郎中姚璽護其喪舟以歸工

部進士吳玉榮營葬事公器識宏遠守身廉潔正色

立朝耻依阿取容剛方嚴毅不畏權勢雖位極人

臣歷宦四十年而休貲無所積財貨不動其心志思

慮不及於子孫怨惡不施諸鄉黨所謂中流砥柱公

實有焉子一鳳儀以恩蔭補上林苑監署丞終南京

戶部照磨

論曰弘治間中貴李廣以左道見寵任權傾中外大

臣競賄結之多驟遷樞要樞眷公獨不與之通或有

諷其隨時者公愕然曰吾三十年孤燈終始也肯渝節乎人間其言咸歔笑以為迂戊午廣懼罪欲藥死科道官劾論交通大臣某某上憫其人衆悉宥之翌日早朝空班謝罪惟公與兵書鈞陽馬公弗預垂紳屹立無忤色焉當時在廷諸臣雖荷朝廷優容不之究然亦漸罷去之而鈞陽祥符之名自是益著嗚呼卓哉二公其斯以為大臣矣乎

副都御史陳公傳

陳公琰字大王別號朴庵其先陳州人後徙太康元季兵亂再徙汴遂為祥符人大父景文隱德不仕父

高者集

一卷之四

八

敏中永樂丁酉河南鄉試仕山東濱州儒學訓導並贈通議大夫都察院右副都御史濱州公以漢藩誅誤發戍甘州左衛生公公幼而奇穎年十二縱筆為舉子業已可觀天順己卯年十八遂領鄉薦成化壬辰登進士丙申授戶部江西司主事丁濱州公憂免喪復除本司丁未擢廣西司員外即弘治戊申署山東司郎中庚戌實授公在戶部最久以清慎著聞時廷議鹽法久壞請遴選部屬有才望者清理之部尚書舉公往治其事公搜剔弊端權貴人侵奪鹺利者始皆知畏畿內大水敗禾稼公奉詔賑救饑民獲

免死徙事竣陳言十事其間言權貴人役民之害尤切時弊由是聲名益著辛亥擢江西左叅政在任逾五載悉心政務適建親藩公規畫摘宦省財力鉅萬丙辰擢福建右布政使事有利病當興革者公必與同官商確次第舉行不肯專主嘗惟文移有亂真者猝不能辨一日廣得偽印十餘顆皆老軍吏為之公擒其人悉寘于法閩城中有渠通潮汐縱橫如井字形埋塞六十餘年公建議浚之伐石甃堤凡十餘里舟楫通行物貨易致至今民以為便丁巳轉江西左布政使父老遮道逐公喜曰是故陳叅政邪公下車

高者集

一卷之四

九

即除民疾苦數事先時有橫取于民者公為委曲裁處上下無怨且謂累歲盜賊不息實因民困於征輸所致公為均其賦稅民賴以甦戊午拜都察院右副都御史總督南京糧儲出納月以數萬計江浙湖廣例有方面官部運歲或不時至公移文促之俾如期集自京衛烏龍潭至江北鳳潁諸倉創置歲久舊制特設二部主事一人專理修葺顧工役苟且隨復損壞公至親為料理視如家事又重建若干楹皆堅固可久實有裨國計云庚申八月二日卒于金陵官舍得年五十有九歸葬汴城之柳林原從治命也

初濱州公謫戍甘肅時慨歎汴為故里有首丘之
念公自居官以來常令家人葺治大梁舊廬為歸老
計孰竟卒于官其所後奉公之志還葬柳林蒙恩
命有司 諭祭營墓余童叟時嘗讀書于公塋域中
之夾室頗聞其家世履歷之繁如此

論曰天順初 內閣岳季方先生謫戍肅州鎮夷所
寓居於甘都憲公營執經門下獲指教為多立身從
政之道固有所授爾公生長邊陲習見戎虜其於地
方要害險夷將帥貪廉勇怯士馬疲敝彫耗之故無
不周知居常自奮曰吾安得為邊鎮巡撫必盡革風

萬道集

一卷之五

十一

弊務期軍威大振誓捐軀以殺賊其素志如此當軸
顧用之於南畿總督糧儲尊榮宴安在他人則甚願
不可得而公之心殊不樂也公積書甚富有志歸老
夷門擬徧讀焉竟卒于官而籌邊報 國之心晚年
肆學之志俱未之遂可悲也夫

通政杜公傳

杜公明字文昭別號養素梓符人也其先有諱旺興
者仕元同中書平章政事父源以公貴累贈奉議大
夫通政司右叅議公安貌俊偉司寇金堂杜公銘為
即中時以公事至汴見而異之試其文優乃遣公邑

學為弟子貢擇諸生中有文行者俾從之游公時貧
甚顧刻志讀書靡間寒暑兩肱當几處未為之穿由
是業益進領天順壬午鄉薦成化戊戌登進士第拜
禮科給事中封駁克慎有聲諫垣維時陝西甘肅洮
河岷州等處邊儲積弊滋甚公以才望奉 璽書稽
察之乃會同巡按御史徐舟暨陝西藩臬二司自成
化十三年以後各倉場糧芻一二盤驗洗姦剔蠹風
采凜然凡黜而罪者若干人 人不以為刻成化末
言事者尚細故多被譴謫公掌科事最久多所建白
務持大體善類倚賴之丁未春正月天下諸司例朝
京奉公首倡大班舉劾來 朝官半儀音吐動人
憲廟簡注遂擢公通政司右叅議弘治辛亥轉左叅
議壬子擢右通政公感知遇益奮勵不懈出納惟允
聲稱籍甚 廷議屢屬公勘處哈密洎巡撫順天山
西皆不果行 朝著方留公柄用忽遘疾不起時乙
卯三月也得年六十 上聞訃遣官諭祭有曰方
當大用胡遽云亡蓋深惜之先是公喪女不出同列
奏事 上詢公何在甚荷 眷注如此公重厚
端慎能急人之難鄉人凡以事至京者有所控告必
盡心為之所無不感悅而歸初娶劉氏貌甚寢親族

多不堪其配至有勸遣之者公禮之終其身不衰鄉人稱其有陰德繼娶劉氏受錫命贈封宜人云子昌正德戊辰進士官監察御史巡按山西能振揚風紀登宰士論惜之

論曰銀臺公人咸稱其厚德云余生也晚雖未獲覩德容聆緒論然竊聞其遺事於汴父老又嘗友識其子御史昌通判芮是故知其行履有前輩長者之風今里俗流靡士類多忌嫉相傾仄而敦篤忠厚之意微矣聞公之風敢謂無愧而思從先進者邪

山東按察僉事楊公傳

順德府知府康公傳

棗強縣學訓導劉公傳

太原府知府張公傳

兵部尚書李恭簡公傳

鄉賢傳七 五首

山東按察僉事楊公傳

楊公璉字用章別號弦齋梓符西關廂人也曾大父思義大父泰父銘皆晦德弗仕公自幼穎敏過人不
好嬉戲長游邑學以氣節自負博學強記凡經史百
家之言靡不周覽其於國初典故知之獨詳提學
副使天台陳公選深器重之中成化甲午鄉試明年
乙未登進士第時年三十一授丹徒縣知縣公律身

嵩渚文集

卷之五

廉潔一毫不取諸民邑中商繻錄前令括爲已有公
悉以代民通和往時春秋釋奠咸於郡學行禮公白
郡守請秋行禮於邑學復虞其地隘弗足展裸獻之
儀乃闢地鳩工更新其制掘得古銅祭器一其識曰
漢荆王劉表造人謂此物理沒幾千百年公興學始
見殆精意之所致云有中使如浙貪虐特甚所至輒
縛守令置於中載之以去得賂始釋將至丹徒衆皆
爲公危之公笑曰此不可以至誠處也乃選善泗水
者二人令著耆老衣冠先馳以迎中使怒曰令安在
汝敢來謁我邪命左右執之二人即躍入江中潛遁

去公有與徐至給曰聞公驅二人溺死江中方今

聖明之世法度昭嚴如人命何中使懼禮謝而去雖

歷他所亦弗敢縱其禦暴應變之才如此巡撫牟都

御史按部丹徒索饌器窺有他意公市錫十數斤造

器與之牟大怒誣公入覲時輿卓路費擅用官銀坐

賊革職公奏辯得白擢南京山西道監察御史獨持

風裁事所當言者不避利害言之南京禮部郎中李

諒以事謫靜寧州知州持其部尚書黎公淳陰事率

家人竊搬公帑物黎不敢詰公并劾罷之科道官言

事忤旨上震怒衆懼禍出不測公獨抗章曰

嵩渚文集

卷之五

諫官天子耳目若以盡職獲譴則天下事誰復敢言

是陛下自塞其耳目自蔽其目也言甚剴切

上怒解悉宥科道官總督兩廣軍務右都御史秦公

紘効安遠侯柳景賊濫酷雷法司勘問得實蒙旨

景饒死戴平頭巾閑住紘致仕公上疏曰景之罪既

明正典刑是紘効不謬且紘忠實有大畧不宜積棄

里居上嘉納之復起紘爲戶部尚書公爲丹徒

令時而宋宗忠簡公墓實在封內公雅慕忠簡公之

大節嚴禁樵牧植其仆碑欲請建祠會徙官去及任

御史乃上疏乞建祠丹徒如岳武穆杭州故事制

曰可命有司春秋饗祀仍給卒守墓如御史請云其
崇獎忠貞維持風教如此弘治壬子擢山東按察司
僉事便道過家省親感疾卒時年四十九絕嗣公剛
方嚴毅有材畧刻苦讀書素抱經世之志接人無少
長賤必以禮居常無懈惰容當時論人才者以公
爲士林第一流人物卒之日貧無以爲歛其配甄孺
人皆簪珥治葬具卜兆鑿地穿穴得一石大書曰宋
刺史楊公用章之墓姓字適與公同吁亦異已所著
有弦齋藏于家

高安集

卷之五

七

論曰楊公登甲第在成化乙未是時吾邑同登第者
四人曰田裡本誠唐昭文煥劉鵬圖南暨公乃四人
者官皆不甚顯田終御史唐終長史劉終考功主事
楊終按察僉事之三子者皆識材略雖不逮公且醇
樸敦確之士也亦皆弗究其用而卒豈致位通顯者
固自有定命邪司馬公曰天之所不能爲而人能之
者人也人之所不能爲而天能之者天也稼穡人也
豐歉天也子誦斯言不能不重有感於天人之際云

順德府知府康公傳

康公厚字本淳祥符世家也大父榮永樂戊子鄉舉
仕止 荆府紀善父信號默菴景泰丙子鄉舉歷典

高安集

卷之五

四

安定平陽陽城教事世以儒爲業默菴庭訓素嚴公
甫就山今誦小學習幼儀稍長日課其文字親爲改
竄由是業大進迨弱冠領成化甲午鄉薦登戊戌進
士第授升陽尹時父已致仕里居乃迎父就養父日
訓以守官字民之要公服行惟謹在任凡四年以寬
平見旌擢南京廣東道監察御史出按江西九江直
隸鳳陽諸郡縣監督商稅軍儲風裁峻整所至肅然
會蒙 恩受 勅命推封父母弘治戊申父卒守制
還服闋復除南京廣東道監察御史乙卯監應天鄉
試公察知弊端綜覈嚴密而夙弊一清是科得人爲
盛在南蒙前後八年著清白之聲丙辰被薦擢知浙
江之温州府溫僻在海隅軍民雜居號難治公蒞以
清簡郡人安之又更張蠹民者十餘事人皆稱便公
爲政雖尚寬恕及臨利害則毅然不可奪故溫之三
衛二十三所素恃伍籍黠悍皆畏懼欽哉公構戲綵
堂於官邸迎養母孺人會孺人卒去任百姓遮道留
公號泣維拜庚申服闋改除直隸順德府知府時公
父母俱逝乃迎伯兄於宦邸祿養鄉人賢之順德故
衝要郡賦且饑民多流徙公極力賑卹存活者甚衆
大理寺丞海陽吳公以督理賑事至乃嘆曰賢哉守

手真無愧古循吏觀風使者累薦公可大受癸亥奏
績銓書上考當遷公引疾乞骸骨 不許還郡復
上章懇辭 允之正德改元 詔以禮致仕者進階
一級公應 詔進亞中大夫築晚節亭於後園栽
花竹與里中諸耆舊邀飲宴以樂太平庚午病卒
得年五十有六葬汴城東之白塔原

論曰漢宣帝有言庶民所以安其田里而無愁歎之
聲者政平訟理也與我共此者其惟良二千石乎夫
郡守之職上與天子分理者也然或不得其入則民
生何由而遂天下何由而理邪康太守為縣尹四年

廣德集

卷之五

七

為御史八年蹟業彰聞已久始得擢守二大郡是故
在郡則民懷之去郡則民思之余自釋褐往來 京
師必道經順德而順德之人至今談說其惠政不休
嗣余游宦浙東每遇温州士大夫又往往稱其守已
愛民之實詩曰彼君子兮不素餐兮康太守之謂也

棗強縣學訓導劉公傳

劉公昂字孟頴別號蘭谷曾大父醇 周藩長史大
父仲謙處士父偉鄉進士并研訓導世有文學名
長史公以儒士起家自南陽遷汴遂為汴人公天性
狷介與眾寡諧讀書勤苦無間寒暑家故貧至公益

甚聞門諸書處之怡如也成化間都御史江浦張公
瑄巡撫河南聞公名聘為子師公曰禮聞來學不聞
往教辭不往提學副使天合陳公選聞而重之乃謁
魯齋遺書為力行之助復命生徒有器資者從之游
公以身為教講究義理務使學者體而行之經指授
者多為名士累試場屋弗利年四十有司以業成貢
禮部授內丘縣學訓導教士不倦三載罹內難還汴
服闋改授棗強縣學訓導啟迪勤勵如在內丘時郡
太守知其賢委攝邑符公政令清簡百姓安之日讀
書堂上而事鮮不辦弘治庚戌九載秩滿考績 京

廣德集

卷之五

七

師乃上崇守令以安民崇儒重道二疏為當道所沮
公歸旅舍擊缶歌曰職冷官微言語輕不如歸去結
鷗盟林間睡起三竿日且與兒孫樂太平遂乞致仕
歸築室於汴城之太寧坊扁曰書香窩日吟哦其中
賓客非止人不見其澤金買田百餘畝命子耕讀種
獲則往視之習靜簡出歲惟二赴鄉飲而已所著有
四書粹議詩經直解蘭谷詩文抄棗庭遺思錄書香
窩裏吟若干卷藏于家正德丁卯卒年七十二汴人
咸尊仰之稱蘭谷先生云

論曰滹汴人也與蘭谷劉公同里閑竊憶童壯時聞

嘗修諸門下事德容侍杖屨忽不知鄙吝之我消也
辱公不棄猶寄每相見輒留欸書寄寓中若話移晷
且語瀟口吾亦為中人也邵之旨邑在昔人材傑出
以學行名節重於一時者代不乏人吾老矣君子耻
修名之不立子其勉之嗚呼公今逝矣風俗旦衰士
氣卑下安得起公於九京以表正之哉

太原府知府張公傳

張公賢字堯臣別號任直子梓符人也曾大父子初
大父敬父揮世服賈善厥家母段氏夜夢神人送袍
笏金帶至其舍覺而生公自幼聰穎過人務學勤苦

萬曆集

卷六十五

十一

每以吟笑起朗誦經史竟日不絕聲夜則閉目默誦
不近燈火或諷其夜讀公曰吾見為學者喜嬉游間
輟而乃夜費膏油非徒欺人亦自欺已吾不為也治
尚書知名郡中有道士相之曰子甲科中人也必貴
顯年五十不必仕可惜無子公年二十五領河南
成化丁酉鄉薦戊戌辛丑會試俱不第卒業太學癸
卯冬十月汴藩左布政眉州吳公節張宴饌省城諸
舉子赴南省試而孫教授錦雅與吳相善亦在坐吳
私謂孫曰諸子明春登第者幾人孫曰以錦度之無
可決計者曰何以知之曰諸子役役人事間功疎而

文淵無已其惟張賢乎斯人尚在太學未歸耳明年
甲辰三月春榜報至省城會試者止中公一人由是
吳奇孫為知人公既登第以戚里弗內補出知山東
之單縣昨邑人秦公紘為戶部尚書厥子暴橫里中
強奪人妻女財產前令其能制公至擒縛之榜皆無
完膚竟正諸法邑內肅然將三載母歿守制還汴服
闋改知海豐僅八月父歿守制還服闋改知山西之
襄陵境內有山泉可灌田久為臨汾勢家所據襄陵
人不得沾其利公奪還之邑人立生祠祀公弘治丁
巳擢陝西慶陽府同知在任九年興利除害不畏強
萬曆集

卷六十五

十一

禦法所當為者死生以之入莫敢撓都御史楊公一
清周公季麟咸薦之乙丑擢四川順慶府知府公下
車清理累歲滯囚因園空虛事干權勢難結者當道
必屬公公亦不辭避分守張參議官發贖罪紙下岳
池縣製造川扇民苦於賠償公聞知移書已之宜怒
中傷公公遂蒸其書於巡按胡御史賜賜具奏以
聞時聞瑾用事傳言兩罷之正德庚午瑾誅而楊
公一清時為家室素重公復起為山西太原府知府
公之至太原也頓直如在順慶時虜犯太原居民震
恐有陳憲使者同諸寮夜飲宗室第公置騎往叩

門呼曰房忠孔棘非燕飲時也矧時例有禁爲法吏顧昧之鄉坐是不合於當道乃謝病歸時年五十竟如道士言公恣懷宏容平生以輟熱說語爲深耻或有持詩文示公者公指摘瑕疵盡言無所諱人多怒而去曩正德辛未公在京邸汴舉子會試南省者幾四十人以公爲舉業著聲感誦場中作質公公悉不許已而曰士貴實學諸君藝業精何敢與天下多士角後生多罵罵之既揭曉果無一人登第者衆始服公藻鑑云里中語曰言不諛人句張堯臣公卒時年六十二無子所著有二渠巴語名賢珠玉今板刻亡

高唐文集

卷之五

九

論曰張太守舊宅在汴城山背巷中致仕歸始移居大梁驛街密邇敝廬余弱冠時往來過其門公見之必邀余入輒令誦近作誦已公嘖嘖賞嘆曰佳士佳士癸酉秋八月余謬舉河南鄉試第一翌日公盛服挈酒來賀勉以不朽之業今倏忽三十餘年汨沒無聞負公期望多矣公後事寥落無埋銘隧表載其行履之實余竊悲其父愈湮滅里中無知之者姑紀其所聞於鄉大夫之口者以爲之傳世之君子或有取其行而表之者乎

兵部尚書李恭簡公傳

李公錢寧處甫別號毅齋河南之祥符人氣宇恢廓不凡童稚時與群兒游于市有行路僧見而奇之曰此子他日必大貴是歲始從師西社學提學副使天台陳公選閱視社學器之遣補邑學弟子貢治毛詩有名中弘治壬子鄉試丙辰舉進士觀政棘寺戊午選授山西道監察御史巡視中城權貴家有奸法者公繩之不少貸受知於左都御史戴恭簡公珊辛酉勅理河東漕政時饑池苦潦歲課縮公下令築防延袤數里而國課用饒安邑有疑獄久不決逮繫著

高唐文集

卷之五

十一

若干人公庶得其情一言立決人以為神鎮守官席寵毒民公劾罷之比代去民遮道流涕事載河東去思碑中癸亥考績被勅命貤封父母甲子出按福建監臨鄉試得人爲多未幾以疾在告正德丙寅病痊改浙江道嚴劾京畿文卷時群閹竊柄濁亂國紀公會疏劾之乞盡除去辭旨仇直尋罹內艱去繼外艱適逆瑾擅權惡公會議已乃誣以他事罰粟五百石輸邊庚午免喪改山東道亡何擢知鞏昌府蒞政寬簡期在不擾而已辛未擢四川按察司副使值劇盜方四等嘯聚劫掠全蜀繹騷巡撫都御史林公

俊屬公格勦所向克捷斬首萬餘捷聞 爾書獎
賜以金幣仍加俸一級甲戌擢陝西按察使持憲
明獄無停滯未幾超遷都察院右僉都御史巡撫山
西兼提督鴈門等關公自陝入晉道經河東父老羅
拜馬前曰我公來矣先是守臣侵漁邊儲軍餉告匱
士卒嗟怨公至則釐革夙弊兵食充牣將士樂為之
用丙子秋虜寇宣府出白羊口南牧公度宣大擁重
兵虜必不利即移怒山西岢嵐五臺諸郡縣宜亟為
之備虜果犯岢嵐如公算斬首百五十級獲馬千餘
足我軍全師而還 上嘉其功 賜書金幣再
加俸一級時中貴欲攘為己功改捷大同公不之辯
而給事中潘公塤為之不平乃昌言于 朝士論益
重公是歲山西有內寇武廷章等荼毒地方公勦之
旬日蕩平 詔加俸如前公疏辭且請老歸里 溫
旨慰留丁丑被 徵佐理院事明年戊寅畿內饑奉
勅賑濟全活者甚眾 召還署績贈父如其官
今上御極擢兵部右侍郎尋轉左署掌部事奉 詔
裁革武臣抑僥倖汰冒濫武選肅清嘉靖壬午春虜
寇西陲號數十萬飛檄告急 廷議咸推公素諳虜
情閑於邊務遂以兵待兼僉都御史行邊 陞辭

賜麒麟服寶鈔仍發內帑銀四十萬給軍需公馳至
固原虜勢方熾進薄城櫓時援兵未集危甚公下令
大開諸營門晝夜不閉虜疑有備不敢逼公間用火
砲擊傷甚眾虜引去 詔復以公總制三邊軍務乃
申明紀律增築墩堡謹烽火嚴斥埃廣儲蓄選壯勇
軍聲大振踰時虜復深入平涼涇州放兵大掠人懷
疑懼公曰此成禽耳乃密命游擊將軍時臣周尚文
等分伏要害斷虜歸路我軍大捷斬首百八十級獲
牛羊萬計諸將入賀公曰汝知賀寧知憂乎虜性狼
聞既失利必憤憤必復來延綏諸路宜有備虜果寇
延綏伏發邀擊之斬首百餘級或請以捷 聞公曰
偶勝耳惡足為功鎮巡奏捷 璽書是之有明于用
人善于料敵之 諭虜敗衄遠遁 詔還 朝是歲
考績贈三代如其官甲申南畿大侵漕運大臣關貢
廷議咸以為非公不可乃進公右都御史總督漕運
兼巡撫鳳陽地方公冒暑南下察其利弊而興革之
救荒賑饑不遺餘力未幾 召還掌院事再引疾求
去 上慰留之僅兩月拜兵部尚書侍 經筵兼
提督十二團營公感知遇修明戎政凡邊報警急必
審度事勢指示方畧期平萬全不求近功不徼小利

尤注意邊將務在得人請謁者無所容時部事叢委
文移旁午皆手自裁削坐是過勞疾作乃上疏乞骸
骨 上遣中使存問兼 賜羊酒而疾轉劇復上
章求去益切 上賜勅褒獎 命馳驛以還仍月
給公廩歲撥輿卒皆異數云比行病篤竟不起時丙
戌九月也得年六十有二 上親視朝一日追贈
太子太保謚恭簡遣官護其喪歸塋子惠丁丑進士
官行人 武宗南狩以諫死贈監察御史
論曰正德庚辰余以河陽守考績至京而恭簡公適
為僉都御史佐理院事是時 武宗狩江南外服
高渚文集 卷之五 三

高渚文集卷之八十五

高渚文集卷之八十六

鄉賢傳八 三首 自粹軒徙家它方者

四輔官前工部尚書安公傳

太子少保戶部尚書馬恭襄公傳

右都御史張公傳

高渚文集

卷之六

一

目錄

大梁李濂川父

鄉賢傳八 三首 自祥符徙家七方者

四輔官前工部尚書安公傳

安公然祥符人徙居鳳陽之潁州元季爲山東行省左丞守萊州大將軍下山東公知天命有在乃率衆歸附洪武元年授起居注改給事中尋擢山東行省參政立心平直撫綏勤勞祿止養身餘以給公用明年召還爲工部尚書五年拜河南行省參政時蔡河壅塞自開封抵陳州漕運不通公親督工師疏導之不逾月而功成官民兩便九年改行省爲布政使司

高渚文集

卷之六十六

十一

擢浙江布政使十二年復召爲御史臺右大夫明年改左中丞夏五月癸巳坐事免官還鄉土未幾復召爲四輔官每論事賜坐多所裨益十四年秋八月庚申以病卒年五十有八上念其來歸之誠親製文遣官祭之其畧曰爾中土之士當元末從事義旅効力於元及元運既終我師長驅齊魯爾守齊東爾爲中土之士祖宗丘壠在焉是以棄胡歸我其來甚誠朕於爾甚數授重任嘗干於法朕特釋之昨爲朝臣召爾來所望加誠事朕何期遽然幽

往朕思初歸之意以特體致奠爾其享之子孫無可考

論曰安公棄元歸明順天休命歸然爲開國名臣但其籍里未定定遠黃公金所著功臣錄以公爲祥符人徙居潁州必有所據而會稽胡公謚所著河南總志以公爲潁州人徙居祥符一統志及山東通志亦以公爲潁州人歷世久遠子孫無存者茫乎不可究矣竊觀皇祖御製祭文一則曰爾中土之士二則曰爾爲中土之士則公爲祥符人無疑不然濠潁相去甚邇而定遠之編何以云云乎

高渚文集

卷之六十六

十二

太子少保戶部尚書馬恭襄公傳

馬公昂字景高河南之祥符人也後徙家河間之滄州大父才興父欽並以公貴累贈資善大夫都察院左都御史公慷慨有志節美容儀聲音如鐘始爲郡學弟子自讀書刻苦永樂癸卯鄉試中式明年赴南省試不第卒業太學宣德丙午選授行在鴻臚寺序班正統丁巳用大臣薦擢監察御史奉命整飭宣府大同偏頭等關兵備嗣巡按陝西淮揚徽州等處興利祛害不遺餘力癸亥行在刑部獄禁失嚴因劫獄以出上震怒尚書以下咸禁錮捕囚乃擢公

爲刑部右侍郎掌理部事亡何改右副都御史參
甘肅軍務時總兵官都督王喜玩寇失機公首劾之
謫戍遼東先是赤斤蒙古罕東等衛番族寇掠邊堡
至劫奪總兵官進御駝馬 上命公帥將士討之
盡獲其酋長乃首某衛自是邊境寧謐已巳北虜寇
甘肅公下公清野居氓悉入城堡乃躬擐甲冒率精
騎善射遠者按伏以伺虜聞遁去景泰庚午忽奉
旨令致仕甲戌兩廣吳寇猖獗復起公仍以舊職總
督兩廣軍務兼巡撫使宣行事公拜 命兼程之鎮
振揚威武生擒其僞將軍周鐵等械致 闕下又劾
罷將領暨土官厲民者若干人兩廣以寧 上遣
行人勞以綵幣寶鈔擢右都御史丙子征斗峒賊轉
左都御史天順丁丑有飛語謗公者 上令致仕
及入見復留 命詣山西三關巡察邊防事竣還朝
命掌院事戊寅改兵部尚書辛巳虜寇陝西
上命懷寧伯孫鏜爲總兵官公總督軍務刻日出師
是夕昭武伯曹欽反變起倉卒而左都御史寇深恭
順侯吳瑾錦衣衛指揮遠果咸遇害大學士李文達
公賢亦被刃傷公同鏜督率征西官軍圍欽等于其
宅盡誅之乃進公太子少保仍留掌兵部事 龍卷

益隆賞賚金玉束帶錦繡麒麟袍服銀幣器玩書畫
禽鳥四方貢獻時鮮之物歲無虛日屢 召遊南城
西苑扈從獵南海子侍 上飲宴密承 天語恩
數駢蕃人以為魚水之遇近代僅見云甲申 憲皇
嗣位信任彌篤因四方水旱 國計告匱調戶部尚
書尋奉 聖書同太監懷恩右都御史林莊敏公聰
給事中潘禮陳鉞點開京營官軍選拔精銳分爲十
二營以備調遣題奏條約永爲定規至今踵行不廢
戊子公年七十乃引疾求退疏凡三四上務期得允
乃已 陛辭 賜酒饌寶鈔公歸田八年精力不衰
時跨馬馳村莊課僮僕耕稼丙申五月偶感疾不起
享年七十有八訃聞 上嗟悼贈少保諡恭襄遣
官諭祭營茹事于西華滄州城南八里紅孩堤山之
原子二長忠以廕補國子生後鄉試中式次恕錦衣
百戶公嚴重有威敏達果斷長於應變爲戶兵二部
尚書即吏持橐稟白公二覽輒舉筆塗抹殆盡徐用
已意增改數語若弗經思而引經據例事理明暢切
中肯綮鑒鑒可行雖積日累月思索商確者不能過
是故朝紳皆悚服之
論曰門第不可以論士資格不可以叙官古有是言

也。顧近世用人者多論終迹等第如吾邑馬恭襄公亦絲舉人序班出身也遭際明聖展布才猷數典兵機位躋三事觀其經畧邊陲處置園營外掃強胡內平叛亂真有古大臣之風焉蓋嘗備考 祖宗朝故事用人惟其才弗以資格維時奮自鄉科身繫重望者豈特馬恭襄公一人而已哉乃若太保黃忠宣公福少保夏忠靖公原吉司徒年恭定公富南太宰魏文靖公驥太子賓客胡公儼皆由鄉貢而致通顯聲望歸狀並稱名臣然則拘拘以資格論人而上下之者其非體國之善謨矣乎

卷之六

五

右都御史張公傳

張公字世亨其先河南尉氏人高大父潛始徙汴遂爲祥符人世居汴城西關外三官廟之右曾大父真大父敬祖父喜鄉稱長厚喜從家肅寧大父父並以公貴贈刑部左侍郎始公之生也母馬氏夜夢神人抱一兒與之曰汝家世積陰德茲畀汝貴子其善撫育之覺而生公公器資英邁自少即留心天下之務成化丁酉以詩領順天鄉薦明年戊戌進士第試政兵曹又明年己亥授山東鄒縣知縣政尚仁恕六載結閭召補臺察適雁內外艱守制還服闋拜

陝西道監察御史初陝西東鹽課有勢要撓法爲奸公上疏劾去之嗣按蘇松常鎮四郡憲度峻整豪強歛迹時漕堤爲居民蟻聚其上五六百家歲久爲定業河漸開塞公廉知其事奏徙而之宅漕運通利再巡按山西劾罪貪酷吏若干人軍民咸稱快焉公在內臺滿九載擢陝西按察司副使奉 璽書整飭岷岷河州等處兵備踰四年擢本司按察使明年擢山東右布政使尋轉陝西左布政使老成練達士論歸之未幾擢都察院右副都御史巡撫陝西而陝西之地公宦遊最久熟知利病乃撥軍民困苦者數十萬事嚴列條約刊布郡邑關中至今頌之踰年改大理寺卿時逆瑾用事公以剛直忤瑾免歸亡何瑾誅科道官交章薦公復起爲刑部左侍郎適延綏寧夏甘肅總制關負 廷議非公不可 上亦知公練習邊事乃擢公爲都察院右都御史開府固原總制三邊軍務公感 上知遇拜 命即行至鎮則選易將官振厲士氣一新攻守之具疏凡百數十上皆見嘉納奏捷者十有二 璽書褒獎公盡心籌邊寢食靡寧竟以勞瘁成疾亟上疏乞骸骨 命未下而卒得年六十有二有司馳訃以聞 上悼公歿于王

事 賜葬祭贈太子少保刑部尚書子炤以功廢錦
 衣千戶公沉毅有大畧平生不立崖岸與人交坦直
 無偽善飲酒多而不亂其為鄒縣令洮岷兵燹二地
 皆有夫思碑今三邊將士猶有能道其經略之蹟者
 公曰從余赴官四明道經姑蘇其里居鄉大夫咸稱
 故巡按御史張公世亨之才云張公巡按江南在弘
 治己酉風裁凜然嫉惡特甚按部所至貪黷吏率棄
 官遁去而除趙訥一事尤為人所傳誦夫趙訥者長
 洲之巨猾也以捕盜為名實與群盜通群盜咸輸月
 錢以事訥求庇覆焉官府索之急則執以獻輒牽連
 無辜人苦之莫敢言公廉得其實縛至庭下杖斃之
 閩郡謹呼以為神明聊識于茲以俟脩邑志者采焉

嵩渚文集

卷之六

七

嵩渚文集卷之六十六

嵩渚文集卷之八十七

名醫補傳六首

張仲景補傳

王叔和補傳

啓玄子補傳

葛應雷補傳

子乾孫

王履補傳

戴原禮補傳

嵩渚文集

卷之八十七

二

目錄

嵩渚文集卷之六十七

大梁李瀛川父

名醫補傳六首

張仲景補傳

張機字仲景南陽人也學醫術於同郡張伯祖盡得其傳工於治療尤精經方遂天有時舉漢靈帝時舉孝廉官至長沙太守少時與同郡何顒客游洛陽顒探知其學謂人曰仲景之術精于伯祖起病之驗雖鬼神莫能知之真一世之神醫也嘗見侍中王仲宣仲景曰君年至四十當有疾鬚眉脫落脫落後半年必死宜豫服五石湯庶幾可免仲宣時年二十餘聞其言惡之雖受方而不飲居數日復見仲景乃佯曰五石湯已飲之矣仲景曰觀君氣色非飲藥之診何輕命欺人如此邪仲宣益深惡之後二十年果有疾鬚眉皆脫落越一百八十七日卒時人以為扁鵲倉公無以加之也仲景宗族二百餘口自建安以來未及十稔死者三之一維時大疫流行而傷寒死者居其七乃著傷寒卒病論十卷行于世蓋推本素問熱論之旨兼演伊尹湯液而為之探賸鉤玄功侔造化華佗讀而善之曰此真活人書也仲景又著金匱王

函要畧方三卷上卷論傷寒中卷論雜病下卷載其方并瘰癧婦人寔為千古醫方之祖自漢魏以迄于今海內學者家肄戶習誦讀不暇如士子之於六經然論者推為醫中亞聖而范曄後漢書乃不為仲景立傳是故君子有遺憾焉

嵩渚子曰皇甫士安有言伊尹以元聖之才本神農之經為湯液論仲景本黃帝之書述伊尹之法廣湯液論為書十數卷後醫咸遵用之弗敢變宋翰林學士王洙在館閣日偶於蠹簡中得仲景所著金匱要畧三卷乃錄而傳之秘閣校理林億等又校定為二

嵩渚文集

卷之六十七

二

十五篇刪其重複合二百六十二方誠為百世不刊之書或謂有大人之病而無嬰孺之患有北方之藥而無南方之瘵此則長沙之所闕者善學者觸類而長之可也余又聞仲景有脉經五藏論評病要方諸編藝文志咸載其目余皆未之見其真贋不可知云

王叔和補傳

王叔和高平人也仕西晉為太醫令性度沉靖潛心方脉精意診切洞識攝養之道平生雅好著述乃本黃帝素問卷八八十一難經暨張仲景華元化之脈經十卷凡九十七篇叙陰陽表裏辨三部九

候分八迎氣口神門條十二經二十四氣奇經八脉
五藏六腑三焦四時之病聚如指掌其文約其旨遠
其理奧使人占外以知內視死而別生按其法而用
之厥驗如神毫髮不爽自難經之後闡明脉旨殆無
餘蘊觀其自叙有曰脉理精微其體難辨弦緊浮托
扞轉和類在心易了入指難明謂沈為伏則方治永
乖以緩為遲則危殆立至况有數候俱見異病同脉
者乎大醫藥為用性命所繫和鵠至妙猶或加思仲
景明審亦候形證一毫有疑則考校以求驗故傷寒
有承氣之戒嘔噦發下焦之問而遺文遠旨代寡能
用者經秘述奧而不售遂令末學昧於源本互滋偏
見各逞己能致微痾成膏盲之變滯固絕振起之望
良有以也今撰集岐伯以來逮于華陀經論要訣合
為十卷百病根源各以類例相從聲色證候靡不該
備誠能篤志研窮究其微賾則可以比蹤古賢代無
天橫矣夫自王氏脉經出而海內學醫之士咸知所
宗論者以為經絡之龜鏡攻療之梯航廣仁術而利
天下厥功甚溥叔和又有脉訣四卷脉賦一卷纂次
張仲景傷寒論為三十六卷行于世云
嵩渚子曰宋熙寧初光祿卿直秘閣林億校諸經

方書而王氏脉經始鏤板于廣西漕司序之者長樂
陳孔碩也元泰定間醫學教授謝緒翁又刊于龍興
儒學而東陽柳道傳寔序之其曰脉訣出而脉經隱
正如俗儒知誦時文而不知誦經史切中後世徇末
忘本之弊然晦菴朱子則謂脉訣辭雖鄙淺而直指
高骨為闢之說合于難經本旨蓋亦取之抑脉訣雖
非叔和書其亦嘗讀脉經而有得者邪但其自立七
表八裏九道之目與脉經所載二十四種之名義弗
合是故世之國手遂以為屬書而輕之恐亦終不可
廢也知醫君子其尚審察之哉

啓玄子補傳

王冰一作自號啓玄子唐實應中為太僕令篤好醫
術得黃帝內經素問靈樞經隋人全元起訓解乃大
為次註且自為之序曰夫釋縛脫艱全真導氣拯黎
元於仁壽濟羸劣以獲安者非三聖道則不能致之
矣孔安國序尚書曰伏羲神農黃帝之書謂之三墳
言大道也班固漢書藝文志曰黃帝內經十八卷素
問即其經之九卷也兼靈樞九卷乃其數焉雖復年
移代革而授學猶存懼非其人而時有所隱故第七
一卷師氏藏之今之奉行惟八卷爾然其文簡其

音障其理與其趣深天地之象分陰陽之候列變化之由表死生之兆彰不謀而遐邇自同勿約而幽明斯契稽其言有徵驗之事不忒誠可謂至道之宗奉生之始矣假若天機迅發妙識玄通藏誦雖屬平生知標格亦資於詁訓未嘗有行不由徑出不由戶者也然刻意研精探微索隱或識契真要則目牛無全故動則有成猶鬼神幽贊而命世奇傑時時出焉則周有和緩漢有淳于公魏有張公華公皆得斯妙道者也咸日新其用大濟黎人華葉婉聲實相副蓋教之著矣亦天之假也永明齡慕道夙好養生幸遇真經式爲龜鏡而世本紕繆篇目重疊前後不倫文義懸隔施行不易披會亦難歲月既淹襲以成弊或一篇重出而別立二名或兩論併吞而都爲一目或問答未已別樹篇題或脫簡不書而云世闕重合經而冠鍼服併方宜而爲效篇隔虛實而爲並從合經絡而爲論要節皮部爲經絡退至道以先鍼諸如此流不可勝數且將升岱嶽非逕奚爲欲詣扶桑無舟莫適乃精勤博訪而并有其人歷十二年方臻理要詢謀得失深遂夙心時於先生郭子齊堂受得先師張公秘本文字昭晰義理環周一以參詳群疑永

釋恐散於末學絕彼師資因而撰註用傳不朽垂舊藏之卷合八十一篇二十四卷勒成一部冀乎究尾明首尋註會經開發童蒙宣揚至理而已其中簡脫文斷義不相接者搜求經論所有遷移以補其處篇目墜缺指事不明者量其意趣加字以昭其義篇論吞併義不相涉闕漏名目者區分事類別目以冠篇首君臣請問禮儀乖失者考校尊卑增益以光其意錯簡碎文前後重疊者詳其旨趣削去繁雜以存其要辭理秘密難粗論述者別撰玄珠以陳其道凡所加字皆朱書其文使今古必分字不雜糅庶厥昭彰

高渚文集 卷之六

妙旨敷暢玄言有如列宿高懸奎張不亂深泉淨瑩鱗介咸分君臣無天枉之期夷夏有延齡之望俾工徒勿誤學者惟明至道流行微音累屬千載之後方知大聖之慈惠無窮永年八十餘以壽終

高渚子曰啓玄子所撰玄珠世無傳者今有玄珠十卷昭明隱旨三卷皆後人依託爲之雖非啓玄子真書然於素問間奧頗有發明其隱旨三卷寔與世所傳天元玉冊相表裏蓋亦不可廢云抑又聞啓玄子註素問二十四卷書成獻之唐令列之醫學遂使上古聖人精微幽眇之書顧付之方技之流於是摛紳

先生咸罕言之而是道益衰矣嗚呼惜哉

葛應雷補傳 子乾孫

葛應雷字震父姑蘇人也攻于醫嘗著醫學會同三十卷推五運六氣之標本察陰陽升降之左右以定五臟六腑之虛實合經絡氣血之流注而知疾病之候死生之期處方制劑砭碯率與它醫異時接察判官李某中州名醫也因診父疾復咨於應雷聞其荅論父子相顧駭愕曰南方亦有此人邪乃盡出所藏劉守真張潔古書與之討論無不脗合而劉張之學行於江南寔自是始應雷由平江醫學教授擢江浙

醫學提舉子乾孫字可久生有奇氣體貌碩偉膂力

絕人好擊刺戰陳之法以至陰陽律歷星數靡不精

究長乃折節治經屢試不第遂棄去肆力古學為文章有盛名于時父應雷取醫書授之乾孫稍治輒精而不屑施行或施之輒取異效其名與丹溪朱彥脩並稱云一日嘗炒大黃過焦悉棄之不用其慎如此

人來迎致不問貧富皆往貧人以楮鏹來買藥準病輕重乾孫貯善藥緘以與之仍歸其直或楮鏹有不佳者顧為之易佳者以還便供饘粥人皆稱其仁一書生傷寒不汗發狂循河走乾孫就捽置水中良久

出之裹以重繭乃汗而解同郡富家女年可十七八病四支痿痺目眩不能食衆醫莫能治迎乾孫乾孫視之笑曰此不難治命悉去其房中香奩流蘇之屬發藉地版掘土為坎昇女寘其中扇其扉戒家人伺其手足動而作聲常報我父之女果舉手足而呼投藥一九明日自坎中出矣蓋此女平日嗜香而脾為香氣所蝕故也壬辰徽寇轉掠蘇人震恐應訪僉事李仲善請乾孫圖之乾孫勸城之以守然後請自往討賊仲善從之卒城之而濟又善以生辰推禍福嘗語光福徐顯曰聞中原豪傑方興而吾不得與命也

今六氣淫厲吾犯咸池殆將死矣一日見武士開弓

取挽之而穀歸而下血亟命其子煎大黃四兩飲之

子惡其多密減其半飲之不下問其故子以實對曰

少耳亦無傷也我命來年當死今則未也再服二兩愈明年果卒

嵩渚子曰吳門故多醫最知名者曰葛可久其後乃有劉觀士賓盛寅啓東沈玄以潛王敏時勉皆有時名而以顛顛著者又有錢瑛良玉云聞唐開元中有周廣者亦吳人每觀人顏色即知抱疾深淺言之神驗無事診候也流風相承議論指授是故吳中多善

醫迄今猶然因傳可久父子行事併著之

王履補傳

王履字安道崑山人學醫於丹溪朱彥脩盡得其傳嘗謂張仲景傷寒為諸家祖後世雖多立論率不出其藩籬且素問云人傷於寒為病熱言常而不言變仲景推寒熱之故履乃備常與變作傷寒立法考又謂諸病陽明篇無目痛少陽篇言脅脇滿而不言痛太陰篇無噎乾厥陰篇無囊縮凡此必有脫簡乃以三百九十七法去其重複者僅二百三十八條乃合作傷寒三百九十七法極論內外傷經旨異同并中

高漢集

一卷之書

九

風中暑辨議名曰源回集一卷標題原病式一卷百病鈎玄二十卷醫統一百卷履為志苦學博極群書為文若詩皆精頗有法畫師夏圭行筆秀勁布置茂密評者謂作家士氣感備云至正間嘗遊華山作四十餘圖書紀時詩于其上今江南好事家藏之常清子曰余讀王安道源回集三十一篇來嘗未深歎其整理之精云首篇謂神農嘗百草為律之手之妄嗣論四氣所傷五臟二陽病中暑申熱之辨履有至理非苟作者近時王文恪公家有自始余讀漏洩集知安道之深於醫不知其能詩也及得蘇州志知

其能詩又工於文與畫也嗚呼畫末技耳詩文姑舍是余於安道之醫深有取焉耳

戴原禮補傳

戴思恭字原禮以字行婺州浦江人也家世儒業究心醫術而志在澤物少隨父莊徙步至烏傷從朱丹溪先生游先生見其穎悟絕倫乃盡授其術原禮以之治療諸病遲遲奇驗其從叔仲章六月患大熱面赤口譫語庸發紅斑它醫投以大承氣湯而熱愈極原禮診之曰左右手脉皆浮虛而無力非真熱也張子和當解表而勿攻裏此證似之法當汗遂用附

附方集

一卷之書

十

子乾薑人參白朮為劑煮液冷飲之大汗而愈方氏子婦瘡後多汗呼騰人易衣不至惡形于色遂昏厥若死狀灌以蘇合香圓而活自是聞人足音及雞犬聲輒厥逆如初原禮曰脉虛甚重取則散是謂汗多亡陽乃以黃芪人參日補之其驚漸減至浹旬而安松江諸仲文盛夏畏寒身常御重緞食飲必令極熱始下咽微溫則嘔它醫授以胡椒煮伏雌之法日啖雞者三病愈亟原禮曰脉數而大且不可刺守真云火極似水此之謂也椒發陰經之火雞能助痰抵益其病爾乃以大承氣湯下之晝夜行二十餘度頓減

續之半後以黃連道痰湯加竹瀝飲之竟瘳姑蘇朱子明之婦病長號數十聲暫止復如前人以爲厲所憑竟能療原禮曰此鬱病也痰閉于上火鬱于下故長號則氣少舒經云火鬱則發之是已遂用重劑涌之吐痰如膠者數升乃復初樂原忠妻亦蘇人因免乳後病驚身翻翩然如升浮雲之上舉目則室廬旋轉持身弗定它醫飲以補虛治驚皆不驗原禮曰左脉洪且澁神色不動是因驚致心包絡積汚血爾法宜下之下積血如漆者一斗即愈留守衛吏陸仲容之婦病熱時見神鬼手足攣動它醫用黃連清心湯不中原禮視之曰形瘦而色不澤乃虛熱耳法當用東垣甘溫除大熱之法爲治和經所謂複者溫之也服人參黃芪而安它若此者甚衆當時游丹溪之門者弟子頗多惟原禮父子最得其傳父蚤卒原禮盛行于浙之東西晚年遭際 聖明以名醫被徵爲御醫積官至太醫院使宋學士景瀛有文贈之亟稱其醫術之妙非一時諸人可及平生著述不多見僅有訂正丹溪先生金匱鈎玄三卷間以已意附著其後又有證治要訣證治類方類證用藥總若干卷皆陳括丹溪之書而爲之君子以爲無愧師門云

高渚子曰學貴淵源道須傳授是故師心自是者街必踈宗非其人者業斯謬矧醫之爲道也以人命死生爲寄而可以苟簡草率爲哉原禮之學得諸朱震亨彥脩而彥脩之學得諸武林羅大無羅大無得諸荆山浮圖氏而浮圖氏則劉河間守真之門人也守真之學實得之於內經寥寥千百年而錢仲陽氏首發其秘金元之劉張李三子益闡其說丹溪崛起大江之南又統會四韻之原禮乃其高第弟子也篤志精思百發百中是故歷閱 聖朝大顯其術于本朝褒然爲名醫稱首余竊惜其著述鮮少恐無聞于後世輒採摭遺事以爲傳俾方東有攷焉

傳六首

左舜齊傳

衛太守傳

吳儒傳

潘節婦傳

鮑節婦傳

雲嶠翁傳

大梁李瀛川父

傳六首

左舜齊傳

左國璣字舜齊其先江西之永新人也大父輔正統間為御史以言事謫雲南炎方驛永擢河南尉氏令父夢麟周藩鎮平王府儀賓母廣武郡君先是河決大梁王避水如尉氏因締婚乃治第汴城遂為大梁人舜齊風骨瑩瑩長身王立有目者朗讀書日記數千言終身不忘幼師其姊夫李公夢陽李公奇其才挈之京師俾受毛詩于慈谿姚公鑠舜齊踰弛不羈性嗜酒不汲汲仕進東髮禿詩興言文出語輒驚人顧不甚攻舉子業年幾四十始舉于鄉數試禮部不第嘉靖庚子夏六月飲南郭水亭醉歸而病病數日卒時年六十一舜齊襟度灑落無城府畦畛平生不藏怒蓄怨故人樂與之交與人飲亡所擇必盡驩投壺酣歌旁若無人喜讀史記文選李杜諸家詩其為文馳騁踴厲落筆滾滾千言不休如絕群之馬奔蹏騰騰於平曠之野武夫悍卒莫得而羈馽之五言律詩學杜甫沉着悲壯如邊城鼓角聞者動

色行長篇又往往學李白沛放厥辭才藻逸發如
漢游遊文觀粧麗服委蛇容與日暮忘歸顧所作多
不存楚書自言曰詩文乃儒者餘事矣用憂為字畫
通勁奇古四方之士得其片紙隻削輒藏以為寶每
會試之都下海內豪雋填館修謁公卿大夫折節造
訪其傾動一時如此平居怡怡終日對賓客劇談古
今口未嘗及家事卒之日人始知其貧嗟嗟才士竟
阨窮不耦終其身君子惜之

嵩者子曰余壯角時與左生交同讀書嵩又同肄
習白塔墟中蓋知已也左生與余十歲會兄事之竊
常觀古之相知者如韓孟歐梅等合應同聲切劘傾
倒心甚樂之余自甲戌叨第與左生別者十餘年丙
戌免歸輒欣欣然喜曰吾事生故人完好者惟左生
茲歸幸得續舊游也乃今已矣嗚呼傷哉左生之亡
也余撰七言近體三章哭之而又為之傳以報知已
於九京云

衛太守傳

衛太守去吾郡時瀛纔七八歲爾今三十餘年矣吾
郡人思之弗忘也瀛既長時時聞郡父老談其遺事
緜緜焉竟日不倦有歔歔悲咽泣數行下者嘉靖甲

申瀛會睢陽蔡公天祐于晉臺蔡公謂瀛曰先大夫
守濟南時衛公為同知先大夫雅重公丁未入覲先
大夫書公蹟業循良銓部考為天下第一是年始陟
公開封太守云吾與子秉憲是邦典司風紀有廉惠
如若人而弗表章之非憲度也子盍傳其行事吾將
下右司而鑲之石俾來者有所考傳曰公諱英字時
獻別號箕峰山西洪洞人大王父肅王父獻世有令
德父政灤州同知灤州公先為開州判官開州有劉
編修者善尚書公從之游盡得其傳景泰癸酉應試
于山西中式刻其文二篇數試禮部第成化丙戌
授鳳翔府管糧通判公乃定餉運均輸之法鳳翔人
至今頌之無何以母憂去制終改真定府通判管馬
至乃籍出富民匿丁壯而貧者包養馬至寡婦弗免公
書人爭趨之公獨不趨尚書而尚書反更以此重公
戊戌陟山東濟南府同知職清軍於是濟南之軍政
甚理乃又兼理邊餉積羨餘白金七千兩盡歸之官
有宗室奏奪白雲湖民田千頃屢勘無敢直者後檄
公公斷之民卒不與宗室士論乃愈益重公丁未陟
開封知府公帥儉朴節財用抑豪右審刑獄郡乃大

治公又定徭役便益之法巡撫都御史徐公善之下其法于列郡列郡咸稱便開封郡故近河河身顧反高登岡南望郡城猶在釜底公惻然曰奈何以百萬民命惜費邪乃增築重堤視故堤高厚逾數丈郡至今賴以無恐弘治乙卯公移書乞歸巡撫都御史韓公報曰知府英政成循吏行匹古人都御史奈何舍賢者令遠去不以自輔邪卒不許是時吏部方一薦公為副使兩薦公為參政並寢不報巡撫直隸都御史張公聞公名惜久抑不調乃上疏薦公曰庶如趙清獻而少琴鶴明如包孝肅而多仁恕宜大用亦不高文彙報丙辰九載滿歸郡父老涕泣追送者萬餘人公歸四年而為庚申吏部以公久不調選乃奏進公階亞中大夫致仕又十六年而卒正德乙亥四月十七日也距其生宣德辛亥十二月二十三日壽八十有五公簡靜機密絕無嗜好與人言和平易直傾倒肺肝無隱曲舊有田十畝屋一區居官三十餘年未嘗增益尺寸服饌几榻蕭然寒士年四十七其妻終身不娶室無婢妾至八十餘歲猶能書蠅頭細字云公之將卒也謂客曰吾數夕無寐神散也其能生乎顧左右取一囊來曰以此殉是夕無病而卒發囊視之

乃遺髮也公子二澍蚤卒淮朝邑縣學訓導孫男五人曾孫男十人諺曰種德者康種德者昌瞰公之政行如此必昌厥後無疑已嗟乎嗟乎世之仕宦順利翱翔雲霄之上終其身不識輶軻淹滯者弗少也公通判九年而為同知同知九年而為知府知府九年而得代家居家居四年而致仕彼巧宦者視公真若迂腐不解事者而公之所養蓋有貴金石蹈水火而弗變者矣抑豈淺中之所能測哉郡父老嘗曰衛太守有宰相之度而無其位命也縣使有知公者在衡軸之地極力推挽柄用於廟廊之上則公峻大之業無窮之聞所以銘此鐘而光琬琰者詎止如是焉而已惜當時用人好論發迹科目等第竟無破格拔進公者卒使公蹉跎偃蹇皓首州郡第幾幾年處箕山之下而忽焉老矣苟有砥礪慨慷之士過其墓而讀公之碑寧無停車攬涕足徘徊而不能去者乎高文彙贊曰初衛公之除鳳翔判也洛陽人閻禹錫謂公曰昔者曹參相齊乃師蓋公鳳翔有張傑先生者不可失也公下車乃訪張傑先生先生曰惟廉足以保身惟惠足以懷人令庶而惠傑弗知也公再拜受教蓋自鳳翔真定至開封滿歸凡三十餘年中其言弗改

也至今三郡父老頌公之廉惠如一口語曰求善饑渴昌言畢達信道筮龜嘉名永垂其術太守之謂邪

吳偉傳

吳偉字次翁江夏人少孤貧善繪畫多技不師而能山水人物入神品性顛直有氣岸與俗寡諧求者非其人不應雖素與之昵好一言弗合輒投硯而去成化間成國公某延至幕下一見以小僊呼之因以爲號平江伯某禮聘渡江聞譽自起憲宗皇帝召

至闕下授錦衣鎮撫待詔仁智殿偉有時大醉被召蓬首垢面曳破皂履踉蹌行中官扶掖以

嵩港文集

卷之六

六

見上大笑命作松泉圖偉跪翻墨汁信手塗抹

而風雲慘慘生屏障間左右動色上嘆曰真僊

人筆也偉出入掖庭奴視權貴人權貴人求畫又

多不與於是權貴人怒數短之居無何放歸南都

情好劇飲或經旬不飯其在南都諸豪客自招偉酣

飲顧又好妓飲無妓則罔懽而諸豪客競集妓餌之

孝廟登極復召見便殿命畫稱旨授錦衣百戶

賜畫狀元印章寵養日厚偉思還楚蒙恩祭掃

武昌數月還次采石有旨趣回京賜西街居第逾

二年偉稱疾得歸居秦淮之東涯正德三年五月

武宗皇帝遣使召之使者至未就道而中酒死時年五十子山從遺命葬于金陵

野史氏曰奇哉偉國朝畫者之冠也往余客武昌詢偉之里居諸父老咸稱偉有異質繪事蓋其生知云乃余登黃鶴樓則見江漢湯湯含流而鳴黃鵠大別諸名山蜿蜒委蛇色蒼蒼抱城郭變態弗可勝窮也靈淑鍾會宜有偉之奇京師語曰千金一圖江夏吳嗟乎偉今亡矣一圖雖千金歟也

潘節婦傳

余聞建平之河東有忠義里先是宋衰時官軍過河

里人具牛酒迎犒軍於是督軍者題其坊曰忠義里

云忠義里有潘節婦余同年友人潘潤叔母也姓應

氏年二十適潘奕三十一生一女子二十四而奕

三卒姑閱其少也命之嫁應氏泣曰再嫁非媛行也

吾寧死無爲辱吾儒門潘也姑曰汝無兒焉守曰有

兒而守無兒而嫁茲何理邪吾自矢矣姑再三曰富

而守節易如窶何曰紅紡織纈可以裳衣摘蔬拾微

可以自給吾寧甘焉居頃之其母亦諷嫁如姑言

應氏仰天拊膺曰天乎天乎天地廣大豈不能容吾

身必欲使我不鴈鷺若也母慚悟於是再不復議嫁

事矣應氏事姑孝姑死哭幾死不有故不出閭隣里婦人罕識其面者今九十三歲矣雙瞳炯然步履弗曳杖天之報子善人如是哉

嵩者子曰余讀左氏傳見息媯適楚不言未嘗不卑其忘大矜小也嗟乎媯息侯之夫人也楚子滅息納媯生二子猶不言謂耻事二夫也夫不言細節也事二夫為罪也既事二夫何忌乎不言諺曰焚屋破垣美其留掾昧大小也左氏書之乃不示貶戒何哉應氏執義磐固垂七十年可謂難矣可以風勸矣

鮑節婦傳

節婦姓吳氏歛澄塘吳其女也甫七歲失怙恃及笄歸棠樾里鮑太康氏時舅氏已歿惟姑在節婦事姑恭順兢兢小心恒恐少拂其意每食必手自烹調以進浣濯縫紉蚤夜靡懈年二十五太康病卒兒長恕生纔七月節婦哭擗幾絕已而仰天泣曰姑老吾當侍養子幼吾當撫育家素貧吾當經紀之徒死無益也乃卸脂澤絕慶弔勤紡織躬儉約居常言未嘗出口足未嘗踰閭皎皎貞白四十年如一日上事慈姑下抱弱子而家用卒弗至於匱乏者皆節婦勤苦力云節婦今年六十有八精神強健不少衰而長怨年

四十有五商游于沐以謹厚稱有子一女一家道漸裕母心怡悅詩曰豈第君子福祿攸降又曰豈第君子求福不回觀諸鮑節婦既壽且康子孫成立天曷嘗私于善人乎

李先生曰靈雪甘雨國之寶也孝子節婦家之寶也國得其寶則百穀蕃茂家得其寶則胤祚榮昌此理之常通古今一也予聞宋末歛棠樾里人鮑宗岩氏遇盜縛之林木抽刃將殺之厥子壽孫泣拜願以身代盜兩釋之是故里人咸稱之曰棠樾孝子云而勝國時鮑門有節婦江氏入國朝則又有宋氏丘氏並以貞潔聞宋丘之後乃今又有吳氏清芬芳聞馨香閭里茲固我朝聖化漸被致然而亦鮑氏詩禮盛族典刑具在慶源深遠世澤未艾不然何其孝子節婦萃于一門若是哉

雲嶠翁傳

雲嶠翁者夷門之道士也姓鄭氏名鑑字尚宜篤嗜書冊蒐訪購借手自鈔錄之雖嚴寒酷暑不少輟盈屋填庑積至幾千卷翁蚤攻醫術而所著方伎之書尤多乃盡讀之鈎玄闡微多所自得以之治療諸病遲遲有奇効姑舉數事而言一宗室年三十三歲偶

患口眼喎斜其人素健啖喜飲且多慾翁診之曰左關脉緩而滑兩尺緩大而虛是得之醉飽乘涼守真所謂將理失宜者也蓋陽明之脉起鼻交頰中下循鼻外上入齒中還出俠口環唇下交承漿却循頤後下廉出大迎循頰車上耳前皆胃脉經行之地胃中火盛頰頰繃急則口眼為之喎斜故丹溪謂之胃風乃先用清胃行氣之劑續用東垣清陽湯數貼而愈又一宗室年三十歲因勞役嘔怒痰嗽出血頃之盈盈脉雙弦而緊左甚于右翁曰經不云乎上者下之乃用補心湯減乾葛人參桔梗加童便香附黃連拖子黃芩二貼而愈一少年婦人偶大崩須臾升許翁曰經不云乎下者上之乃用涼血地黃湯加荆芥葛根生地黃四貼而愈喬儀賓年三十歲患腹脹陰囊腫雙足俱腫右為甚脉沉遲它醫莫能療翁用木香白朮散腫脹漸消後二日嗽痰中帶血翁仍用本方減木香官桂加黃芩桑白皮痰少血止腹覺微痛前方內復減滑石脉體漸大翁笑曰瘳矣脉訣所謂腹脹浮大是出厄也果瘳姚學職允夫每大便輒出虫三四枚如草麻仁狀脉細小而澤有睛藍關精神困憊翁用平胃散加苦楝根黃連檳榔烏梅令五更初

服之質明下虫長七八尺許前大如黑豆尾細如線節節相啣如蛇皮然蓋醫方所未載者出而安它若是者甚多弗能悉述也余與翁交四十年稔知其為人質直坦易平生無它好而獨好書老而靡倦著書凡數十種悉可傳嘗自言曰某少而孤貧性嗜方技之書苦無力致之每向人屈意求假隨讀隨鈔殆忘寢食故所儲書頗足覽間摘出單本者百種惜古無摹板皆世所未見者命之曰醫書百朋每一展閱如張樂於洞庭之野洋洋乎美哉弗知衰老之我迫也又嘗曰忽吉甫之金蘭循經滑伯仁之經絡發揮皆經脉流注孔穴高下外景也華元化內照圖言臟腑形象氣血多寡內景也各得其一而朱奉議二景圖雖兼二家之說又畧而弗詳某以馬宗素通明形氣圖補外景主好古臟腑用藥圖補內景庶為全書爾於是著內外二景圖補若干卷又嘗曰本草備載藥性修于有宋政和間自隋唐以來明察藥性者東垣一人而已抑能用東垣之氣味而上兼仲景之方法丹溪其庶幾乎然二子元人也皆生于政和修書之後高見絕識本草中寔未之載其備錄二子之言間出已見以補本草之闕於是著本草補遺若干

卷翁因宋人張杲李明博採經書子史中有關於醫
術者千事裒輯成編名之曰醫說顧所載有未盡者
乃用其所立門類亦採傳記中醫論方劑總千餘條
釐爲十卷名之曰續醫說皆李明之所未及者既成
編爲余序之較諸李明所輯尤爲博洽云翁平生著
述甚富多未脫藁茲弗殫述翁之術盛行于梁宋間
宋人稱醫中讀書多燭理明者必曰雲嶠翁雲嶠
翁汴中故多醫翁之前有周溥文淵者亦以善醫鳴
所著有方法攷源藏于家

嵩渚子曰余讀司馬遷史記竊觀其爲太倉公作傳
博載其應詔所對自齊侍御史成至公乘項處凡二
十有三人攻療之驗甚具何其與宅傳之體不同也
蓋醫寄死生厥繫至重故變例以紀事慎之也嗣觀
國初諸大老文集如宋潛溪戴九靈朱天台爲丹溪
滄洲抱一樓寧作傳復備列其著述之旨是又一變
例也余爲雲嶠翁作傳兼用二體以成之第愧文思
彫落筆力萎弱弗足以傳遠爾草創既成付其家俾
其子孫寶藏之以詔來裔

嵩渚文集卷之八十八

嵩渚文集卷之八十九

碑七首

晉烈士廟碑

陽臺官司馬先生碑

重修玄帝廟碑

河南省城重修鼓樓碑

大梁金鍾李氏世系碑

輝縣令郭侯興復稻田碑

洧川令衛侯去思碑

目錄畢

碑七首

晉烈士廟碑

余讀遷史至程嬰公孫杵臼之事及左氏所紀提彌明鉅麇之死靈輒之亡與夫韓獻子啓景公立孤之言未嘗不掩卷悲怛引袂雪涕而泣下弗已也乃嘉靖癸未秋余巡郡邑至忻州之九原夫九原者晉卿大夫之葬域趙宣孟之田邑也世家謂趙孤復立得其田邑如故檀弓國語並載趙文子與叔向觀乎九

原蓋即此地云余駐馬遲徊詢程嬰杵臼韓獻子諸墓父老曰吾郡程侯山乃嬰之故村韓溝乃獻子宅里遼家莊乃公孫中社原頭左城公孫之東西社也三子者之墓在焉余因命父老導詣之出城南郭門則酹嬰墓反而出城北七里則酹杵臼墓又東南馳二十里則酹獻子墓晡而旋宵而求喟緬惟諸烈士年代遼遠壑壟荒蕪非建祠以合祀之不可乃進郡大夫而諭之曰諸烈士風槩在天壤間靈星耀震動千古矧茲故都也汝亟擇地而廟祀之翌日郡大夫報曰城西北一里有龍王廟焉撤淫祀正不亦可

乎余往相之則見短碣伏草莽間篆刻莫辨洗剔徐覽始知是廟爲杵臼故祠乃白其事于巡撫都御史長垣胡公巡按監察御史萊陽王君咸是之且謂余曰匪祠何以表烈士廟何以昭遠蓋紀其事而載之碑按宣子晉之賢大夫也下官之變屠民之無道極矣嬰胡之友也杵臼朔之客也獻子宣孟所薦士也杵臼死之嬰立之厥贊之卒滅屠而反其田邑可不謂難矣哉當宣子之驟諫也靈公患之鉅麇者受命於公而賊宣孟者也提彌明車右也靈輒鬻蔡之餓人也觸槐搏焚接踵死焉倒戟報食不告亡焉皆感宣孟之義而奮不顧身不可不謂之難也宜合祀之於是貌宣子于中而厥嬰杵臼彌明麇輒咸配食是故合祀之者禮也先宣子者主也次獻子者貴也次嬰杵者功也次彌明麇輒者推及其烈也春秋饗之者思也廟曰烈士者悼也廟既成余作迎送神樂曲二章教忻之人於春秋饗祀之日婆娑歌舞以樂神而并刻之石其辭曰

絙瑤瑟兮拊鼓巫綏節兮應舞神之來兮前素旗紛王佩兮光陸離風颯颯兮淒其若有哀兮傷悲曰遭時兮靡昌匪諸良兮嘯襄聯軋兮徜徉澹忘歸兮

樂故鄉睨九原兮羣羣相顧歎歎兮涕泗浪浪

右迎神

終獻兮徹俎停律兮降羽靈濟濟兮既歆歆去我兮
何所太行委蛇兮滹沱東流吁嗟此邦兮神之樂丘
春芳菲兮秋黍胡不留兮容與陵谷變兮時代移遠
有塚兮近有祠英風萬祀兮在茲悅我氓兮永思

右送神

陽臺宮司馬先生碑

陽臺宮在濟源縣西之王屋里曰陽臺者茲地即古
之中嶽臺在山之陽也舊名陽臺觀有石碣刻唐睿

宗送司馬先生還天台詩

李

王

宗送司馬先生還天台詩李王之遊陽臺宮也讀碣

詩觀先生丹龜石牀已酌于白雲道院或問司馬先
生居天台山尚矣見諸圖誌徵之石刻炳然可攷乃
茲地有先生遺跡何也李子曰先生自天台而徙王
屋也請聞其詳曰先生始居天台山武后嘗召見求
還山勅麟臺監李嶠餞之洛橋之東睿宗景雲二年
令其兄承禔就天台山徵之召入宮中問陰陽術數
之事先生對曰老子曰為道日損損之又損以至于
無為且心日所知見者損之而後能復攻乎異
端而增其智慮哉曰理身無為則清高矣理國可無

為乎對曰國猶身也是故遊心于澹合氣于漠順物
自然而無所為則天下理唐宗景雲曰廣成之言也
欲加寵位先生固辭還山賜寶琴霞帳以遣之公卿
皆賦詩以送開元九年玄宗遣使迎入京親受法籙
明年駕還西都先生請還山玄宗賦詩送之十五年
又召至京令先生於王屋山自選佳勝為壇以居今
陽臺宮是也先生居王屋山上言五嶽皆有洞府各
有上清真人降任其職山川風雨陰陽氣序悉司理
焉冠冕章服佐從神僊悉有名數請別立齋祠之所
玄宗從之因勅五嶽建真君祠而冠服制度皆先生
所定先生博學能文工篆書夏為一體號金剪刀嘗
刊定老子章句用三體書之傳世年八十九卒于王
屋山詔贈銀青光祿大夫賜號貞一先生云先生名
承禔字子微溫人也少為道士師事潘師正師正師
王遠知遠知師陶弘景以方外之學相授受玄宗命
其居王屋者欲其近闕下便召見也吾恐世人不知
先生徙山之緣故著其槩于碑以示諸來遊者

重修玄帝廟碑

汴城南三十八里曰陶村其地蓋有陶令公墓云元
至正間名大張村仁壽鄉今名木魚寺緣寺建而號

厥地也寺之後故有玄帝廟土人稱其地曰廟兒岡
岡存而廟廢矣正德辛巳六月鄉民張鵬募緣王守
定倡率重修之乃築崇基起立神殿三間繚以周垣
樹以嘉木左碑右鐘兩亭翼然規制視昔加闊焉逾
年告成乃屬漣紀其事刻之樂石以垂永久夫玄帝
者北方之神也傳曰北宮黑帝其精玄武是故在天
爲虛危之宿在地託龜蛇之靈在五行爲水在五色
爲玄而其數則一也神理不言應以象類故見其象
類神可徵矣夫神之在天下如風之嘘谷所觸皆通
如水之行地無往弗達擲梅之蹟五龍之異非其彰
彰顯著者乎漣汴人也幼聞長老言宋天禧初有龜
蛇見於繁臺之東南因建真武堂於其地亡何泉涌
堂側汲之靡竭負疾疫者輒飲輒愈詔建祥源觀凡
六百一十餘區以祠神茲地茲廟其建於斯時邪祭
法曰聖王之制祭祀也能禦太雷則祀之能捍大患
則祀之自唐貞觀以來神之禦雷捍患圖冊不可勝
紀若渥雨應姚簡之禱雪晴濟戴夔之軍其在國
朝尤著靈響然則廟而祀之者禮也祀之孔虔者誠
也禮以達誠誠以歆冥闔境之民將庇神之休雨陽
時若百穀歲登永躋仁壽之域則神有功於民而民

非誚於神矣乃若出資修廟者之姓名悉載之碑陰
河南省城重修鼓樓碑

夫樓奚以鼓稱也貯壺漏戒昏晚嚴私度數人時王
政之所必先者也古之聖人配天作則仰鑑七曜俯
順五辰乃建日官俾典壺漏審無停機抱無吝晷晷
夜聿分節序靡惑是故竟欽曆象舜在璣衡周專挈
壺其道一也曾謂更鼓非王政之先務乎河南省城
宋之京都也舊有鼓樓傾圯弗治景泰庚午嘗修之
適霪雨而罷天順辛巳再修之適河決而罷人皆曰
無耳鼓樓耳必有水患故日就頽廢久無議修之者
嘉靖元年內官監太監陽信呂公憲來鎮是邦瞻樓
之敝憮然而嘆曰樓以藏鼓鼓以傳漏凡我出入
息之氓咸聽此以從事顧可使傾圯如此哉乃咨於
撫按臺臣暨藩臬郡庠尹咸是之或有以雨潦河漲
沮者公颺言於衆曰霪雨者陰陽之愆也河決者地
道之變也夫何預於樓吾苟役民以時動民以道不
侈財不妨稼則陰陽和而地道順矣夫何雨河之慮
乎於是選吏董工鳩徒獻力程藝稽勞賞動作怠公
日臨臺趾以勸相之是故財無耗竊工無簡畧不踰
年而告成亦竟無雨河之患是役也經始於丁亥之

春基築於夏臺畢於秋樓完於冬更漏分明四境遐聞形勢若是一方壯觀蓋百餘年因循未舉者而一旦舉之非公識洽體重民時得人心服衆口而能若是乎汴之卿大夫里居者咸謂公排浮議以修廢墜吾民宜百世思之乃賈石樹碑謁余文以紀其事余亦嘉厥功之有成也輒敢原王政以爲說如此嗚呼登斯樓者其尚知所自哉

大梁金鐘李氏世系碑

吾李氏家世汴人以小兒醫有聲梁宋間號金鐘李氏六世以上莫詳其名諱始祖諱景權著醫書滿家多發素難隱與生一子曰鐸克世其業父子並爲御醫鐸生五子曰得禎曰得祥曰得福曰得祐曰得祿而得禎之子榮一傳絕得祐爲太醫院醫士卒于京邸得祿幼而殤並絕得祥精醫術盛行永樂洪熙宣德間生五子曰仁曰義曰信曰溫曰倫仁倫咸業醫與義溫並絕信吾祖也醫娶有奇効弘治改元以齒八十餘應恩詔冠帶稱壽官壽官府君七子曰敬曰德敏曰政曰敞曰敫曰孜敫吾父也忠信坦直爲時名醫生三子曰洪曰淳曰瀛洪習醫淳服賈瀛謗薄不類類祖考庇廕之休少舉進士三爲下大

夫今歸老丘樊課子訓孫幸無大過德敏中成化丁酉河南鄉試筮仕山東樂陵縣儒學教諭左遷直隸常州府儒學訓導擢榮王府伴讀生四子曰求舒曰求昌曰洛曰湘求昌階朝列大夫爲儀賓與求舒湘俱蚤卒絕洛讀父書中嘉靖甲午河南鄉試今爲山東曹州知州政敞敷孜並絕故棄家入武當山爲道士不知所終得福生一子曰金業醫亦以年齒拜壽官生四子曰繡曰縉曰紳曰經繡縉紳並絕經三子伯仲俱蚤卒季汲今爲縣學生云嗚呼吾宗以醫傳家凡十餘世自宋元至今日世爲儒醫所活嬰孩無算易曰積善之家必有余慶傳曰有陰德者其後必昌憶昔正德丙子春三月瀛赴官沔陽諸父伴讀府君率諸族人餞之南董門授觴於瀛瀛踞而受之伴讀府君颺言曰祖宗積德數百年始發於汝汝其勉之瀛頓首對曰不肖瀛弗足以當之然不敢不勉以祇奉大人之教今三十餘年矣顧瀛偃蹇蹉跎靡自樹立寔負宗族期望之意竊惟我祖宗積德深厚慶澤流衍子孫必有起而當之者矣績學慎行昭令聞以圖不朽之業瀛不敢謂宗無人謹書諸石以待後昆之賢者

輝縣令郭侯興復稻田碑

嘉靖乙巳春三月余西遊王屋山決旬而返旅憇共
城於是登孫公囂臺謁邵子安樂窩徜徉太行之麓
聞有歌于其野者曰衛水滔滔奔流如駛下至雲門
逾十九里開渠一丈其清泚泚澤我杭稻三農欣喜
又歌曰百泉混混共城之下水鳴石間不舍晝夜我
侯惠民引流滋稼咸飽而嬉樂茲穰穰復有和之者
曰共城之西卓水淠淠鑿渠引之以灌以溉宜我稻
田厥利罔既嘉名永垂惠而不費余聞而異之乃停
車道左召父老而問曰胡爲有是歌也父老曰此邑

萬壽年

李季

九

令郭侯之善政也吾邑西南三里有鄉曰稻田所相
傳昔人種稻之處國朝以前已有之矣自衛源而
下猶有分渠遺跡隱隱可見緣山水衝淤壅淤湮沒
荒穢沮洳不復可田以茲賦稅莫辦居民死徙輝人
甚苦之去歲夏四月我侯以新安令服闋赴部補尹
于茲首興地利以蘇困窮乃相度原隰至所謂稻田
所奮然曰是非昔人種稻處邪吾引泉以溉之民食
可足也亟白其事于諸上官僉以爲然侯獨吉興工
計畝召夫刻期畢役上自衛源建立開口下至雲門
約十有九里開渠闊又許深半之川流沛然莫之能

禦而渠之兩旁今民皆種稻幾三百餘頃北南有鄉
曰姬家寨又引卓水泉以灌田幾三十餘頃吾民百
世之利寧有窮邪此所以歌謳載塗而弗能自己也
李子曰嗟乎天地有遺利則生民阻饑矣郡邑得良
牧則養民有道矣昔魏文侯時西門豹爲鄴令有聲
至文侯曾孫襄王時與群臣飲酒王爲群臣祝曰令
吾臣皆如西門豹之爲人臣也史起進曰魏氏之行
田以百畝鄴獨二百畝是田惡也漳水在其旁豹不
知用是不知也知而不興是不仁也仁知豹未之盡
何足法哉於是史起爲鄴令遂引漳水溉鄴以富
魏之河內民歌之曰鄴有賢令今爲史公決漳水今
灌鄴旁終古焉爾今生稻梁余猶以爲異世未之觀
見也乃今躬覩郭侯之政而民歌之足以與鄴令史
起之事並傳于後世無疑已使列邑皆得若人而爲
之牧則民獲其有瘳乎西遊歸之明年丙午春三月
輝父老其等渡河抵汴叩余門而請曰我侯興復稻
田公親歷見之也去秋大熟畝收一鍾計獲稻二萬
餘石變汙萊而登膏腴脫枵腹而爲飽食進者歸病
者起逋負者完皆侯之賜也侯名譽著聞行且遷去
誠使後之爲令者踵侯之舊政而修濟之雖數千頃

稿可致也顧公屬文紀其事將刻之堅珉垂示永久則侯雖遷去善政猶存也余諾其請輒采其語而書之侯名淳字子美直隸高邑人壬午貢士先為新安令有瑞麥之異今令輝善政寔多而興復稻田特其一事云

涇川令衛侯去思碑

衛侯綸字理之山西潞城縣人也嘉靖辛丑四月奉朝命來令涇川三載政績著聞甲辰五月遷陝西布政司理問以去涇邑之民無老稚咸戀戀弗能舍於是致仕官關詔省祭官王裡里父老周祿等乃據侯善政之槩以為狀冒暑走汴爰告于嵩渚子曰侯惠澤在吾民今遷去顧得公之文以職去思將鐫之堅石垂永久焉子衰臥林壑懶于為文父矣顧善善之心君子攸同矧夙聞侯之賢于當路諸大夫故不以不敏辭侯天性閎敏事過目輒不忘下車之初肅謁廟學瞻官塙殿廡堂齋費舍皆朽敝弗支乃毅然以作興為己任措材鳩工修葺完整又鑿泮建橋栽植槐栢規櫺闥敞視昔有加政暇輒命題試士朔望詣學講書士之貧者則給膏油楮墨婚葬弗能舉者則賙之又立社學延師以訓童蒙其崇重學校有如此

者邑之南有河曰雙洎每歲夏秋之際暴雨水漲勢甚洶湧漂蕩民廬淹沒禾稼為患甚鉅侯至修築隄防乃不為害河舊有草橋而梁木歲取諸民吏緣為奸侯易以板木為浮橋以時徹架而行放利涉民無科擾邑又有楊家等陂十餘處霖雨泛溢敗田千頃累歲告災民生彫瘵侯相度地勢乘農隙之時役民疏濬之今免于患其興起民利有如此者邑城為霖潦所壞時適有北虜之警侯憂形于色乃築卑為高增建角樓若干楹雉堞森密屹然改觀又修演武場操練壯居民恃以無恐於是巡撫都御史姚江魏公巡按御史歷城趙公交薦于朝曰涇川令綸遇事勇為聞警知懼乞擢用以勸其振飭武備有如此者邑之藩臬分司暨縣治吏廨倉庾巡警鋪歲久浸壞侯視象以來經營繕葺罔弗完好而民不知擾焉其修舉廢墜有如此者邑有節婦郝氏李氏姑婦孀居三十餘年經數令未有表其事者侯申達當道而旌之民間男女長成過期未婚者侯勸諭嫁娶入無怨曠敦正風化有如此者涇民素健訟往時赴愬上司者無虛日侯剖決衡平訟牒簡息而無復越愬者隣邑有難決之獄上司必以屬侯經鞫問者輒無

冤如許州民王天祿新鄭縣民蒲華皆罪不當死前
 官問擬死刑畢勸莫白侯承臺擬往鞠盡得其情寬
 白之二人得不死商水縣民婦黃氏寡居其姊夫竇
 氏子欲奪其產誘妻母楊氏誣告婦毆姑縣擬大辟
 分巡僉事朝城江公屬侯鞠之侯庶得其實事竟白
 其開釋無辜有如此者杞與考城兩邑民爭田二百
 餘頃溫與汜水兩邑軍民爭黃河退灘地近千頃累
 年不決巡撫魏公檄侯勘之侯定界丈量四邑心服
 其善折久滯之獄有如此者它若均平徭役而吏書
 莫能爲奸節縮浮費而里甲弗致困累捕蝗而不爲
 災治盜而自解散教養桑以足民食儲穀粟以備歲
 歉崇善政弗能殫書賢哉衛侯可以垂令名于百
 世矣侯由曹監丞仕西華簿擢判易州再擢良鄉令
 丁外艱歸服闋補任丘令未幾調涇川所至咸有惠
 政故既去民戀戀之詩曰樂只君子民之父母蓋以
 其好惡與民同耳苟反厥好惡民將疾視之惟恐其
 去之不亟也夫何有思之者乎侯行政中理而得民
 之心民感德不忘而思侯之深侯非有要于民而民
 非有私于侯亦惟天理之在人心者自有不容已焉
 爾予從民之請書侯之善政于石俟異日太史氏采

之以爲循吏傳云

清江文集

卷之六

七

高渚文集卷之九十

書簡一 九首

上提學劉公書 正德壬申時在鄧庠

荅友人論詩書 正德甲戌時在京師

謝撫治簡庵陳公旌薦書

謝總賑東湖吳公旌薦書

謝巡撫鳳山秦公旌薦書

謝巡按東塘毛公旌薦書

上秦中丞論沔陽賑荒書

上吳中丞論湖廣修誌書

荅王參政論游覽山水書

附 王參政書

目錄畢

高渚文集卷之九十一

書簡一 九首

上提學劉公書 正德壬申時在鄧庠

濂再拜獻書大宗師門下日者文旌北指按部浹邇

之墟河北人士聞風鄉化吾省學政脩明自天台陳

先生之後乃今復見於執事斯之幸甚邇聞出巡試

目多是長題限以起正命士背寫訛一字者必扑落

一句者必黜罰譴之下間及佳士濂聞之弗信恐涉

謬傳竊意君子敷教之方必不若是苛也昨會一外

邑生寔因訛三字而黜者始知果有是事濂惟民生

於三事之如一君有過而弗三諫匪忠也父有過而

弗幾諫匪孝也禮曰事師無犯無隱蓋師者道之所

在諫必不見拒不必犯也濂請正言而無誅可乎今

夫士之讀書以省悟踐踏為良而不以記誦無差為

賢且孟子命世亞聖之大才也觀其所著七篇援引

詩書不無舛錯使其生於今之時亦不免見讓於執

事之門矣何以見之戎狄是膺荆舒是懲僖公事也

孟子誤記以為周公之事生事之以禮死葬之以禮

祭之以禮孔子言也孟子誤記以為曾子之言周室

祭之以禮孔子言也孟子誤記以為曾子之言周室

班爵祿之制而失記其詳孟獻子之友五人而已忘其三革車三百兩虎賁三百人載於牧誓者甚明也則以為虎賁三千人漢水周注之江而汝與泗則入于淮而淮又入于海紀于禹貢者甚詳也則以為決汝漢排淮泗而注之江若是之誤不可勝舉然後世讀其書與六經論語並尊者何也蓋一言一字之偶誤不足以累其七篇仁義之大旨也荀卿曰誦數以貫之書固不可不熟讀若因其小失而遂黜之不幾于踐田而奪之牛乎若夫塲屋天比命題詠一字者必貼出不六終試為防奸弊耳事體固與感考不同

清溪文集

卷之十

十

頓首

荅友人論詩書

正德甲戌
時在京師

景氏來京得吾子手札詩什再拜祇領吾子謂僕之

詩體裁流麗聲色並存僕豈有是哉乃過與如是又謂僕更加雄渾參差優入古人之域誠告切直無非欲共振大雅此與世俗小兒互相誇好者萬萬不侔有友如是何幸何幸適來旅邸多暇日得從事觚翰鍾嶸有言使窮賤易安幽居靡悶莫尚于詩竊效之餘竊有所見請為吾子陳之人有恒言詩莫盛于唐僕意唐但盛于歌行近體耳五言古體其衰于唐乎何以知其然也夫有唐好古之士自陳拾遺後莫若李杜李白古風五十九篇首憫大雅不作慨然有復古之志上而擬諸漢魏諸子之作豈其然乎杜甫五言古詩高者莫若前後出塞潼關新安石壕諸更新昏垂老無家諸別及自秦州如同谷紀行諸作詳音審調或與古亦有間焉僕不自忖度竊欲五言古詩必則漢魏晉人歌行近體必則李杜而更以初唐盛唐諸公參之自中唐以下無論也雖今茫無所得自信頗固即論初唐雷麗有若四傑綺錯有若上官儀俊思有若李嶠氣詞贍茂有若杜必簡有若喬知之有若沈佺期有若宋之問有若劉庭芝盛唐諸公若孟襄陽之清遠王江寧之俊逸高常侍之氣骨諸御史之超灑王右丞之景象岑嘉州之奇峻它若李頎

清溪文集

卷之十

三

崔顥質至常建之徒皆歸然可則專則李杜而盡棄諸公僕不敢以爲然何以知其然也嘗觀李杜二公之作未嘗不兼則古人李白酷愛鮑謝諸子杜甫亦以陰鏗更信徐陵稱之李曷嘗專于一乎杜甫刻意則古者也若城西陂泛舟之作則之問也和嚴公軍城早秋則四傑也體無常師餘難殫述是故君子之爲詩也正軌以慎其途旁求以參其變氣格雄渾爲之主盟詞彩葱蘢爲之佐輔有氣格乏詞彩則疎鹵難觀有詞彩乏氣格則靡纖可厭今有嶧陽之桐材中琴瑟弗加髹漆則不可以鼓公輪子之爲宮室也梁棟簷楹榱桶備使無丹青黝堊則不足以壯明堂清廟之觀間須白台天下之美婦人也苟奪其璫瑜珎瑱簪珥膏沐之飾則旖旎損矣故曰山無樹林泰華失勝天無霞靄陰陽不神故氣格宜先而詞彩即次之矣吾子以聲色並存與僕僕何敢當哉若曰雄渾參差尚願肆志畢力請事斯語未知力量何如耳吾子寄來詩什京之才士傳覽爲宜再遺三遺爲我銅鏡人行勿遽走筆不盡欲言惟亟判是非竟便寄示爲慰荀卿曰木受繩則直金就礪則利冀吾子投瞑眩之藥醫沉痾之病大雅一振麗澤有光僕願直

顥利者也吾子其繩礪之

謝撫治簡廉陳公旌薦書

竊惟文章潤身政事及物歐陽公有是論也夫文章政事在聖門分爲二科雖以游夏求路之賢尚不能兼之況後世之人乎而況至愚極陋如瀛者乎近觀邸報執事舉劾撫屬官員乃薦瀛曰有潤身之文學有及民之惠政瀛一聞斯語內愧於心而外作於色蓋不勝忸怩惶悚之至矣夫瀛大梁之鄙人也幼習舉業他無所知惟隨俗記誦章句應試有司以取科第而已暇則摹倣古體學爲文辭亦不過竊前人之糟粕以效春蚓秋蚶之一鳴而已何敢與文學之列乎若論政事尤爲可愧自守沔以來連歲水荒盜賊竊發饑饉師旅迭興並至夙夜憂勞漫無裨補今雖漸次平安寔出天幸非守牧之功也瀛居常自念寒鈍下材叨典大郡德不足以致豐稷才不足以撫疲癯授劾而去分所宜也而乃尸坐黃堂蹉跎苟祿執事撫治湖襄激揚官吏即賜罷黜亦不爲過顧乃騰諸薦牘以瀛爲列郡循良之首豈非大誤歟昔郭隗謂燕昭王曰古之人君有以千金使涓人求千里馬者馬已死買其骨五百金而返君大怒涓人曰死馬

且買之況生者乎馬人三千里之馬至者
三今王必欲致士先從隗始執事之首薦不肖意或
在於斯乎漁敗不益想學益脩厥政以仰副下執
事過予之盛心決不敢得罪名教甘歸下流為門牆
之玷貽薦剡之羞而累下執事知人之明謹此吐露
衷曲兼申謝臆餘惟若時調攝為吾道增重不宜

謝總貶東湖吳公旌薦書

漁再拜通得邸報見執事旌薦湖南官屬濫及於漁
署語極其稱予大過情實顧漁庸陋何以得此不虞
之舉予憶去秋謁公漢口舟中辱賜殊禮款留飲譙

萬壽文集

卷之十

七

且盛稱宋名臣張忠定呂正獻之為人漁竊思張忠
定之使蜀也凡所薦辟皆方廉恬退之士嘗曰彼好
奔競者將自待之何假吾舉呂正獻之為伴從也倦
倦以薦賢為務如孫莘老覺李公擇常王正仲存顧
子敦臨程伯淳顯張天祺戰等皆一時聞人而薦之
靡遺卓哉二公之所為是故峻業著於當時休光流
于後世人到于今稱之漁備員州郡素守恬退之節
於公無一日之雅又無左右為之先容而自揣謏薄
政事疎拙又非孫莘老李公擇之名流公乃效張呂
之忠騰古之稟明揚末宋宣布 朝堂孟子曰聲

聞過情君子耻之漁惟益勵初心益慎官守以求無
惡於志即此所以報知己也謹差吏齋啓上謝并獻
近所為箴銘賦頌之文二十一首上瀆清塵臥閣之
暇倘令治書蒼頭一吟諷之亦可以當九丘之一鳴
觸忤鈞嚴無所逃罪漁恐懼再拜

謝巡撫鳳山秦公旌薦書

漁謏晉語至下和獻璞之事未嘗不掩卷而三嘆也
夫弗遇所知雖至寶難售矧非至寶而人之棄之也
固宜伏念漁為秀才時適公執憲中州東鐸造士乃
辱甄拔優獎待以國士既而筮仕沔陽又遇公捐循

萬壽文集

卷之十

七

其地三四年間道接而培植之恩德深厚昌聲名言
今年春乃薦漁於朝曰知州某學行兼優修己之功
素密兵荒善處恤民之政居多此體用之全學士夫
之極譽漁何人斯而敢當此褒嘉之語邪雖然龍媒
紫燕值欽樂而價益增鑄錡干將遇風胡而品始定
執事素持衡鑑之公誕受激揚之寄一經品題便作
佳士獨漁庸劣懼無以仰副盛心耳此所以聞薦驚
惕而寢食靡寧也昔者皇甫規之薦張奐常何之薦
馬周狄梁公之薦敬暉等君子以為不負所舉而三
君子知人之明益彰桓譚鼓琴少失正調宋弘猶面

斥之悔其誤為往事如此昭然可鑒瀛為敢備奏官
守以傷執事知人之明乎新撰賦三首謹命吏繕寫
隨啟濟獻倘不賜棄擲下之記室埃臺端清暇取而
一閱之擊節覆說惟執事擇焉南望楚雲無任瞻仰
瀛頭首

謝巡按東塘毛公旌薦書

瀛考績北行道經淇水旅食郵舍中得執事薦官邸
報內聞小子瀛器識高明問學該博才能不止於作
郡文行誠可以淑人瀛讀之愧而汗顏感而銘骨竊
思庸庸祇祇周典之常激濁揚清憲臣之紀如瀛陋
劣分宜罷黜乃辱禮遇優殊封章上薦過情之譽其
何以哉昔者謝諫議必善知人少許可平生薦士不
過數人後皆有顯名於天下每發薦牘必先設几案
庭中置牘其上乃焚香望闕再拜曰臣又為朝廷得
一人其慎重如此執事薦賢為國之心夫何異於謝
公獨愧瀛非其人耳濫竽竊吹之耻其能免乎雖然
鸞鳳杞梓舉集公門瀛決不敢怠於宦成以貽薦剋
之玷郵舍中偶值便使草率具啓聊布區區感愧之
私詩曰中心藏之何日忘之伏惟俯賜鑒諒不宣

上秦中丞論沔陽賑荒書

竊見湖藩沔陽地最卑窪軍民築堤衛水號為圩
院耕種田糧近苦川襄二水并洞庭西南山水驟發
匯聚於沔各院隄防盡被風浪衝決軍民逃亡溺死
道殣相望往時各院室廬殷庶難大誼集即今一院
或十戶以上或七八戶或四五戶者有之四望瀟漫
流徙殆盡每與春無無巢之感今蒙撫院加意窮民
懇奏蠲租乃荷 聖恩軫念 特簡大臣齎銀賑救
生者慶再造之命死者還游蕩之魂沔鄂無慶痼瘵
可蘇抑救荒之政有無窮之惠有一時之惠無窮之
惠遠而有功一時之惠近而多費夫錢糧取辦於田
畝而田畝藉衛於隄防使今歲之隄防不脩則來歲
之播種無地由是饑饉又有相仍之勢租糧益無可
辦之期蠲免之疏似不可以疊陳賑救之恩亦難望
於累及生民之憂其有既乎瀛職叨守牧不敢坐視
民瘼而不之救欲先將各院圩長拘集審查見在人
戶并多招佃糧人丁及親臨踏勘週圖丈尺攢造文
冊候大賑至日計圩院丈尺之多寡驗工支給逐一
修築如此則民不招而自復工不勞而易成 聖恩
遍播於今日歲事可望於來年若但憑吏胥簿牒之
數給 朝廷帑藏之財則里書侵漁奸吏影射費且

不貲而民亦缺望矣孔子曰因民之所利而利之斯不亦惠而不費乎又曰擇可勞而勞之又誰怨孟子曰利之而不庸又曰以佚道使民雖勞不怨由聖賢之言以揆給賑築堤之事蓋事理之至當政體之可行民生之有益國賦之是賴無可疑者管見如此伏惟高明裁納

上吳中丞論湖廣修誌書

伏辱執事公牘命瀛總裁湖誌而又馳吏沔陽采取本郡人材物產之詳竊惟偽漢陳友諒乃本郡黃蘗村人生當腥羶之末少負鴻鵠之志驍健超群威名

震難吞據全楚睥睨中原雖孤魚糾衆罔知順逆然

田壘奮臂頗著梟雄今本郡山林高士縉紳名流俱

已採摭行蹟收錄傳紀欲將友諒事畧並列于後緣

負固之初倚角荆南又履神算僭升服御僞署名

稱屢書諭降敢肆騷擾既而鄱陽決戰兵敗身殞誠非應天順人度德量力者似無足書即欲刪去名號但友諒澤哺巖呼名寔甚著其子理去逆効順志

亦足嘉高皇帝深仁汪濊大賚封爵父子兄弟

竝拜王侯後雖徙置殊方實則肇蹟於沔郡城玄妙觀本諒故居而編氓謝氏又諒遺裔似亦不可不載

也况元史已備紀顛末沔陽舊誌亦附載列傳今欲放班史陳勝項籍之例別爲外傳以附本郡人物之末使聖朝封錫之典不至湮沒友諒行蹟之詳又有足徵但事關筆削義慎陽秋必須斟酌論評方可垂示永久今命吏錄出謝氏族譜一冊并舊志叙傳一首齎獻下伏祈台鑒可否早賜批荅幸甚

答王參政論游覽山水書

瀛頓首道思足下憶昔公參藩于汴政事之暇時辱枉顧敝廬劇談清話教益良多自辛丑春郭園之別歲序荐更忽復十載仰念高風可勝嚮往今年春三

月始得公去冬書札情篤意勤如奉顏色乃謬以鄙

人爲可與言者而商及游覽之事大意謂古人游跡

傳諸後世者多羈旅寄寓之士而仕宦者恒無聞焉

惓惓以阮公之蓬池吹臺之杜高李爲說吾竊以爲不然古人杖屨所臨其跡不泯者亦惟以其人之可重言之可傳云爾而顯融之與漂泊固在所弗論也

昔謝靈運爲永嘉太守每遇佳山水輒留詠如宵濟漁浦潭旦及雷春郭揚帆采石華挂席拾海月人至今誦之嗣爲臨川內史初發石頭城而曰游當羅浮行息必廬霍期入華子岡而曰且申獨往意乘月弄

潺湲遂為古今嘉話謝玄暉為宣城太守出新林浦
向版橋而曰天際識歸舟雲中辨江樹晚登三山還
望京縣而有澄江靜如練之句迄今膾炙人口夫二
子分閩專城佳旅能載堂羈旅者而杖屨所臨
其跡不泯如此矧尤有不為二子者乎公行誼醇雅
詞翰兩絕荀振衣一出海內名流望風迎候治具以
從願侍几席者當隨地有之不知幾何人公顧憂其
被侮見譏糧不繼而樹遭伐何過計之甚也吾自丙
戌免歸杜門不出者逾二十年乙巳之春游興偶發
漫有河北看山之行聿入王屋陝天壇濯纓濟池造
李愿之盤谷還經寧邑過山陽訊竹林遺蹟也還至
六真山尋列仙丹竈弭駕共城登蘇門山酌酒嘯臺
之巔循嶺而下憇孫登土窟酌邵子安樂窩盤桓旬
日興盡而返凡得雜詩暨文若干首吾方自愧荒陋
人不足重言不足傳欲燬棄其稿而前巡撫池陽柯
公見之乃驚歎以為奇遂錄梓以傳吾欲掩其醜而
不可得矣屬者復擬出游將東登泰山躡日觀坐待
鵲鳴眺日出之景下上山坂觀秦松漢栢及古帝王
封禪處俾驂曲阜謁闕里廟覽夫子手植楷問陋巷
舞雩所在西游嵩山跨盧鴻巖道遙箕山之陽因弔

許由冢云又欲南游武當諸宮觀王芝瑤草行或見
之便道趨隆中訪諸葛氏草廬舊址而後歸此區區
之夙志也東裝戒發客有沮吾游者曰古之高賢真
逸如陶淵明尚矣然其興之所寄不越乎田園離落
之間松菊桑麻之畔而已曾未聞其離家而遠游子
足跡半天下名山秀水探歷已多勝覽奇游篇章已
富今以遲暮之年而行役靡息似非逸老攝生之道
也吾聞其言異之諸窺其意亦愛我者也乃詰之曰
汎覽周王傳流觀山海圖非柴桑翁之詩乎其遠跡
之志已見於此既窺窺以尋壑亦崎嶇而經丘非
柴桑翁之辭乎而以邀以游亦翁之所不廢也想其
遭時多故日抱隱憂故託諸酒以自晦夫何暇於遠
游吾生際昌朝心無它慮得以肆志游覽焉能匏
繫一室以自槁乎吾既以是荅客而併以告公懼或
有沮公之游者而以是曉之耳遠游之行公請勿疑
門庭一出景星是瞻題詠一留紙價踴貴夫何美於
蓬池之阮吹臺之杜高李乎抑聞武夷九曲為天下
第六洞天飛泉疊嶂澄徹心骨寔昔賢栖遁之地公
家溫陵去此為甚邇安得借公往游其間聯榻紫陽
書院或猶數日面訂昨所論聖門狂簡之學不特攬

山水之奇變縱目於風塵埃壒之表而已公寧無意於茲游乎烏虜人生斯世合志者希講學論文天壤至樂如朱張南嶽之游伯恭寒泉之會較諸蓬池吹臺之跡其遠近大小何如也伏冀俯鑒同心裁度期約則千里盜簪之朋百年濯澤之益不在古人而在吾輩矣豈非逸民之孤蹤斯文之雅集哉飛鴻南來佇聽嗣音

附 王參政書

昔年汴上官游無它所得惟幸與公相見因屢展高論揚摧於風騷之場此為有得耳嶺外中州相去甚遠無由與公相聞惓惓之意想彼此不異也居閒或追數舊歷事跡輒有感歎蓬池之上阮公長嘯杜甫與高適李白同登吹臺悲歌酣詠皆傳為後人美談久而不泯吾雖游汴豈復能使其跡有記於後邪然諸君子之在當時皆羈旅寄寓之士其跡為奇吾方擁旌乘傳從事於文法體勢之間勢固不能為奇如高適持節彭門今人亦不復道說而瀝西藥門獨言杜甫顯融之與漂泊其得失固如此吾今已廢宜可以為奇方圖自計已悔少日所作而仰希聖門任簡之學果其遠出又不

能為奇且將被逐見譏糧不繼而樹遭伐矣以此疑而未決敢舉以似公夫往者既失之而今又度未可得幸有以釋其疑而決其計也數年不通書今始通音問又不作寒溫語而獨質以吾所疑者蓋望公之至請勿忘見答也願言之懷殊不一游記二篇聊往請教嘉靖戊申冬十一月朔日慎中頓首拜

嵩渚文集卷之九十一

書簡二 二十首

與王定齋提學論澠池曹先生書

與張甬川書常甫

附 張甬川答書

荅劉憲副書希尹

荅薛吏部書君采

荅衛憲長書正夫 丙戌五月

荅顧中丞書華玉

荅張學士書崇象

嵩渚文集

卷之九十一

一

書

荅童太史書士疇

寄童太史書士疇

荅林方伯書以乘

寄衛憲長書正夫

寄郭提學書自微

甲午立春日召門人柬

與范憲長柬汝和

寄翟都憲書廷獻

寄樊都憲書孝甫

寄童太史書士疇

荅顧提學書武粹

與易巡撫書廷用

荅童司業書士疇

嵩渚文集

卷之九十一

二

書

目錄畢

書簡二 二十首

與王定齋提學論澠池曹先生書

曩辱柱頤語及西游嵩岳至于澠池惜澠人莫有舉
月川曹先生為執事告者執事燭道蘊德好善如饑
渴而又以風化為職者也苟聞先生德業之實即使
不過其邑心猶嚮往之矧入其并里邇其墓林肯不
一駐輅于賢著之祠下哉按先生姓曹氏名端字正
夫別號月川澠池人永樂初鄉舉先生穎膚夙成自
幼勵志聖賢之學讀書涵泳體驗多所自得教人以

蒿清文集

卷九十一

二

踐履為主四方學者從之如雲虛往實歸成就者眾
河東薛文清公最推尊之先生初為山西霍州學正
講授不倦士心悅服後調蒲學霍士連疏爭之不釋
竟卒于霍郡人為之罷市巷哭遂留葬於霍焉所著
有四書詳說太極圖西銘述解諸書傳于世今板刻
亡矣成化間內翰黃卓庵諫過澠池謁先生之祠問
其墓曰在霍州卓庵憮然曰狐死猶首丘先生歸然
一代儒宗旅魂能不念故鄉乎乃捐貲屬縣令移葬
澠池今墓雖移而樵采罔禁祠漸廢而豆羹莫陳此

僕所以不能不仰告于執事也往見大司馬幸庵彭
公貽前巡撫都御史梧山李公書曰我朝一代文
明之盛經濟文學莫盛於誠意伯劉公潛溪宋先生
至于道學之傳則斷自澠池曹先生始也先生門祚
衰薄祠墓荒蕪請下有司脩葺之求訪遺書次第刊
布仍乞于先生故廬之左建正學坊以風厲來學斯
文之幸也初梧山銳意舉行無何代去事不克終若
有所待而然也夫先生德業之實載諸天順日錄及
一統志者雖不甚詳亦見其繁矣僕比游金晉頗聞
其遺事於蒲霍士大夫歷年久遠人思不忘二郡學
宮並降廟貌僕視縹緲僭言非敢為鄉邦私也僕退藏
林壑杜門讀書嗒然無復外念顧獨悵悵以是為執
事告者蓋以正學寢微士盤於道詞章之習日勝而
身心之學幾絕鄉先正有如曹月川者流風泯沒後
學罔聞使不及今表章以示風勸則俗學狂瀾其何
以障之哉伏惟執事察幸虛崇重之心終梧山興起
之責表其里居刊其著述此則教化之大者昔晦翁
之守南康亟刻周圖洛公之在洛陽亟題程墓先賢
後取其道一也惟高明圖之

與張甬川書

蒿清文集

卷九十一

二

滿屏國士之遇感激奮發媿無以副病中婁厯慰問
愈常走謝而遂遂焉日奔走塵土遂遠素懷竊念瀟
不忖寡聞粗有微志而坎坷州郡久弗能自振世之
所競我之所無我之所脩世之所棄督訶呼咄之下
誠非志士所能堪我思古人不得伸于時必圖有以
傳于後歲月東流並逝而不返俟河之清人壽幾何
此烈夫畸士所以覽鏡而悲廢書而嘆歎牀枕而終
夕不能寐也瀟倦且病矣思脫羈馬歸老嵩邱之下
家雖貧猶能授句讀於鄉之童孺妻織僅獲飯牛而
獵免非遇大凶年諒不至於饑而死也況以百年未
盡之身而潛心大雅之業以畢吾志猶有可樂者乎
若復遲遲遲徊忍詬而不以去徒齷齪然窺人眉睫
喜怒以送韶年此天下之至惡也夫蒙天下之至惡
而不知去謂之匪智去矣而不決絕謂之匪勇夫智
勇天下之達德也實弗敢讓于人人瀟獨抱斯情良
亦苦矣而難以語人蓋幽禽必擇木而始啼絕琴不
逢人而輒鼓環視前後知己其誰執事天下士也而
謬以國士遇我舍執事而不以告則終身無可告者
矣執事其矜而察之否邪辱手卷索書瀟欲撰一長
詠奉揚德烈困簿書久弗能就旬日當完上請益兩

高唐文集

卷之五十一

三

後河水驟添可以運艇歸當訪子于甬川之游壬午
夏自寓台州桑洲驛書

附 張甬川答書

比聞多事兼有天台之行已為執事快惓忽拜讀
手書不覺悒悒與喟嘆人情世事至于今日固已
無可言者然邦奇愚懷猶望執事少寬以需大用
竊見明道先生以縣簿起其遊山有猶勝低眉對
俗人之句易以涉事為交害以不事王侯為高尚
然古聖賢猶必汲汲皇皇不忍一日忘君焉者固
天性之義亦欲推有餘濟不足以副天之生我與
命我者之意也況茲 更化之餘公道漸明令聞
令望如先生者豈久居人下者哉愚夫俗子騁片
畧勢分恣睢吾前曾何足以發吾一嘯而遽悒悒
邪韓歐氏仕終其身文亦傳世不必屏身林壑然
後可以為不朽圖也先生仕優之際出其緒餘人
自珍襲幸少自寬且預試三斗醪醋於東海之濱
殆亦天意之有在也邦奇不肖辱愛厚慙汗感激
無以為喻使者求去甚疾草草布復不能盡萬一
台遊傑作容踵領也治生張邦奇頓首書

答劉憲副書希尹

高唐文集

卷之五十一

四

厚示西原子近錄披閱累日喜而不寐詳玩中間多自得之語精微之論蓋有匪括三氏而一之之意障記誦之類波掃詞章之陋習西原子近日之造詣如此斯世可少斯人哉瀛海閣無知不足與議竊謂此特西原入道之初見耳終當歸於中正而後已也昔橫渠嗜嗜佛老之書及見二程於京師對語數日乃渙然自信曰吾道自足何事旁求遂盡棄其異學淳如也晦庵自見李延平後為學始就平實乃知向日從事佛老之說皆非也古之大賢多如此子思子所謂知者過之其是之類歟嗟乎舉世方汨沒於記誦

書文集

卷五十一

五

詞章之學而西原獨颺是說於白沙陽明之後其功甚鉅瀛何人斯而敢輕議邪因返是書輒贅告請教幸高明指示俾弗迷嚮往萬萬

荅薛吏部書

君采

瀛顛蒙無似中年始覺昨非邇者謝事林居頗有一斑之見第恨常居鮮助無可晤語者耳承寄高作及老子集解披覽浹旬頗有契合處然亦不能無異同也末由而多惠我書騰南望雲天可勝悵惘瑩心事詩尚未構思徐當覓便寄上近日拙詩數章錄呈教正伏惟慨賜寬駁為幸多矣不贅

荅徐憲長書

正夫

丙戌五月

僕不自振立屏伏丘壑順命守義夫何然尤執事篤念故舊之情曲賜矜惜遠書教慰僕撫躬揣分廢棄允宜而執事乃過為獎借如此愧無以戢之耳來諭勉示著述之說古之友道復見於今日敢不領佩僕自罷歸杜門卻掃靜坐斗室溫經書過而後始比來畧有小悟始覺舊學之非今且勉循循盈科后進俟有所得厚積而薄發之然後乃敢下筆為文耳茲方囁勉從事之日未暇及著述也教及輒爾漫告風便幸不吝諄誨

書文集

卷五十一

六

荅顧中丞書

華玉

慨自四明一別今二十餘年矣寤寐顏色可勝懷仰冀令弟英王在汴泉時曾一奉手書瀛隨附謝啟畧陳衷臆是後音塵絕矣茲辱示遊衡岳諸篇披誦累日恍如親侍杖屨叨從於祝融諸峯之下也仰惟惠流全楚楚人懷之行將入相廟堂以霖雨天下豈特瀛一人之私願而已偶值便風敢布遐心不宣

荅張學士書

崇象

瀛顛愚而聞不能善處鄉人又時運乖蹇遭逢觸忤故一時之謗人或信之而終身之冤莫能自白命寔

為之夫何言哉自丙戌歸田已八年于茲矣閉門省
過百念俱灰獨讀書一念時復耿耿第厚川沅聰
明日減經營稼圃學殖就荒又且索居寡依無可晤
語凡此皆自疚於心者敢為執事陳之諒執事亦憫
之也耕鋤之餘仰念恩德未盡餘生尚思圖報耳河
南承差來自荆南辱賜手教益增感激聞文旆北指
即欲徑趨榮澤奉迓星輶顧孑然一身二子俱幼
徘徊戶庭不能遠出然心旌搖搖已馳於河之干矣
謹裁短啓奉候起居外具紗帕一端李詩四部少將
瞻戀之私餘情種種臨紙不悉伏冀台慈照原

嵩清文集

卷之十一

七

荅童太史書士疇

昨者邵和甫過返得手翰始知執事有承重之感緬
惟大老儀刑無任悲慟辱示近作二篇體製高古由
是而之焉追踪古人無難也更有膚見尚容嗣告耳
沔陽郡志聞屬筆大方此僕昔所留心而未遑者伏
冀早賜脫豪俾一郡之文獻託子長雄筆以傳不朽
邦域之幸也夏中及禪倘念及林壑過返一會相對
如夢寐此情當何如也諸葛曼起伴行急草草不盡
觀縷

寄童太史書士疇

辛卯冬邵和甫過返曾一奉華札嗣後寥寥矣僕懷
思一念未嘗暫忘執事夙厚我者諒同此念也林居
寡營冲澹自守頗無累心事恃素愛故道及之閑宦
履嘉泰無任喜慰正欲問訊恨無良使偶舊吏寧允
明來見潦草具書情不能悉近日著作成帙倘辱示
及真如見我士疇面也亮之亮之

荅林方伯書以乘

吏來辱惠手翰及高詠披誦累日如奉顏色若萬事
有斑斕十年邈素書岐路長風兩春山有蕨薇遠慚
彭澤宰深巷掩荆扉之句良佳且不但詩佳而題目
亦古澹昔人謂試觀題目即可知時代信不我誣也
吾兄仕優而學妙悟洞徹而藻思逸發如此深服深
服同年故人仕返者遷代幾盡村居間寂無可晤語
恃愛故湯及之艾軒慈湖二集再拜祗領如獲拱璧
展誦之餘倘有寸見皆吾兄之賜也吏回匆遽勒狀
草草伏冀台照不備

寄衛憲長書正夫

曩者王方伯來自貴州持手翰至隨具謝啓附貴州
承差賁上諒下記室久矣第偃伏丘壑碌碌如昨歲
月駛如髮將改素夙夜驚惕恐負大君子之所期望

未知終何如耳省齋陳方伯行便涼草修啓不盡欲
言外寄夏止齋政監一部聊表千里懷思之意風便
幸有教也萬萬

寄郭提學書自敘

憶自晉陽東關寺別後于今幾經寒暑矣緬維執事
視學湖省教化修明人文之幸也僕待曉山林無足
道者言念年誼時切瞻企茲省齋陳年兄行便僭附
短書奉訊門下外具夏止齋政監一部引情倘值便
翼無吝教音也

甲午立春日召門人東

十四日薄具一觴奉延諸賢讌集是日也青陽始至
絳帳初開生菜春盤雖不足於兼味衡門夕酌宜共
舒乎好懷預期早臨幸謝他約

與范憲長柬汝和

吾鄉舉人李承恩理學士也忠信孝友乎于鄉閭欽
仰執事德望久矣執事下車時彼適有喪事未遑隨
衆參謁今已喪厝晉拜臺下託僕爲之先容幸賜延
見久當知其入也不佞不佞

寄菴都憲書廷獻

正月上的月華翰佳篇美貺拜嘉感著業已附上燕

牘并拙作隨伴上謝諒下記室矣術士齊雲曾南行
索書謹此肅候起居外近作最高樓二闕詞旨淺拙
不敢希古作者之軌聊以紆索居之懷而已幸教之
餘不盡區區事類賦一部伴絨

寄樊都憲書孝甫

久不奉書坐之便翼耳恭諗道履迪吉功業懋著安
邊微以盡忠紹先烈以成孝堂堂大節夫何愧於古
人哉偶值再都司領班之便草草數字奉候起居外
傷寒六書一部聊引下忱風便幸不吝教音則千里
如對面語也萬萬

寄董太史書士瞻

戴龍山來曾奉手翰腆惠嗣後又得石黃門令親寄
來書割感甚感甚王中川書如命寄之儀封矣村居
之便久稽裁謝此心殊不自安茲值張叔與會試之
便秉燭草草奉布謝私北望雲霄無從望之思耕
鋤歲華眠食二事而已朽腐之人無足爲知已道者
日下第洛會試北上當再布區區叔與趣伴行急不
能盡欲言萬一統惟炤諒幸甚

答顧提學書武祥

辱示悼亡詩作敦篤故舊之情惻惻孤嫠之意讀然

可憐不似文辭之工而已也區區秋來拙吟六首
錄呈教覽幸賜鄙制為愛雨中寂坐懷仰彌深途中
近寄更祈惠教

與易巡撫書廷用

漁朽腐下材竭力農畝輸賦之外冀充餬口之資今
歲霖雨為災田禾滄沒不惟闔門絕食而租稅何以
處之仰惟大君子撫綏中土為吾民造福多矣茲具
灾狀控告臺下伏希批下所司早賜勘豁則朽腐之
人得以沾濡惠澤頌禱無窮

荅童司業書士瞻

尚書文集

卷九十一

十一

今歲三月間伏承香幣之賜禮重意勤拜嘉感悚昨
太康王景華持執事書劄至返內及誣劾事蓋名高
毀隨古今皆然君子惟慎厥身脩而已禦寒重裘之
喻吾人宜自勉耳伏冀益勵茂德以永終譽送樞還
鄉之行未審遂否果然當過返一晤語也餘弗贅及
惟照亮之

尚書文集卷之九十一

尚書文集卷之九十二

書簡三 二十首

考績北行辭巡撫鳳山公書

考績止汴達巡撫鳳山公書

考績還汴達巡撫鳳山公書

復鳳山公論刻政監書

復鳳山公再論政監書

復鳳山公書

寄吳都憲書獻臣

寄魯祭酒書振之

尚書文集

卷九十二

乞歸白巡按御史書

與徐漢陽書一敬

寄惲憲副書功父

荅陳憲長書文鳴

寄翟僉憲書廷獻

荅田憲副書勤父

寄魯祭酒書振之

寄徐黃門書可大

荅周方伯書公儀

再荅周方伯書

荅孫司徒書志同

寄孫御史書從一

書文集

一合錄

二

目錄

嵩清文集卷之九十二

大梁李瀛川父

書簡三 二十首

考績北行辭巡撫鳳山公書

不肖瀛質陋品卑劣諳世務備員屬末條爾三年中
間時歲饑荒盜賊竊發城郭崩壞賦稅逋欠難處之
事不可枚舉即令大才幹者居之猶不免有他虞瀛
數年于茲幸而苟安抑何脩以致此邪實賴吾師左
提右挈扶植而保全之拳拳吹噓汲引之意溢於薦
疏之表感激之餘圖報無地七月二十八日赴簾外
之役入鄂初意必先謁本院敷陳民隱不意察院有
禁弗遂下懷既入貢院計日昃出又自謂揭曉伊邇
奉謁有期矣不意下執事懸軍斬陽瀛二十四日出
場二十五日授給由文二十六日領文仰仗鈞嚴公
移莫速焉自來考績者所未有也二十七日開船宿
沌口當是時軍門遠駐斬陽必欲鼓棹詣見拜辭而
去不意鎮守中宦貪虐太甚諸簾外官畏逼各為自
免計瀛又恐彼知考滿官尤難解脫只得星夜趨州
挈家北去坐是不能詣斬拜辭知吾師必俯鑒此情
也仰念恩德莫可名狀茲瀕行不獲一辭耿耿此心

無任抱歎耳瀛場中歷旬月屏東塘公知遇甚優
託瀛作前序論表五策問答俱刊刻訖皆出于一時
草率之作殊不愜意河中今歲又大水賊首揚奇復
猖獗瀛赴京考績欲留家眷而去災郡危城之中心
甚不安今亦只得挈去耳獨恨不能親辭門下顯差
更某詣斷上啓奉候起居以代面別舟夜倉卒肅裁
言弗盡意統乞鈞慈矜宥瀛無任瞻戀感激之至已
卯秋八月二十七日泊沌口書

考績止汴達巡撫鳳山公書

瀛十月二日自汴發舟沿途雨雪阻滯次月十二日
始抵大梁即欲北上聞銓部舊規每遇朝覲之歲十
一月二十五日以後給由官不得授文必候考案畢
日方許竊念事體如此與其在京守候而有桂王之
艱不若在家過冬而免風寒之苦新正時序稍和徑
趨京師矣此必屢尊慮者敢告左右昨過襄陽見順
天試錄乃知思魯中北畿鄉試五十六名瀛喜劇如
狂奚啻不寐而已此我卑牧老先生積德累仁之致
鳳山老先生家學庭訓之功上足以慰高堂屬望之
心下足以見友朋麗澤之益展錄觀名詎勝歡抃思
魯生英才富舉筆沛然宜諸魁解之列五十六名

猶不足以稱其才耳雖然此特其小試耳南宮大捷
尚有厚望焉著汴藩蘇承差昨送李方伯家眷到湖
南領回本院發來恩魯書筆一封拜嘉檢收書中謂
登第後歸省錫山新正燈節後到京諒得聚首無疑
矣昨見邸報東湖旌薦救荒官屬瀛亦滋幸不虞之
譽如此敢忘所自邪故鄉鎮日俗冗裁啓不備餘惟
調攝道躬為慰不宣已卯十二月十二日寓汴書

考績還汴達巡撫鳳山公書

伏辱國士之遇得遂給由又蒙總賑吳公撫洽陳公
巡按毛公文章論薦此皆吾師造就之仁吹噓之澤
也瀛於正月十一日起程赴部三月末抵家裝束啓
行間適有生子之事欲留妻子在家緣兩兄俱逝苦
無得力眷屬只得挈來而兒未度晷跋涉頗艱遷延
至今情實有不得已者累蒙鈞翰催取到任知尊指
拳拳軫念災傷地方終始垂愛敢不知感第離任許
久諸事應廢甫到極力整撙夙夜驚惶益加策勵惟
恐為門牆之玷貽薦剋之羞耳第水災又復如昨無
可奈何亦惟加意撫恤而已京邸會思魯第霜蹄暫
蹶無損千里之步然人情世態歷練已熟行檢威儀
約訪有道蓋不但文字之進而已此深可賀也稔聞

太夫人汴第俱納福不勝欣慰不知思魯近有書否
瀛道汴屏靜齋陳惠長教愛來時附書一封今并賡
獻瀛即欲赴省奉候起居聞鎮守雖出而用事者如
故坐是未決謹先差吏前赴軍門告投公文并取赴
省進止初到兀甚草草裁啓不能達意萬惟鈞照不
備瀛無任震懼庚辰八月十四日書

復鳳山公論刻政監書

辱命瀛繕刻政監一書燈下畧一涉獵誠有用之學
切於治理良宜刊布卷帙原已分定尚欠一目錄綱
領耳擬補為之以俟裁擇又辱命代作後序或跋瀛

出清文集

卷之十一

四

十一

意吾師之序當在前庶展卷即見刻書之意雖夏公
序重刊於前不妨跋似不須用也序文俟通勉作完
呈臺乞痛加斤削始可用之此書原本真正舛訛頗
少第行款布置未為盡善今欲令善書者寫過板制
宜稍欽縮彷彿宋刻為美寫完先繳原本以還借主
但書名監字中間亦有寫作鑑字者考之左傳曰光
可以鑑通鑑之鑑是也書曰人無于水監厥監惟不
遠即此政監是也詩曰我心匪鑒庶幾不遠周禮曰
鑒取明水申鑒之鑒是也由是觀之則鑑監鑒三字
是一意也今欲通寫作監字如何原發鈞翰一紙併

用繳還然欲作序文必須先知夏公履歷始可下筆
或素記其世系遺事之詳或別有碑銘神道傳表可
參看者或更有平生著述在政監之外者如有之乞
示一覽倉卒肅裁不備

復鳳山公再論政監書

昨管文吏回得手教二紙邸報一摺甚慰鬱鬱之懷
政監留刻業已計料有緒矣旬日後抄完當先繳原
本耳昨奉書臺下欲求夏公履歷之詳今日尋得備
遺錄一部乃此公提學江西時稿皆一時應酬之作
似不如政監之可傳于遠也近日訪其行實始知此
公年二十二領鄉薦二十六舉正統戊辰進士明年
授南京選部主事蓋苦學篤行之士取而刻之不特
切於政理亦表章先哲之一端也本院原發下紙劄
印刷書籍久已裝完留滯郡齋恐內召伊邇茲用
賡獻李白詩陶淵明集孔叢子申鑒詩品楚辭共六
種各二十部伏惟鈞照檢納

復鳳山公書

今日本州陰陽生舒泰自軍門投文回州貴到公文
一角內有鈞翰云云謹奉命一一遵行矣本月四日
陳巡按同守巡二道歸州蒙巡按禮遇甚優且語瀛

曰撫院軫念地方曾有書貽我舉士有司為湖南循吏最首沔陽次安陸次景陵謂汝等才力出眾輿論推服吾師扶植汲引之德中心藏之何日忘之也次日視學又次日審錄又次日閱城看操又次日起馬回省守巡送至接陽驛俱由水路回州一時船馬並用雪雨孔熾卒夫凍死者數人瀟心力瘁竭而猶不能盡獲乎上命也它復何言十一月十八日夜漏下三鼓書

寄吳都憲書狀臣

仰惟憲節南巡德威遠播今差吏某齋啓詣院奉候起居伏念沔陽城成當災盜之歲而軍民得恃以無恐者皆本院之賜也魯司成碑記刻完謹摹一通奉獻左右外政監一書乃華亭夏止齋所著前巡撫秦公命刻于沔茲印裝十部隨啓上獻奉慶台覽後學瀛無任悚又待罪之至辛巳四月二十日書

寄魯都憲書狀臣

黃生歸魯附短啓奉布下衷諒下記室矣又踈趨候鄙心靡寧顧差吏某詣門下奉訊與居外政監一部乃秦撫院移檄命刻者茲告完亟用馳獻即展廷政清明者舊景起惟珍調以膺顧問不備辛巳四

月二十日書

乞歸白巡按御史書

聞憲節駐鄂即差吏捧齋圖本并須知文冊赴院告投仰惟臺院崇嚴校威遐暢分不敢輒具書啓更回乃辱鈞翰下頒情誼敦厚蓋曠代破格之舉莊誦累日如奉教顏稍有知覺詎忘感激茲有悃曲上瀆台聰伏乞霽威垂聽焉竊惟知遇者天下之至難讒譖者古人之難免心事弗白烈士所悲歲月靡留志夫恒嘆伏念瀛備貢外補苟延六年自丙子以至庚辰接歲水災禾稼泮沒舊水未消新水隨至人民餓死流亡者大半白首父老皆云未見雖蒙撫按衙門懇疏請賑移庫補租而顛連困踣之民至今未甦比來宿道併徵盜賊未戢將來地方之變蓋有不可測者瀛強勉支持力不副志已往幸保無虞方來何以攸濟矧遠欲者每鼓浮言而好事者遞相傳和兼之病軀日憊邵事益難幸賴本院按部一方甯甯震肅伏乞憐訪民情折衷士論俯察鄙心亟賜罷黜萬一不允猶可飭躬勵行以淑鄉人著述詠歌宣揚聖化皆本院之賜也臨啓無任悚栗辛巳三月二十五日書

與徐漢陽書一敬

不肖漁叨列鄉後進之末景仰風烈無任傾企去年秋曾遣吏詣漢陽投謁辱賜手教感曷可言比蒙戶部勘合將沔景二州縣併屬臺下此蓋元老大臣爲國經畫立一代適中之規治化所關自是美事而漁以謏陋又得備直屬來供使令領教益時趨踰於大君子鄉先生之前何其幸也第州縣士民安於故常驟莫能強昨奉到臺下公文漁即裝束起程率吏趨謁而撫按移文又有姑容照舊之命進退趨不克果來固非敢遲違也懷仰德威下情莫白謹差吏齎

萬壽文集

卷之九上

八

稟奉布衷曲即展夏序益炎惟保攝道躬以迓 寵

眷不宣

寄惲憲副書功以

秋仲科場之行本期晉謁請教並達感謝之私不意試事畢而旌節遠矣眇眇此懷江流並劇給由事領文甚速皆臺下扶植之力不昧不昧九日回州趨裝戒行特差吏某持書一通詣斷告別弗值駐節竟抱原書而返悵恨益增匪言可盡九月末發舟北上沿途風雨阻滯昨夕始達襄陽又營陸行南陽之墟矣

舍人蕭鈞翰至乃七月間催兵船事也茲事已完

啓告北風漸涼惟善加調攝以慰士林之望已卯十月二十日寓襄陽舟中書

答陳憲長書文鳴

比辱接群之顧自揣陋劣何以得此以茲夙夜策勵期寡過尤惟恐有傷執事知人之明而爲品藻之玷耳瀝八月十三日還河沿途從庇鈞檄驅馳不倦而至感激感激來承賜高什爲索鶴而作郡齋舊有二鶴神觀精采蓋馴物也即造大木籠一具竹籠二具以候賢价十八日而价至觀籠驗鶴价謂大木籠總養之恐小舟不能藏載且二鶴並居水食與閤不如用竹籠分養之則小舟易以掩覆長途免於鬬爭价之言誠是也謹依分養鶴食路費二畧備嗟此二鶴乃能博得執事佳詩二章何其幸邪向領寄鳳山撫院書隨命吏齎上矣今差吏某送价到鄂王克忠則由信陽入汴恭附短啓聊申感謝之私外近作一冊求教臨楮無任瞻仰懷戀之至庚辰八月二十三日書

萬壽文集

卷之九上

九

寄翟僉憲書廷獻

一向家食備辱教愛而啓行之際車事又荷曲成民兵又勞遠送此望外之賜異常之感也瀝挈內同行

登舟之日業其附送者寄上矣八月十三日還任
風塵如昨弗敢告勞環顧左右無可與言者夙志漸
遠聞卷增歎此言非在吾兄前不必道也外途次便
語數篇奉求覽教初到吏俗交冗裁啓弗悉伏惟高
照不備庚辰八月二十三日書

荅田憲副書勸父

昨吏旋辱緘書下問曷任惶悚且聞太夫人壺履嘉
泰喜慰不可言瀛迂愚竊練橫隴鄉人之謗顧求之
此心無愧而已第市虎成于三人毋杼技于三報洗
冤澤物之功不能無望于執事者惟高明研加鑒察
果如人言幸早賜擯片決不敢玷衣冠之列與鄉曲
之末而貽任使之羞也恭諭執事持當理也 國家
重寄矧瀛所蒞之郡爰有軍衛中間利弊頗究粗迹
益嘗目擊身歷膺心注思久矣畧申短議伏俟采擇
儻不棄芻蕘潤澤而行之匪直一得之愚獲售于上
而一省十八郡之澤或究于下也瀛寡昧瑣言不勝
殫越待罪之至庚辰閏八月初五日書

寄魯登酒齋詩

瀛適於前月內給由回河即擬遣諸生馳書候問緣
諸生有稼事坐遲旬日負罪負罪聞有恭人之喪無

任事惟恭人生所 寵誥歿垂公名而二子者
又皆已登第無復遺憾矣執事無過悲也乎今昨來
來謂得尊稿為倚城作者再拜捧誦不勝忸怩竊惟
高文名筆當與日星並耀傳播無窮顧不肖瀛何敢
當此矧中寓褒揚大過情實固踰服袞之榮能忘待
涸之愧乎茲遣邵生造拜堂下奉候興居并申感謝
之私瀛不勝悚又

寄徐黃門書可大

瀛聞岳峯之德操久矣寤寐溫厲瞻仰未由昨奉教
言感悚不知所為伏惟執事謙光遠千里儉俯就
乎後學益前輩長者之風每如此顧不肖其何以哉
之瀛奔走風塵坐逾五載政學兩廢過與歲增邇來
簿領沉迷無足為道獨幸得與今諸父南澗郡博時
復往來足慰披豁耳伏蒙大作即擬屬和第俗冗交
蔓彌傷艱澁俟勉成當請教也郵作二章亦近得者
錄呈左右幸俯賜塗竄不勝感荷外書二部奉塵雅
矚臨楮不盡欲言餘惟為吾道重不備

荅周方伯書公儀

瀛春在京師備辱扶植汲引此曠世知己之遇也夙
夜捫衷感悚無已邇聞旌節抵鄂全楚士民歌舞載

道滄子官守不能離任參謁瞻仰彌深謬辱高明
不棄寒陋命瀛編選汲福井集諸觀集中詩什多一
時名公鉅儒之作瀛愧無堂上之見未敢去取謹以
類編成其錄呈鈞覽備欲糾梓必勞執事躬自刪
定發州鐫刻始可傳布耳狂瞽妄言不知忌諱伏惟
鈞慈鑒原

再荅周方伯書

汲福井集奉命鐫刻告完謹印裝百部封夾齋獻上
瀛鈞覽其板則盛以木匣開以鎖鑰板片數目具刊
匣上庶記室之下舉目可見辱命瀛撰序一通胡敢
稱述自揣謏薄詎堪此役即令勉強釘畏威而獻
醜在前則中佛頭着糞之譏在後則貽狗尾續貂之
誚臨文踖躇不知所裁伏冀鈞慈鑒宥則門牆晚進
受惠多矣原發諸縉紳汲福詩劄一百一十六件手
卷一件詩藁一件併用繳還惟鈞照檢收後學瀛無
任殞越待罪之至

荅孫司徒書志同

更回辱手教四紙再拜祇領披誦累日感激不知爲
報中聞所諭省刑停賦安養疲民數言真天地造物
之仁聖賢淑人之意瀛寡聞無知何幸聞此願終身

誦之此情此德沒齒弗忘也辱來諭備示朝見事
宜最得古大臣之體初未得此喧傳旌節已護駕
去矣瀛雖至愚亦不之信知高明必有定見頃之得
手諭益釋然矣承命尋鶴穀訪諸父老皆謂鶴之巢
多在海上當殷之出穀也則啣其穀以授于海故人
罕得之河中湖陂寬闊鶴性潔故多食宿湖上湖人
媒而致之然湖上未見有鶴巢無巢則無穀矣儻寬
得即馳獻門下弗緩也又承命尋桂林壽字碑刻此
刻聞在古田萬山之中猺獞據其險壘塌者不敢入
近年所傳者皆木板翻刻頗失其真今具一幅奉覽
高漢集卷五十一

寄孫御史書從一

不奉頽範于今六年去歲給由寓京適吾子入赴內
召謂可邂逅以慰懷私豈意人事乖迂同地千里至
今抱恨不已竊念乙亥冬之選同年補外者十餘人
不肖瀛叨預諸公之末仰瞻雲霄諸公者袞袞升矣
且同年同官湖南者亦十餘人鸞翔豹變諸公亦相
繼去矣而瀛獨偃蹇泥塗日就墮落固知驥裏驚駘
步驟自殊而感今懷昔自不能無浩嘆耳吾子亦嘗

俯念及此否乎沔陽密爾嘉鄧累蒙尊食不無瑞應
時賜諄誨真天地父母之心瀛夙夜感激圖報無地
沔中連年水潦饑饉荐臻顛連困踣之民至今未甦
瀛雖強勉支持諸事難處已兩呈呈撫按衙門乞休
得允交代即浩然北還矣恃愛漫及之辛巳四月十
三日書

高渚文集

金卷五

函

高渚文集卷之九十二

高渚文集卷之九十三

行狀三首

明故特進光祿大夫柱國少保兼太子太保禮

部尚書 武英殿大學士南塢賈公行狀

明故贈中憲大夫都察院右僉都御史澹菴柯

公暨厥配楊太恭人行狀

明故嘉議大夫南京兵部右侍郎中川王公行
狀

高渚文集

目錄

一

目錄畢

大梁李瀕川父

行狀三首

明故特進光祿大夫柱國少保兼太子太保禮部尚書 武英殿大學士南塢賈公行狀

會祖景山元陝西行省參政追贈光祿大

夫柱國少保兼太子太保禮部尚書

武英殿大學士

會祖妣張氏追贈一品夫人

祖彬贈通議大夫禮部左侍郎加贈光祿

武英殿大學士

大夫柱國少保兼太子太保禮部尚書

武英殿大學士

祖妣李氏贈淑人加贈一品夫人

父瑛封翰林院編脩文林郎贈通議大夫

禮部左侍郎加贈光祿大夫柱國少保

兼太子太保禮部尚書

武英殿大學士

妣曹氏封孺人贈淑人加贈一品夫人

本貫河南開封府許州臨潁縣興文坊

人

公諱諒字鳴和姓賈氏別號南塢其先中山人也相

傳為漢膠東侯復之後唐宋以來多稱夫聞人譜逸

莫可考始祖拜天祐將軍以官行二世祖漢臣仕元

為萬戶居趙之栢鄉漢臣生清甫居鄭之郭店清甫

生景山為陝西行省參政元季兵亂始徙臨潁之商

城依部將西華楊萬戶奉南者居焉景山生彬通經

史百氏學有隱行邑大夫行飲射禮于學宮則賓之

彬生瑛號樂菴翁是為公父以公貴上逮曾大父景

山凡三世皆贈如其官自曾祖妣張氏而下皆贈一

品夫人母曹氏感異夢生公羊神瑩澈目炯炯射人

自孩提時已穎慧異群兒大父少保公喜曰大吾門

者其此子乎稍長英特秀發舉動有度八歲傷門齒

妨誦讀十二歲始入鄉塾從呂先生誦授句讀歲餘

通小學論語大義成化戊戌提學副使天台陳公選

選入邑學為弟子貢而廣安吳公伯通繼至試論孟

箋註題十餘道咸中的又口占對二十餘聯如山城

雞唱水窟龍潛二帝堯容舜一王武繼文面應如響

吳大奇之又明年饒廩于邑學江浦石公淮繼至試

公居第一丙午許州守無錫邵文莊公寶合試屬邑

士公復居第一石再試論策于大梁書院閩省之士

咸在論諸生勿屬草公接筆立就雲行泉涌石驚歎
曰是可以冠多士矣而廣陽車公爾繼至見公文愈
益奇之每巡歷郡縣輒出公試卷示諸生以為式弘
治已酉當大比巡按御史廣寧文公貴先期糊名會
考拔公為闈省第一是科遂舉解元丙辰登進士第
改庶吉士益肆力于學閣試往往居優等戊午冬十
月授翰林院編修未幾遇恩詔獲封其父母妻如
制明年己未春二月以詩充會試同考試官辛酉內
書館教書壬戌秋八月給假省親還穎乙丑春二月
再充會試同考試官正德元年丙寅充經筵講官
有白金寶鏤襲衣之賜明年丁卯夏五月丁母孺人
憂已巳冬十月服闋入京適逆瑾竊政以擴充政務
為名黜翰林十三人為部屬而調公兵部武選司主
事庚午春二月遷禮部祠祭司署員外即是歲秋八
月瑾伏誅乃復公等官公再入翰林閱歷幾十年間
學益充明年辛未夏五月遷左春坊左中允兼翰林
院修撰奉命偕侍郎李公浩都御史王公璟河下
清黃鰲脩選冊竣有羊酒之賜癸酉秋八月充應
天鄉試主考明年甲戌復充武舉主考刊文取士人
兩稱之是歲冬十一月遷南京翰林院侍讀學士丙

子冬十月遷南京國子祭酒公申明祖宗舊規
嚴立章程監事振舉如脩葺廨宇刊補經籍公以歷
歷廉以蒞屬凡生徒有疾病者咸給以醫藥恩義兼
施士心悅服又因南監博士助教學正學錄不得預
風憲之選雖有志節可取者沉滯下僚莫能自振乃
上疏乞比照北監一體選擢以勵庶官已而潘節授
御史楊林擢主事前是父未有也戊寅秋七月轉北
監祭酒諸生咸涕泣弗忍別相率述公德烈樹碑于
太學門下又有化成餘韻錄以歌詠之公赴闕便
道過家省其父樂菴翁時年九十有五方擬上疏乞
終養而樂菴翁卒辛巳春正月服闋北上夏五月遷
禮部左侍郎明年嘉靖改元壬午我皇上恭上
恭穆獻皇帝尊號春三月被命承天題主有白
金文綺之賜癸未春二月當會試之期公為知貢舉
官甲申秋八月改吏部左侍郎乙酉夏五月簡命
公以吏部左侍郎兼翰林院學士入內閣專管
誥勅仍掌詹事府事公疏辭不允會脩武宗毅
皇帝實錄充史館副總裁秋八月滿三載給三品誥
命上封二代尋奉手勅晉禮部尚書兼文淵閣大
學士忝預機務復疏辭不允實錄成加太子太保

武英殿大學士尚書如故有鞍馬金幣寶鏤襲衣之賜丙戌春三月充會試主考官 殿試充讀卷官夏六月十三日 上御平臺 召對是日大雨中使傳旨命自東角門歷中左門循廊而入 上親灑宸翰賜詩褒誦有朕固諒卿志以夜懷忠貞之句秋七月恭脩 恭穆獻皇帝實錄成加少保兼太子太保光祿大夫柱國尚書大學士如故復有鞍馬金幣寶鏤襲衣之賜嗣脩 御製文集書傳三典成有玉帶寶袍金幣之賜值 郊祀奉 命分獻北海壇明年丁亥復奉 命分獻西鎮屢有繡衣飛魚鸞帶登大口之賜 經筵日講有五經四書大全通鑑綱目之賜 上嘗以 先帝御書進德脩業聖賢至公大哉先聖允執厥中十六字暨 御書敬一箴四景廻文詩賜公其在內閣夙夜恭慎與二三元老協心匡輔太監閻宏欲奪牧馬草場時民佃歲久公與熊峯石公疏論民佃百年一旦遽奪俾百姓失業恐生它變 上嘉納止之定國公徐光祚 先朝欽賜薊州莊田已易常州田矣復乞 恩奏討公極論之亦荷 嘉納而止其因事納忠從容啓沃有非外庭所能盡知者而公之遭際可謂儒者之至榮人臣之

極幸矣丁亥秋八月公年六十有四以病乞骸骨蒙恩賜馳傳歸田里既抵家杜門謝客官長按部入其邑者亦罕接見暇則與耆舊五六人酌酒賦詩以樂太平有歸閒詩社會焉已亥春三月 聖駕南巡駐蹕鉅州公奉迎 鑾輿以朝見失儀免散官癸卯年躋八十河南撫按臺臣會疏以聞蒙 恩遣官及門存問復其散官且有月廬歲夫羊酒之賜 恩至渥也公居林下二十年耳目聰明不衰飲啖強健四方求詩與文者踵相接于門公應酬不少倦揮毫運思無異少壯時丁未夏偶感脾胃疾秋八月三十日考終于正寢距其生天順甲申冬十一月六日享年八十有四元配張氏累封一品夫人屢入大內朝太皇太后 皇太后 中宮皇后皆有綵幣之賜先卒其淑德懿行見公所自為誌繼室趙氏側室崔氏郝氏樊氏子二長葵聘吳氏次萱聘李氏並以蔭補太學生皆未娶而殤女五長適都御史曹南王公崇文之子舉人傅次適南京刑部員外郎同邑梁君錦之子 周府奉祀訂次適西華李森皆張出次適睢陽衛指揮使王金勝之子庭崔出次適旌德知縣同邑谷鍾麟之子袁郝出公無子以仲兄讚之次子芳

為後封中書舍人孫男三長暉早卒次瞻以蔭授中書舍人次瞻孫女三長適題中次適陳二典次未聘會孫男三長之子鋤同族金之子萱之義孫也嗚呼賈氏世為臨穎望族科目之盛甲于一邑正德間公諸子中蘭舉丁卯繁舉癸酉嘉靖初諸孫中曉舉戊子淮舉丁酉詩書格佑之澤寔自公始而慶源深遠蓋二百年于茲矣公天性耿介外若和易而中實剛直在翰林惟局戶讀書奕酒宴游咸非所好累典試事程式文字多出手筆人皆傳誦之而所取士最稱得人如少師介溪嚴公禮侍後渠崔文敏公其尤著者也平生著述醇雅絕不作艱澁險怪之語有南塢集若干卷傳于世其居鄉也抑畏小心無異立朝時而真率坦夷不自尊大若未嘗居顯官者保族宜家戒勿放逸濟人利物弗吝施予每旦必蚤起入家廟焚香再拜而後就食時饗忌辰蔬素終日有時物必薦而後嘗四時拜掃躬造先塋而不使子孫攝之元旦長至暨萬壽聖節必肅朝服五鼓初即趨公所隨眾拜舞弗令家僮掖之一念敬君之誠終始如一日云乃若厚宗族則為之置義田憫孤嫠無後者則為之立義塚先人遺產盡讓諸兄自登第後

所得祿俸惟供養父兄不自私其績置田產亦分給族人以廣恩義憂旱蝗則齋沐虔禱以致豐穰憂河溢為害則建議築堤以免昏墊此其惠庇鄉郡有足稱者至于忠信謙恭汲引後學揚人之善不啻已出穆然有德人長者之風是故指館之日閭邑之人罷市盡傷無間遠邇斯亦足以觀公之大畧也已嗣子芳將以明年月日葬公于勅脩董村新阡之原啓張氏之窀而合焉爰輯公履歷之槩屬瀟瀟狀將持是以請銘于當代宗工鉅儒顧瀟文思荒落曷能發公動德之萬一且自惟馳驅外服偃伏草莽於公廟堂密勿之業未能周知姑采輯家乘叙次年月以為狀而又慨前輩典刑之在鄉曲者不可復見擗管撫然漫述如右以俟茲撰謹狀

明故贈中憲大夫都察院右僉都御史濟菴柯公暨厥配楊太恭人行狀

公諱本郁字本郁姓柯氏別號濟菴池州貴池人也其先居建德之堯封唐遷今之開元鄉峽川乃世居焉奕葉蕃茂遂為池陽鉅族曾大父永漳大父致裕父恭比日晦德弗仕鄉閭稱長者妣姜氏庶妣胡氏閭閻雍睦實生公兄弟公雖居仲而警敏有幹局故厥

考顯任以家事遂弗及竟學公居家勤勵不問有無
事恒雞鳴起灑掃焚香次第綜理因讀經悉顧自奉
甚刻削至于閨門朝夕之供宗師姻友慶弔往還之
需無一不稱情而中度者歲時聚諸昆弟供饌庭下
無謠言無忤志中分異田廬公所得較諸昆弟殊弗
逮一弗之校嘗私語其內曰此父命也第安之公性
亢直好面斥人過有不平求直者據理兩分之咸退
服子姓聞公咳唾聲即卻欽改容門庭之內肅如也
間遇清興逸發輒偕長少數人坐泉石最勝處觴詠
竟日始歸里有坂田數頃歲暮早不秋人將棄其田

卷之九十二

九

有少年諷公縮直購之可盡得公怫然曰攘衆有而
腴一已吾弗爲也乃書策取直渠可二里許引堰水
灌之田以恒稔里人德之咸指其田而頌曰茲非澹
菴公吾曹困于租徭將轉徙它方矣焉能飽食故土
如今日邪願祝公之壽及其子孫昌顯也公一日召
其子相誨之曰吾家世爲太平逸民終弗仕非所以
報國矧吾祖宗積德百餘年蓄之既久必有以發之
者今命汝學汝其勗諸相受命惟謹夙夜劬學弗怠
蚤有聲場屋正德癸酉秋舉于南畿丁丑春登進士
第初授永新令便道覲省稱觴于堂上壽其二親公

卷之九十三

十

舉清酌地曰此荷祖與吾兩世夙期也吾兒能成之
尚慎厥終吾聞永新稱難治安知非吾兒淬礪地邪
尚慎厥初相之任芥年謀迎養三請始得命公至永
新未十日而江西亂作居三月公嬰風疾恐驚伴易
之及亂平公即欲歸固留之不許遂啓行抵家纔一
日而卒人以爲孝感云公先娶馬氏再踰年卒生子
一曰桂繼娶楊氏同邑處士以文之女也諱滿孌賦
質婉順雅弗尚薰澤見華豔輒謝卻之母病目失明
醫瘳罔功每夜禱星月下詰朝嚙水舐其目凡七閱
月母目復明如故父母異之矢不輕以適人既歸公
虔事舅姑起居率以雞初鳴爲常退而事中饋必務
精潔舅蚤病齒最惡食中隱細白沙石所供食如顆
粒必躬親簡閱再四然後進姑竊視知之以語舅因
相與嘆曰楊氏女可謂能敬也已撫前室子桂無異
已出里俗化之家需雖計盈縮以爲豐儉之節然悉
嘗禱祀必視諸禮無少闕公每爲感嘆曰此真吾婦
也嘗夜績督諸子環左右讀書有琅琅背誦者輒停
績而聽勞以茶果且問所讀何書是何古人嘉言懿
行惇諭之曰古今人一也今人豈下於古人哉亦爲
之而已矣是故諸子所習書史凡經母課督者比月

身弗忘其善教有如此者母平居不為甚怒亦不為甚喜自仲子舉鄉闈第進士官諫垣每聞報惟頷之而已未嘗少矜詡易常度云子三曰相即今都察院右副都御史獅山先生也曰塘曰棟女一曰蘭秀歸青陽劉達孫男九孫女六公生于景泰乙亥九月五日卒于正德己卯十二月十九日享年六十有五累贈中憲大夫都察院右僉都御史母生于景泰癸酉六月二十六日卒于嘉靖乙酉五月六日享年七十有三累贈太恭人合葬湖冲之原歷歲聿久而墓未有表先生奉命巡撫河南爰述其二親遺行屬瀛

瀛括為狀將求樹阡之表于當代立言君子瀛辱先生知愛誼弗可辭輒為之叙次以備采擇謹狀

狀

公諱教字庸之初號葵堂晚更號中川其先順天府良鄉縣人元季值兵燹譜亡上世無所考曾大父士賢晦迹弗仕大父斌舉順天府鄉試以掄選授鴻臚寺序班終光祿寺署丞正統己巳避兵南走大梁占籍開封之祥符嗣有親黨在儀封因徙家焉父鶴懷慨好義鄉里服其介直以公貴贈文林郎翰林院編

脩加贈奉直大夫左春坊左諭德兼翰林院侍讀妣孟氏贈孺人加贈宜人公自幼穎敏不凡日誦數千言器宇恢廓有鉅人度與伯兄天叙自相師友並著時名年十三補邑庠第子自專攻毛詩而旁通諸經落筆為文辭滾滾泉涌長老咸異之弘治甲寅郡國舉應尚主之選秉傳上京師道經湯陰謁岳武穆祠作賦弔之書諸祠壁而安陽崔文敏公銑時亦未第見而奇之既至京偶患瘍弗與選識者咸嗟嘆曰偉哉是子天將留之以為它日大用乎丙辰饑廉于邑庠庚申罹外艱公哀毀踰禮既免役會當堂試時督學憲臣濟南王公教見公兄弟應試之文輒大驚喜以中州二鳳稱之正德丙寅罹內艱會伯兄天叙亦歿公涕泣終日杜門不出無復進取之意矣未幾督學憲臣錫山秦公金萬安劉公王歷城邊公貢相繼至每臺試輒首公遇以國士顧累舉不第丙子始舉河南鄉試第六名刻經義一篇以傳皇上龍飛二年癸未春二月會試南省翰林編脩石亭陳公沂得其卷嘆曰此經濟才也取實高等三月廷試上親定一甲第二名賜進士及第授翰林院編脩丙戌春二月充會試同考試官三載滿考階文林郎

受勅命冬十一月奉命冊封周藩諸郡王充副使諸王咸有餽贐公悉峻卻之因便道過家焚黃明年丁亥春正月還朝尋奉旨內書堂教書充經筵展書官已丑春二月復同考會試適重脩大明會典充纂脩官庚寅秋七月應詔獻郊祀議復條陳十二事皆指切時弊可措之行上嘉納之辛卯冬十月九載滿考遷翰林院侍讀而司經局闕官命公兼攝之壬辰春二月復同考會試翰林三為會試同考者惟公一人而衡鑑精明以得人稱癸巳春三月充經筵講官每進講至存養省察之方君子小人之用舍必敷析明暢曲盡惻誠上為達聽其應制諸作典麗婉雅多為人所傳誦如恭和敬一亭詩恭撰端午節兩宮皇太后致語中宮女訓及夢壇樂章賀瑞雪三賦瑞免賦瑞鹿頌靈鵲詩咸足以揚治世之休鳴昌運之盛云嘗蒙恩頒賜祖德詩欽天記頌及無逸殿左右碑銘各一帙明倫大典大學衍義各一部敬一箴悼思感懷王歌各一幅今寶藏於家申午春三月遷左春坊左諭德兼翰林院侍讀掌南京府府事便道過家省墓秋八月抵金陵丙申以

大慶賀命大官賜酒饌內給寶錄丁酉夏五月遷國子監祭酒至則董正監事作申明監規事宜又撰諸箴銘大書于三廳六堂以示生徒俾其知所嚮方上薛文清公從祀議戊戌單恩進朝議大夫受誥命已亥冊立皇太子禮成賜白金文綺會慎簡宮寮命公以國子祭酒兼右春坊右諭德而祭酒兼春坊寔自公始庚子春三月遷南京兵部右侍郎即過家焚黃秋八月抵金陵時南戶部尚書闕員公署其事凡六閱月時南兵部有餘丁辦料價造運船一事最為困苦屢奉旨會同南戶部議處累年不竟蓋事在兩部人多避嫌有難以處分者公乃會同南司馬北原熊公決議以南戶部鹽引餘銀買料造船則食軍得以蘇息漕運因而有濟矣奏上允之入至今以為便辛丑夏五月入賀萬壽聖節途次衝冒炎暑感疾既至京竣事陞辭南還亟趨儀封就醫竟不起是歲冬十一月五日也距生成化己亥春三月二十四日享年六十有三河南守臣以聞賜諭祭一壇勅工部遣中書舍人劉存恩營兆域癸卯冬十二月三日葬于儀封縣東黃岡之原元配扈氏初封孺人加封宜人生丈夫子四長

在邑庠廩膳生次任國子生次仕發卒次什女一適和顏孫男三貞明貞觀貞吉俱邑庠生孫女四公博極群書持論多出人意表嘗曰河圖洛書萬世道學之源皆出河南境內封人請見孔子及孟子見梁惠王又皆在茲地不可不表揚之乃寓書前巡撫都御史永康徐公讚擬改省城之大道宮爲羲禹廟而祀羲禹於其中繪龍馬神龜畫八卦九疇于左右壁前建一坊南向扁曰功在萬世左一坊扁曰龍馬負圖右一坊扁曰神龜啟範俾有司定擬儀注春秋致祭又考儀封人請見孔子儀即今之祥符古稱浚儀詩曰在浚之郊孔子去衛適陳道必經由封人請見寔維此地擬改大梁書院爲見聖書院中祀孔子移十賢於兩廡增四科以陪祀并附封人以存本跡可也大梁書院之左有所謂吹臺者舊祀禹今既祀禹於大道宮宜改吹臺爲來賢書院中祀孟子書惠王之問對於壁廡幾明道學之統緒後人之景瞻河洛以發源於先邠魯以收功於後聖學始終王道大成盡在於是矣觀風君子誠能請諸朝而行之斯文之幸也徐公覽其書歸之即擬上疏以請會遷去不果公平生著述多不存藁嘗語人曰通天地人曰

儒性學經濟之畧吾不可不用精力乃若摘詞染翰我明文人士子亦彬彬乎盛矣其於治教何補哉吾性疎拙詞翰誠非所長然亦弗願以此得名於世昔人謂彫蟲篆刻壯夫不爲也吾心竊恥之公歿後諸子蒐輯遺藁僅得三之一耳乃瘞爲若干卷藏於家余自卅角時與公爲友公長余十歲余兄事之甲戌余舉進士補沔陽守瀕行公作賦贈別惓惓期望以古循吏之業愧余錄錄莫之能副也是後風蓬飄轉不相面者二十餘年甲午之春公將如金陵道汴始獲晤晤叙契闊余同汴中諸耆舊合餞公于和氏之堂留款數日始別嗚呼詎意斯會遂成永訣邪公葬已久而隧道之石尚虛諸子謂余爲父執友相知頗深乃屬余狀父之行將北上京師徵銘于臺閣名公余自惟荒陋固辭不獲謹據其世系年譜叙次爲狀以授諸子追憶夙昔交游之好臨楮於邑不自知其言之不文也謹狀

嵩渚文集卷之九十四

墓表四首

明故嘉議大夫都察院左副都御史劉公墓表

明處士張翁墓表

雪崖先生墓表

時隱先生墓表

墓碑一首

明奉訓大夫昌平州知州孟公墓碑

嵩渚文集

卷之九十四

一

目錄畢

嵩渚文集卷之九十四

大梁李瀛川父

墓表四首

明故嘉議大夫都察院左副都御史劉公墓表

儀封去吾汴儉百里其邑多脩正醇雅之士若嘉議

大夫都察院左副都御史劉公其一也瀛曩游覺序

時業聞公名而未之識正德丁丑春正月瀛以沔陽

守入覲闕下公適自謫所量移蒲城令亦以覲至

始相識于京邸朝夕盃酒康倡甚驩也厥後瀛自晉

臬罷歸居無幾何公亦謝邊事還鄉里往來書札靡

嵩渚文集

卷之九十四

一

絕嗣公後起撫蜀念瀛篤嗜書冊乃時時以蜀中新

刻群籍寄我德誼曷可護公既沒其元子又率諸弟

以墓表見屬瀛感公知厚詎敢以不文辭爰撫其早

生風槩而著之碑俾方來有所考公諱大謨字遠夫

別號東阜世爲河南之儀封人高大父文整曾大父

海俱晦迹農畝大父澄陝西苑馬寺清平苑園長父

愷山西黎城縣學教諭以公貴封廣東道監察御史

贈都察院右僉都御史母扈氏封孺人贈恭人公天

性閑達見事明爽而辨東髮爲邑學生即底厲志行

務學勤苦綴文冠多士時提學副使廣陽車公重器

重之以朱氏詩領弘治戊午鄉薦遊太學盡友海內
名儒聲譽籍甚正德戊辰登進士第初授戶部廣西
司主事部委收受黃花鎮古北口清江浦等處芻糧
時逆瑾擅權朝士凡于役于外者皆謁瑾私宅俯伏
跪拜冀免禍公 陛辭即出國門竟不私謁瑾士論
韙之庚午改廣東道監察御史以風裁著聞辛未上
疏勸學與政壬申巡按遼東陳三事皆關政體之大
者時鎮守太監岑章貪虐特甚公收捕其左右用事
者悉真以法章惶悚請罪公弗之貸章乃誣讎它事
逮繫 詔獄遼士民奔走泣送自遼陽抵山海關足
相驪于道癸酉謫陝西隆德縣典史未幾量移蒲城
縣知縣公治蒲有惠政蒲民感頌語在去思碑中丁
丑晉鳳陽府同知郡值大侵公受檄賑濟全活者甚
衆戊寅晉浙江按察司僉事首革私衙菜戶憲度凜
然分巡金衢閩展濠之變乃勒兵常山以拒之兩浙
恃以無恐辛巳 今上御極入賀 萬壽聖節
晉陝西按察司副使時總兵官李隆謀殺都御史許
銘獄久不成當路以屬公竟正諸法典癸未晉四川
布政司左叅政分守川南川東二道番夷作亂公督
師征勦生擒賊首其脅從罔治全蜀底寧功 聞有

銀幣之賜乙酉充四川鄉試提調官丙戌春羅內艱
守制歸戊子免喪赴部時山西大饑公以才望超拜
都察院右僉都御史提督鴈門等關兼巡撫山西地
方公 陛辭即上疏乞出內帑銀兩賑 上可之
特遣官賫銀五萬兩入晉陽命公兼理賑事值久旱
田疇龜坼公巡行郡邑問民疾苦所至禱于山川甘
雨隨降適有獻議欲撤三關常備官軍者公抗疏止
之邊關有賴焉時黎城公垂白在堂公上疏乞終養
不報尋以糾劾叅議魏綸迂重臣意遂致事歸或勸
公辭雷其事公輒然笑曰老父家居吾乞養未允今
獲歸養夙願慙矣吾何辭之有乃拂衣而還待黎城
公怡愉終日遇風日晴朗輒約朋舊三二人登高眺
遠觴詠爲樂若將終身焉者自己丑至己亥屏居十
有一年兩京都院大臣科道官暨在外撫按臺臣交
章論薦凡十有九疏奉 旨起用庚子 聖書至門
命以舊職巡撫四川地方公單車入蜀宣布 朝廷
德意優獎廉平肅刷垢弊凡蜀之賦役屯田水利驛
傳茶鹽戶口邊防祿餉靡不經畫精密期垂永久之
規慮臆臚一隅逼近北虜屯堡曠遠窮荒孤懸雖有
備禦指揮名位頗輕一旦有警捍禦寔難又以施州

等衛地界川湖與土官雜處山林險阻夷寇出沒無常肆行劫掠居民荼毒奏乞臆臘設守備一旨施州設茶將一員廣武備振舉封疆慎固而地方可保無虞矣疏入 上特賜俞允壬寅奉 聖諭條陳五事皆安邊禦虜至計 上嘉納之公在蜀四年澤深化洽銓部屢擬入佐院事暨總督糧儲戶待官僚俱不授蓋 廟建以材木為急而西川乃採辦之地 簡命欲久任公是歲給由父母妻戚荷贈封癸卯 廟材告完大司空奏曰都御史大謨資望獨深勞績為最宜加顯擢以勸乃晉公左副都御史

尚書文集

卷之五十四

四

死哀 昭代之名臣中州之碩彥也 烈思垂後範乃泣請表墓刻石隧左用誌觀者系以辭曰 嚴嚴都臺國之繩準左副右俞軌正庶尹於惟劉公秉憲明允 朝著表儀秋空鷹隼始蒞全晉民饑而痛稽首請賑 天子曰俞爾隨禱應早曠以蘇勅屬獲谷乃還故廬起廢西川政體愈練黠庶黜貪鋤疆植善風行劍南惠流蜀縣三巴永懷文翁再見屢擬內陟時急 廟材廟材奏績二賢為災以死勤事 朝議孔哀 賜葬蔭子 皇恩渥哉當機者才燭微者識識有短長才有豐裔倚公兩優重本諸德宣力四方寔匡 王國儀封細邑哲賢數著傑出者浚更阜翁二老瀟逝文光如虹後千百禩並仰休風

明處士張翁墓表

張翁者大梁人也先世為北平府宛平縣人大父諱翼洪武初避兵南徙大梁遂為大梁人翁父諱珍生三子翁其孟也仲曰鴻弘治間徙居陝州季曰鳳正德間卒瀛之母翁之妹也故瀛稱翁為舅而翁呼瀛為甥云翁諱鵬字萬里天性醇篤寬穆寡言表純

岸中無畦畛頗嗜酒逢飲輒醉脫落世故忘懷得失
顧獨喜與方士遊講求脩養延年之術年四十不入
內室容色光瑩鬚髮如漆人望而知其有養也嘉靖
丙戌瀛歸自山西拜翁于偕壽之堂翁默然笑曰汝
壯年解官可以順靜而永齡天其厚汝邪瀛再拜曰
攝生之道靜而已乎曰靜也者萬化之所從出也夫
人之所恃以有生者精氣神焉耳矣精以靜而完氣
以靜而壯神以靜而茂是故耳常靜則腎不走精口
常靜則心不失神鼻常靜則肺能安魄眼常靜則肝
能育魂意常靜則脾胃生氣黃中通理由是五藏數
華皮膚潤澤手足暢健耳目聰明故曰靜也者鍊形
之權輿躋壽之關鍵也觀於此言可以窺翁之葆蓄
矣公一子曰榮瀛少所從游師也正德癸酉與瀛同
舉於鄉榮登遊鄉校翁常誨之曰內無欺乎心外無
欺乎人上可以為聖賢中亦不失為君子小子勉之
弘治甲寅榮餽廩於庠矣翁行路見一婦人被撻號
哭道左問其故曰負租三斗耳翁歸語榮曰適見一
婦人負租三斗而窘厄如此汝月食石粟閭門賴以
飽他日何以報 國恩乎嘉靖甲申榮為定襄令翁
移書曰今之牧民也使民畏之不若使民愛之之為

莫也使民愛之不若使民思之之為深也若脩之於
家而壞之於邑他日何顏面以見我乎故榮治定襄
有所樹立者翁之教也娶侯氏少翁一歲翁卒之年
八十葬于城南八里屯之原既葬之明年榮欲表翁
之墓以詔來裔乃屬瀛撰述其行誼弗可辭輒為之
叙次如右於戲樂哉翁也為太平布衣八十年而又
有子克肖可以瞑目九京無憾已故著之

雪崖先生墓表

余聞桐丘之東雙洎之濱有隱君子焉曰雪崖先生
有道而文心竊嚮往之乃嘉靖丁酉春二月先生之
長子戶部君紹走使謁余曰先君子清德篤行鄉邦
咸知之今歿二十餘年矣而墓未有表嗚呼厥父有
善晦而弗章為人子者之罪也惟先生圖之余生也
晚方欽仰先生之風烈欲翬箕容而未能也故不以
不文辭先生姓杜氏諱璠字良玉號雪崖邑中學者
咸尊仰之稱雪崖先生云其先滑州人高祖元季避
亂徙扶溝遂為扶溝人世系載在家乘先生偉貌脩
髯句次坦夷無城府畦畛好讀書弗間寒暑自少至
老靡倦年八十猶手不釋卷子戶部君懼其勞也風
勸少休先生笑曰書所以與道也道不可離書不可

廢也汝不聞先民之言乎悅耳目而適用用之不敝
取之不竭賢不肖之所得各隨其材仁知之所見各
隨其分而無不獲者惟書而已書豈可以輟覽乎善
爲詩不規規於學唐人銜口肆筆超出朋輩鄉里有
嚴憲副者與先生同結社一日問詩於先生先生曰
詩以興趣爲宗率吾情盎然出之無適不可世之鍛
鍊以爲奇摹擬以爲工有意於人之贊毀者皆非詩
也故其所作溫厚爾雅發乎天和不求合於世而識
者自重之所謂率吾情盎然出之無適而不可者歟
先生尤邃於六書之學嘗曰書必得法而後工求工
而不以法譬諸爲圓者弗以規爲方者弗以矩未見
其有成也於是徧求晉右軍諸帖臨之筆意逼真晚
年益造自得之妙乃曰吾學右軍書雖頗得筆意顧
用法太深刻祇若張湯杜周輩爾蓋若張釋之徐有
功雍容得法外意有縱有奪而允愜於人心者之爲
愈乎文曰用筆如輪扁斲輪不疾不徐得之於心而
應之於手始爲佳耳今杜氏家塾有聖教序臨本乃
先生之絕筆也先生讀書之暇鼓琴奕琴愉愉如也
蓋其性天朗豁無塵滓累故其處世日日豫樂而克
享遐齡八十云所著有雪崖吟稿族譜通聞見緒錄

若干卷藏於家戶部君忠信恪恭人稱長者嫡孫孟
乾學行才美不愧世胄傳曰仁者必有後覽其然乎
嵩渚子曰余爲雪崖先生墓表凡誌傳所已列者不
復贅第撮其平生嘉言懿行之章章較著者如此道
路往來乘輶車而過先生之墓者其尚式之哉

時隱先生墓表

予曩得罪沔陽公暇嘗泛舟遊巴陵平日所聞天岳
大雲之雄雲夢洞庭之大因得縱觀焉不覺目眩心
悸意必有偉夫隱君生於其間而未遑訪求今離楚
二十餘年矣猶寤寐不忘諸懷嘉靖甲辰春二月開

墓表集

卷之九

九

封別駕巴陵余君坤持其父時隱先生行狀謁予乞
表其墓予讀竟嘆曰疇昔巴陵之遊縱觀湖山襟帶
之勝意必有偉夫隱君生於其間而未遑訪求今覽
狀斯人殆其傳乎按狀先生諱萬春字廷秀其先世
居江西之長茅嗣徙巴陵之山口村代有聞人後罹
變故而家道中衰三遷乃止于月田爲定居焉曾大
父諱源清大父諱志通父諱華皆抱德弗仕先生幼
負異質識者已覩知不凡比長善居室治生且得其
配李太夫人內助是故家業日盛先生天性慈祥與
物無競有長者風積而能散富而好禮鄉閭宗族莫

不稱其行義無異辭年既艾有末疾惟酒是輔優游卒歲視聲華富貴澹如也君子曰賢哉余翁其豹隱之英矼屈之雋乎兄榮第福接迹登仕版先生白首丘樊超然物表因號時隱以見志邑子咸稱之曰時隱先生云子三長環蚤卒仲即別駕坤以春秋領湖廣已卯鄉薦歷仕淳安蕪湖教諭國子監學正江西道監察御史隨 聖駕謁陵駐蹕沙河行宮因糾儀左遷保定府儒學教授尋擢懷慶府通判以至今官季田孫男五大受大有大定大裕大梓孫女四曾孫男三一山一達一飛曾孫女五生天順戊寅正月二十日卒嘉靖乙酉十一月二十三日享年六十有八是歲秋別駕君應聘典廣東試事竣取道歸省甫逾月而獲喪屬續人以爲孝感明年丙戌十一月十一日 荏刺史洞黃婆天丘西南隅西山卯向安厝將二十年而墓未有表別駕君以是爲請予讀其狀而重有感焉古之儒夫隱君操行卓絕而名姓弗顯於世者多矣如班史稱田叔孟舒等十餘人暨田橫二客魯兩生孟獻子之友三人秦庭之諫者二十有七人姓名皆湮沒無傳它如南公董公吳公穆生韓生輩史皆逸其名君子惜之嗚呼行義如余翁

而竟弗行用於時固命也而顧可使之湮沒無傳乎語曰君子疾沒世而名不稱焉然則撮其行以表諸墓在其子固爲彰親之孝而爲世道計者亦有所不容已焉爾子學殖荒落撰述潦草聊據其行履以告來世

墓碑一首

明奉訓大夫昌平州知州孟公墓碑

孟公諱宗孔字汝學別號澹濱河南之永城人也天資明達重然諾尚氣節孝友著聞鄉里蚤歲失怙母望氏撫育訓迪寔兼父師之道幼勗之曰汝孤且貧欲農則無田欲賈則無資其惟學乎公奮志苦學以朱氏易領正德丁卯河南鄉薦戊辰會試不第卒業南雍擇交海內名士問學益充嘗以旅費金寄友人任天瑞所亡何天瑞病卒公即以其金爲贖弗索償人稱其長者嘉靖癸未春公治裝北試會山東盜起塗梗塞比至已逾試期公嘆曰吾命無甲科分乎何機會之乖也弗仕曷待或勸止之曰以子之才甲科可必得盍歸以圖後舉公不聽曰甲科信榮顯有命焉爾如弗可得將終身不仕邪夫人幼學壯行年齒攸邁駸駸焉老矣何官不可以行義而必族甲科乎

我遂謁選天曹拜真定府通判職事督賦先是豐盈
倉有巨猾朋奸侵漁公廉得其狀悉寘之法一郡肅
然渚沱河舊設抽分木廠歲有定額當事者往往收
額外羨餘爲己私公申明職掌請以別官領其事而
秋毫無所預於我撫按臺臣嘉其廉交章薦之丁亥
秩滿考績書上最序遷昌平州知州昌平土瘠民貧
逋亡者半公下車招徠撫字不遺餘力民聞風復業
者數千人又以是郡密邇 陵寢歲時饗祀供億
疲於奔命公上疏蠲寄養之馬減雜征之後而民力
稍舒已丑以忤權貴乞致仕歸父老扶杖泣送數十
里繼繼弗忍舍去其德政在人心者如此公歷官兩
郡所獲俸賜悉以濟宗族故舊之貧窶者歸來終歲
田居不入城市雖邑宰不相面者十餘年清風介節
鄉人仰之配張氏子一應昌未娶而殤公立堂孫曰
繼祖者爲應昌後君子以爲得禮意云公既卒其孫
繼祖持東魯鄉進士呂君懷珍所爲狀來請其墓道
之碑狀中載公善行甚悉惓惓以天裔其後爲公惜
余惟唐人孟東野垂老失子昌黎韓子爲詩慰之乃
託諸大靈龜騎雲叩天而假天荅辭以諭東野大意
謂子之有無其禍福皆未可原有子勿喜無子勿悲

而終之以再拜謝玄夫收悲以懽忻黃太史魯直深
然其說以爲時一觀覽可用亂思而紓哀究觀物理
其實如此余敢舉是說以慰公於九京且以解世人
戚戚喪明之惑云

高渚文集卷之九十五

墓誌銘一 四首

明故山東布政使司右布政使王公墓誌銘

明封承德郎刑部主事范公墓誌銘

明故昭勇將軍河南都指揮僉事徐君墓誌銘

明故處士張公配侯氏合葬墓誌銘

目錄畢

高渚文集卷之九十五

墓誌銘一 四首

明故山東布政使司右布政使王公墓誌銘

嘉靖癸卯冬十二月二十有六日山東右布政使王

公以疾卒于家距其生成化乙未五月二日享年六

十有九瀛與公為同鄉雅慕公名未之識憶昔甲申

之歲公時試政戶曹奉 命給餉大同事竣還

朝瀛適承乏晉臬按部代州遇公忻口道中傾蓋相

語頗慰夙昔之懷今二十年矣公位陟方岳引年歸

老考終于正寢其子慎乃持長史謝君在所為狀自

宛走汴徵銘于瀛而河南巡撫大中丞三峪維公公

之同年也又惓惓道公之志行政事甚悉屬瀛銘之

瀛方悲吾鄉哲人之亡愴悅惋惜弗能自已矧復有

三峪公之命其曷容辭按狀公諱鴻漸字懋德別號

清南世為南陽人高祖孟良高祖妣周氏曾祖道十

曾祖妣屠氏祖覺成父本並以兄文莊公貴贈通議

大夫吏部右侍郎祖妣孟氏妣司氏並贈淑人公天

性孝友寬厚有容平生耻為刻薄矯激之行幼承兄

文莊公之訓修行學文勉力靡怠弘治丙辰提學僉

文莊公之訓修行學文勉力靡怠弘治丙辰提學僉

事廣陽車公璽試公文嘉之極有司梓行以式多士
戊午大比末場偶感疾弗入監臨御史沁水李公瀚
閱公初中二場卷嘆曰此大手筆也必掇魁解甲子
果發解時以爲知人累試南省不第至嘉靖癸未始
登第時年四十有九初授大理寺評事獄平允有
聲棘寺戊子秋八月天下當大比廷議推京職
嫺于文學者充各省考試官公與薦典試蜀省稱得
人庚寅夏四月擢寺正辛卯冬十一月擢知廬州府
至則安養疲民節縮浮費每巡行郊野召父老子弟
語以孝第力田之方暇則誦學訓課諸生俾先務躬
行之實而以文藝華之刊刻崇古文訣頒惠屬邑以
正文體公在廬逾年有飛蝗過境而不爲害人以爲
異政云癸巳冬十月以才堪劇郡移知蘇州府甫下
車適當暹職之期往時州縣饋遺津貼之需悉峻卻
之甲午郡大旱夏五月不雨禾稼槁瘁郡故有白龍
祠自晉以來代著靈異公齋沐以往露禱祠下引咎
自責詞甚懇惻俄頃黑雲興于東方有龍出見大雨
如注四郊霑足父老拜謝庭下公引劉昆語慰遣之
曰偶然耳公治蘇二年政尚簡易不求赫赫名而人
皆賢之乙未擢陝西按察司副使分巡關南道適有

巨盜馬興等竊發居民震恐公選募義勇授以方畧
一鼓擒之地方底寧未幾擢死馬寺卿甫三月而有
四川按察使之命壬寅擢山東右布政使道經故里
悼親識彫謝慨然有歸休之念諸朋舊咸慰勉就道
至山東一年懇乞骸骨撫按臺臣暨藩臬察爰留之
不可得抵家甫三月而疾作遂不起嗚呼悲哉惟公
之兄文莊公寔受學于故太守金城容思段先生與
公俱以鄉闈第一人登進士學行實相伯仲人以二
難目之公方駿駁大用而爵位勛業固當與兄相後
先炳然爲中朝之望乃今已矣可勝慨哉公之爲
政也老成持重絕無矯飾而臨民聽獄一以平恕行
之弗事苛細故所至人愛之及其去也人思之傳所
稱循良吏公其庶幾乎所著有清南集席上談語藏
于家子一人慎府學生娶翁氏女八人長適吳希康
次適辛桂次適龔明次適張雲衢次適李濟嚴俱淑
人呂氏出次適呂官次適張守正及子慎俱側室許
氏出次許字蘇孟冬側室洪氏出將以乙巳正月之
十有五日塋于城南四十五里孟家村之原而慎復
來促銘乃叙次其行履之槩而系以銘銘曰
宛有名德曰文莊公文莊有第清南先生接武發解

如雙鳳鳴並聯牖仕難弟難兄文莊之學寔出段氏俗習黜辭一切棄毀第私淑之後先崛起仰止容思以達平軌發諸政事自廩徙蘇第君子匪疎匪迂民有慈母士有楷模兩郡弦誦樂公剖符川陝提刑濟甯敷德嗟茲老成允裨邦國拂衣歸來山川增色縣志志舒首丘願得進退式度死生事常功言借懋其亡弗亡紫山真壘碧水決決億萬斯載哲人之藏

明封承德郎刑部主事范公墓誌銘

瀛海遊四明聞章南義士范公之風心竊仰止焉東南古稱多材賢而四明爲尤盛若章南范公者乃竟以布衣終嗚呼惜哉公諱湘字時達別號章南居士宋資政殿學士參知政事文正公之後也文正公有弟曰仲齊通判明州遂家于鄞其孫楷績官至大司空權寶謨閣直學士贈少師五子並顯嗣後衣冠不乏故鄞人稱范氏爲文獻世族云公大王父杰王父必顯皆隱而耘諸野父鏞以長子潤貴封南京兵部主事母朱氏封安人公孝友儉朴嗜學不倦初銳志進取居無何以家務輟業力田服賈日漸殷盛人稱其有陶朱倚頓之才性簡直不易與人交行已治家教族課子居鄉臨事皆有矩度鄉閭無少長貴

賤咸敬憚之公雖銑于貧自奉甚約獨周人急難義所當予者恒趨之如弗及成化間開中饒公應詔輸粟賜七品散官先是祖司空公墳墓田數十畝于慈谿歲租百石公收租悉以饗先族族耆治塋廬有羨餘則分給族人之孤貧者曰祖宗數百年之澤尚及吾子孫吾既不能廣文正公之義田以贍族人敢以祖所遺者自私乎嘗商遊姑蘇舟泊于婁塘聞哭聲甚哀公恠而問焉曰代富室將鬻妻償之不忍別也公惻然出金以償富室而夫婦賴以全竟不告以姓名而去同舍客有奇疾癘甚公與寢處弗避黃鵠躬和藥調治之久無厭色兄主事公歿于金陵公扶輦而歸艱苦靡恤撫遺孤無異己子公子四槐棟材祿咸美材也公訓課羣姪晝夜不少勸賓禮德學之士相與磨礪之嘗曰吾兒尚念吾祖文正公之遺烈惟廉惟慎無墮家聲斯謂之孝諸子佩服公教各有成立槐舉弘治乙卯鄉試授山東平度州知州卒于官棖竣事藩省亦階于仕杖屨弘治辛酉鄉試祿舉正德丁卯鄉試甲戌進士歷官刑部主事員外郎即中歲丁丑七月公以祿考最勅封承德郎刑部主事晚年約鄉之耆舊十餘人月以朔望爲會酒

補稱厥家琴詠竟日有過必規有善必錄名其會曰敬義君子謂斯會有開風教云公初娶黃氏生女一而卒女歸撫陽李巡檢子瑜繼娶王氏贈安人閭儀淑行內黨師之子四皆王氏出也槐娶盧氏繼娶吳氏王氏妹娶趙氏拭娶沃氏繼娶方氏祿娶周氏孫男三秉哲東鈞東衡孫女二秉貞歸給事中董鑿字淹東絜字贈尚書碧川楊公孫某公之疾革也戒諸子曰勿作佛事勿泥風水禮備而行事集斯舉此其尤可爲世範者生于正統丁卯三月二十五日卒于正德庚辰七月二十九日壽七十有四卒之年十月一日合葬于清道鄉之原瀛與祿爲同年友厚以提學副使余子華所爲狀謁志于瀛瀛慕公之風而嚮往焉者也其何敢辭於是志之而復銘之銘曰維彼河流弗塞弗長維彼火炎弗遏弗揚東南士林誦章南義達不于躬乃昌厥嗣厥嗣振振咸鳳咸麟祗適考訓克光希文甬水之涯白楊垂蔭過者必式義士之塚

明故昭勇將軍河南都指揮僉事徐君墓誌銘
皇天純祐我 國家肆乃挺生熊羆之士不二心之臣以宣力效忠翊鴻猷而翼駿業時乎用武則東征

西伐剪除不庭時乎熙洽之朝卷甲鰲戈無所表見而其卓犖不群之才亦自有不可隱者是故論人物者必先詰時余於昭勇將軍徐君之卒也而重有感焉君諱節字朝信別號東溪其先世遼東廣寧人也高祖貞從 靖難之師大戰于白溝河有奇功渡江先鋒入金川門 文皇帝嘉其功俾世襲平山衛指揮同知眞生茂屢立戰功於宣德正統間擢湖廣都指揮僉事頃調河南茂生啓襲宣武衛指揮同知以征五岩川功擢河南都指揮僉事啓生慶君之父也以治河督餉功擢河南署都指揮僉事娶夏氏生子四君爲之長頗身穿鼻雙瞳炯炯射人眦角時已露英氣人見之咸驚曰此子異日必允厥宗弱冠其才果超異應務敏達不屑屈人下弘治壬戌襲宣武衛指揮同知時境內盜賊竊發撫臣檄君督捕君設法擒賊首數人餘黨皆散去民始安寢甲子清戎御史楊君武以將材薦于 朝正德丁卯撫按臺臣咸以將材薦之於是擢君爲河南署都指揮僉事蓋自曾祖茂至君凡四世皆當專閫之奇人以爲世美之難云戊辰山西回賊犯河北剽寇屠劉城門晝閉巡按御史趙君斌檄君馳禦君冒雨渡河趨軍懷調集

官軍悉俘馘以歸趙覈其功以聞有綺衣四襲之賜
庚午畿甸巨寇趙鐸等嘯聚殆數萬巡撫都御史涿
鹿鄧公提兵討賊委君掌中軍事君督勦中機宜
不數月巨寇悉平是年考君佐貳城操煎清戎事奏
西工部郎中唐君昇以營建宮室來河南君督理陶
冶功聞有綺衣二襲之賜丁丑嵩縣礦賊蠡起而守
備官適闕撫臣檄君往攝其事君兼程以行乃會分
守叅議宋君冕分巡副使鄭君約練兵攻勦且曰藩
臬二公文臣也安輯之責在二公子武臣也胡敢愛
死乃率河南弘農二衛官軍夜馳賊巢前後夾擊縛
渠魁田真邢義等而衆遂潰山礦爲之一清撫臣疏
聞有綵段銀花之賜嘉靖改元河南都指揮使司掌
印閩員巡撫都御史瀟川何公薦君宜爲閩司之長
大司馬幸庵彭公先爲河南按察使定知君材畧足
任遂上其議制曰可君視篆者數年適四境無事
時和歲稔日惟揖遜樽俎之間割鮮醢醇以宴樂賓
寮而已丙戌有以謗中君者尋黃白丁亥君引疾辭
退而余亦解組自晉陽歸矣乃與君爲林麓觴詠之
會每值花辰雪暮輒走簡互招聯車染死停驂吹臺
或泛艇南河之流命絲竹載歌舞歡呼笑語日入而

繼之以燭呼乃今捐館舍已矣可勝慟哉君歲時廟
祭畢必縣祖考征戰圖于庭上指示子夢麟曰此吾
高祖杖劍事戎旅克漠州真定大寧廣昌薊城靈璧
蹟也此吾曾祖征古北口小興州諸處橫槊奪胡馬
生擒胡虜以歸蹟也此吾祖征沙迷溪破麓川寨戮
夷首以靖南土蹟也此吾父擁貔貅之衆鎮嵩洛山
礦蹟也書曰世篤忠貞服勞王家又曰績乃舊服無
忝祖考吾兒勉乎哉夢麟讀孫吳書兼通儒術材器
綽有父風君娶林氏封淑人二子一女長夢麟娶馬
氏次夢鶴聘田氏女曰淑賢君生於成化戊戌六月
十五日卒於嘉靖乙未三月四日年五十有八將以
六月八日從塋汴城南祖塋之側夢麟號泣稽顙三
叩門而請曰先子生平之行先生知之惟先生銘之
余哀若人之不可作且感念夙昔交游之好而涕泗
弗已銘奚辭銘曰
生際聖明四朝太平易戈而殂既安且榮孰不曰
爾亨蚤謝閭政泉石爾盟花芬酒清以洽親友情知
幾知止乃漁乃耕終始貞吉其之與京城南之坪構
構佳城豐碑隧左樵牧勿行過者必式曰此昭勇將
軍東溪徐君之塋

明故處士張公配侯氏合葬墓誌銘

嘉靖戊子正月三日大梁張公卒先葬於汴城南八里屯大阜東祖塋之側矣越六年甲午八月一日配侯氏卒子宿遷令榮將以是年九月七日啓父之窆而納母柩合葬焉乃號泣頓首徵銘於其姑之子李瀛曰骨肉莫子若也子其銘吾大人之墓瀛號泣頓首諾曰是誠在我按狀張氏先世北平府宛平縣人也大父諱翼洪武初避兵南徙大梁主劉伯川家因婚劉氏 高皇帝詔戶部咨天下行省撫安流移各給以半印勘合戶帖翼遂籍梓符越數年劉氏卒

高唐文集 卷五十五 十一

適河決大梁翼避水復遷通許繼婚王氏生子四珍貴冠文珍生鵬字萬里即處士公也天性醇篤寬穆于于表亡崖岸中亡畦畛生平亡他嗜好顧獨喜飲酒飲輒盡醉得失弗嬰諸心又樂與方士游講詢攝養延年之術年四十不入內室既逾耆耄童顏黧人望而知其有養也隣人有閉戶自經者公隔垣聞其喉音乃踰牆入解懸活之子榮爲定襲令公數貽書戒之曰居官須勤慎百姓說好字難得若貪必禍隨異日何顏面見我邪侯氏仁慈好施無間親疎家人有不遂所欲者置毒羹中覺味惡而哇之後察知

其人乃泣下習責已而引咎自艾思愛之如平時云初侯之歸於公也公父母雅弗信陰陽合婚之說而祇以年齒相若醮焉甫過門家業寔衰或曰是犯鐵掃箒者亡何族黨有相繼病死者僉懷曰此弗合婚故爾公曰人死生有數婦奚關亡何牛羊有相繼倒死者僉懷曰此弗合婚故爾公曰物存亡有數婦奚關時公質首帛染緇而凍之將鬻諸市偶破損弗能售僉懷曰此弗合婚故爾公蹶然笑曰物成敗有數婦奚關夫妻相待如賓恭敬靡懈於垂白時偕老眉壽子賢而家日盛亦可謂難也已母屬續謂榮曰汝居官數載雖亡厚蓄亦頗裕於族人族人有貧病老弱者汝量調給之在笥衣服汝分散諸親戚其母遠我言榮奉遺命惟謹公生於正統己巳七月九日壽八十母生於景泰庚午八月二十有五日壽八十有五子三人存者榮也中正德癸酉鄉試始仕定襲令有惠政巡按御史王君獻薦于 朝會奉父喪歸服闋復授宿遷令今致仕歸矣女一曰餘祐適里人楊桓榮娶何氏繼娶賈氏皆先卒孫男一曰邦基何氏出也娶鄭氏孫女一曰淑女適士人王崇道嗟嗟盡哉予讀誌至渭陽之篇未嘗不泫然泣下也其詩曰

高唐文集 卷五十五 十二

我送舅氏悠悠我思夫秦康公送其舅重耳而悲母
之不見其思悠悠而不可極予母亡三十餘年矣動
哭昊天祿弗逮養已矣今尚忍銘我舅氏墓邪嗟嗟
畫哉乃投淚為銘銘曰

出南郭門繫八里屯撫撫平原泉甘草蕃是惟處士
張公之墳既奠既安以利其後昆

嵩渚文集卷之九十六

墓誌銘二 五首

明故中順大夫陝西按察司副使張君墓誌銘

丹陽縣儒學教諭陳君墓誌銘

明壽官張翁墓誌銘

李季聘墓誌銘

無盡禪師塔銘

嵩渚文集卷之九十六

大梁李濂川父

墓誌銘二 五首

明故中順大夫陝西按察司副使張君墓誌銘

往余父晉泉時巡按御史鄭城張公景華謂余曰蜀過嶧縣有令張某者政事嚴明豪強屏跡民咸稱頌之非君之鄉人乎余對曰然是吾同舉鄉闈者也其人慎厲隅有志操茲發諸政事者固其素養哉郊城慨然曰陽曲為晉省鉅邑敝且久矣安得精白如嶧縣者以宰之乎無幾得邸報銓部以嶧縣才力堪治

嵩渚集

卷五十六

一

劇邑調陽曲郊城輒又大喜曰張君來矣陽曲其治乎越兩月君至其始下車也即集邑中諸父老于庭面諭之曰里有弗孝于父母弗遜于兄弟弗勤力耕稼者爾其以名聞吾必懲無貸諸父老咸頓首曰諾里有豪奪武斷飲博通蕩輸納後期成虐羸弱者爾其以名聞吾必懲無貸諸父老咸頓首曰諾里有欺誕縱肆隨行敗類寇竊于鄉村者爾其以名聞吾必懲無貸諸父老咸頓首曰諾君乃出隻削袖中書邑中最無賴者三人姓名命亟縛以見有頃縛至詰之皆服辜立杖之于庭繫繫悉寘之法繇是威行惠流

嵩渚集

卷五十六

二

四境肅然撫按臺臣聞之盛嘉歎曰卓哉令陽曲曷足以盡其才乎異日徵陟內臺必能正色昌言褒然為名御史遂會疏薦之丁亥三載考績甫還任召入為山東道監察御史戊子巡視東城復巡南城皆有聲亡何父歿守制歸辛卯免喪實授山東道監察御史奉命巡按陝西至西安適有虎為患君下令三日獲之時關中大饑君乃與巡撫都御史麻城劉公天和協心賑濟饑氓賴以生者數萬人有巡撫延綏者蒞事乖繆君劾罷之三輔方仰君大有興革而母孺人之訃至矣君即日啓行民無老稚涕泣擁送數百里不忍舍去癸巳冬十一月 上賜紵絲金身衣一襲蓋賞前賑濟關中功云甲午秋九月免喪改除浙江道冬十一月奉命巡按浙江浙江為東南大藩華侈甲它省其地有湖山泉壑琳宮紺宇巖亭池館觸目佳麗居人率喜遊曠廢生理而四方士大夫至者多往遊焉舟舫輿從飲宴戲劇歌舞之費耗財特甚君嚴示厲禁其風頓息或有以羸俗誚君者君聞之笑曰不羸則弗能自立不俗則弗能幹事吾豈效潘孟陽輩但飲酒游山已乎君在浙逾其憲度峻整豪貴有犯者必繩之以法貪吏皆望風解印

綬去又崇獎忠節振揚風教如岳武穆蘇文忠林和靖胡安定方遜志諸祠墓咸下令修葺刻官箴疑獄錄以迪屬吏刻天台陳氏小學解以訓蒙士刻釣臺集以警頑俗興復麗澤四賢二書院以祀東萊而下諸君子輅車所至剷洗建白不遺餘力浙人迄今誦之君先按陝西深知邊方巡撫責任至重比歲率輕授之凡累官至左布政者弗問才識輒畀以巡撫故邊備日弛識者憂之君上疏乞重巡撫之官必慎其選久其任假其權明其功罪而後可責其成功朝議以為確論丙申冬得代還京復掌浙江道閏十二

尚書文集

卷之九

三

月九廟禮成有玄段表裏之賜丁酉春三月從駕幸天壽山謁陵適皇子誕生有白金綵段之賜夏六月奉命巡按徽寧池太四府以疾在告不果行己亥春二月復起仍掌浙江道以資望同給事中一貲點視十二團營稽察嚴密請託不行庚子三月擢陝西按察司副使撫民漢中君喟然曰吾以顛直見忌于時茲幸轉遷可以不復仕矣遂不赴任尚祥林麓觴詠自娛不以世故介懷辛丑考察果進誣落職君聞報笑曰直道難容吾固知有是耳畧無溫色甲辰冬偶感風痺疾醫療罔功竟不起時丙午

九月七日也君生成化乙巳八月十一日享年六十有二按狀君姓張氏景名光啓其字別號西墅其先大興縣人也高祖仲禮曾祖斌祖喜父璽以君貴勅封文林郎陽曲縣知縣母杜氏封孺人成化中世父義以中貴隨侍崇藩官門正因占籍汝陽遂為汝陽人君童時舉止異常兒義特愛之乃延師令肄習內署治春秋有名舉正德癸酉河南鄉試經魁嘉靖癸未登進士第配強氏封孺人子二長孟寅郡學生次孟容癸卯科舉人並以學行著稱女一適太學生溫潤孫二公著公博女孫三卜以今年十二月朔日葬于壺僊觀之原嗚呼有是器業而弗究厥用竟壹鬱以歿命寔為之謂之何哉曩與君別于汾水之上君惓惓以鄉同年為念重刻其序齒錄以傳且懇余序其後今其編固在也每一展閱輒為之感愴豈復有數萬年誼如君者邪繫君之病革也囑其二子曰吾友大梁李君嫻古文辭可傳後誌銘必往謁之君既卒二子奉遺命徒跣走數百里抵汴號泣請銘余既為位而哭之復慰二子宜節哀保軀以成大孝遂援筆而銘之銘曰

嗚呼哀哉君之銘曰

而啞也疇執厥衡枉實以紂也欽而弗施猶志永畢也嗟古有然吾莫之詰也二子皆賢昌庸可必也譬彼泉源閼之始澤也淮康之原卜茲玄室也我作銘辭後世有述也

冊陽縣儒學教諭陳君墓誌銘

嘉靖丁未春正月三日余友陳君國仁卒于冊陽宦邸逾月計至汴余賦五言絕句二章哀之書自冊陽至孤鴻送訃音白頭凝淚眼哀思爲誰深柳林讀書處風雨對床眠雞黍交情在思君一泣然再逾月柩還柳林余絮酒出城走奠極所哭之失聲其子應璧

嵩漢集

卷之六

五

泣請曰先人與公交最深埋幽之石其曷辭諸余泣曰諾君諱宋字國仁一字子木別號柳村祥符人也君天性穎敏治尚書有聲于時與余同居汴城門相對朝夕與處情投契合蓋無一日不聚首譚噱云君家故多儲書不下萬餘卷余自髫歲時時借觀君不少悵或有所得則走告君或與君並觀商確古今評騭人物疊疊窮日夜不休荷君之益寔多同時友十人余與君暨王庸之左舜齊車吉甫文甫鄭叔度蘇乾伯田樹德深甫稱大梁十才子云君長余八歲正德丁卯同讀書吹臺上肄習之暇則飲酒賦詩加

歎古人風烈慨然興懷相期砥礪志節不徒爲舉業之士而已庚午下第又同讀書柳林墟中癸酉余領鄉薦始與君割席北赴南省試嗣後宦遊四方風蓬飄轉別君十餘年嘉靖丙戌春余謝臬事歸而君猶在郡學爲諸生雖累舉不第氣弗少衰見余還故里輒欣然喜曰用舍數也出處天也君歸矣可尋舊盟爲樂耳奚戚戚爲時十友亡者七人矣每遇雪晨花晝余二人必聯車出遊觴詠倡和夜以繼日甚驩也戊戌冬君膺貢入京師明年己亥春三月授吳縣學訓導道汴話別余有贈言之篇叙平生交誼頗悉甲辰君以年績遷冊陽縣學教諭二邑之卿大夫里居者無不敬重公而生徒數百人經陶鑄者多爲名士卒之日咸易服會哭甚哀此亦足以觀君也已配梁氏先卒君二子長應期縣學生省父于冊陽卒次應璧儀賓孫男一學詩孫女二君生于成化辛丑六月二十八日享年六十有七嗟乎陳君握瑾懷瑜而莫售蹉跎遲暮皓首青氈偃蹇低回弗獲少伸厥志而歿矣嗚呼傷哉銘曰

猗國仁質和醇壯幼學攻典墳友十子會以文諸勝者君獨迤老學職終弗振竟客死京江濱曰有命

哉君我銘墓刻玄珉後千載當有聞

明壽官張翁墓誌銘

嘉靖乙巳冬十月晦吾里壽官張翁卒距其生成化已丑六月三日享年七十有七翁之子鄉進士四維思聞其先人善行乃介其同年友陸君東謁余請銘其墓陸之狀曰張翁諱秀字廷氣浙江衢州府開化縣人也累世科第號四牌坊張家曾大父子通大父文字父祥母徐氏洪武初文字與兄文廣以富戶編役大梁驛役滿富歸樂汴之風土遂占籍為祥符人祥生二子長曰榮次即翁也翁坦直敦樸蚤失怙恃

墓誌銘

卷五十六

七

家道寔衰稍長即能自植厥業居室隣大梁驛而翁能以其治家餘才佐水治驛事孔理規制既定即絕迹不復往後承聞其賢要致再四竟懇辭之翁曰教其二子曰鑾汝耕毋墮吾業云爾四維汝讀期紹先世之芳云爾居常慟二親蚤逝弗獲躬養歲時祭主於寢涕泣竟日人皆稱其孝又廣之子儉翁從諸父也無子翁事之如父儉有遺產悉以予儉之諸姪翁一無所取人皆稱其義與兄榮同處白首無間言及卒歛葬咸如禮人皆稱其友平生喜賙人之急或有稱貸者父弗能償輒焚其券族子曾姪子朱進暨

進妹並少孤翁悉鞠育之比長婚嫁若其時族子和為人捶殺之事聞諸官翁泣曰兒死不幸忍復罹檢骸之苦乎但俾歛厥手足瘞之足矣天道昭然吾不欲彼抵死也官從其言而其人出獄死里有盜翁田中禾者獲之翁憮然曰彼非貪極寧有是邪縱之不問此數事人皆稱其長者初娶陳留胡氏先翁卒繼娶祥符蘭氏生鑾四維女一適馬永貴孫男二曰易曰書孫女三長適王汲次適董理次適侯九齡曾孫男一將以丙午春三月三日葬于汴城西閭家寨祖塋之次惟先生其銘之余聞其狀而有感焉嗚呼世之生有疵行而獲罪于鄉曲雖居高官顯位赫赫然得志于一時曾弗若斯人之醇厚而不為里人所指議為可尚也矧余季弟洛亦與四維為同年則壽官翁固年家之丈人也銘惡乎辭銘曰

是惟壽官張翁之墓林土厚水深災害莫我侵佇見龍誥自天而下以慰孝子之心

李季聘墓誌銘

李觀魯字季聘世為大梁人父潤以選貢上京師不欲仕授東平州學正致事歸兄華魯善屬文登甲辰進士授海鹽令道汴赴官途聞弟病劇亟馳歸省視

抵家逾旬而第卒實乙巳冬十一月十二日也伯仲皆嘗從余講學並以茂為稱初季聘之從余將也余集門下士試之偶以信陵君竊符救趙為試日季聘援筆千餘言滾滾瀾翻辨難矯健余喜其有史才居無何巡按御史臺試而以夜氣為試目則又說理明粹且多體驗自得語御史嘉其有心學敏哉季聘汴之佳士使天假以年厥造余莫之究竟也乃今已矣非所謂苗而不秀秀而不實者邪先是季聘有宿疾少瘳輒力學不休讀書田廬既倦飲酒臥風牖下醒覺兩股痛弗可忍久之瘍發下體鍼藥罔功竟不起

謝安集

卷之六

九

兄數夕前夢手指漬裂人遺珠盈掬驚寤泣曰手足兄弟也珠淚也胡有是夢邪乃慟哭失聲已而弟亡屬聞季聘寄所為文于兄兄讀之終卷見其衍繹闕贍慮耗精力乃為書戒之曰辭以達意奚事侈為也季聘竟以覃思殞其生焉庫傷哉距其生正德丙子四月二十二日得年三十娶張氏生子一曰合榘方四歲女一曰存姐方六歲云將以是年十二月二日葬于埽頭祖塋之側余惜季聘之才未究厥止乃投淚而為之銘銘曰

嗟嗟季聘孰昇爾賢孰奪爾年悠悠蒼天胡究其然

大河之干埽頭之阡岡迴水盤全歸爾安

無盡禪師塔銘

禪師名續燈字無盡河北之香關湖人也俗姓下氏父名順母張氏自幼削髮投禮汴城祐國寺僧祖溫為師無盡和易坦直學士大夫多樂與之游余汴人也自丙戌春解官家居苦無山水登臨發舒長嘯而城中佳勝處獨祐國寺幽僻清曠巍塔挺立凡十有三層層鐸風裏有聲可以洗人塵抱余每值花辰雪晝輒挈壺榼拉友朋三五人往游焉至寺必抵無盡方丈觴詠于其中詩成酒醉竟日而後返今無盡已化去余以衰暮之年端居簡出而遊興亦索然矣可勝慨哉可勝慨哉無盡生於成化庚寅十月十九日示寂於嘉靖癸卯十月二十八日享年七十四歲其徒孫惠清慕緣造塔瘞其骨于安遠門外五里之原亦可謂克勤克孝者矣是宜銘之以諗于來世銘曰猗禪師法慈憫名續燈字無盡師祖溫機鋒敏內照融外緣泯六慾絕未為忍一鉢空未為窘七十春若朝菌生何欣死何愍返諸無堪微哂殺如蟬塔如荀茲焉休幻五羖惟性靈終不殞何以銘夷則引

嵩渚文集卷之九十六

嵩清文集卷之九十七

墓誌銘三 五首

明鄉進士河濱李君墓誌銘

明故承德郎戶部廣東司主事杜公墓誌銘

李庵張先生墓誌銘

楊舜卿墓誌銘

明故陽邏驛丞劉君墓誌銘

嵩清文集

卷之九十七

目錄

嵩清文集卷之九十七

大梁李瀛川父

墓誌銘三 五首

明鄉進士河濱李君墓誌銘

吾省古豫州地當天地之中淑氣鍾會哲賢輩出而
以道學鳴者寔自洛陽二程先生始維時從之游者
同鄉之士則有朱給事公揆劉博士質夫李校書端
伯謝學士顯道尹待講德充若張思叔馮聖先李嘉
仲孟敦夫暢潛道皆所謂見而知之者也宋鼎南遷
儒紳彫喪迨至勝國時則有魯齋許先生崛起單懷
嵩清文集 卷之九十七

直紹伊洛之統入 國朝則有澠池曹月川先生寔

開 昭代道學之源吾邑河濱李君其聞月川之風
而興起者乎君諱承恩字君賜一字伯生世為梓符
之西關廂人曾大父溫大父學父椿俱不仕鄉稱善
人君父母蚤喪祖父母鞠育之少不為童戲八歲就
塾師端慎如老成人弱冠入邑學為弟子員嗜學不
懈下筆為舉子業一主于理弗尚浮詞督學者優之
俾聚講大梁書院正德己卯領鄉薦明年試禮部不
第君傾囊買理學諸書以歸閉門誦讀研究忘寢食
自六經孔孟之書暨濂洛關閩諸儒之言以及陰陽

律曆老佛百家之說罔不熟思潛玩究其旨歸日有新得見之著述辨析精當多儒先所未發謂聖人之微言莫大於經而穿鑿好異者失之著易大義詩大義書格義學庸拾朱孟子說若干卷謂宋儒之言莫精於濂溪太極圖說橫渠西銘明道定性書伊川顏子所好何學論各爲之解以發其蘊謂理不雜陰陽不離陰陽夫不離陰陽謂陰陽之上別有一物者荒矣不雜陰陽謂天地之間無往而非道者疎矣于不離中取不雜者以爲體于不離中取不離者以爲用焉飛戾天魚躍于淵至矣哉著陰陽論百五十八條

謂動靜者吾心也動靜之間吾心之至妙至妙者也動中有靜者德德者得也恐失之而復得之也靜中有動者幾幾者微也雖至著而實至微也老氏從靜上修爲近靜而得玄遂以爲道在是矣佛氏從靜上致力少動而得空遂以爲性在是矣皆非也乃畫心印圖以示學者謂大學格致之旨不明於天下徒使學者馳騁於超然遠覽之餘而不知即身世之近求之是故去道愈遠夫人之有是身也處斯世也或見而爲好惡之意或見而爲忿懣恐懼好樂憂患之心或見而爲親愛賤惡畏敬哀矜教惰之身或于家而

愛子貪財或于國而事君事長使衆或于天下而用理財財或日用由之而不可闕者自我格之自我致之非它人所能預是之謂獨由是而慎之則天德可達王道可行矣著格物致知說謂往來順逆易之大旨原卦畫之初自乾至坤皆逆數也然乾兌離震繼之善也巽坎艮坤成之性也往者已然也數有次第之意第其已往不亦順乎來者將然也知有主宰之意宰其將來不亦逆乎天地萬物莫不皆然今夫爲春爲夏數往順也爲秋爲冬知來逆也入少而壯數往順也由壯而老知來逆也下學之功知來逆也上達之妙數往順也數往者順後天而奉天時吉凶在天而不在我故曰鞠躬盡瘁死而後已成敗利鈍非吾所能逆觀也知來者逆先天而天弗違吉凶由我而不在天故曰思慮未起鬼神莫知不由乎我更由乎誰然必有知來之逆而後有數往之順故曰天且弗違而況於人乎況於鬼神乎著數往者順知來者逆說君平生著述甚富有河濱日錄河濱劄記河濱存養總若干卷藏于家君天性孝友事祖父母以色養與弟承光相敬愛里無間言承光歿君撫其遺孤恩恤周至每念其第輒潸然泣下家素貧數試禮部

不第郊居空乏客有勸其貸金者曰吾聞之曾子受人施者常畏人子人者常驕人縱彼不驕吾能不畏乎有以公事囑君請託者作耕心田歌以拒之其人慚而退訓戒子弟勤力耕讀每語之曰貧賤常也富貴遇也不饑不寒足矣非其義一介不取少有羨餘即惠逮族人弗吝鄉閭咸服其義君終日獨處一室正襟危坐如對神明及與人接溫顏粹容和易可親從遊之士誨之必盡其誠嘗謂習舉業者曰理明而後辭暢汝宜讀書窮理徐俟融會于心而文可爲也惜乎天不假年四十九而卒使斯世不被其澤後學

萬壽文集

卷五

四

不蒙其誨君子有深悼焉予觀有宋大儒得壽之永者惟伊川晦庵二先生乃若屏山劉先生僅四十有七東萊呂先生僅四十有五南軒張先生僅四十有八而已子曰朝聞道夕死可矣矧死生有命又何脩短之足較乎君生於弘治乙卯八月十一日卒於嘉靖癸卯三月二日配盧氏先卒繼和氏子四女二將以是年十一月二十日葬于汴城外西南隅之新阡其子常持鄉進士陸君東所爲狀請銘于予予與君爲莫逆友垂三十年矣君每有著述必走价示予訂可否予亦雅重君每謁先壠過其門必停車造訪講

論移晷始去今已矣嗚呼盡我屬者豐城楊月湖纂輯國朝理學諸臣自薛文清公而下凡十有五人如吾河濱造詣精純操修嚴密踐履爲實蓋胡敬齋陳布衣之儔也後有續豐城之編者其能舍河濱而不錄哉知言君子諒以予言爲然銘曰

伊洛淵源孰聞其傳後賢私淑澠池月川月川逝矣孰躡其軌卓哉河濱奮然興起天祚斯文乃生斯人勇往任道力勝萬鈞詞華文藻舉世瀾倒君獨棄之罔逐時好古道躬行先民是程彼姍而笑我堅而貞命也非迂屢誦禮部不怨不尤聖有遺矩歸卧夷門

萬壽文集

卷五

五

肆力典墳上自六經下迄關閩陰陽律曆老虛佛寂何蹟靡窺何隱靡析幽而鬼神明而人倫精思實蹈知行兩輪嗟此良友云胡弗壽二賢告凶僅四十有粵惟屏山東萊南軒並齋其筭天乎何言懷寶不仕倡道汴水真晟居仁近代趾美豈無心知如君者誰今不可見悠悠我思哲人不祿遺蛻空谷不朽者存著述滿匱梁城之西卜兆于茲後有企者考我銘辭明故承德郎戶部廣東司主事杜公墓誌銘公諱紹字述之別號朴菴始祖二公居大名之滑縣兄弟九人值元季兵起徙扶溝侯謝里其八人者散

處四方莫可究二公生成應墓補堅城衛軍後調置
塘衛成生二子義舉義從成置塘春晦德不仕號藏
春翁生六子行五曰清號蓋軒由太學生官大同府
經歷生三子長璠號雪崖年逾三十無嗣從其父蓋
軒遊雲中禱于大同之雷公山時成化己丑春也是
年冬雪崖還扶溝明年庚寅正月七日生朴菴公一
乳二子云公賦質謹厚孩時不逐群兒戲七歲出就
外傳十四入邑學提學江浦石公准曰奇童也即補
增廣生家故貧力弗能贍師它舍生授講公隔壁潛
聽久之有得面多者弗速也公雖攻舉子業乃獨不
隨俗記誦常反之身心踐行焉為文理致完密弗事
華藻顧數舉不第從遊者日益衆公端坐終日講論
靡勸弟子有憚於卒業踰垣避去者公曰我幼時隔
壁聽隣師講惟恐失之今乃踰垣避我何哉正德丙
子始舉于鄉丁丑會試下第入太學時少年輕俊多
高談使氣或眇公公恂恂然如無所有會國子司業
景白沙先生堂試見公文驚曰此卷析理明實實之
上列諸少年改容禮之庚辰登進士第其妻馬氏夜
夢絳衣人持竹簡丹書曰我雷公使者也茲來報南
省捷云馬蓋不知其先有雷公之禱也辛巳十月釋

戶部陝西司主事明年壬午嘉靖改元二月擢師邊
陲五月 今上上兩宮徽號 詔兩京官未及三
年考者俱給與應得誥敕公授承德郎妻張氏贈安
人繼室馬氏封安人父雪崖翁贈承德郎戶部陝西
司主事母劉氏封太安人六月督撫臨清緩法疎禁
稅料惟取盈額而止先是每鈔百貫公堂紙硃銀若
干解戶部銀若干公悉鑄去之商人稱便明年癸未
八月襄事還 朝九月部檄委放龍驤等衛官軍折
銀旬日而畢復委監督收放渾石橋等三倉糧芻與
太監趙墨等二十人同事公不激不隨墨等悅服十
月奉 勅督餉南畿明年甲申正月抵維揚聞內艱
回籍五年丙戌七月服闋赴京師仍除戶部廣東司
主事十一月復 勅南直隸監兌糧儲丁亥正月抵
徐州移文各軍衛有司申飭法軌嚴限趙督次常州
會業師臧秋江先生卒于家乃為文哭奠之且諷郡
守申君綸助其喪云次姑蘇聞邸報罷官士林咸惜
之公笑曰吾平生不為欺心事遲暮始獲南宮一第
三為部使上不負君下不負民中不負所學它尚何
言哉乃浩然北歸杜門謝客日惟講學著述而已丁
亥六月十一日以疾終于正寢享年七十所著有朴

卷初彙中彙後彙便南集杜氏家譜扶溝縣志統若
于卷張安人先卒於弘治甲寅十一月十九日年才
二十有五薨葬城西安人沉默寡言以淑行為鄉閭
所稱生子一孟乾女一適丁勤馬安人少公六歲慈
惠卹下善事其姑太安人悅之生女二長適李時習
次適劉綬將以今年辛丑九月十一日遷張安人之
藏與公合葬於東晉岡之南新塋從吉兆也孫男一
漸邑學生孫女二長適羅從政按察副使珰之孫次
適何誼慶陽太守岩之子曾孫男一化中曾孫女一
瀛為秀才時嘗邂逅公於汴之臬署前儒貌疎髯動
中矩度心竊仰之及瀛致仕歸也汴距扶溝甚邇而
詩筒書札往來不絕是故知公最深公甘貧嗜學本
諸天性雖貴顯服食無異常布時守先人之敝廬無
所增改終其身不畜妾婢不御聲妓簡靜澹泊克稱
朴菴云自公之謝政里居也猶受易於江西羅生受
書於臨汾張叟受春秋於麻城周生詩則本經蓋嘗
歷十數師而三禮則自覽究其篤志遺經如此公與
人交久而益敬能急人之難不記小過其待弟子尤
有恩義故始病之日值嚴寒親友走問者足相躡以
至庭院不能容熾薪達旦者凡三夕卒之日弟子數

十人咸痛哭流涕服衰三月嗚呼茲可以聲音笑貌
為哉孟乾賢而有文且練達世故狀公之行而謂銘
於瀛瀛雖嘗表靈崖翁之墓夙知其家世為詳銘惡
乎辭銘曰

昔周盛時有唐杜氏成王戚之遷封杜里枝葉散布
篤生敬侯為漢九卿麟閣揚休小冠子夏寔維其子
博洽多聞雲仍嗣起二公避亂卜居扶溝傳至靈崖
文雅好修積德者昌禱生民部發身甲科策名天府
三為部使北餉南漕人皆安佚我獨賢勞吁嗟畏途
嶮巖難處參贊殺人厥母投杼拂衣而還命也奚咎
凡有一琴門垂五柳我農我圃我菑我畝朝吟夕嘯
左圖右書有子承家績學勤苦家孫曾孫咸堪步武
化洽閭內三世四節贍軍置田友于胥悅公宦未竟
公道大行是亦為政何必公卿晉岡之南雙洎之北
沙明水迴龜墨是食公得吉壤神明相之億萬斯年
永安葬之

平菴張先生墓誌銘

瀛童穉時嘗從表兄平菴先生游正德癸酉同舉于
鄉嘉靖癸未甲申乙酉又同宦于晉陽時先生為定
聚今而瀛為按察僉事云道義交游四十餘年

情好為最深恩義為最篤茲其亡也銘墓之文歷
乎辭誌曰先生姓張氏諱榮字國華後改字仁卿其
家世具載厥考處士公墓誌中先生家素貧志操清
苦力學靡怠提學副使廣陽車公重其學優之予廩
歲年四十始領鄉薦嘉靖癸未銓授定襄令撫良弱
鋤鵠頑興舉廢墜不遺餘力自城池廟學壇壝庠藏
以至養濟院漏澤園講武教場罔弗修建完整又創
置義倉一區貯官園所獲穀粟若干石凡邑中幼而
苦學者而茂德力弗能婚娶者量給之戊子歲旱先
生徒跣禱于邑之七岩聖母祠雨雪隨應四野霑足
時巡按御史王公獻按部郡邑至定襄見其政蹟異
之表薦于朝而先生適罹外難歸辛卯服闋改宿
遷今甫半井以謗免乃築室于汴城南之八里屯躬
耕墾畝足跡不入城府值歲大侵鄉隣有闕食者先
生輒賙恤之餓殍載道率家僮掩埋弗令暴露里人
服其行庚子三月二十日先生以疾卒于郊居距其
生成化甲午六月二十七日享年六十七歲配何氏
先卒繼室賈氏亦先卒並權厝塋域之外至是始與
先生合葬祖塋之旁穴禮也子一曰邦基娶鄧氏女
一曰淑女適王崇道俱何氏出孫二曰承宗曰繼善

銘曰
有明乎宋先生之幽宅封崇四尺以藏鳬鳥永安乎
窀穸

楊舜卿墓誌銘

汴城南四十五里曰朱僊鎮鎮有望族楊氏以宅第
賓客雄于里中故南北往來公卿士夫憇宿咸依楊
氏館庖供張罔弗整饬餐而馬芻亦罔弗備是故至
者如歸而公卿士大夫即未過是鎮者亦聞知是鎮有
楊相舜卿云嘉靖丙申九月二十四日舜卿卒距其
生成化癸巳十月八日壽六十有四卜以十月二十
一日啓其配安氏之窆而合葬焉蓋安氏先卒十有
一年矣其子鑑錫泣跣踵門請曰吾父辱大人先生
知鑑等奉治命乞銘余辭弗獲乃按其狀而誌之曰
楊氏先世中牟人在宋元時有官方伯參將者塋碑
俱存國朝洪武初始徙是鎮五世而上譜亡不可
考高祖諱宏宏生貫貫生全全生遇遇字文際配康
氏生三子長即舜卿也遇慷慨剛果有器度輕財好
施鄉人服其義遠近有不平之爭者咸來質焉故里
人皆尊憚之稱楊大公云大公善治家植產田業日
以滋率仲子揖季子桓力農河畔足跡稀至城府凡

百門徭里後舜卿一身當之無憾容無情事如是者四十餘年舜卿蚤承父命為藩司從事父既歿而年亦垂艾矣乃仰天嘆曰嗟人生百年如隙駒易過也我髮昨點今忽斑矣我類昨丹今忽稿矣與其奔走于公門孰若徜徉于田園乎遂浩然棄去舜卿之棄從事而返諸農也乃率新堂序栽花藝竹日與田父野叟話桑麻道故舊笑談竟日陶陶如也每夏秋禾熟拾遺穗者望老幼集于田家人怒叱之舜卿輒戒之曰年穀幸登此天開倉也饑者我就而汝禁之是悖天道也從老幼拾取勿禁里隣有稱貸麥粟者歲歉不及償或避匿弗敢見舜卿溫慰之曰姑待豐年云爾其寬厚有容類如此子鑑為 周藩堵陽王女黃縣縣主儀賓安氏出錫郡學生娶為氏女二長適士人耿炯次許字胡守恩俱韓氏出孫男二應嵩應岳孫女一許字孫學書嗚呼舜卿汝有子貴且賢有孫聰且蕃安居飽食六十四年其瞑目九京無憾矣為之銘曰

伯賓于王仲士于庠君之二子昌考築室城中門高闥崇駟車足以容考生長太平歿不識兵君其選運亨考支河之東若堂者封環栢森桐佳哉構慈茲惟

君之玄官考

明故陽邏驛丞劉君墓誌銘

嘉靖戊戌春三月十五日驛丞劉君卒于家秋八月其子太學生東魯長跽踵門持鄉進士陸柬所為狀介吾第洛而泣告曰吾父作小官有立居鄉多善行掩幽之石敢乞銘余適營故廬弗暇再閱月而葬期迫矣東魯復走大梁徵銘乃按其狀而敘述焉君諱紳字邦行別號居可遠祖明遠元季避兵扶溝卜居張塢岡迄今為扶溝人家族蕃茂稱巨姓明遠生成成生靖靖生貴貴生璫配馬氏生經及君君聰穎過人少時父教之切韻輒精其業河南按察司僉事陳君按部扶溝值雪暝止其家與君語奇之遂挈入汴臺與厥子同研席後當遷去以君為承差君敏慎守度按察官長咸重之正德壬申授湖廣興國州富池驛驛丞始仕即能其官時巡撫都御史秦公嘉其才委修興國州治工垂完奔父喪北還適劇賊劉六南擾道塗梗塞過鳳陽而邑人羅君珪為郡守止君勿行君曰安有父喪於家而避兵於外者竟抵家甲戌服闋復丞黃岡之陽邏驛居無何偶感末疾乃致其驛事歸而疾大愈矣居鄉二十五年耕田教子行子

閩里嘗遇歲大侵君代辦邑貧民稅金四十縣令王
 有償之弗受令將整頓希出俚以事貸金數十後將
 謫去賀卒於官皆弗能償君更厚助之家僮田萬竊
 金數十亡去逾年蕩盡復歸家人欲致之官君力止
 之仍留于家恤其困苦君行道見棄兒于衢乃惻然
 拾取令鄉人韓剛育之月給以米今成立其厚德類
 如此君天性孝友母病背疽危輒額天乞以身代俄
 母愈其妻繼母亦如是從弟綸以公家鹽事法當戍
 君出金脫之語族人曰金易得兄弟遠戍吾心何安
 邪君生於成化癸巳二月十三日壽六十有六配陳
 氏生三子長即東魯仲東野季東良女三一適義官
 張江一翟朗一楊霜孫女一許杜較東魯將以是歲
 十二月三日葬岡南之新阡遵治命也嗚呼如君之
 行亦可銘也已惡在邑官大爵流勛烈於海宇然後
 乃足紀哉銘曰
 官弗必崇惟職之供壽弗必百惟德之獲繫張塢岡
 林木蒼蒼君子之鄉新阡向陽龍脉悠長玄宮孔臧
 百世其昌乎

嵩清文集卷之九十七

嵩清文集卷之九十八

墓誌銘四 六首

明故汝陽王府六奉國將軍配淑人傅氏合葬

墓誌銘

明誥封沈丘榮侯王夫人宋氏墓志銘

明誥封崇善恭順王夫人謝氏墓志銘

苞厘將軍墓誌銘

月窟子墓誌銘

松厓子墓誌銘

高者文集卷之九十八

大梁李瀛川父

墓誌銘四 六首

明故汝陽王府六奉國將軍配淑人傅氏公葬墓誌銘

國朝大封同姓屏翰四方通都名郡咸列宗藩粵
惟汴之周藩爲最繁衍周藩諸王又惟汝陽爲
最繁衍皇澤覃被枝葉龍茸歲時朝賀冠珮如
雲於戲盛哉汝陽宗室有號水心亭者諱安湛大輔
國將軍之子四鎮國將軍之孫恭僖王之曾孫

周定王之玄孫也輔國配李恭人生子三而水心爲
之長個儻善治生十數年積產數千金乃大治宮室
臺榭丹青黝望煥乎可觀復植奇花異卉於其間欄
檻整麗見之者罔不美其才云水心勤勞起家兼善
飲奕好賓客故汴中諸豪俊咸樂與之遊平生室無
婢妾神采彊壯人皆擬其遐年乃竟止下壽語曰膏
雨溢川禾稿于田其水心之謂乎配傅氏封淑人治
家嚴肅百務井井以勤儉相夫子以恪恭事舅姑以
慈惠育群下卒之日閭里老稚咸爲之盡哀生子三
長西樓配李氏仲恒齋配馬氏季復齋配翟氏女一

適儀賓張琨初淑人之病也西樓禱以身代鄉邦稱
其孝云按狀水心生于成化甲辰正月十五日卒于
嘉靖乙未六月二十八日壽五十二淑人生于弘治
戊申九月八日卒于嘉靖戊戌六月二十九日壽五
十一明年己亥十一月九日乃啓水心之窆而合葬
焉君子曰攝生家有言過役爾神終戕爾真壽靡爾
臻夫水心治外淑人治內經營弗懈家政旁午將無
過役其神乎余竊悲其克豐業產而並不躋上壽也
乃歎歎而爲之銘銘曰

體厥穀豐厥屋裕後賢紹遺蹟梁西軒協吉卜泉宮
築生氣蓄萬斯年勿樵牧

明誥封沈丘榮侯王夫人宋氏墓誌銘

夫人宋氏者大梁宋祥之女也母劉氏夫人生正統
戊辰秋七月二十二日少敏慧寡言容儀端飭父母
鍾愛之擇所宜歸弗輕許人周藩沈丘王聞其賢
乃遣媒妁議婚其父母喜曰吾女生有佳兆必貴宜
歸之王遂許之天順壬午冬十二月十五日入侍
王宮夫人時年十有五矣祗事朝夕敬恭靡懈每日
雞鳴而起綜理庶務罔敢暇逸歲時蒸嘗禴祀賓客
飲宴多出夫人經畫靡不中節王暨妃咸倚重之

正德壬申春正月二十一日 王薨享年六十有一
謚曰榮戾如王氏無出夫人生子二長安湓正德戊
寅秋七月三日冊封沈丘王王既襲封乃陳情以母
氏請 制若曰朕惟 祖宗之制諸王支子必封
郡王其配皆冊為妃以主內治妃以下有子者亦各
有封蓋母以子貴之義也爾宋氏柔淑慎恭恪勤婦
道夙侍藩闈積有年歲子已受封宜從其貴今特封
為沈丘榮戾主夫人爾惟欽哉服茲嘉命時正德己
卯春正月十六日也嘉靖甲申夏五月十日 王薨
享年五十有八謚曰靖和靖和王生五子長睦考嘉
靖丁亥秋七月二十六日冊封沈丘王次睦援睦柞
睦楷睦椿皆封鎮國將軍其配皆封夫人 王之妃
劉氏生勤煥封沈丘王長子次勤駉勤駕皆封鎮國
將軍其配皆封夫人樛子五柞子二皆封輔國將軍
其配皆封夫人次子安汧生子五長睦樞次睦柄睦
楊睦樂睦桃皆封輔國將軍其配皆封夫人柄生子
三皆封奉國將軍其配皆封淑人孫女衆多累世受
封有差皆選儀賓為配茲弗殫書嘉靖丙申春正月
二十九日夫人卒享年八十有九葬期侯年月之利
業已逾一紀矣堪輿家曰今歲戊申冬十月二日葬

之吉於是昇柩而馳榮陽之墟綿緼載途緇旌前導
闕府耆稚咸哭之慟乃祔葬於 榮戾王之塚旁而
蒙 恩賜祭葬如制烏庠夫人可謂生榮死哀也已
是宜銘銘曰
先王明肅開有家宮壺內外咸無譁孫子恭庶天祐
爾小君淑慎宣承社大周之山榮水陽億千萬年魄
永藏
明誥封崇善恭順王夫人謝氏墓誌銘
嘉靖丁未五月二十九日 崇善恭順王夫人謝氏
卒距其生成化丙申八月十三日享年七十有一其
子鎮國將軍睦樞號泣請銘狀曰夫人姓謝氏 周
藩典膳所軍餘謝欽女也母蒲氏夫人幼婉孌莊重
甫及笄 崇善恭順王禮聘入宮小心勤慎夙夜翼
翼 王特重之生子三睦校睦樞睦竝蚤卒睦樞事夫
人克盡孝道念母未被封典寢食靡寧壬寅春二月
乃以情事達之 崇善王王以檀之情事達之 藩
王王遵制代表其畧曰臣弟崇善王朝塘啓稱叔祖
鎮國將軍睦樞生母謝氏弘治壬子春正月父崇善
恭順王禮聘入宮服勞有年生子睦樞及其亡兄睦
校睦樞俱封鎮國將軍各娶婦俱封夫人女一封夏

而月窟子儒雅下士嘗誦康節遺編至月窟天根之
誅而有會於心乃扁其讀書之屋曰月窟因以爲號
或叩之曰子奚以月窟號也曰天地之道一陰陽也
陰陽之妙一動靜也然其所以動所以靜一消一長
一盛一衰萬古流行而不息也夫陽爲陰父生長女
而爲姤故乾遇乎巽而一陰生矣是陽爲月之窟也
陰爲陽母生長男而爲復故地逢乎雷而一陽生矣
是陰爲天之根也吾欲探造化之妙而開往開來於
其間以是爲號不亦可乎或又難之曰月窟天根陰
陽之道也舉月窟而遺天根可乎曰然獨陽不成獨
陰不生言月窟而天根該之矣君子曰美哉若人處
貴富之地而獨能研理道以自娛乃嘉靖癸巳夏六
月二十八日母魏卒始魏爲靖簡王宮人卒未封也
月窟子乃上疏以請其畧曰臣母魏氏侍臣父靖簡
王多歷年所平生塵瘁之蹟貞白之操繫邦人所共
聞者臣聞母以子貴臣荷天之休受鎮國將軍而臣
母未沐冠帔之榮心實悲恒伏惟 皇上曠蕩之
恩涵濡群動凡文武臣工咸得以子貴榮其親而子
也鎮國母也宮人爲私情其何以安倘賜哀憐感
戴罔極矣 帝允之詔追封鄆陵靖簡王宮人魏

氏爲夫人賜祭一壇君子曰孝哉若人生事其母孝
而卒也又遂其榮封月窟子之卒也其子睦榘號泣
再拜再誌誌曰月窟子諱安深厥生何弘治丁巳二
月二十六日也厥卒何嘉靖乙未二月五日也厥疾
何痿痺也厥壽何三十有九也 勅營壙諭祭咸如
制子一即睦榘女二長湖州郡君字魏雄才次未封
余友月窟久頗賢其爲人故於其卒也弔之哭之奠
之賻之文以誌之又從而銘之銘曰
貴賤殊倫同一土墳滅彩沉芬吁嗟乎將軍彭殤異
骨同一蕪沒歲月飄忽吁嗟乎月窟柳林之原草木
暢蕃汝歸其根吁嗟乎王孫
松厓子墓誌銘
松厓子者鄆陵王府長奉國將軍諱睦協者之別號
也性倣儻滑稽好賓客宴遊之樂終日歌舞觴竿二
八冶容環侍榻几箏絲管竹迭奏間作畫歡宵續香
薰氤氳頽然酣醉曾弗知參橫而月沉已高渚子與
之識頗訝其嗜欲深而精神茶也乃規之曰夫靡曼
者伐命之斧斤也麴蘖者喪生之醪毒也子弗慎于
是二者必災厥身松厓子再拜謝曰謹受教越旬日
則見其猶夫昨也乃復規之曰忠言貴聽聽言貴行

聽而弗行是拒善也松崖子慨然笑曰吾雖避之而
實弗有交也高渚子曰噫子過矣且人之身
司閉藏者腎也司疎泄者肝也夫二臟者相火之宅
也而其系上屬之心心君火也物感之則易動君火
動則相火亦動相火動則精自逸雖弗交會亦暗流
而疎泄矣故曰火緣心動精逐氣亡又曰不見可欲
使心不亂夫川之媚者珠在淵也山之輝者玉蘊石
也故精液耗竭形斯變矣子弗改步吾立見子形之
變也夫形變欲久生得乎甫逾朞松崖子顏色黧黑
目眊聲啞高渚子又力勸其獨宿茹淡以少延歲華
滿漢文集 卷之六 九
松崖子復輟然笑曰生者寄也死者歸也是故其生
也浮其死也休朝菌非短大椿非修錢鏐殤子鯢鵬
鶻鳩何夭何壽何樂何憂何大何小何德何仇千秋
旦暮同一土丘是以麗姬悔泣琴張和歌苟適吾意
遑恤其它君無復言矣再逾朞而松崖子卒時嘉靖
庚寅冬十一月七日也越三年甲午夏五月其弟某
某持教授韓禎所為狀請高渚子請曰亡兄辱先生
與遊將以是月十有九日葬繁臺之原願先生銘之
按松崖子之先世載在 宗牒茲弗贅云母曰陳夫
人以弘治七年六月十五日生松崖子卒之年僅三

十有七耳訃聞于 朝賜祭及塋配曰張淑人子一
女三未封銘曰

胡昧攝生遽危爾形竟摧爾齡繁臺舊青宮永高
思爾滄零為爾作銘

高渚文集卷之九十八

嵩渚文集卷之九十九

墓誌銘五 七首

亡妻樂安孫氏墓誌銘

女香權厝墓誌銘

楊植妻張氏墓誌銘

明勅封孺人劉氏墓誌銘

明鄆陵靖簡王夫人魏氏墓誌銘

明誥封夫人王氏墓誌銘

明涉縣縣主墓誌銘

嵩渚文集

一會錄元

一

目錄畢

嵩渚文集卷之九十九

大梁李漁川父

墓誌銘五 七首

亡妻樂安孫氏墓誌銘

嘉靖乙未三月十五日予家春醪熟是夕也夫人布席張燭命二子莘叟確叟觴予嘗之語笑甚歡也觴已各就寢漏下三鼓予驚聞夫人嘔吐聲亟起視之則昏暈不省乃開門延醫投以牛黃清心圓復以手指累交搯人中乃稍稍省矣明日灼艾又明日偶脫頰延醫復之朝夕餌藥病漸愈四月七日莘叟冠夫

嵩渚文集

一會錄元

一

人喜尚未離床榻十五日大愈乃出閨闈禮神祭廟以祈永安距始病之日蓋浹月云自是食健飲甘肌膚瑩澤精神若少不足而綜理家政如故六月八日夫人晨起坐樓下忽復昏暈侍人扶掖入閨闈復授以牛黃清心圓復省乃泣曰適坐樓下見二皂衣人呼我去我弗從云云頃之復昏暈再藥之嚏之灸之咸罔省明日昧爽氣絕嗚呼慟哉嗚呼慟哉夫人樂安孫氏父諱堂母張氏兄俊傑夫人生十三年而父歿予母張太君徃弔其喪見夫人容儀端哲欲求為子婦其母兄未允也正德丁卯四月太君歿明年戊

展三月予兄嫂接遺姪議婚行初聘禮終太君之志也已巳十月娶夫人時予年二十一夫人年十七矣癸酉八月予舉河南鄉試第一十一月赴南省試北行夫人與之偕明年甲戌復中南省試賜進士出身居京邸者二年乙亥冬十二月予以戚里例授沔陽州知州丙子二月挈夫人抵家四月同夫人奉病姊由襄樊登舟入沔已卯冬考績過家庚辰四月七日華叟坐秋復之河辛巳七月轉官寧波府同知八月十日自沔發舟過大江過金陵入京口聞如浙十月二日履任嘉靖壬午二月病姊亡於郡邸夫人哭之慟癸未三月轉官山西按察司僉事四月七日啓行閏四月二十三日抵返七月二十四日挈夫人渡河如晉八月十三日履任甲申四月予巡歷澤潞等州及閱視河南獲嘉等縣屯倉便道送夫人歸省五月夫人自返至復會于獲嘉送之者仲兄傑也予以公事畢還晉夫人復從而西六月抵晉是歲八月二十五日仲子巖叟生乙酉四月夫人長兄俊來晉省其母妹丙戌正月余罷官西歸迨今年十年矣田業粗建家事不累予心者皆夫人相助力云西歸之明年丁亥四月十四日季子礪叟生又明年戊子八月十

三日巖叟以滯下疾卒夫人淑婉寡言治家有道相予二十有七年自爲秀才以至居官歸田極其勤瘁其事亡姊也如事母其遇宗族也賙恤之弗留宿憾其御僮僕也嚴而有恩性聰穎予每有懊惱事語之夫人夫人能一言釋之或有隱憂語之夫人夫人能一言解之嗚呼夫人乃今中道棄予長逝矣予今以後有懊惱隱憂將語之誰乎縱後有繼室安能如夫人之聰穎而一言釋之解之乎嗚呼天乎尚忍言乎夫人生弘治癸丑正月二十八日春秋四十有三子華叟縣學生娶田氏湖廣按察司副使田公汝耆之女礪叟未聘是年九月三日擇地於東蘇村之原葬焉嗚呼至哀無淚至慟無文予悼夫人之不可復覲也仰天拊膺五內崩裂夫何意於爲文聊叙次生卒之歲月以爲誌而繫之銘以埋諸幽墟銘曰汝歸之年歲已巳汝歿之年歲乙未二十七年一夢裏平生室無妾與婢永期偕老吾與爾天胡奪之竟不起入房啓帷慟心髓蘇村之原堤別施前有河抱氣聚止玄宮萬年汝安此

女香權厝墓誌銘

正德丙寅夏四月余挈妻子赴官沔陽甫視事九日

入鄂謁上官女香驚補死郡邸中時余泊鄂宿彭氏樓卓起盥櫛聞樓下與隸人嘖嘖細語詰之皆不對項之樓下復嘖嘖細語復嚴詰之衆始言有人自河來傳女暴死余愕然驚號墮櫛干地遂奔河營葬事比歸已權厝河城外上關銀杏樹下嗚呼慟哉女生于正德壬申十二月十四日其母孫氏孕逾十有二月始生生之日天大雪客有饋虎皮者乃命名雪虎又因余姊聘閩氏者多兒女乃從汴俗寄係於姊家謂姊爲乾母姊有長女名大香而名女爲小香云女平顴豐肌朱顏玉質生三月能言甫十月余挈之如京師會試時烈寒女疹甫愈乃渡河冒寒行得嘔嗽疾幾死其母抱岸上求火始蘇二歲在京痘亦幾死越三月愈神魄日完壯余甚喜既拜沔陽守掣之過家諸親黨見之咸甚喜乃今五歲天已嗚呼慟哉泣而爲之銘銘曰

嗟嗟苦汝生於汴長於燕厝於楚死時見母不見父嗟嗟苦

楊桓妻張氏墓誌銘

張氏瀛表姊也父鵬字萬里於瀛母爲同母兄妹兄榮字仁卿於瀛爲表兄張氏少聰慧母侯甚鍾愛之

年十七適朱僊鎮楊桓生女一子一女曰淑貞子四歲而殤張氏悲思之無晝夜泣忘盥食逾年病弗起時瀛守沔其兄乃走書告瀛曰嗟哉悲乎嗟哉悲乎吾妹今天亡矣吾自首二老親止有是女吾孑然孤立止有是妹妹負貞德吾弟所知也皇天既畱其年惟得吾弟文以紀其善行吾恨已矣妹端默莊靜竟日無一言諸女戚者姆往來者多弗得見勤力纂組刺繡至夜分弗倦女紅式度多出已心思既成明潔鮮麗若未經手者隣女咸傳玩以爲範其適楊氏也克敏克慎閨族無長少咸德之事其夫桓十餘年相敬如賓無忤色無逆言御婢下有恩病既篤其婢顧天乞以身代歿之日族人鄰人無不泣下者桓哭之幾絕嗚呼茲妹之行畧也吾忍狀吾妹邪瀛展書驚泣爲位而哭之累日乃撰括其來狀以爲之誌曰張氏生弘治戊申五月六日卒正德丁丑九月十二日得年三十其女淑貞聘里人間全瀛之姊子也銘曰女德爾全胡不永年玉碎珠捐璧沉于淵吁嗟乎昊天

明勅封孺人劉氏墓誌銘

嘉靖己亥秋七月四日 周藩右長史王宗賢母劉

孺人以疾卒于家越旬而訃至宗賢哭之甚哀乃上
長史印綬號泣辭 王曰臣寡德不自殞滅禍延母
氏棄臣長逝今奔喪東還故鄉冀 王講學親賢以
永令譽臣謹以長史印綬上 王曰盡哉疇予毗哉
其命審理副繼祖署若事於是審理副繼祖紀善世
臣奉祠鑰典寶正繼先典寶副爵典膳正京典膳副
璫工正豫典儀伯遜引禮舍人綸尚志典仗繼勳季
隆教授文簡等聯名啓曰右長史良願王奏留員闕
勿補族服闕仍來供職如故 王曰諸臣之言允契
予衷哉乃遣使詣 闕奏留右長史員闕勿補如諸
臣啓云乃又遣典簿坤馳沂州祭奠孺人几筵藩國
君臣之遇自昔所未有者宗賢屈行乃衰跣扣吾廬
請曰母氏生有善行鄉閭咸聞知將以今年某月某
日葬于城東原先塋之次墓隧之石敢丐先生銘按
狀劉氏世爲沂州望族賢淑天成莊重寡言精於女
紅閑於內則雖至親罕見其面父母甚鍾愛之乃擇
配 勅封南京太僕寺主簿諱士昂者少保大司馬
恭靖公之子右長史之父也隱德弗仕孺人克盡婦
道言不出閭閻時奉祀祠墓品物必豐潔不苟其教
諸子也恒勉以勵志讀書曰母泰乃祖考云爾其御

諸婦也諄諄誨戒曰各修爾婦職云爾其處婦如也
怡怡和愉未嘗以疾言厲色加之庭除雍睦始終無
間言下至內外臧獲靡不感恩懷德是故一門之中
諸事條理家業日盛而孺人內贊之功是不可誣云
戊戌十二月右長史奉 王命詣 闕奏事還便道
過沂省其父母且慶孺人七十壽時二老俱康健無
恙送其子大門外拭淚而別豈知此別而母氏竟成
永訣乎孺人生三子長即右長史宗賢娶趙氏次宗
哲授儒官娶尹氏次宗明授散官娶劉氏女一適紀
善張世臣孫子七孫女六宗賢子一女三宗哲子四
女一宗明子女各二孺人生於成化六年正月十有
二日享年七十子孫衆多既賢且顯可謂享天下之
全福者矣瀟湘歲觀政戶曹得瞻拜少保大司馬恭
靖公於京邸時公爲左都御史忠清介直士論稱之
固宜其有後如此哉宗賢以恩蔭筮仕南京太僕寺
典簿陟尹霍丘再尹沐陽嗣判順天府皆有政令爲
右長史復善其職君子以爲不愧世胄云嗚呼孺人
亦可以瞑目九京矣銘曰
福壽並臻借老七旬子孫振振孰如孺人東原有墳
生氣氤氲千秋萬春視此銘文

明鄆陵靖簡王夫人魏氏墓誌銘

余少讀列女傳見齊桓公之衛姬不聽鄭衛之音楚莊王之樊姬不食獵獸之肉齊孝公之孟姬以禮自防不妄登車未嘗不廢書而嘆曰詩不云乎展如之人兮邦之媛也之三姬者乃其人邪乃其人邪抑於是見春秋之時去古未遠而先王之教涵濡於吾人者最深曾無間於男女云爾按夫人魏氏者鄆陵靖簡王之宮人也父曰魏德世有譽行耕于鄭州之野夫人年十六歸于王順靜貞順王最愛重之每燕見多所規諫王咸嘉納焉正德乙亥王薨夫人孀居垂二十年而足跡未嘗及閨外云生一子曰安瀾封鎮國將軍雅文樂善邦人賢之夫人旦夕常訓漂曰汝為宗室享國厚恩宜崇儉守憲以承天休無效末俗奢縱為也漂恪服終身而動不違諸禮者夫人之教也嘉靖癸巳夏六月二十八日夫人卒距其生成化丁亥冬十一月二十三日得年六十有七卒之日漂列母之懿德匍匐號泣以告于藩王藩王達之天子乃追封宮人魏氏為夫人且賜祭一壇蓋殊典也夫人生一女封韓城縣主配儀賓潘希龍漂配夫入王氏生子一曰睦榭女二俱幼未受名封明年甲

午夏四月十三日葬于滎陽縣宿水河之原欽築

王塋之次余汴人也頗聞夫人之賢故於其請銘也

直據其狀而書之不復辭銘曰

傳有三姬稟淑質兮自牖納忠咸可述兮於維夫人

其嚀匹兮相王教子志專一兮千秋令名如皎日

兮滎陽之原水涵涵兮泉深土堅維爾之玄室兮窈

兮勿兮從王其永畢兮

明誥封夫人王氏墓誌銘

夫人姓王氏祥符儒家女也祖宇績官至大理寺卿

有聲於正統景泰天順間父棠晦德不仕母趙氏夫

人貞靜醇慧父母鍾愛之弘治丁巳春正月選為

鎮平王府輔國將軍某夫人庚申夏六月受誥封

云夫人事姑孝凡飲饌裳衣必躬治之弗委諸侍婢

輔國喜延賓客鴻儒學士往來無虛日茗酒之具咸

出夫人指畫輔國欵留觴詠從容談笑而家事靡少

嬰其心悉夫人內助之力也且天性朴儉不喜華飾

居常以節縮浮費誨諸子曰吾祖恭靖王貴而能

約宗人式之吾翁鎮國雅尚勤儉汝等所知也其恪

守遺訓罔習于奢斯孝也已故諸子皆檢飭有立

文雅好修夫人之教居多焉嘉靖庚子夏六月八日

夫人疾革謂諸子曰善事祖母吾湊先朝露弗能終
厥養汝輩勉承吾志甘旨滌瀝之奉務盡誠敬語畢
而泣夫人生于成化甲辰秋九月二十一日享年五
十七歲訃聞蒙恩遣官賜祭如制卜今年癸卯
冬十一月二十日葬于汴城西金村堤之原祖塋之
側輔國率諸子以墓文見屬乃按其狀而誌之曰夫
人生男五俱封奉國將軍配皆封淑人女四俱封縣
君配皆為儀賓孫男二十餘俱封鎮國中尉配皆封
恭人孫女十餘俱封鄉君配皆為儀賓金諱詩至姦
斯之篇未嘗不仰嘆古之賢妃心不妬忌故子孫衆

萬壽集

卷之九

十一

多振振聲詩人詠之嗟嗟夫人其無愧於斯乎是
宜銘銘曰

坤德維全母儀罔愆淑行宣傳女子孫滿前文彩翩
翩藩國稱賢兮金村之阡生氣乘焉於千萬年兮

明涉縣縣主墓誌銘

涉縣縣主者大明宗室周藩汝陽安和王庶次女
亞中大夫儀賓盧公海之配也縣主生而貞順淑茂
寬慈重和王甚鍾愛之選所宜歸爰適盧公成化乙
未春誥封為涉縣縣主已亥婚禮成自縣主之歸
於盧也執婦道以事舅姑無王室驕貴氣御僮奴

有慈厚之恩睦夫黨致肅雍之美佐蒸嘗形怵惕之
色凡家庭酒讌歲時裸獻守介婦之儀而不敢越諸
冢婦表範宗門國人賢之公父恭母劉氏見縣主小
心敬順治家維則心甚怡悅縣主歲所入祿粟輒盡
以歸諸舅姑曰我不敢私此供閨門之需也踰十年
而舅姑歿縣主悲號毀瘠又三年始受其祿粟里閭
至今傳誦云弘治壬子生子紳事縣主以孝聞嘉靖
丁亥七月縣主病垂絕藥石罔功紳焚香願天願以
身代乃割股以獻病遂愈明年戊子縣主病復作竟
不起時六月十六日也距其生成化丙戌十二月十

萬壽集

卷之九

十二

一日得年六十有三紳娶蔡氏女二長適宣武衛前
所千戶張宗儒次適魏國公之族徐鳳紀孫男四長
鶴鳴聘劉氏次鴈鳴鹿鳴鳴鳴已丑月日葬于汴城
東邊村之原銘曰

女道坤順維德之徽矧出王室靡驕益希淑哉縣主
婉婉令儀命服璀璨承祭孔時大梁望族咸推盧氏
縣主于歸內政孔理既善厥家又式厥里文駟華軒
出入榮口壽踰六旬賢垂百祀邊村之原崇岡列施
鐫石埋幽我銘如是

嵩渚文集卷之九十九

嵩清文集卷之一百

誄一首

田按察誄

祭告文二十首

祭伏波將軍文

祭霍上蔡駘節祠文

祭烈士廟文

祭屠襄惠公文

祭楊康簡公文

祭余翁文

祭張介庵文

祭楊柳塘先生文

祭鳳山秦公文

祭田勤父文

祭范憲使文永鑒

祭田僉事文美

祭倪僉事文

祭魯夫人文

河陽州治儀門告成文

祈晴告神文

刷卷告始文

脩城告神文

祭江祈晴文

族譜成告祠堂文

目錄

嵩清文集卷之一百

大梁李濂川父

誄一首

田按察誄

嘉靖十二年三月二日乙巳明故中順大夫湖廣按察司副使水南田公卒嗚呼哀哉鰥鰥春秋蟬蛸天地粵人有生奚殊斯類朝聞夕沒生寄死歸身徂名建百代流輝公歷三朝燁有官績強仕之年辭榮耽寂自古在昔有生必終不朽者三逝與存同有淚沈瀾莫能已之有哀哽咽莫能起之何以宣之託諸誄

辭何以書之表諸素旌乃作誄曰

皇穹造物吉人是植云胡弗仁殲此懿德倚歟按察嵩洛之英動惟禮法言必道程二十賓王卒業太學崔呂寇張相觀磨琢三十筮仕行人兩霜誦詩三百專對四方尋登瑣闥匪躬是儼作帝耳目為時鳳凰出僉楚臬改蒞晉疆範才察吏聲華茂揚荐陟湖南聿修屯政水利並興荆襄胥慶星幡遙歸詢民利病忽憶鄉山歸哉有詠一疏天閭遽乞骸骨曰臣抱病願棲林樾負耒攜鉏脫簪謝芻蕘水歸颿梁園醉月著書苦心一夕而殘嗚呼哀哉邨和棄官那與自

免厚志薄身高蹈獨善濯纓長川振衣絕巖嶺獨淵
明性獨能踐公歸自鄂委巷閉門朝易暮詩左琴右
鐔皇極研測律呂討論玩心高明覃思本原人孰無
死物歸其根雅志未竟莫能返魂嗚呼哀哉諸葛薄
田黔婁布被生有餘廩死無遺愧逸翮遐舉孤標迥
異爰酌柩前浪浪涕淚涕淚伊何婚嫁未畢孤兒甫
冠弱息在室西門慟哭牛山薑傷生芻一束人琴俱
亡上為列星下掃絺縠乘彼白雲遊于帝鄉瞻望弗
及泣撰此章嗚呼哀哉

祭告文二十首

祭伏波將軍文

廟在沔州

惟神少負偉志壯值亂時遨遊龍蜀靜服蠻夷生期
馬革仰視鸞飛匪私嬰鑾國難憤悲銅柱紀勛蕙茲
興謗東京元功南征名將朱勃上書稍白其狀東平
觀圖帝心則諒於惟沔郡舊祀爾神祠屋頽廢于江
之濱筆來瞻謁我心如焚乃召匠氏撤故鼎新厥功
告成適春之仲祀事孔嚴鐘鼓歌頌效其有光旌旂
騎從白馬朱衣若迎若送血食茲土民命攸依雨暘
借叙稼穡登而嗟予忝牧才薄政隳神其相與福我
黔黎謹告

祭霍上蔡縣節祠文

嗚呼人有是身孰不欲生人有是心孰不好義然二
者有不可得兼之時故孟氏有舍魚取熊掌之譬也
今有愛國一命與城借亡而視死如歸無所係累者
謂非天下之偉丈夫哉記曰君子聽聲聲則思死封
疆之臣夫君子何取於聲也蓋聲以立辨辨以致死
死生之際亦大矣非明辨於義而剛介如石者弗能
決也是故君子聽聲聲則思死封疆之臣豈非取其
克剖乎義利之岐而果斷以成之邪曩劇盜之攻上
縣也公歟血誓師登陴拒戰力竭城陷夫婦死之不
特完節於一身而刑于寡妻之化卓有徵焉此可見
公平日集義之功而浩然之氣宜其充塞乎穹壤也
公嗣子汝愚職戎是邦瀛海與遊仰公之烈久矣邇
者秋序肅新白露始降汝愚將有事於祠下敢附香
幣庸申虔告尚饗

祭烈士廟文

廟在山西忻州

惟神忠肝貫平金石義舉耀乎日星然諾重乎山嶽
風聲震乎雷霆固意氣之感召抑山川之精靈茲惟
九原宜孟故墟神兮來歸連駟聯車牲醴在戶鼓鐘
在祠雲旗彩舄瞻望格而尚饗

祭屠襄惠公文

猗與太保士範邦楨挺生南服獻于帝庭闡臺珥
簪百度惟貞湖湘巡察川峽澄清威寧讓賢為天下
薦協于帝東命總國憲安南胡寧惟公之論嶺
南胡靖惟公之懼帝曰卿勞微典臺務峻陟天卿
春官太傅鈞衡孔平銓鏡孔明巨源啓事毛珎風聲
公兼有之考課惟精斗台喉舌儒林典刑乃今已矣
遊魂泰清嗚呼哀哉粵若丙寅司馬再相旋乾轉坤
於公是望孽孽亂綱士氣懷愴公節弗渝砥柱波瀾
乃下星辰乃還巖嶺澤菊皇蘭朝賡夕倡詎意長辭
下山而葬嗚呼哀哉瀛生也後遊公故里詢公奏編
于公之子諫草靡留矜名公耻嘻古有然唐馬周氏
車來謁慕乳泉逶迤奎章庫綬有嚴其碑松栢蕭
蕭北風淒而新恩屢錫舊德共思哲人不作小子
何師駐馬山原歔歔久之嗚呼哀哉

祭楊康簡公文

惟公勲庸紀于旂常縕負形于著述望隆三朝壽
貽八袞是蓋鍾川嶽之英靈而夫人之所難匹也瀛
未覩德容聞公風烈未聆誨言讀公論說寤寐斗山
尊崇軌轍荷公為一代之師而豈余寡聞之所私竊

也公乎已矣天下未忘公者聖神緒緒百歲明章
公其有知九原樂康夫既樂康余何慟傷尚饗

祭余翁文

太史子
華之父

鄞山鬱盤鄞川綿邈鍾為德人冲夷粹泰親純孝
教子正學鄉之瞽宗民之先覺五十失配清淨端居
視世紛華浮雲卷舒允豐乃藹弗沛厥施皇天相德
宜躋老期子養甫遂君恩未涯云胡永訣壽止于
斯執紼灑泣我心傷悲尚饗

祭張介庵文

惟公學傳諸人皆為要臣而公不伸從政齊川風行
化宜而公不遷惟遷與伸蒼蒼者存胡究厥因稽公
所有曰子曰壽曰德不朽三者是全諸福萃焉嗟人
所難天道乘除裁者培諸伸遷何如車來甫東聞公
考終我悲曷窮曷紓我悲乃奠于祠摘文哭之文以
寄哀千秋永懷公其鑒哉尚饗

祭楊柳塘先生文

嗚呼先生學富而精斗山之望邦國之楨出宰三邑
千秋頌聲敷歷三省天子知名中外倚重國
朝名卿吁嗟文星墮于衛城朝天旆旌悲風震驚父
老灑泣七郡同情伊予小子為公門生維時北轅獻

策 帝廷聞訃嗚咽吞聲淚霽來四明公乎九
京稽首墓側墮涕沾纓瞻望松楸徘徊故塋才高位
寄生順歿寧英靈弗泯鑒予惻誠尚饗

登鳳山秦公文

維嘉靖二十五年歲次丙午正月己未朔越十八日
丙子大梁門生李瀛謹以香幣馳祭于 太子太保
南京兵部尚書尊師鳳山先生秦公之靈而言曰正
德之初公來汴臬鳴鐸兩河驅黃鑒別瀛時弱冠試
接前列延入內署與子磋切朝夕親炙聞公緒說三
隅未及兩端必竭開我蒙蔽礪我頑劣溫冠鄉閭慙
汗忝竊落迪之恩意簪筆吉甲戌叨第一麾河陽公
爲都憲填撫湖湘時罹水潦蕪值兵荒憂心中惕四
顧森茫公曰勿憂夙夜汝憂獨租請賑吾扣 天閭
左提右挈實之安康三載考績刻薦 朝堂扶植之
德其何可忘惟公勲庸炳諸信史寒寒名臣謙謙君
子曠乎擬倫范希文氏惟公文辭江左錫梓傳誦士
林膾炙焉已曠乎擬倫二泉媲美計聞汴城慟徹心
髓南望几筵我淚瀟瀟哀誄一章辭香千里公若有
知神其諒只尚饗

祭田勤父文

嗚呼田君生爲善士死爲哲神官胡止於四品壽未
滿六旬此衆人之所共惜若弗弔於蒼旻際天地
之靈籙鼓萬類於鴻鈞人有生而必死奚彭殤之足
論苟無慙於隱顯亦何羨夫簪紳是故君子之樹立
而耻乎百世之罔聞嗟今士之爲學恒輟功於既伸
惟先生之不然乃仕優而學勤積縹緲以充棟事鉛
槧以終身暢玄情於賦詠繹微言於典墳嗟今士之
爲宦率已私之是徇惟先生之不然乃三仕而食貧
謝酌水於父老養懷金之故人匪廉隅之自飭蓋天
性之真純嗟古道之日斲多習僞而喪真惟先生之
不然寄雅興於酣醺有問奇而載酒每投轄以留賓
澆習中之磊磊掃眼底之塵氛嗟士風之日薄競華
靡而糾紛惟先生之不然崇朴素以返淳甘粗糲以
卒歲棄軒冕而離群忘機心於抱甕畢遠志於垂綸
嗚呼田君騰古靈之薦刻走空谷之玄纁眇九京之
莫即哀一士之沉淪聞孤嫠之號哭增弔客之酸辛
動淒風於總帳感泣下以沾巾嗚呼田君留遺文以
傳世著清節而播芬是固可以不朽於穹壤間矣夫
何貴乎壽黃耆而官相臣踴陳詞而絮酒瞻几榻之
如存倘英靈其不泯冀昭鑒於斯文尚饗

祭范憲使文 永樂

維嘉靖十三年歲在甲午夏四月丁酉大梁年生李
瀛謹以清酌庶羞之奠昭告于嘉議大夫河南按察
使蘇山范公曰登第之年時維甲戌同榜四百策名
委質曲江馬蹄杏園春日連袂聯鑣情投意密有斐
君子郴江雋英同年親愛如第如兄出宰名邑弦歌
頌聲嗣登臺察擢總清鳴鐸八閩參藩三楚夙夜
匪躬備嘗險阻通總汴泉慮度懸舉家父且瞻土氓
得所天胡不佑奇疾是嬰一卧弗起返真九京環哭
莫應神遊窈冥百年墳澤一代典刑孟夏丙辰旋柩
故里有孤扶輿綿謳迺遇何以抒哀灑泣沾軌走奠
靈輶神其監只尚饗

祭田僉事文 美

蓋哉田君汝胡遇此難也憶君之始至晉也東衡孔
堅胡剽然而遽斷也迨君之出按郡縣也野鳥綠衣
胡為而入君之懷也繫君之將遇難也印綬繫繫胡
尤然而若繖也當雲中之亂也汝方有事于外而家
屬無恙非政理之洽乎人心惡能致叛卒擐甲而衛
節也汝年逾四十而始生此孤天胡遺之兒而不令
睹父之面也季第千里而來省其兄詎意扶輿而歸

祭倪僉事文 美

輓也蓋哉田君汝生于濮州而死于瓜園之畔也天
佑善人乃罹此胡馬之變也由輿綬野鳥而占焉固
禍機之豫見也惜壯年而弗究厥施抑命數之莫追
也蓋哉田君齊魯之彥也三易厥官持邦之憲也匪
疾而亡我淚如綫也靈魂髣髴來歎此真也尚饗

祭魯恭人文 文恪公

嗟嗟先生瑣闥之英中道鍛翮風塵鬢星浙西揚頌
畿甸蜚聲適遷晉臬開塞肅清維天祐善維仁永齡
才乎罔壽視天冥其素崇最發西歸秦城執紼泣送
有淚沾纓文留海岳績在邊庭是為不朽嗟嗟先生
婦之賢微于厥夫母之賢微于厥子夫也師表于
朝子也鸚鵡薦于里茲不謂婦之微摸母之良軌邪福
善者天食報宜厚嗟哉恭人胡奪其壽我聞訃悲遣
使往弔郡章攸羈恨弗躬造哀哀賢媛後事無憂名
榮聞休萬祀千秋陶孟倫倚無較短脩靈其不昧鑒
于冥幽尚饗

沔陽州治儀門告成文

出入惟繁郡治之門大夫五祀寔首爾神舊戶久敞
根闌僅存歆將墮瓦矮不過軒伊余牧民敢弗愛

災祥敬告何意嶙峋載經載營我心孔勒欣欣希鍾
怡怡斧斤脩梁茂棟旬日騰騫神之鑒之撤腐而新
人安歲阜百福駢臻謹告

祈晴告神文

爾者秋稼垂成溢水戕之幸有遺穗靈雨傷之萬民
嗟咨何以康之征賦孔亟何以將之惟吏牧民惟神
祐人失牧匪吏克祐則神滂沱止息人曰神仁潺湲
消縮人曰神恩仁敷民悅恩洽吏欣神其格只鑒于
斯文謹告

制卷告始文

檢覈簿書國之令也臺司綱維上之命也爰修爰
備郡之政也興事告始吏之敬也於惟爾神祀典正
也啓之翼之垂視聽也眇予忝牧憂心惻也神相無
虞與有慶也報饗以時昭感應也謹告

脩城告神文

惟神佑人惟城域民脩城肇工敢告于神爰卜爰視
曰良今日牲醴載虔仰祈逢吉雲日其晴水雨勿忒
不日成之賴神之力畚鍤既集楨榦孔堅金城鐵壁
億萬斯年謹告

祭江祈晴文

通者霖雨決旬江水泛漲壞堤傷苗三農失望其後
任以來政紀未脩弊蠹未剔冤抑未理瘡痍未恤涖
事未勤決獄未公事上未敬禮下未恭幽而獲罪於
神明而致災於民反躬知愆懲創無地惟神欽恤下
民消縮水勢以救田穀凡百殃咎宜加守臣民之何
辜而災沴是臻伏冀炎曦啓霽靈風捲雲神之聽之
錫福于民謹告

族譜成告祠堂文

嘉靖二十二年夏五月日嗣六世孫奉政大夫山西
按察司僉事李瀛纂輯族譜四卷成敢以牲醴昭告
于家廟曰吾李氏故無譜自六世以上見聞所不及
者莫可考已瀛賴祖宗遺澤以有今日自束髮以來
業有修譜之志既登科第守官外邦夙夜在公未暇
及其私丙戌蒙恩免歸始獲從事纂輯凡先世嘉
言懿行得諸家庭鄉黨者備錄弗遺其所不可知者
弗敢誣也癸卯之夏始訖勉成編將加之梓以徧給
族人敢先獻于祠堂祖考有知尚鑒諸實寔之中保
佑勿替以傳之于無窮則先世之潛德不泯矣謹告

高者文集卷之一百終

崇渚集一百卷

浙江汪汝璥家藏本

明李濂撰濂有祥符先賢傳已著錄明史文苑傳載濂少年嘗作理情賦其友左國璣持以示李夢陽夢陽大嗟賞訪之吹臺濂自此聲馳河洛間既罷歸益肆力於學遂以古文名於時又稱濂初受知夢陽後不屑附和此集詩三十八卷文六十二卷乃濂所自訂皆於七子之外挺然自爲一格大抵筆鋒踔厲泉湧颺馳而裁翦尚疎不免才多之患濂跋石琚熊峯集謂詩文傳世豈貴於多其說良是而自定已作乃不能盡翦榛桔信乎割愛之難也

觀政集一卷

〔明〕李濂撰

北京圖書館藏明鈔本

附《四庫全書總目·觀政集一

卷》提要

李川甫觀政集目錄

賦二首

織女賦

壽勞翁賦

古樂府五十九首

獨虎篇

白頭吟

門有車馬客行

勿謂槿艷行

亞聖曲

見薛翁歌

公無渡河

戰城南

苦寒行四首

放歌行

雉子班振謝朓

有所思

君子有所思



元夕曲四首

行路難七首擬鮑照

估客樂

春遊曲

苦熱行三首

巫山高

芳樹

上之回

龍頭水

折楊柳

關山月

紫騮馬

劉生

王昭君

對鏡曲

臨池曲

歌女篇

舞女篇

望行人二首

少年行四首

塞上曲十首

羅敷行

四言古詩一首

有華別彭令

五言古詩十首

夢遊西山作

送田子回大梁四首

登西山最高峯

遊呂公洞

詠銅雀硯

五言五五休贈薛君采

某氏席上言志得卜字

七言古詩二十一首

憶昔行寄錫山秦一

麻姑酒歌酬汝和見寄

燕京九日歌

聖詩篇

滿湘吟寄顧全川

趙將軍戰國歌

裴掾行為江東顧翁作

寶劍篇

送潘時雨之南京

清明雨不得花遊詩

南都行送顧英玉

題松逸老人圖

嶧山行送甄廣文

壁乳嘆

金陵新贈范侍御以載

居巢篇贈何子叔省親舉縣

醉歌贈衛正夫入武昌

西山歸東同遊諸子歌

開雁行送丘君回汴

燕臺篇送張先生回汴

過何子宅觀銅雀硯歌

五言律詩九十一首

聞宣同陽羨襄陽之居不來仍回汴都奉

寄二首

春天過雁

遊法藏寺同子雲英玉

三義廟二首

孫思邈舉人故死

傳大理之官南都便道親若

孤雁

聞家兄欲來京乃不果

晚

郭中白雁

冬日晚出左掖即事

遊卿宅守歲

節伯常給事

春日禁中作寄列希尹二首

深溝寺送英玉

春暮

送田汝力回貴陽

贈澤州劉翁

月夕過戴子州琴

過城南寺二首

對月

三忠祠

送陳邊郎一師

禁中對雨

過汝和舊館

挽顏宜人

同時亮過大復

張尚德運儲兩邊得省親陽城

過子雲飲懷英玉

簡侯武選汝王

將水曾送儀真酒且言欲換余百篇走筆

對使奉答

過鑑公方丈訪信陽馮太和

贈莊何二內史

題田黃門一竹軒

同大復過存上人房

同何氏叔侄避暑寺中

過燕泉同大復

自嘆

月食

觀兵二首

遊天壇二首

望湖亭

善化寺

過駕到口

出功德寺淨僧官送上山

瓦廬閣

平坡寺

耶律丞相墓下作

過地壇余通士房

登鏡光閣

寄贈湖南鍾逸士

呂刑部按外便通者親

家兄至見有白髮感作

中秋夜飲家兄

送兄回

壽初主事父母封誥

雅生南遊還同贈

九月三日夜飲大復宅對菊

題竹齋

九月十日雨不果西湖之約

却觀蘇集別彭子

胡允齡登進士值其父母七十

秋夕邀大復

殘菊六首

深夜喜大復過訪

答大復初雪見遺之作

送余主事奉使西蜀便通者親

觀江夏吳郎學劍

過戴時亮府醞

送却回赴汝弼北樓之約呈席間諸公

冬夜過戴子同何大復

訪日子家

贈子言

送王蒲州司章

至日

送舍親梁秀才還大梁二首

送張子行南歸便通過德州省其叔父

左大理父母封贈

七言律詩三十六首

陳黃門席上聞其弟吹簫有作

贈督餉何燕泉先生回汴

省中見石榴花

燕集待仰之不至

秋盡懷冷卻樽尊師

頌曆

劉令回襄陵

鄭氏園賞牡丹

送王汝玉之安慶

同范鄴二子夜集區泉

追和君山絕筆韻

贈涇府高舍人

小齋執熱周吏部送永至

送王都球叅政陝西

鱖魚

齊尚書李公

燕泉移居為隣席上賦此

哭楊德微

挽儀真周翁

送李成章之萊陽令

功德寺

山中夜宿

香山道中作

送武廣文之內鄉

九日得健菴先生書

送王明叔之崑山

莫金吾席上別美中

小山中為燕泉何公賦

賀衡陽王堂政

寄壽景翁

送時亮上陵

十二月二日送大呂之餘姚

登慈仁寺閣和大復

送淮府何典儀

輓以通

除夕解嘲呈京中諸友

五言排律七首

秋夜感懷

京中雨電十四韻

禁中望南城感述十八韻

大雨

蘇鶴舊島

蘇風

五言絕句十六首

笛

晚出左掖即事五首

朔風

春夢

落花曲二首

上巳郊興四首

白石港二首

七言絕句十首

禁中即事

燕泉送淮南子二首

登第後戲寄汴州故人用杜牧體

雁

西山歸途雜咏八首

雜著八首

答田山人書

贈王子

讀漢酷吏列傳

潘節婦傳

樂站序

贈范汝和序

送長公毛公序

五子持冊序

目錄終

觀政集

賦二首

織女賦

正德十年七夕余在京師有感織女之事爰作斯賦以續神女洛神之音寓言託詠幽誕罔論云

孟秋既朔天地始肅涼颿自西白露在陸屆七夕嘉令宵望河漢指斗杓迢遙中庭百憂俱消命僕夫以布几對腫臃之月光響鵲于闌壁紫熠耀于陰房坐以久而逾靜神以憚而飄揚夜如何其嚴更未央

若有一人在河之傍其獨立也娟娟乎芙蓉之颯颯其餘步也嫋嫋乎鳳凰之翔雲肩脩峭以削玉腰纖柔而怯裾目烟烟以星比肩宛宛而山分光泰溫髮鮮丹耀唇嫣然一笑瓠犀揚芬遙遙閨闈眇眇生春徽儀豔態不可殫陳爾其葉蘭澤屏鉛華羞玉女態素娥丹桂彫葉白榆辭柯豈塵寰之難見寔天上之無過冠文王之歲并兮曳翠壁之明璫挽曲虹以爲帶兮披絲霞以爲裳招羅襪而進趾兮振環珮之琳琅迴袖紆桂走字滅羣星月增輝雲霞流媚遠視莫

詳若醒若醉織女天孫其子之謂乎於是御低提放中流尋靈妃入斗牛驅風伯以揚帆兮白帝導予以遠游掃翳屏以清天衢兮命陽侯以翼桴豈隆倉皇而鼓枻兮應龍出而衛舟寃濁河之九曲兮抵清虛之玉府儵瞑目幾萬里兮爰殂權于銀河之泝綠鳥鵲之飛梁兮覩所懷于下渚欲抒辭以布忱兮微塞脩其誰許嗟妓人之聰庸兮乃敦禮而靜處鳴玉鸞而我聞兮停朝雲以凝佇立躑躅而靡寧兮情淫泆而稍露意冥冥而已傳兮跡踟躕而心附惟精神之潛通兮奚獨事乎言語遺寶玦以宣志兮靈乃報予以機石悲盛年之不可回兮恨天人之途隔月曖曖其將匿兮何不永乎今夕旖旎忽焉弗覩兮聞涕泗之嗚咽詢覓裳其何之兮猶馨香之可掇吁遺誓而別長兮知音容之未訣繫此離之必有兮何同心之互悅魂須臾而九遷兮心展轉以百結俟後會其何時兮徒肝摧而肺裂乃路沆瀣挹雲煙失穹窿泛海淩淩風四興陰霏黯黯靈悠悠以遐逝若髣髴而在前對白水而矢心託神明以爲監苟真衷之不渝何

翁違之是嘆懷機抒以奇情瞻河漢而思岸欲假寐而弗安獨沉吟以達旦

壽舅翁賦并序

舅翁張氏精脩鍊之術齒耆貌童七月九日乃其降辰也漁寓京師弗能觴壽懷感具興遂造斯賦於舅氏之沉冥兮敦介尚于貧賤耻緣巧以機中兮并抱拙而甕灌旦茹芝于嵩陽兮夕釣鱉于河畔謀通顯之可致兮懼盛滿之多患鄙勛名之蹴躡兮西珪組之羈絆何如絕粒以超真兮俾衰老之我遄先

黃庭之宗旨兮誦玉鈐之微編訪異人于十洲兮采藥于閩風之巔道何微而靡悟兮法何托而靡研憤世執之濁穢兮日醞醞以醉眠登吹臺以長嘯兮瞰洛水而浩數著由騎羊而與游兮伯陽駐牛而與言吸日月之華光兮食沆瀣之芳冽遊壺天之汶寥兮控茅龍之飄警繫七十之云邁兮尚顏顏而黔髮惟降辰之嘉良兮曰孟秋之上旬玄鶴舞于階闥兮元龜見于沒濱夾震雷之葱蒨兮集仙馭之嶙峋王喬弄笙孔雀鳴兮蕭史吹簫風來庭兮安期獻棗升翁

堂兮赤松舉爵風雨清兮江妃解佩銚有聲兮乘鷁者至乃尸鄉兮歌鐘喧闐慶長生兮聊予小子寓神京兮撫茲令辰心怔營兮南向稽首雖為情兮後輪申祝成歌章兮歌曰惟我舅兮嶽降神御日月兮時星辰求壽命兮三千春又歌曰靈椿兮有彫滄溟兮可田惟我舅兮壽綿延方瞳炯炯兮覽曾玄飲壽酒兮樂年年

古樂府五十九首

獨漉篇

獨漉獨漉逐醫延卜其兆則明其病則威通旁虎卧人不取過我欲射之虞人罪我千夫曳舟共持一索索絕舟沒云誰之責昏夜宴歌盜聞則避我歌自娛豈知彼吳城眉入帟諸墳寵寵哀不怨爾妬寔逢爾怒春葩藏鞋逾旬而稿君子修身以垂不朽

白頭吟

蓼蟲偏知辛塞馬偏知寒不為人所棄那識愁恨端

芊芊澤畔草霜重交相摧草枯有時綠君心不可回
東隣有桃園西隣有桃園開花兩相同結實異其苦
惡惡復惡惡新昏轉堪羨舊人未棄時亦似新昏宴
匹鳥何聯翩連枝何糾纏君心如念昔妾死亦何嘆

門有車馬客行

門有車馬客繫馬復駐車問客何所居言是同里閭
長跪訪舊事客次忽滿裾曰子宦遊去故鄉良可吁
單丁薄河卒十歲築城夫征賦日以密煙火日以疎
竄者畏吏捕少妻捐路衢田廬漸荒廢野狐盡相呼
昔時張長翁吾村富誰如翁死業亦零兒孫餓溝渠
泣客勿復言感嘆頌人鬚窮鼠憶故窟曾魚憶故渚
何時返鄉縣散金日歡娛

勿謂挂藍行

勿謂挂藍朝開夕續紛松栢蒼然經霜顏色存貞堅
苟得虛美何足論君子志遠富貴如浮雲

五娶曲并序

乙亥春民或訛言咸棄禮亟娶余傷之爲

此曲也

南鄰打鼓北鄰吹笛誰其尔迫旭熙昏適童子未冠
何以真鴈女兒未并何以結褵胡不量偶胡不選期
造言者誰進諸四夷嗟吁嗟吁後宮窈窕豈無嬪妹
有女雖都我里勿驅哀哉下民尔勿愚嗟吁嗟吁

見薛翁歌并序

薛翁者報兄計之人也

官尔翁兄病重邪瞪而思之曰此其夢邪

公無渡河

嗟哉公無渡河渡河將奈何河裏長鯨鯨如牙更有
鯉魚怒噴沙鴻舄巨筏不敢過公乎愚哉家有牛車
場有黍室中有妻梅有女胡為棄之自投水嗟哉公
竟渡河渡河尔為鬼奔流蕩死在何渚啼殺尔妻并
尔女

戰城南

戰城南城南白骨高嶙峋胡風四邊來冥冥起黃塵
但聞衆鬼哭不知何方人有母倚閭有妻擗衣逢人
問信不見汝歸年年寒食家家悲啼有夢見汝面無
處尋汝屍戰城南哀復哀烏鵲暮徘徊家腸向林飛

顧前無人取惟有幼蟻圍嗟哉成道人到此莫思迴

苦寒行四首

歲宴多烈風幽燕異常寒仰視日點澹俯見水噴坑
崑崙烈三峯尾閭咽無瀾六鰲縮地底踟躕不自安
想者持斧泣漁者捲綸嘆山川尚不保人事安足言
緬懷鄒子律一曲陽春還

二

舊雪積如山新雪來如潮天地一已閱風霾悔終朝
僻巷揚子廬館宇何蕭條頽簷隨凍竭空院喧饑鴉

日晏突無煙堅冰在草狐裘隣貴公子高樓宴良宵
鐘鼓夜連曙春陽散蘭膏悲哉革玄叟披閱良為勞

三

長安列繡衛青樓是倡家重閨隱鴛鴦暖幕霏煙霞
密叢豈能入迴颿無奈何紫貂耶郢兒登樓泣雙娥
趙舞小魚手吳飲揚秀蛾酒酣呼六博果采明如花
厭厭翡翠帳冉冉春氣和笑問樓上人今年寒拒多

四

邊城何所有飛沙浩茫茫青海千尺水白登萬里霜

乳孫喋不啼班虎凍飲僵胡兒夜吹茄雪花欲飛揚
征夫枕戈卧淅下沾衣裳帥尊詎知苦家遠徒自傷
願言繫單于新年歸故鄉

放歌行

僕本白屋人馳步青雲上獻賦動天子投書駭卿相
皆許萬夫雄自負古人行見日入瑣闥迷花出天仗
七貴藉餘輝五侯憚孤亢座側李輕車門侯張博望
歌舞留陽春棲臺徒嶮嶂一朝賦歸來賓客驟彫喪
羅雀悵今情炙火晒囊狀車馬減喧闐閭館鬱悽愴
省躬咎疇昔避地事高尚嚴霏玩開飲川鳥逐閒放
飲牛無俗嫌釣魚有佳況傳語斗筭兒已負莫相傍

雄子班擬謝朓

芳菲三月時名輩展遐眺媚媚花氣薰離離日影照
鵲驚避文彩翡翠妬光耀啄無獨飽意雖有相思調
車動心屢疑媒來尾先翹既興收憤悲還動如鼻笑
有所思同上

月慢風冷冷含悽夕獨寢砧斷更已深薰滅寒復集
微茫夢所思逸次言未審顏猶曩歲玉裙是舊時錦

嘆遺漢漢珮羞薦丑山枕鷄埴碧窓白點點悲仍甚

君子有所思行

崧高削芙蓉秀色連星紀登山瞰洛都氤氲彩雲裏
紫陌羅華屋金珂照珠履葉街屯雉焚花市森玲珥
春風鬱金香白日歌鍾起城中最貴人金張又許史
飛蓋躡煙霞高軒過桑梓廐中紫燕肥樓上綠珠美
錢刀不復論珊瑚互相比入朝仕者趨出朝行者止
咳唾走鬼神薰天勢無擬吁嗟時命衰泰極還生否
賓客散朱門則榛莽荒壘由來競紛華齷齪真堪耻
沉光下坂九萬事東流水蔡犬恨彌新雍琴淚無已
乃知種瓜人接志有深理

元夕曲四首

京國上元夕連夕太暄燁火樹諸王館燈山外戚家
共有春風恨紅羅剪杏花
月滿鳳凰城燕姬結隊行春風飄繡帶似識錦圍情
無計留嬌影空悲白髮生
燕臺佳麗地塵土騎羅香况復當元夕燈華競月光
願賦昇平曲年年樂未央

長安俠少年走馬若雷電千金買燈毬百金買歌扇
觀燈復聽歌鷄鳴奈樂何

行路難七首擬鮑照

蘭閨蕙館雕玉牀纖羅幙帳雙鴛鴦夫君遊宦尚書
郎鏡畔金鑪空自香殘燭影秋夜長攬涕無言空
斷腸人生盛年安可常落地桃花難再芳寧為燕侶
常在梁不作鳳雛分異方

二

長安巧工燕趙閨製成金鉏盛膚薰機環旋轉煙不
焚走葦沿衾香細分賤妾與君初結昏翠帟正宿掩
氤氲結髮本期白髮親豈料君心中負恩妾今持此
還贈君觀此令人徒愴神

三

御泥水邊燕雙飛鏡臺畔思婦朝畫眉見之淚如綫
良人別時出戶遲密思芳情妾盡知燕來燕去流景
移閨外瓊梅三落枝海信江音難可期鏡裏鉛華今
為誰青春不得常共席富貴歸來老何益

四

世事不可喻，竊鉤者誅，竊國侯天，道不可信，願淵天
折跖白頭，震雷擊桐梓，雨露偏滋，擣與痛，眼前萬事
俱可怒，援劍高歌，雙淚流。

五

君不見織機女，無衣雪中死，君不見倡家女，青樓聚
錦綺，走者逐走，坐者功，有功往往居下風，李廣老無
尺寸封，牧豚賣珠，登上公，烈夫扼腕，何為尔，世間萬
事皆如此。

六

誰謂瞿塘峽，難過三巴，未絕東吳貨，誰謂丘嶺山，不
平，伏波鑿後車，馬行獨有人，心險無比好，惡不投，非
議起，君不見盟中有鯉，復有鯽，座有嗜鯉人，亦有嗜
鯽客，焉得百千萬億人，人相合，無機責。

七

小子歌一詞，諸君靜聽之，愛憎由來毀譽隨，君聞毀
譽安得知，叔孫大夫非仲尼，周公亦有鴟，泉詩在原
沉，湘上官喜賈，生痛哭公卿，嗟丈夫立志責孤，迴處
世何用浮沉為，匣中有劍，尊中有酒，請君擊劍還飲。

酒緝緝，翩翩果何有，蓋指事定名不朽。

估客樂

春江放舸，花垂舵，燕趙豪商，萬金貨，寶玦珊瑚，光射
人，呼盧六博，狂無那，岸上青樓，幾百家，樓前羅袖捲
琵琶，停撓且聽陽春曲，莫待楊花點白沙。

春遊曲

春江水碧，白日遲江邊，垂柳颺柔絲，迷花開草大堤
曲，舞裙歌扇，高陽池，麗人明豔，驚芍藥，春光多在鞦
韆索，懸車壓城頭，早歸黃昏野岸風沙惡。

苦熱行三首

西山亦雲，盡偃蹇，石磴沍泉，暘不轉，豫章千尺禽鳥
稀，滄江兩岸鼃鼃，喘黃髮仙，久玄圃東，手持玉杖，復
飛龍涼雲，颺晝日月上，我欲從之，游閬風。

二

日夕鬱蒸，翻太深，袒枕尋涼，無處尋，對食象筋，不下
咽，望兩愁，覓徒苦心，我聞西山石，樓閣檜栢，陰陰抱
丹墀，騎馬欲遊還，復休出門，實由塵沙惡。

三

侯家水亭臨御溝細霧蕭森夾牖浮霜花五月渡水
館羅扇雙娥搖雪接聞道飛狐夜征將重甲長矛汗
沉銀萬死功成猶戍邊可憐不是封侯相

巫山高

巫山若芙蓉神女是遊龍雨暗琵琶峽雲吞十二峯
行宮惟雪樹遺廟自霜鍾婉孌難長守無勞夢裏逢

芳樹

芳樹掃春沙春風催放花碧合渾疑霧紅深可是霞
蓋思飛燕髻果憶衛生車踟躕叢陰下誰同惜歲華

上之回

單干入北地天子出西秦雲霞開輦道日月抱鉤陳
咲覽長楊賦酣歌細柳春渭濱還駐驛倘遇釣魚人

隴頭水

隴坂鬱峻嶒征人望霸陵哀鴻觸石響陰霧傍潭升
馬飲秦時浪孤聽漢代水若非斑定遠於此決難勝

折楊柳

柳似楚妃腰纖纖三月橋絮飄長信殷絲裊洛陽橋
映水還同動含煙不共消攀折 誰寄征人昨渡遼

關山月

明月照高秋關山萬里愁暈從青海斷彩向白登流
繡闥疑飛鏡油幢宛對鉤有人遙嘆影何日大刀頭

紫騮馬

騮馬珊瑚鞭珠勒鳳凰蹀躞桃花裏踟躕首肯邊
嘶風迴漢塞銜雪渡秦川為報機中婦婦人猶少年

劉生

劉生三輔豪志氣扶雲高報仇不避死從戰豈辭勞
寶刀千鎰價駿馬五花毛咲入燕姬館還留蜀錦袍

王昭君

遠雪損鉛華胡風墮玉珣無金買圖畫有淚濕琵琶
強酌和親酒難忘繫臂紗世途皆用賄錯倚面如花

對鏡曲

逐日上雕梁菱花對影傷鉛華難掩淡憔悴却曰郎
吁罷微生霧愁深漸有霜何時雙把照為問舊容光

臨池曲

窈窕誰家女臨池態轉生鏡涵秦弄玉魚避許飛瓊
紅柔傳芳思清遠蕩麗情洛神疑是汝腸斷賦難成

歌女篇

皓齒流清微瓊蓮美麗娟風迴繞底塵動杏梁遙
子夜芳情劇陽關別恨牽曲終音漸杳跌蝶亂翩翩

舞女篇

垂手樓中見微香掌上分鳥驚金鳳釧花妬石榴裙
低送陽臺月輕迴洛水雲纖腰可憐態祇恐楚王聞

望行人二首

妾住淮水邊往來舡如箭為問舡上人見即在何縣

二

春日登高樓柳條已堪把迢迢玉燕來不是郎君馬

少年行四首

腰褭欄端電不如章臺柳色照羅裙舞裙一動千金
擲笑殺虔卿舌著書

二

五陵少年三輔豪金鞭直指秋雲高打毬不下紫騮
馬沽酒時留青錦袍

三

汾榆社上喚秦娥兩兩琵琶對對歌把酒今宵醉故

友控弦明日渡交河

四

呼鷹走馬羽林郎聞說遊蜂意氣揚腰下但存雙白
羽胡中生取左賢王

塞上曲十首

朔雲莽莽白狼山飛將彎弓出漢關軍中莫唱梅花
落不滅天驕未可還

二

紅鹽池似絳綃紗桃花馬勝白鼻騮將軍走馬池邊

過映作荒山一片霞

三

燕領虬鬚氣若虹壯年曾破雪山戎歸來引見明光
殿天子臨軒賜玉弓

四

玉門三日火不滅旌旆如雲劍如雪可嘆交河流水
紅誰言俱是胡兒血

五

雪暗旌旗凍不翻黃沙暮起玉關深嫖姚塞中陰山

箭何日生擒吐谷渾

六

貳師遊獵龍山下胡兵突來膽下怕一箭穿雲忽墮
鵬萬虜擒盡回馬

七

營中舞劍勸金盃帳下美人歌落梅底事含悲又含
咲將軍昨夜潰圍來

八

星營月陣戰金微塞雪邊風摧鐵衣翡翠樓中雖有

夢玳珠馬上莫思歸

九

長弩將軍千石力橫戈直過陰山北馬上悲吟君馬
黃沙雲黯黯胡天黑

十

元戎受械掃妖氛羽遙徵龍虎軍腰間弓抱天山
月帳下旗翻瀚海雲

羅敷行

羅敷秦氏女生長在邯鄲穠麗無比幽閒更可觀邯

鄆三月楊花起狂風吹入深閨裏羅敷下機驚視盡

抹柔曉出平原里雲鬟滿挿叢臺花錦裙斜映漳河
水漳河流水碧如苔纖手提筐到水隈五馬翩翩飛

皂盖旁人盡道使君來生平不識使君面使君呼妾
妾羞見結髮元階白首情持心豈為黃金變芍藥滋

詞未可言裝裳怨曲終堪賤菱浦難分比目魚杏梁
各有雙飛燕賤妾惟知身似玉使君莫嘆花如霧君

手君乎尔何愚況是羅敷有丈夫風標不道何平叔
氣岸還過伍子胥寶絡繡鞍鳴鞭驛裏朱衣紫綬掛

金魚日邊蚤獻三都賦門下皆乘駟馬車旭入彤闈

司獻納夕過咸里戲擣蒲鳳凰樓閣朝朝醉翡翠床
帷夜夜娛樓閣床帷春色遙銀燭蘭膏照芳宴楊柳

晴出刺繡牕枕花暮落鞦韆院舉案誰知賤妾心盡
眉偏得良人美使君策馬早須歸疎林杳杳下斜暉

莫向巫山尋楚夢妾身不作綵雲飛

四言古詩一首

有華別彭令也

有華倚倚人皆折只出牧于民云何嘆只匪可嘆也

寔可憚也

誰好野服弗于厭闔誰好即邑而遠王國君子欽位
外內靡惑

皇皇爾祖政平閭昭乃牧于越乃鎮于遼南人頌祀
東人思以勞

鴻雁南翔送子于梁川途孔躋子行慎裝換旻央央
西方用兵盍靖我疆別言沾裳

何淵無魚何州無篲今此下民無地不瘠於維蒲民
爾蘇爾喜伐鼓趨車迓爾侯矣

彼田者兮順禾之生兮彼魚者兮綠魚之情兮無苛
令以戕無好譽以更揚祖光兮令名無疆兮

有華六章三章章六句三章章八句

五言古詩十首

夢遊西山作

閨暑鬱迤邐計秋猶距旬煩蒸憾靡脫幽曠思可親
伊閨西山勝而頗絕垢氛俗榮期集卻情遠興難申
遙延結夢想髣髴躋嶠峒捫蘿翠華嶺濯手碧澗津
香山卧河溪平坡抱星辰涼颿度峯雪澄泉瀉松雲

巖行駭崩墜盤轉望吾辛僧徒既欽客鵲鵲亦向人
穿邃日月隱躡崇雪霰分過嶮快平地沒深坎踞蹙
宜惟謝炎燄亦且起心神覺來失岩岫明霞染衣巾
恍惚竟難辨奇遊向誰陳

送田子回大梁四首

伊予獻賦來偕子同車驚曙綠河畔雲暝宿淇陽霧
駸裏人寡識駕馬乃先步泥淖無復悲會見孫陽顧

二

孫陽鑒名駒一顧無千金藏珍暫有待戒羽返故林

三

豈惟逐逐舞亦且舒越吟鄉閭爾誠樂離思攻我心

我心惡拘吏愛子器蕭散醉酒逃禮儀逢時悵婉婉
性不愉琴瑟而頗事筆阮豈棄大雅音隨俗瀉憤懣

四

憤懣歸可適梁國鵲朋舊雲晴太室邇冰靜中川秀
竹林故昔遊蓮社企遐矚喟予淹紱替何時采良觀

登西山最高峯

旭辰發秋崖逾午躡丹嶂志曰間澹寧神以虛無暢

迴泉駛分流環峯屹相向溪蘿露圓垂石鏡日光盈
仰攀黃道平悅臨碧雲颺俄駭閭闔通細辨陰陽狀
踏陰遜伯昏耽樓景元亮脩然忘故吾杳爾昧真妄
眷念食霞翁手持九節杖靜研黃庭篇笑逐洪崖行
鶴取誰可逢蓉城邈難量致訪仙蹟想像激清唱
終期授金丹聯翩開風上

遊呂公洞

竊窺呂公洞遙迤玉泉側間流緬松門石梁亘雲壁
始入日匿影徐轉天漏白靈窟度縈迴細逕緣欹仄

扶邊霏漸分衣上霰微積瓊枝芝迤邐芬瑤草弄明
色玄猿倒窺人仙鼠飛避客若若薜蘿陰嫋嫋青翠
夕金膏忻可餐石髓恨難識意恹諸妄遺神超萬緣
釋伊予事沉冥夙負山水癖曩聞呂仙名茲覽修真
跡丹爐滅灰燼石床有苔蝕一遊洞庭波十載香消
息珪組知爾忘烟霞恣所適私哂名利身蹤躋竟何
益

詠銅雀硯

昔聞銅雀臺今觀銅雀硯磨礪一已工歎識隱可見

注鉛玉紋縑映冊金光炫藝人賜藻思詞林託幽玩
粹同圭瓚質貴宜廟堂薦龍尾何足珍端溪直可賤
雖杼濡染情還慨世朝變

五平五仄贈薛君采

秋風寒颼颼節候倏爾變孤鴻翔相雲碧草歇漢句
人無千年期歲月欵若電歸哉燒金砂勿使俗子見

某氏席上言志得卜字

燕臺爵者莢金光照華穀旅食歛兩霜緇塵眯人目
陰陽互推遷齒毛懼摧秃令名迥難成欵訪君平卜

七言古詩二十一首

憶昔行寄錫山秦一

憶昔讀書梁王臺酒酣長嘯煙雲開嵩嶽蒼茫座上
見河流旬矚天邊迴白面少年何處來青驄轉電破
蒼苔長裾匝地越紵裁下馬登臺何壯哉自稱予是
淮海孫家在鳳凰山下村綵衣趨訓到周洛春日尋
芳入漢園我適靜觀列仙傳五請三呼始相見龍蛇
畫壁禹王祠笙鶴回風仙女院縱步遊觀樂未終懸
車忽下西山堰此日逢君到肺肝五年契合同書硯

我今竊吹在金門君猶抱璞羈齊甸秦君秦君早升
薦鳴呼歲月疾如箭曉日瞳眈鵲樓秋風瀟灑麒麟
殿君何不來遊帝鄉旅夜相思淚如霰

麻姑酒歌酬汝和見寄

我聞麻姑山在盱江邊千峯萬峯生紫煙山中古洞
暗雷雨山前碧澗流潺湲麻姑仙人昔羽化此洞五
今為酒泉白晝浮金光可摘月宵湧雪色更妍丹砂
入水變神異松花落澗香淪漣白鹿偷飲壽不死黃
鶴一吸今十年自從麻姑去不返劉伶阮籍釣其玄
挂陽佳人寄此酒呼兒滌盞臨花牖綠蟻傾一百
盃新詩欲草三千首安得飛上麻姑山高歌痛飲開
愁顏世間長短休相競醉看雲霞自往還

燕京九日歌

燕京女兒愛重陽早起畫眉臨鏡粧對對金釵疊鳳
皇翩翩滿帶結鴛鴦梳成寶髻花無色步出蘭房玉
有香三三五五過咸里吳藤畫轎沉雲起落日寧迎
行兩車遊塵不上凌波履大堤踏女不獨盛中山瑞
子那能擬長安少年郎鄴兒青絲金絡浪追隨瑤琴

未鼓求鳳曲寶玦潛吟白紵詞玉河橋上風煙暮紅
顏抵恐青鸞誤歸去相期楚夢中焉能為作高唐賦

聖壽篇

天王萬壽節朝賀九閭開牧伯當期至宗藩遣使來
重瞳早起仰豐隆先捧霞觴壽兩宮玉漏未成一
夜水金門已聚百官駟百官錦繡光搖目環珮鏘鏘
還郁郁嫖姚虎張翔雲寒御史冠霜氣肅玩球日
本遠來朝翡翠珊珊照碧霄蕃使盡隨鵲駕列伶官
齊奏鳳凰簫翩翩伏馬啣珠勒嫋嫋霓旌拂絳綃海
象雙馱丹鳳輦宮姬百隊翠雲趨三十猛士黃金甲
八百勳臣白玉貂玉貂入賀天顏喜夜明簾動瓊
鉤起聖表氤氳紫霧中飛龍閃爍黃雲裏宣祝鴻
臚遇鳥驚侍駕中官去天咫撞鐘伐鼓震井泉殿上
雲英九奏聯萬口山呼喧霹靂九天霞瑞護幽燕征
南太保成功後破虜將奏凱前至治還期光帝日
錫民長樂太平天小臣願上千秋鑑岳拱明堂億萬
年

滿相吟寄顧全州

君何為兮往瀟湘聞在五嶺之東百粵之地桂峯巖
從湘水深鴈書不到空愁思望蒼梧兮雲悠悠猿夜
啼兮鶴唳秋柳山之上幾金利但見僧徒想侶往來
霞裏逍遙遊石壇瑤草仙香沉浮洞天出沒丹竈翠
蚪靈風起兮颯颯積霞下兮瀟瀟山川明麗豈不可
以登眺長安不見令人愁愁人兮吁嗟閨闔畫眉兮
對虎如麻弟屈子兮汨羅悲賈生兮長沙去金陵之
遼邈阻覆釜之槍鋌君出游兮五馬騷騷尋幽賞兮
江之濱江有廟兮祠二妃鬼縹緲兮淡淋漓帝子兮
不返徒斑竹之在斯環珮兮深女蘿杜鵑啼兮雲
露多春草兮又綠思君兮奈何

趙將軍戰圖歌

君不見趙將軍草昧乘風起杖策軍門見天子虎
頭自信封公侯豹畧還期照青史橋邊老翁夜投書
淮上真人朝賜矢十年征甲血模糊南掃齊梁北擊
胡大石崖前雲慘慘白溝河畔鬼鳴鳴丹青已上凌
煙閣殺氣猶存百戰圖將軍勇烈真堪數復有汝南
能繼武只今海內多風塵白日青天縱射虎井蕭三

軍哭令公鴈門諸路愁胡虜壯士揮戈不惜生男兒
報國寧辭苦嗚呼汝面視汝祖

雙榆行爲江東顧翁作

君不見春來榆葉青秋來榆葉乾葉乾有青日頭白
無少年頗翁撫樹悲蓬暮江村縱酒日歌呼有兒已
作尚書郎無心比獻明光賦石枕藤床送歲華釣竿
拄杖隨煙霧甕中有酒且自傾請君但看雙榆樹

寶劍篇

君不見越有純鉤雙寶劍歐冶鑄之驅百神金環託
轉明月動霜華照耀芙蓉新一朝淪落豐城獄石匣
荒涼苔蘚綠紫氣常衝斗牛間悲鳴空向黃泉曲世
間寶劍久已亡風胡薛燭今何如雌雄雜帶青蛇色
精采誰知白雪光嗚呼神物有時出變化須臾心膽
慄飛龍一去煙霧冥吐雨萬川滄海溢嗚呼神物有
時出

送潘時雨之南京

我登燕王臺遙望鷄鳴山鷄鳴微茫不可見長江如
帶愁心頗美人一別隔江水星世雲帆動千里北極

銀闕五雲深南下金陵萬峯紫明月娟娟上石頭長
安獨倚仲宣樓樓中我賦停雲曲江左誰傳白雲誰
是時食一百五洲益冥冥照華組奈友那能羈百丈
榜人無奈閒雙櫓雙櫓翩翩紙鷁輕魚龍駭避使君
旌春沙回首思無限更聽黃鸝岸上聲

清明雨不得花遊歌

清明枕上擬出郭起看霞氣天煜燦呼兒且莫覓林
薄須臾恐有雨來作涼颭浙浙忽忽征西山黑雲爭
覆城飛絲歷歷迴不斷蒼溜徐徐銚有聲回日難逢

魯陽手補天空憶媧皇名沉驚何處避沾濕梁燕苑
春出復入城南雖有花萬重兩打誰憐玉環泣蝶去
蜂稀真可傷泥深馬滑避不得獨坐茅齋喚酒頻吟
遙恐負漢京春一尊蛾綠鏡相對萬里花神乞自覩
君不見形交不及神交真

南都行送顧英玉

南都秀挿南斗傍澄江一道沉雪光鍾山萬峯蛟蜃
翔雲霞明滅遙相望吳花昔草春自芳古壇遺殿空
荒涼 祖皇伏錢闕昌運馭電騎星來建康萬年日

月照全盛百粵謳歌向此方我欲遊之不可得聞君
南下生悽惻君家舊在江水邊樓外玻璃萬頃懸兩
過沙鴨窺硯沼月明漁笛到書筵歷陽樹色鏡中見
淮海潮聲天上傳聞喜氣江濤動共道金陵出雙鳳
綵服翩遷湖外春素絲蕭洒周南頌杜甫仍無吏隱
名謝安還為蒼生勸別君無奈繡帆開試問仙舟幾
日迴明年若得過江去與君同上姑蘇臺

題松逸老人圖

四明山中松滿山沈翁構亭松樹間石林盡長雷西

暗洞天月出蛟龍閒圓蓋冥冥二千尺棲鶴巢雲幾
今昔拄杖逍遙歲月深坐見松脂成琥珀

嶧山行送甄廣文

嶧山乃在滄海東七十二帝封禪同秦皇刻石李斯
篆斷碑墮地如長虹金書玉檢已不見雲霧蒼茫崖
谷變松樹猶名五大夫山腰新倒三清殿故老相傳
駐驛亭牧兒時到祠官院鐘鼓當年震海門風沙今
日悲齊向我欲東遊千萬山俗牽名繫限躋攀聞君
秉鐸蘭陵去安得同搔到斗間

壁虱嘆

燕京壁虱嘴偏毒，黑夜冥冥集床褥。伏批搔爬氣煩促，起抱小兒猶叫哭。茅山道士街有神，呪符無驗良可嘆。連旦張燈不得睡，皇天生爾嗟何意。

金陵歌贈范侍御以載

鍾山紫蓋浮空真，晴峯拱列青玉屏。大江紫迴走其下，驚濤日夜流風霆。石頭巉巖幾千載，虎踞依然朝代改。吳國衣冠空夕陽，晉王歌舞沉光彩。玉燭梅梁俱晉，不可尋謝安王導。今何在，烏衣巷前明月秋。

江東王氣五雲浮，自從淮甸升龍馭。無復新亭泣楚囚，繡衣手攬青絲轡。聽馬風聲動天地，破柱能令膽魅愁。埋輪會見豺狼避，眺古先遊白鷺洲。題詩常到鷄鳴寺，舟下秦淮道路長。春江融雪水痕香，南都若見梅花發，好寄寒枝到洛陽。

居巢篇贈何子毅省親巢縣

居巢城在長江邊，舟楫東衝街歷陽。鎮趙賈秦商賈，映輝吳娃越妓香。羅潤桃花兩岸鰲，魚來燈火三春酒。肆開水倒樓臺金閃爍，雲亭蕭管鳳徘徊。可訝淮西

開閣苑誰云江北，以天台居巢仙令汝水才一門。文采疊琪瑰，曾在竹林陪宴醉。忍看小阮放舟迴放舟，搖颺秋風裏。荷葉芙蓉媚江水，沙渚雙鴻拂棹飛雲。湍白鴈銜帆，起花縣春霄弄綠衣。官衙白日靜琴徽，浮丘嶺上呼黃鶴。亞父祠前對夕暉，君下見淮王廟。枕八公山鴻寶秘書，今不傳塵埃。鷄犬昇天去何況，尾眉變少顏君不見。左慈昔住廬江口，石室丹經常在手。袖湧三江出尺鱸，曹門賓客驚仙叟。君行覽勝復訪奇，江漢風雲入釣絲。逢仙倘授長生訣，莫負嵩

山采藥期

醉歌贈衛正夫入武昌

衛郎佐郡年纔二十九，南將入楚辭賓友。嗟予醉歌擊劍勸爾酒，少小專刑官匪輕。丈夫立志垂不朽，八月放舟秋色深。江天風雨聽龍吟，丹楓夾岸霜濤落。白鴈迎帆海日陰，君不見黃鶴樓高漢水濱。懸崖赤壁晚嶙峋，公餘載酒登遊罷。北望長安思故人。

西山歸來同遊諸子歌

西山歸來雲滿衣，空齋畫卧心多違。悄然落筆賦瑤

草髮鬢曳杖聞林霏只今西歸二三日夢魂猶繞
蘿窗李白何孤天姥遊向平狂待婚姻畢嗟予欲作
窮遊客東上蓬萊西太白黃鶴仙人未信無石室丹
經或可得諸君果有遺世情長安同買登山屐

聞鴈行送丘君回汴

我來京師逾兩霜秋風蕭蕭思故鄉淹留徒有登樓
賦渾淖寧忘陟岵章夜聞鴈度盧溝水哀音急調綠
雲起此時此情無限悲更送丘君下桑梓

燕臺篇送張先生回汴

曉提瓊玉瓶雪中牧驄馬寒陰送客愁更深停驂把
酒燕臺下燕臺蒼莨十二重雲邊突出金芙蓉瑤宮
貝樹水晶砌倒懸日月蟠蛟龍行人遠望不敢上惟
招賢者游其中君不見昌國君負擔北來易水濱大
梁監子不足事袖裏陰符生棄塵昭王得之喜下殿
跪進玉羞親引駟金印遙懸五國師笑下齊城七十
二又不見荆卿豪宕世所知酒酣拔劍舞兩端爭博
豈讓魯句踐擊筑惟同高漸離感丹意氣重光薦揮
刀怒上秦王殿祖龍環柱呼且逝功雖不成亦可美

吁嗟後代誰愛才古臺慘澹埋蒿萊李生金盞未授
職君亦空囊憔悴回勸君觴挽君轡風塵落魄聊須
醉狂君詞賦跨相如只今誰是楊得意邇來妻子解
嘲予歲歲年年苦著書流光已過二十七腰下曾無
三寸魚英雄攀龍為上卿不然騎鶴遊太清我今不
貴又不賤祇恐蹉跎千歲名奇毛紫燕荆山玉沫吐
藍車光射璞孫陽不遇狂悲號卞氏獻之翻荆足犬
犬懷寶且待價安能宰相門前脚踏踏楚王城醴穆
生徒小兒俗做陶潛恥為問權眉金紫旁何如濯髮

滄浪裏人生貴賤自有時無用悲歌遠際連津署
雙鬢似雪乃是周家天子師布衣歸去君莫惜丹烏
黃庭送朝夕先斬藤蘿開洞天待予同煮嵩山石

過何子宅觀銅雀現歌

君不見銅雀臺魏王築此何為哉翠殿朱堦埋草萊
相傳惟有鴛鴦瓦何君蓄瓦磨為硯草玄日日霏霜
霰玉積紙收錦怕籠深齋什襲無人見我來問奇聞
此物摩挲表裏興三嘆滋潤迷者玉乳流晶笑隱見
玄雲散蟲魚背刻苔蘚能建安小篆泥沙眩青州諸

石盡下品鳳尾珠龍尾何須羨
喜君好古揮絲毫長
變馳香風雷號靈宵促膝和高倡
却憶當年魏武豪
嗚呼霸業真如夢
總惟瑤席成何用
漳河猶遠鄆城
流城首無復西陵慟
平生萬事俱可輕
空留遺瓦甃
人重

五言律詩九十一首

閑空同陽羨
衰陽之居不來
乃回汴都奉寄

二首

不見空同久
飄零去國賒
未成陽羨業
復轉漢江槎

少室三花樹
青門五色瓜
煙霞如得道
萬一寄丹砂

二

舊賦梁園雪
今樓汴水春
百年為客地
萬里獨歸身
白髮寧忘國
青山不負人
形容休嘆老
詞賦已通神

春天過鴈

不卧胡南草
還銜塞北雲
羽毛春帶暖
沙苑晚成羣
隔歲乍相見
高樓愁獨聞
嚮方停白羽
祇恐誤迴文

遊法藏寺同子雲吳王

石徑通蓮宇
春流抱竹扉
晴天同出郭
落日欲忘歸

寺僻藤蘿靜
山空鴈鷺稀
重遊是何日
花蘂莫教飛

三義廟二首

竹林迴古廟
石徑接仙城
丹竈煙霞色
經堂鐘磬聲
蛟龍惜偃蹇
已蜀恨經營
落日具亡沒
浹江山空復情

二

肅肅君臣像
悠悠歲月深
丹青魂髣髴
棟宇氣蕭森
帝胄興劉恨
英雄滅魏心
昏鴉遶祠樹
故故有哀音

孫思維舉人族死

孫生三十夭
遺恨曲江花
卧病誰憐客
遊魂定到家

驂騑失道路
碧草折霜華
絮酒重來奠
悲風起白沙

傅大理之官南都便道親省

冠冕歸吳日
樓船過楚時
文星隨阜憶
霜菊照征旗
夜雨相如廟
江城賈傅祠
知君吊古懷
憶我共題詩

孤鴈

孤鴈飛何急
風霜萬里心
塞垣迴度影
湘水度哀吟
羣失偏多懼
雲長不可尋
空聞有思婦
聞汝欲沾襟

聞家兄欲來京乃不果

一月聞兄到
冬深未有期
愁看鴻鴈過
獨詩鶴鵲詩

說夢今虛驗占燈抵自疑駸駸春草綠相見是何時

曉

山寺鐘聲發軒窓曙色分聞鷄抵自愧撫枕竟何云
北虜騷秦郡中原哭漢軍安危屬將帥早勒破胡勲

部中白鶴

白鶴海雲思短翎將奈何槐邊行伴更花底坐閑珂
明月懷傳侶高秋夢薜蘿何時生羽翼飛向故山阿

冬日晚出左掖即事

日下彫槐晚天寒鳴鴈稀
曉雲催去馬細雪點朝衣

組練明宮掖袈裟過瑣闌匡衡有封事回首願多違

遜卿宅守歲時家兄初歸

一歲今宵盡臨樽獨愴然
鵲鴒分翼後江海夢啼年
臘氣星隨落春光斗共旋
盡替待明發擬和早朝篇

簡伯常給事

朝謁趨陪地清衙更爾曹
竹垣宵待詔青瑣畫揮毫
春色瞻宮殿仙香散錦袍
五雲看獻納且莫念江皋

春日禁中作寄劉希尹

長卿歸去後忽漫隔年華
碧見宮邊草紅思汶上花

臨風遲鴈信對月望星槎
近日應無事詩篇尔益嘉

二

晴宮鶯並轉花殿鴈飛遲
雲裏應仙滿天遙憶故知
參軍元好酒公幹最能詩
昨夜虞山夢春風奈爾思

深溝寺送吳王

郊別仍堪邇天昏更欲留
客愁對酒並馬不同舟
柳折誰家笛春殘古寺樓
那堪晴岸上送汝下揚州

春暮

春色冥冥暮食遊畫出城
殘花疎花蝶飛絮憑流鶯

世故參差態滄洲放浪情所嗟
辰序逼吾欲學長生

送田汝力回貴陽

萬里思歸客三湘謝病身
楚雲偏傍舸燕月故隨人
琴瑟山齋夜圖書水國春
聖明知賈誼早晚下絲綸

贈潭州鍾翁

壽修元回德孫蕃更爲賢
白頭鳴鐸後綠野著書年
皇澤生鵲杖春風上酒舡
列仙非閨苑今在晉山邊

月夕過戴子開琴

月館燕京夕朱絃絕代音
乍聞飛雉操憐汝獨眠心

花動春江思鶯催楚客吟戴逵如有酒靈夜亦來尋

過城南寺

緋殿晴低嗽香臺晚占沙法雲浮錫杖壇雨濕天花
共惜三生夢誰同八月槎晚來愁思劇聊得伴袈裟

二

步入空王地遙聞梵音聽經猿鶴靜護塔薜蘿深
水月生禪思岩泉合道心贊公如愛客百遍過珠林

對月

今宵好明月萬里絕纖氛影向金門落香從桂樹分

露花仍照眼隣笛轉愁聞重有鄉閨冥冥入綠雲

三忠祠

徑仄迴岡抱橋孤石磴危空山留劍珮畫壁見旌旗
異代中原決千秋烈士悲無情有庭草陰雨故離離

送陳遼即一卿

五月放榴花離羣愴物華雲霄分漢使牛斗下仙槎
山轉龍沙樹風迴鴈塞笳邊籌爲地牢勞役不須嗟

禁中對雨

西極陰雷動深宮細雨來映堦紅藥溫隔水白鷗迴

蕭灑薰風掖清涼避暑臺晚回沙苑馬極目五雲隈

過汝和舊館

夕過寺東院蕭然懷故人琴書不可見花竹自陽神
恍轉滕王閣雲停楚澤春江城曉霧暑憐汝病中身

挽顧宜人

月滿瑤池曲宜人去不迴機存當日斷髮截至今衣
總恨餘秋色萱花自夜臺猶聞晉江水鳴咽送潮來
同時亮過大復

水部堂無暑相邀曉過吟翔雲月出沒涼吹竹蕭森

江海扁舟思風塵故園心生聞琴調苦深夜各需襟

張尚德運儲兩邊得省親陽城

轉餉褰帷去還家戲綵頻霍山元帶陝汾水簾通秦
故國淹馳馬秋風憶紫宸歸來應有作光射錦囊新

過子雲飲懷吳王

騎馬尋君酌開門問玉珥微涼下河漢團月靜花庭
江浦雲鴻絕秦淮草樹青酒闌思往昔奮覺醉如醒

簡侯武選汝立

激烈新封事傳聞爲爾哀誰知漢庭哭元是冷腸才

戎馬驚塵暗雲山託夢迴它年過燕耳擬上釣魚臺

蔣水曹送儀真酒且言欲換余百篇走筆對

使奉香

豈是百篇才勞君送酒來色分淮水綠香壓漢京醅
洗杓花侵席開樽月傍臺誰知念歸客鄉思飄然開

過鑑公方丈訪信陽馮太和

珠林應日月石壁昴芙蓉為訪中城客來憶日暮鐘
天花散五色鉢雨出雙龍憐汝投竿晚相逢恨轉濃

贈崔何二內史

何遜篇章煥崔駰看述雄聯翻鷺閣上待詔翠華東

藻思奎垣落仙才異夢通同時見二子俱勒中興功

題田黃門一竹軒

碧竹寒江上孤生迥絕塵風竿搖白日雪葉弄青春
晴影移碁局香雲上葛巾七賢時過散為愛主情真

同大復過存上人房

逕入招提晚疎鐘臥翠微竹深涼氣早花靜客來稀
混俗惟須飲逃禪未可非因君始知空寂益念此山薇

同何氏叔姪避暑寺中

不到幽深境誰知五月寒雪堂懸嶂外霜塔裹雲端

日月雙飛錫行藏一釣竿竹邊伴二阮終日醉長安

過燕泉同大復

曲巷楊雄宅炎天問字來碧嶺庭篠合紅菱石榴開
未返山陰柁難孤河朔杯二何揮麗藻俱是水曹才

自嘆

自嘆迂愚客酬歌醉不醒無功虛肉食何德報朝廷
損將黃雲慘時馬關谷殺防秋玉帳停傷心望總制

早晚振王靈

月食

何處麒麟閣風壇鼓角寒素娥仙馭墮銀兔雪毛殘

久食弦微見重圓鏡未安聖君憂避殿端然召臺官

觀兵二首

漢將新分閫懸軍急渡遼鷹揚看尚父燕額識嫖姚

殺氣天山折先聲塞未彫受恩俱不淺戮力報王朝

二

不見王師出誰知大將威劍從天上賜鉞自日邊揮

傳羽雷霆過虜方厲驚稀營門霜角夜壯士莫思歸

遊天壇二首

白日仙宮靜秋原垂騎尋壇花寒不落洞霧晚逾深
黃鶴天邊思金丹物外心洪崖如可得問何惜解朝
簪

二

晚入瑤壇裏閒停白玉珂十洲通紫極三殿鎖春蘿
雲霧霓裳閃笙簫鶴馭過黃庭吾欲寫不為換雙鵝
望湖亭

絕壁千盤上孤亭萬木扶桑起天地外危駭斗牛衝

雲氣低蒼白沙光隱鴈軒卜居吾倘遂終日對虛無

善化寺

福地藤蘿抱空山日月昏峯迴九條澗林轉七家村

石塔明霞宿香臺北斗吞萬綠今盡晚信有別乾坤

過駕到口

宛轉山無盡躋攀興未闌衣裳沾霧濕石磴鑿雲寒
環水周王跡汾陰漢武壇當時色從者詞賦刻嶠巔

出功德寺澤僧官送上山

巖僧戴漁笠送上玉泉峯猿啼雲氣夕回首碧千重

我醉卧山月爾啼鳴暮鐘輾然自茲別相憶采芙蓉

昆盧閣

金口昆盧閣登臨日月孤暮鐘清晨霧石鏡迴懸湖
遼海分胡鎮雲霞自上都俯憐雙鴈影耐可北書無

過翠華公主塔下

獨塔靜秋暉名存代已非風泉飄玉佩花霧見仙衣
夢斷黃金瑣兔遊白鷺殘衰王何日到寂寞暮雲歸

平坡寺

蘭若秋煙裏霜林落照中澗迴公主塔山坼帝王宮

金章宗草樹爭迎輿沙禽不避馳遠公堪話者共醉
遊幸北

白雲東

耶律丞相墓下作

先代中書令墳園尚爾存塋碑秋卧草石象晚街村
徒有山陽賦難招塞北魂追思留守畧汝灑玉泉原

過地壇余道士房

秋入洞天深笙簫渺渺音偶尋黃石侶忽動赤松心
地僻煙霞異壇高日月陰停珂對瑤草疑在閭風岑

登鏡光閣

珠閣臨丹檠香臺碧空雲看西域接水城玉泉通
法雨迴簷外天花落鏡中蕭然諸妄滅轉覺無窮

寄贈湖南鍾逸士

富水垂綸客衡陽采薇翁青春辭漢冕白髮對江楓
身世藤蘿外行藏看迹中風標何日見帳望楚雲東

呂刑部按外便道省其二親

刑獄秉秋令絲綸出漢闌過門今擬入獻壽早頒帟
寫至知王母雲晴見少微子公庭戶聞駟馬爛生輝

家兄至見有白髮感作

喜接連枝會驚首白髮悲久牽春草夢今愁鶴鶴思
却老惟丹藥寬愁且玉危乾坤一傳舍萬事莫堪其

中秋夜錢家兄

秋月圓如此吾兄復念家明隨鴻鴈影清傍紫荆花
望斗悲漂泊經霜惜歲華芳尊夜同醉明日各天涯

送兄回

獨馬燕京路高秋易水橋送兄愁聽鴈臨渡忘親潮
骨肉風蓬轉鄉園涕泣遙家兄到淚遙日辛此訊言

諸季父白髮余蕭蕭

壽胡主事父母封誥

壽域開南極封章下紫微桃邊方朔笑雲裏婺星輝
瑶草浮仙醴江花落綵衣同榮復同健信是世間稀

雍生南遊還因贈

風塵孤劍客台越獨歸時已見三都賦寧無五岳詩
仙槎犯斗急春笛渡江遲聞爾談山水蕭然婚嫁思

九月三日夜飲大復宅對菊

主勝花逾爛宵歡酒益清乾坤近九日風雨滿寒城
隔幔香猶逸臨燈色轉明醉來還揮鬢同有故園情

題竹齋

竹裏東吳客風流迥不群晴天鳴鳳下秋夕洞簫聞
嫋嫋江村月蕭蕭水檻雲清陰如可許搖艇一尋君

九月十日雨不果西湖之約

細雨淹遊客空庭靜晚花未闌登塔興猶阻泛湖慙
海霧凝空白霜雲傍檻斜玉泉清絕地西望一長嗟

郊觀燕集別彭子

頃恨重陽過相邀南郭行桃源惟見菊琴館忽聞笙
霜雪思鄉日風塵送客情平生喜遊宴今已決沾櫻

胡允齡登進士值其父母七十

魏闕陳書日仙闌並壽年春趨曲江宴花送孝廉紅
愛日還承撒曉雲更著鞭宮袍音信好良愁倚門憐

秋夕邀大復

搖落驚秋晚蕭條賦索居風窓閒酒快霜燭靜琴書
竹掃高人榻花迎長者車呼兒檢筆札今日過相如

殘菊六首

花嘆經寒老香思隔歲歸雨多黃漸淺霜重碧初稀
別殿鉛華落長門翠黛微采更同泛酒君莫忘芳菲

二

為憶羊開日風神方尔誇色明蜂鶯撫香遠客停車
不倦連宵飲曾替滿鬢花于今零落盡誰復問泥沙

三

嗅樹香仍在尋花豔可憐湘妃秋墮佩神女夜遺鈿
倚檻悲淫落停盃惜歲年紅顏誰可駐把玩益凄然

四

風雨寒摧菊蕭條晝掩門飛花隨白鴈稿葉自黃昏
無奈歲華晚空餘珠網繁擬裁殘藥賦為尔吊芳魂

五

燕地寒偏早黃花九月彫繁霜欺弱豔暝色慘餘照
苦別孟還戀多情香未消那堪簾月影隱隱照風標

六

酒盡愁邊暮花翻塞上村客未還共惜蝶去更無隨
月度可憐影詩招將斷魂歲殘難自保寂寞更何言

深夜喜大復過訪

霜宵悄無睡詞客自相求倒屣迎王粲停撻見子猷
醉深花轉動興盡月仍留明日朝回早還期過我遊

答大復初雪見道之作

微霰東清旭輕陰結歲闌亂分花外濕遙送雁遶寒
倚窺誰同飲鉤簾只獨看仲言白雲侶深愧和章難

送余主事奉使西蜀便道覲省

內江余仲子風雪下瞿塘掉逗荆門月抱携溪殿香
題橋見司馬迴馭憶王陽綵服升堂罷應知念帝鄉

觀江夏吳郎擊劍

楚客雙龍劍南來膽氣雄雄起並舞風雨會相呼
鋒轉芙蓉落環迴夜月孤暫須裁紫氣英射斗牛衡

過戴時亮嘗醢

愁裏來嘗醢，猶邊且暫依。味停尋戴舫，香襲退朝衣。
金盞遊心倦，鄉遥宦思微。醉深三擊缶，轉覺萬情違。

送姊回赴汝弼北樓之約呈席間諸公

攬涕方回馬，含悲且上樓。征輪看不見，應是過盧溝。
旬雪衝寒苦，河水臨渡愁。故人休勸酒，鳴咽不能酬。

冬夜過戴子同何大復

雪裏來尋戴，梅邊喜見何。剡溪情不減，東閣興還多。
旅食悲鳴雁，寒山憶碧蘿。風塵對二子，慷慨一高歌。

訪鄒子家

席掩陳平戶，蓬迴仲蔚居。登堂聞雅瑟，開篋見奇書。
粲粲瑩猶在，皚皚雪未除。喧闐萬車馬，堆列草玄廬。

贈子言

瀟洒張公子，山中度歲華。援琴乳白雪，握筆散天葩。
莫放凌雲鶴，聊停犯斗槎。待予婚嫁畢，携手入煙霞。

送王蒲州用章

送汝蒲州去，憐予折柳情。風流真刺史，三十早專城。
若見汾川雁，能忘漢苑鶯。還朝知有日，玉馬暫飛櫻。

至日

閨歲喧生早，逢暄轉憶家。長途夢裏近，歸雁望中賒。
初雪微融草，薄冰半潤花。朝朝彈劍缺，只為惜年華。

送舍親梁秀才還大梁二首

雪送梁鴻去，含悵不忍分。綠衣椒掖酒，蕭曲鳳樓雲。
梁生低奪錦，可無志佩弦。當有聞驛驢，齒已蹀躞會空羣。

二

醉別東床彦，情親期望存。雪明堪誦夜，花好莫窺園。

錦軸三千卷，彤墀十萬言。公侯詎有種，努力早騰鶩。

送張子行南歸便道過德州省其叔父

紫燕四蹄風，長鳴易水東。殘年思故國，細雪出新豐。
暫戢鵝鸞羽，終登日月宮。過齊應駐轡，爛醉竹林中。

左大理父母封贈

霜寺倚人高，驚書雋鳳毛。雲瞻涇北樹，春薦海東桃。
壽酒元仙液，班衣即錦袍。誰知錫命日，悲喜重西曹。

七言律詩三十六首

陳黃門席上聞其弟吹簫有作

使君作賦驅曹謝，今弟吹簫集鳳皇。
沙岸鶴鳴元接翅，霜天鴻雁自成行。
寒雲落木驚秋晚，散帙投壺發興長。
計水齊山同逆旅，酣歌潦倒見吾狂。

贈督餉何燕泉先生回汴

文學風流何水曹，送君歸汴嘆賢勞。
比來郡縣歡聲重，暫赴朝廷奏議高。
借寇擬須延保障，徵黃翻恐速旌旄。
中原父老思無限，日月河邊望去樓。

省中見石榴花

竹院深沉一徑斜，幾株榴樹細晴霞。
風高疎檻飄紅玉，雨過迴廊濕綠紗。
吏散也饒湖海興，蜂忙不避相公家。
休憐豔冶開春後，老客城菊自花。

燕集待仰之不至

炎天詞客翠書會，水竹幽居水雪寒。
喜有清尊消落日，便裁小簡促歸鞍。
停雲看盡思仍劇，戍木歌殘興未闌。
縫綵會須馳駿馬，月高風細一團樂。

秋盡懷冷郡博羣師

秋館秋深悲遠天，孤城寒菊對蕭然。
校書有閣思劉向，買酒無錢憶鄭虔。
花近座隨閒玉管，風高清廟靜朱絃。
東流不送雙魚到，腸斷梁園日暮煙。

頌厠

冬仲靈臺上曆書，早朝頒賜盡方輿。
安南使者沾春色，柳海諸蠻訝閭餘。
威鳳翩還迎雪殿，蒼龍宛轉護雲車。
仙班早覺梅花暖，可是東風到帝居。

劉令回襄陵

襄陵西去碧雲深，迴合山川清客心。
石澗細通汾水曲，晴峯遙接華山岑。
春花滿縣迷馳馬，好鳥巡簷憶素琴。
仙令早歸民望切，已聞耒耜動謳吟。

鄭氏園賞牡丹

山郭天晴白晝長，牡丹仙館冠年芳。
明霞弄色朝停檻，蛺蝶偷春晚過牆。
節序暗催霜雪鬢，行藏欲付水雲鄉。
酒闌還傍風塵去，零落殘紅空夕陽。

送王汝立之安慶

漢庭仙吏早分符，放鶴穿花下太湖。
海上幾時歸玉局，雲間終夜望雙鳬。
岸迴百丈琴書濕，石轉中流日

月孤聞道江城多勝事可無佳句寄燕都

同范鄧二子夜集燕泉

水部文章南岳英朝回折簡委相迎燈宵促席愁何
在花檻傳盃興轉生縱酒肯容狂阮籍著古今見老

虞卿芳篇麗藻千年事旅雁賓鴻萬里情

追和君山絕筆韻

絕代文名死不休白頭詩思滿滄洲夢回南岳人何
在賦弔長江淚未收萬里圖書隨老去五雲臺閣憶
先遊風流儒雅千年事腸斷燕城碧草秋

贈涇府高舍人

愛汝青年雅好文淮王臺殿侍清芬朱門鼓瑟身無
累雪苑揮毫思不羣畫日圖書隨鶴駕百年出入近
官雲曳裾兼得滄洲趣海岱風流萬古聞

小齋執熱周吏部送水至

玉井開冰雲氣涼仙曹傳贈濕衣裳忽驚暑院生寒
色自覺陰堂得夜光豈有蚊虻侵几枕不須撲闥對
蒲湘霜情雪思滑肌膚欲賦班姬團扇章

送王都諫參政陝西

竹垣青瑣切星辰陳獵空悲毛髮新方岳暫勞鴻恩
客江湖羨美釣魚人雲中太白斜連晉天上黃河曲
抱秦朱綬輝光君已貴寒崖懷惻待陽春

鮒魚

東南貢篚過江初黃帕封緘迥不殊昨日春卿親引
獻早問光祿薦鮒魚炎蒸水驛奔星月疾病文園望
後餘開道中貂新宴客金盤飛鱸味何如

壽尚書李公

秦川老翁眉髮蒼霄漢鳴珂四十霜海內尚懸霖雨

望岐陽今築卧龍岡千年玄鶴盤雲喜五色蟠桃出
洞香未引汧源添壽盞先歌太華祝休祥

燕泉移居為隣席上賦此

水竹幽居傍紫宸名卿卜築喜為隣雲霄鐘鼓趨朝
並月夕冠裳過訪頻乳燕新巢偏擇地官梅東閣入
逢春朱弦麗藻風流劇下榻開尊醉幾巡

哭楊德微

獻賦揚雄萬里餘思歸王粲意何如他鄉風雨愁聞
鴈卧病齋壇懶佩魚朱琴斷殘無大雅茂陵求復有

遺書他時倘過昆明路解劍却原問爾君

輓儀真周翁

揚子江回荒草亭雲天寂寞少微星江邊鶴鶴今誰
侶亭畔蘼蕪空自青舊廬豈無封禪葉開房寶法太
玄經琴臺釣石風如在獨有漁樵誦典刑

送李成章之萊陽令

李白東遊煙霧深風塵飛馬鳴悵予心秋城坐對蓬
萊觀白日閒鳴子賤琴海上樓臺雲五色天邊蛟兕
晚雙吟匡時須擬麒麟續把釣休思水石陰

功德寺

宣帝行宮最碧蘿霓旌幾駐玉泉阿三楊侍從宸恩
重十載昇平樂事多勅寺松雲封殿閣釣臺霜水落
鼉鼉白頭野老空山夕共說曾看鳳輦過

山中夜宿

落日山空灌木哀醉深雲卧不思迴夢竟終夕隨虛
壁鐘鼓平明落上台月色徑從蘿牖入花香逸轉翠
岩來偶然休沐尋幽勝得與漁樵共石苔

香山通中作

磴道逶迤香嶽西捫蘿穿竹盡丹梯千峯迴合澄泉
落星萬蒼茫白日低陰絕晚惡挑竹盡枕詩篇秋入
浣花溪同歸無那鵲行繫習靜寧忘鷓鴣栖

送武廣文之內鄉

鄭虔南去鬢毛斑獨馬高秋入楚關藻泮春通水簾
洞經樓畫對石堂山名高爭奈青毡冷根薄何曾酒
債還早晚翠華占出獵曙溪未許釣絲閒

九日得健菴先生書

重陽晨擬出城來細雨秋堂鵲噪迴麗藻遙隨鴻雁

下仙緘喜對菊花開梁園落帽誰同笑燕國登臺我
獨哀昨夜夢君頭漸白傷心佳節費啣盃

送王明叔之崑山

仙節擊鐸下東吳百丈牽霜轉岸梧漢節暫停滄海
曲潘花密映闔閭湖江城寄賦春馮雁畫省分曹日
望鳧若過楓橋休夜泊寒鐘偏動旅愁孤

莫金吾席上別美中

海客揚舠晚越都綺筵銀燭恨江湖梅花落月燕歌
盡揚柳驚霜錦瑟孤客醉肯辭雙玉盞夜歸何怕執

金吾三秋擬見仙，鳬到萬里能忘此夕娛。

小山中爲燕泉何公賦

燕泉公製小山，中文采風流，稱醉身覽鏡，莫悲雙鬢。
雪簪花還學少年人，晴峯十二雲物飲，晚岫參差月。
自親來許掛冠，先隱去終須漉酒，見天真。

賀衛陽王堂成

堂外松栢千樹，林堂中圖史百花深，碧窓盡入煙霞。
氣盡棟晴移日月，陰賦畫相如，親授簡詠風采玉獨。
披襟恍聞試看，群星動拱極還同萬里心。

寄壽景翁

景翁行年七十，強碧眼朱顏，鬢未霜，門前獨種長生。
草海上誰傳却老方，把酒花園留故舊，濯纓春水對。
驚鶩荷衣竹杖空，尋夢宋苑梁臺幾斷腸。

送時亮上陵

仙郎走馬出燕臺，漢履遙遙入望來，龍虎山從天上。
落鳳凰原自日邊迴，衣冠劍舄千秋事，銀海金鳬百。
代良月夜祭回，鼓動可能無賦獻蓬萊。

十二月二日送大呂之餘姚

郎官霄漢早離群，雪騎冰尊遠送君，勾踐湖山先入。
賦謝家兄弟，總能文，花城暫下仙人馬，琴閣能忘漢。
閣雲馳馬北臺知，有侍雁書東越好相聞。

登慈仁寺閣和大復

雪閣岩荒，雄帝幾登臨，番恨賞心遠，蓬萊春色浮沙。
動滄海潮聲入寺微，漢殿班行難，厠迹梁園骨肉更。
沾衣多情獨頻，羊何筆日日招尋，醉夕暉。

送淮府何典儀

送君渡江，江水春岸花洲，鴈護相親，帆停楚樹思燕。

樹槎上南辰，望北辰，何遜守風，颺麗藻，梁王遊雪重。
詞臣朱宮碧殿，應無事，五老匡廬侍宴頻。

輓以道

風沉詞米，溪相如，消渴文園，嘆索居，碁局屢陪春車。
宴珮環時過省，卽廬真，冥冥尾，青宵去寂寂，泉臺永。
夜虛聞笛，未成思舊賦，檢囊或有茂陵書。

除夕解朝呈京中諸友

今歲今冬爲大夫，謾于塵土嘆窮途，爐薰遙想朝元。
殿斧鉞，卽隨判史符，春渡溪川，壽李白，醉登峴首望。

神都年華又逐風蓬換漂泊能忘故舊娛

五言排律六首

秋夜感懷

蕭瑟秋風起淒涼夜漏長繁星明錦樹絡緯響銀床
對月懷兄姊登樓望故鄉薜蘿頻入夢岐路欲沾裳
牢落千秋鑑蕭條十漸章昨聞清劍閣稍喜定湖襄
北漢軍虜急西涼虜勢張旌旄千太白將帥出明光
曉戰刀迴月宵征戟帶霜三軍歌出塞萬馬飽騰驤
死骨橫沙白愁雲繞陣黃鴈門思李牧河朔哭汾陽

秦凱空回首錫銘可斷腸自慚疎豹畧終恐玷鵷行
何日風塵靜令人喜氣揚思來抽白羽直欲射天狼

京中雨電十四韻

玄歲純陽月壬朝雨電來喧飈鳴卵擊颶昏水晶迴
日月昏疑吐雲雷鬱不開黃沙番助虐白霧却為媒
密灑張華宅偏依郭隗臺珠圓浮碧澗玉頸占蒼苔
雙關水光繞千門厲氣催風撞寒淄淄塔積白皚皚
巢鳥難全翅淵鱗漫暴頭獨驚牛馬死轉眼麥苗摧
天變元垂愛皇仁重閔災諫垣有獻納田父莫悲哀

禹鐸懸求道虞絃奏阜財嗟予無寸補終夕望三台

禁中望南城感述十八韻

北闕崑崙外南城日月邊金鋪靜碧草寶籙噴秋煙
離苑鉤陳接靈臺紫極連波晴喧水鶴沙晚聒寒蟬
玉殿雲霞迥銀宮雨露偏樓空祇蛛網院僻日苔錢
憶昔英皇入遙巡朔漢旋熊羆嚴宿衛圖史輟經筵
高閣悲今雨臨朝憶往年九淵龍暫蟄一夕鳳孤鶩
羽扇重開日丹符再握乾衣冠識舊主餐祀吞皇天
轍跡周王悔輪臺漢武賢于忠尋見白石惡竟難旋

想像先朝事蒼茫淒然哀緣侈乃至僉與泰相沿
伊訓千王鏡周官百代編今王欽典則令德合光前

大雨二十六韻

白雨橫江至蒼龍闕霧行午時猶浙澁日夕大呼嘯
雷圻崑崙壁雲翻翡翠城開牕延海氣伏枕聽潮聲
巫峽來神女昆明動石鯨電迴番迅疾風擊轉縱橫
碧沒臨池篠紅殘落地英金臺失突兀玉澗響砧砧
灑晴珍珠入垂簷瀑布傾宮林愁嘆鶴花樹泣秋鶯
海溢鼉鼉出山高虎豹爭九衢堪校地小院欲得盟

縱有高軒過，安能倒屣迎。虹霓看不見，沮洳若為情。
底事鵲鴝喜，空餘燕雀驚。燈照環堵移，石墮前楹。
悵望遙天色，如聞萬馬鳴。孟停鄉思切，屋漏秋聲并。
嵯峨幾先覺，商羊識已萌。側思百神意，欲洗八方兵。
莫道沉征鼓，終虞濕漢旌。春曹須禱祀，京兆重屏營。
紀異春秋筆，求言聖主明。河街防貢道，田潦惜秋成。
縹緲隣人哭，蕭條句服耕。長安有貧士，翹首望閭晴。

詠鴛鴦菊

異哉驚初見，仙根何地移。迴飈香不斷，停雨藍逾滋。

未入陶潛徑，先傾習氏池。鵲鴝疑羽翮，雙立辨雄雌。
對瓦如求侶，臨梁似有思。清霜正搖落，碧霧轉藏疑。
翔雁遙偷眼，秋鶯密趁枝。却愁群卉妬，上客慎扶持。

秋風

華月繞軒窗，青蘋忽放颿。故尋鈴閣下，先到羽衣邊。
八月潮聲轉，三春花信傳。過林無穩葉，近水有驚漣。
急為吹清角，迴緣唱麗娟。雄雉宋玉賦，九萬子休篇。
旅夕燈頭亂，高樓帽敝偏。不愁雲蔽日，早晚散還天。

五言絕句十六首

笛

華月上高城，誰家玉笛清。落梅今夜恨，折柳故園情。

晚出左掖即事五首

海象御花出，宮禽帶月迴。今朝底事冷，霜滿鳳凰臺。

二

曠色低闌閣，秋光暗瑣闌。花邊詞客過，雲裏侍臣歸。

三

山日沉金殿，香雲散玉爐。花留晚蝶宮，樹宿寒鳥。

四

青瓊秋雲合，金闕畫漏殘。誰家吹玉笛，落葉滿長安。

五

歸晚旅帷靜，官閒人事疎。羗飛南去雁，日斷北來書。

朔風

朔風翻地軸，河水漲三尺。擁爐猶苦寒，悲哉遠行客。

春夢

春館春夢長，夢魂入渺茫。合眼見故友，開眼非故鄉。

落花曲二首

辭樹渾無主，隨風可自由。故傍歌聲舞，尋歌舞樓。

二

江城十里路頗恨百花飛如何到團圓猶未覺紅稀
上巳郊興四首

二

近山無俗駕到寺即間身花咲如迎客鶯啼似送春

三

閒登翠微上煙蘿十萬叢誰知騎馬客翻羨釣魚翁

四

在家逢上已看花不知迴飛觴白雲寺歇馬梁王臺

落日黃雲裏春風碧水邊忽聞鳴雁過却擬是秋天

白石港二首

迢迢白石港洄瀾碧雲間恐遇蛟龍出攀藤急過山

二

石壁倚天孤松風晝夜呼亂藤迷去路植杖間樵夫

七言絕句十五首

禁中即事

蒼龍殿邊春日曛白虎觀前花氤氳迴風送釣天曲

萬歲君王在五雲

燕泉送淮南子戲贈二絕

西漢文章氣渾淪搏龍攫虎並先秦風庭間覽羣生
月信是淮王衍有神

二

燕泉十五賦凌雲三十年来多異聞尊前聊贈淮南
子囊裏猶藏趙甲文燕泉紅趙甲不借故云

登第後戲寄汴州故人用杜牧體

長安放榜曉雲寒夾道晴花照繡鞍十年螢雪綠何
事贏得燕姬帶笑看

鴈

木落天空霜氣清洞庭一去羽毛輕故鄉幾月無來
使好寄平安到汴城

幾箇雲邊入渺茫五更嘹唳斷人腸無端醒唳陳皇
后花落長門淚萬行

西山歸途雜詠八首

盧師山上古龍潭大青小青秋霧含坐駭陰雲生岸

口細看微雨過湖南小龍小青龍名

二

居庸險坻斗牛間北虜千秋隔漢關
聞說二師新報捷戰雲猶繞萬重山

三

諸皇陵寢碧山園玉殿黃昏鳥雀啼
極目秦園秋草色淒然雙淚欲沾衣

四

雲陰叢裏黑龍灣瑤草丹崖不可攀
越客謾誇天姥勝漁陽還有大房山

五

錦繡西山日月邊五雲繚繞接幽燕
花當萸萸驛曉琅玕力天府還開百萬年

六

燕姬少小愛西湖畫轎如雲出上都
寺口醉歸明月夕踏歌遙度碧山隅

七

章宗避暑玉泉山宮女傳驚向此間
昔日翠華歌舞地于今猶見五雲還

五馬渾河秋日錄萬重石岸斷人家
霜高水落魚龍去但見悲風起白沙

雜著八首

答田山人書

景氏來京得吾子手札并近日著作
稽首感受劉中謂僕詩體裁流麗聲色
並存僕豈有是哉乃過與如是又謂僕
再加雄渾參差優入古人之域誠告切
直無非欲共振大雅此與世俗小兒互
相誇好者萬萬不侔有友如是何幸何
幸僕得劉覽畢已入筭而復

啓者十餘度深服精鑒邇來旅邸多閒
日得從事觚翰鍾磔有言使窮賤易安
幽居靡悶莫高于詩羈縻之餘竊有所
見敢為君子陳焉人有恒言詩莫盛于
唐僕意唐但盛歌行近體耳五言古體
其衰於唐乎何以知其然也夫有唐好
古之士自陳拾遺後莫若李杜李白古
風五十九篇首憫大雅不作岷然有復
古之志中間若衆星羅秋旻宮柳黃金
枝賣珠輕薄兒古遜或不類是杜甫五
言古詩高者莫若前後出塞潼關新安
石壕諸吏新婚垂老無家諸別及自秦

州如同谷紀行諸作詳音審調或與古亦有間焉僕不自忖度竊欲五言古詩必則漢唐魏晉人歌行近體必則李杜而更以初唐盛唐諸公參之自中唐以下無論也雖今茫無所得自信頃固即論初唐富麗有若四傑綺錯有若上官儀俊思有若李嶠氣詞瞻茂有若杜必簡有若喬知之有若沈佺期有若宋之問有若劉庭芝盛唐諸公若孟襄陽之清遠王江寧之俊逸高常侍之氣骨儲御史之超灑王右丞之景象岑嘉州之奇俊它若李頎崔顥賈至常建之徒皆歸

然可則專則李杜而盡棄諸公僕不敢以為然試觀李杜二公之作未嘗不兼則古人李白酷愛鮑謝諸公杜甫亦以陰鏗庾信徐陵稱之李昌嘗專于一乎杜甫刻意則古者也若城西坡泛舟之作則之間也和嚴公軍城早秋則四傑也體無常師餘難殫述是故君子之為詩也正軌以慎其途旁求以參其變氣格維渾為主盟詞彩葱蘢為之佐輔有氣格乏詞彩則疎鹵雖觀有詞彩乏氣格則靡纖可厭今有嶧陽之桐宜琴宜瑟弗和髹漆則不可以鼓公輸子之

為宮室也梁棟簷椽楹桷桶備具無丹青黼黻則不足壯明堂清廟之觀閭閻白台天下之美婦人也便奪其襜褕加瑱瑱珥膏沐之飾則倚旋綽約損故曰山無樹林泰華夫勝天無霞霽陰陽不神故氣格宜先而詞彩即次之矣吾子以聲色並存與僕僕何敢當哉若曰雄渾參差尚願竭智畢力請事斯語又未知力量何如寄來看作律調逼古京之才士傳覽焉幸再遺數篇為我銅鏡人行多遽走筆不盡欲言惟並判是非尋便寄示為慰荀卿曰木受繩則直金就礪

則利望吾子投苦口之藥療不治之病大雅一振麗澤有光僕願直願利者也吾子其繩礪之正德乙亥年閏四月十五日寓京友人李濂拜

贈王子

紂氏王子尹休寧或曰王子溫矣嵩者子往見而解之曰子以休寧述乎曰非也子簿休寧健訟乎曰非也一懼南北不習風土乎曰非也然則何溫也曰吾方戮力于學求厥靜弗違厥功今恐尹之弗及學也曰往哉學必進矣休寧古稱佳地東有松蘿石壁之

幽西有稍雲白嶽虎解之勝南有仙遊北有雲即遊于茲心目豁然學必進矣惟學有師師無求遠憶昔官于茲者有若伏元耀之惠任昉之簡呂大防之嚴鞠嗣復之果唐子華之廉是五賢者皆可師廉以基之惠以先之嚴以維之簡以御之果以裁之是故廉則令行惠則民懷嚴則吏畏簡則事理果則政成子如是焉生則休寧頌之沒則休寧祠之學之用莫大焉夫何憂乎邂逅何難乎健訟何懼乎南北不習風土王子曰聞昌言敢笑不請事

讀漢酷吏傳

秦尚水德以大為紀故事皆決于法刻削戾深母仁恩和義以合水德之教漢興破觚為圓斷雕為朴頌尚寬厚矣景皇帝時晁錯始開嚴酷之源其後乃有郅都甯成周陽由趙禹張湯義縱王溫舒楊僕滅宣杜周深文巧法磔族不瞬目同世之人不幸遽厄已夫郅都能回天子救姬之舉威震匈奴射偶策中張湯廉直死後囊金不過五百皆所得俸賜者後世雖其人焉假令數子齊嚴以恕臨獄以情不亦美哉

乎秦二世亡錯戮死數子皆鮮克有後詩曰殷鑒不遠在夏后之世為今之吏者哉

潘節婦傳

余聞建平之河東有忠義里先是宋喪時官軍過河里人具牛酒迎犒軍於是督軍者題其坊曰忠義里云忠義里有潘節婦余同年友人潘潤叔母也姓應氏年二十適潘公奕三十一生一女子二十四而公卒姑聞其少也命之嫁應氏泣曰再嫁非媛行也吾寧死也無為辱吾儒門潘也姑曰汝無兒焉守曰

有兒而守無兒而嫁茲何理耶吾自矢矣姑再三曰富而守節易如窮何曰姑紡織績可以裳衣摘蔬拾薇可以自給吾窮吾井焉居頃之其母亦嫗媛如姑言應氏仰天拊膺曰天乎天地廣大豈不能容吾身必欲使我不屬鷺若也母大慚於是再不復議嫁事矣應氏事姑孝姑死哭幾死不有故不出閭閻里婦人罕識其面者今九十一歲矣雙瞳炯然步履弗曳杖天之報予善人如是哉

嵩渚子曰余讀左氏傳見息鳩適楚不言未嘗不平

其忘大矜小也嗟乎鳩息侯之夫人也楚子滅息鮑
鳩生二子猶不言謂恥事二夫也夫不言細節也事
二夫鴻罪也既事二夫何忌乎不言諺曰楚屋破垣
美其留椽昧大小也左氏書之乃不示貶戒何哉節
婦執義磐固垂七十年可謂難矣可以垂勸矣

案垢序

案垢者燕泉先生雜著之一也先生十一二時以奇
穎聞十九竟舉子業乃大肆力於諸經史隨厥所得
即筆之或指物論變化或引古因革談時宜或破妄

以紆疑或羅糾以發難或闡幽以揚美或剔謫以伐
惡其評品古昔人大要摘小取大畧跡探心而言詩
古文者雖皆見焉凡八卷合若干條大梁李濂覽而
嘆之曰博哉先生之學不可以不傳也剡變析化天
道明矣慮時議治政務見矣疑難述而知新格矣美
惡辨而勸懲昭矣小大心跡分而取舍當矣宜從傳
哉是故不可以不傳也

贈范汝和序

嗟乎士之卑乎吾通而惡塞重京而厭郡邑重之者

以簡以逸厭之者以劇以勞尚簡樂逸避劇辭勞屬
情也君子亦若是乎吾聞君子之仕也有三責一曰
推歸二曰志宣三曰澤流今夫一令闔邑之事隸焉
丞尉贊畫吏胥奉行拱如神明聽如雷震非推歸乎
諺曰被褐讀書束帶行書昔蓄今淺不徒讀矣非志
宣乎天下之事公卿不能行于國而令能行于邑宵得
良莠旦斯發令一節貴而民紆財一省繕而紆民力
非澤流乎君子之仕也貴此三者簡劇逸勞非所計
也故職無崇卑圖報是期官無內外行道為責使人

皆秉車誰為御夫人皆食魚誰理庖厨人皆簡逸誰
當勞劇是故君子官不擇其位范君汝和出令貴溪
余喜其權歸志宣澤流也往賀之曰簡劇逸勞知君
必不計曰雖然子何以贈我曰往見君試政通州儲
察吏嘉君果後卒憐君嚴納戶頌君便民以是治邑
邑治矣余又何言

送長史毛公序

夫鍾完而後鳴遠德厚而後化物故我當始可以明
人我正始可以格人是故君子之于天下德有所不

刑化有所不數必反求諸己夫挽物者莫如風趨下者莫如水風積不厚弗能遠萬量水積不深弗能駛千里故人之蓄德何以異于是長史毛公積學而德厚者也先事韓王以服婦起服拜涇王右長史吾竊見必能成王之德也何則察心于言占來於往公教祥符則興士於梁再教郛城則變齊之俗再教三氏及西安則揚道于魯于秦適為韓長史也而王無恙為國無龐政易曰鶴鳴在陰其子和之我有好爵吾與爾縻之蓋有德而人自應之也公自韓還涇職不

改昔移所以事韓者以事涇傳之道茂加焉矣夫宦刺者專力于政宦簡者推力于學政以濟時學以傳遠夫濟時者有限之澤也傳遠者不朽之事也董賈之在當時皆為王傳當時之人皆惜其在外也然後世稱經術者曰董仲舒稱治體者曰賈誼漢室珥貂之公卿莫與也此顧可以內外崇卑論哉公輔王而事簡好文而老不倦德蘊形于著述其傳遠心矣夫

五子冊序

劉子舜卿年三十餘有五子五子皆奇穎劉子教于嬰孺稍長者翩翩然文矣諸友喜其多且賢也皆賦詩以贈巴子惟哲為大梁李濂為叙叙曰甚矣子道之重也緒桃以昭遠代親以成終故有子難也則多乎多難也則賢乎夫多出于天賢由于父其在隆古時高陽氏高辛氏皆有才子八人通聖明神不可尚也在漢有石奮氏荀淑氏宋有竇氏韓氏聲名萃于一門亦絕代僅見抑何自邪蓋所以防之者嚴而教之者周也夫防在僻後時而防焉無及已教在正後

時而教焉無及已故教者愛之極也時者教之機也防之於初以閑其習教之於素以漸其性故曰蒙以養正聖功也夫鸛鵲能言鳥也使雛而育之於籠水食啟聞以時休之則日久而言逾真夫教不可無而尤貴于豫如此夫巴子曰美哉言矣劉子識之



觀政集一卷

浙江范懋柱家天一閣藏本

明李濂撰濂是集乃其正德乙亥在京觀政時所作故以爲名凡賦二篇各體詩二百五十四首稊著八篇考濂爲正德甲戌進士乙亥爲登第之年猶少作也

人瑞翁詩集五卷

〔明〕林春澤撰

福建省圖書館藏清鈔本

附《四庫全書總目·人瑞翁集

一卷》提要

庫別集類存目林春澤字德敷侯官人正德
甲戌進士官至~~中~~^禮香府知府年百有四歲有司為
建人瑞坊以人瑞翁名其集未見傳本春澤少與
鄭善夫游互相切磋故其詩有体裁惟存目作一卷
同抄本有作五卷及十二卷者以係五卷本者鄉者
旧詩文集近歲零落殆盡則此書祇可寶貴子孫
其永守哉

人瑞翁詩集卷之一

閨中百四歲翁旂峯



男 應亮 錄

後學王湛陳鳴鶴校

五言古詩

春日出郭

行於東郭門協風盪晴渚流觀聘羈靜想悅情懷
窮陰渺夕潛滂陽諸朝照叢條動初苞文禽舒委羽
玄化嘿旋移形運 曰五往懷共時俱未慮却長

明德快沈淪風期夙欽慕抱璞徒 哀操絃莫鍾過
徘徊聊寫襟陽春藹遲暮

山行

山行遞盤迴崖側阮幽迤日暮春氣柔雲宿谷聲應
叢蔭搖輕烟澄潭炯光瑩迤々吳楚墟峰岫互掩映
雖云遠行邁猶足寄清興所嗟形役場流无不可競
神理信難名貞元根所 欽此聖哲心猶與天壤並

別陶醒老

景物暢和朱繁條耀陽春念爾方外交鼓柝下修水

豫章行

修水嶽以濛湯湯注彭蠡憶陟雙鍾崖薄言采桐子
抗志雲霞端婉孌諧知己夙契良有因遐取嗣延軌
微言滌靈襟寫悵析玄理華池漱瓊漿陽鳥升海底
感此塵莽中豁然為予起玄圃蒼崖巔言接廣成子

送張頤齋入覲三首

汎舟渡彭蠡遵路洪崖津朱光煦炎暑彤役多苦辛
撫心良不愜仰懷古之人梅生就小 邈然雲霞身
翩翩徐孺子高榻不受塵清風激震宇流灑西江濱
因之增慷慨朱絃鳴鬱湮

其二

文江發桂棹寒淥颺天風天風清且迅聲入蓬萊宮
渤海無佩纘賴川鳳來雖遙遙叔世下邈然稱文翁
虞廷式敷奏去矣念匪躬

其三

匪躬念勤劬虔吉夙凋瘵寒谷响春溫三稔勞寤寐
旒倪挽熊幡眷爾棠陰庇去期不可留歸期那可遲
霄漢揚休光矯首重延歧

延跋如奈何私心戚如揭閱紀數弟兄睽違何草草
日余溝沉迷密光照襟抱伯樂不相遭飛黃辱泥阜
願躡凌風蹤努力馳清道

出永新溪上

吏道生拘攣暫息覺恬曠出郭臨清渠遵流濟輕舫
懸崖激奔湍激石促文浪迴巒隨捷移玄穹灑襟蕩
我本麋鹿群性適任疎放矧茲彌堪與色想俱幻妄
何當一振衣千仞崇岡上

龍泉公宇

遠征費登頓曠懷舒屏營迴谿分楚碧層嶠來粵青
梧櫓翳千章菑畬散四垌值茲陽景煦暫緣俗駕停
端居輟簿領展玩流階庭神理愜心悟寧嗟梗與萍

送蔣菊巖之賓州二首

迴飈動川渚將予城之隅日南渺萬里懺懺晨長徂
茲山無猛虎楚歌懽以飲曷不廣終惠賢勞獨馳驅
不見銅柱標穹然照寰區

其二

念我忽不樂感念增拊膺昔聚秋節老今別仍商清

昔聚多懽愛今別思悽伶涼沉竟難述去住重要情
行哉葆嘉祉延好來音聲

宿洵金驛聖陳子虛不至二首

江亭今夜宿不見郢中吟靡蕪滿江綠秋浦暮雲沉
商絃忽自奏誰憐山水音起坐望牛斗悠然傷我心

其二

零落楚江客夜宿楚江邊所懽遲不至嘆息空淒然
千秋尋大雅至音誰與宣商飈起林木獨誦瑤葉篇

尹任之劉君亮出山相追信宿而別

青陽照晨景黃鳥集兩枝蠡茲求友聲宛轉交相怡
伊余寡偶世偃蹇多支離所懽有同調異骸而合脾
感子遵道軌端行良靡夷游神孔曾轍皎皎不可緇
伯牙奏希聲余亦慕子期春山邇遙遙百里行相追
萬壑混源泚千崖爭媚滋陽光溢流眇神理愜心知
空山語信宿縷縷難為辭願言崇令德行行勿復疑

金溪觀

金馬潭北水源自出羽
土居之時暮游東嶺

金馬出溪潭真源隱臺觀百怪集龍宮夜光映霄漢
仙樂從天來鹿車繞山半何妨秉燭游蓬壺結侶伴

詠鶴

客從遠方來遺我一編鶴置之芳臺前矯矯青田魄
羽毛雖闌珊風格自超連圓吭仰亦霄清聲邈寥廓
抗翅興微風有海雲來薄平生萬里心知汝不受縛
無乃蒙譴尤樊籠暫縻絡鵬鵬豈不偉垂天俟羊角
鳳兮德之哀四海亦飄泊為汝養脩翎夷猶翔廣漠

詠琴

昔我步東華悲息嘉樹林欵逢羽衣叟縞帶瑤華簪
云從羨門子求自崑崙陰殷勤相促膝贈我綠綺琴
下盤龜紋殺上結牛毛森揮絃聊以奏颯然太古音
雙清動寥泬流行雲停遠岑長揖謝羽叟報以瓊瑤琛
攜歸重愛惜清夜霜鍾吟眷我幽鬱懷豁然開素襟

松風圖

吾慕陶弘景守雌山之中遺禁狹宰相抗志游羲農
洞視寰宇曠邈無纏其曾鬱彼撐巖松颯然來天風
天風拂松枝太音下崆峒脩脩釣天樂冥象不可窮
頽然卧其下枕石據絳桐風聲靜入耳神君與之通
北里誰笙等五陵喧歌鍾繁聲豈不煩覆轍尋追縱

山中有真樂永言諧無終

養素軒

昔人悲素絲素絲易度移蒼黃幻薄繪綺繡媚華滋
自非抱真朴疇能澹不緇睠彼新安逸邈然山水姿
矯首事園綺抗顏輕鼎彝清泉足自潔白谷良守雌
靜言塵網內輪缺多險巇素心願自葆勿使猿鶴疑

門有車馬客行贈楊邦任

門有車馬客肅衣登秋堂欵接承芳訊委蛇動容光
知重如故懽親迷相忘伊余負夙心歲晚多謬荒
樛材棄郭匠哀鳳謫楚狂遠蒙勤眷念曷以荅相望
叔世競浮藻逝時紛濫觴明德未湮沒真源自靈長
靜言名教樂想像游虞唐多寂若日鑿多岐泣亡羊
願驂同津軌混沌歸翱翔

歐陽六一

侯侯歐陽子秀葉龍陵區炳文振五季凌厲當前驅
昌黎迥山斗異代名與俱皇皇嘉祐間多士翔天衢
正推歛華蔚古轍猶蔓蕪典謨千載邈令人長抱吁

胡澹庵

宋轍悲南航北風不可競遺情靖康年淚下如泉迸
倚枕肆元亮倒持太阿柄壯哉澹庵子辟立過千仞
一疏抗危言白日寒光快遙遙新州行幽聲起我敬

文文山

文山百世豪超駕龍鳳舞大廈已垂傾獨支心逾苦
胡塵昧南天腥膻魴原土厓海不旋鑾燕微竟囚虜
柴市一從容丹心烜千古正氣凝兩間三光動寰宇

羅一峰

南服有佳士矯矯龍頭驤扶英揚大庭吐詞動宸光
雅志輕千祿奮身植天綱一鳴遠見斤棄置無諸荒
歸來慕鄒魯藎藎亦翺翔迢迢金牛洞中有荃蕙芳
節彼一峰高秀色凌蒼蒼

百歲全節為曾字周太母郭賦

娜娜青蘿絲附生南澗松松枯節不朽蘿蔓紫窮冬
貞婦去所艱百齡亦寡逢百齡保完節鐵石誓初終
悠悠食檠心可以明蒼穹

雲山書屋

楚山鬱蒼我丹崖積飛瀑無乃神物鑄有滄雲來覆

山中考槃人雲構守幽獨一卷庖羲書函之以素櫛
旦暮雲與游端居辰書讀神交太古前雲深葆芳躅

西塘雜詩

碩人事考槃灌園願素心雖有黼裳榮何如蔥蒨深
芳華綉錯畛列樹數丹林老圃宜寂寞遙遙托遺音
解遺音思綿邈陽晷逝載馳追此日未夕西麓含媚
姿委折羊裘迤市塵不可緇款款延三益續歌白雲
詞解白雲飛央央迴影汎波瀾臨淵俯跡澌澌梁展
沅沅梁虛停雲游淵泚漱石璨逝者乃如斯川上感
三嘆解三嘆仍徘徊素月出東壁傲傲濯芳池漣漪
晶含碧夜氣冽以清上下寒相射神理誰與言冥心
于玄宅解玄宅良自守美人事潔脩剪彼層臺蕪蒔
此猗蘭幽翠條揚素英清馥隨風流采采自愛惜無
令傷凜秋解凜秋嗟履霜日夕天氣肅焜華凋無餘
森彼瀟湘玉詰朝雲雨深飄灑擎寒綠寄爾歲寒姿
懷妹媚幽獨解

吟風弄月臺

南庾有崇臺

程大中為南安司理建二程從
指周濂溪令府台建臺扁云
表荒陬員儀布風月遐躅耿前修

瀟洛吳吳餘 霽咏以游豁然百去心上以揖危丘
蹇余風迷落塵滓抱隱憂行邁尉佗墮陟止瞻臺周
瞻茲風月夕展側心悠悠

蒼梧行

我行蒼梧野湘水逝以東湘水東赴海蒼梧宿玄宮
重華~~姁~~絲邈慨想虞廷風紫鳳協韶舞揖讓忘時雍
南巡曷徂脩四海吾為公蒼梧暮雲薄九疑睽閼宮
猶道湘竹淚遠意無時終

李東渠中丞一壺亭

東渠請成南粵構亭都
外曰一壺時游覽焉

出自郭北門修渚翳嘉林白茅夾青篠~~蕭~~蕭交繁陰
中有岵翁喬潛元寄陸沉良晨展芳訊陽谷愜幽尋
菴盎壺中春眷余披素襟促膝聽微論撫絃而哀音
伊昔蒞西陸羗戎遁霜鐔白日忽遺照棄置南海濤
棄置勿復道履坦君子心居夷孔靡陋蒙難文所欽
緬惟聖哲軌悠憇無古今

首春登昇真岡

青陽發東軌朱甍燦嘉林出眇西學岡悠然豁我心
涉江梯崖岑叢篠翳繁陰雲嶂古臺無戲吁悵幽尋

茂名遁世叟 迹邈以沉飛昇竟何處石船艤彼潯
而我游玄漢晨景逝駸駸越鳥有修翮南枝嗟滯淫

題星巖歸詠卷

南有考槃者少嬰丘壑心朝靄珠海湄夕憩頂湖陰
下盼端水隩懸象昭良岑斗魁錯列峙搖光動巖欽
中有太古洞窈窕雲霞深舊惟觀遐晤爽致愜幽尋
諧茲靜者樂真想初在襟不見五陵豪車裘藏禍淫
伊誰稱八達麴蘖哀酣沉願結風雱者瑤瑟嗣希音

送張年浦方伯之滇二首

翩翩鴻與燕胡南無常游物性靡有適時化迭隔流
緬昔奉光儀馳景二十秋垂翎仰鸞翔雲泥異沉浮
何意圖南表俯捷藩籬迴零露彼南粵餘波濫關州
婉孌痛乖折日南天阻脩悠悠歲暮心曷以慰我憂

其二

星水淙春波晴暉麗芳芷遠此春華敷采采遺君子
居子何所之昆明在萬里紫微周曜象迢迢微蒙記
盛年崇令名台階不踰咫四岳登虞廷黃輿還至理
行矣~~神~~風期永言保嘉祉

贈林覺非

丈人薄海濱，頽齡抱區區。美芹夙在念，餘光藉桑榆。
遠征事燕薊，謁帝承明廬。昌言一抗疏，希聲振天衢。
但得裨名教，吾何愛髮膚。魯連不受賞，願作山澤歸。
來從黃綺紫芝歌，以娛。

游歸宗君

乘雲陟崇嶠，戀此巖壑姿。丹梯駕懸瀑，青林鬱蘿絲。
石門側容武，谷氣噓涼颼。乍喜互意態，偃仰各效奇。
高首龍鳳翔，下者犀象馳。窮攀絃軒舉，高嘯凌嶽巖。

玄靈一勾滌，煩脾乃知塵。瀾問咄咄良可悲。

灵源本無垢，至人多形遺。吾將會玄漠，泰清以為期。

茅山棲霞庵

大化嘘至清，流霞注丹液。陽谷媚灵光，精華濃款滴。
矧茲神仙窟，真氣上相直。中有茅君徒，潛元寄遐迹。
凌晨漱陽津，華渚鍊玄汁。冥棲出靈芽，從茲可不粒。
神仙亦遺形，蟬蛻塵寰迹。看雨從三茅峰頭生，羽翼

陽桃川席上

女蘿有深蔓，鬱鬱含冬滋。今晨高堂上，春日方載遲。

游子意，戀戀慈母懷。依依別茲受，天眷餘景有追期。
驚車麗溫薄，燕賀流新詞。奉觴曷不樂，盤盤娛以嬉。
上以報明主，明明萬壽基。

贈周受菴

海若蕩四窮，淵泓不自溢。百川委而東，容納殊無迹。
云何秋水彌，詡詡誇河伯。所以唐子心，至莊以為宅。
大受本中虛，戒盈良多益。眷眷廣運中，建瓴越織績。
萬有潛希聲，心齋澹無射。曠言永懷妹，德音崇淵莫。
西疇贈張大行乃翁。

撫

婁川望望水，泰所翳翳茅茨宅。依依榆柳烟。

索居避輪鞅，畢志在園田。墟曲數來往，相見道豐年。
豈乏濟時畧，質任良自然。高鳥熟樊林，游魚趣深淵。
委順以乘化，日夕高枕眠。所願既易足，而況阿子賢。
青雲有付托，儀羽已脩薦。悠悠西疇上，清風今晏然。

壽劉太宜人

協風暢晴昊，萬有揚光熙。詰旦辰望舒，暮春淑景遲。
天庑煥綸藻，容臺昭羽儀。皇覽揆初辰，綵帔光陸離。
迓茲鸞章賁，眷爾烏鳥私。慈顏悅遲暮，含昔罹艱危。

遺直甘投竄苦心從孤發倚門懷忠志能九長夜思
今晨被寵擢曷以不樂為最哉忠與孝永怡黃髮期

贈王錦衣

玄蟬吸露葉曉光如月揮鵲為亦云驚腐鼠甘自肥
清濁各有適智愚亦殊歸王叟執金吾朱輪耀錦衣
昔年王水部抗節干 皇威錦衣仗鉞行號口脫幾
危忠信我所將千金爾胡為千金抵一芥忠信寧可
虧清風薄寰宇百祀看巍巍

袁拙叟

松 明自藝鳥以慧自籠翅翅聘機者伊時能令終
守雄寶聘訓如愚契聖衷至人豈不神默然居其蒙
素叟亦拙者下憫末世風潛身不自銜詎識非其工
吁嗟太樸散吾將誰適從風清天下拙始肯濂溪翁
王司徒夫人何氏挽詞

周南在已遠采蘋風斯遺中華秀貞淑蘭畹生金芝
司徒昔絕絃驚膠續水絲朱顏理清曲鼓琴所唱隨
王事有行役朔南慎驅馳但令碑社稷苦辛焉敢辭
蒸嘗永追慕菽水甘如飴膝前長兒女食稻周寒飢

妾自守糟糠願君為臯夔仙娥本天質塵魄難久磨
願託素月輝永照君襟期

出守程番別金陵同志

自哂立樊姿忝冠裳列疎頑中遭謫遠道驚蹙躓
嶺海蒙烟塵星霜倏更迭荷 恩賜環來得騁舊京
轍清都流大觀良朋雅脩潔聊以息顛隳忍復乖
別萬里下夷荒一麾慙薄劣豈為擇地謀春此臨岐
切去去任吾生無令中腸熱

貴陽公修承促就道

倦翮趁舊林潛鱗戀故洲駕言還我里愛此故廬便
聽松據石榻觀稼行山田鳥雀喧晨曙雞豚啼夕烟
自春已徂暑混俗俱忘年吏役遠方來長跪階庭前
忽致臺府檄始覺纓組纏微官不速化鸞鶴仍遠遯
將柯荒徼外長途道里偏中夜獨嘆息虛薄生憂煎
沙漠不屈武西域亦勞騫伊彼何人斯受命無違憊
最哉以礪鈍秉節當自堅

建昌喜雨贈王石梁使君

客行南豐道憂心忽如擣大雲熾夫熾黃埃漫枯草

不雨已三旬，旁邊走村老。暮抵江津，倚樓豁懷抱。
疾風自東來，迅雷動穹昊。飛雨如翻河，欽然起枯槁。
乃知王使君，夜怨桑林禱。詰旦走相携，開尊為傾倒。
十載費勤劬，夙心慕蒞藻。今晨復遠征，相逢恨不蚤。
贈子江蘭紉，永結以為好。

尹少參念祖堂

猗蘭托灵根，蟠秀湘川湧。灵根渥以培，芬華播清馥。
緬昔貽孫謀，君子遺有穀。蒼茲振徽音，無忝乃祖服。
莫遐荒，餘輝耿旁燭。引領故山椒，青葱蔭松竹。

雲深遺經昔所讀，阿翁手澤存苦心。良可抱
嘗以延幽馨，心以長自勗。願言垂遠猷，斯堂永不辱。

觀稼

仲夏日載長，時雨亦既足。農人藝四郊，蒼翠澤泥濘。
餉婦息榆陰，牧兒戲犍犢。沃壤泛膏水，露苗長新綠。
我時行其野，登高騁遠矚。念此故壘荒，頗有太古俗。
比屋事耰耨，耕茅茨存沕穆。翠落千山濃，影倒一川綠。
窮目適休暇，撫景豁心曲。緬惟無逸懷，願展百年祝。
擊壤不聞詞，遺音誰興續。

貴陽貢院初夕

金天淨寥廓，晴光亘埏垓。奎宿麗東辰，風聲肅中臺。
荒服濡化久，詞場肇茲開。明霞爛星象，皎月流庭階。
鴻連丁清秋，鵲薦收羣才。天祿臨太乙，青藜自天來。
今夕展良晤，虛堂絕纖埃。秉心觀人文，雲漢高昭回。

野田黃雀行

野田禾黍熟，黃雀鳴啁啾。農人鉅禾黍，嬖子嗜悠悠。
歲時力作苦，今晨逢有秋。東家聚園廩，西隣駛馬牛。
蒼穹仁雨暢，無愆尤。蒸豚報田祖，村醪招我疇。

二 猛虎窟下無毒蛇，秋輸租入城府。山行何

山行

山行多險巇，執轡慎驅馳。七盤駭峻阪，九折臨崩坻。
矧此駕馬安，側足望修途。局步不可展，遙遙復臨危。
蛟螭噴毒霧，魍魎潛相窺。雖秉忠信心，塞修誰為辭。
履險知自戒，遭蹶知自持。陽鳥日已逝，末路安可期。已
矣，勿復道振衣歸武夷。

人瑞翁詩集卷之一終

人瑞翁詩集卷之二

七言古詩

輕車行

輕車超軼致千里千里應後咫尺步
但得雷達着脚
牢是康莊平如砥官業何曾有
大周道從來人所
林飛去一駟駟
追蕭曹遠步伊呂富貴
而矣

客為予言有役事釋寬獄數百作此奇

君不見漢庭陰陽有子公悠悠千載留遺風蒼鷹乳
爭擊噬東郭韓盧竟雙斃
台從事處宜時稱寬
數百俱回生臺傍春風吹柏柏臺上雪霜頓融釋請
君從此大門閤異日堪容駟馬車

贈林司課士達

邀遊南復北居懷磊砢與天白
私門碧草春晝
長公帑
閑梁無犬吠喧嘩買客有船來

絳繹陽城撫詩集

陶侃憂勤分陰惜枳棘何

寫鳳果康莊會聘驛驄迹

聊城禦寇

百年海內訶太平潢池赤
佳美兵白日豺虎嘯
橫敗撐螳臂侵聊城城門畫掩斷人行吳航老子官
位輕揚眉毅氣雷轟鳴高談直與府君許
還籌整旅
宣天聲亮徒宵遁無留營妖氛迅掃天日清
丑閭武
弁談豪英高牙大纛誇身榮一朝聞寇諸膽

重九前

日過鄭維之牀堂相携登于山

龍山風流迥千載此日抱病先登臺穿雲步出牀堂
外疊磴屹曲踏蒼苔小亭花礫滴清茗蕭疎拂樹西
風來坐聽少谷語奇咤神氣飛揚歷九嶷武夷方巖
直咫尺更渡弱水遊蓬萊義輪迴馭燕山頂片雲未
散令心哀願携少谷向陽谷扶桑枝頭掃氛埃明
細把茱萸看健懷已對酒中

早稻行

南閩六月早

滿黃雲覆平陸老農暴暑走腰

鏤瀝汗沾 苦矣 日暮妻孥載稻歸官租私債併
催促只今一日無飽餐豈待五月糴新穀高門老吏
橫索錢誰知此翁食不足何當未死見伊者擊壤由
由歌鼓腹

春雪

玄陰鬱積何大深仲春氣候仍蕭森連朝苦雨凍復
結漫空飛雪寒逾侵豐年之瑞且未見窮簷破屋何
能禁只疑太皞不得令玄冥過雨為滯淫破征客子
走萬里欲 未能憂傷心薊門天遠鴻雁沒側身生
望淚沾襟

竹崖

瀟湘春雨龍孫擎撐秀丹崖森森茂茂薄烟噴霧飛翠
濕暈漲空中濃欲泣崖下茅茨隱修真泥瀝淋漓可
不拉醉來擊筑歌紫芝萬壑風清天籟集會須長揖
王子喬飄然千仞之間立

雪夜吟

城頭夜柝不停擊窓外寒光搖白日五更童子啟柴
扉階下雪深已三尺客子僵卧眠未安布被多年不

禦寒呼童掃雪烹茗起來滿室澆肺肝肺肝焦枯
愁思遠西望美人去不返美人何為天之涯關山寂
寞歲將晚

六里屯行

策馬上東門行行六里屯松栢連阡庇丘壑燭幢耀
日羅祇園殘碑浪擲生前雪華屋宜樓苑後魂問是
誰家蒙塋地當年聲氣揚天閣天閣高聲氣豪古來
惟有一死無人逃 年烜赫今何在野風日夜吹莽
蒿君不見 虎狼橫四海趙高一豎傾胡亥

白刃入齊宮頃刻肌膚成俎醢君不見東京中人
群起自把門生戲天子党獄株連炎大獄素曾一麾
辟腐鼠通乘楊屢東海邊陵各市朝多變遷力錮而
山猶有陞何須石槨為三年玉魚金銀不終秘可憐
白骨黃沙田郊原寂寞日色暝惟有白楊含暮烟

石川歌

巨壑劈破蒼崖壁萬頃玻璃瀉寒碧澄空潭影清人
心滿地嵐光濃欲濕新安院翁事清修漱泉枕石多
春秋翁老來雲上天去情川白日尚悠悠石川主人

孺子慕拂石臨川悟真趣只今海內多風塵有君洗
耳供遲暮

通客歌贈方坦翁封君得測字

姑蔑之墟有通客貌如姑射毛髮澤朝拳水蘭歌紫
芝夕下蒼厓餐翠栢夜半沆瀣溢淋漓汗漫之中長
栖息棠陵少君文章伯天上恩光下蓬華山中通客
生光顏咲把烏紗岸白幘烏紗亦足榮白幘還自惜
君不見燕山侯與儀又不見眉山轍與軾古來名家
不漸泯少君忠孝聲華奕棠陵山高峭色棠陵日
不測願言通客長葆真山高水清無終極

竹齋

吳生清標不入俗蚤結茅齋種青竹春深風雨蟄龍
孫滿地蕭森簇寒玉晴窓素月明杖屨涼颼拂拂時
興俱開窓露坐天宇濶灑然身在清冰壺黃陵廟前
雲雨黑滿湘江上波濤白藏暮不覩鳳皇儀岑寂山
齋見物色

題林汝桓督儲畫障歌

次宰堂上畫屏擁劄曲藤膚光彩動畫師拂素洒丹

青滄海分明來禹貢次峰憂國心忘忘畫師意態良
有神南出江淮北燕趙稻梁轉輸多苦辛千艘萬艘
雲涵集蠹蟻帆檣森列戟潞津決渚揚飛塵輻輳輓
引未終繹大車蕭馬鳴小車費人力登之庾廩疲供
億司農會計垂襁惟漕官食史走趨役從未穡穡皆
勤勞太倉一粒民脂膏萬里江山入咫尺披圖覽畢
吾心切只今蠶食不可去但見鳴鴉點鼠白日穿梁
廡窮荒下邑多餓死何年一撲鴟鼠空坐令四海回
春風

出城絕句

羨蔡古遁出平野苦提何代問蘭若早春促郭正斗
融息馬入門得蒲酒相迎住杖老浮屠自言世家南
山居身是浮雲不住相從來四向心地初香風搖落
庭枝影童子瀹茶吸春井蒲蒲深坐聽談空頗覺塵
襟發深省我知疎曠宜山林跼促樊籠非素心翠旗
山前海月白霧源洞口烟蘿深君不見香鑪舊社白
蓮開未負洲明歸去來

觀射

城南苑中春色綠主人邀客浮醪醉花間錦繡嘶紫
騮堤上華標設樓鵲黃金臺下王將軍長身壯胆干
青雲笑談運肘引神臂氣如食牛不可羣潞陽驄馬
白面郎亦能左挽五石強從容絳綈兩山立控弦擣
發人堵塙一發俱穿庠約侯再發再中侯之安鼓聲
逢逢振大麓日色爛熳回精光乃知驄馬文武客當
道豺狼避顏色將軍將子亦能文射策金門曾第一
穿楊之手舊所聞以茲角勝真相敵我生孱弱雖刀
柔柔蓬之志若未酬見爾精神覺飛動恍惚

是遊援弓挾矢亦踏躋離離管運求中原未得
高枕卧只今邊塵亦多故二人致力終無負吾聞茲
藝德之輔從此未觀雙相圍

檀野篇為祝負外賦

檀野子居岷峨之間岷峨山錯幾千里劍門月映扼
九門蜚蜚開國冢封壤中有沃野雲彌漫遠此重振
種種之青泥盤遂令蜀土檀此杞木名蒼雲翠帷華
滋蕃但見林霏野色遠意不可極浮嵐濕翠噴薄蒼
是寒冬聞茲水地所歆三年今抱憂龍擁小枝足

樵大技足梁棟榱桷梓名爭重檀野子種檀于
今何許衡茅一室誦義文風月四時作賓主寧荔上
高原櫛蘭下芳渚興流澆漾百花潭氣豪高壓三城
成通者移根天帝庭十年已附明堂柱乃知世之傑
人烟霞木石終不可以拘分淵珠崑壁會當有奇遇
君不聞莘野耕雲一匹夫阿衡翊戴商王謨又不聞
綠野林中一州堂裴公投老光中唐丈夫出處關天
下古人所就非徒者吁嗟手千秋百祀復何如常聞嘖
嘖語檀野

正月三日風霾

白晝黃沙飛終宵疾風作沙飛漲大濕如雨風作呼
號翻海濁長安十步不見人破屋夜卧欲摧落咸陽
戟動春事微何意乃有風霾惡玄冥無亦過其曆積
陰不散東風弱長安客子抱病愁旅魂踟躕苦飄泊
君不見周王感愜風雷驚商家辛穀遂中興風霾一
掃卿雲生

吟歌行

下馬披短衣逢君咲絕倒是誰短長云醜好形骸爾

我竟何如人心相忘何不早我生焉知為我生天地
委形非有情放浪形骸天地外泰山鴻毛何重輕布
袍春深白日照仰視太虛發長嘯我今忘我亦忘人
我亦掀髯一大笑

長安甲第行

長安甲第高連雲東甬西市爭華紛朝橫牙毒暮歌
舞僕廝一旦傾邦君眼前氣馘未十載素田洵湧成
滄海珠貝如山入帝宮肌膚頃刻為蘊醢樓臺冷
落庭院空高門扃閉生悲風生時千乘與萬騎死後

不見應門童吁嗟金張勢未已又聞許史縱橫起朝
求東市第幕求西市宅一朝第宅更新主春燕飛來
依舊喜鳴呼太行之路能摧車後車踵々仍奔趨從
古豪華竟為崇五陵金谷皆丘墟五陵金谷皆丘墟
長安甲第不可居

送戴將軍歸鎮東

玉融海東山嵯峨將軍少年學五軻今時將子能知
文武人之中猶足多廼者龍飛正宸極竭末走馬
登蓬坡殿前指麾親授閩海東坐鎮無楊波居不

見邊塵通未息戈朝廷側席思廉頗腰間寶劍
常淬磨

贈蕭畫師東遊

庖頭金粟影微滅僧繇摩詰皆塵土古未能事馳丹
青意匠心神不多數蕭生抱藝江湖閣揮灑飛颺力
追古往者先帝宸遊時行宮召見登樓檣承恩
詔賜大官食拂素揮毫雲鳥舞通未燕市走紅塵冥
心長在水雲澌水雲變態天机存漫說良工心獨苦

居庸歌贈張心齋侍郎

居庸城堞摩青穹閨門跨峙庑約雄千崖蕭蕭響戍
柝萬木慘慘回悲風上谷雲中出三輔北門鎖鑰金湯
固飛堠峭壁蒼翠寒凜湍驚濤雷霆怒憶金吾度
關頭雲邊烽初息無妖氛兒童走卒手加額為說路
陽張使君往者先帝事西巡翠華晨渡榆河津六
軍腰橫白羽箭八駿身被金龍鱗駕言遥遥向西指
使君閑閑不肯啓赤心獨把逆鱗批勁節直作神羊
觝群小口噤不敢言乃挽六轡回東轅使君六月霜
風冷即今寧已橫閨門君不見朝廷有道單于款

木之監猶未遠穆王馬跡窮崑崙千載祈招徒戀
嗚呼張公之力能回天况當攬轡澄九疑吾將望爾
於泰華之山巔

呂梁行為郭淺齋水部賦

玄圭錫帝開神功呂梁懸注河為東溟騰氣怒神鬼
色噴薄力動龜鼈宮乾坤之中此奇壯鯨濤千古相
摩盪徐淮簸蕩咫尺間日月黯黯空濛上通承天地
呈河清水部況有林字名馮夷受命走擊鼓河伯俯
首果吹笙三年不但舟航喜比屋猶知俎豆美數椽
飛構碧山阿六籍雲聚青衿子此鄉曾是一荒墟只今
款化文儒都道源春舍洙泗脉奎光夜照驪龍珠
居不見呂梁之水日夜流呂梁書院留滄洲水部之
名應不休

藕塘行

玉塘漚注天溟水浴水芙蓉淨漚漚芙蓉之根舍太
始霜肌冷脆伏泥滓云是泰華峰頭玉井裏奇種移
來歷多紀茁芽乘陽擢修莖卷葉揚輝擎翠藹奇
葩約日耀丹榮皎如龍燭騰光起空庭英颯疑玄陰便

歛真元歸根抵棄華榮悴良有時此根自蘊生生

乃知芙蓉之根原是造化樞塘上主人意氣與之俱

年來厭入聲利途堰塘種藕聊自娛豪華波蕩枉馳

驅安身立命還吾初漚漚用夫子愛蓮原不迂溪頭落

日滿庭蕪祇今誰是漚漚徒藕塘為爾重躊躇

東溟歌

扶桑浴日天之東萬流澎湃成朝宗望洋渺漫不可測但
見喧濤日夜聲澎湃馮夷擊鼓海若出風霆烟燦奔
蛟龍有時風恬波靜日彩麗上下一碧光溶溶
東溟老子氣亦雄玻璃萬頃羅其胃晦明變幻已飽
歷冷熱安故心何容云將一革航而東蓬萊方壺或
可達琳宮貝闕千萬重會當高揖羨門翁浮海元
氣於鴻濛

卧秀亭

方棠後歸春乃
弟棠亭居之

蟠姑茂兮崇崗孕靈秀兮神手煥彌文兮狀元登秋
臺兮翱翔南蘭兮行湖湘奮擊觸兮走豺狼胡俶倖
兮歸故鄉聽吹篴兮築山堂洗耳兮泉琅擷翠兮山蒼
嗟汝欲悔兮聲誦彰恐茲亭未穩藏

渡淮

長河五月南風健挂帆
出淮陰向暮雲隱隱翠波
陀為指下邳天外見閼河枕帶遙相連
細想英雄殊可憐
王孫漂母古城下
老人孺子圯橋邊
勝下之辱何足恥
博浪空椎老未已
一朝崛起乘風雲
感項滅秦指麾裏
漢家赫赫張韓名
功成自古難持盈
飄然高揖赤松去
悲爾沉寃走狗烹
往事浮沉已陳迹
悵望千秋三嘆息
推蓬起坐月明中
萬里波光照顏色

田家行

五月南風大麥黃
淮泗諸村生事忙
老翁哺孫嬾走餉
日脯總結紛登場
前年黃河洪水漲
室廬湮沒死未葬
今歲聊醫眼下瘡
月明對客攜新釀

送高南波節推廣州寄懷張菊坡

驕驍飛塵走燕市
竭耒再見南波子
霞城一引十五秋
憶携菊坡北山裏
清商對雨拂朱絃
澗濤忽落風松顛
襟袖飄飄豁漠漠
蘼蕪烟飛雲烟只
今恍然似一夢
奔走風塵笑頭洞
漢署嗟予齒髮衰
金閨美角聲華重
角今仗節五羊城
臯謨慷慨哀於情
經

萬春正須用法律
三尺候誰平
君不聞于公高門客
駟馬蒼鷹乳帟何為者
踟躕白雁秋風前
感激黃金古臺下
相逢豈忍復相違
問君赤霄何當歸
明光側席待賢俊
故人遲爾生
光輝人生聚散亦何有
胡不停車飲我酒
南還若見菊坡翁
為問矩節今健不

遠別離

遠別離
今晨豫章行
長安不可留
燕昭古臺久蕪沒
春州萋菲風颭颭
黃金不復見
駿骨無人收
鄒衍撫膺霜蚤隕
漸離擊筑天為愁
我生不得逢
姚姁獨抱

將安濟
猗猗當道以磨牙
鳳麟矯首而深逝
白日暖暖吾心憂
閼闔九重竟深閉
惻惻閼闔去聊向

豫章行
匡廬五老攢峰入
青漢康郎彭蠡湘拜狂濤
鳴吾欲登高騁遠兮
豁心目清泉白石將以滌鬱
之餘情
偉哉展禽子
小官不自卑
陶令未歸去
折腰且莫辭
遠別離何為悲
丈夫輒軻須明夷
君不見豐城雨龍劍
神物復合還
有期

汶上晚眺

汶水湯湯下
齊魯晚風眺
望河之斷中天
獨有危丘

山管晏培塿不堪數家臣何足屈高賢費宰視之

腸百憂結

腐鼠只今汶上高風吹吹下層空掃塵土狂天落魄

哭妹

泣迷津側足停訝淚如雨蒿荻叢深鉅野湖星河影
動牽牛者泰山咫尺梁父平更上日觀峰頭望寰宇

別馮東沂太守渡彭蠡湖有作

肝腸

岩頭扣罷雙石鐘餘音遠振雲間松長揖故人下彭

十月望夜小堂散步

蘿北風高挂南飛蓬青山陂陀露蘂背白浪噴薄愁
雲谷飄然中流縱一葦颯如風雨奔蛟龍長安逐臣
正憔悴興乘向此情尤濃楊瀾左蠡相激蕩大孤小
孤當其衝沅湘下注九江水星緯高臨五老峰銀河
瀉下一瀑布香鑪紫霧飛蒙茸太空遙送遠目入
極添養離吾胃蟬蛸已在氛埃表江湖豈惜流萍蹤
袖中莫邪忽孔動斗閭爛見光芒鋒

寒空輾月流素光落葉閉門驚早霜南遷客子滯一
方步蟾惻惻迴迴廊西風歛作北風涼城上啼鳥亦
徬徨青山遠屋非故鄉舊巢長安畫省堂香鑪仗枕
遙相望可憐衣冠罹禍殃淚盈把心內傷十年皮
骨空存忙時艱性拙悲欲狂仰看星宿多搖光大白
忽在南斗央晦時避地聊徜徉

歲暮行三首

贈支醫士

歲暮行三首
歲暮兮驕隙馳寥天慘淡兮同雲悲閒幽谷兮棲

種杏仙家渺何許天上白榆森可數岐黃真意久支

早枝倚圯堞兮莫我知苦藥食兮心煩思嗟我有生

離萬許丹砂亦泥土伊余抱病投荒城秋風搖落旅

兮胡支離望知音兮子期

魂驚新荷烟火不堪植脫屣鮠鮠非在情支生老去

其二

肱三折時後仙方已參微何當滿酌流霞津漱我迴

歲暮兮群芳摧空山峭僻兮猿鳥哀叢桂委兮

蒿萊望不見兮黃金臺感良辰兮驚逝顏嗟我獨處
兮心徘徊顧美人兮終懷

其三

歲云暮兮玄運幽雪霰交墜兮風颺感凋敝兮鵲
鵲裴望故鄉兮碧山丘鴻鱗杳兮道阻修嗟我未歸
兮心懷憂返初服兮何求

黃龍回途宿兜率寺觀壁間禪偈賦此續題

洞賓已去趙忠老黃龍野蒿蔓瑤牕黎嶺上雲渺
漫何人更識尋真道山家神物不可留深泉豈復藏
吳鉤誰道白牛竟多力乃爾得之經千秋嗟余輒軒欲
何往一粒真丹愧未養昨歸黃龍兜率眠恍忽似覺菩
提長古今賢豪玩世情往往有托述其名居不見張良
亦從亦松子遠公曾結陶淵明

修江秋意送楊州幕

黃龍山盤紫雲東山下轟泉六百里湘騰飛雪注江
潭艾子城邊淨漣漣楚天昨夜生涼颼吹入江樓暑
氣消岸津渡頭月色淡旌陽峯頂劍光搖扁舟挂帆
下江渚蓬幕飄渺何許南游吳句謁司徒北上燕臺覲

明主系蓬豈止徇功名民生國計誰為情不見昔人
訝靡靡遑駢駢壯勞宵征嗟子萍水相逢地舊是
玉皇香案更抱璞空懷下子悲操絃會見鍾生意高
京車馬多豪賢鳴珂紫閣聲駢闐君去相逢如問
訊夢魂還繞御爐烟

滕王閣陪羅汝延張濯之二郡伯蔡毅之節推

聚宴漫歌

洪都城頭直飛閣朱甍烏草參寥廓上有雲旗日馭
之翻飛下有龍宮蛟館之噴薄彭蠡波光搖綺䟽匡
廬翠霧沾帷帳我時泛棹洪崖津塵紛未得舒悲聲
只今詞場嚴譚討抬携遠騁怡心神張廷彦羅君之英
鄉蔡子尤清真與爾十年海內舊兄弟豈是尋常
萍水人嗟余獨輓輶輶轉江湖濱相逢一抵掌意氣
俱嶙峋狂癖禰衡笑如昨知心鮑叔誰相親君不見
詞人骨已朽帝子迹亦陳登高吊古空悲辛惟有庾
公南樓興不淺范老岳陽憂未伸請君對酒聽我詞
一闋清商激烈橫秋旻

螺川逢黃子忠

碧螺山前天色晶江風颯颯江水明兀然依棹發孤
嘯忽爾扣舷聞數聲十年故人一相見顏色風塵感
時更度席各敘今昔悲落日相看淚如霰昔君風采
動中臺平輪輒向都亭理南熱以來豈嶮岬百折之
後還崔嵬通徑何歸氣矯矯瘴烟漠漠嶺之表肺肝
元與鐵石盟豺狼尚避風霜曉全亦被斥來江湖航
艤與去頻相迂朋足猶懷楚山辟鼓瑟不弄齊門竿
嗟余與君俱落魄把酒江頭慨今昔直弦曲鈎安可
論雲飛泥泥護於毛君才豈終淪父蕭只今白日行
青霄會須鳴劍一抵掌共指扶桑銅柱標

元日陪周善卿夜談小酌醉中走筆作山人勸

酒歌

今晨何晨天氣新東風拂曙流蒼旻廬陵青山繞客
舍相逢却似山中人人居東吳下我屋閣海濱海內十
年舊兄弟邂逅奔走長安塵長安車塵笑倥傯從
來矩步難為用浮沉未足悲離合祇如夢山人送我
酒且酌與君共從此同消萬古愁清風明月到處堪吟
美杜君再勸君酒新年今日迎舊年昨夜送與君

對酌豈尋常莫負醅醕春滿甕平生意氣亦飛颺羨
君已是朝陽鳳孤燈照見霜雪顏雙斂忽作雄雞動
吁嗟鼻夢龍見分黃綺鴻冥步兵空向窮途慟伊誰
天壤名爭重

悟山行寄陳子虛

悟山子居城蘭之陽珠浦之上青嵐飛翠八百盤夜光
濯影三千丈上原摩荔下米莒獨立飄飄不可仇秋
鷹首整凌霄輶神駿挺立當天仗碧山野人負航
牋玉京謫來混塵鞅去年傾蓋天華山形骸聲效即
相忘今年鼓柁澄江津意氣留連益飛宕大雅不作
吾將哀清廟何人繼絕倡青眼高訝泣鬼神青山為我
色惆悵於手眼中之人吾子望

真君山

玉臺積翠神仙苑良岑蕭颯天風晚高閣飛臨華蓋
寒晴川俯視黃圖遠竭來不見旌陽君小瓶瀦水滄
瀛滿驚濤落澗松風長林端倏忽啼猩懸千古無人
萬壑哀一身飄泊何當返塵緣老眼不須猜仙賞冥
心未應損武陵誰復問漁郎天台那得覓銘阮玄圃

滄洲望渺茫青雲歸泥沈放逐餘情苦未消獨
立層巔懷僊蹇

送張晴川北征

南浦見晴川桃花春水發長風挂席浮千艘餉輓飄
；出吳越浮陽北望雲瀾漫起看萬里燕臺月燕臺
日照畫省堂我昔曾飄鷄舌香香爐伏枕夢魂香李
白狂歌遊夜郎因雨壯遊重自感臨岐慷慨贈干將

浣溪行贈范師舜憲伯

吾聞慈黃之區岷山屹立峽嶺而曙紅天標占莫西
南極坤維橫絕金婁墟中有大源滂湧兮奔為長江
幾萬里東入大海投尾開岐流西逸錦城隔沔狀瑩澈
涵清虛何神偶而此浣出百花園遂今續紛絢彩遺
跡留成都吾聞山澤本通氣光嶽精粹亦相符岷江
源流秀天地浣溪無乃靈之居真文自有會神僧
胡為手浣溪于范大夫溪邊蔣誦廷溪上孔明廬
朝臨漱石夕說游魚翺翔今古天壤與俱意氣滿
灤出海遙風樵不入聲利途爾來名動承明廬澄清
波蕩流江湖迢迢餘未足有所思兮返初服祇今海

內多焦枯渴者望雨滿其腹嗚呼丈夫出處亦有時
坎止流行毋自蹈浣溪清且泚泚可以洗君耳浣溪泚
以清可以濯君纓浣君耳君靜自聽山中雷吹鈞天
鳴霸圖王業不足驚濯君纓兮君且行彈冠振衣進
休明廬廷簫韶廣太平要知在山泉亦清出山泉亦
清江流東到海其源長自澄噫吁嚱於泥黃漳客
易侵我欲源頭浣我心浣溪之水何深真源與雨
逢相尋

北山歌贈龍光


北山之下山遙迤山有木兮木有枝繁陰年未被廣
野衡門可以安棲遲君當浣邑鳴絃歌河陽春暖落
花多君能出奇破吳楚亞夫幕下等樽俎霸王之事
何有哉北山移文不須猜淵明且醉東籬杯

清狂歌贈郭詡

我昔遊峨嵋山中松檜吼風寒言訪陶皮舊石室
萊蕪巖巖推芝蘭夕陽下山發長嘯山前狂翁向我笑
巾綈飄蕭鬚髮皓古顏不入流俗調狂翁由來清且
狂傲睨一世遊義盡與酣頓喪失天壤濶意到獨擅

丹青場丹青淋漓走神魁天濛么麼一掉臂晴窗貌出
山水姿散地歛起烟霞勢憶昨西昌出郭門狂翁適
來攀我輒行然邑子走塵市古風洵移驚猶存我
本
客三載江潭行偏側乃知仙隱自神奇
猶向風塵能物色西風吹我白菟裾欲尋初服還吾
初相看便有蓬壺意狂翁毋乃陶皮之徒與

人瑞翁詩集卷之二終



人瑞翁詩集卷之三

七言古詩

九日西峰寺餞胡庸齋之南都視乃子職方用



青山倚平野石松飄天風祇園雲深直離飛閣登臨
在蒼茫中況值清秋菊花節東籬開遍黃金葉
文雅合賓從長揖山塘席老翁老翁商顏更矍鑠
高獨挂文江蓬文江飛蓬而何處秣陵秋色橫烟
子玉堂第一仙南領香風飄漢署西都已重班生詞千
里長懸孺子茶紫金山氣鬱蒼蒼老烟之萊衣迎杖
屨天華函客嗟滯淫菊花照眼鬢馬三度酌酒初君听
我歌山風吹散青霄露吾宗司馬小泉公寄言半落江
湖暮

慈竹引為呂明府壽母二首

中庭六筵浮初陽香雲濃柳飄北堂北堂慈竹吟

文江之水深其測中有神虎確窅窅江寒歲晚潛出姿
漁子鮫人不敢追頌珠有時吐夜光雲霞爛生顏色尺
不見江潭一日風雷生頭角乃有蛟吟試展此齒還比
驚心慈老化升天去霹靂天門第一聲

古梅引為羅整庵太宰賦

吾聞傳名之野有古樹槎枒糾踞偃亞而輪囷蟠根下結
坤天秘虬枝上軋元極神云是傳若築天手所植寒姿歲久
聲華莫與玄冥雪霰百卉槁有花孤潔凌霜日展北之完
其實雨霖霖其津傳若兆奇旁立世真天人采之入調
商王鼎和羹甘渥氣香根 人間始識有此樹萬木
不敢爭先春一從氣化值箕尾傳若寂寞生荆杞漢鼎
何人調鼎美未云旨無雲佳實珍泥滓漫山但植桃與
李吁嗟乎碩果不終食生意夫何如邇來三千六百歲
美甚秀西岡湖太羅仙人造化手植根却傍湖水隔水
偏枝疏繞書屋清芬遠播開瓊琬一枝芝守百花魁
風雲萬里先扶與黃金臺上三千秀採花高揭承
明唐懷者王堂盛文藻風期看結蓮葉長遠意傳
今太液波飛英字照明光驕時行梧山款一葉追隨

青刻之原意不極草茵夢惺案委蛇披襟披襟對箕踞
豈復知有塵累縻二儀清濁見太始万象今在比糠
粃霸國王業非他事真矣一點何須疑君不見川上之嘆
應如斯魯狂鼓瑟譚浴沂蘊白長嘯振林木南陽高
詠梁父同達人放身豈步踰天此委形徒湏斯人生轆轤
若不樂何為貧來坐自怨青郊之原青不絕且復與商
寧江離

中阮砥柱圖歌

張侯鼓舵彭蠡湖示我一幅滄溟圖披圖展玩思 忽
恍惚風雨未須臾良工妙態存神理崇崇 淵濤生筆底
非徒海上現蓬壺即識人間此山水崑崙磅礴傳天之下
臨萬頃龜鼉告狂濤奔激日夜風吼砥柱當之何其壯
倏如大岳崩來神武端冕執 盾九丘之臣正當立其前力
挽頽波殿寰宇嗟予對此心茫然清時輒持江湖憂
半生有懷嵎岼百折未敢愁遠道 天日晦明自有象何
用怨歌苦惆悵張侯北往予河原道原炭海心搖壯
飄然已在千仞之崖上

畫友

涵汪洋少不憂鋒鏑鳴錫越人室三獻天府金
次第登琳琅風期雲會俱翔翔都而江湖天一
何外遙相望聖人五載御宸極諸邦迷感感未王
貢琛歆然至但見金声玉振墳簞合奏声洋洋
殊未已感別復傍徨胡為乎悲喜之交集無乃經
年芳艸牽夢於地墮地墮願事遲芳艸願春滋恩
洽聚散無常期尺不見古人席珍不自衒鳴為天
奇一鳴百獸舞再鳴鳳皇儀三鳴天地鈞調寒暑
生奇室為世用豈為尋常離別兒女悲嗚呼三后
非萬安正眼猶知之

送王汝化北征

祝融峰前二月皎鄂中白雪知青少清詞高動玉壺春
珠琴遠度禾川曉共居邂逅天華城夢寐三年遊紫
清清廟朱絃久不作為女再奏升天行

青郊燕語贈吳用晦

庠陵郭南山遙迤青華洞口流華滋華陽春遠山色
迴蘼蕪散綠含歲綻澄澹紺碧清隄將塘上主人愛
自奇意氣飄颻豁深渤心神奔萬間雲達凌晨變我

畢見市形變陵谷懷昔高皇定寰宇親王王將皆茅土
天潢派派歟長麟趾國風播終古通來覆轍何相尋
令人三嘆心悲憫前有猖狂漢庶人後有魍魎寧化豎
瘡仙不解貽喜謀遠角孽濠猛於虎王門千乘豈不
崇胡為染指窺金雀鷄豚搜索哭茅茨舳舻叶突走南
賈賊眉奪入歌舞室戍祿半集道逃虜權門結賂擠忠
良軍帳椎牛咽箫鼓自矜叱咤風霆生觸敵便作螳螂
怒豈知宗社威靈未可移黃圖自有金湯固汲黯未
寢淮南謀匪夫一舉收吳楚居不見安慶城中星飛
狐群禰魄浮江歸王家渡口赤幟起日陰失色沉江底
故宮雪焰漲天紅滿城焦土通朝風落何一夕蕞穉空
祇今西江之上但聞孫許之烈陽明功

三石篇為四明陸少石昆季賦

吾聞四明山乃在東海陽玲瓏虛朗上與日月星辰通
灵光瀛海巨鰲露金背洞天玄宮敷開玉堂灵根秀
衍香雲島嶼洲碧玉浮高岡孕灵產出三奇石皆足
崑崙以狀琬清廟之琮璜石樓飛瓊璚雲起石溪澄辟

芳高枝噉：鳴鳳皇瑞池流觴泛紫霞
車衣小兒耀麟
車有歌楚舞灌且譚願得壺宮日月遊

其二

河陽桃樹花滿枝春風早發含惠臨
姑明粧鶴帳垂
星輝：光惠惟瑤池流觴泛紫霞
車衣小兒耀麟車
齊歌楚舞灌且譚願得壺宮日月遊

送羅邦懷之京

涉江湖芳春芳君君子芳丰散忘
擷杜衡芳不盈
汎蘭漿芳遠于將仕大橋芳
崑丘上庇九土芳
含惠光附枝秀芳足梁柱清
蔭芳凌宮蒼公子
遊帝鄉排闥闔芳琳瑯
鐫跡江雲芳惆悵香故園芳
遠：吾將聽鳳鳴於亦霄
宮之上奏世音以洋：

寄庶人故宮

君不見豫章城中闌闌
苑中墟莽然一平陸丹楹
剝落朱門腐可憐舊是黃金
屋雕甍碧瓦飛寒灰
珎石奇花輸磚穀
粉黛沉野性迷館娃香徑
蒼苔沒陰墜瓦礫
雜頽垣風雨嗽：鬼夜哭
苦同床底遊姑

草雨拂鳳臺雲北柱華蓋
葆黃鐘淑氣動八埏
芳籍：四柱稿天何為手
闌闌雲湧知不可以久
處芳欽華歸而湖濱
老只今海內漏霖雨側
足焦原尽愁若商丘曲
棘樗櫟安足數鳴手傳
若老韓天地間佳實尚
飽霜風百定須再存鹽
梅甘調燠又黃金釜

題南極圖壽楊儿川乃翁封君

青城山頭騎鶴翁排雲
飛下江陽峰鳴皋刷羽
六十載倏然物外生清
風峰前東走岷江水學
字洄沿宛成凡山川融
素爽氣橫清標乃有儿
川子通緯斧出神都五
馬龍賺高判符千里山
城無俾江浦多還珠今
秋述職天王府早晚是
報歌麻監鶴峰翻入香
室中青蓮子不違將父
母白雲渺：狄公思彩
神遙：菜子燒小陽春
色生華渚江光映天之
涯我奉玉皇香案吏謫
來儿下為兄弟去年拜
翁紫鸞書今年獻翁玉
木餌昨夜掀簾現太清
西方忽見老人星云是
南極應世出光芒長照
峰頭青鶴峯迤邐青不
了南極夜：澄光皎君
不見今時盡師稱小仙
貌出老人独分曉我今
為君致三醮叢之山標

碧潭竹

龍江之潭龍所宅澄泓匯注幾千足歲深龍眠不肯起江
恬波淨海冥跡山色蟠紆結翠濃天光澆漾接清碧石潭上
聳蒼人不識漱泉卧枕潭邊石朝來洗耳夕濯纓一曲滄
浪意自適居不見渤涌沸騰尾閭泛溢波湧噴激何時
平使人對此洞顏色

梅嶺行

昔我夢南遊候駕蒼髯虬飛度白雲峽梅花正香出
今晨驅車出南粵大庾山前見突兀陰崖窺到衣洞卿蒼
猿及石牽萝掛古月盤紆鳥道聽颼聲兩崖噴風雲出
沒山坳古樹曲榭牙南夜向人花正發停車小折香風寒
始覺夢中事恍惚細昔尉佗舊土封今茲海國鳥夷
風山川未時日改觀開元乃有曲江公曲江神力排山壯
朔南孔道遙相通入宋以來瘴未歇逐臣遷客何如
英州別駕雷州戶惠潮亦窺韓蕲翁萬里溪山未
落莫千年意氣皆豪雄我今復世色孝肅度嶺更
向端溪曲夜頭梅白近含春溪上水清还可掬祇今
海外稱勝遊白日遠近南山谷不須惆悵悲遷逐鳴

平不須惆悵悲遷逐

羚羊峽三首

羚羊山前風色高羚羊峽口江悠長長羊移棹維江皋
青山白水亦相盡客心共爾爾蕭騷

其二

歲暮我行旅之衣天風吹度峽江嶮長歌過雲聲
僚繞枕柳瘴雨令春消遊子何傷心悄

其三

此生自信非蠕延風雲變態仍向天何用跼蹐驚鳥飛
驚鳥扶桑斷石去不遠銅柱高倚南山巔

梅峰歌

陸園傲吏清都翁千年下嘯梅花峯梅花香引羅浮興
竭未南海觀奇蹤黃堂聊寄風塵足別駕亦帶水清相
客老鶴終乘白雲去豈久伉俪羈樊籠峰前桂樹
今千尺月華瓊閣香元標海濱舊堂拜少府雲霓鳴
跡驚重達八年之間一轉盼夜深邦笛悲鳴蛩更莫
悲于公門閑高以容定國駟馬行如龍

程雪崖陳西郭白沙叙別歌

西風漸：下样河江頭素舸牽青夢故人殷勤為惜別
別位帝送酒流童歌酒酣徘徊看山紫歌聲縹緲行
雲裏白沙津頭白水寒別愁忽逐江波起今晨近別猶
於邑明日遠別當何如近別應知遠別苦結交聚散多
煩紆嗟手飄零六載江湖迢迢復悔歲不識忘年
董芝蘭孟公結襦生文采明朝忽報金陵行二子為
我歡悲生常歌對酒豈不樂斷腸分手先悲鳴炭南
下山越千里青山共明月欲言努力相別眼中青萍
初寧：郎

玄山行贈羅宅甫

玄山子居玄山峻嶒手雲樵之畔蟠踞于渤瀉之間云足
玄園山中舊圓嶠巨天分擘移此青泥盤紫煙凝黛
霞隱隱素月澄空懸碧環晨昏晦明不改色噴薄
素意通天關上世玄天正色正相直下壓后土孤格標
奎稟培塿崑崙方止萬餘者旁列側視無與班玄
小子休茅山中負磊砢迥地外玄三十載河圖珍秘世
危巖夢寐姓孔逢相得歸藏斷簡連山山子雲曉：就
大采年偏之中玄又玄萬古真源更安在嗟我南行射虎封

千山巖：煙夢縈歲寒空谷一相識玄山獨入青眼中玄
山草玄今何如山灵護角翔天衢我亦周遊向玄園上叩玄
關叩鳴岡山中灵吹神共俱

青島詩壽陽桃川母

青島下兮翺翎朱桃實兮縹緲堂之北兮日未夕飛紫
泥兮揚彩雲步搖冠兮光皎潔泛流霞兮浮氤氲
瑩桂樹之三千尺兮飄飄飄鬱以上聞

白紵歌

晨曦杲杲：流虹川青陽脉脉：桃欲然端弁飄裾宿四
筵錦瑟高張調蜀絃麻姑珥節雲旂翩鳳舞翩旋
繞膝前祥光照耀未日迹歌舞過雲有壽年

送史子龍之海豐

東風吹綠江草萋萋有客東過鳳凰臺燕京道：致
双札欣然使我心顏開兒曹報達朝天馬尹生出曉車
春雷昔日諸生幾人在君復鳴駒向海：南寒飈：豆久
卧：美才青藜此去爛文彩：羅浮咫尺梅花香：海上一板
定先采

金陵元夕

協風嘯太簇江南雪山瘦青天夜撲江頭雲九衢月色
光如畫金陵佳節舊神都六代豪華迹未蕪王謝堂
前喧鼓吹金張鉅裏什笙竿左軍老子甘寂寞獨生
空庭歌綽約素絃一曲月光寒野鶴高鳴動寥廓

送楊以道歸桃川

桃川子歸桃川朝菱鳳凰臺夕指魚鳥天蛾眉山月照
滄海巫峽溪風吹紫煙錦城西去桃滿川春風爛熳
開欵然落花片隨流水青山悠々不記年桃川主人
好歸去何用宿東坐自煎月不見封侯何人曲如鉤道
迹何人直如弦從來矩步難為用自古紅顏多妬妍尺
今再置勿復道且向桃川高枕眠赤霞潏灩波光泛
看尺不異桃源仙

贈殷簡亭太常

蘇臺有美殷簡亭小亭草構河之渚千載遙遙窺太
古心茅茨數椽而已矣老松數株蒼雲修竹一枝籬
寒水客來對兩摘嘉蔬與到寒堂采芳芷飛騰豈是
廟堂姿焉猶咲為微官起太常俸入頗無多僅足蒸

嘗且甘旨終；眼底矜繁華浮雲飛度太空裏清尺
淨歸此亭中莫使增蕭瑟污泥滓

結駟行送周蓆司奉最之京

結駟抗行旌旆；賦北征天風送黃鵠晚發鳳皇城秦淮
酒圻起烟靄登車意氣傾湖海司空家世銀臺風結
交青雲符符采三載揚聲執法庭祇今謁帝明光廷
黃金臺前壯士過錦囊拂拭聞青萍知爾承家多
節操風毛霄漢想儀刑

沈二槐郎伯南劍城接宴集

溪風吹颿來劍州故人喜得沈君侯憶昨相違白
下秋今宵握手歡重遊張采南安城南樓青山落
翠清溪頭明月正照溪中流溪声月色青山出后
侯起舞風颿；我亦放歌為君酬忽報溪光直斗牛
紫氣輝騰燭不取恍惚似龍溪上浮無乃豐城神物
不至今光怪生寒淋君侯壯節非凡儔不厭諾魂逢
相求此夜真消萬古愁願世侯山同不休

贈別李遜喬

去年飲馬臥龍津與君踏遍東山春今年對酌春亭

下石畔花枝相枕藉人生浪迹真特達君今西行我欲
東罷酒相看各惆悵傷春話別何如看君腰間
橫紫霞殿十年磨淬清霜鍊山中魑魅久潛踪天上星
文今復見聞說大廷方策勲醉尉莫慢李將軍蚩
曉燕然高勒石馳聲振我滄江濱

會泉行贈陳以道茂才

飛瀑高挂南山巔羣馳岩壁侵雲烟連漪泚泚漱寒
玉噴濤琴鳴繁絃向集源頭竟何處山下之蒙天之
注銀河一派從天來飛泉淅淅逢相遇由來天一坐机
神中流一氣融天津泉主人本孤潔肯藏千頃無纖
塵海內只今病枯槁側足焦原渴行潦看君崛起
寒泉濱玉瓢一灑滿穹昊曾聞在山泉水清要知
山泉亦澄真源一掬莫教混清流長溯銀河傾

題唐上舍石鼓觀濤卷

越王城東天鼓嶺東障炎海摩玄宮峰頭翠宇務擁
仙島下臨萬頃通龜宮紫陽墨跡亘霄漢海濤千古
颶天風灵岳自茲迫增重大觀乃角独称雄五羊道遠
舊仙侶鳳臺欲下清都翁逸思凌峭出泰華清風滿

灑流崆峒竭未三山豁心賞飄飄意氣高冥鴻與酣健步
鼓峰頂振衣長嘯入洪濤長鯨噴浪濺空碧枝葉波日
蕪霞紅阿翁噓然一撫掌臨瀛萬態羅胸中展不見
謝安双屐屨教杖道逢到处神俱融達人神遊自有道
揮斥八極在毫窮

人瑞翁詩集卷之四

五言律詩

春日閑左門即事

太液晴波動東風御柳新
忽驚萬里客又度一年春
歲暮慙我孤寒者後人素餐何所補願效作良臣

病起

臥病晨初起出行意頗長
朝生江上風動竹遠涼
引水添魚沼傍陰砌石床
更情結未得獨立望蒼茫


宿安原寺

夜宿招提曉山雲留半間
客老月慘疾後過水橋暖
此更三秋暮素禪古日間
舊愁得洗盡野癖為耽山

安原西庵訪友

山僻投書阮禪空陽信心
草香眠處結穩雲疾出泉深
一空返老白孤灯照古今
相逢歌未已千古見遺音

春山同田美英山行二首



出郭逢逢日看山入翠微
草香春鹿射過石潤曉雲依
食可長世爛柯能息机
馬蹄舊塵土莫使資心違

其二

春起多出思山行具亦長
田家烹茗候樵子摘梅嘗
杖屨於人柳林泉似我狂
東風不大駐更與上高岡

寄貴溪江生以會二首

京國連床意江湖千里思
別來惟涕淚病起強支頤
夜雨燈花落秋空鴈字遲
王孫何地見芳州只離也

其二

外弟冬雪天雁日暮雲浮生
萍梗跡相失燕鴻群
繼者早通札知名能綴文
長安春色東為想一逢君

胡于忠明府還自京師二首

双鳥朝日去單騎自天回
我喜識荆舊人歡倩寇來荒
年須緩賦劇邑見高才懷抱
仍愁盡為君得好開

其二

相違舍未久相見独情真
秉燭俱疑夢分金我為貧
宦風有遠別政固賴斯文人
去住多意鴻鱗莫厭頻

途中逢驛使

途中逢驛使借問大同關
聲聲遠塞多風霜天步艱
假方消息斷何日凱哥還
惡孤臣意愁催鏡裡顏

嶠峽夜雨

窮烟雲氣合入夜雨聲
嶠峽急雷震國山寒席
兒嗥世途堪涕淚客棹
悲波濤燈火孤帆影征
魂遠夢勞

題楊恒叔陶園五首

大師有餘慶元亮此生
涯久共園為主年來其
欲華帝鄉非富貴故園
自烟霞羨雨歸來早清
時日未斜

其二

溪上山長好天涯鳥倦
飛百年潭是夢萬事不
如歸慈母昔健像居主
今賜緋絳園丘整裏花
竹正生輝

其三

三徑菊松在芳塲春水
新故園今有主野鶴認
來今日涉已成趣行休
方是真居看西北路滿
月起風塵

其四

松菊逢春日幸榆鶯
陰浮塵双曉外生事百
年深擢登隨鱗隨窗
開入島嶼是非今與
昨回首更何心

其五

近溪分利水小嶽積
迴堤臨狎對眠穩鳥
還安放棲巢花西首
柳雜樹連流畦錯訝
桃源路逢回望歌迷

浦城西郊次彭美中明府韻

山城連日淨長路
客懷開野老燒茶
云高僧載酒來
龍風抽宿夢溪
雪落殘梅白蓋
真良牧陽春
逐騎回

西湖次鄭繼之韻

湖上尋春事天涯
泛梗同角中山寺
晚白馬柳堤風
澤國史情遠帝
閣愁緒中未能
從速老莫擬
吳逢窮

石門村

春水平江闊石門
細雨斜此鄉似
淳社桑柘美生
涯殊俗音杖
悠漁洲望不
賒最憐醒客
眠青柳間桃
花

桃花

澤國荒日桃花
處紅可憐深
造次不見舊
東風生事
獨暫汝危時
偏憶公其須
多賤泪愁殺
杜陵翁

登席丘浮屠

浮屠侵者窩中
鳥得高情澤
國山河蔽吳
江島岬明
鸞

花過去年戎馬繫心情何日風塵淨登臨嘆遠征

惠山絕頂望五湖

一酌清冷味登山望眼青湖光混天色雲氣動山形時事
悲吾出春愁而此醒扁舟愧范蠡若杜渺烟汀

沙灣夜泛

長沙積春水苦竹漫平沙遠路久為客孤舟翻是家
天涯深遊鳳樹密亂棲鴉明滅金波影飄飄泛月華

病中

長安氣候變臥病憐蕭瑟時伏枕有鄉夢探囊無藥費
朝廷誰斷糾事業每為馬解供武應臨治蒼生如不知

送鄭汝霖再任廣南

朔風動關塞南騎出長安五嶺重過地一琴前度官
心傷遠別天步正多艰去轡繞朝策先彈貢禹冠

送楊德敏之曹州

天地深秋氣風烟惜別時寒江掃遠樹高鳥托卑枝
吾道不終晦帝鄉還有期曹南望闕里咫尺見宮尼

九月二十四日早朝

走馬去東署承明漏向殘月華分曙色霜氣重秋寒

車馬榆林道衣冠玉笋班小臣金鑑錄何處達龍顏

小野堂對菊

客次悽踈放寒庭菊有花西風驚歲月南園負烟霞
三徑秋山暮重陽落景斜淵明歸未得愁絕向京華

憶鄭健之

少谷吾憐世形骸亦已忘隱一四海老嫗漫十年郎
玩世惟青眼歸山有草堂且從金馬隱共爾共徜徉

張道宗同宿

款款南津子論文兄弟行兒童今老大時老可悲傷
松竹平生志椒蘭歲暮香百年如夢寐燈火几連

苦寒

未老先衰颯寒來已不禁北風欺病骨南雁寄歸心
萬事黃臺盡莽中太白書陰后夢如可作為倡太和音

送王世澤之韶陽

歲晚憐羈旅時名居壯國低枝安健翼老驥取長途
臨上風烟路廣南山水都時逢合更隱道在有藉聞

長至

流光不可挽。至日若為情。律呂黃鍾動。風霜殺氣。
胡維終不滅。漢馬故深征。何處觀雲物。羈柙丹鳳城。

昌年吊劉蕡祠次鄭維之韻二首

落日悲荒癡。陰風颭古祠。昔賢生氣在。唐室末光時。
甘露机何淺。黃河恨已遄。登科俱朽骨。千載史臣詞。

其二

志士惜流落。放山還有祠。名高下第日。心苦上書時。
一點歸何晚。群姦死已遄。豈知朝代別。揮涕誦君詞。

送人之嶺南

春色九門曉。行旌五嶺長。山雲連島徼。海月照桃。
柳北都今多事。南閩合預防。中丞諸小阮。看爾白眉良。

次韻答方思道見寄兼懷鄭維之張宗道

遲口思君子。招携汗漫遊。客既嫌地僻。官冷喜春出。
青草風烟暝。空庭燕雀留。何時拉張鄭。披豁話林丘。

送人歸華亭

華亭鶴已遠。松江鮒正肥。今朝張翰去。冠蓋出彤闈。
天府名還重。吳門興不違。清蘭江芷近。小艇拾芳菲。

伍都憲擬歸田次韻

乾雀傷風後。高林不自安。周公能赤舄。賀老謾黃冠。
險路豺狼盛。空山松桂寒。驅馳存舊馬。何得解征鞍。

舟中雨晴

返照明川色。扁舟屬雨晴。白鷗有閒致。芳杜未歸情。
分殺入燕薊。河流到克青。綠堤垂釣者。羨汝不知名。

天津贈韓守清兵憲二首

雨漲流津急。河聲入海喧。二龍龜掌地。軸虎豹天關。
赤縣方多故。蒼生尚未溫。重關能保障。賴有一韓存。

其二

邂逅滄洲許。當年幸識韓。九牛能相馬。貢禹舊彈冠。
海上觀風遠。軍中頌胆寒。莫令襟帶地。鞞鼓動秦關。

浣俗亭贈鄭士鳳二首

繫舸滄洲許。揭來芳草亭。地吞瀛海闊。天入薊門青。
夜雨濕疏幔。午風涼素屏。緇塵飛不到。江漢客魂醒。

其二

風露暖行役。亭臺款主人。水涼天不暑。竹僻地長春。
未慣習池醉。深憐谷口真。林泉能引興。萍梗負歸身。

秋郊晚望二首

斜月江湖冷，遙天牀樹迷。總戎勞萬乘，馳檄過三齊。落
木驚秋老，歸禽帶月啼。西風吹畫角，商調益清淒。

其二

江城傳鼓角，更士盡戎衣。野色向秋薄，晚山入望微。風
波何日定，時事共心違。溪上黃花送，憐予蚤未歸。

秋愁二首

寒氣逼秋昊，繁華非久居。崑崙迷八駿，雷澤有多魚。
塞北兵何事，淮南國已陳。誰能解金甲，生計復犁鋤。

其二

清北原佳，暮秋深歎。斷魂漁樵，疲馬歌舞。泣長門，
送日星辰。動清都虎豹，喧書生空涕淚。何力正乾坤。

出清源近村

馳逐悲多事，倉皇出近村。茅茨低野樹，雞犬閉柴門。
白叟鋤田健，黃童戲犢喧。風塵却憐汝，何處問桃源。

庖從夜過阿城

寥廓古阿城，征馬嘶霜風。殷地吼海月，湧天高
邊鼓。動林驚鹿，屬車連羽旄。艱難思致力，飄泊敢辭
勞。

除夕用杜工部四十明朝過楚句

四十明朝過年華，向夕更風塵。雙眼睽湘海，二毛生
北平。初旋栖南都，未解兵。天涯慙柏邑，獨酌更會情。

首夏聽樊序班彈琴

椒頌迓新年，鴻臚抱素絃。松風一披拂，石澗落潺湲。
六氣生幽谷，以清徽上玄。子期山水意，為汝忽飄然。

哭張逆宗

廿載犹兄弟，白頭興我期。為知寒暑隔，乃有死生離。
老士輕溝壑，危時重涕淚。當年一封事，尚不愧男兒。

董將軍園亭

繁陰連灌木，清韻襲江衡。五月潭無暑，薰風如有
情。帝鄉愁緒遠，海國夕陽明。昨夜青山夢，松間杖屨輕。

濯纓閣會李匡川張伯初小酌四首

汨汨出奇邪，悠悠下廣川。子城叢灌木，官閣倚清連。野興
飛鳥外，狂歌落日前。新亭風景別，不用泪潸然。

其二

行過日靡，瑞未芳休。亭既簾清，水氣高柳。沈蟬聲
六月無煩暑，孤雲有遠情。空綠袪未得，聊此濯冠纓。

其三

逸屋千章木臨軒教敵池風生天籟集波漾水禽移
性拙耽疏放時艱老繫縻故園成獨感悵悵負歸期

其四

行部公程簡東園興緒多亞枝朱果落近市濁醪過
吏阮依城郭人家近薜蘿賞心應未已更聽濯纓歌

鄭成昭餞移家園

萍水天涯香園林雨後涼蟬聲高入調花新燠成章丘
羣吾生病風塵客路長浮雲冉冉散翹首望朝陽

送林廷光去守高州

千載東曹長一麾南郡行聖君憐遠地天子比長城
雁落楚天碧風高瘴海清穎川有黃霸遙聽鳳皇鳴

贈宋克仁尉西安兼懷張仲德

梅仙今作尉姑蘇美山川赤縣黃塵裡丹楓白露邊
天涯送客世誰想同年籍甚張明府遙知得汝賢

由清源抵京月餘復出分司通州

春棘初稅駕三輔復移車岐路更堪笑室家那定居

萍流虛歲月檣散令江湖城關西風起憂心苦未舒

通州喜戴師賢至二首

秋色連三輔天涯復對床石渠尊小戴漢署老馮唐
音極翻疑夢時危特自傷典君論社稷橫劔欲飄揚

其二

白雲粉榆冷秦雲關塞高故人來信宿旅次有新醪
意氣平何歡風情到雅騷經書開篋笥無惜教兒曹

病中懷鄭健之二首

抱病秋光老懷人不可攀何時同坦地羨汝蚤歸山
遠江湖外名高天地間芳牋吾已卜為掃白雲關

其二

衛川分手去南上寄書來白雁秋天沒黃花遠地聞山
翁迎舊侶朝士惜高才安石終多起蒼生重可哀

生伍中丞二首

北岳山岩堯上中丞節制遙兩年親鹿從八駿喜歸朝
雨雲逢春近兵戈指日銷瘴瘴連郡邑猶望暖風調

其二

徽省振衣日軍門列仗前風塵懷往事文字亦忘年

補衣曉山南登樓憶仲宣兒童初學語相見徒垂憐

正月二日途中二首

暖氣舒晴昊晨光動早春返橋初解凍去郭已無塵北極金莖現南枝紫陌新時和趨肺病興遠帶姪身

其二

稍見兵戈息初逢歲月更四郊無野哭百鳥各春聲浩蕩看山意佳回慈闕情昨聞朝令節已弄聖躬平

梁文司馬林泉山先生

海上傾天柱人間崇舊臣廟崇三世祀光祿百年身漢史榮疏廣周詩詠甫申故山吾欲就空涕辭夢春

春日王參戎泛舟御河兼賦轉運二首

玉溝下河漢春水動接城柳塢隨舟轉花風拂幔輕瞻覽時多逸興籌國有深情君是尋源使銀河到底清

其二

河渚明青牀城陰上小舸水茫天降下槎傍斗星高

王氣刑衰起軍儲節鉞勞東風散慈恩浮白泛春醪

首夏睡起偶題

朱明初夏綠樹結繁陰假寐消塵困清齋見道心官事變真事業榮許竟山林仰視浮雲外青天無古今

聖駕至自安陸奉迎于宣武門三首

曆數傳真主匡居帝鄉蛟虎今得雨葵藿正傾陽扈陣千雲驛來朝萬海航夜探看北斗紫氣辨干將

其三

朝旭初升海嶺煌煌不與遠傳賢今弊高徒統漢昭宣山谷思觀化經綸合肩賢舍將看猶不愛自辜列清員

其三

月明鵲鵲觀雲繞建章門代邸迎文帝朝儀隨孫乾坤南朝正霄漢北晨尊屋莫初逢日荔荔听采

言

出郭

出郭見青山涼風吹襟爽雲連朔漢海岱擁長安
行色轉秋思緒塵非壯顏慘々天際鳥何處獨飛還

宿榆河驛

息馬驛亭暮塵勞笑未休雁鳴青嶂月水落野田
秋宵柝無邊望晴山恣客遊明朝有行役不復及
閑愁

白洋口

萬壑特青海双峰夾白洋華夷明界限天地一封疆
成堞無烽燧山禽有稻粱承平思往事未可忽边防

省署對雪

畫省掖垣近朝四雪未消乾坤渾太白風格亦孤標
走馬迷燕市騎驢想灞橋平生不解事独怪野情
饒

元日

鳳紀王正月龍飛第一春中興今日事宿祿未歸身
化還三極瞻光旦九垓願言新象氣莫染舊風塵

杜老相待御批遊觀海者寺四首

遲日乘休假晴先行可憐祇因明錦樹碧海見青蓮

玩世淳
直性空心合問禪騰身逐驄馬能覺近三天

其二

玉室凌霞鏡閣照沉冥無盡千灯影真如萬劫醒
春潮浮日動梵聲出雲听吐々於深省寧々天萬古青

其三

太極晴波湧春流遠矣成馬蹄芳牀細鳥影暮雲
中肺病經時出塵襟向此清暢未覩化日委順已無
情

其四

招提天畔眼望裏蒼苔出尋瓊島煙雲媚銀潢
蔭符探帝城春自滿旅泊費高吟榜散嗟留滯
東風員員費心

春日暑中即事四首

吏散塵壘寂空堂春事出砌花繁露點愁梁燕舊
巢修性杜名夜薄年侵老未休自去奔走嬾却笑使
徒在

其二

淡句淹卧病畫省獨未遲春共心相負人知老有期

暖花有宿枝寒樹又新枝
勳業思前輩身名只舊時

其三

嶺南風得居常慢吳多雨
軒移灌木護花種
新荷肺病唯耽暖詩狂尚作魔
春未出意熟畫
省亦炭阿

其四

跡逐有即後心遠退食時
近看炎漢說不似魏文期雲
氣作春暎花陰向夕移
東風遍寒宇未散杞人憂

夜雨二首

朱明解炎熾夜雨泠清虛
久鬱氣初破新涼天稍舒
病多宜睡是才拙愧官居
矧首天涯意虞卿
敢著書

其二

沈雨不止開戶野涼侵枕簟
報秋早江潮入夢深
夜深蘊肺病客久抱鄉心
遙想高飛鵠隨風到故林

退朝同杜真字出左掖

曙色明仙仗秋風肅禁墀
退朝聯苑馬歸院近曹司
白首看同調丹心誓不移
此生山水意愛汝是鍾期

舟中對月

流河今夜月為客渺孤征
秋色天涯滿金波露下晶水
涵霄漢淨模近女牛明
長路不愁思塵煩已自清

秋思

後學為秋老愛心對夕曛
南鄰魚鱉宅西震巖翁
辟老士長懷璞野空美芹燕山回首近
猶帶舊時雲

鉅野湖

魯郊存故澤野水漫平湖
遠影孤帆盡高秋
落日無風聲淒鶴鶴霜相信
脆菰蒲惆悵復鱗地蕭蕭
古渡隅

舟中逢初度日

歲事小春節浮生初度辰
百年還几許四十有三春
國念消埃重親恩涕淚頻
舟中忍獨酌灑酒對河津

荒村夜泊

宵征市廛遠歲逼風雲陰
落月荒村冷開門黃葉
深漕舟窸窣夜柝成婦調
寒砧客子孤燈影蓬牖萬

里心

宿青縣公署

江亭寒色淨夜榻水光連遠意青山外孤心白月前
生涯具泛梗客路又窮年深坐燒官燭聞雞独不眠

荅鄭繼之聞薦

聞道采薇去山中辭薦書戈人何慕雁漁父竟登車
驄馬開賢路客星明太虛長安雪霰寄遲雨到天涯

曉發河西驛

驛路河灣歸程近帝鄉野雞寒唱月戌角曉吹霜
宵漢紅雲動關山紫氣長江湖不盡意望闕更徬徨

除夕

勞生机未息今夕歲云徂梅柳故園寂風霜客鬢疏
椒花隨俗媚燈火照人孤筋力非年少乾坤開壯圖

壬子春日

殊方初改歲旅病又逢春林暖椒花媚盤餐輕細
年深更世味性拙任吾真近讀潛夫論清愁見古

出都城途中作

紫陌天涯路燕山昨夜風十年真泛梗萬里又歸

教水權無及江湖憂不窮可憐春色裡半是泪痕中

放船

晴旭臨芳甸清江好放船岸迴沙草色風長柳絲烟
景滄洲外輕帆白鳥前客情憐異域春興巨長天

王家渡阻風

飄泊官河渡春深多烈風黃沙迷日月白浪噴魚龍
世事高枕生涯易轉達乾坤自逆旅江漢任萍蹤

佳林貞孚不至

春水天涯美人思不來風波各漂轉心事獨徘徊
謝傳虛基尚陶潛度酒杯天津跨河漢落日幾登臺

舟中念許士成次韻

六載樊籠役吾生野鶴心釣舟聊汗漫旅月共招尋
長劍屋文熟枯桐山水音知尺懷必壁定許售千金

哭鄭繼之五首

執紼向何處青山空雨過名高天亦忘前重世半傳
江漢先歸日英雄不盡年孤有豐碣千古麗雲烟

其二

鵲樟春同蕭青野堂空日忽以變松菊亦無光末世

風塵遠隔人音斷 傷平生知己淚哭汝白雲長

其三

少小羣俦侶 臨交前獨深 百年見女眷 四海弟兄心
白日收真氣 黃綬輟太音 江門空老我 落葉滿秋林

其四

零落星辰後 斯人何日甦 病多憂國淚 出為荐書行
宇宙浮精爽 江湖閱姓名 彭殤非壽夭 不朽是長生

其五

峴水秋仍社 招尋不見之 星湖成永訣 涕泗倍交頤

命苦賢人短 天將吾道哀 茅客黃縣志 獨向月中悲

少谷翁贈有文道自識茅客早于墳非當黃絲質三句因及之

臥起

幽居成懶癖 臥起愛秋清 江白海天曙 雲深山雨聲

庭花神對整 沙鳥眼俱明 車馬門閑寂 應餘肺氣平

簡侍御凱旋

白簡生風肅 青天攬轡來 乘兵憂瘴海 持斧出霜

臺 一掃旌頭落 長歌聽馬回 遙傳今按節 文武冠

恂才

寄林貞孚

維揚昔把袂 故國宵相思 爾病加餐後 吾憂洒淚時
經年南浦棹 長日北庄棋 橋首天涯意 青山歎紫芝

出江送李明府入覲

巴水初潮上 樓船萬里風 諸侯今正職 天子正重瞳 一
鶴翔雲外 雙鳥出海東 倘承前席問 回首念民窮

同林貞孚北上夜宿

出廊風塵暝 相携過北山 松濤清夜榻 花雨淨雲關
撫琴元同調 連床正解顏 去留兼翫 嘉秉燭 話時艱

三月三日登建州善見塔

春深饒客思 躡翠上浮屠 烟靄青空杪 溪山赤縣圖
沈沈修禊日 緬想舞雩後 嘯詠東風裏 冥心入太虛

陪友人遊丹青閣因謁韋齋祠

旅懷喜相見 携酒共看山 僧出雨花外 鳥啼雲樹間
丹青明客眼 丘壑洗塵顏 千載生蘭地 蘋花照水灣

宿武夷宮

九曲迴輕棹 雲眼寄羽菴 溪聲入夜枕 山月照空潭
天地奇如許 蓬壺夢似酣 幔亭久陳迹 惆悵發晨騭

重山臺典方思道聯句

蘭若春方暮芳華晚未摧
遠公双榻淨鄭老一碑開
素
百鶴窺新竹青山对古臺
歸舟且停棹此地少塵埃
豪

一竹贈劉博士

独挺凌雲勢翛然氣正雄
廣文聊寄興居子自清風
淇澳歌初發滿湘意不窮
行看鳳鳥至鳴遍次寥中

柯山洞

天關浮人境飛虹跨石梁
基錢化國夢柯爛白雲香
鶴馭何年返蘭紉滿地芳
神仙不可見海外十洲長

清源感舊

衛水流萍地回思扈跸年
江湖双暮短夢寢寸心懸
故老欣相見人家不似前
遲迴移棹去汀渚滿風烟
北河晚眺

森燭下遠渚矯首望

神京河漢夜涼動關山暑氣

清天虛北斗近月西東華明野老舊荇爆迢迢萬里情

部直二首

畫省重來地清秋夜直時
烏啼千里月風動萬年枝
舊業驚鴻杳散早棲戟羽儀
下帷对官烛阮公有遐思

其二

鳳城喧擊朴閣吏報更籌
目浸金莖冷參移玉露
秋種桃悲道士紉
暮靈修高枕不成夢
含香未散憂

韓忠定公挽詞

紫衣人世慕夢白壁先生完
社稷悲唐介朝廷
孤忠存日百折不回
淵風節抱青史精光後

送族兄公教浮梁

款、吾宗方清声重廣文歲深燕市雪春入楚江雲

阮更高鄉相探玄破典墳莫令湖海濶不遣雁聲聞

元旦得家書

旅愁逢正旦遠道得家書
妻子荒年病風塵久客心
折腰仍五斗懷璧員千金
尚愧廐居士携家息漢陰

夜泊呂梁值雨

忽、短篷底山風送雨鳴
五更驚客枕六月颶寒声
竹路難如此虛舟意自平
湘鷺呂梁水已入夢魂清

淮上贈手郎丞

江上靡蕪綠薄遊言采芳相逢手太白同葦葦羅裳

鵬鵬盤淮海驛歸出汴梁長沙愁絕客見汝老親颺
人瑞翁詩集卷之五

清江駐鶴亭次李郡丞韻

萬竹蒼烟裏江亭深處幽鶴歸雲滿地月上海澄秋
旅愁情洽狂歌客衣華亭風景別湖海會清遊

蕪湖四合帆風次韻答馮東浙太守二首

百丈牽遠危急流風波祇自信舟楫

向楚州江湖結夏思

其二

去國心仍苦迷津淚欲乾
既弔湘未有賦浮虛謀

田羅水邊遇謝州相傳去馬意何處狂望樓

通教示昌寄王希節明府

白下聞王子為印有好香山連
熟秀水

夜月望張沛春棠几樹陰南征愁思寂悲故人

羅琴山中

連峰十里綠羅陰見說羅含此數琴
岑寂高山流水遠聞珊啼鳥落花深
瘴鄉異代悲同調春色逢天惜
心我有梧桐欲攜往百年苦結子期音

江城畫角發深宵風動關山遍
沈寥冷落梅花飛紫塞蕭疏月色度寒宵
春風擬腸先斷客夢翻驚魂欲銷
懷壁脫戎馬地美芹猶戀聖明朝

登高涼北樓次黃竹溪韻

壯賣劍懷人事不如去國未曾收涕淚
移官那復兵車登臨極目天西北萬里
憑誰將鯉魚

喜亮兒登第

天門高擁帝城春萬里風雲動海濱
南省濫竿聞稚子北辰翹首慰孤臣
先輝更覺青雲切醉舞那知白髮新
報主餘情今有托買山初興是吾真

喜雨

六月樓臺憂思深
近來雲漢更關心
青天欲洗四郊
塵滄海翻傾三日霖
遠喜瘴鄉生紫氣
却看赤土散

人瑞翁詩集卷之四終

妖嬈漫擗如意燈，舞日暮風生萬壑林。

遣愁

孤城留滯又聞秋，旅夢塵勞未散愁。南國每煩戎馬計，西山猶聚猱猱遊。天氛晝起宵還烈，瘴霧晨蒸午不收。風土向來神鬼怕，野人獨立看滄洲。

洗夫人祠

古祠落日聞歸樵，馮家老嫗名不凋。娘子行軍解破賊，蠻夷有人聲動朝。錦繡已興蓬蒿沒，香魂猶憑巫覡招。千載高涼問遺事，白雲放國青山遙。

高涼北樓新成

城北顏垣悲往事，層樓此日壯孤城。地蟠五嶺炎風遠，雲散千崖瘴野清。眼底豺狼看掃穴，簷間燕雀賀新成。關門三老逢憐汝，他日能無說姓名。

高涼南樓新成

南郭樓成俯大荒，天風旌旆颭高涼。山迴銅柱搖空翠，水落珠厓照夜光。漫興庾公元不淺，長安范老未能忘。自今多暇倚惆悵，十二欄干雨斗傍。

陪祝白石大參登南樓

嶺徼玄冬天氣曉，登臨喜近紫薇垣。十年湖海鴻泥跡，萬里樓臺燕語溫。清渚泛光明錦佩，丹山流彩耀朱幡。共傳召虎來旬地，薄伐而今至太原。

留別高涼父老

晚雲擁騎出高涼，始信并州是故鄉。心苦一年悲戰伐，路迷何處問行藏。山中已掃豺狼穴，海上爭看日月光。忍別關門三老去，喜渠安穩事耕桑。

樂安驛見舊題感賦

息馬郵亭感舊題，清宵客思轉悲淒。兩年來往風烟別，萬里飄飄歲月迷。樓外青山曾識面，雲邊孤鳥未安栖。干戈甫定瘡痍在，惆悵微軀東復西。

宿獨鶴驛

獨鶴翩跹向暮林，野田寂寂小山陰。清聲何處九皋疾，頓足今宵萬里心。誤落樊籠悲歲晚，終焉仙羽拂雲深。縱山遶海未歸去，且欲招渠伴一琴。

遊海珠寺何少參瓊黎侍御貴携酒至

尉陀海窟伏驪龍，領下珠光結蕊宮。日月跳丸弱水外，樓臺倒影夜明中。紫薇曉暈躡星履，繡紵秋生

天澤風為愛清狂共譚計玻璃世界走鴻濛

壽黃竹溪

昨宵華渚流虹地竹色溪光到海清初度西山逢卷甲
小春南極映長庚百年銅柱心逾壯五嶽丹梯眼倍
明却怪踈狂老方朔食桃曾說是前生

召赴留都參右軍事

六年塵土暗哀顏嶺表今朝喜賜環未向天涯悲
素髮且從白下看青山候門劔戟風雲裏聖祖開
河錦繡間我亦參軍解壺語壺烟歸去復投閑

端州留別鄉先生

隴上梅花送酒杯沙邊繫纜久徘徊一時文雅心相
結千里溪山眼並開天遠未踈鴻雁字歲深猶上
鳳凰臺黃塵碧水春風淺日暮寒雲首重回

次韻荅偏石溪方丹山二首

野老自憐餘病骨瘴江今始泛歸航六年客夢渾
無定一飯君恩未敢忘廊廡可容樗散吏衣冠猶
識舊仙郎五羊詞藻多增色賸有春花二月香

其二

幽懷曾對西江月浪迹復觀南海航聚散情懷徒自愧
浮沉身世已相忘賈生未報還宣室李白而今出夜郎
聖祖萬年陵寢地孤臣晚拜御爐香

寄程雪崖參戎次前韻

元戎寵餞臨江渚粵酒吳謳上野航湖海清狂吾亦
得風塵高義爾難忘醉鄉何處邀王績洞口他年憶
阮郎虎帳回看雲鳥陣客衣仍帶芰荷香

奉謝王兩洲方伯王南湖憲長出錢海珠寺

龍宮祖席海天澄貝闕珠光照五城雲捧紫薇臨大
岳霜清臺府動高旌三千里外逢賓主二十年來老
弟兄念我飄零不相棄歲寒應見古人情

重經飛來寺值雨

往時獨上飛來寺今歲歸來寒雨多野興却嫌風
景殺壯心祇恐歲時過青山咲客初緣薄白日驅
人索爾何見說秣陵山色好雨花臺下細摩娑

茅原陪張厚浦小酌

騎驢城邊春水濶野人宵傍紫微陰酒杯邂逅三
兩棊局留連萬里心豈為中郎能倒屣却憐鐘子是

知音日南悵望天西北長劍遂為梁甫吟

張心齋方伯歸山東左轄

憶從階水識平生
湘海還了歲暮情
緒斧閑閑曾取
豺狼避馬重風聲
廿年父子通家舊
百越山川瘴雨清
西北克門切肯肝
未容齊魯駐高旌

黃義敏公墓祠

金鑿洞心紫芝田
惆悵司徒送老年
一代玉魚蒙葬地
百年銅柱上擎天
隴頭松柏寒逾古
雨後溪山春可憐
小展生烏重回首
祇今桑梓愧前賢

遊黃文禮太守山莊

巾車曉赴青崖約
五馬山中春正深
澗溜香浮芝叶長
楚雲暖藉石壇陰
松喬真處非人境
嵇阮仙風在竹林
尺五天高共時論
他年杖屨更招尋

陪黃文禮遊精爽寺

平生不識法華路
今日聊為因果遊
雲雨散花白日靜
蘿烟搖翠青山幽
野僧出走逐雲去
童子閒顏緣客留
何日扁溪結三嘆
松陰石榻好相酬

赴留都答林貞字次韻

遠從遼少風流後
今日飄飄赴右軍
山酒未酣盤頂月
江帆又指秣陵雲
良年落魄真堪嘆
笑倩清廟遺音何處聞
願有弟兄能回訊
天涯無復忍離羣

答

嶺表生還夢未安
秣陵何處路漫漫
故人老去真難別
窮子愁來且盡懽
遠喜旌幢出城郭
放歌舟楫倚江湍
洛中耆舊思公輩
便擬東歸築社壇

贈

息萬松嶺承党類東方伯
漢西宗大客狂顧奉
西湖五月萬松陰
息馬松風小坐深
僻地何由青眼到
先天忽見紫微臨
舍書四首十年夢
去國冥思千里音
今日故人重邂逅
湖山竹寺薜蘿心

登天茆峯

獨嘯三茆第一峯
青雲飛去萬山風
丹梯九轉玄霄近
玉檢千年紫氣融
漫道谷神能不死
向來元化本無終
隱居岑寂華陽洞
誰植新荷烟大中

宿茆山上宮

瑤宇青蓮控夕曛洞霄高處謁菲塵紫霞飛擁
蓬瀛踏華蓋光攝衆綈文龍窟水屋千嶂雨鶴巢
夜氣半間雲先天只在心齋裏隱一既鍾世外聞

金陵途中

紫金山色拂青霄江漢湯湯拂海潮千古鍾陵佳處
地當年寶鼎正朝明戎裙暫托黃樞幕攬轡初
經朱雀橋嶺表歸來聊自慶西都浪跡未蕭條

暮府眺眺

索居幕府愧無圖獨鶴淒淒悲失群落木高風
寒積雪荒庭哀竹暝愁雲長鏡未赴西山約短劍
還看北斗又為閭傳炭操築者何緣逐重見明君

別張夏山參政

銀臺曾憶列羣仙回首羈孤二十年忽見紫薇花下
月空悲蒼蒼府歲寒天蹉跎江漢未歸去惆悵雲泥
相望懸眼底匡山春老動蒼苔隨衆散各風烟

至日朝天宮祀成遊西山道院

壺宮祀罷大長秋西躡壺山最上頭江浦滿城生紫氣
陽鳥出海照神州明天詠得星辰近化國其長幾几希

出仙宮尋常行處有吏役何地覓丹丘

鍾山雪望

東風積雪晨未歸鍾山玉屑削何崔嵬瑤島光涵兩
儀淨水晶高照千門輝孤懷對汝共芳潔春意衝寒
生翠微天衢躍馬興不淺剡曲何事空舟歸

雪中登憑虛閣

曉約看山結騎來六花飛上白雲堆帝城不負青春色
官閣何孤濁酒杯天入蕊宮清世界地聯玉樹迴樓臺野
人共結冰霜志十二欄杆眼並開

嚴相公第宴集

黃扉深擁帝城春紫府祥雲繞座賓北斗光臨三極
會東風暖煦百花晨狂歌有意親騷雅浪跡何能動
縉紳此日春臺分半席寒庭芳竹長精神

春日登雨花臺

城南山色春華臺上何年天雨花六代江河流日月三
吳草木老烟霞翟雲漫說維摩詰優鉢空聞戶葉迴
法雨飛花零亂處莫辭尊酒對韶華

清明日游北禪雲叢

青山誰鑿圓明教，萬古雲歸洗沁天。雲磴暖消花
雨氣，洞門深繞梵香烟。載酒怡逢百五日，參禪休問六
千年。相離采秀銷憂得，石上三生意惘然。

檄下改秋官印中

海上歸來繫欲絲，蒼筤又上白雲司。衣冠頗識仙郎
舊，橋樑猶蒙聖主知。鉅劍星文重自拭，長途老馬
笑應遲。已叨唐介生還喜，敢謂馮郎白首悲。

寄題袁史淮慶堂

我昔曾遊吳楚墟，蒼梧翠竹見幽居。鍾峰高傍春
臺壯，秀浦遙歸越嶺纒。太古烟霞侵几杖，青霄金屋照
圖書。堂前定有蛟龍起，千載南陽諸葛廬。

送王生德盛歸羅田尊公克清先生同年物故十年

矣德盛見予字下叙舊悵然而予族子宗桂近令
羅田因附寄之

遠憶嵇康泪頗多，秋臺無那別居何。重聞滄水生神
駿，身為眉山得城書。劍風清揚子，渡魚龍春起洞庭
波。吾宗羊父鳴琴地，為爾先付夢房歌。

送新世堂之南寧

紫山秋色正蕭赤，百粵風烟別思深。異域弟兄悲聚散，
幾年湖海共浮沉。朱旆遠度三湘水，驄馬常馳八桂林。
西望伏波銅柱近，許君莫負歲寒心。

秋夜部直

城上烏啼夜角悲，孤灯深坐白雲司。風高楊子烟波迥，
露冷鍾陵草木衰。讀罷楚騷憐庾宋，夢回虞典想
皋陵。夜魂秋思增飄泊，起步松陰月影遲。

暮秋再遊雲寂

北郭寒山晚翠幽，山僧作社話重遊。紫雲玄寂今猶
昔，細菊繁華春復秋。偶角塵崖營混沌，便聞噴谷發
騷騰。散愁更上青峰頂，目極長江天際流。

送繆惟靜乃弟惟欽進士寧親還滇

漢署兩京逢伯氏，秋雲美矣復高翔。潘輿曉拂金莖
露，姜被夢回青嶂墮。白雁暫分江上羽，碧雞遙在江南
陽。定看匣裏雙雄劍，並向青霄吐夜光。

贈高涼王希賢上舍

秣陵漢署相逢日，却憶高涼戎馬年。往事已知心獨苦，別
來頻與夢相牽。諸生誰是亦官侶，之子無忘嘉樹篇。為

寄閨門舊三老城南碑碣想依然

贈喬侍御權陝西參伯

使車西出動皇華渭樹江雲天一涯南國已清駝馬車東
風初放紫薇花夜深隴月臨關戍寒盡老春入塞始為
報台公分陝地甘棠又見暮陰斜

喜陳子器至金陵因寄乃弟子虛

金陵忽見樵山子喜慰鴛鴦付自哀老我風塵猶策
馬憐君劍為未登臺青蘿舊月夢千里白下春山共
一杯江漢風流更何地為尺兄弟好懷開

送蕭鎮南

昔年鼓柁澄江上為有狂歌娛姥看瘴海別來驚歲月
白門相見動心神芳洲著雨蘼蕪綠遠棹輕風楊柳新綵
筆傳聞多氣象江湖誰是眼青人

題張白川瑞峇卷

艷陽紅紫鬬紛紛春水寒花四不辭辟曉色自憐呈
日丹心獨抱倚禪雲江湖為報秋堂信草木先留漢署
文丘聲孤懷吾亦健歲深相結喜逢君

送劉賓客愈還西

西江宿者俱漂泊白下相逢喜復新舊國青山同更遠
天長劍又風塵漫愁竹灤蒼梧淚想見雲間桂嶺春鄉
里衣冠吾道重憲臺清節動秋旻

自金陵還家復值歲除

三年轉徙無寧居西度還家值歲除爆竹椒花仍舊俗
衰顏短髮不如初溪山信宿春相見幸梓年華意未殊
便向離傍添水檻終焉歸釣峴江魚

山樓新成

懶性哀遲戀故山小樓新築擬投閑歲寒結侶松筠在
日暮招羣鶴鶴還觀化飄飄瀛海外放歌還
從今滿漱沆霞液洗却浮生塵土顏

晚堂對雪

邵齋寒色凍晨梳出戶空驚世界殊一夜風雲清瘴野
萬山水雪曜天衢瑤臺玉樹新相見旅泊閑情向不孤
獨鶴依々如解意灞橋刻曲漫招呼

奉荅張犀浦方伯病中乞歸次韻二首

乳燕移巢黃鳥諫東山有疏返初衣共看碧月照滄海
未卜白雲生翠微歲晏可無歸病志天涯悅復忘兄弟

稀鳳池早晚發龍集為報蒼生願不違

其二

伏枕休歌去矣行百年秋矣若為情馬鄉多病從今起范
老先憂祇自驚久客雲山欵揅點新裝劍馬合經營塞
予淹泊誰相訊願訪風期天路平

宿手邊喬西堂

唐帽山前太白堂碧窓夏簟十送新涼花間水石留烟霧
戶外松筠老雪霜但覺仙風清入夢即短星家爛生光
今宵舊季相逢地萬古萍蹤耿未忘

出貴陽北郭范虎山侯于別墅

示郭紛馬首塵青郊相見喜如新離別秋菊依元死
谷口春田憶子真便共青山相陽降更與携酒在後巡
予元是烟霞客識汝林泉別有春

登青定城樓

千峰飛翠繞孤城六月層樓暑氣清地勢大牙連越雉
天涯鳥道入昆明關山日暮殊方眼戎馬時艱逆旅情回
首長安心獨折愁雲不見雁南征

同潘薛二進士赴龍原洞

五里青山開洞府山中灵秘有真藏歲深龍卧碧潭
穩春去仙莊瑞艸香絕境清歌同李石釣天絲竹送流觴
酒酣漫吐道逢賦洞品迴看白日光

觀風亭普陽士夫宴集

翠壁高盤祇樹林玉欄梯繞碧雲岑大觀天地虛無境
小隱烟霞曉靄深萬里羽仙同下榻百年瑶瑟有知音夕
陽崖壑清風起滿座蘭荪慰客心

新杜曉望

昨夜西風起庭樹曉來秋色到連關溪山上下烟光裏
鵬鵠縱橫碧落間番郎兩年双翼改慢亭
不堪宋玉悲搖落獨坐山堂清旅顏

中秋散步

清宵月色不勝寒萬里清愁獨倚欄滿地金波秋水向
中天玉露桂華溥瓊樓高處誰相約空劍閣未且自看
欵這灵槎訪牛斗銀河猶恐動波瀾

師舜二首

寓貢院有懷張犀浦方的兼寄同年高公次范
錦水鱸肥張翰殊高秋卿年舊荷衣西風昨夜吹正

此耳清光動紫微
觀闕已聞明主眷
詞場獨惜故人稀
只今藥餌應須却
卧起東山定不違

其二

星轅憶昨報秋行
出餞無端更繫情
故國青山居眼
醒殊方白髮我心
驚百年已約松筠
佔數口何愁旦暮
營為寄錦城高占
范通未夢共訪君
平

曉窗閑卷

玉繩低掛玉河津
晚起眼邊無一塵
塵擁天香芸靜簾
林秋色疎闌新
古
芙蓉誰能薦太乙
青蘇自神
千載弁髦逢啟運
衣鳴知不負嘉賓

丁酉諸司入覲余以述郡獨留弗與念違闕數

載懷然感賦

郡國諸侯因述職
孤臣起首五雲深
風烟他日分符
地大馬空懷逸興
關心青殿夢回香
袖煖天門想像
日華臨何緣便藉
雙鳬影萬里飄飄
到上林

題四香亭輓李州守

東風飄泊四香亭
花雨闌珊香滿庭
猿鶴已隨人去
竹亭長結歲寒青
南夷欣鄙多遺愛
太學許生舊

典型湘西交趾逢
伯子白頭猶廢蓼
莪經

郡國何陋亭舊濱
墻隅隘且啟余撤
而新之移于

正方落成賦此二首

自信此邦終不陋
新題舊跡遍新亭
青天化日本無外
赤縣華風當漸更
聊為遠人留小牀
已知薄宦是浮萍
自公猶愛吾多暇
端坐雲霞滿地生

其二

天畔孤亭開郡國
述成春靜愜幽棲
倚欄西面雲山出
步屨離離草樹青
馴鳥等閒窺竹澗
野花競笑雜
疏畦絲草更如故
園想三匝清社夢
不迷

留別香郡吏民

西載行春春未足
吏民相送莫相悲
滿明自笑歸來晚
何處馬知去後思
在津誰能歌魯頌
而西頗憶說邇詩
新橋綠水長堤路
回首東風去馬遲

贈田西阜集戎

燕室鷹鵠識姚騎
述塞忻逢虎豹閑
劍氣由來冲北
斗陣雲今已淨
西山相携感慨十
年夢自愧飄零萬
里遙知有封侯
誥笑東何時報我
新樓蘭

渡湘

萬山驢馬黔陽路五月移舟湘水尋漢賦空遠負生恨楚
騷猶見屈平心風波漠漠鴻冥遠烟雨蕭蕭竹溪深詞客歸
來還自慰渡江高唱水龍吟

春日即事

東風噓暖到山家自笑逢春甚已華谷口舊巢千歲鶴
炭前新種四時花頗於林壑日相得獨念兒孫天涯懷
抱好開復惆悵芝雲雁影杳長沙

溪源夜宿

溪雲飛鳥訪真源溪上仙風清客魂挂石椅松臨嵒岫哀
泉度壑弄潺湲蛟龍洞口如相見虎豹夜前不敢喧高閣
夜深聞聲教青鳥隨月到玄門

暮秋偕林处士遊石松寺

翠嶺峰下叢林晚西館相携眼倍明天迥風高双鳥遠江空木
落萬山清秋客已縱烟霞老野色偏饒杖履狂誰信昨非今
更是我今方得古人情

聞林貞孚起用

千尋榕樹蟠江曲萬里微書動海濱止整浮忘謝太傅衣

冠舊識范純平生不承承家操此日誰拚振主身岑寂
山吾已老情然為爾破愁襟

山行見梅

老卧山窗盡起逢山中香影滿南枝與尋倒迤邐芒屨笑
被迴風倒接離獨樹我任冬不改寒花新與我相期年未
謝絕雲霄信春意遲清祇自知

壽黃丞世揚

紫芝谷口香雲浮玄圃不知春後秋仙侶已傳餐玉訣
督郵無夢問更籌在門花草渾如錦紅者星辰爛不
收老我青山能結社丈人筋力頗相優

族弟桂荃晚得子欽仙果匪春奉賀之

玄圃碧桃香露暖照了朱實歲三千也緣春名傑如
海自是仙家別有天野老情狂能作客吾宗蓬蒿始生
賢亭前竹竹高千丈看取枝頭紫鳳翔

若借閑名見贈兼謝惠鰓

吾宗卧榻座不侵明月照見白承衾俗社風流君最長蘭亭
疎放我因心瀟灑杖履新苗係江上鳬鵲芳草深惠我周詩
魚雁意明朝呼酒共招尋

張廷葵大司馬見訪奉贈四首

侵曉攬朱梳白頭
疎簾湘簟報新秋
偏聞桂梓清風近
自登茅堂宿露收
入座台躔臨大麓
一輪卿月照中流
不嫌京朽供靈福
滿目青山足散愁

其二

仁門散步望江天
雲水應持慼性便
落日漁樵相款語
高風鵬鷁正翩翻
憐公野雪山陰興
我白駒空谷薜蘿花
逐掃陳情坐榻竹
窗吹起煮茶烟

其三

仙奕堂前桂短筇
僊游塵土有高峰
烟霞爲壑烟花媚
山雨一窗山翠濃
元老襟胸生氣象
野人款接笑從容
他日詢香舊勿謂
西江有臥龍

其四

柴門靜坐對清溪
浪際臨臨舊草堂
謝傳情懷終止整
健杜陵風雅海天長
林扉不礙穿羅徑
竹翠何妨倒芰裳
今晚荒村破愁寂
百年蓬華有輝光

初寒記事

楓林霜葉驟初寒
谷口遙迴韻考柴
三徑菊松近我老

而風月更誰看
向未奔走真如夢
今日行藏始自寬
鄰叟不須談歲暮
花開葉脫總相安

內誕日若陳會極茂才

拂衣爲愛舊青山
看曉山風掃石壇
花下獨愁雙鬢白
日遲猶負寸心丹
稍嫌舉案惟蔬糲
冠蓋當筵有射蘭
已作衣門長往計
百年家室盡餘歡

謝人送武當山柳海杖

玄樞神遊何處山
柳枝寄在石梅間
千年霜幹誰相贈
一朵雲根手可攀
便得塵教尋岳去
更誰太乙蒸

遂衣顏藉雨提攜
力定駐丹丘不老顏

答許竹居見寄

歲晏山中松菊伴
招尋無奈故人何
遙來綠野誰相問
老去丹心儘不磨
香動南枝迷谷口
光垂北斗倒巖阿
開絨應識許詢意
花逢春風待雨過

吳航劉序璋善古篆隸爲書門額家訓率爾賦

贈

景風吹動紫雲涼
爲匡荷衣度柳塘
愧有雲輿編存舊
訓取唐鳥跡借餘光
澹州對榻揮毫遠
碧海生潮染

蕭香千載何人知史籀素屏古色照山堂

若劉彥璋

綠野江天喜再逢
江亭清興未為窮
神交倉頡皇墳上
愁破齊秋仙品中
短髮揮毫忘今夕
白頭燈不厭夜深紅
角巾
霜露誅何遠門外蕭蕭落葉風

若黃丞世揚

卧起寒窗對碧山
錦絨遙出白雲間
瀛仙恰有笙簫奏
野老真無塵土顏
千載遺音流在口
一時大雅動江關
青蘿石徑青霄月
共惜高歌共往還

重九前一日黃丞詒蟹栗諸品次韻奉謝

青鳥初風下草堂
恰逢明日是重陽
撥爐煨栗看童喜
酌酒烹蟹對嬾嘗
適興好酬佳節醉
放歌自笑暮年狂
白衣果解開明意
不負東籬菊有香

喜董令月林郎承黃文學一時見過

柴門長掩草玄庐
今日欣逢長者車
十載風塵驚馬友
藝林一時丘壑聚
琴書山花頗足登
臨興江州郡將懶
溪岸野橋雲樹接
吳教中樓往來疏

黃明府吳司教以賑貸出訪早堂

晴曦朝照碧山頭
我有嘉賓喜倍尋
良道劍術生豪氣
未肯輕衣弄芰荷
香車前坐見疲癯
起谷口行教悅悌
章
必值花晨挹芳潤
暖風吹遍水雲鄉

錦溪小築山堂成次韻答林處士三首

野人寄傲丹丘頂
小結茅茨四五間
陶令新栽彭澤柳
龐公舊隱鹿門山
松風澗水聲蕭瑟
溪反園菊日狂還
老我餘生藉踈闊
巖扉蕭索坐中肩

其二

拂衣久謝紅塵網
避世深居翠壁間
豐草茂林隨杖履
嵐光野色聚溪山
夜深劍氣高千丈
歲晏金丹到九還
他日神棲如不泯
令人傳作草堂看

其三

別墅初開錦水傍
柴門深逸白雲間
千年丘壑塞溫地
萬壑烟霞遶近山
谷口春声鶯早出
天涯日暝鳥知還
竹藏已定吾何事
歸去來辭靜自看

訪董令月山居

萬壑迢迢萬木陰
居家住近水雲間
柴門竹塢琴書靜
野岸溪橋杖履閑
列宿昔曾卜氣象
五湖今已寫

曾襟花前簾倒簷居飲滿座春風醉客心

春遊石松寺

法真松下法華境春半登臨春可憐野翠兼天飛雨外
峰霞接地落花前林丘且畢餘生志杖履隨脚未了緣
設向屏溪結三策竭末滿深是安禪

黃丞昆季枉顧贈詩次韻奉命二首

高蓋遙傾野老家秋堂茶甌轉輝華松巖竹迳猶堪
賞鶴髮綰巾亦足誇江頭狂喜鴟為侶籬下旋看菊
有花肯為荒庭歷岑寂山炊卿角進胡麻

其二

碧山沈沈護吾庐嵐蕙烟蘿慰雲居杖履步隨風雅後
頃第聲動笑談餘滄江拂石坐垂釣谷口斷岑歸荷鋤
遲暮相逢倍相喜何妨下榻更迎徐

丁未秋得雲兒

野老何能出世塵滿堂賓客賀禱禱喜看門外青山色
翻笑巾中白髮新身後書香應有望眼前酒債未為貧
曾聞仙果生來晚東海蓬壺別有春

壽黃世揚

紫芝香動萬松林又振瀛仙初度臨谷響遠通秋
風高萬嶺洞雲深千年鶴語松喬約萬里鵬冥綺心
見說玉鉉新露白何時醉卧石床陰

舍陳元之茂才

峯角謝陳庭生玉樹祠瑤況復識荊州山風偶下山中榻
江月遙臨江上樓曾見龍駒逢伯樂喜從仙馭接浮丘
青霄世業看髦俊好慰懷良舊釣舟

陳舍極以諸生就省掾前帶茶肆必林本隆韻為

贈

子夜江天望少微江橋今日有人歸少年董買
歲晚蕭蕭漫足非冠佩好州高世志溪山共大道
白云老我松丘暖些爾長歌歌不違

黃世揚山亭宴集

山徑松蘿拂紫烟山亭高宴小春天三江雲影白鷗外萬
壑松聲鶴鶴前白首放歌憐我老青尊滿主恩
相携猶覺登徒健更共洪崖笑拍肩

次黃世揚韻

青藤枝醉涉層岡愛雨山中日月長鶴侶共遊千載約

鳳毛今向五雲翔中祀年安咽
子既氣儿席累依薛荔香欲
問飛白者舊處吾鄉亦有襄陽

陳曾極宅賞牡丹

上林園色動春風吹入江橋繡幕中
湛露凝芳當畫
出流霞絢彩映塔紅笑看老眼神猶懣
醉飲韶華興
不窮而識洛陽姚魏品祇今綠野喜相逢

荅劉双池

晴光散雨釀春和詞客開顏同咲歎
天外青山江意遠庭
前綠樹鳥聲多塵踪已入白雲社
聖世
滄海波花
本一亭誰生伴清風半榻待君過

至日書懷

谷口風高短策催
蘇晨又報一陽回
身辭朱紱十年夢
手植
紅梅几度開
混俗未能長閑
戶觀雲不厭
煙參臺山中
稍喜
冰霜少得伴松林舞鶴來

首夏序丹錦溪次本陸韻

春多暖花風雨外小
丹今為看山來
蒼崖壑已朱夏白
首杖藜非壯懷
樽酒未虛元亮往
釣竿久傍子陵臺
清渠錦水遙相映
風雅全情美及爾才

哭陳舜禎邑博

旅視飄飄返舊帷
垂楊夜雨結顰眉
朱絃祇為鍾期絕
自有空懷宋玉悲
文采既傳身後事
溪山惆悵眼中私
未忘故園秋江冷
還有波光照夕暉

送張廷爽赴南大司徒

赤霄飛下紫泥書
萬里風雲動海隅
聖祖舊都元定
鼎司徒今日合登車
山河錦繡現風裡
廊廟聲光振政
餘林下衰翁粗生喜
願聞化理竝康虞

贈陳遜齋明府

列宿中宵近照臨
花封飛旆想棠陰
五雲日影隨
萬壑松聲度一琴
現稼怡逢霖雨喜
聞歌遙起
武城心
琴旂峰下清狂老
賜中溪流到海深

喜曾孫生

臥起山窗書正曉
傳家又喜有曾孫
蒼鷄白酒難
述南翠壁丹崖谷
口村人衣三春
隨隙倒一門四代笑溫
右詩書世業衣冠傳
願祝華封振
至尊

荅王汝存茂才

玉堂空掩扉
經年忽忽不
瑞芳裴閣迹
采南舊聞諸

萬家誰識生賢林泉已自閒三匝風月何曾
負一錢青許星文光彩筆青山遙接五雲仙

小樓對月

歲暮積翠擁山樓望月澄空坐散愁洞底風松果
野鶴天西河鼓度牽牛神迹耿飛仙境逸氣飄
控海舟老我秋懷正孤潔肯酒屈宋賦悲秋

聞平倭捷報

島夷腥羶熾南州十載瘴癘血戰愁天上將星今始
出幽燕妖魅已全收捷書夜報三山傲奏凱晨馳五
鳳樓野老素榆怡杖屨太平歌舞恣清游

春日里中語見過

歲陽盛動慶王春聚首原非異姓賓桑梓衣冠真古雅
烟霞杖履各精神百年羣穉同杯酒一代豪華有几人
聞道海濱今已靖喜隨椒頌逐年新

哭陳即輔之

深秋垂老復深悲苦為陳即恸哭時地下修文何太早可
東敵賊更誰期寄負四憶西山蕨補之作空負斯有晨祥
介壽長留北海祥輔之壽予有手膺知北海鄭聲三年東庄之

賜斷淒風寒女蕙惟提抱兩孤兒

袁芝孫領鄉薦

城頭旌旆拂穹蒼傑仗喧填畫省堂為壽一孫登薦
錄笑看三世聚書香傳家祇有遺經存報國休令舊業
荒老眼摩挲頻北望五雲高處斗牛光

送袁孫壽試

翠壁丹楓岳水涵征帆遠赴香園期風烟眼底孤陽香
琴劍行迹匹馬逢經世文章誰量賁於天事業有日年
憂金門父祖垂踪舊聽朕傳步玉墀

袁芝孫登第

寒江此閣淨朝曦欵欵輕舟扣我扉笑為吾孫將遂報
得從春榜附餘輝聖朝甲第叨三世霄漢風雲動九
圍主老山中片曝意平蒙事業欣無違

答李邑傳

老卧青山嘆至今山中已長高松林拂衣谷口風塵靜
濯足原頭烟水深鴻鳥有盟長伴龍共說無意起
為吾蘇高秋忽報驪駒詠遠寄長沙賈傳心

贈國壽

桂香花開紅雨深
麻姑泉繞石花臺
壺中似有鐘離訣
座上曾同莊鳥吟
不厭遠山空
整冷更憐寒谷薜蘿陰
為君掃淨風松栢
坐听瑤琴萬籟心

登九仙觀

九鯉停驂臨上山
夾城曉遠雨花間
落霞零亂朝元閣
古木蕭森函谷關
杖影飄飄化去蕭
聲院院鳳飛來
遂東樓憶昔共書
靜坐擁天風十二櫺

合山橋成二首

錦江江上駕江橋
間道憑虛野興饒
日湧彩虹橫碧落
青雲飛華表動青霄
溪山遠近頻相訊
棠梓寒溫屢見招
杖履喜看天際水
康衢願效老農謡

其二

一曲清江阮畫橋
成佳致格增饒
龍宮光炯浮銀海
牛渚芒寒下紫霄
青霓衣袂欣有慶
良宵絃管醉相招
浩歌縱步仙橋上
不羨城南尺五謡

首夏山居酬陳會極見贈之作

風松高撼洞濤極
宿霧青浮碣石隈
愛此溪山相涉
降老子杖履漫追隨
谷聲上下聞啼鳥
天氣陰晴報熟

梅忽听朱絃徐奏雅
仰看雲漢影昭回

歲寒重酬會極

舊園方壑旅雅稀
碧山久葺芙蓉衣
神霄宮笈誰能識
詞客仙葩屢吐奇
谷口古松霜後碧
庭前老鶴月中飛
紫葉滿意開三迳
歲暮何妨醉翠微

初度答董山人

臥擁壺看几度
癸卯知擢敵是何官
祇憐地僻每忘盟
為報客來旋正冠
菊圃招携藜杖暖
草堂款悞接杯寬
董公三老懷高義
障倒殘年且盡歡

何廉甫利史鄭世喬別駕枉顧贈詩次韻奉荅三

首

野老清江開草堂
雙邊鶴駕度江鄉
雲深自是仙風迥
山靜田來化俗長
身與松喬同几榻
久從園綺謝岩廊
咲看寒谷秋先裏
滿地瀟湘花竹香

其二

江上亭江岸曉
青山倒影入山塘
潮平軟雨鷗群狎
風細逗簾陣綉仙佩遙
芒屨下德星高
照水雲
史其容酣笑芭蕉舞
晚翠光接琵琶花

其三

秋高冉冉山中暮上客飄飄物外情雲氣偶從巖石
出松風旋作海濤鳴杖藜不厭屢登臨尊酒相愛及
照晴仰瞻鳳髓動霄漢朱絃漫奏金聲

禁縣尹五十三得子

天闕柱庭先奕葉歲歲深瓊樹挺新枝玉壺寒露清
如許玄圃春風較未遲驥足已酬千里步鳳毛定有五雲
期怪來野老岩棲久湯餅延用總不知

病起

病起塵蒙烏角巾夢回方識妙秋晨可憐伏枕經三月
自笑病形添已九旬瘦骨總非前日態老懷猶是本未
真杖藜倦倒聊乘化莫問松筠更几春

九旬過日翠微岩老人贈詩次韻奉酬

龍鍾坐擁舊書帷笑看兒孫介壽嬉豈足伏生間詔
日頗懷榮老放歌時竹堂未敢疲終宴柏酒何妨酌滿
卮况有翠岩黃綺伴緩山筇鶴遠如期

春日江亭即事

老愛春山化日長山中卻笑為春忙柴門小艇臨江

岸荔園庭培護野堂款客頗能基對局開尊何厭酒
先嘗夜未猶夢南宮試記索中庸第一章

送劉邑傅赴龍陽

偃息松高不記春暮年傾蓋有斯人素襟徒勝芝蘭味
高恒暢懷陰悔真鶴馭又翔千里翺鯉堂不染一塵塵
洞庭香蕩瀟湘綠西望龍湫好問津

酬董山人花朝有作二首

山翁何有聲交歡見說花如具未開老眼笑看渾似霧
小童扶步使枝鞍不嫌芳竹連出徑最愛香風破曉寒
日暮未愁遲莫也洞天自覺悔天寬

其二

山花明媚為誰歡卧起山窓曉夢闌為喜阮鸞歌出
谷已拚老馬卸征鞍柔榆在耳日將暝松菊復逢盟未寒
更向花前重問訊春懷幾許老懷寬

壬申歲殷克齋中丞以恩詔存予于家邑侯用揚州

定未將命賦此奉贈謝

山翁九十三暮寄傲山中笑自休列宿清輝臨大樾花
封文藻動寒雲登蓬聖主恩光傳自識中丞禮數優

優滿眼兒孫欣舞蹈山翁原倒更何憂

又謝殷克希中丞

岑寂空山度歲窮
病筋疲瘵中丞祇奉龍飛
詔殊錫遙憐鶴髮公
三世登庸徒自愧五朝遺老竟
何功
看希府雲臺略高去開山有代勳

病起即事示憲兒起兒伯夫馬友二外孫

病軀老近歲深期
獨喜喜風顧不違乔木烟蘿山靜處
小樓燕雀日高時
行厨已報晨炊熟卧榻方驚午夢遲
賴有兒孫供筆札
碧桃花下寫新詩

陳汝翔茂才枉顧

鳳穴奇毛天路永
羽儀先已動神州
遠守丘壑即傾蓋為
愛溪山同倚樓
空谷有人談岳宋
窮荒何地覓劉丘
飛颿一瞬輕千里
看汝長江萬斛舟

夢著小庭紅梅偶開一花喜而有作

犀芳滿眼並驚龍
忽見紅梅梢一點
紅妝節已消殘腊
雪新凝猶整首春風
老懷豈有韶華態
瑞氣偏呈造化清
醒一觴聊忘老
僊醺徐步小庭中

同董山人遊錦溪

錦溪山上翠微巔
舊院山堂自昔年
洞口老松俱偃蹇
庭前翠柏已參天
登丘聊踐風雲志
掃榻高歌伐木篇
莫道韶光今欲暮
春華猶暖更堪憐

庭梅秋半再用一花用前韻老喜

谷口秋高氣鬱蒼
古梅不報從新紅
絳唇独占楓林曉
清韻兼揚桂子風
葉叟行歌忘歲暮
蓀收破格歛神工
老予正值悲秋節
一洗塵襟霧眼中

相者葉生見過詩以送之

臥穩寒窗晝未醒
忽聞飛鳥款柴扃
往年更欲心相
許歲暮言過眼更青
自西嶮嶮非遙
照馬猶抱朴真火
殘軀解得延殘喘
老病荒丘肯再經

江祠華表成

晴曦朝火海門東
華表江頭跨彩虹
半渚芒沍何鼓度龍
洲光動水晶宮
中宵不夜千山月
長夏如秋萬里風
黃髮杖藜閑散步
綠陰聊憩一漁翁

奉謝劉中丞商侍御百歲坊

翠嶺谷口萬松風
喘息猶存一老翁
誰意夢在黃閣
上猶憐園倚白雲中
擎天華表三山壯
醉月棠榆百

歲紅願借末光重晚照康衢朝暮頌華封

會閩清洗明府

在再詔華度百年何能振羽扶飛仙祇從心上聊現化未
信人間別有天野底烟萝春夢穩海鷗雲水舊盟堅絃
歌忽聽流空谷愛雨周行示我傳

董明府以方田過山中有贈

海門日映萬峰顛邑蓋西巡國甫田共喜花封清瘴霧預
知繡斧動山川馳驅不惜心神費伸縮深惟土俗憐百歲
老翁扶杖出絃歌聲裡拜青天

己卯歲初度示內外子孫

落莫山中已百年山中又振小春天一杯茗飲愛何事萬
壑松風意自仙杖履暖回初度日斑斑懶弄壽筵前當
是喜為兒孫祝奕世書香世有傳

蔡伯華比部辱序拙詩口占奉謝

貫成星彩養青霄萬里旣青奏鳳韶動化高標去海郡
采詩先重白雲樵百年杖履春冬志三徑松筠老不凋
竹芽有句咏黃耆可能為達聖明朝

五言絕句

下関

未逐青牛去蕭然獨下関関門無令尹秋色滿空山

興田驛

溪山遞虛興松栝盤層陰我有武夷尋芳春

廣川戲寄陳允陽

翟公門前雀林子河上舟相聞不相見斜日抱離憂

試劍石

旌陽劍已化刻石留遺蹤猶聞風雨夜潭底泣蛟龍

仙人橋

獨立架冠整足蹤南依然遙想步虛日青雲在半天

舊刻一翁序墓種木十首

鼎之上雨康之上上序倚向山中人種木今何如

其二

霜江上雨和雨種冬青不見堂皆昨涕泗双交零

其三

霜江上雨和雨種芙蓉西風不摧折寂寞呈秋容

其四

霜江上雨植子檜與柏願守歲寒心千年見顏色

其五

霜江上雨植子桐與梓願听鳳皇鳴誰諧律呂

其六

霜江上雨種松垂兔絲下有鏡石根上有

其七

霜江上雨二月陽春時不惜種木苦但惜春暉遲

其八

霜江上雨種木已成蹊草相交結愁聞鳥夜啼

其九

霜江上雨新枝莫輕折夜聽子規啼枝頭淚凝血

其十

霜江上雨江江水深四首故山木伊余淚滿襟

春日山行八首

小車度山曲桃李花芳差幽香遠復通滿面和風吹

其三

曉日出果春深天氣和山行不知倦汗漫春行歌

其四

下山復上山隴阪費登頓行役未蕭條春色多繼續

其五

古木自糾結飛蘿搖煙梢山禽出山谷相對鳴交

其六

上隴麥苗秀下隴菜花黃農家事樂

其七

田翁睡初起日晏開茅茨竹籬負山坳小澗明花枝

其八

黃犢鳴草坂草青犢正肥野童走看客三五相追隨

其九

山溪石出水生數尺強夜來一番雨流帶落花香

其十

石船先法寺間畔

苦海驚濤滿地慈航停棹何年彼岸來風可到本來

龍析

光世寺石洞橫梁兩山巔巔近有龍翔其下

岩陰石梁空初鬱洄翻雪浪潺湲神物年未化去山雲

日暮飛還

七言絕句

枕澤面先生有召阻風不能赴奉謝二首

山雨寒窗日橫靡盡堂高榻久相違我迴倚杖看天
色雲遙溪風本草飛

其二

江門欲放木蘭舟無那江風動客愁

興碧山秋水倍離憂

昌平途中大風三首

燕山三月北風高崖谷悲淒萬木號空塞春光無雨
露落江湖心事恐波濤

其二

昨日居庸萬馬回鐵衣猶帶戰塵生未撥天黃霧迷
清晝吹入長安暗未開

其三

策馬春郊柳欲青烈風猶作撼天聲非關青帝催
柳却是飛廉氣未平

行宮六首

漢皇車駕擬南巡河上行宮處新楊柳堤邊含雨色
翠眉愁結未舒顰

其二

直北河西楊柳青黃芦白草結新亭蓬萊端拱多蒲
漣日暮鴉鴉聲過掖庭

其三

河上行宮姓成土階蓬畢待霓旌四召亦知堯禹依
不施刻楠典丹楹

其四

驛卒征夫且復休鸞輿未必竟南游見說江淮民力困行
宮風雨使人愁

其五

崑崙不見白雲謠何事周王馬跡逢草舍離宮行處
有可憐千載謠祈招

其六

丁寧郡國莫謀求
玉輦南巡命已收
吳越亦知親魯衛
不勞細柳拜條侯

天津夜宿五首

海風夕起火雲收
萬里同奔入海流
仰直天津跨雲漢
即看旌神出江樓

其二

雨歇西山涼水多
風湍浙々若滹沱
晚來潮上月初出
無數舟人子夜歌

其三

南連齊魯杳天長
北望燕雲接大荒
最是兩河津要地
暮帆烟樹入蒼茫

其四

征衣涼動暮愁多
夜色蕭疎海氣涵
遊子空嗟未莫矣
北美人留滯在江南

其五

萬方遙遞尚風塵
江漢飄零一病身
今夜河南望河北
分明北斗挂天津

部署小園蒔蔬四首

有聞西傍開小園
種蔬已見蔬葉繁
林丘興致亦不遠
便有鳥雀來聲喧

其二

翳々槐陰繞舍西青々
葵莢一時齊塵繁
後女藉蹠懿
汲取井泉時灌畦

其三

豈苗瓜瓞夾籬傍
雨後帝風引蔓長
最喜放山護茅
屋薜蘿煙樹鬱蒼蒼

其四

公曾長日苦淹留
小園猶堪散朱愁
閑裡短畦鋤菜
甲宦情未減野人幽

溪漲三首

九溪春漲湧洪濤
白日蛟龍閭雨歸
湖海萍蹤任漂泊
輕舟真是一鴻毛

其二

飛湍瀾々下灘鳴
坐外潭搖若不平
平地風波更堪慮
丁寧漁父不須驚

其三

連州橋頭浪跡天連州城邊驚客船出門便有風波惡案
子風波暖亦便

直吏案

零落曇花石磴前可容通手伸安祥虎溪為我圖三笑
更與棠陵結白蓮

贈方坦翁五首

思遠方翁

通吏年來不愛官坦翁攜手樂園樂故人萬里堪乘興
伴汝春深看菜欄

其二

飛霞沆瀣溢津姑射仙人一幅巾向來不識桃源路今識
山中別有春

其三

虎清谷口山人來山翁為我支徘徊悠然喜下撒魚網
查潤橋邊洗酒杯

其四

山翁勸案盡餘杯客醉猶能滿意陪倒着接籬花
下立自誇不作玉山頽

其五

昔年為翁賦通客今日當筵見顏色我與棠陵為
弟兄願作青蘿附松柏

竟達樓二首

雲壑飛泉翻雪浪天風舞鶴下烟簷小樓愛雨青山
好浮世從渠白日忙

其二

青山高閣故人家流水春深泛落花欲問底門何處
呈白雲相對葛巾斜

餽張崑崙第然底贈二首

細剪飛霜萬縷絲金鼎鹽豉功未就
山人莫恨送美遲東詩數送屏故云

其三

往年海上尋真去玄圃分司揖美門七典丹丘玄麻賜
如憑青鳥寄崑崙

度江望金陵九首

高皇事業乾坤上掃腥膻日月明千載飛龍出淮海
萬年金鼎定金陵

其二

大江西北潏天來江上風吹駭浪顛山色遠瞻龍虎勞
白屋爭飛王謝燕秦淮猶唱後庭花夜來惟有清宵
神都秀出鳳皇臺

其三

長江自古為天塹王謝遺宮入杳冥梁苑吳宮何處是
南征遷客嘆南冠芳草王孫愁未闌青見星河映江水真
六朝花柳尽彫零

其四

六月江風涼似秋青山兩岸夾江流南來山水秀可掬日
暮龍橋繫客舟

其五

上清河頭楊柳陰吳姬輕棹歌吳音金陵子弟繫輕
舸笑擲金盞索酒斟

其六

青龍山後海雲歸白鷺洲前沙鳥飛芳杜本南滿江渚
清芬遙上芰荷衣

其七

南下吳都北望燕傷心最是草除年梁苑鄒枚功盡
綠尊經閣上徒堪憐

其八

其九

月長幽青山碧水涯

閣黎嶺

東源迴度閣黎嶺千載純陽未闕師款喚閣黎參直
指著衣亭畔草離離

爭桑嶺

瑤牀晴烟染翠嵐路入猶自說爭桑是公惠老今何
處回首黃龍駐客驂

永寧道中五首

南出禾川三十里秋坡前是七溪山鳥道爭看烟霧裏
峰頭只恐是天關

其二

峽深深蘆葦昏林端颺颺流聲繁此生牢落不堪
訴相逢惟道形容存

其三

西山夾水勢紆迴山雨半晴春水來一日渡溪二十穴溪聲
連出自雲隈

其四

七溪溪頭千萬峰東風吹散煙濛濛
無處深山春不到
山梅半落山桃紅

其五

上山峻峨下山迴馬蹄盤旋驚欲顛
流水又從山口出
桃源別有洞天開

楊儿川召飲桂花酒味鯉魚鱠

歸還母顧余永感亦承惠及徒增悲懷而已

且以此歸蒙儿川謝留賦詩附謝

篋頭秋熟桂花香月夜分香到牀堂
南望白雲空
溪接杯聊喚細尺書

釣得龍門點額鰓霜飛入篋笑顏開
而今食良有魚
笑長鉄休歌歸去來

題坡仙話禪書

刺吏當年賜已新舞衣今自色歸空
空空色色歸何
處回首西關明月中

望韶石山

虞帝南巡已寂寥誰聞嶺外奏箏簫
韻鳴球搏拊荒
山蒼蒼碧碧遺風動有苗

曲江祠

芙蓉山下曲江頭丞相祠堂草樹秋
夷甫從來識石勒
陽聲鼓使人愁

嶺南雜詠六首

嶺微之西山鬱盤盤枕柳堤
冠蓋憂時
外怪
嶺南雜詠六首

其二

百重種落萬山徃藥弩蛇矛太劇驕
隔水漁音時出
沒人烟東岸亦蕭條

其三

銅鑲柑葉出山來洞口魚鹽盡
暮色四
郎國年
費招撫
大羊錦突未心灰

其四

龍溪綠水接羅傍洞口黃烟山紫蒼
王孫啼上桄榔樹

日暮偏愁依客航

其五

聞道 寧初縣兵高州昨夜更縱橫
白晝公門行剽掠
可憐膏血滿孤城

其六

鬱林諸水下游荆
成鼓材官晝夜還
當安定紆南顧
慮軍中更有一韓歆

秋分詞四首

夜庭風動井梧枝
又是高秋落葉時
看取枯枝待色
不將落葉寄新詩

其二

沉香亭北夜爐薰
自撥琵琶向夜分
豈是玉顏偏寂寞
笑后王元不識昭君

其三

秋水先搖太液池
芙蓉花影漾潏潏
臨池羞把蛾眉
照為花面已較遲

其四

照陽日色照寒鴉
肯把紅粧共問誇
但願餘光各
西風野雀噪茅堂
哀柝空庭日漸
忽見囊
笑

秋風搖落是繁華

庭前觀柳眼二首

春來消息眼中知
煙雨摩挲展翠眉
不逐艷陽明
媚態何妨桃李漫相窺

其二

為誰含睨為誰醒
春去春來幾許經
但願東君不相
負年年相見眼終青

中秋戲月奉次呂涇先生韻二首

金波秋色迥光華
遍照關山天一涯
此夕追趨散地
何如采三花

其二

小輪光展碧空圓
今夕何其喜不眠
自信孤懷對明
月更從何地覓青天

郡齋九月四首

去年九月雨花臺
金陵美酒菊花開
今日孤城搖落地
南雲不見雁飛來

其二

西風野雀噪茅堂
哀柝空庭日漸
忽見囊
笑

却驚今日是重陽

其三

微外難尋黃菊近
籬邊不見白衣人
開口且須拚一笑
莫教牢落倍傷神

其四

殊方佳節誰為侶
独有青山對郡樓
也是天涯未始
寂流霞日度萬峰頭

夢鄉

家在旗第一峰
山前石屋夾蒼松

下深識

其濃

月下艤舟二首

沅陵山下暮雲歸
野翠霏霏上客
倚樹四看山月上

江頭雲去月沉輝

其二

坐憐月下青山影
靜聽灘頭流水聲
從此扁舟好去便
江山容我一身輕

詩黃明府吳司教于陸安寺山行四首

春山十里鬱蒼蒼
古木垂藤花有香

妙

省風輕透薜蘿裳

其二

一寺風雨暗郊原
曉起晴光紫翠繁
見說星轅臨
寺山中鳥鳴去聲聲喧

其三

山花錯落散餘霞
山澗潾潾石近斜
明存愛山僧愛
客新泉旋汲瀹新茶

其四

蒼黃明府省郊

雨足春苗春書陸
頻聞布穀喚雲林
王司教意任天下
無數溪山序望深

其五

傳家二十有三世
老我百年仍四春
為報玄孫陽併會
問渠高祖是何人

人瑞翁詩集卷之五終

人瑞翁集一卷

浙江巡撫
採進本

明林春澤撰春澤字德敷侯官人正德甲戌進士
官至平番府知府年百有四歲有司爲建人瑞坊
故以人瑞翁名其集原本十二卷今未見傳本此
本其曾孫慎所重編也春澤少與鄭善夫游互相
切磋故其詩頗有體裁但乏深思厚力耳

谷平先生文集五卷附一卷

〔明〕李中撰

江西省圖書館藏清光緒十三年吉水葆元

堂刻本

附《四庫全書總目·谷平文集

五卷》提要

序

谷平先生學以求仁為本以閑
邪為功以直任天命流行無事
安排為實際余幼時聞長老述
先生居嘗齋明盛服如對上帝

谷平先生文集

序

一

族子及諸門人侍坐至竟日不
輕發一語穆如也蓋是時新建
學興整菴羅公猶往復辨難先
生不復與辨惟明實有諸己文
恭羅公云晚循漸次以知及仁

守為難能未常襲世人弊以為
高奇此善言先生者也世多疑
文恭為先生高足類發揮新建
餘旨似與先生學分道而馳不
知文恭一步一趨宛然先生家

法安在以言尊先生也世皆知
先生養邃不知先生丞通衢十
年讀易梅亭所得動靜消長之
機與造化俱生俱凝未易以語
人者境至幽而仁至熟矣余每

讀先生語錄謂為濂洛餽羊敬
語先生家子弟曰夫先世有良
田在後之人植而芸之先生言
吾黨之嘉穀也播而植之是在
二三子諸君躍然刻而傳敬拜

而引其首以識仰止

萬厯甲寅孟夏同邑後學鄒元

標頓首拜書

谷平先生文集序

孔氏之傳自濂洛關閩諸大儒出而其說益詳
誤之詳其指不能以不異學者視諸大儒之說
有如法家律例一字既不得輕有出入又必一
一求合於異同之間以爲按據否則人且以杜
撰態之於是自宋以來號爲理學者無慮數十
家其書至連數十百卷往往輻輳於理氣之有
無動靜之存省轉相駁難至於漫衍贅複顧益
無以見聖人用意之微讀之使人心煩而目眩

谷平先生文集序

卷之四

一

斯亦孔氏之一厄也哉

朝理學始推薛胡其後乃歸白沙此三家者其
說異矣今其書並傳而不廢豈皆有自得耶谷
平李先生抱渾樸之資負剛正之氣早緣授經
有感師訓即能獨立於童穉之後絕意於財利
之媒習忘累歲恍若得門其大要以求仁爲的
以閑邪爲端以自作主宰不致纖毫之力爲功
以生生不息不與以已爲體以心正而動自有
分殊爲用以脫然無繫當如大虛爲樂以遞世

無悶不求人知爲至其他一切支離纏繞眩飾
馳騫之說曾不足以入於中而搖其聽審不假
朋友之助翼不雜佛老之緒餘真可謂雄偉不
常者矣已而見世之學者務虛虛而遺行實則
益肫肫於隱修嘿省而且以能事講論爲切戒
侍其側者未至密契固莫知先生之爲也先
生平生無習染之鑿故其簡靜迥於風威無逆
意之懷故其知識全於質任又益以精思深
詰之勤固能直信乎已而無公於外視附和他

谷平先生文集序

卷之四

二

人口吻依違似是自以爲得者豈直不可同日
語哉議者謂先生倦於謗人緩於從政疑有所
詘此非然也昔橫渠晚歲勇撤臯比延平隕然
有如野老不揣本而齊末誰則無疵必比而同
之是參魯柴愚固有歉於速肖而公綽之短於
滕薛又安所取於成人也豈不悖哉洪先弱冠
執業老益固陋無以光顯舊聞懼就湮沒乃與
先生之子元生庚生手錄遺集次第刪訂將以
傳之嗚呼先生之學固不求知於人矣乃若詳

說而反之約可無求正於先生哉里譚官行附
在次編蓋誦詩讀書必且尙論其世亦曰患不
知人固孔氏家法也

嘉靖三十七年戊午秋月門人羅洪先謹書

先高祖莊介集凡三刻初刻於邑明府羅
公小濤再刻於鄒夫子忠介俱罹於火是
板爲先伯考瞻玄先生節縮衣食之餘黽
勉從事不足竟鬻田以繼之三年而後成
書崇禎癸未以來兵燹相繼舉家流離此
板幾供爨下鳴以死護之得不燬僅失去
鄒夫子手筆序文一篇及集中詩文五六
篇而已今補刻以成完璧先祖之道德諸
名賢論之詳矣嗣孫小子復何贊一辭但

思先世良田匪惟播殖爲艱卽守護亦不
易後之君子讀是書與爲我祖之苗裔守
是書者當必有感發而興起者乎斯不負
先伯考鬻田刻集之苦心矣故附記簡末
以告後來

玄孫鶴鳴拜手謹識

凡人於祖父所遺薄業微基子孫猶斤斤保貴而不忍失矧先世大儒手澤所留後之人任其漸滅而不傳其咎將誰諉耶天授堂三十一世祖莊介公爲有明一代道學所著谷平集初刻於邑令小灣羅公次刻於忠介鄒公其後公四世孫瞻玄公又從新翻刻竭資不足竟鬻田以成之及崇禎癸未間流離兵燹此板幾供竈下之炊賴公有五世孫鶴鳴公以死護之得不燬是數公者或重爲之刻或力爲之守皆以此爲先輩典型不忍棄也今

流傳日久舊本無多其苗裔旣不能付之剞劂以壽諸世卽稍有力者復旁觀袖手以致湮沒而不爲之彰於心忍乎誠不忖冒昧不避怨勞亟出資以雇手民檢原集而新之俾公之文章氣節彪炳天壤與日月爭明斯愿遂矣非敢以此自功也不過體鶴鳴公之意以無負前人刻集之苦心云耳用是筆之篇末以告後之覽者

光緒十三年丁亥孟夏月葆元堂三十七世姪孫

存誠拜手謹識

谷平先生文集目錄
卷之一

奏議二十八

闢異端以正君心疏

患病乞恩致仕疏

謝恩疏

陳愚見以裨庶政疏

考選軍政官員疏

查舉兵備官員以勵庶官疏

地方事疏

自陳不職乞恩罷黜以弭災變疏

添設廩米以便肄業疏

重守令以安地方疏

問安疏

公薦舉以求將材疏

保留考滿方面官員疏

專委任以督邊餉以安重鎮疏

奉慰疏

大勢強賊夤夜劫掠拒敵放火殺死人命
疏

河道疏

保留考滿方面官員疏

雨澤疏

自陳不職乞恩賜罷以弭天變疏

薦舉去任賢能官員以裨治道疏

奉慰疏

進繳勅諭符驗疏

谷平先生文集 卷之目錄

六

薦舉賢能方面官員以資化理疏

舉幼有司官員以昭勸懲疏

舉教職以興文教疏

舉武職以備任用疏

舉地方人才以備任用疏

卷之二

谷平日錄二百九十六

私錄師訓二十四

卷之三

書三十三

復邵司訓直之乙亥

復湛甘泉內翰丙子

復同年高汝白丁丑

奉陽明王先生庚辰

奉李梧山先生

答甘太守辛巳

答羅達夫己丑

答伯實弟

谷平先生文集 卷之目錄

七

答吳嵩伯僉憲

答羅達夫庚寅

答鄒謙之

答周欽之

答謝子順

答羅達夫

答內翰鄒謙之甲午

答王蒼谷方伯

與甘太守欽采

答鄒謙之

答李元卿典教

答林都憲以乘

與柴憲長季常乙未

在廣答文興丙申

與李子健侍御丁酉

與東橋顧都憲

與高三峯都憲

答李子健侍御

謝兩山方伯

與王道思典學

奉宗伯霍渭涯

奉三峯高侍御

與李御史石坡己亥

謝恭川李方伯

與內翰羅達夫庚子

卷之四

詩一百四十五首

谷平先生文集卷之目錄

八

光孝寺靜坐偶成三首用王巖韻乙亥

先母大夫人忌日一首乙亥

謁東坡祠三首

次韻鄭自修明府二首

寄同年王克清令番禺三首

白石行窩夜酌

喜得家父信豐書

寄內翰王宜學

奉懷內江李先生

謝陳吏目焯二首

次韻同年丘懋之二首

至日得王一卿書

憶先達袁侍御德純昔年巡按廣東卒于

龍川用石翁韻二首

愛梅亭

梅花四首

寄彭仁卿

夢石翁

谷平先生文集卷之目錄

九

除夕

元旦試筆 丙子

和韻答陳吏目焯

次韻何子昂

梅亭小酌贈趙通判用王宜學韻

醉後吟 丁丑

次韻七公三首有序

次韻僉憲黃小江愛梅亭絕句二首

離五羊舟中遇雷雨有作

舟中夜坐

次韻宜學會三河南安寺二首

愛梅亭四首

次韻袁掌教見寄 戊寅

贈譙倉官煥二首

富口別羅大理後有懷

舟過陽平懷彭司訓世圭

舟中冬至二首

野宿時在圓魚艮牕 己卯

村望

安遠山中見梅

迂路

再至通衢

遷寓長樂學宮

次韻俞沙泉

答沙泉

將過通衢

庚辰元旦 庚辰

次韻張槎溪別駕九日有懷 癸未

釣臺用陽明王子韻 戊子

別東橋三首 辛卯

紀夢有序 癸巳

先君祠廟志痛二首

紀夢 癸巳十二月十五更時夢

次韻鄒內翰東廓集講九峯詩二首 甲午

夜宿南禪

西齋晏起

深夜醉歸用韻

予自大洪山過溫泉茅泗坂趙氏兄弟訪
予乾明寺邀過其家謙飲凡四日歸途

口占絕句二首錄寄代謝

挽荷峯陳應和都憲一首

東平詩有序

鄧鄧過呂仙祠

良鄉懷古

京師旅館夜坐思故友鄭鹿門伯興

金先生文集卷之目錄

十二

訪崦山掌科聞茗溪吳道長謫判泰州

讀古穰敬軒二集有感

先母生辰用許魯齋先生思親韻二十二

贈郡牧矩齋陳子致仕詩有序

子婿楊士養省予官舍數日告別遣一力

隨回以事吾老姊氏口占小絕見意一

力名勸保者吾心也

次韻同年周兩山有懷衡山四絕乙未

鄧一清明府以事過海豐道經五羊予喜

別久一會濱行贈別絕句二首

蒼梧會萬五溪方伯夜話

擬遊三洲巖官舟一更過之未果偶作

遊南華寺五絕

梅關謁曲江張丞相祠丙申

石洞夜坐二首

石洞中秋

靜坐繹師教

山翁語予昔年解學士嘗遊石洞任四十

金先生文集卷之目錄

十三

日而去口占小絕記之

贈周欽之訪石洞二首

夢先師玉齋先生有感

過瑞州仰山廟思荷峯陳都憲

德安縣除夕

紫雲訪異人李大瓢

偶成丁酉

登獨宗山

重遊水南寺

珠江公署夜坐

富順院中夜酌

廣安道中

金堂訪石坡李侍御

崇寧朝發

思先師李凝道先生

歸去來辭贈中丞張西野翁

西川元宵

答高三峯都憲用舊韻

谷平先生文集卷之目錄

贈石莊鄧都閫赴建昌用燕厓韻

廣都三章

過瞿唐峽

過雲門渡

夜韻少司徒高三峯見寄絕句三首

觀晚菊

錦城留別諸君子

西禪寺夜宿

謁聖廟

庚子

登泰山

巡撫東土紀行有序

辛丑

卷之五

文二十八

序六

贈陳廷紀歷蒲歸家序

壬申

河源縣志序

丁丑

環溪詩序

庚辰

八桂詩集序

辛巳

谷平先生文集卷之目錄

竹屋序

龍飛利見詩序

癸未

記四

龔坊書院記

甲戌

逸菴記

乙亥

思椿堂記

辛巳

硯記

甲午

答問

四

怕人議答

乙亥

十五

勉學問答

朱學問答

求仁問答

跋五

書邢太守南庄八詠卷丁丑

書陳克菴先生挽冊後辛巳

跋蒼谷王子錦夫書壬辰

書解學士歐陽氏族譜後丙申

書宮保遺墨後己亥

祭文五

祭下符墓文辛巳

野吏亭告陳文惠公文癸未

祭先考文

祭先師王齋先生墓文甲午

祭先師梧山先生墓文

墓文四

下符墓記辛巳

先考李府君墓記癸巳

故妻張氏夫人墓志銘癸丑
義姊袁氏戌妹墓志銘丙申

目錄畢

谷平先生文集卷之一

奏議二十八

闢異端以正君心疏

正德九年十月

奏爲闢異端以正君心事臣聞帝王之治本於道帝王之道本於心心正則道明道明則道行而天下之善治以致心之不正異端亂之也未有心不正而道可明者也亦未有心不正道不明而道可行者也道不行百世無善治矣昔者堯舜在位務精一執中之學以正其心無異

谷平先生文集

卷之一

十八

端亂之也湯武在位務懋德敬義之學以正其心無異端亂之也心正則道以明當時致治曰黎民時雍曰四方風動曰兆民允殖曰會極歸極此道之行於天下而唐虞三代之善治所以曠千古而獨盛也周末孔子窮而在下推明堯舜湯武之道以教萬世又慮夫後世恐有異端者出則有以惑人君之心而道之不明不行也故立萬世之防曰攻乎異端斯害也已由春秋至漢明帝時西域之佛以夷狄之教始入中國

而孔子之慮始驗明帝以佛氏之異端亂其心而帝王之道不明漢氏之治不古若矣自是以來魏晉之世佛教益熾至於梁武帝信佛益深前後三捨身於佛寺卒爲侯景所逼餓死臺城是其心汨沒異端而斯道以晦一身尙弗克令終安望其道行而有善治哉此數君者誠於異端而當時之臣未見有一與君力言其非若以爲當然非獨其君之過亦其臣之罪也惟唐憲宗迎佛骨於禁中時則有若荆節侍郎韓愈上

谷平先生文集

卷之一

十九

表切諫而憲宗之心已溺於異端此道之不明不行唐之治所以雜於夷也臣嘗竊以爲漢明帝時佛氏初入之時也當時若聞道之臣如韓愈正論一陳是非明白轉移之機尙易爲力中國永不被夷狄之禍奈何漢氏君臣不明帝王之道而使佛氏得入中國爲千萬世信異端者之作俑遂致纏綿固結無可解之期其罪可勝言哉陛下居堯舜湯武之位有堯舜湯武之資曩因逆瑾竊弄威權勢焰熏灼傾動天下優

桑不斷者視之以爲末如之何也已 陛下於覺悟之後立奮乾剛誅之無赦是陛下之聖武視堯舜湯武真無愧矣以陛下之聖武視天下事無難爲者元惡伏誅萬方鼓舞引領而望堯舜湯武之治可以復見夫何今日大權未收儲位未建義子未革紀綱弛風俗日壞小人日進君子日退士氣日靡言路日閉名器日輕賄賂日行禮樂日廢刑罰日濫民財日殫軍政日燬天變於上地變於下巡按湖廣御史王

處異言曰沃忠言曰遠人欲日熾天理日微此所以用舍顛倒舉措乖方百術戲玩惟日不足且佛氏本夷狄之人番僧習夷狄之教言語不通衣服異制遊手遊食無父無君使天下盡從其幻妄之術則人之類滅久矣士庶之家稍知義理居雜僧寺尚以爲恥況堂堂天朝爲四方之極豈可以嚴密之地而置之佛寺乎巍巍大君中天地爲三綱五常之主豈可以下親番僧廢三綱五常之人乎此中國之恥也自孔子明帝王之道已立異端之防厥後宋儒程顥曰道之外無物物之外無道天地間無適而非道也即父子而父子在所親即君臣而君臣在所嚴以至爲夫婦爲長幼爲朋友無所爲而非道此道之所以不可須臾離也佛氏去人倫四大者其外於道也遠矣朱熹曰佛老之說不待深辨而明只廢三綱五常一事而已是極大罪名大聖大賢闢異端之嚴簡易易知今乃親番僧而不知帝王之務是以聖賢爲誣矣夫豈可哉

抑番僧爲佛氏之徒其叛道如此所以易於惑人者不過誑以報應之說謂事佛得福背佛得禍然以梁武帝三捨身於佛寺古今事佛無與倫比而反有臺城之禍真德秀曰佛而可求則梁武帝得之由是觀之其報應之誣不待明者知之矣又不過誑以輪迴之說謂先世事佛故今世爲天子今世事佛則後世爲天子噫有是理乎朱熹謂人之此性只是天地之性當初不是自彼來而入此亦不是自往而復歸如月影

在盆水除卻這盆水這影便無豈是這月影飛上天去歸那月裏哉又如這花落便無這花豈是歸去那裏明年又復來生枝上哉由此推之其輪迴之誣不待攻而自破矣大抵 天主之尊天實篤生以父母斯世以表正萬邦番僧惑世誣民之邪說不可聽也佛氏之誣既已章章明白其徒桀黠者尤誑曰彼儒者護名教云爾就以彼學佛者言之胡元之世有僧德公學佛百餘年一旦覺悟其誣謂其徒曰老僧苦行

百年亦不能作佛徒爲不孝之人羞見祖宗於地下願汝輩還俗以壽祖宗之嗣臣嘗以爲千百年學佛者此一迷爾復悟者也以其學佛氏之徒自言者以證之則佛氏之誣罔復何所疑哉成化年間憲宗純皇帝推帝王之道以達於治偶遇妖僧繼曉誑惑始一信用隨悟其誣即斥逐之於野孝宗敬皇帝卽位之初尤追思其誣罔遂加誅戮人心痛快帝王之道大行於天下矣 陛下卽位九年于茲臣等以錄于有

司三月奉大庭之對

聖策特以大學衍義爲問衍義一書明道術爲要其所以辨佛氏之誣者不少假借 陛下以此策臣等是欲明帝王之道悟番僧之誣思有以逐之臣等學問粗疎弗克將順聖意其罪大矣臣待罪刑官以來朝夕興思及此惶懼靡寧顧未當獻納諫諍之任恐犯僭踰不韙之罪欲言而阻者屢矣切思幼學壯行義在以孔子之道事 君故敢昧死爲 陛下言之伏望

陛下遠鑒漢唐中主之失近法我憲宗純皇帝
孝宗敬皇帝斥逐誅戮繼曉之迹以聖人之道
爲必當信異端之誣爲必當黜立毀護國佛寺
屏出番僧以謹華夷之大防爲千古一大快精
選道德之儒朝夕勸講務誠意正心之學明二
帝三王之道使人欲退聽天理昭明一心既正
萬事攸理必攬大權以絕天下之奸必建儲位
以立天下之本必革義子以正天下之名尙書
致仕劉大夏必優以閑祿錄用子孫以勸天下

之忠鯁收用何堪王思周廣宿進黃體行韓邦
靖以來天下之直言則所謂振紀綱勵風俗進
君子退小人作士氣開言路慎名器禁賄賂明
禮樂清刑罰足民財脩軍政可以次第舉矣是
君心一正則 朝廷以正百官以正萬民以正
四方以正天地以位萬物以育帝王之道大行
唐虞三代之善治可以復見實萬世無疆之休
矣斯道幸甚宗社幸甚 天下幸甚臣不勝激
切之至爲此具本親資奏 聞伏候 勅旨

患病乞 恩致仕疏

奏爲患病乞 恩致仕事臣原籍江西吉安府
吉水縣人附籍湖廣德安府隨州正德九年進
士出身任刑部主事十月內爲建言事降調廣
東惠州府龍川縣通衢驛驛丞正德十六年
聖天子登極欽奉 詔書復原職十二月爲捷
音事陞奉一級尋陞廣東按察司僉事廣西布
政司叅議按察司副使浙江布政司叅政轉廣
東布政司右布政使以奉職無狀被劾蒙

皇上不加誅戮降除四川布政司叅政臣一介
微賤蒙 朝廷作養甄錄之德 陛下卽位以
來拔臣於久棄之餘迭擢以藩臬之職
陛下之恩天地之廣大也臣自分委身圖報死
而後已柰何志以命違近年以來得患痰火之
病去秋九月卧病家居聞 命兢惕不遑寧處
遂扶病啟行赴任沿途病發強勉支持以本年
三月十三日抵任供職以來積勞之餘前病日
加每一舉發頭目眩暈若不屬己兩足無力步

履維艱蓋年進六十衰病宜然若不吐露血誠
上干 天聽以求休退則身以病困事以病墮
深有負于 朝廷任官之意矣抑豈臣子報稱
之本心哉 皇上仁覆天下凡匹夫匹婦無有
不獲自盡臣之愚誠豈敢有所自隱哉伏望
皇上寬鈇鉞之誅墜日月之光乞 勅吏部罷
臣放歸田里得以從事醫藥荷殘喘少延皆
陛下之所賜也臣不勝悚懼之至謹具本奏聞
謝恩疏

奏爲謝 恩事照得臣先任四川等處承宣布
政使司右叅政續於嘉靖十八年六月十四日
欽陞浙江提刑按察司按察使回至原籍吉水
縣候憑到任於嘉靖十八年十二月十五日准
吏部咨爲缺官事該本部會題奉 聖旨李中
陞都察院右叅都御史巡撫山東等處地方寫
勅與他欽此欽遵合咨前去查照施行准此隨
於本月十九日起行二十三日行至江西省城
該錦衣衛舍人王承頰齎捧臣巡撫山東地方

勅諭壹道到臣臣即望闕叩頭謝 恩及於嘉
靖十九年二月二十一日前到山東所屬濟寧
州准前巡撫山東等處地方都察院右副都御
史曹蘭咨送原欽奉嚴處預備倉糧 勅諭并
符驗關防書吏卷簿等項交代與臣臣於三月
初一日前到山東省城接管行事外伏念臣一
介微賤荷蒙 國家特養甄收之恩正德九年
臣以刑部主事降調廣東惠州府龍川縣通衢
馬驛驛丞正德十六年恭遇 皇上登極臣奉

詔復原職起廢棄於八年歷藩臬之七秩涓埃
罔裨 天恩滋至風紀之臣欽奉 簡用巡撫
之命特降綸音臣感 恩愈深圖報愈切敢不
謹遵 聖諭俯竭愚忠忘身殉國仰酬眷知臣
無任激切感戴 天恩之至爲此具本稱謝謹
具奏聞

陳愚見以裨庶政疏

題爲陳愚見以裨庶政事據山東布政司呈據
經歷司呈操蒙巡按山東監察御史李復初案

驗奉都察院勘劄准吏部咨前事該本部題內
開照得嘉靖十八年考察京官所據各處

王府文職官員例該考察之期合無本部移咨
都察院轉行各該巡撫都御史遵照先年節該
題奉 明旨各將合屬地方所有 王府文職
官員除典儀典膳奉祀教授等官照舊不考外
其長史審理紀善務要從公詢訪中間若有撥
置妄爲及貪淫不謹不能鈐束府中官屬旗校
人等致其生事害人者開具實跡叅奏前來本
部照例 上請黜退另選相應人員以補其缺
等因題奉 聖旨照例通行考察欽此欽遵轉
呈到臣卽行布按貳司掌印并守巡官將

魯府

德府

德府各文職官員從公詢訪填註實跡開報去
後隨據各開報考語并質以臣巡歷之所見聞
者叅互考較除頗修職業無礙行止者不開外
如魯府長史司右長史 力與年衰而瘵官不

愧事以病廢而竊祿自罷此則當罷黜者也

德府長史司左長史 年齡衰邁徒切有爲之
心官職尙牽犯不知止之戒此則當致仕者也
審理所審理正 重聽無聞衰年廢事此亦當
罷黜者也如蒙乞 勅吏部再加訪察果如臣
言將罷黜以禮致仕另選行止端慎年力精壯
人員填補其缺庶幾 王府文職得人而輔導
有益矣緣係陳愚見以裨庶政及奉 欽依照
例通行考察事理未敢擅便謹題請 旨

考選軍政官員疏

奏爲考選軍政官員事嘉靖十九年三月初四
日准兵部咨該本部題看得在外各都司衛所
軍政官員五年一次考選係 累朝成憲遵行
已久合候 命下通行各處撫按等衙門將應
該考選官員預先訪察各秉至公嚴加考選畢
日造冊 奏繳等因題奉 欽依備咨到臣查
得接管卷內嘉靖九年二月二十日准兵部咨
該本部題看得在外都司軍政官員合照舊例

考選候 命下通行各處巡撫巡按等官將各都司應該考選官員嚴加訪察會同考選果係公勤幹濟撫恤軍士政務不廢者照舊存留若有職業不修剝削軍士年老無爲相應黜退及有才識操行不同相應調用俱各開列賢否實跡造冊 奏繳前來以憑本部查訪斟酌上請定奪施行等因題奉 欽依備咨前來除欽遵施行外今准前因除衛所官員另行會考具奏外臣會同巡按山東監察御史李復初考選

得山東都司等處指揮僉事翟欽見任軍政佐貳兼管操都指揮僉事周南見領春班京操以都指揮體統行事指揮僉事王鰲見領秋班京操俱公勤幹濟撫恤軍士相應照舊存留管事及考得見任軍政掌印都指揮僉事 職業不修貪鄙有議相應黜退見任軍政佐貳兼管屯署都指揮僉事陳丹立身頗可不諳戎務相應更調別推相應官二員以補掌印佐貳員缺使之修舉兵政保衛地方如蒙乞 勅該部再行

查訪斟酌上 請定奪施行緣係考選軍政官員事理未敢擅便爲此今將造完山東都司官員年甲籍貫到任日期開立前件填註賢否實跡文冊一本理合具本進繳謹具奏聞伏候 勅旨

查舉兵備官員以勵庶官疏

題爲查舉兵備官員以勵庶官事節該欽奉 勅諭內開凡遇盜賊行劫即便調遣官軍民壯分布防禦設法勦捕毋令滋蔓官吏有能奉公

守法修舉政務者量加獎勵其貪酷不才害人誤事者從公黜罰除軍職及五品以上文職有犯具奏區處其餘就便拏送所司究問欽此欽遵臣惟治道莫大乎揚善地方莫大乎禦寇兵備以禦寇爲職也知人雖久而後定旌賞則不可後時功之細大不遺人皆興起此振作人才之機也若旌賞後時功之細大或有遺焉則人皆解體非所以作新士氣也臣切見山東地方今年自春徂夏旱蝗並作百姓饑窘不可勝言

阻遏不通臣待罪地方深憂釀成大患履行申明防禦勦捕之法各致責成之重仰仗

天威咫尺 綸音布昭兵備各道巡察海道碑慮定謀士卒效力賊乃就擒節擬臨清兵備副使王楊陸續呈將問過捉獲強賊李永祥等二起共一十六名并對陣生擒劇賊陳朗等一十九名斬獲首級一十七顆燒死五名與有功官兵臨清衛指揮等官馮時雍并陣亡民快刑鼎巡察海道副使吳道南陸續呈將問過捉獲強

賊宿景和等一十四起共五十八名與有功官兵濰縣典史劉永壽等青州兵備僉事沈澧陸續呈將問過捉獲強賊馮守孝等三起共四十五名與有功官兵青州府知府紀資同知王鍾靈莒州同知黃鯨瑞諸城縣知縣張文卿臨朐縣知縣張鵬漢等并青州衛指揮劉玄齡高東及各部下兵快與被殺鎗手李世虎孫把持武定兵備僉事饒思聰陸續呈將問過捉獲強賊楊山等七起共一十九名並陣生擒劇賊關繼先及同夥響馬強賊劉道張虎與有功官兵巡邏冠帶義民王居政等沂州兵備僉事汪東洋陸續呈將問過捉獲強賊潘九成等六起共一十八名戰死四十七名與有功官兵嶧縣知縣龔汝勤費縣知縣倪瑗等各招罪緣由又呈將山東都司滕縣守禦千戶所巡捕百戶沈經失事情罪叅呈到臣覆詳明白除行各道將強賊李永祥等監候會審詳決劇賊閔繼先等批行按察司等衙門會問斬獲首級紀驗明白於原

行劫地方梟掛示眾有功知府等官紀資等指揮千百戶等官馮時雍等并各軍兵快壯欽遵勅諭從宜分別等第將所獲賊賊并動支在庫官銀犒賞及將陣亡民快邪鼎李世虎孫把持亦給官銀優恤失事百戶沈經具本 題奏外為照兵備副使王楊吳道南兼中沈澧饒思聰汪東洋此五臣者素勤公謹善於用人故成禦寇之績以消莫大之患此臣所以錄其勞勩而薦舉也如蒙 勅該部查訪果如臣言將王

楊等五臣次第擢用則庶官用勸他方有賴其於治道豈小補哉緣係查舉兵備官員以勵庶官事理未敢擅便謹題請 旨

地方事疏

題為地方事准兵部咨該本部題前事照得各處巡撫都御史每年在邊者四月腹裏者八月赴京議事其山東山西遼東陝西各處見今盜賊生發凡百禦盜安民之事率多責成巡撫官員難以輕動合無行移各該巡撫官員今歲俱

免赴京議事各要在彼修舉本等職業若有重大應議事件益於政體便於軍民者明白條陳差人齎 奏聽經該衙門會議奏 請定奪瑣細事情應該自處者不必煩瀆開陳等因題奉欽依備咨到臣除將瑣屑常行應該自處者不敢一一煩瀆 聖聰徑自從宜處置外今將事干各處地方益於政體便於軍民不係見行事例該載者條陳六事乞 勅該衙門會議儻有可取奏 請施行緣係條陳地方應議事件事

理未敢擅便謹題請 旨

計開

壹復專官以禦盜賊照得山東青州府益都縣顏神鎮地方南通蒙陰新泰西界萊蕪北連淄川夫壹隅之地四縣交通地僻山險民頑俗惡居民與四方亡命及礦徒鹽徒商賈雜處於中東去益都縣二百里雖設有顏神鎮巡檢司巡檢一員弓兵二十五名官卑力微難以防禦府縣阻於道里之遙民庶漫無

法令之制以致節年強賊嘯聚貽害地方居民苦於騷擾正德十二等年屢設通判盧秉彝任儀丁懲在彼住劄操演壯快鎗手約東頑梗故數年以來地方賴以寧輯至嘉靖二等年間節該前巡撫都御史陳鳳梧劉節巡按御史李獻熊榮兵科給事中劉祺節次建議要於顏神鎮設立縣治俱該兵部等衙門題奉欽依備行山東撫按會勘因有窒礙及地方災傷遂寢其事原設通判員缺迄今

未曾選補均徭編僉本官員下皂隸祇候馬夫柴薪即今名色尙存本鎮被因缺官任劄該府暫委檢校等官前去帶管亦緣官小力微不能鎮壓以致屢有劇賊李琪王堂等輩突出流劫地方拒敵官兵戕害生靈後雖剿戮然餘孽殘虜隨剪隨生終難遏絕況兗青等府所屬沂莒二州僻費鄰城日照諸城沂水蒙陰等縣礦徒鹽徒自古爲患見今不時出沒萬一不逞之徒一旦相聚爲盜釀成大

患貽害地方決非細故爲今之計如蒙伏望皇上軫念地方爲重乞勅吏部查照先年舊規於青州府添設通判一員填註捕盜字樣住劄顏神地方將蒙陰新泰萊蕪淄川等四縣悉聽其帶管蒙陰新泰萊蕪團操兵快量撥與顏神鎮等社鎗手一同操練使其職專捕盜往來各縣巡邏日夜臺齊其人民修明夫法度不得別項濫委如此則無賴之徒潛消默化而地方自爾寧靜矣

壹處守備以安地方據山東布政使司呈照得山東地方武定青州曹濮沂州臨清等處各設有兵備衙門而萊州濱海又設有巡察海道各在彼住劄整飭兵戎團操壯快其各該隣近州縣衛所又多分屬統攝以防禦寇盜保障地方緣有專責且事體歸一故諸務得以振舉而境土賴以輯寧法甚善備惟濟南府所屬德州一處彼因設有守備衙門住劄以此該州與德左貳衛俱不隸兵備道統

攝但德州係要衝之處且兩京通道與直隸邊界相連一遇賊勢猖獗出沒緝禦甚難雖有守備官員徒擁虛器且於鄰境有司不相關涉萬一有警彼此坐視莫能禁治則爲患將不勝言誠不可不預爲之所切照該州去武定兵備道路止二百餘里而該道兵強事簡可以兼管且具係濟南府地方合無將德州并德左二衛俱附武定兵備道轄屬操練兵快防禦地方并一應刑名等項俱聽兼理

再照德左二衛原隸直隸所屬其應行文移中間干係山東地方事情該道徑呈本省撫按衙門定奪若事干直隸地方者聽該道便宜及行兩衛照舊申呈直隸撫按衙門詳奪等因到臣爲照德州先於嘉靖元年議分兵備之時因該州設有守備在彼在劉以故不曾分隸兵備管轄然守備官因見德左二衛係屬直隸凡遇山東地方有事及盜賊生發往往自分彼此推托誤事該司所呈誠有深

慮查德本省登萊二府地方既有都指揮一員在彼備倭又設巡察海道副使一員兼理切緣德州與登萊二府事體相同所據德州與德左二衛相應分隸武定兵備道兼理再照德州正當直隸山東兩界緊要重地而守備貴在得人今照守備以都指揮體統行事指揮使高鴻儒自守備以來一籌莫展百事俱隳城以外一切不理劇賊迭恩乃德州人也在於南北兩京大路騎放響馬截劫人財被本州巡捕同知劉珊捉獲而高鴻儒杜門坐視若罔聞知況本官貪聲大著近以賊私顯露見該巡按衙門批行按察司并分巡道忝問若不早爲查處誠恐愈加誤事臣與有地方之責豈敢緘默如蒙伏望 皇上軫念地方之重乞 勅該部再行查議將高鴻儒速賜罷黜另推謀勇都指揮一員前來守備地方仍將德州并德左二衛分與武定兵備道兼理如此則內外相繼地方防禦益嚴密

矣

壹申禁例以除打詐近見各處奸猾遊食之徒或豪富惡少之輩不安本等生理或以打詐財物或以報復私讐動輒三五成羣或十數餘眾將在鄉良民妄作盜賊咬攀及買寄贓物便行捉拏非法誣吊拷打百計嚇詐財物到手方纔釋放其間一時無措者則又帶去臨近寺觀或空便處所晝夜經縛不令母妻相見被害之家無可奈何只得變產售業

鬻男賣女以盈其數又有指以起賊爲由公然前去各家沿房搜番拆牆壞物及將所有之物爲彼搶檢奸淫婦女無所不爲彼盜賊暮夜劫人所得尙有多寡分贓或止些微一遇事發必擬處斬今打詐者白晝公行全無畏懼而徒手要索不至大遂所欲則不已其弔打網縛殘酷刑具雖官府之嚴刻亦不至此告提到官係在衙門番子手快手人等尙有積年事例引用克寬其非在官之人不過

問擬嚇詐財物并詐稱官司差遣徒罪而已此乃情重律輕無怪乎然也查得問刑條例內開兇徒聚眾執持兇器傷人及圍繞房屋搶檢家財棄毀器物奸淫婦女真犯死罪外徒罪以上俱不分首從發邊衛永遠充軍今照各徒平空公然聚眾將人網打嚇詐財物或搶檢家財棄毀器物奸淫婦女比之兇徒尤有可惡於此不爲之防將來流弊愈無紀極如蒙乞 勅法司再加詳議今後但有前

項之徒打詐縱非在官之人亦要比照積年事例充軍若有聚眾指以番賊搶財壞物奸淫婦女者亦照圍繞搶檢奸淫死罪充軍事例一體問擬庶幾法令嚴重而人心有所畏阻地方之害或少祛矣
壹禁誣辯以正法典照得本省所屬問成一應重囚多則十數年少則五六載往往希圖展轉捏詞申辯不免再行隔別衙門如本府或守巡兵備等道及總司勘問中間不能自

技阨於強力者容或有之然亦百之一二耳而初獄真情逐處有據因情論罪絕無可原者人人皆是也但其僥倖求生之心一萌而夤緣買和之釁迭舉輒乃更變原發採擇別端不論述之有無惟求詞之得准反將平日讐嫌或經官不與回護之人一槩誣入于連之內及至覆問仍又涉虛揆其所由是雖囚人臨期緩死之恆態而山東至京師僅止八百餘里道路既近則 奏辯易爲難者

且猶雇覓其人稱貸其費以幹旋之其富足之營謀易爲從可知矣是以前奏方結而後奏繼至指東之奸詭既破而架西之誕謾復逞其勢則然也但今罪囚累年未就典刑而干連多人屢困奔波有累死於道路者有蕩費其財產者茹苦含悲不可勝言如蒙乞勅都察院查議今後凡遇重囚申訴冤枉中間若有五六年及十餘年曾經本府并守巡兵備等道及總司各衙門問明除與原發各

詞相同未曾體勘事由方與准行外其餘但係不照原詞別生枝節妄行纏擾貽害多人者俱與立案仍行在外衙門將以前奉到未完勘合一體清查如有前弊亦就不許提人勞擾有司重困無干仍照原章操招回銷庶幾重囚不爲淹久而無干證佐亦免負累矣壹革夫役以蘇民困照得先年兗州府所屬濟寧金鄉魚臺一帶原有運河而曹州曹縣城武單縣等州縣黃河爲患常將運河淤塞

糧運阻滯貢路不通於是各州縣設有護河長堤曹州編有裏河淺夫一百二十名又編看黃河堤夫曹縣四百五十名城武縣三百三十五名單縣二百二十九名金鄉縣一百六十八名定陶縣五十名與前曹州裏河淺夫共一千三百五十二名每名編銀三兩共銀四千五十六兩至嘉靖十七年間黃河南徙該總理河道都御史于湛題 准將原設管河同知一員裁革及將夫役止留三百名

巡守修補堤岸其餘一千五十二名照舊徵銀解府貯庫以備河道支用當年又該嘉祥縣知縣符炳爲因該縣邑小差繁民貧賦重具本 奏行巡撫都御史曹蘭案行布政司議將曹縣原編堤夫四百五十一名於內減去六十名代編嘉祥縣原編趙村開溜夫六十名城武縣原編堤夫三百三十五名於內減去二十名代編嘉祥縣原編魯橋開溜夫二十名單縣原編堤夫二百二十九名於內減去十二名代編嘉祥縣原編趙村開夫八名新店開溜夫四名金鄉縣原編堤夫一百六十八名於內減去三十一名代編嘉祥縣長溝撈淺夫三十一名備行兗州府轉行各縣查照審編訖爲照黃河既已南徙官又罷設前項夫役所可已者況今地方災傷盜賊生發民窮財盡無逾此時所宜加意寬卹如蒙伏望 皇上軫念小民困苦乞 勅該部再加查議趲此徭編之時將前徵銀夫一千五

十二名內除改派代編嘉祥縣夫役外剩夫九百二十九名俱照數減免其原留巡守堤岸夫三百名照舊編 看守堤岸樹株如此庶民困少蘇而公私兩益矣
壹改操軍以全衛治照得山東都司任城衛見管官軍原係 魯府兗州護衛之數先於景泰元年舉 勅將該衛官軍調去五百六員名前去東昌府臨清縣守備彼時該縣止有守禦千戶一所後將濟寧左衛伍所調去改爲臨清衛連前守禦千戶所共爲六所至宏治二年將臨清縣改爲臨清州前項調去兗州護衛官軍因未題奉 欽依迄今尙未掣回除陸續逃亡外見在止存二百六十一員名至嘉靖十七年間 魯王與 館陶王等互相計奏奉 欽依差三法司議擬將兗州護衛旗軍摘撥一千名專在本府直宿答應俱聽兗州護衛管轄外剩旗軍三百九十九名與運糧軍人及餘丁具本題奉

欽依改設任城衛管理查得該衛運糧軍人六百名陸續逃亡九十八名其餘五百二名與在衛見在旗軍共止九百一名委的數少不成衛所規制今該衛再三申稱軍少差多況該衛乃藩王分封重地而臨清已有一衛又有兵備在彼往劄見有團操人馬數多所據原調去官軍應合掣回如蒙伏望皇上軫念任城衛創設之始事不歸一乞勅兵部查議將原調去臨清操軍二百六十

一員名掣回任城衛除撥補運糧外其餘與本衛見在之數俱行山東都司分爲春秋兩班京操原有逃亡事故操運旗軍亦聽該衛造冊轉達清理庶衛治以全而營伍克實矣
自陳不職乞恩罷黜以弭災變疏
奏爲自陳不職乞恩罷黜以弭災變事准都察院咨准吏部咨該太師兼太子太師翬國公郭勛奏爲災異陳言久未大舉策免大臣以清朝政以進群僚以安黎庶事奉聖旨卿說的

是災變策免大臣係祖宗舊典著九卿堂上官各衙門四品以上官都自陳來仍著科道官拾遺糾劾吏部知道欽此欽遵移咨到臣仰惟皇上撫世酬物一十九年法祖敬天兢業不替德隆堯舜而精一之學惟勤法兼成周而神化之用不愆是以政和刑肅禮備樂明率土歸仁九夷向化是誠有道之令主不世出之聖神也顧茲災變之來實惟臣下之咎言念臣材非上智學愧通方遭際明時遂叨簡錄緣

因資序晉位臺端方切負乘之憂罔伸報酬之願嘗聞變不虛生應天以實臣職司紀綱而激揚尤缺專都拊循而孚惠無術以故聖澤無以下究而天變因以上騰揆厥愆尤莫臣爲甚伏乞皇上仰開洪造俯賜罷黜庶不肖退而賢者進天意回而災變弭矣爲此具本謹具奏聞伏候勅旨

添設廩米以便肄業疏

題爲添設廩米以便肄業事據山東布政司呈

蒙臣批擬孔顏孟三氏子孫教授司廩膳生員孔公戡等呈稱本司生員原無廩增附學各色先於嘉靖九年間蒙巡撫山東劉都御史奏准將本司生員比照州學事倒考定廩增附各三十名以爲學業之勸然諸生雖係免差中間貧窶甚多廩膳徒建虛名增附亦無供給緣此贍養無資肄業等因蒙批仰布政司會同提學道查議呈奪蒙此行該本司左布政使沈教右布政使張時徽會同山東按察司提督學校副

使呂高議照事在義制故崇儒重道以義起者不必有所因禮緣情設故養賢育材以體情者自當同乎衆及查孔顏孟教授司設於洪武二年專官訓迪止及三姓後裔蓋三氏之家學也故科貢之制與諸郡邑不同許就科目則令出於正統之九年三歲一貢則制始於成化之元年然廩增諸名亦未有立至嘉靖九年該巡撫都御史劉節題准照州學例設廩增各三十名貢亦如之然名號雖存而廩米膳夫實未請

給蓋其時惟加意於歲貢之增而未慮空名之不足以育士故孔公戡等復繼而有此乞也切惟大聖大賢道在萬世歷代以來無不尊隆至於國朝尤極崇重渥典殊錫單被後人無非所以厚崇報之禮今三氏裔苗校流繁衍凡得占系一姓者無不均蒙優覆之恩而賴享世延之澤況諸生抱經誦法與有紹述之責乃反不如他羣邑子弟叨沾廩米此其未盡之典誠有待時而舉也所據前項廩米膳夫正事可義起而

禮順人情相應處給除查膳夫已有舊編四名不必再處外共廩膳三十名歲該每名廩米十二石共該米三百六十石有閏月之年該米三百九十石雖廩米之給若獨歸三氏而糧米之難專取於曲阜合行兗州府詳議派辦通行申奪但事非諸羣邑之有舊可仍而例實我國家之所宜增定似應題請撥給等因到臣議照孔顏孟三氏子孫乃大聖大賢苗裔故我國朝累加崇重之典洪武二年特設教授司矣

正統九年又許就科目矣成化元年又增定歲貢矣嘉靖九年 皇上俞撫臣之議 准照州學例設廩增各三十名貢亦如之其制漸以備矣所未備者廩米耳蓋廩米所以養士其他罷邑生員俱有廩米而三氏子孫既有廩膳之名尙未有廩米之實豈有所靳於此哉特一時未之講耳今生員孔公戴等既呈前來而該司與提學道會議明白相應議處如蒙乞 敕該部再加查議上請定奪仍行臣查照欽遵施行緣

係添設廩米以便肄業事理未敢擅便謹題請旨

重守令以安地方疏

題爲重守令以安地方事臣聞地方之安危係民生之休戚民生之休戚係守令之賢否自古聖帝明王知天立君爲民之意莫不以重民爲先務重乎民必重治民之官而於其所親近者尤重焉守令是已 皇上勅臣巡撫先之以撫安人民者此也臣受命以來朝夕孳孳訪求人

才郡縣守令賢者固有所聞矣不肖者亦有所聞矣當考察之年去邪爲急除賢能另行論薦外其不肖者不敢不疏名以聞重民也臣訪得登州府知府 節被糾彈日流汗下另收額外之稅多取秤頭之銀肆然受賄於屬官百計侵漁乎民利貪酷之極民害日深同知 籌不展於公事深計惟充夫私囊所屬州縣科罰已徧凡此士民疾怨益深濟南府通判事多踈昧行亦貪汙收香錢而侵匿有聞監免

運而物議尤著青州府通判 耳目聾瞶手足痿痺衰老一事不理管糧多索常例登州府推官 初政頗可晚節盡失修河肆行科罰署州益縱誅求平度州同知 才短而幹理無方署印而州事多廢索取大戶之金科欵里甲之財判官 奸滑避事辯給欺人催糧親自下鄉佐州惟知營利寧海州判官 私計是營公務全廢強賊劫殺良民匿不以報礦徒招集亡命恬弗之祛黃縣知縣 貪黷無厭

比盜賊尤甚奸淫醜穢視禽獸不如酷暴肆行
民怨入骨莘縣知縣 發身衛學行事粗鄙
關節交通乎門吏科罰濫及於無辜丘縣知縣
耳聾嗜酒政務日隳事欠主裁權因移於胥吏
貪財肆罰波濫及於善良館陶縣知縣 處
公事於後堂百姓稱為聾瞽吏害人而無忌子
納賄而甚彰魚臺縣知縣 剛愎而毒害白
姓造謗而中傷府官巧取多端蹤跡詭譎以上
各官汗濫奸佞所當亟黜者也寧海州同知

才力難於展布政務日見廢弛文登縣知縣
處刁邑而才弗堪御強民而力難制傳平縣知
縣 本以昏病之體難當凋敝之邑長清縣
知縣 知愛民而才力有限欲勤事而幹理不
前禹城縣知縣 才力綿薄雖鞭策而莫前
吏民玩褻至號召而莫聽新城縣知縣
識本昏暗才復懦弱吏卒肆欺邑事盡廢鄒平
縣知縣 一目而事體欠明微才又幹濟未
克金鄉縣知縣 昏庸而無振作之才懶惰

而無幹濟之志奸人用事邑事漸弛鄒縣知縣
才劣性偏年齡向暮衡邑正官終難稱職滋陽
縣知縣 罷輒全無振作之才縣劣難當繁
劇之任寧陽縣知縣 謹厚雖有可取振作
終非所長以上各官才力不及所當酌處者也
其諸縣丞經歷以下之不肖者臣不勝煩瀆
天聰臣與各司府州縣官之賢不肖者俱條開
咨吏部矣如蒙乞 勅吏部將臣所題所開者
再加詳察如臣言不謬將 等速賜罷黜 等

量為改調則甄別惟明庶官思奮賢才彙進地
方舉安矣緣係重守令以安地方事理謹題請
旨

問 安疏

奏為問 安事臣伏聞 聖躬萬福已收勿藥
之功一德動天感召瑞雪之應凝天和於一身
極敷錫於九有華夏蠻貊莫不欣慶臣巡撫東
藩遙瞻 天表至誠祝禱 萬壽無疆伏望
皇上念 天子天下之主淵然靜頤以承眷命

上以慰宗廟之靈下以慰天下之望祈天永命以裕後昆臣不勝惓惓懇願望之至爲此具本謹具奏 聞

公薦舉以求將材疏

題爲公薦舉以求將材事准兵部咨該巡撫大同地方贊理軍務兵部右侍郎兼都察院左僉都御史史道題爲申明聖諭以愛惜人材事該本部議擬合候命下咨行總督巡撫等官將各地方武職指揮以上不拘見任隔任爲事等項

李先文集

卷之十一

五十四

但有堪將帥之選者作急從公詢訪務要詳實仍分別堪任大將副叅遊守邊方腹裏等項疏名奏薦以備推用等因覆題奉 聖旨准擬行欽此欽遵備咨到臣臣隨於撫屬地方從公詢訪得見任山東都司署都指揮僉事翟欽膺力方銳韜畧素諳出身武舉長懷報國之忠備禦邊關久著干城之績謀勇兼濟矢石備嘗此可任將領者也登州備倭署都指揮僉事李仁沈毅有謀持重能斷習兵書而騎射咸精統軍士

而恩威並用守不殊乎寒素志有在於功名此可任叅遊者也登州衛署指揮使沃田發身武舉戎務諳練濟南衛指揮使馬濟騎射優長事體亦習此皆可任偏僻之守備者也如蒙乞

勅兵部再加體察如臣言不謬將翟欽等量才擢用庶武備有賴而武臣知所自矣緣係公薦舉以求將材事理未敢擅便爲此具本謹題請旨 保留考滿方面官員疏

題爲保留考滿方面官員事據山東按察司呈

李先文集

卷之十一

五十五

爲給由事准本司青州兵備僉事沈澧關照得本職見年五十六歲浙江紹興府山陰縣人由進士嘉靖三年四月二十四日除授直隸廬州府合肥縣知縣中途聞母喪回籍守制服滿起送赴部嘉靖六年二月二十日復除直隸廬州府六安州霍山縣知縣本年四月十三日到任嘉靖七年四月十七日改除江西南昌府南昌縣知縣本年八月二十二日到任嘉靖九年七月十七日給由赴部間行取丁父憂守制服滿

起送赴部嘉靖十二年六月初五日陞授南京
河南道試監察御史本年八月十五日到任至
十二月初六日陞本道實授監察御史到任嘉
靖十七年正月內陞授前職本年四月二十七
日到任扣至嘉靖二十年二月二十六日止連
陞實歷俸三十六箇月歷任三年例該給由關
司轉呈起送等因到臣除復查相同外臣會同
巡按山東監察御史何允魁議照僉事沈澧存
心以正從政惟勤寬仁育以益民訓練足以禦
侮歷俸三年呈請給由相應行令起送但青州
接壤沂州費縣寶山并莒州諸城蒙陰沂水臨
朐等縣礦徒鹽徒不時生發況海右地方去歲
夏災秋澇蝗蝻間作百穀未登人民饑饉即今
春初正賴本官撫恤人民振揚威武所據本官
似應暫行奏留如蒙乞 勅吏部再加議擬合
無將僉事沈澧存留在任接俸管事仍將三年
任內歷過事蹟行令造冊送部查考施行惟復
別有定奪緣係保留考滿方面官員事理未敢

擅便爲此具本謹題請 旨
專委任以督邊餉以安重鎮
題爲專委任以督邊餉以安重鎮事嘉靖二十
年三月初五日准都察院咨准吏部咨該本部
題稱看得都給事中郭鑒等題稱宣府大同遼
東永平花馬池等鎮原設郎中處所乞要比照
總督糧儲官事體請勅及降給舊鑄關防轉行
巡撫衙門於各布政使司查取議慎選一員
令其在於各鎮駐劄收放錢糧一管爲照前
各鎮密邇邊陲實當虜酋出沒要地軍儲供億
浩繁必專官經理方克有濟合無俯從所請將
宣府大同遼東永平花馬池等鎮錢糧皆照各
省總督糧儲官事體請不坐名 勅一道及鑄
給關防仍行各巡撫衙門於各布政司參政參
議內慎選年淺才幹者疏名題請令共專一在
於各該邊鎮駐劄經理錢糧不復委以他務候
命下之日本部移咨戶部請 勅及咨禮部鑄
給關防前去仍咨都察院轉行宣府山西山東

陝西各巡撫都御史將各鎮原設郎中一員
府大同於山西布政司遼東承平於山東布政
司花馬池於陝西布政司叅政或叅議內慎選
廉能一員徑自疏名具題委用其有秉公效
勞出納明允及因循誤事虧損邊儲者俱聽撫
按官舉劾以憑黜陟以後遇有選轉本部仍推
選志向端方才能素著者照缺填補其委用叅
政叅議係原額員缺者仍咨本部另行銓補等
因奉聖旨是欽此欽遵備查轉行到臣行據

山東布政司呈稱查得遼東承平原共設戶部
郎中一員在彼收放一應錢糧等因前來臣查
得山東布政司額設左叅政二員右叅政一員
左叅議一員右叅議一員添註右叅政一員除
年深并有公占外慎選得右叅議李允升志向
端方才能幹濟相應委用如蒙乞勅該部請
勅行令本官齎帶禮部發到關防二顆前去遼
東承平駐劄專一經理錢糧緣係專委任以督
邊餉以安重鎮及奉欽依是事理未敢擅便

爲此具本謹題請旨

奉慰疏

奏爲奉慰事嘉靖二十一年四月二十二日臣巡
歷青萊二府地方得見邸報本年四月初五日
宗廟火災臣北望戰兢罔知攸措恭惟

陛下

聖神大孝

天地大德偶值災變二靈淵衷伏望

陛下念一身爲宗廟社稷之主少寬

聖慮保養天和上以慰

九廟之靈下以慰四海臣民之望臣不勝恐懼

懇禱之至爲此具本謹具奏聞

大勢強賊貪夜劫掠拒敵放火殺死人命

疏

題爲大勢強賊貪夜劫掠拒敵放火殺死人命
事嘉靖二十年四月十七日據山東按察司整
飭沂州兵備僉事汪東洋呈嘉靖二十年四月
初四日辰時據濟寧州中據魯橋巡檢司申據

保長張元卿總甲李魁等連名呈稱本年四月初一日本司巡檢劉錦赴州打卯未回當夜起更時分忽被強賊一夥約有八十餘名各執長鎗弓箭等器到於本鎮行劫元卿等聚集地方人衆并巡檢家人劉義等與賊拒敵各賊因不得便劫財將居民張堯民等大小一十九家房屋燒燬九十七間燒死李魁幼男小橋兒劉表幼男小來才殺死本地人王左并水手段明等因轉呈到臣爲照濟寧州魯橋地方當南北通

衝要路今彼處強賊乃至八十餘人執持弓箭器械殺人放火勢甚猖獗除將濟寧州衛掌印巡捕巡司官員各住俸戴罪撲捕及將該州署印判官韓弼巡捕吏目張韶巡檢劉錦該吏錢鴻另行拏問及案行都布按三司轉行各該守巡兵備等道并管操都司各嚴督所屬分布人馬相機擒捕外恭照山東都司濟南衛掌印指揮僉事張溥巡捕指揮同知楊握均有地方重寄全無防禦之策未發則消弭無術已發則隱

匿不申以致盜賊縱橫焚燒肆毒再照舊沂州兵備僉事汪東洋器小易盈因舉驕恣縱欲偷安操備不事遂使盜寇窺伺地方受害玩寇殃民罪應罷黜所據各官例應叅究緣汪東洋係方面文職張溥楊握俱軍職未敢擅便爲此具本謹題請 旨

河道疏

題爲河道事嘉靖二十年四月初三日准工部咨該總督漕運兼巡撫鳳陽等處地方都察院

左都御史周金井提督漕運鎮守淮安地方總兵官鎮遠侯顧寰題稱漕政必資水利洪開實爲咽喉今黃河淤塞水脉微細乞要通行疏濬總理河道都察院右副都御史郭持平題稱睢州地方野鷄岡孫繼口等處淤淺水勢日漸消滅乞要疏通水歸運道巡按直隸監察御史童漢臣題稱軍儲庫祿悉皆仰給東南迄今黃河淤淺而呂梁百步等洪枯涸異常乞要相度疏濬各等因該本部覆題稱合候 命下本部分

投馬上差人一行總理河道都御史郭持平及
巡撫河南山東都御史魏有本李中遵照本部
節次題奉 明旨親詣地方各嚴督管河郎中
副使管泉開主事等官殫心協力應變達權及
時挑濬以時啟閉勿分彼此勿相觀望期在目
下通濟往來無阻若過四月以後有誤糧運治
河官員無論崇卑俱行叅究若果黃河故道雖
開而水難挽回徂徠諸泉雖濬而水亦微細至
秋後不能轉移另行會奏定奪等因奉

谷平先生文集

卷之一

六十二

聖旨准議欽此欽遵備咨到臣已經通行布按
二司轉行守巡各道并管河副使及兗州府管
泉同知鄭道各欽遵開濬外本月二十二日又
准工部咨爲專委任嚴 國法以疏河道以濟
急務事該本部題議看得漕河梗澀關係匪輕
本部屢經題覆諸臣整理尙未疏通豈治之未
得其法用之未得其人哉今戶科給事中劉繪
之疏雖兼于治泉而尤以治河爲要工科左給
事中沈良才之疏雖兼于治河而尤以治泉爲

要兵科給事中張翼翔之疏兼于治漕而尤以
護陵寢爲要其義互相發明至於責成治水之
官其義則一卽古人所謂今日之慮水莫若慮
官之確論也具見各官通達國體憫念時艱至
意但今日之事漕運爲重而運道所資惟漕河
爲重故 國家設官所以疏河流導泉源者皆
爲漕河萬世計也而漕河之中徐呂二洪尤爲
南北咽喉之地運道經行之衝若非開決支河
則下流何以通非疏導諸泉則上源何以濟耶

谷平先生文集

卷之一

六十三

此二者似皆不可廢也惟濬泉有利無害功或
可以日計開河有利亦有害事亦難以猝成茲
欲得其利又無其害以定經久歸一之策是在
當事諸臣協心計畫非可遙度而東制之者也
相應於各官建議之中叅酌議處合候 命下
本部馬上差人一面通行都御史等官郭持平
魏有本李中及周金等遵本部節題 明旨及
今各官所奏親詣地方嚴督本部管河管泉管
開郎中等官及司府州縣管河副使等官各任

共責各盡其心應開決者作急開決應疏導者作急疏導此外但可利于漕河者隨宜設法勿泥故常務期通利無誤今歲糧運至于鳳陽陵寢作何隄防可以永保無虞一面移咨都察院轉行各該巡按御史速臨地方會同都御史等官議處奏聞仍體勘前項河流有無疏通泉源有無疏濬工程有無效驗今歲糧運有無稽誤各官有無勤惰一一奏報中間應奏者指名叅奏應薦揚者指名薦場以憑黜陟等因

谷平先生文集

卷之一

六十四

奉聖旨徐呂二洪阻淺非尋常挑挖所能通濟依擬便行總督漕運及管河都御史各該山東河南撫按官親詣地方督同管河管洪等項官員查照各官建議各盡乃心作急從長議處疏濬開導務使經久通行無誤今歲糧運鳳陽陵寢永保無虞一併奏來其餘依擬行欽此欽遵備咨到臣因巡歷濟青萊三府地方又經通行布按二司轉行守巡各道并管河副使金清兗州府管泉同知各欽遵疏濬去後臣

隨於本月二十五日自萊州府昌邑縣起行親詣泰安萊蕪等州縣徂徠諸泉而同知

假託有疾公然不行前來整理臣隨督同濟南道分守右叅政張臬帶管分巡僉事饒思聰青州兵備僉事沈澧逐一相勘督令各該州縣掌印等官着實疏濬外叅照山東布政司兗州府管泉同知濫叨府佐職專管泉當漕河多事之秋正人臣效力之日所宜盡心竭力用濟通事可也豈期本官懷奸避事坐視不理似此

谷平先生文集

卷之一

六十五

不職僨事亟應罷黜如蒙勅下該部將本官速賜罷黜仍將本官行臣提問以爲人臣懷奸避事不職僨事之戒緣係在外五品文職未敢擅便爲此具本謹題請旨

保留考滿方面官員疏

題爲保留考滿方面官員事據山東按察司題准本司僉事朱旒關照得本職見年四十九歲河南都司信陽衛軍籍貫河南河南府偃師縣人由嘉靖五年進士嘉靖八年二月二十八日

除授戶部廣西清吏司主事嘉靖十二年四月十五日陞本部四川清吏司署員外郎事主事本年八月初七日陞山西按察司僉事整飭石隰等處兵備本年十月二十六日到任扣至嘉靖十五年九月二十五日還闕實歷俸三十六箇月例該赴部考滿具呈撫按衙門以地方災傷暫留供職會 奏保留間嘉靖十六年正月初十日聞母喪回籍守制任實歷俸三年四箇月零一十五日嘉靖十八年四月初十日服

六十六

閤起復到部本年十二月初三日復除前職嘉靖十九年三月初一日到任扣至嘉靖二十年五月初二止又經一年二箇月零二日前後通共四年零六箇月一十七日任內並無公私過名亦無黏帶不了事件例應給由等因轉呈到臣已經批仰該司查例呈報去後續據該司呈稱依蒙查得 大明會典內一款凡丁憂起復更調改除官員前後兩任以十八箇月爲半如前任日少許通理多則再歷三年不得以後任

谷平先生文集

卷之

六十七

奏滿其歷過俸月以後考內通理又一欵凡三年六年雖有專責差占必須一次給由違者送問仍照例考察又查得山東布政司嘉靖十六年十二月內承准吏部勘合爲申明官員給由事內開今後各府州縣等官如遇三年六年給由文書到日該管上司查理倉庫錢糧明白不許輒因地方小事尋常差遣及拘前重後輕前經後重非法事例故爲留難如遇凶荒及地方不時之警即要預先奏 聞開豁方許任各該衙門每年俱以起送存留官員緣由明白開報前來俱許前後歷過月日通理補考等因及查僉事朱旒前後一官已逾八載實在歷俸將及五年任內節奉撫按衙門勘合批詞批詳等項俱已隨到隨完並無帶黏不了事件况例不拘前重後輕應該仍補三年考滿但本官近蒙本院批管分巡東兗道見今地方災傷泉源淺塞本官亦與有賑恤修濬之責正係緊急用人之際難以離任又况本司缺官署管該道事務

乞要轉 奏准留照舊供職等因到臣除覆查
相同外臣會同巡按山東監察御史何允魁議
照會事朱旒質直之資向正之志操守久而不
渝政務勤而日理歷俸三年之上呈請給由今
既查有前例相應行令起送但東兗地方去歲
災傷民困已極卽今春夏雨澤愆期荒旱尤甚
况今濟寧地方魯橋一帶盜賊竊發及又節奉
欽依明文疏濬泉源正當用人賑恤修濬所擬
本官似應暫行奏留如蒙乞 勅吏部再加議

雨澤疏

擬合無將會事朱旒存留在任接俸管事仍將
三年任內歷過事蹟行令造冊送部查考施行
其餘歷俸年分於後考內通理惟復別有定奪
緣係保留考滿方面官員事理未敢擅便爲此
具本謹題請 旨

題爲雨澤事查先該臣見得山東地方自去
歲以及今春冬雪未降春雨全無麥苗枯槁五
穀難播兼以狂風若颶赤地無根鄉市瀟條民

不堪命於是臣於嘉靖二十年三月十八日案
行山東都布按三司轉行所屬府州縣衛所等
衙門各該掌印官督率僚屬官吏師生人等於
城隍廟設壇朝暮行香虔誠祈禱去後續於本
年四等月初三等日勅准工部咨俱爲河道等
事備咨到臣臣因巡歷青登萊三府地方隨於
本月二十五日自昌樂縣起行由濰縣昌樂益
耆淄川等縣到於泰安萊蕪寧陽等州縣督同
山東按察司管河副使金青并守巡濟南東兗
水利兵備等道嚴督各該州縣掌印管泉官員
督率人夫將徂徠諸泉及時疏濬使歸運道臣
又於本年五月二十一日到於濟寧州會議河
道事宜見得南來糧運船隻將近而河道淺阻
行令管河副使金清督同兗州知府程尙亭同
知文三畏并各該沿河州縣掌印管河等官預
先親詣各該地方分地受任整點各民人夫拘
集起載剝船一遇糧運至日遇有阻滯應起剝
者卽與起剝應幫拽者卽與幫拽河身闊淺去

處應挑濬者即與挑濬深廣不分晝夜竭力共濟及行同知文三畏星夜前往濟寧寧陽沙河一帶督理間本月二十二日據兗州府申稱本年五月十六日寅時降微雨至卯時入土五分寸七日未時降雨至申時止入土一寸八分汶上縣申稱本年五月十七日未時正一刻降雨至本日申時初一刻止入土三寸一分鄒縣申稱本年五月二十三日亥時降雨至二十四日卯時止入土四寸五分泗水縣申稱本年五月二十三日夜丑時雨降至二十四日辰時止入土四寸五分寧陽縣申稱本年五月二十三日夜亥時降雨至二十四日卯時止入土一寸二分嘉祥縣申稱本年五月十七日巳時正一刻降雨至本日申時止入土二寸五分本月二十三日酉時正二刻降雨至二十四日丑時初三刻止入土二寸七分魚臺縣申稱本年五月二十三日亥時降雨至二十四日卯時止入土四寸二分定陶縣申稱本年五月二十三日申時

四刻降雨至本日夜子時五刻止入土三寸五分滕縣守禦千戶所并滕縣各申稱本年五月二十三日亥時三刻降落微雨至本月二十四日寅時二刻止入土一寸九分曲阜縣申稱本年五月二十三日夜丑時霖雨大降至寅時止入土三寸山東按察司書辦兵備僉事沈澧呈備益都縣申稱本年五月二十四日卯時正一刻降大雨至本月二十五日辰時初二刻雨止入土五寸七分濟南府申稱本年五月二十四日子時正一刻降雨至本日酉時初四刻止入土四寸五分泰安州申稱本年五月二十四日子時初初刻降雨至本日未時正三刻止入土五寸七分滋陽縣申稱本年五月十七日未時降雨未時止入土二寸本月二十三日酉時降雨至二十四日寅時止入土四寸東阿縣申稱本年五月二十三日亥正一刻降雨至二十四日丑正二刻止入土一寸蒙陰縣申稱本年五月二十四日丑時初初刻降雨至本日午時初

一刻止入土三寸五分沂州兵備僉事汪東洋呈稱依蒙親詣泗水縣督同知縣蔣偉典史李相管泉義官李渠老人劉君等徧歷各泉看得叁角灣泉蘆城泉壁溝泉三處發源不深泉脉微細雖加挑濬俱已枯緩終無濟事管泉主事舊亦云然又看得西巖石經泉大小玉溝泉等處流水近被山潦衝決土石淤塞鮑村泉趙家泉東巖石縫泉三處水脉舊衍今因天雨愈加盛大但猛雨浮泥下流壅滯隨即督令如法疏濬

濬又看得泉林寺左右珍珠黑虎趵突淘米紅石甘露壅珠下莊響水蓮花拾泉俱各泉水湧溢龜陰珍珠泉脉宏大潘波泉黃陰泉黃渠泉吳家泉岳陵泉杜家泉蔣家泉曹家泉合德泉石河泉俱次微細亦令如法疏濬又兼本月二十三日夜雨傾盆至天明二十四日巳時方止雨水相接泉脉潛通滯澀者漸盛舊盛者愈湧俱入泗河接連山水泛漲溢出泗河兩岸直抵金口壩水勢越出兩涯道路成河不惟大水入

濟糧運得達兼且百姓秋田亦種民心少安帶管水利副使談愷呈稱親詣滋陽縣督同該縣署印經歷康時亨管泉義官高嶽前去本縣東北關黨古渠等處看得泉脉甚微責令老人夫役人等疏濬間至晚天降大雨泉水湧溢兼以山水泛漲將金口土壩衝決查得堰壩之設所以障泗水曲阜等泉西注以達濟寧城東入運河者也壩既衝決則由堰入港里河至魯橋入運河皆於運河有濟仍令委官老人候水勢少

殺開堰障水使之西注同知文三畏呈稱依蒙備行濟寧陽穀壽張汶上東平東阿魚臺等臨河七州縣掌印管河等官拘集撈淺等夫起載剥船預候糧運挑濬幫拽本職親詣各該地方督催間天降大雨河水通流糧船無滯各等因到臣臣竊惟東土久旱人心皇皇上有以軫宵旰之深憂下有以懸臣民之渴望一旦甘雨沛然四境霑足此非人之所能爲也蓋由我皇上至誠格天感應神速故時雨大降漕河滿

盈糧運日進焦枯灌溉下民其蘇實宗祖無疆之福緣係雨澤事理爲此具本謹具題 知

自陳不職乞 恩賜罷以弭天變疏

奏爲自陳不職乞 恩賜罷以弭天變事爲照
邇者宗廟災變該御史黨承賜等奏爲答天戒
嚴交修以隆聖治事奉 聖旨兩京文武大臣
都著自陳欽此欽遵臣仰惟 皇上以大聖之
德居大寶之位二十年于茲敬一註箴之
聖學粹然集成郊社 宗廟之禮制煥然大備

谷平先生文集

卷之一

七十四

光于天下通于神明是宜克享天心百祥駢集
近者 宗廟之火乃爲非意之災固天心仁愛
之所在實臣下不職之所致臣以匪才誤蒙
拔擢委任以巡撫之責臣未能盡摛循之實歷
任年餘茫無寸補是臣未能奉宣 德意以召
災變之來臣之罪過無所於逃伏望 皇上體
天行罰將臣罷歸田里別選賢才巡撫山東地
方必能大振紀綱撫綏兵民舉賢退奸輔相
皇極如此則人事允修天意可回化災爲祥天

眷益隆實萬世無疆之休緣係自陳不職乞
恩賜罷以弭天變事理爲此具本謹具奏聞伏
候 勅旨

薦舉去任賢能官員以裨治道疏

邇爲薦舉去任賢能官員以裨治道事臣聞人
君用人每因才而器使人臣任職當隨分而效
忠位無常任政貴有恆故立賢無方莫先於歷
試諸艱然知人則哲尤在於叅伍論列固當親
察於蒞政之日尤須考驗於去位之後苟非立

谷平先生文集

卷之一

七十五

政有恆安能令終永舉臣訪得原任山東布政
司右布政使今丁憂張時徹學識高明才猷練
達議論侃侃洞燭事理之幾敷政優優大得旬
宣之體康濟有待民日望之原任山東按察司
按察使今陞山西布政司右布政使章僑風裁
夙著於諫垣弘猷懋樹乎憲府閱歷久而才益
達應用隨宜資望深而守不渝必期達到原任
山東按察司按察使今陞陝西布政司右布政
使底蘊通敏之資勤慎之守總憲節而吏民不

冤陟旬宣而遠近有望原任山東布政司左叅政今陞浙江按察司按察使李士文立志端方守官詳慎翊政而民多羨蘇之望遷官而人興去後之思原任山東按察司副使今陞河南布政司右叅政孫禮法精才練志遠心純守已無瑕遇盤錯而不阿立政有恆當屈抑而自定原任山東按察司副使今陞浙江布政司右叅政馬紀猷若樸而內實昭昭事克勤而行尤豐豐肅清弊弊平反民冤原任山東按察司僉事今

陞陝西按察司副使崔三畏賦性明敏臨事勇爲殫心慮恆周民瘼勵廉靜何愧官箴原任萊州府知府今陞陝西按察司副使柳本明守已謙冲敷政慈祥甘棠之思已徵於去郡之後忠信之行當孚於秉憲之秋原任章丘縣知縣今陞工部主事劉鳳池向上之志明敏之才行善政而民懷講兵畧而未試以上各官去任雖有先後而未民之澤則一陞秩雖有崇卑而廉能之著則同均當薦揚者也如蒙乞 勅吏部再

加詢訪如果臣言有據將張時微扣其除服以時起用章僑等量其資望以次擢用庶簡拔得人而庶政益修矣緣係薦舉去任賢能官員以裨治道事理未敢擅便爲此具本謹題請 旨

奉 慰疏

奏爲奉 慰事嘉靖二十年八月二十二日臣伏接昭聖皇太后 遺誥乃知 昭聖皇太后於嘉靖二十年八月初八日 升遐四海感動臣等北望哀號罔知攸措恭惟 陛下 聖衷

哀切尙厯追思伏望 陛下念一身爲 宗廟社稷之主日理萬幾之繁少寬 聖慮保頤天和上以承 皇天眷佑之隆下以慰四海臣民之望臣不勝恐懼懇禱之至爲此具本謹具 奏 聞

進繳 勅諭符驗疏

奏爲進繳 勅諭符驗事嘉靖十八年十二月二十三日欽奉 勅諭都察院右僉都御史李中山東地方各該州縣近年以來多被水旱災

傷兼有盜賊生發人民窮困已極今特命爾在彼巡撫操練軍馬修理城池撫安人民及提督一應稅糧邊糧屯糧并預備倉糧關防安插達子務在宣布德意扶植善民摧抑強暴使軍民依時耕歛各安生業貧窮下民及被災之家盡心設法區畫賑濟應該蠲免停徵錢糧照依該部題奏事理諭令各該軍衛有司官員明白覈實寬免除豁不許重複科派凡遇盜賊行劫卽便調遣官軍民壯分布防禦設法剿捕毋令滋

蔓官吏有能奉公守法修舉政務者量加獎勵其貪酷不才害人誤事者從公黜罰除軍職及五品以上文職有犯具奏區處其餘就便拏送所司究問臨清爲南北衝要之地四方商賈所聚及東昌至濟寧一帶中間多有亡命之徒在彼結構爲非興滅詞訟等項尤須督令兵備等官往來巡捕用心禁治凡有便於軍民者聽爾從宜處置應與巡按三司等官會同者須從常計議而行其徐州黃家閘至臨清戴家閘一

帶河道照依該部題奏事理往來總理朝廷以爾素有才力諳練事體故茲簡用爾宜持廉秉公據忠竭力撫綏軍民以靖地方斯稱委任如或因循怠忽責有所歸爾其慎之故諭欽此欽遵臣於嘉靖十九年二月二十一日前到山東地方准前巡撫山東等處地方都察院右副都御史曹蘭谷送嚴處預備倉糧勅諭并達字二百七號符驗各一道天字二百四十八號關防一顆及書吏卷簿各到臣接管辦事間嘉

靖二十年七月二十二日准吏部咨爲缺官事該本部等衙門具題奉聖旨李中陞都察院右副都御史總督南京糧儲欽此欽遵備咨到臣照例將地方應行事件照舊舉行守候交代今照新任欽差巡撫山東等處地方都察院右僉都御史曾銑於本年九月初十日前到山東地方臣將欽奉嚴處預備倉糧勅諭一道并原掌天字二百四十八號關防一顆及書吏卷簿地方應行事件照例於本日交代本官接

管外所有臣原任巡撫山東右僉都御史欽奉
勅諭并達字二百七號 符驗各一道理合
奉繳爲此具本進繳謹具奏 聞

計繳

勅諭一道

符驗一道

薦舉賢能方面官員以資化理疏

題爲薦舉賢能方面官員以資化理事臣聞藩
臬準監司之職爲庶官之長宣 上德達下情

卷之二

卷之二

八十

關係匪輕振紀綱肅憲度爲任至重然而人才
之賢否不同而政治之隆替亦異故安民莫先
於知人而知人莫要於旌善臣自奉命以來加
意詢訪不惟考諸政不復欲驗其素履夙夜兢
業茲將二載參伍咨諏得之頗真除左布政使
沈教賢能已陞光祿寺卿左布政使侯綸左叅
政朱純右叅議張鵬翰按察使劉璣副使徐守
義僉事劉昂俱賢能任淺僉事沈澧朱旒係考
滿保留不敢舉舉外訪得山東布政使司左叅

政維昂督儲有要而會計無遺催科以時而民
稱不撓公平之政端確之操者也添註右叅政
張臬學足潤身澤已被物年當強仕而見實老
成志存堅確而終當遠到右叅政余鋟貌古心
夷智圓行方燭事理之幾微心慮周至識政務
之體要大受克堪左叅政張九叙謙抑成性慎
密有加確守官箴勤恤民隱山東按察司臨清
兵備副使王楊一介不取清風已播於民謹百
務兼修賢勞屢膺乎薦剡文經武緯吏畏民懷

卷之二

八十

巡察海道副使吳道南當官清慎勤確乎不拔
馭衆仁明勇應時兼施謀慮精詳才猷練達提
學副使呂高器度閒雅學識深幽崇尙德之風
民俗丕變精鑒別之度士林悅服卓然表率允
矣儒臣曹濮兵備副使金清閱歷深而事多練
達立政果而志復精明禦戎有方修河殫慮雖
未盡究厥施已可占其遠大矣武定兵備僉事
饒思聰廉介夙著英毅性成明足以燭奸豪俠
屏息謀足以用衆巨寇就擒以上各官賢能懋

者所當薦揚者也如蒙乞 勅吏部再加查訪
如果臣言不妄將維昂等以次拔擢則人心愈
奮政治益修矣緣係薦舉賢能方面官員以
化理事理未敢擅便為此具本謹題請 旨

舉劾有司官員以昭勸懲疏

題爲舉劾有司官員以昭勸懲事臣伏觀

憲綱內一款凡所至之處傳采諸司官吏行止
嘉勸公謹者禮待之薦之之清濫奸佞者戒飭
之糾劾之欽此欽遵蓋風動之機莫要於勸懲

勸懲之要莫大乎舉劾此作新變化人才之道
不可後也臣自奉 命以來仰體 聖諭曲加
廉訪月課歲程茲將二載凡在撫屬之有司其
貪暴不稱者已嘗叅奏處黜其奉職俸淺者又
嘗優諭禮待外訪得濟南府知府喬瑞鎮定不
擾聽斷若流豈弟乎明允宜父母冰蘖自守可
賢鬼神通達之材遠到之器者也兗州府知府
程尙寧慈惠溫良何忝斯民父母力行強學堪
爲士庶依歸適負多完疲民有賴無施不可奚

查循良青州府知府邊沅才充而施政有序守
潔而慎始要終民多歸心士亦仰德萊州府推
官郭進蒞政公恕冤民得以伸其情執法嚴明
猾吏無以施其僞堪以大受矜見風裁東昌府
推官王德青年懋學而志趣向上潔已平政而
輿論攸歸折獄惟良夙聲盈耳濟南府推官劉
燾志行端方才猷敏達詳刑得公平之體剖繁
遞裁割之宜濮州知州許樾心公政平性溫才
贍均賦役而民心允服發奸伏而吏弊克清平

度州知州劉木持身無玷敷政有條賑饑而民
沾實惠平政而事多奏功歷城縣知縣朱徵實
心愛民篤志向上才優敷政當繁劇而從容有
餘介足持身遇盤錯而守正不阿公庭多暇私
室謹嚴益都縣知縣胡宗憲年青才練學優政
平存撫字於催科百務兼舉寓哀矜於聽斷庶
獄無冤澤被迖亡風動鄰邑壽光縣知縣許元
祥志行高明操持端謹文足以飾治政足以覆
民掖縣知縣徐祚撫字有方律身無玷饑民多

所存活良善尤荷併幪卽墨縣知縣王本才性敏行純才優識練敷政平易而民咸歸心推獄詳明而吏難作弊任久而守不變獲上而行益謙沂水縣知縣今丁憂歐思賢廉慎之守通達之才執法嚴而事克濟方去位而民多思平原縣知縣陳震弼平易近民廉靖守已剖兩造於庀言之下集多事於指顧之間予惠民懷公明吏畏以上各官皆廉勤公謹所當薦揚者也又訪得青城縣知縣 假勢成惡貪酷無比大戶

谷平先生文集

卷之一

八十四

需索常例動積百兩斷獄肆行科罰不止千金諸城縣知縣 假公以營己私無所不至流毒以害百姓致有怨評汙下自是科甲之辱費縣知縣 積廢未見少修荒怠自恣操守近招物議貪利有聞甘心暴棄有玷科目原任陽穀縣知縣今陞大僕寺寺丞 稔惡不悛邑民之蠹審戶而物議沸騰肆虐而民訟赴愬僥倖陞遷民怨刻骨以上各官皆汗濫奸佞所當糾劾者也如東昌府知府 自分詭隨全無

執法之意惟圖便利未見爲民之心事多因循弊乃日積莒州知州 才劣智昏百事廢弛

昌樂縣知縣 志氣昏惰邑政俱荒昌邑縣

知縣 才短寡幹瘵曠自甘此皆才力不及

所當調簡者也沂州知州 文學可觀政務

弗振此當改教者也如蒙乞 勅該部再加查

訪如果臣言不謬將喬瑞等擢用某等罷黜某

等酌處改教如此則舉錯得宜曲成有方庶官

用勸庶政益修矣緣係舉劾有司官員以昭勸

谷平先生文集

卷之一

八十五

懲事理爲此具本謹題請 旨

舉教職以興文教疏

題爲舉教職以興文教事臣聞建國君民必先敦學蓋所以儲育人才以需世用者也故庠序學校三代重之師儒之職明王慎焉仰惟國朝於凡郡邑俱設學官布列師儒導之以德行道誼迪之以經義治事於禮義相先之地寓作興鼓舞之機道亦至矣然而夫人之情不激不勸不風不動故欲作興文教當先風動師儒臣自

奉命以來加意詢訪虛心訓諭凡所屬府州縣學教職等官共教業疎曠者已嘗薄行戒示其訓迪稍振者又嘗禮待諭勉所有學政克舉教蹟卓異者凡有七人謹疏名聞蓋訪得平度州儒學學正陸果器度端方文詞贍麗寬以敷教大得多士之心介以持身復超流俗之輩樂陵縣儒學教諭孟寬力孝不置閭閻起興行之風造士有方文宮皆絃誦之彥才通識雅志遠心醇平原縣儒學教諭莫賁年資英敏才藝疏

通力學精勤器可期於遠到敷教詳慎士已向於有成充其風裁可堪憲職聊城縣儒學教諭徐兆學識優長足以模範多士操持清謹可以表率羣寮行復謙冲才亦練達高苑縣儒學教諭陳維賢英邁之性上進之才學子傾心已徵化導之懋著寅寮推讓尤見行誼之無虧定陶縣儒學教諭侯仁性純質美學勤行方敷教得多士之心品文協衆人之望可以待用詎止儒官金鄉縣儒學教諭諸祖明達之資副方之質

教鐸振舉大有裨於儒林學業精專當不歎乎遠大以上各官皆教業修明儒林師表所當薦揚者也如蒙乞勅吏部再加查訪如果臣言不謬將陸果等以次拔擢隨才器使則人人思奮士類用勸文教益隆矣緣係舉教職以興文教事理未敢擅便為此具本謹題請旨

舉武職以備任用疏

題爲舉武職以備任用事臣聞天道不言而歲功成陰陽交運而已王道無爲而天下服文武

並用而已仰惟國朝法天出治文以餒來武以捍衛雖左右之有間實並行而不悖民安物阜有由然哉項者廷臣建議凡諸武臣並行舉訪蓋欲求之廣而儲之預庶緩急得人而有備無患也然而將者三軍之司命固貴於勇畧有謀尤貴於仁慈畜衆蓋得衆而後可以成功也臣自奉命以來加意詢訪除怯懦無爲貪酷有聲者已嘗奏處黜戎務修舉如翟欽李仁馬濟沃田已行薦舉外今訪得山東都司

署都指揮僉事賈席器度文雅武畧惟優署司
方半載動得衆心歷任幾年肆膺薦剏馭下
克恕守已亦嚴臨清衛指揮使狄允中通達事
體諳練機宜幼讀義文已通長子之義長習孫
畧復窳攻擊之方施政周詳行己謙慎登州衛
指揮使韓元弼襲前勲自能樹立中武舉人復
推崇才勇兼優謀斷淵靖海衛指揮僉事連
璧儒雅之度備禦之才愛以恤軍政已乎於上
下廉以律已守無間於始終萊州衛指揮僉事

王道統綺之子頗涉事情武弁之流尤習兵畧
營軍威戴縣民悅服寧海衛武舉副千戶黃柱
文武兼優孝廉夙著屢膺委用卓有成功陸被
薦揚尤加修謹以上各官才勇各有不同任職
俱能效忠實武弁中之賢能所當薦揚者也如
蒙乞 勅兵部再加查議如果臣言不謬將賈
席等循資擢用庶武士之勸而武備益修矣緣
係舉武職以備任用事理未敢擅便爲此具本
謹題請 旨

舉地方人才以備任用疏

題爲舉地方人才以備任用事臣聞爲治莫大
乎得人賢才莫大乎旁招唐虞之治所以極盛
而無以加者以野無遺賢也仰惟我 國家造
士教之以崇正學建正道濡染薰育于茲百有
七十年餘矣故文教覃敷道化融液肥遯者啟
觀光之念投散者勵清修之節薄海內外喁喁
嚮風矧茲齊魯千里而近顧無特奮之人乎臣
奉 命以來孳孳廣求茲將二載叅伍有聞不

敢以蔽除原任南京國子監祭酒今養病痊可
王道賢能已爲聖明簡却起用不槩舉外訪得
原任大 寺卿今養病李元吉孤子之行用世
之才却掃杜門心安安於肥遯反身修德志兀
兀以窮年席珍已久豈宜終藏原任禮科給事
中後降旌德縣縣丞今聞住葉洪學有淵源才
堪用世風裁久著於臺省操守復重乎鄉評懲
創有年壯志無缺原任四川按察司副使今閒
住劉天民學以明理文足飾治才名久播於輿

論素履屢重乎縉紳磨練日深所宜效用原任
浙江按察司僉事今閒住彭古祺冰蘖之操久
而愈篤狷介之守雖細不遺當官忤權直聲動
乎寮案歸田課子懿行被乎鄉閭井渫不食行
惻維公以上四臣賢能各有不同致用俱有可
觀者也夫大上官人細德必錄 皇度無外片
善不遺似茲四臣豈宜終棄伏望 皇上勅下
吏部再加廉訪如果臣言不妄將李元吉早
賜起用葉洪等量才收錄庶幾野無遺賢而政

事修舉緣係舉地方人才以備任用事理未敢
擅便爲此具本謹題請
旨

谷平先生文集卷之一終

谷平先生文集卷之二

谷平日錄 三百九十六條

谷平先生日錄序

予曩叨舉進士居京師聞同年李子于唐
之氣節奇偉爲刑部主事以直諫謫惠州
通衢丞去予時病在告未始識李子而心
竊慕之既又聞李子刻意聖賢之學慕之
尤勤每以無從得接其緒論爲恨歲辛巳
予調惠州推官以謂茲行必得親吾李子

矣至郡而問則李子已爲王都憲陽明先
生延去爲之悵然予尋以公事往屬邑將
過龍川而聞李子還通衢纔數日乃喜不
自勝亟造之李子易直坦夷樂爲予傾倒
無所不盡予問進修之要李子曰自不怨
天尤人始苟除去此一副當煩攘則日用
間更有何事便一於爲已做下學上達功
夫何等超脫此真聖學之要矣予聞之胸
中頓覺有灑落寬平意起而疇昔之蔽謬

然如寐之寤醉之醒乃深歎爲學不可無
師友而茲會實平生之幸也至長樂訪李
子之所著作於其門人顏氏子因得所謂
谷平日錄觀之凡予子爲予言者具在予
悅焉錄之以歸未幾適

明天子登極李子奉

詔起將北上留郡城之野吏亭者四十餘日
予朝夕過焉李子復爲予究竟其說而其
大者亦不出日錄所載乃知是錄蓋李子

谷平先生文集

卷之二

二

深造實踐而有得焉者也其發明聖賢之
學幾無餘蘊矣予與李子別已久而其格
言至論時復玩味不忘者賴有是錄爾顧
謏陋無似罔克進於是以重負李子之教
則予之所自媿而嗟也庸餞諸梓以與世
之學士君子共庶有因是而興者固李子
立言之意云李子名中子庸其字谷平號
也江西水吉人嘉靖元年歲在壬午春正
月石湖居士吳稷序

按石湖公所梓日錄乃 先師謫居書

者止六十九條是後視學粵西遭害故
里間有紀述兩成洪先從學方塘所抄
不下二百數十是後敷歷融顯造詣簡
質漸近忘言日夕惟周易相對至疾亟
猶執卷在手是所得又非筆舌可及矣
儀刑日遠謦欬不聞一字之遺猶不忍
棄矧格言甚富皆前賢所未發者 於
是總前後若干言於石湖公所梓者別

谷平先生文集

卷之二

三

識其下以見朋友相下虛心服義之雅
後之覽者亦可以自反有省云

門人羅洪先拜題

知易則知權

人要識得心

學者切要之功只是一箇思無邪

古之學者只是誠實今之學者只是遷就

義精仁熟此學者之極功若聖人則與仁義爲
一不可言精熟

存天理只是始學者語論其極則心即理理即心何以言存天理哉凡言存天理心尚與理爲二

賢者所行有未至于中者正是與理爲二若聖人與理爲一自然周旋中禮

思無邪不遠復此二句最切要

學問之道只求無私而已無私則公天地聖人公而已矣學者至於公學之至也

復其見天地之心乎人得是心以爲心入之心

本天地之心也但私則與天地不相似一去其私則我之心即天地之心聖人之爲聖人全此心而已

識得此心則真是天下之廣居非形容之言

識得此心則聖人視天下真一家中國真一人謂之視天下猶一家中國猶一人尙未識心

居天下之廣居立天下之正位行天下之大道須默識心通始得呂與叔謂剖破藩籬即大家可謂識仁矣

薛文清公言人與天地本無二理惟無私貫之

此真見得又曰孟子曰夫仁亦在乎熟之而已

蓋凡爲學爲善皆貴乎熟不獨仁也此語又差

却聖人之學爲仁而已爲仁之外又何爲學爲

善乎學必見得到一處方是真見

程子謂凡下學人事便是上達天理此語最是

於此有得焉所謂道亦器器亦道可識矣

下學而上達蓋下學者事上達者理理外無事

事外無理學者要思得之

堯舜之禪湯武之征伐孔子之作春秋孟子之勸齊梁王以天自處也非知道者孰能識之心無內外性無內外

象山曰宇宙即是吾心吾心即是宇宙此真識得心夫子曰君子以人治人又曰因民之所利而利之於此有得可以見道矣

自伊洛之後學者皆言求之於心然未見有真實識得此心者此學之所以愈失支離學者若真實識得此心更有何事真有登太山小天下

之意

人須是有遊世無悶不見是而無悶底心到此地位道在我矣學者須自考若有些子悶底意思在卽是有我便與天地不相似○按所刻始此微罔識

與人接不可輕言吾夫子曰可與言而不與之言失人不可與言而與之言失言此真萬世接人之龜鑑今之談經談詩皆是畫上求畫人之目視耳聽手持足行氣自如此吾人之學

谷平先生文集

卷之二

六

只是約之於中正不大故費力到視明聽聰手恭足重卽仁也

朱子曰天地以生物爲心而所生之物因各得夫天地生物之心以爲心所以人皆有不忍人之心也眞實是見道至如曰然但謂之仁不知其切於己故反而名之曰人心則又差卻不知何如切嘗變程子曰心也性也天也一理也可謂見到至一處

人人安命天下平矣

先儒曰中人以下乃以命處義賢者求之有道

得之有義不必言命是固然矣然命字亦不可泥看孔子曰道之將行也歟命也道之將廢也歟命也彌子曰孔子主我衛鄉可得孔子亦曰有命孟子因臧倉之沮曰吾之不遇魯侯天也推而言之堯舜之禪湯武之征伐皆命也但不可肆縱欲之心只是處貧賤安於貧賤處富貴安於富貴當生則生當死則死到安命處便是道義非有二也君子思不出其位安命也若待

谷平先生文集

卷之二

七

不得已然後言命非安命也○

生生不已者天地之心生長收藏者天地之情人之心卽天地之心人之喜怒哀樂卽天地之生長收藏知道者默而觀之可也

易變易也隨時變易以從道也此所謂權也權之義不明於天下久矣非知易者孰能識之○或問復其見天地之心在人心如何晉曰孟子所謂人皆有不忍人之心今人乍見孺子將入於井皆有怵惕惻隱之心便是復其見天地之

心齊宣王謂吾甚慙於孟子便是復其見天地之心盜牛恐王彥方知便是復其見天地之心或問程子謂道無精粗言無高下是否曰然曰夫子謂中人以上可以語上中人以下不可以語上如何曰理外無事事外無理就如教此息肆不可嚇人重錢不可過重打入此便是仁恕之理若教知學之人便只論仁恕之理語上語下要之無二理

或問爲政曰謹之於始

谷平先生文集

卷一

九

或問一日克己復禮天下歸仁如何曰克己復禮求仁之功夫天下歸仁復仁之本體蓋仁者以天地萬物爲一體此人之本體也只有一个私則物我有所間矣失人之本體矣克己復禮則公矣則天地萬物皆吾一體合內外之道也此之謂天下歸仁西銘言仁之體正有見於天下歸仁之言

理者禮也理一分殊備於是矣惟時中一言最盡○

以直報怨以德報德此理一分殊之道○老者安之朋友信之少者懷之此理一分殊之道○

親親之殺尊賢之等禮所生也理一分殊莫非自然不待安排安排著則非天然自有之中矣君子之中庸也君子而時中易變易也隨時變易以從道也此理一分殊也○

君子之中庸也君子而時中一部周易只時中二字盡之

谷平先生文集

卷之二

九

執中無權猶執一也君子當隨時變易以從道也權之義可默識矣

忠恕合內外之道

講孟子去齊有不豫之色深嘆曰此所以爲聖賢也今人只認一個私已何處有萬一如此氣象看來聖賢之所以爲聖賢只是一箇公衆人所以不能爲聖賢只是一箇私因此甚有感慨覺平生氣習欲有滌去之勢力爲養心之學又曰孟子去齊有不豫之色真天地氣象也

春秋齊諸兒陳平國皆被殺身之禍淫溺之報必至於此書曰作不善降之百殃天下賞罰明則人知爲善矣朝廷黜陟明則天下多賢士矣

謝上蔡云吾嘗習忘以養生明道曰習忘可以養生中遠處嶺海家慮長繞心頭甚不耐煩日逐排遣不去一日見上蔡習忘之說試一學之亦覺閑雜思慮十去五六遂書此段於壁若以習之必得此心潔淨延平每與朱子書必曰便

下工夫庶幾漸可合爲已物不然只是說也此言真足以起後世之痼疾○

聖學之功莫先於閑邪閑邪要在於念慮之間人若得邪惡之念不入於心多少快活○

世人開口談學問而一箇心尙做主不定是不曾下工夫○

思慮紛擾是何勞攘必除去之才知天理真樂世人役役於富貴聲色之間怪他不得舍此無可樂果能閑邪則天理之樂在我其妙有難以

語人孔子曰好仁者無尙之近畧見得○

伊川先生曰易之艮言止之義曰艮其止止其所也人多不能止蓋人萬物皆備遇事時各因其心之所重者更互而出纔見得這事重便有這事出若能物各付物便自不出來此亦可見理一分殊莫非自然也

人心要作主定聞邪惡之語了不動念則學亦日進矣○

以心使心只是持其志之意

羅豫章云看喜怒哀樂未發前作何氣象試學之體認此心存主處不雜之以邪惡之念卽渾然天理日用間常存此念便是主一之意久久事此則無終食之間違仁矣○

知覺之外無心焉有死灰稿木之理只是知覺常存乎正卽是敬以直內工夫○

爲學之功莫要於識心

渾然不動只是渾然天理無纖毫私欲非謂無知覺也若無知覺如何曉得是天理無入欲○

聖學之要只是一箇閑邪存誠○

入之思慮紛紛擾擾何所受用

人之思慮不寧爲何討這箇勞攘

人心養得淵塞來便是誠自然物不能動富貴

不能淫貧賤不能移威武不能屈是什麼樣快

活時時照管此心習之之久自到淵塞地○

伊川先生言靜時既有知覺豈可言靜而引復

其見天地之心爲說蓋此爲下聖人一等以下

做工夫言有失纔有復元無所失何復之有惟

容軒先生文集

卷之二

十二

聖人無復顏子不遠之復便有復也此其所以

動時見天地之心於此便加存養使之無間斷

此是切要工夫學者要思得之程先生獨以動

見天地之心可謂百世以俟聖人而不惑者矣

所謂動上求靜於此見之

思無邪一言明道術正人心闢異端皆在其中

矣非知道者孰能識之佛氏似無邪然其不思

故不可以入堯舜之道思無邪一言萬古聖學

之全功○

克去邪思最難非至健不能也

不知心之貴者未必不樂於滲躡也汗漫世學

者亦是多欲

知顏子不遷怒則知聖人無欲矣

道者天下之公理也已何與焉因民之所利而

利之以人治人以天下才治天下事故曰天下

何思何慮○

明者鏡之體也定者水之體也塵垢者鏡之累

濁亂者水之累塵垢去則鏡復其明濁亂澄則

容軒先生文集

卷之二

十三

水復其定此其所以照物妍亦妍媸亦媸鏡與

水於此無所用其功矣是其功惟在於去塵垢

澄濁亂而已治心之學於此可以見矣○

人之有心猶舟之有舵也心一不操則心放舵

一不持則舟覆此操心之道所以惟日孳孳斃

而後已故曰惟聖罔念作狂惟狂克念作聖

思無邪便是爲仁工夫思曰磨礱作聖無邪則

正大矣思無邪正大而天地之情可見矣聖學

之功莫要於思無邪

克己極難非實下工夫者不知也

明道先生十六七時好田獵後自謂今無此好十二年暮歸田野間見田獵者又覺有喜心於此可見克己極難也學者克己須拔去病根方可有志於學者須知進銳退速之戒

程子曰人能克己則心廣體胖仰不愧俯不作其樂可知有息則餒矣非實下工夫不足以語此

陰符經曰機在目此窺見此箇工夫

克己復禮已者人欲也禮者天理也天理者人之所固有也其有所蔽者欲耳已私克去則天理自復克己復禮不是兩箇工夫爲仁之功只在克己

孟子寡欲養心之說爲始學者立個下手工夫聖學極功必至於無欲然後已寡欲則有我無欲則無我矣

配義與道是浩然之氣之本體養氣是要得理與氣合

延平先生曰學問之道不在多言但默坐澄心

體認天理若見雖一毫私欲之發亦自退聽矣此是靜中看喜怒哀樂未發何作氣象而有得也所以教學者更平實而此此有德之言也○顏子不伐善施勞此時尚有我在到以能問於不能以多問於寡有若無實若虛犯而不校則庶幾無我矣○

二程先生不學邵子之數真聖賢也要人自理會

明道先生忘其加一倍法幾於無我之地歟內重外輕得深誘淺非特富貴利達就如馳心雜博之學者皆是內不重得不深也

近見得儒者之學於佛老之學真是天淵懸隔佛者只是一個私己以吾聖賢無我氣象觀之真是登泰山而小天下

後之學者利禪家簡便靡然從之而不知吾孔子微仁則仁至之教至易至簡特俗儒弗悟自流於支離耳○

中庸一書合內外之道也其要只在慎獨

孔子曰我欲仁斯仁至矣工夫只是一箇思無邪此是至約處持養之久自見道矣

道無方所孔子與曾點之志與其道也三子皆志於得國故孔子不與若夫子周流天下時常然也故曰天下有道丘不與易也○

天下之道公而已矣易曰艮其背不獲其身行其庭不見其人不獲其身無我也不見其人無人也如是則全體是道無他公而已若有一毫

容子先生文集

卷之二

十六

育我有人之意在卽是私已便與道不相似○萬古只是一理理者禮也記曰禮者理之不可易也夫子曰克己復禮顏子曰約我以禮子思言尊德性道問學而歸宿一言曰崇禮學者於此深究而自得焉可以見道矣

聖學之功只是一箇存養爲本省察是存養內一件常時存此本心不失便是存養或有一念之動少有非僻省察之卽與克去此本心依舊有而不失聖學之功存養爲本思無邪者存養

之全功也○

改過遷善此是學者終身事不可并於自暴自棄○

天地之間惟收斂身心最樂彼役志於富貴利達聲色貨財毀譽得失者胸中紛紛不得休息萬事有命所欲未必得遂徒自勞攘在世聖人所謂小人長戚戚者誠可憐憫若常存此心不失自然仰不愧俯不忤大行不加窮居不損天下之樂孰大於是○

容子先生文集

卷之二

十七

役志於記誦詞章至老精神逐逐損傷于外勞苦終身於此心非徒無益而反害之聖門求仁之功至易至簡人能從事於此勿忘勿助自育以識其本心不從外得則仁在是矣求仁之功思無邪而已

差之毫釐謬以千里學者要自理會

聖學以正心爲要自古聖賢只是此箇工夫宋安民不肯刊元祐碑施全刺秦檜皆無所爲而然者人之心本天地之心也

知命二字亦可以削去胸中一副當煩擾學者勿以知命爲易若到不得已處然後言命非知命也○

閑中收斂身心亦易到接物時心無少亂纔可驗其學之進○

此心須從靜中養得淵塞來一切外物皆無所動始可入道徒費議論不濟事○

性豈去何處起身時便有速到之心近時此念絕無近時待人覺無作好作惡之私

谷平先生文集

卷之二

十九

看來人不能爲聖賢者只是一箇利字纏繞欲除去此副自纏繞莫先於安命○

聖賢與衆人之分義利而已由於義便伸於萬物之上逐於利便屈於萬物之下○

子思孟子之學亦聖矣乎學者理會得子思孟子之學可以見道矣

學者於聖賢之言不可徒解文義當實體諸心自有見處則道自明

閑睢樂而不淫哀而不傷此道隱然可見

先君之思以勗寡人此無所爲而爲也不聞亦式不諫亦入故至誠無息

無然畔援無然歆羨聖人無欲如此學者常存此體段於胸中日改月化此心無所繫矣

敬天之怒無敢戲豫敬天之渝無敢馳驅昊天曰暵及爾出王昊天曰旦及爾游衍君子只在謹獨

視爾友君子輯柔爾顏不遐有愆相在爾室尙不愧于屋漏無曰不顯莫予云覲神之格思不

谷平先生文集

卷之二

十九

可度思矧可射思此只是一箇謹獨工夫

不志於道者資質低者流於卑污苟賤資質高者流於猖狂自恣此心須淨淨潔潔

淫詩之詞雖曰惡者可以懲創人之逸志然聖學不明未免導人於淫始學者且先讀二南以

養其心然後及于雅頌深究聖人之學此是切日

柏舟綠衣燕燕此詩亦得性情之正

平生最喜詩經塞淵二字無然歆羨一句大抵

此心須要塞淵雖知可欲之善而若存若亡豈能有諸已哉此心塞淵則無然歆羨渾然大理矣

大雅曰緝熙敬止周頌曰日就月將學有緝熙于光明商頌曰聖敬日躋三代之學皆用心于內

東山之詩破斧之詩聖人感人心而天下和平匪教匪誨時維婦寺奄人之禍其來遠矣伊川先生曰人主一日之間接賢士大夫之時多親

宦官宮妾之時少則可以涵養氣質薰陶德性其深知婦寺之有害於君德也與後之人主可不深思而戒之哉

雖雖在宮雍雍在廟不顯亦臨無射亦保由仁義行非行仁義也

上天之載無聲無臭詩人之意亦淺而子思引之以言天命之性聖賢讀書超然意會于章句之外子思之學孔子家法也

鳶飛戾天魚躍于淵子思之意不甚相遠靜居

默識子思之意比之詩人更超脫子思之意王明道也

治天下之道正家爲先正家之道刑于寡妻爲先堯欲以天下與舜而曰我其試哉三句此詩三百所以首關雎也非知道者孰能識之人心本虛記誦詞章壅塞之矣君子之學莫大乎去其蔽

作善獲福作惡獲禍此理自然如此要人自理會人之由大路泰然行將去向利如之若由曲

徑穿林莽未有無所損傷此自可見若求之報應之說惑之甚矣其亦怠於善也夫其亦流於惡也夫○

聖學之極惟存乎中庸六經之道盡在是矣六經之道包涵在中庸易之隨時變易以從道此中庸也書之允執厥中建中建極此中庸也詩之風雅發而皆中節謂之和此中庸也春秋之褒貶予奪抑揚進退皆得乎時措之宜此中庸也禮之中樂之和此中庸也聖學之極一中

庸也故曰天下國家可均也爵祿可辭也白刃可蹈也中庸不可能也

自古聖人論道皆未有如吾夫子之發明仁字宋儒以誠以敬爲入道之門其近體究覺得日用之間惟體認此仁則心自無所放而道日明所謂誠者敬者皆在其中矣

道一仁也天地之覆載此仁也日月之照臨山川之流峙雷霆之鼓動風雨之撓潤草木之夭喬鳶魚之飛躍得其正者仁也一失其正則非

谷平先生文集

卷之二

二十一

仁矣仁者人也念慮之萌動耳目之視聽手足之持行得其正則仁矣一不正則非仁矣學者日用惟體認此仁自無已之可克矣

天運而不已日往則月來寒往則暑來水流而不息物生而不窮此仁也

過不及者皆有我也惟時中則無我

寡欲如飲食不務甘美而欲菲薄衣服不務華美而欲儉樸此雖是好猶是有我在若無欲者當非美則日美當非薄則菲薄當華美則華美

當儉樸則儉樸 見此理不見飲食衣服雖曰飲食衣服而已無與 此之謂無我無我是無欲君子之學必以無欲爲至

旅獎一篇工夫只在志以道寧言以道接二句觀謝方石所編聯句錄諸公詩亦鍛鍊終是味短作詩格調造語學詩者可能獨得之妙非至於道者不可能也

方遜志謂曾子子夏可以爲充實而未至於光輝真是不知曾子

谷平先生文集

卷之二

二十三

聽言可以觀人小人當未遇之時見君子所爲亦有尊崇興起之意是尙無利祿之深迷而本心之明有不可掩者及稍得利祿之謀便志得意滿雖明知君子所爲之是恐其不便於已必作爲一種說話以寓沮却之意寧欺已欺人不顧此之謂失其本心

內重見外之輕得深見誘之淺人若見道則有登泰山小天下之意文藝之學非所屑也聖賢之學只是不失其本心

後世論學論人物者多無實見或有依阿說者只憑籍古人

先儒力爭頓悟之說以吾夫子我欲仁斯仁

格之恐亦是如此人得天地之心以爲心此本心也放而不求則若失之一操之便存而不失要之不從外得此分明是頓悟但是無間斷爲難所以君子之學自彊不息聖人之學純亦不已○

薛文清謂孟子之後學不傳只是性不明此亦

是想像之言周子曰動而正曰道其語道也明

矣中亦曰動而正曰仁

心正而動合外內之道也

肫肫其仁淵淵其淵浩浩其天三句子思造道

極致形容親切如此學者未可遽語此然尋用

心於內日改月化心即理理即心自不知其與

天地同體矣

寡欲則近道無欲則渾是道矣

見而盜背心可得而識口不可得而言

天地間只是一箇仁字知道者默而觀之可也宇宙間只一道所以行是道者謹萬古不可易者道也隨時變易以從道者權也權之義不明於天下久矣非知易者孰能識之

經者理也權也者所以行乎經也經權之義却之者鮮矣經爲體權爲用

人處於天地之間其所行處皆權也小人流於遷就而權之用失之君子未免執滯而權之用始未盡惟聖人周旋中禮泛應曲當而權之用始

盡

天地之用一易也自然之權聖人之用一權也當然之易非知道者孰能識之

晦翁謂太極是箇大底物事四方上下曰宇古

往今來曰宙無一箇物似宇樣大四方去無極

上下去無極是多少大無一箇物似宙樣長遠

亘古亘今往來不窮自家心下須常體認這意

思中以爲於此自得便自有淵淵其淵浩浩其

天之體段故曰好仁者無以尙之

晦翁謂象山常要說宇宙但他說便只是這箇
又不用裏面許多節拍却只守得箇空蕩蕩底
中以爲道體本是空蕩蕩底

湯武皆聖人也其放桀伐紂時也無一毫與於
已焉易曰艮其背不獲其人行其處不見其入
其斯之謂與羅仲素謂成湯處心過於武三才
知湯武也時俗之論也

關雎樂而不淫哀而不傷無欲也無欲則渾是
道矣江漢以濯之秋陽以暴之皜皜乎不可尚

已曾子形容夫子之道極親切

某曰儒者之學理一而分殊分不患其不殊
難者理一耳各親其親各子其子常人皆可能
也視天下爲一家中國爲一人非聖人不能也
儒者之學所以明理一以希聖也故曰一日克
己復禮天下歸仁焉伊川先生乾六爻以辭言
是指舜做個模樣可以例天下之事非等王等
舜讀者不以辭害意可也
孔子謂易有聖人之道四焉則易不可專指！

筌言明矣

胡傳云大道隱而家天下此言似未見道

坤卦主利必依伊川利萬物則主於坤之說爲
千古不易之定論若曰陽主義陰主利是導人
於利矣爲人臣者懷利以事其君爲人子者懷
利以事其父爲人弟者懷利以事其兄是何等
時耶豈聖人開物成務之意也耶學者當以道
觀易可也

聖人之道理一而分殊分不患其不殊所難者

理一耳孔子曰吾道一以貫之此明夫理一也
子貢問有一言而可以終身行之者乎子曰其
恕乎已所不欲勿施於人此教子貢推行乎理
一也曾子曰夫子之道忠恕而已矣此明乎理
一也大學曰是以君子有絜矩之道也此教平
天下推行乎理一也宇宙只一理本公也人之
有身則有自私之蔽聖人之教所以去天下後
世自私之蔽也自私之蔽一去則廓然大公
則理一無間矣是故君子親親而仁民仁民而

愛物

春秋本十二公之行事而孟子謂其事則齊桓
晉文可謂真知孔子作春秋之旨矣

孟子曰春秋天子之事又曰春秋無義戰此二
句斷盡一部春秋程子曰經世之大法百世之
上聖賢出焉此心同也百世之下聖賢出焉此
心同也

曾子聽執燭童子之言而易簀此已到無我之
地

孟子先生文集

卷之二

二十八

蓋告舜曰罔遠道以千百姓之譽罔拂百姓以
從己之欲唐虞之學純乎無我此道之所以行
也○

子曰巍巍乎舜禹有天下而不與此言聖人之
無我也孟子所謂雖大行不加窮居不損亦此
意○

孟子曰盡信書不如無書吾於武成取其二三
策而已以至仁殺至不仁而何其血之流杵也
此真言非設言也當時商人之悅服武王非有

甲可乙否之異何有商人自相殺之事

知仁勇三者天下之達德也既曰達德則不可
言等矣或生而知之一節此言氣質之不同也
好學近知三句是學知利行以下者入道之方
陳北溪曰夫子之道其精微在易而所以語門
人者皆日用常道未嘗及易也此語未有見於
道日用常道之外又豈別有所謂易哉

文公云尹彥明見伊川後半年間方得大學西
銘看此意也好也有病蓋天下有許多書若半

孟子先生文集

卷之二

二十九

年間都不教他看一字幾時讀得天下許多書
某以爲天之生人人之有生只是一箇明德而
已明德卽仁也聖人之學只是明此理以全之
而已學者苟於大學西銘之旨而有得焉則六
經可不治而明矣文公之言或是早年未定之
見

胡五峯曰人有不仁心無不仁此可謂識心之
本體學者要思得之

中官金英以事過金陵九卿餞于江時薛敬軒

爲大理丞獨不往金英還朝曰南京好官惟薛卿耳此可謂強於爲善矣金英之所以有聞於天下後世者此一事也人烏可不強於爲善哉人心中除去一切閑思量則天理自在多少快活

或言康節心胸如此快活如此廣大如何得似他朱子曰他是什麼樣做工夫某誦其詩曰適居堂上行堂上或在水湄言水湄只此便是會點浴沂詠歸的意思如何不樂學者識得此意

卷之二

三十

則胸中一副閑思量自然冰融凍解矣○

康節先生詩曰料得人生皆素定空多計較竟何如又曰物情悟了都無事未學顏淵已坐忘某以爲宇宙有箇大快活要人會受用○

自安命上便可到天下何思何慮○

邵子曰身生天地後心在天地先天地自我出自餘烏足論可謂識心矣

入之有生皆有不忍人之心也氣拘物蔽失其本心者眾矣聖賢之學無他求全其本心而已

矣本心存則視天下爲一家中國爲一人今士志於科舉之學漫不知本心爲何物人欲肆天理滅一旦得志上不知忠君下不知愛民甚至作好作惡下民少有觸忤卽誣以重罪以快其忿此真民之賊也聖賢之學不明而天下受其禍如此噫嘆也極矣○

名爲有氣節之人而學不知道亦忿人之忤已而誣罔以罪學不知道以自負氣節者尙不免於利己害人况衆人乎聖學不明而欲天下平

卷之二

三十

治未之有也

學者之得與不得亦易見此心灑然而勢利出脫了無所係此實得也雖曰講學而勢利纏繞瞻前顧後此無所得只是說話

學者患不用功若果用功自然日改月化而至於道譬之行路只口說而脚不動此身只長在這裏如何到得那裏若脚一動就徐徐不迫日積月累無遠不至矣○

天下之理皆出於心君子之學去其蔽以明其

理一求之於心而已譬之掘井及泉自然源源不竭何待加以外面之水彼安排考索之學譬之苦力擔水亦日勞而日窮此之謂無本之學洞可立待○

此心淨淨潔潔真是快活

聖人之心如止水此真見得聖人之心

大學之格物致知所以明此心也誠意正心所以存此心也諸孟中庸六經所以教天下後世以求其心而已

谷平先生文集

卷之二

三十二

天之生人人之爲人只此一心是心也推而放諸東海而準推而放諸西海而準推而放諸南北海而準考諸千萬世之已往而不謬俟諸千萬世之將來而不惑無古無今無終無始人心其神矣乎

萬物皆備於我矣志於道者不可外求

學者操心至心中無事則道體洞然在我矣

中庸一書子思爲明道而作也子思恐人之求諸高遠索之空虛而斯道不明也故作是書而

名之曰中庸就見斯道乃日用常行萬古不可易者也孟子曰道在邇而求之遠事在易而求之難正中庸之意也若以爲難非初學者所當理會失中庸之意矣

易則易知簡則易從易知則有親易從則有功有親則可久有功則可大此道之所以明所以行也唐虞三代人人有士君子之行此是有可封之俗以其得此易簡之道也後世之學流於支離去道遠矣○

谷平先生文集

卷之二

三十三

范文正公曰不欺二字可以終身行之司馬文正公曰一言可以終身行之者其誠乎看來古今豪傑未有無所立而能有成者

舜之飯糗茹草若將終身爲天子被袵衣鼓琴二女果若固有之此只是一箇無我聖人與道一洞然可見矣○

孔子曰朝聞道夕死可矣會得此意則必終日乾乾學惟爲已而已何處着得絲髮爲人之意哉

袁燮曰人心與天地一本精思以得之就業以守之則與天地相似可謂得象山之意矣
孔子曰天地之大德曰生又曰生生之謂易天地之道也又曰人之生也直人得天地之道以爲道也前乎此千有餘歲之上臯陶曰好生之德後乎此千有餘歲之下明道曰生之謂性性卽氣氣卽性生之謂也伊川曰心生道也學者實有見於此則知仁矣○
堯舜之知而不徇物急先務也學者有志於道

谷平先生文集

卷之二

三十四

最是要急先務

萬物皆備於我本自完全此心一正則溥傳淵泉而時出之不假外求不從外得

日往則月來月往則日來寒往則暑來暑往則寒來此天地間一個感應之道顯然可見者如此知之則於窮通得喪禍福死生了無所動於心通體是道其樂大矣

動心忍性四字最能造就人出來○

救荒之策豫而已矣象山平一雜法與朱公祖

俞法並行萬古之良法也某平素最愛平糶平糴之法可以行於一鄉至於天下其法雖有收於荒年然亦出於公有因民之所利而利之底意思

爲政真實要得人若不得人雖有良法何由行之○

先王之世聖賢蒞朝天下之民有養有教山澤又有虞官以理之而鳥獸魚鼈咸若和氣薰蒸天下太平後世斯道不行民無教養之方有司

谷平先生文集

卷之二

三十五

以牛羊待民而民鮮得所山林之獵川澤之漁又窮極巧技百計利得而鳥獸魚鼈無以遂生庄之願和氣日消乖氣日長何由得時和年豐何由得天下之平某嘗曰生於先王之時非惟人之幸亦物之幸也生於後世非惟人不幸物亦不幸也然則先王之治其可復乎曰可明道先生令晉城滿去夜有扣門告人命狀者先生曰吾邑安有此人哉有則必某人也問之果然或問曰何以知之先生曰吾嘗疑此惡少之未

革也一邑之民不知其幾千萬人也而疑未革者纔一人則一邑之內唐虞三代之和氣也使其得相天下之責論道經邦燮理陰陽先王之治決可復矣○

楊縮清儉簡素人所共知也而未聞興起乎人及入相制下之日郭子儀始減聲樂黎幹始減聘從抑可識斯道之行必須乎時勢也○

斯道之明存乎已斯道之行係乎時勢○

嘗見晦翁語錄或問武王誅紂後何如不立微

谷先生文集卷之二

三十一

子爲天子晦翁不答人皆以爲難於答也某以爲此是以曲謹小廉論聖人而聖人一節至公不避嫌之心皆不知也聖人無我的知天命人心之在我則受之而無疑若知天命不在商而抑抑然欲立微子以避取天下之名亦是私意萬古定見惟吾夫子曰天地革而四時成湯武革命順乎天而應乎人胡五峯亦見此意故曰湯武有人之天下而無我取人之嫌○

呂東萊曰心之所之只有善惡兩件於惡既不

不之於善將何之乎此艱難險阻所以爲進德之地也

此心平平時可以默觀道體

靜聽雀之喧蛙之鳴皆自然而然而非有所爲也天理渾然隨在各足不相假借萬物各得其所莫非天理自然或問張旭學草書見擔夫與公主爭道及公孫大娘舞劍而後悟筆法莫是心嘗思念至此而感發否程子曰然須是思方有感悟處若不思怎生得如此然可惜張旭留心

谷先生文集卷之二

三十一

於書若移此心於道何所不至求道者體程子之教精思之功無終食之違則道自明矣萬古之道一也學術所以明道也學術正則道明而天下後世受其福學術不正則道晦而天下後世受其禍秦李斯先受學於荀卿卿以性爲惡以禮爲僞當時師弟授受之間已背吾孔孟之正學此焚坑之禍所由起也使天下後世不得見聖人全經之教荀卿其萬世名教之罪人哉後之學者謹善體吾孔孟之正學慎勿以

私見殺天下後世也歟

致知在格物性無內外可以識矣

夫子答子貢足食足兵一章孟子答桃應竊負而逃一章皆是精義入神處

宇宙只是一理理無內外

孟子言今人乍見孺子將入於井皆有怵惕惻隱之心非所以內交於孺子之父母非所以要譽於鄉黨朋友非惡其聲而然也於此最可以觀道體無我無人直與天地相似可見道人所

谷平先生文集

卷之二

三十八

固有不從外得若常是如此便與聖人何異只是有間斷耳君子之學常存此心而不失則道在我矣○

程門楊中立謝顯道尹彥明三人皆知仁

人見孺子入井而惻隱見嗟來之食而羞惡於此深究其所以然此格物致知之學

人於民究其所以同胞於物究其所以吾與則知仁矣於此實見得自然着不得一毫有我之私日用之間莫非天理之流行矣

善者天下之公理也舍已從人此與道爲一若有一毫自用之心去道遠矣君子之學莫要於虛已○

學者對人接談之際便存虛已之心此是切已工夫爲政者無作好作惡之私豈弟君子民之父母○

或曰理統於一心散於萬事此非與見論其極只是理無外

稱之星銖兩斤鈞經也稱鍾之進退推移稱物

谷平先生文集

卷之二

三十九

輕重以合乎銖兩斤鈞權也經權之義不待講而明矣經爲體權爲用

天下事只是有一箇當爲一箇不當爲出乎此入乎彼無二說也湯武之征誅道也湯武不與焉孔子曰天地革而四時成湯武革命順乎天而應乎人此萬古不易之道也程子曰堯舜湯武其揆一也征伐非其所欲所遇之時然耳張子曰此事間不容髮一日之間天命未絕則是君臣當日命絕則爲獨夫可謂知此道矣若以

此論帝王而有所優劣非知道者也為夷齊易為武王難

操心是終身工夫

學要日新

生生之謂學

為學要量大靜中默觀顏子犯而不校什麼樣氣象○

此心一存便是合內外之道

忠恕貫天下之道故曾子曰夫子之道忠恕而

谷平先生文集

卷之十一

四十一

已矣為學大要以心為本涵養須用敬所以養此心也進學則在致知所以明此心也

詩大雅論文王伐密而先之以無然畔援無然

猷羨伐崇而先之以予懷明德順帝之則噫伐

崇伐密天也文王不與焉此文王之所以為聖

人也此詩極當理會

凡看經傳皆以明此心為務觀一物處一事皆

有以驗此心之所形則無往而非養心之學矣

心外無物物外無心心無內外也要人自理會

世之治亂國之興廢家之盛衰人之賢不肖不可委之命委之命則周易不作矣○

伊川先生不受李邦直贖金未免有我在

不怨天不尤人下學而上達萬古論學之道此

為全備吾夫子自述如此此其所以為聖人也

學者於此深思而有得焉則日用之間無事

用力而於斯道自不能已矣○

學者最要去箇忍字

忍字禍天不可言

谷平先生文集

卷之十一

四十一

范氏謂守約則足以盡博此語亦獨見也

朱子曰此心皆自有許多道理不待逐旋安排

又來誠哉是言也○

雖離在宮肅肅在廟不顯亦臨無射亦保不聞

亦式不諫亦入此亦可以默觀道矣道者無物

不有無時不然而文王之與道為一如此求道

者要當自強不息也

學者日用實下工夫則日新矣學貴日新

學者志道貴於知本子思曰中也者天下之太

本也明道先生曰新法之行吾黨激成之此已到無我之地

宇宙只此一心能明得此一心更有何事

忿欲二字爲一身天下之害甚大強制不濟事能消盡者大賢地位人物矣○

溥博淵泉學者學到此方可言學

廣大寬平胸中常覺有此氣象是什麼樣快活自古至今好人天皆有箇玉成之意君子當有以順天○

谷平先生文集

卷之二

四十二

尋常間只從容自在便是坦蕩蕩氣象○

應事接物時少個省字不得○

賓之初筵毛氏序曰衛武公刺幽王抑詩序說爲刺周王是矣韓詩序以賓之初筵爲衛武公飲酒悔過之詩國語以抑詩爲武公作懿戒以自儆此皆不知詩也周平王東遷政教號令不及於天下則黍降爲國風而雅亡以王者之微詩尙不得列于雅豈有衛武公之詩而可列于二雅乎序說斷乎其不可易矣

觀了翁尊堯集其意亦正但辭氣之間本有所

激全欠和平未免有我恐不足以服天下後世

之心君子論人當如鏡之照物妍媸在彼已何

與焉如此則爲無我無我則公是公非而道在

我矣後世之論荆公當以程朱之論爲正

或曰萬世之下王臨川作何如評品朱子曰陸

子靜已記之矣何待他人此言幾於無我

朱子終身爲學之要見於感興玄天幽且默一

章末云奇功收一原學者潛玩有得則知仁矣

谷平先生文集

卷之二

四十三

象山曰六經註我學者知此意則知所以讀書矣

學而不思則罔思而不學則殆於此可見理外

無事事物外無理萬古聖人之正學昭灼平實無

有餘說

惡念易去妄念難去人心無一念之妄純乎道

矣

道外無物物外無道作善降之百祥作不善降

之百殃積善之家必有余慶積不善之家必有

餘殃考之歷代史冊斷乎其不可易矣○

歷觀往古來今天下有一定之命只是人自勞攘○

富貴最壞人○

天有一定之命君子順之爲善小人悖之爲惡爲政最不可聽謗言

真西山跋普門品曰此佛氏之寓言也昔唐李文公問藥山禪師曰如何是惡風吹船飄落鬼國師曰李翱小子問此何爲文公勃然怒形於

色師嘆曰發此瞋恚心便是黑風吹船飄落鬼國也吁藥山可謂善啟發人矣以此推之則知利欲熾然卽是火坑貪愛沉溺便是苦海一念清淨烈焰成池一念警覺船到彼岸災患纏縛隨處而安我無畏怖如械自脫惡人侵凌待以橫逆我無忿嫉如獸自奔偶觀此語喜其有合於克己之義故錄之

學者至約工夫只是常常提醒此心不怨天不尤人此是學者第一關則一於爲己

更有何事心無妄念樂莫大焉

志於道者務學以求全乎吾之本心此是自己受用底勾當無一毫與人相干學者驗於念慮以自考之若有一毫爲人之心則非學矣

學者有不足之心斲而後已若有一毫自足之心則違道矣

學者遇事一以天理處之不可少有顧忌而存恐懼之心一有恐懼之心非知命也

聖人因物有可喜可怒而喜怒之已無與焉學

者克己要知此意應事而不累於事接物而不累於物始可言學也已

盡消褊急而入寬宏

聖人之心如止水學者豈易及哉希聖之功惟在明理以克己

漢氏近古諸君子尚行實有可觀

能好人能惡人者斯可居宰輔之職

天下事有機乘其機而爲之則以無事處事矣一日自子至亥此心純乎天理一月自朔至晦

此心純乎天理日月至焉之謂也三月不違仁久之謂也過此已往純亦不已也大而化也聖不可知也若夫日一至焉月一至焉者見孺子入井而有惻隱之心見蹙蹙之食而有羞惡之心衆人皆可能也

唐太宗起復于志寧爲太子詹事太子縱欲志寧上書切諫太子大怒遣刺客殺之刺客入其第見志寧寢處苦塊竟不忍殺嗚呼于志寧可謂不欺暗室之君子矣

武則天以女主肆酷虐於上周興來俊臣等以奸臣肆酷虐於下當是時天地生人之道幾熄矣侍御史徐有功獨持寬平甦活當時其瀕死遭黜矣屢矣終始一心守道不回觀其流涕辭官曰陛下以臣爲法官臣不敢枉陛下法必死是官矣辯冤得罪嘆曰豈我獨死諸臣永不死耶既食掩扉熟寢噫必死是官之言掩扉熟寢之狀獨存本心置生死於度外矣活萬姓喘息之命續天地生生之德徐公眞仁人也

君子任事不可有避怨避謗之心一有是心則必有遷就之意矣

君子不憂不懼仰不愧天俯不作人

吉人爲善惟日不足須實下工夫者知之

文王望道如未之見此眞見也

呂東萊曰義理無窮才智有限非全放下終難溱泊放下政非易事也

辯者進德之機也

酒困最能亂心志君子宜知所戒

晦翁云古之聖賢戰戰兢兢過了一生此言深有所省

橫渠曰困之進人也爲德辯爲感速孟子謂人有德慧術知常有平疾疾者以此自古困於內無如舜困於外無如孔子以孔子之聖而下學於困則其蒙難正志聖德日躋必有人所不及知而已獨知之者矣故曰莫我知也夫知我者其天乎其黜黜表處困六年動心忍性是賴天意王成眞自信於此言也故謹錄之以自勵

聖脩之極忘私而已吾夫子曰發憤忘食樂以忘憂不知老之將至云爾其亦忘私而已揭回也三月不違仁與兒作時文中引橫渠言有教動有法畫有爲宵有得隣有存息有養講不違仁見之深喜能是亦真不違仁矣此真爲仁之功

心要常如大虛

一念正則百善集一念邪則百惡從千古聖人之學只在正心至於正心雖聖人無以加矣

司馬承禎曰違者損之又損以至於無爲安放勞心以學術數又曰國猶身也順物自然而心無所私則天下理矣順物自然而心無所私此言亦合道

無意無必無固無我此善言聖人也

人心少有所繫便與道不相似無爲而治本也從事于言語之間則末矣

勢不可恃德則可久

人心脫然無所繫通體是道

心乎愛生非道也心乎舍生非道也時當愛生則愛生時當舍生則舍生此道之當然無異於已也

四端在人本無增添孟子所謂擴充者只是無間斷耳

人之一心經也六經傳也

愛不足以盡仁惟公可以盡仁惟中可以盡仁道無古無今無始無終謂道爲先天天地而始後天地而終者非知道也

生生之謂仁存存之謂學

本心卽是天理

學者於人情世變上磨過來方有進向處

學者於一切世味卻看輕了則渾然天理矣徒

事講說不濟事

狗天不徇人

存心不忘隨事觀理

本心卻是天下之大本動皆從心中流出卽爲達道一不從本心所發便是私意非道也

私錄師訓二十四條

不見不聞只是虛虛者心之本實者心之質可見者也心也者虛而實君子之道費而隱無我二字吾人一生受用不盡能無我則自得師好問不見是而不悶不見知而不悔皆做得若有我便不能也此無我即是天理天理便未易體認若無我則易體認日用之間何者非是學者到此地位即是聖人也
爲學還須靜坐先儒謂當看喜怒哀樂未發時

谷平先生文集

卷之二

五十

氣象何如雖未必即知其氣象亦可以靜養爲學工夫必須先加靜養之功則體貼天理自明白象山曰顏子之已只是一點未釋然處其三月不違只是一點有我之私即能覺而復也過乎此則純亦不已也程子曰有一毫有爲而爲便非是禮此語極好

天下事只要看得破天理明則人欲自消胡氏曰富貴與天地同其通貧賤與天地同其否生順死安與天地同其變化夫死生壽夭窮通得

喪豈足以介吾意乎昔伊川渡江舟將覆猶正襟危坐至岸岸上有一人問曰達去如是舍去如是達是達理也舍是舍生也看伊川直是達理者方能如此此去處不可不理會理會得則何事不可爲

用之則行舍之則藏只是一箇是即無可無不可也何嘗有必之之心如天道春便春夏便夏向與於天用舍無與於己非道不能也若用不行舍不藏便不是道蓋道無一毫滯處滯則不

谷平先生文集

卷之二

五十一

通矣如必固果皆是滯也

今人乍見孺子將入於井皆有怵惕惻隱之心此便是善端發見處人人皆有但有間斷則若存若亡不爲已有學者有此心須充之到淵深塞實方是有諸已譬如栽一小樹恐牛羊牧之大風搖之須從四圍作垣牆以防牛羊又時時培土灌水以備大風則此樹漸大根漸深且實雖無垣牆牛羊風豈如之何如人善端發見欲使之常存必要去閑邪邪則天理自存存之

之久便到淵深塞實處到此地位則本體已復實有諸已彼富貴貧賤生死禍福得喪夷狄患難若無與於已豈能有以介意乎學者須如此用力方可閑邪如何去閑只是心正則邪自閑了邪閑則誠存矣閑邪存誠是一件非有二也

聖人用功與學者一般但有生熟之異謂聖人不用功者非也蓋人之有心猶舟之有舵心一不昏則惡生舵一不持則舟覆聖人即老於行

船者進退推移自然而舵亦未嘗離也學者即初學行船者未免有把持着力之功非自然而然也一庄熟之異即盡聖人學者用功之說

心者天之與我此理渾然在中潔潔淨淨只爲私意蔽始失本真譬如鏡此鏡之光元非外來只爲塵垢所蔽十分磨去則此光自全於照時縱千萬人來自妍自媸更有何累此知若致則道之全體在我不疾而速不行而至意自能誠心自能正此便是明則誠矣雖千變萬化此

心都答應去所謂物來順應更有何事更何須說甚行如今把行路譬知然所欲知者還在那裏若德性之知元是我只初不假外求所以孔子說多聞多見爲知之次也雖也在心上用功不是自外討進來以復心之本體吾人只爲這些子蔽不得去到無事時一念不起反觀此是何等氣象

右門人王龜年

心之本體原無間內外渾然只是天理原無虧

欠真是潔潔淨淨所謂至虛而至實者惟人多此一軀殼故從此念頭一動便未免有私已的心所以要人自去理會欲理會須是自家反觀體認出來然又恐無處捉摸所以必須要人理會指出於乍見孺子休惕心體認於躊躇處體認於天地生物處體認於博學審問上攷索妍磨於古今人心事物處體認而所謂仰以觀於天文俯以察於地理觀鳥獸之文與地之宜近取諸身遠取諸物皆所以體認吾心天理又必

存養不使外物得以雜投吾中所以又有戒慎
恐懼慎獨工夫久久天理自然還復自然明淨
何思何慮此則自少至老無一息之可違雖聖
人亦只如此着力人果能如此用力便是格物
窮格於外則通融貫徹通融貫徹是知致蓋庸
人雖亦有知但拘泥在一處不相維繫學者格
窮則因此識彼心之知自廣矣便是盡心心盡
則便知性之在我無間內外知天理之流行無
少壅遏心即性性即天未嘗有二物亦未嘗有

二種工夫也存心養性即求放心工夫未嘗不
流行於內於此處少有間斷則未免又有剝削
遮隔終不能有諸已矣故閑邪存誠與格物致
知相爲終始如是則凡禍福得喪常變出處進
退取與無一足以動中雖夭壽是人之所甚不
欲者亦不貳但修身以俟之而已如此則命由
我立一舉一措莫非天命之所在如堯舜之禪
授亦天命也湯武之征伐亦天命也孔子之從
心所欲不踰矩即此時也此則何思何慮不見

有我亦不見有人所謂天人同體者也下節莫
非命也安命之說也富貴不淫貧賤不移素位
而行俟命之說也至此而聖功全矣佛氏惟其
不知此道只見得自私的道理不去人情事變
上攷索只要定靜便有光明守這光明以爲至
極以爲窮神知變不知此理無間內外徒知習
忘而不知有遺忘之病徒知入定而於理之所
在未知有一定之見也吾嘗曰吾儒內外兩忘
佛氏內外兩失

大學格物致知誠意正心修身只說明明德的
明字中庸明善誠身擇善固執只說得誠之者
的誠字元來誠則明明則誠非有二也故論學
拘泥字不得會得時橫來豎說只是此理
謙齋主誠二程主敬考亭先致知誠固誠矣主
於敬則心中不容一毫僞念入去亦誠也誠則
無不明矣致知者求去此心之蔽以復其明則
亦無不誠矣但朱子之致知一向做向外而去
因論伊川不答司馬公給事中之問先生云此

便是界限處混淆不得當時若汎論伊川便當答之只爲欲選一給事中誰可任者如此說却是宰相之權非他人可得與也故孟子處物爲義最盡在物之理理無內外同一理涉在處置上便有許多界限差錯中庸說和本亦盡然必說順理無乖方謂之和若義只是裁制便見省了多少氣力孔子言仁義言忠恕子思言中和皆此道理只此卻說得盡也程子曰中理在事義在心雖是事物自有箇得當處在卻要人去

理會也方始見得所以裁制之把柄卻在我不在外方見義之非外也孔子曰立人之道曰仁與義如何教人只言仁蓋仁體也義用也體立而用自著故學者貴於精義也吾道一以貫之亦是此意又曰理理一也義分殊也體用之謂也實則只是一理

人得天地之心爲心仁也其用則義也孔子於易曰立人之道曰仁與義孟子仁人心也義仁路也終之以學問之道無他求其放心而已此

求仁之說也體用一原顯微無間立其體則寂然不動渾然天理及其感而遂通天下之故則致用各異所謂義也聖賢之正脉其是在是乎

孔子解義曰義者宜也又曰義以爲質禮以行遜以出信以成皆此心之妙用道理本是完具人只爲私意所蔽在物爲理處物爲義處物上着力不得惟敬立而外自方君子惟本之務

從心所欲不踰矩矩者方也大學絜矩亦是此義若此理便圓神只從此心所欲行出事去自

是方了蓋此心固無方無體到外有方有體

先生與蕭瑒子鳴主政議論彼云無事讀書先生答云不必讀書不必不讀書又云神無方而易無體又答云無方卻要有方無體卻要有體巍巍乎舜禹之有天下也而不與焉此孔子明道處蓋天命天討天敘天勅我何與焉若與以已便是意必固我之爲此非是聖人之心若曰不以位爲樂卽凡寡嗜欲者皆能如子路之類非禮勿視此四句非禮在心上說只心不染於

非禮不爲遷動便是若朱子所謂不加視聽則凡有所遇將何如只心不動便在視聽亦不妨意湖看得無意句有味故極得力無意便是克己工夫

伊尹比夷惠二人不同此孔子只多了在底意思若去了便是孔子也故孟子言夷惠之行有弊而尹不屢見觀其於湯之聘不輕出則有爲雖孔子亦只如此

觀家憂亦愛意思可以識道體只是容一毫意

思不得此聖人淳和之氣象誠實之心也舜誠信而喜只是寂然不動感而通天下之故不逆詐不億不信亦是誠之地位稍加一毫意思便與道不相似

交以道接以禮而孔子受之乃不億不信誠以相與回也不改其樂此樂字分明是天理卻要人活看方好善人生來卽有此樂盡得此心此樂便在如當死而死亦是樂故日用則行舍則藏惟無我故有此樂舜禹有天下而不與無我

也稍與以已便非此樂矣能於此處認得爲學便自有向裏着實處尋樂只是要正心心正自能知樂處

右門人羅洪先

谷平先生文集卷之三

書三十三

復邵司訓直之乙亥

中啟病中得手書披讀殊憫鄉執事疑中不肯屈之意爲陳之怪而發也夫道外無事事外無道通衢驛東去六十里爲興寧驛西去五十里爲雷鄉驛有上自長樂過龍川通衢驛當迎之送之此道之當然也外此非通衢所得迎之送之此道之當然也陳當時自龍川進和平自和

谷平先生文集卷之三

平還龍川往來道路與通衢無所干涉此雷鄉驛當迎之送之非通衢所得迎之送之不待明者知之而反來怪辭此付之無論可也因執事論及故直言之使無所疑非所欲言也大抵道在天地間至公至平亦不少亦不剩在人心定靜之時自識取又蒙論及觀卦中以爲觀雖爲小人逐君子之象九五以剛陽中正在上小人猶有忌憚也斯時九月正爲剝卦所幸者上九一陽獨存碩果不食將有復生之理雖然陽無

谷平先生文集卷之三

可盡之理十月爲坤詩曰歲亦陽止易曰爲其嫌於無陽也故稱龍焉純陰之卦而謂之陽月可見陽無可盡之理也雖聖人扶陽抑陰要亦有此理剝盡於上復生於下此雖極無道之世而君子之道未嘗亡也千古之上此理不可易也千古之下此理不可易也治極必亂亂極必治一感一應往來無窮故曰天下何思何慮天下同歸而殊途一致而百慮天下何思何慮於斯默識可以見道矣中以狂愚放逐海濱自知罪大責輕今日所當爲者致命遂志而已他非所敢知也執事知我者漫一道及病困中言不盡意惟亮察

復湛甘泉內翰丙子

八月間得讀手教剖析的當開示明盡日三復之不忍釋手中以疎淺於古聖賢之學安敢致是於其間第以讀書有疑不敢強焉欲以質於有道也間嘗讀明道行狀曰聞汝南周茂叔論道慨然有求道之志未知其要汎濫於諸家出

入於老佛者幾十年反求諸六經而後得之晦翁解大極謂周子手是圖以授之此可謂要矣不知共所謂未知要者何事而又泛濫諸家出入老佛直待反求六經而後得之以爲伊川尊明道之言乎伊川恐非苟言也宋史載明道與伊川入成都聞籀桶者說易兄弟煥然有所省後門人問易伊川曰易學在蜀至著易傳必曰斯義聞之成都隱者每讀至此嘆曰此聖賢至公至平之心無一毫自廣狹人之念此所以繼

千載之絕學也於籀桶者有一論尙欲表顯之況於其師乎此深可疑也南軒與晦翁書謂程先生與門人講論未嘗一言及太極圖晦翁謂此書詳於性命之原而畧於進爲之目有不可驟而語者中思之門人固有不可驟而語者若伊川易傳立言以教萬世胡安定有言則引之籀桶者有言則引之何於周子圖書未嘗一語及之乎此深可疑也晦翁與象山論無極太極復復爭辨其書有曰周子灼見道體又曰此老

真得千聖以來不傳之秘至序大學以二程接孟氏之傳序中庸又曰程夫子兄弟者出得有所考以續夫千載不傳之緒得有所據以斥夫二家似是之非微程夫子則亦莫能因其語而得其心也信斯言也則二程之學似無與於周子矣此深可疑也夫宇宙間只有一箇理在易曰太極在大學曰明德在中庸曰中一也論太極既以周子真得千聖以來不傳之秘而序大學中庸又以二程續千載不傳之緒此深可疑

也細玩周子之書曰誠原於夫子之誠者天之道曰神曰幾皆自夫子大傳中來是真祖述乎孔子之正學無可疑者然佛老之道不息孔子之道不著自孟軻死聖學不傳漢晉以來佛老之說交鶩於天下至於達磨脫然不立文字嘿坐便心靜見理此說熾雖聰明才智都被引誘將去以致人心陷溺斯道不明久矣故明道曰道之不明異端害之也云云是皆正路之塞無聖門之蔽塞闢之而後可以入道來教所謂

程子之接孟氏以功則排斥二氏誠周子之所未發者此真發前賢所未發有功於朱子矣感服感服中僻寓山中無所知識嘗以爲道克塞天地浩浩蕩蕩無所入處一日讀易曰天地之大德曰生又曰復其見天地之心乎不覺自信曰此吾夫子見道之要故特發明仁道以覺天下後世聖門之學求之此心此伏羲以來所未發也象山曰仁自夫子發之誠哉是言也於此可見天地之心仁也人得之以爲仁此性之全體也

體也孟子曰仁人心又曰人皆有不忍人之心此孟氏之傳於孔子也性善可識矣明道曰學者先須識仁仁者渾然與物同體義禮信智皆仁也又曰萬物之生意最可觀此元者善之長也斯所謂仁也伊川曰心生也道有是心斯具是形以生惻隱之心人之生道也又曰人者天下之公善之本也此二程之得於孔孟也朱子曰天地生生之理這些動意未嘗止息而其釋人皆有不忍人之心脩道以仁與夫仁天之尊

爵三處極其精確此朱子之得於二程也良知良能本人固有若能求之日周動靜之間而有以識其全體所謂禮儀三百威儀三千發育萬物峻極于天具在是矣但覺氣質不美此心清明之時少間斷之時多清明時此理亦似彷彿畧有所見間斷時則又塞矣萬希示教以釋所疑幸甚

復同年高汝白丁丑

甲戌歲別違未幾中亦黜嶺海地僻無繇奉問

徒切馳戀後得朱守中書知在維揚得行其志憫甚寓山驛數年寡陋日甚嘗竊念唐虞之時文藝未盛當時之人此心淨淨潔潔風醇俗美何其盛也今之以爲一件大事幹當者在古祇以爲常事况頽復之屬猶有未免此所以真欲寡過而未能何時得遂盍簪之願領麗澤之益沃此傾渴也

奉陽明王先生庚辰

九月初旬前聞先生遠行中發人約王宜學同

來拜送宜學復書云昨郭守衡過家云先生行期准擬是月十有二日知不可及徒切悵望自後北來消息莫得其十一月十一日中携子入廣至吉安城下會南安洪太守適其府劉秀才自浙來口傳時事頗信其一二噫世道如此尙忍言哉喜聞先生養病西湖寺中可謂善遁其變先儒云不哭底孩兒誰抱不得善抱哭底孩兒善之善也偶里嫻某來便匆遽中敬附此以申問安之忱惟爲道珍重不宣

奉李梧山先生

不肖中遠竄來日遠我師詢諸過客索諸邸報方知我師巡撫中州尋轉鎮蘇松等處喜慰之極不知所云我師敬事而信措之天下無施不可斯時多事得我師大用弘濟艱難國家之福也中不肖寓嶺海三四年當道相愛者亦多而初時府縣相忤者亦有一二大率天下事是如此常念危者使平易者使傾覺胸中自然快活丁丑秋廣藩承差賚我師所賜鄉書至戊寅秋

劉秀才賚我師所賜書惠至披讀感激嘗有詩云乾坤終愛物桃李最知春近想台履元亨令郎公子日見長進皆所深喜中去冬蒙王中丞先生移文取過贛公務因得假歸省俟秋涼復上贛也數年地僻無從寄書寢食弗寧茲便敬此問安惟爲道爲天下保愛不宣

答甘太守辛巳

入新秋想宦履廸吉中此七月間通衢驛民憔悴日甚俯思常職惘然內愧迺以初十日過驛

適委官被提關送印記遂接受陰雨連月驛解牆壁傾頽無棲止之處畧與整頓且過長樂驛無錢穀詞訟暫令吏書人等答應庶幾驛民少事擬旬月間又一過驛速抵客寓忽得手教并會錄威感習忘之說來論恐其流於禪伯空靜之域有不自覺者至論也中之意則因其習忘而得其所當忘者也所當忘者何也忘私也前書云澄汰久之邪僻之念日見退聽者以此非如佛氏之絕念也又云習忘本是養生工夫若

善用之亦有助於閑邪是正言因其習忘而得其所當忘者其有助莫大焉但語意未瑩宜執事之慮也既蒙示教敢瀆臆說宇宙一心耳無私者心之本體也心之一者思慮紛擾之私耳忘私則此心純一不雜也寧意思慮先儒具有定說中皆聞之而自信於此者亦以用力其間粗有效驗故耳要亦先儒之意也學必貫通然後無所窒礙乃自得也佛氏曰定明道亦曰定佛氏曰惺惺上蔡亦曰惺惺何也忘已耳若灼然有以實見得吾心之體有在于此設以佛氏所嘗語反規規然而避之是反涉於較計偏倚之私而累其廣大光明之量其於斯道無我無物之體不無有害中以病體從事習忘養生之功而亦有所悟者蓋有動于中必摧其精此忘情所以養生也有滯于中必害乎道此忘私之所以體道也人之心即天地之心也形而後有知覺有知覺則有惡慮理與氣未合爲一則思慮有不一矣宋大儒溫公念箇中字而程氏

以爲不如數數珠明道計度林木而自以爲心中不可有一事中嘗驗之惡念易去妄念難去雖無邪心苟非所當思而思焉皆妄也事之未至先事而迎事之既往不與俱化滯滯泥泥聚成一團私意夫萬物皆只是一箇天理已何與焉爲甚恁地勞攘此箇私意強制不濟事須是一切忘之使此心淨淨潔潔便與天地相似道之本體可默識矣橫渠先生曰成心忘然後可與進於道又曰性性爲能存神物物爲能過化存神過化忘物累而順性命者乎此之謂忘私作聖之要其在是乎中時感熱卧病偶因徐典史來便力疾書此附呈請教更慮及山瘴諭中下府寓居盛意也以此時理驛事弗得如命惟亮察

答羅達夫

己丑

五月六日見邸報知吾友大魁天下爲世道得人喜差人回得手書承諭順時中立尤難爲功前此亦嘗爲慮及於此可見心之相契不言而

信反覆來書自責甚嚴非切於爲己其能然乎雖然此學是終身事惟日不足無有已時尙書云惟聖罔念作狂惟狂克念作聖而吾夫子嘗曰德之不修學之不講聞義不能徙不善不能改是吾愛也觀夫子之自述聖學之功可知已愚嘗思之吾輩生於學絕道喪之餘幸而本心尙在端緒可尋今日之學必當以孔子爲師若夫宋儒固有實得者然亦有以其質之近者爲學其於經傳不能虛中深究一有不合輒掃古

訓以就臆說曲解聖言以便己見凡聖賢緊要用功字眼一切斥廢冥冥悠悠已墮於佛氏無念之窠而不自知也易曰差之毫釐謬以千里今之以學自命者人皆議其行事之謬謂平日講道學而行事如此是僞也愚以爲不然平日講學只成一個自私而自以爲天理故其行事之謬者非僞也學術之差也此愚近日之所深察也別久有疑無由相質益切遐思辱示所見足見好問不已顧愚淺陋何以知之以相知舊

義不容默也來書云天下之大辨二心與意而已心之本體至精至明意之發端有倚有著良知良能本自真切言其真切必見天下之善不有諸已天下之惡未嘗不同故幾涉疑似必不容含糊而自能料理意或兼帶必不容回護而自能斬除如此方無認欲作理之弊愚謂心一也無方無體無可名矣動則有善有不善善者本意也此心之端緒也不善者私意也此心之蔽障也無是非之心非人也善不善豈有不知

於此致力不亦易乎吾人日用着實工夫只是閑邪閑邪則本心自存矣何有認欲作理之弊乎來書云主意既定則形迹少異莫非此理更不須別求義以方外工夫不然一入商量自尋方便此乃爲意念粧點愚意聖學只是一箇工夫閑邪而已閑邪則心存心存則寂然不動感而遂通天下之故何容商量何容粧點來書云極其所止不過爲名節爲見聞爲事功非聖賢易簡至善之道矣愚謂心無內外道無內外弗

能閑邪則動以人所謂名節非名節見聞非見聞事功非事功誠有如所論者矣閑邪則動以天所謂名節此道見聞此道事功此道故曰天下同歸而殊途一致而百慮聖賢易簡至善之道豈有間乎哉

答伯實弟

今年五月間見邸報知釋褐宗之慶也承差來得手書甚慰吾弟當年篤學且得達夫同年相處盡簪之地日新間來書有云仕途間甚

是崎嶇如不才輩其能卓然自立不爲天下萬物之所撓耶愚嘗謂富貴最壞人要在自立而已自立之道莫要於養心孟氏云寡欲周子云無欲寡之以至于無不息也作聖之要其在此矣夫養心則自立自立則役物天下萬物豈能撓已耶

答吳嵩伯舍憲

小兒書來備述厚德厚愛海內斯文骨肉也感刻感刻承差回復辱嘉貺手教其曰存養到義

命了然只此一言終身受用不盡者矣感教何如何時盡簪以卒所請是所願也

答羅達夫庚寅

去歲十一月間得手書披讀之餘足識日得斯文幸甚幸甚詳其間所致疑者疑愚之議慈湖也愚之議慈湖者非是之謂也爲道也試畧言之聖學之不明者由世儒之忽聖訓而直任私見也大學孔氏之訓明道先生兄弟表顯之以覺後學也慈湖一切掃之如定靜安慮彼則曰

此膏肓之病也如格物致知誠意正心彼則曰何其支也取人大中至正之心紛然而鑿之豈不爲毒信斯言也則大學在所屏絕矣其可乎開口說毋意毋意是也然有取乎主忠信而以一爲未離乎意此爲無意乎有意乎不可不察也聖功之要曰存曰思存意削去當時象山先生已見其微故戒之曰若茫然而無主泛然而無歸則將有顛顛狼狽之患信然矣其蔽之本指其於心不在焉則以爲心如何曰在正舍之

則亡則以爲聖人未嘗貴操而賤舍此說若行是率天下於貿貿焉莫知所之不至於槁木死灰不已也其爲學術之害可勝言哉此愚之所以不得已於言也夫道一也仁者見之謂之仁知者見之謂之知百姓日用而不知此君子所以貴於學也自夫後儒以反觀內照讀書攷古岐而二之此所以紛紛不一也道無間二之則間間則去道遠矣一則無間無間則道在我矣古之學者一也至吾夫子而大著夫子天也其

授諸子因才而施曲成萬物之心也聖學之全功惟顏氏得聞之矣顏氏之所聞者何也閑邪也閑邪何謂也非禮勿視聽言動也非禮勿視聽言動何以謂聖學之全也天之生人一日貌二曰言三曰視四曰聽五曰思盡之矣視聽言動卽貌言視聽也勿者思也此其爲力一本乎自然而已不與也蓋心無外視聽言動無外動容周旋讀書攷古豈有二哉總提一勿字約也此視聽言動終始唯一也是閑邪之功簡要而

不空寂周徧而不支離貫通而不窒礙此所以與於斯道也竊思孔顏授受之旨幸濂洛心傳但當時未盡發其義也愚意使濂洛盡發其義鵲湖自無所異同也使鵲湖盡發其義後儒亦無所紛紛也然人心之覺本亦孔氏之教猶存定萬世之學是者舍此將安歸賢者洞識何俟愚言頃承遠問乃復布此惟聰明裁之

答鄒謙之

甲申歲在西粵曾寄書京師後得族叔仲純書

報未到也今春到浙擾擾未奉候而兩辱誨言且因事有悟一覺無不覺非有二也中何足以知之竊意培元氣而消百病立大本而釋舊習一理也故曰太陽當天太陰五緯猶自放光芒不得那有魍魎魍魎來中二十年妄意孔門求仁之學日往月來何有所得願有以教之

答周欽之

別去一年羈處寡聞世路擾擾無所裨益回思同志實切傾渴頃得書示及鍼灸是誠用心於

爲已嘗聞學貴識病而已大儒有獵心其鍼灸者只是體貼天理從事於斯無少間斷至于忘加一倍法之時則純乎無我矣吾輩之學亦惟自知自治而已而由人乎哉自知自治亦惟體貼天理而已所謂體貼天理者非徒閉眉合眼而得之也亦惟視聽言動之間體貼天理而已竊見近時之學尙言論而不求事實所以多不得力卒至結果一箇利欲之心以死者多矣愚爲此懼得欽之削去言語從事鍼灸之論此正

抑言語而求事實之意斯道之慶何大焉幸相與勉之

答謝子順

別來逾歲紛擾塵途每憶方塘相聚之樂遂動遠懷近得書直指心之本體而工夫切要見亦真確末又謂積疑者何也夫道一而已矣自其亭亭當當直上直下言之謂之中自其天道流行賦予萬物言之謂之命自其生生不已言之謂之仁故曰大哉乾元萬物資始通天地人物

而爲一矣是道也亦無因甚有亦無因甚無亦無有處有亦無無處無若以方所求之去道遠矣子順謂閑邪之功在仰觀俯察遠求近取讀書考古終始惟一而已此孔氏之學也實從事於斯則道在我矣夫何疑乎

答羅達夫

差人回得書玩味數四深喜麗澤之益也前論工夫慮有間斷可謂用心之密矣後論聖賢汲汲未始少休暇以達一體之愛其意廣矣然道

無我也無我有我間不容髮不可不精察之也大抵此學只是一本無兩段事請終言之靜而無靜動而無動本心也滯於靜邪也流於動邪也閑邪所以存心也所謂閑邪者只是自作主宰未嘗致纖毫之力靜坐閑邪也應接閑邪也閑邪則動靜兩忘矣前書所謂閑邪則寂然不動感而遂通天下之故是矣無二說也此豈有間斷乎周子謂無欲則靜虛動直意正如此此箇閑邪之功無內外無始終可與之言而不與

之言失人不可與言而與之言失言士未可以
言而言是以言餽之也可以言而不言是以不
言餽之也此皆閑邪之地也舉而推之天下之
能事畢矣所謂朋友論說之間非相信者不敢
輒言此非愚之私見也孔孟之見也非孔孟之
自見也天理之自然也故曰無可無不可否則
不墮於可則墮於不可矣至於不求人知者此
是聖學大根本閑邪之極功也到此地位則內
不見已外不見人大行不加窮居不損感于此

應于彼不疾而速不行而至自有潛奪汗俗興
起善心老者以安朋友以信少者以懷非言語
可及也故曰爲天地立心爲生民立命爲往聖
繼絕學爲萬世開太平誠之不可揜如此夫

答鄒謙之 甲午

屢承手書感教奚勝中居常在病而往來者不
知坐失裁謝媿罪媿罪來教云同志中各述所
聞往往以已見乘之又曰及時一集相與磨偏
去蔽甚矣執事之心一學術也斯文慶幸何如

嘗聞知至至之知終終之孔門之學也今日學
術必無以異於此矣學術異同往往皆然往歲
在虔州嘗致辨再三後在南寧陽明翁諸石南
仲以此一日南仲兄語及中謂道一也何有異
同執事得意忘言日新不已其所以覺來學之
任不得辭焉近者聞一二後生慢罵宋儒毀斥
古訓似此個習氣滋蔓爲害非細今日變化之
機正在執事與諸君子開以爲己之學培成淳
厚之俗世道之元氣也中切有望焉中頽廢無

聞青原之集正擬會面以承箴規之益柰以痰
火病臥遂阻其行敬遣小兒齋書請教力疾草
草惟終教之幸甚

答王蒼谷方伯 甲午

僕將離浙省已有書奉候茲行富陽道中忽本
司發鋪兵賚手教并嘉貺至遠懷之餘不勝感
忤及閱文移自述聞譽尤懇誠是誠是易曰遜
世無悶不見是而無悶此宇宙到頭受用處中
當所自志而未能也願致思焉則灑然無事矣

與甘太守欽采

往歲在廣高都間使便曾附書計久徹視近聞
林泉無累日理正學伊川先生不肯認做天下
閒人之意當自得之屢得吳石湖書日進弗已
深藏不市友朋中有此人自足多也青原之會
中以病阻遣小兒來謹此候問何時合并以究
澗懷不盡

答鄒謙之

小兒回奉手教反覆乎一理之歸切指乎用功

之要可謂盡矣更何所言特終前說以卒請焉
間嘗讀易曰忠信所以進德也脩辭立其誠所
以居業也乃作而歎曰無微顯無內外忠信之
道其至矣乎知及之及此者也仁守之守此者
也此知至至之知終終之之義洞然明白不煩
儒先訓釋會哲見道已爲吾夫子所與而終流
於狂者知及之仁不守之雖得之必失之此可
見孔門之學矣知仁勇三者天下之達德也所
以行之者一也孔門之學性也一點意氣何所

容於其間哉顏子得之而擇乎中庸得一善則
拳拳服膺而弗失之矣孟子得之而曰始條理
者智之事也終條理者聖之事也此聖學之源
流也來教謂知事親從兄而弗去乃爲智之實
而擇乎中庸不能期月守則此諸自投畀獲不
得爲智學術至此可謂大同矣惟廣心之察也
前書謂慢罵毀斥者正爲不求實是而習爲一
副當大拍頭以肆其自私之心者言之耳若夫
至于學者必求真是何古何今何我何人惟其
是而已此反求諸己之學也此自得自信之學
也何可以此例論哉大學語踐簡易易知所謂
伊川易傳亦自成一書也感教之餘亦不敢不
盡其愚中當見大學古本凡三家尋繹屢年終
不能無疑先儒更定固未爲得今日定其爲古
本而以爲無一二之錯誤恐未得爲的當也儒
先釋經正多坐此病以中之愚謂信其所可信
闕其所可疑者耳此天下萬世之公議非一家
一時之私議後之議今亦猶今之議昔也孟子

曰盡信書不如無書程子曰今之禮書皆掇拾於煨燼之餘而多出於漢儒一時之附會柰何欲盡信而句爲之解乎此不得已之論也狂瞽之見未知是否謹附上求益萬惟裁教不備

答李元卿典教

邇過靳水承真德實意愛厚如有不能已者別後殊念之恨不得相與周旋得聞起助之益昨二十五日得遞中來書足感惓惓其云忘寢廢食而無頃刻之寧惟日夜勉強進修甚矣吾友

之篤志於道也僕竊有少裨焉嘗聞天地生生之心仁也人得是生生之心以爲心仁也孔門之學求仁而已矣求仁之功主一而已矣蓋仁則一不仁則二故曰一者通古今達上下萬化之原萬事之幹孔子曰吾道一以貫之易曰天下之動貞夫一者也書曰協于克一一之道大矣哉主夫一則一靜一動無非天理矣然一之道微矣何自而識之是非之心人皆有之故曰莫之禦而不仁是不智也吾本心之所是者天

理一也吾本心之所非者人欲二也天理之在我無微顯無內外視聽言動皆天理也一有欲視欲聽欲言欲動之念則違天矣主夫一則欲視欲聽欲言欲動之念自不作矣欲視欲聽欲言欲動之念不作則視乃是聽乃是言乃是動乃是視聽言動皆天理之流行矣主一之功其無間也哉夫視聽言動動以人則二動以天則一動以天者無他惟順動而已至一自順以動矣爲仁之功何有加於此哉願吾友之深思也

答林都憲以乘

承遣使來問并手教多貺拜感拜感公以大才膺保釐之寄設施施惟則士夫閭閻多稱便益可謂志大得也而來論歉然不足下問真切此可見存心當時惟日不足歛衽敬服中以迂疎何足以知之辱下問之及不敢不盡其愚也嘗聞保釐之道在無我順民之情而已矣讀巡撫事宜救荒條約大要皆順民之情鑿鑿可行而英賢並會俱爲我師之言正無我之心此其本也

程夫子曰天生一世之人自足了一世之事但恨人不能盡用天下之才此其不能大治中嘗謂宰相之相天下御史大夫之保釐一方大要皆要當知此道也昔先正周文襄公巡撫南畿先後二十有一年其大要一體視諸府忘勢詢芻蕘其經理之槩亦惟合乎人情宜乎士俗而已此所以成一時之功民到于今稱之易曰艮其背不獲其身行其庭不見其人以公之學力進進未已殆進於是道與降古之大臣並稱豈

直文襄而已耶中正月服闋四月過隨竊思天地一蠹分當屏伏以此地先業久矣棄捐恐營畫衣食反增擾擾浪欲一出不得已也

與柴憲長季常乙未

中於執事初會于西興再會于京邸三會于嶺南繼此不一會焉見執事之老成練達質直不二僕竊慶得師焉近以督府平賊賀禮也乃以詞見屬愧怍惕惕蓋以壯歲亦嘗事此伎倆十年以來愛病相尋久忘之矣頃過西昌過贛靜

齋虞山兩公索文不能應之正以此也執事於中屢見屢愛可謂知已矣而獨此不蒙知者先正有云人之知已不如已之自知殊可信也況平賊本末中初到不得與知若只草草捕風捉影以了應酬其何以自信而信於人乎豈執事之所以望於中乎但屢辱教命慮有所忤擬議下船勉強圖之到船一宵臂瘡大作日用眠起數四不得少坐既而頭瘡手瘡繼作感冒秋熱觸處成病客懷作惡不能執筆欲候少遲又恐

後時誤事乃伏枕吐衷曲命吏代書以報庶好改屬從事肯賜體悉則海內之知僕愛僕者莫如執事而僕之感德亦深矣

在廣答文興丙申

別久馳思昨得書知與兒輩同處南禪友朋麗澤實功也爲之深喜來論且承見憫兼有憫世之意僕自知學以來立志于正深覺此一出來志日定矣日用殊樂頃聞謗僚友屢聚會問曰安此有道乎僕謂曰知天也既而笑曰拔山蓋

世稱才力到此分毫強得乎間與龔明遠少叅
曰此於予無所損益但恐仕者以予爲懲則薄
俗日流于苟媚世道何賴獨此不忘情耳古人
云男婚女嫁畢恣遊名山僕今其時也時和周
典學有懷衡山十絕并往一覽可以見近况矣

與李子健侍御

丁酉

辛卯歲巡兩浙中過辱教愛未幾有遠行金華
別去殊切馳思繼傳聞所遭甚駭物聽然君子
行止與時消息人何能與中以迂疎待罪入蜀

谷平先生文集

卷之三

二十七

詢知道履自適殊慰渴懷蓋宇宙真樂廓然無
外惟日順動更有何事先此候問尙竢請教不
盡

與顧東橋都憲

去春獲讀七記殊沃傾渴頃見邸報知 欽命
保釐全楚平生兼善之志亦可以大行矣嘗聞
緒論今日責任之重跂望惇太之業此爲世道
之慶也中待罪入蜀殊覺纏繞大儒所謂掛鉤
魚者不足爲長者道也楚使便謹此寓候惟爲

道加愛

與高三峯都憲

往歲執事在西粵在豫章皆承下問且未當面
領教誨而實受知門下中何以爲報哉惟思不
欺暗室終始一心以報知已也何如近待罪西
川詢知台况嘉吉實沃渴懷謹候起居惟亮察

答李子健侍御

自浙別後極憶博大詳密精理大方必有大濟
况是歲大比以平日之學術精拔一番人才以

谷平先生文集

卷之三

二十八

維持世道實切望之是秋入廣一會吳允祥道
長備詢執事問答之間相信無間海內知已豈
無其人也辱翰教感愧感愧中以迂疎動與時
忤去夏自廣回卧病石洞竊揆僻寂可以脫然
終身領會天貺幾越月而部檄復至朋友責以
大義乃單車就道抵蜀已逾兩月哀病相尋一
蠹罔裨石洞烟霞屢形夢寐天之生人各有其
分不可強也奉若天命當惟其時何時敬訪山
中沃領誨益

謝兩山方伯

昨偶出承顧誨言真切且有不能別之意而猶恐遂別也中間感激宋儒所謂友朋相愛之情又一見之但時出匆遽未得盡其愚也士君子行止自有孔門家法不可苟焉以自小也所謂孔門家法吾心之天理是也進退遲速莫非天理之流行一黍以毫髮意氣未勉過高之病亦私也羈馳疏求歸以舊病時發不得已也竢得旨放回尚當從容話別而行安敢自墮於悻悻

谷平先生文集

卷之三

二十九

也竊思不見是而無悶學之二十年今日只知常職之修世之知不知元於我了不相關平日相知自守如此非一日之言也夜宿接待院隸回先此申謝尚圖速回省城以慰惓惓不盡

與王道思典學

往歲在東廣得書貺備領教益繼聞典學魯鄒殊憫勤企近時海內學術間有未一觀世道者慮焉執事今柄斯文之任必竟究真的以覺斯人幸甚伊川先生曰天下治亂責宰相君德成

就責經筵中則曰人才之興責典學此其本也何者宰相經筵之所自出也其責任之重何如是故君子之志行世之道有慶也

奉宗伯霍渭涯

往歲以迂踈速謗有累執事之明復辱洞察而示以委曲之處蓋執事之裁酌銓政維持國是世道賴之故中不敢爲一已之私謝也惟知己之報恆求諸心耳

奉三峯高侍郎

谷平先生文集

卷之三

三十

頃邂逅承教殊沃傾渴謹遣人專送出境京師一二鄉舊不敢寓書問者易曰有言不信尚口乃窮也聖人開示處困之道不敢違也并以請教何如

與李御史石坡

己亥

待罪蜀藩三越歲几三訪屢承教愛別來殊切傾渴中以閏七月抵京九月出濟從水路擬過浙而家鄉亦在念臨時酌行之不敢必也一往一來不預於人不預於己世路近况亦可知矣

先儒謂人處大運中如大輪一般一恁滾將去
聖人只隨他恁地去看道理如何這裡則將這
道理處之那裡則將那道理處之大哉言平易
道躍如也漫書一笑寓遠意也繼今以往嘉會
未識又何在耶吏承回草草候

謝恭川李方伯

資陽曾有書自是日行值雨陸程艱滯初六日
至萬縣乃從水路行次日午至夔州府屢憶教
愛誠爲知己所附來絲十件帕百方原封陽春

同希查收此不待中言蓋兄此貺委吏承領而
難於面語無亦知其不可乎只此難於面語便
見天理之心此辭受之義躍如也勿疑勿疑

與內翰羅達夫庚子

三世 詰命并冠服承留意已祗領感刻感刻
前後惠書皆到細味之爲政之大體救時之急
務皆具可見實學也敬服敬服僕往歲僉憲廣
東因見兵弱賊熾深爲之慮以爲別有創議未
免擾民雖以韓魏公柄國議刺義勇司馬公力

沮之者爲民之遠慮也今日不必創議原設民
壯正係民兵但官司只求備數以爲各頃差遣
雖有如無若大振作於其間精兵不待外求矣
必雇募驍勇以克其役捕盜官部領在兵備道
操練教閱振揚威武一有竊發有備無患當時
葛兩溪同道聞謬議甚喜力贊行之而當事者
以他忤遂不果行尋以陞任過虔與聶鳳山談
及渠深然之抵東土輒檄各兵備道施行得來
教益自信矣積穀事原領專 勅多方措置預

備倉穀又辱遠慮乃檄藩司通將司府州縣庫
藏贓物估計變賣候秋成糴穀上倉此時穀價
騰貴弗得卽遂恐無以猝應也初到時以安內
攘外不可自用遂成心求言往往官司士民開
陳利害遂下各司會議必得大同然後可與時
興革耳差人去草草奉報金侍御豐村海內知
已也會間希以愚意達之

谷平先生文集卷之四

詩十首

光孝寺靜坐偶成三首用玉巖韻

浪憑烟水點吾真活潑龍川一個身隨處梅花
却有月嶺南黃鳥豈無春千秋霜雪擊蛇笏四
海乾坤老瓦盆寥落天涯耿耿在無逃天地是
君臣

嶺南小草遠鷄翹小泛虛舟枕香潮晴日岩花
香細細白雲深院夜寥寥忠貞天下君臣義粉

谷平先生文集

三十三

黛人間兒女嬌東北此天皆此地敢從海上嘆
無聊

分明天下一家親欲向人間一割鄰浪度歲時
甘我蠹忍看筑獨媿吾身且依江海千峯月自
是乾坤一樣人昨日雨餘春色動客意青草自
家新

先母夫人忌日

十月子在懷邪味母不齒母一哺不餓子生母
立言鬻田須教子雖賣田亦教讀孝順母天

至母儀一個是極其誠敬每進食時自飲食衣服

年必幼食同長必分食但公婆老食恐分給子
食或往他房有酒食必持出以養公婆其孝類
此平生不私蓄自己錢寄悉出以養公婆其孝類
和顏承之凡賓客至不計家之貧富或有不孝
具無長幼自莫不賢之胎教端子初言教納子士
大哉身教全教子本儀軌七歲子未成母謝世
孀生歲戌天平母不起甲辰年一歲安
母孀歲鳴呼年三德豐胡壽年餘數不係理歷
艱子年進母教類可紀隨州祖客鄉隨州白客

谷平先生文集

三十四

里游庠究經史齟齬江李姓姓乾坤浪科名
泉壤慰先妣拜官忝刑曹肉食三月裏封章報
君恩報母亦在此忠狂觸天威遠竄通衢里忽
遇母忌辰子心悲野水我父感睢鳩一日不甘
旨我父跡跡藏所一我父子相吞聲三十年倏
爾却張梓至紀深山坐月沉慈鳥啼不止念世
有六一歐母長不死揣子只疎愚百世知何似
母教體終身大節期終始

謁東坡祠三首

時移法當變荆舒任私智流毒歷幾年涑水蘇
仁義未幾借紹述小人利其利善類因貶遷萬
姓增怨詈乃召夷亂華天視自民視推原亡國
端荆舒不得避君子毋作偏流禍覆天地先朝
王子明慮國極周至劉承珪雖死終靳節度使
又

聖賢貴改過改過復完美推之謀人國何事不
修理哲宗御宸極章惇召復起偏偏了翁言樂
聽斯君子云胡果於惡任意亂綱紀水火坑細

民嶺海竄善士一朝快忿欲千載穢宋史直哉
袁機仲不敢私鄉里

舍已以從人斯成唐虞氏云胡宋代賢宅心猶
自是况當揀偏時罔究協濟理自黨分洛川羣
邪分益起小人復入朝天下事去矣衣冠害未
艾先見程伯子小人予何誅君子豈無嘗請問
孔文仲何爲嘔血死

次韻鄭自修明府二首

青天無滓月華明一榻行窩夜氣清睡美誰呼

蘇學士風流天放邵先生江雲管勾遊人樂水
月形容大道情讀罷詩章增感慨亭前老樹發
秋聲

深山無事睡遲明野吏栖栖夢玉京江水有
情趨大海浮雲無定笑虛名乾坤飽勘千秋史
卓魯奚爲一世英幾度相思不得客心流向
月波清

寄同年王克清令番禹三首

清泉枕山下野吏聖恩寬何處敲門急漁樵

問驛官

半夜相思苦海風吹野亭寒燈知獨坐讀律獨
西銘

專對不居美活人自有功乾坤些子意請問富
文公

白石行窩夜酌

清宵剪燭坐行窩今古千年又一過幾句新詩
舒大笑三杯薄酒放微酡野狂不覺乾坤大行
樂應知風月多徐步庭階天一洗悠悠鐵笛起

山阿

喜得家父信豐書

信豐已是江西地數口平安報海涯深夜客心
隨月去青天高照逐臣家

寄內翰王宜學

乾坤兩脚仁西東小住通衢祗固窮快意山溪
流素月八庭樹著寒風瓦盆殘菊扶詩瘦曲
徑霜風對酒濃吏隱如今真是癖却承潮海說
中庸

奉懷內江李先生

跡隔月漏明紗窓風來去兩眼望天涯雲飛杳
何處滇南一枕邊渴心夢中飢鄰雞苦無情喔
喔催天曙

謝陳吏目焯二首

白日青天坐海涯今朝音問出陳家山亭不了
相酬意壙角寒梅未放花
萬古乾坤一笑時灞橋驢子寄山居溪風半夜
吹長樂送到通衢交際時

次韻同年丘懋之二首

鳥獻清聲花獻嬌嶺南非近亦非遥通衢嘉會
聊沽酒順德行看徧賣刀四海弟兄隨遇樂千
金光景坐來消深山吏隱今知否風月詩情帶
野樵

脚板須登萬仞山相逢不說瘴江難野亭有意
延天曙銀燭無情報夜殘溪月也陪千里會山
靈應識寸心丹海天此景堪描畫萬樹寒梅坐
兩官

至日得王一卿書

客窓微雨鎖閑吟一紙天涯薄萬金眼界憑誰
堪共讀梅花數點獨知心

憶先達袁侍御德純昔年巡按廣東卒于

龍川用石翁韻二首

鷓鴣聲斷不能歸花自開兮花自飛疑信當年
渾未定翩翩蝴蝶逐人衣
百年遺恨海之濱梅發龍川幾度春祇信東風
無厚薄路傍猶問舊時人

愛梅亭

通衢植萬梅畫出孤山境僻陋數百年未遇林
和靖乾坤此一亭春意吾自領坐來不記眠明
月印梅影風定樹未休蛩聲夜更靜仰首看青
天冷然發深省

梅花四首

千古梅花入品題林家意思邵家知通衢我好
無言坐又被東風爲索詩
枝北枝南一樣春千卮閒放賞梅人山亭剩有

谷平先生文集

卷之四

冲融意不但雞雛可玩仁

江山應接幾多題題出寒梅我不知句在花間
花不語倩人語處便成詩

肺腑時收天下春通衢聊作看梅人誰知萬蕊
千葩處都是元初一點仁

寄彭仁卿

菊時話樽酒別來梅已花年光隨流水搔首謾
咨嗟一枕忘天地八牕鋪雲霞南海夢初覺溪
月在山家

夢石翁

一枕通衢卧江門夢與通天風吹海角梅月照
詩筒夢出梅亭詩一卷與觀浙水思吾友石齋問士龍夢
龍何如人膏騰偏自惜誰撞五更鍾

除夕

吏隱無妨卧海邊梅亭日月又推遷客懷此日
幾千里正德明朝十一年有意山花撩酒興無
端風景入詩篇世途脚板閑來往勘破行藏總
屈天

谷平先生文集

卷之四

元旦試筆

丙子新編歲已遷焚香遙拜九重天萬方此
日稱元日百事今年勝去年葵藿心傾紅日轉
庭闈眼在白雲懸通衢飽領君恩早闕下春
風到海邊

和韻答陳吏目焯

卧看明月興無涯四海分明是一家年去年來
誰記取山亭詩思又春花
次韻何子昂

閑坐亭前認化工柴門日日引春風多情杯酒
鈎詩急月上梅梢興未窮

梅亭小酌贈趙通判用王宜學韻

一笑梅亭祇自妍恍然何遜在當年先愛天下
誰男子行樂人間我謫僊欲掃浮雲期若水
有退休好將周易問伊川幾多客路相逢意又
逐東風入酒泉

醉後吟 丁丑

醉前由乎我醉後我無預人間不善醉存醒先

乎豫

次韻七公三首 有序

族祖七公寄來南京示子詩讀悅之乃
獻三首第一首叙其教子之正次三首
自述其野吏之情總錄一笑之

筆未人間祇自耕谷中烟月老儒纓存心曾識
今猶古教子還期實勝名建業乾坤歸案牘嶺
南山水入琴聲皐陶一脉傳吾郡民命崇公未
敢輕
手把中原地自耕頂天端不媿冠纓同人須是

真忘已爲善難教避好名月上海潮應有信春
來林鳥豈無聲嶺南未了蒲團債坐對飛花片
片輕

不從春雨問深耕浪跡滄溟恁濯纓理會鹽梅
眞傳野多通備品題風月也無名可人階草侵簾
綠洗耳山泉過枕聲擔在兩肩分付定秤來非
重亦非輕

次韻僉憲黃小江愛梅亭絕句二首

春風吹到愛梅亭一掃浮雲天自青此道平鋪

都了了纔言醒處便非醒

春風流動注梅亭野吏山中記草青年去年來
隨處分嗒然無醉亦無醒

離五羊舟中遇雷雨有作

孤舟無擊順潮回隨處通衢自往來笑傲乾坤
那管東來勾風月入敲推行藏未得僧同話飲
食還須我自裁極目梅亭天咫尺先憑雲雨洗
塵埃

舟中夜坐

扁舟橫野渡羈旅坐塵寰淡月鋪流水片雲鎖
碧山江湖聊自得天地有真閑一箇風外漁
燈遠近間

次韻宜學會三河南安寺一首

笑殺南安寺何如到此來人心原孔孟吾道有
陳雷晴雨占行止江山記往回不妨隨處樂遇
酒且啣杯吏野無官况漁歌和我謳論一月
上催興野雲浮天下須霖雨人間有釣鉤奇功
無定在畢竟與時收

愛梅亭四首

天將春景付山家獨坐幽亭浪自誇白石先生
清到骨通衢飲水對梅花
關關山鳥語新巢淡淡春風駐草茅清夜開窓
讀周易一輪明月在梅梢
此日通衢首領春早梅開處恁相親風前花片
知人意飛上亭中明道巾
一般淡薄足家風自是梅花臭味同欲識通衢
真愛意好玄千載問楊雄

次韻袁掌教見寄

白雲來往伴幽棲幾許丹青繪綵霓萬古中庸
尊孔孟四時變化勘夷齊脚頭湖海春長蒲靜
裏乾坤日未西莫道深山無幹當又從長樂謝
新題

贈謙倉官燠二首

通衢冷似冰特過問弦常良卦平居玩人間無
是非程鄉幾日路來看愛梅亭梅亭梅未熟何
以贈君行

富口別羅大理後有懷

携兒還向嶺南遊雲去雲來祇自由笑我移舟
橫野渡有人弄月坐江樓豐年有兆觀甦麥行
樂無心數白鷗一種客情傳未得孤飛鴈影過
沙頭

舟過陽平懷彭司訓世圭

擬到陽平一問津順風舟過浪馳神千秋虞夏
期當世一枕羲皇屬散人鐵笛吹回南海夢梅
花還憶洞庭春月明夜半推篷坐點點漁燈野

水濱

舟中冬至

懶將客思入推敲至日無言望遠郊
脚債幾年猶嶺海天心一點在梅梢
自知宇宙皆吾道試問江山識故交
穩坐孤舟無事處訓兒批點復初交

融融春思滿襟笑把一陽何處尋
自識江湖行旅意正有天地閉關心
千秋應感無殊道一代明良有好音
雲物不書天自定呼童沽酒對

時斟

野宿時在圓魚良腦己卯

有村不知名有人不知姓
細雨滴山牕一覺希夷靜

村望

客心游野徑風景問棲鴉
日日人防盜村村柵是家
刀鎗伴耒耜弓弩看桑麻
安得大平會相忘樂歲華

安遠山中見梅

喜見山梅放幾枝
千年天地有相知
愛來不忍輕攀折
祇對東風籍入詩

迂路

上保清晨問客程
烏虎鎮頭路須經
雲霧四塞天地暗
烟火稀疎人少行
山翁蹙額向我語
烏虎鎮頭不可去
和平之逸出入區
先生經由必擇處
我聞斯言再問津
路上行人言是真
路傍男婦無顏色
是皆賊手贖回人
迴車紆向長塘路
登高愿險無重數
日斜行李入長塘
又聞廣

谷平先生文集

卷之四

四十六

東賊旗樹道路條條是賊途
斯民無辜遭毒荼風景淒淒可痛哭
是果人也抑天乎通衢野吏今何似
展轉只認避寇是天下豈無平路岐
來朝小艇浮熱水

再至通衢

重到通衢地蕭然
吏隱村舊泥落壁
土細草卧頽垣
淡月依梅蔬輕風
掃竹根客懷良自遣
燒燭倒清罇

遷寓長樂學宮

欖柳扶遷客幾年卧海濶險阻備嘗過寒溫元
自斟通衢重來景梅花破窮陰聞寇不終日携
兒度碧岑行止本易簡蕭然抱一琴長樂兩典
教芝蘭舊味深媚學二三子往歲問金針隨遇
聊自得一榻借儒林喜駐聖人地須識聖人心
明月坐清夜光風灑塵襟坐久欲無言悠然聞
天音天音本非遠千古幾能尋

次韻俞沙泉

青天白日此孤亭爛醉乾坤不改醒會得尼山

谷平先生文集

卷之四

四十七

鑄顏子世間何用借青萍

答沙泉

嶺南行樂亦天邊自是蒲團有靜緣荷鍾乾坤
猶酒夢陶情水月是詩僊百千萬世無他道三
十六宮只一天活計些兒藏不得無絃琴在壁
間懸

將過通衢

暖日還過杜吏亭可人光景一時醒鳴春黃鳥
依江樹點水蜻蜓駐野萍

庚辰元旦

焚香遠拜向 楓宸自分飄零是逐臣萬里炎
荒來乙亥一栢春酒又庚辰東風吹破江湖夢
野吏真爲天地賓一點客情全活潑竹間幽鳥
發天真

次韻張槎谿別駕九日有懷

天下別離苦人間會合難此情無捉摸鳴鴈在
雲端

釣臺用陽明王子韻

戊子

谷平先生文集

卷之四

四十八

明月照桐江千秋一釣旅肩輿上石臺凜凜清
風起心游百世前義在四時裡巢由甘山林大
禹勞胼胝版築作商霖鷹揚在渭水時哉復何
思大道無彼此舊德天子師諫議非知已桐江
豈終身終古自無已救世扶沮溺是謂知時矣

別東橋三首

辛卯

東橋時欲行旅懷江渺渺贈處兩忘言上下觀
魚鳥君子志用世變通惟不擾堂堂司馬氏猶
謂規模小丁寧同心人惺惺自了了

官舟將北開離思任流動明良會合時高岡鳴
彩鳳經世本用才真才不自用明道語荊舒如
何稱管仲慙慙約贈言此心本空洞
霜楓盡搖落松柏獨青青畫前元有易大虛註
交情挑燈聞素養不敢欺冥冥麗澤全功在一
言終身行此意何間隔陽復倉庚鳴

紀夢有序 癸巳

嘉靖丁亥秋予再赴廣西典學奉予父
就祿養九月某日過袁州夜宿公所夢
一郡守携酒過予家飲覺而曰此何祥
也次早啟行出二門郭同知敦迎候揖

谷平先生文集

卷之四

四十九

予曰已具孟酒于五賢祠奉饌予不知
五賢爲誰至其祠乃瀟溪明道伊川
翁南軒五賢也予曰夢奇驗甚喜前途
告于父父曰凡事豈無分付哉問憶于
此敬追書之

分付元來真有定人間領會自無差百年記取

袁州夢天地五賢是我家

先君耐廟志痛二首

行樂無方不受羈海天到處祇熙熙百年風洞
青藜挂千里西湖脚板知予父風洞西湖皆嘗
觀仙嶺蒼松歸老鶴秋堂明月照殘棋棲然獨

立無言處思入滕前侍坐時

往來不計漢東遊江水江雲認去留世路平平

無險窄此心活活有虞周知天頤指鄧家夢

壬戌元旦鄧祿夢予出處有命結愛子期符葉氏
予父神之常教中日出處有命結愛子期符葉氏

樓父曰先是夢神告曰葉景祥巖上有麟翁告予
予勉之謂最是苦情無處着慈烏啼出故園秋

紀夢 癸巳二月

旦夕無涯夢寐翁覺來猶自記形容分明問答
無茫昧直許論仁書一封

谷平先生文集

卷之四

五十

次韻內翰鄒東郭集講九峯二首 甲午

一視何間隔六合亦微塵林間坐清夜長空飛

片雲一緒維萬古融融孔門春川上發精蘊千

年幾識真真心無內外天下求諸身曲成開改

過後學須自珍

頽俗日靡靡誰識百川障宇宙只生生萬物見

情狀百年從吾好天下莫能尚此境未深請嘯

呶翻自誑孔教昭日星何用談無相獨坐入無

言魚鳥自下上

夜宿南禪寺

來往無方上石磯禪房一枕恁忘機深山螺鈸
多年謾太古鸞刀與日輝鐘響白雲僧夢熟月
明野水佛燈微雞鳴萬樹風初動隔岸桃花片
片飛

西齊晏起

昨雨今晴莫問渠西齊晏起自與與三竿紅日
推高枕一點浮雲過太虛老馬長途客思遠冥
鴻何處友情疎閉門誰道無齋應童子時來問

洗梳

深夜醉歸一首用韻

相逢好酒一留停何處藜牀坐管寧爾汝不知
那問夜藩籬剖破更何局五湖四海浮杯勺綠
樹青山列畫屏笑殺說醒還是醉醉醒忘處本
來醒

予自大洪山過溫泉茆泗坂趙氏兄弟訪
予乾明寺邀過其家譙飲凡四日歸途口
占絕句一首錄寄代謝

溫泉十里過山居瀟水方橋埜興舒一笑醉翁

忘夜永主人秉燭思渠渠在與國肅

飛雲片片翼山遊爛醉乾坤竟日留笑殺乖崖

平糴語晚風吹上石泉樓右與國肅

挽荷峯陳應和都憲二首

平生廉介著無方御史中丞任激揚卻信東橋
知底裏立心不肯讓文襄論辭峯如此云

宦轍當年嶺海逢先睽後信古人風可憐二十
年知己杯酒郵亭了始終嘉靖甲午夏四月予

九三月日啟行荷峯又携酒于郵亭痛飲而別至
東平詩有序

東平詩

東陽李予資元體仁嘗從予于南都迄
于今二十二載矣近予北上經其邑李
予候予歸之至有頃學之志濱行東
平詩予歸之至有頃學之志濱行東
於後也書

結屋平原念日新曉暘升處祇寅賓有方欲識

無方玆好向乾坤問木神

邯鄲過呂僊祠

一枕黃粱莫問人呂仙祠宇在風塵乾坤許大

誰無夢花落花開總是春

良鄉懷古

善完夫子善完身烏祿時來有婦人車過良鄉
冰雪景江山皎烈見天真

京師旅館夜坐思故友鄭鹿門伯興

昔年上 帝里道義有處門類見渾無語金蘭
味自存今宵坐旅館有懷復誰論遙望鹿門月
雲飛宿草墳世路爭喋喋何人識空言只樂奉
承意滔天禍莫論安得同心客相與究朝昏

谷平先生文集

卷之四

五十三

訪崦山掌科聞茗溪吳道長謫判泰州

何處茗溪數問津崦山相對話移辰知天一笑
全無事肯向人間論屈伸

讀古穰敬軒二集有感

天心的相斯文橫逆當年祇自焚穹壤憑誰
知臭味南陽交誼在河汾

先母生辰用許魯齋先生思親韻十二韻

京邸朔風動遠思先慈誕日久斯時易經世守
懿言旨易學今歲子既易學教子胎教猶存組

豆嬀自念百千萬種恨可憐五十一年離明賦
辰歲今五十五乾坤孝順昭徵應試問門庭看盛
衰

贈郡牧矩齋陳子致仕詩有序

予與矩齋同舉先後入仕途嘉靖甲午
春陳子致仕入隨予視陳子脫然物外
矣金臺致仕不能為情口占絕句贈行
歸子歸時命臺子歌以作
歸子不知天壤間復有何事也

酸醎世味飽經諳收拾漁竿三里潭野興全拋
金紫外安心何必問瞿曇

谷平先生文集

卷之四

五十四

予婿楊士養省官舍數日告別遣一力
隨回以事吾老姊氏口占小絕見意一力
名勣保著吾心也

月夜烏啼風木聲海濱無限故園情清秋楊子
歸程速勣保將回事女兄

次韻同年周兩山有懷衡山四絕乙未

卜築衡山是勝遊五峯雲際思悠悠扶筇擬遂
會莫向人間浪白頭

歧路羝羊誰解牽草衣木食本因緣會仙臺畔

天 礙點點飛雲繞數椽

臥雲擬上祝融峯清景無言月在松卻笑鄰侯
仙 遍懶殘中夜正相逢

栖栖世路探行藏清夢隨時落楚湘攜手餐霞
眞 界却從仙子覓丹方

鄧一清明府以事過海豐道經五羊予寓
別久一會濱行贈別絕句二首

天聖歐公舉漢東舛晴隨牘麟名禮聽歷年五
百笑萍蹤五羊偶遇鄧明府茶果猶仍白石風

谷平先生文集

卷之四

五十五

與鄧州白石里予先租舊寓地予往歲寓州
與鄧明府同學偶見驚喜乃延坐道舊也

羨君林下已飄翩世路慙予恁固纏何日白沙
烟艇會浪吹鐵笛問神仙

蒼梧會萬五溪方伯夜語

春入蒼梧壯客程芳林何處聽倉庚六年濶別
忘深夜千里奇逢洗巨觥漁火隔洲時隱見海
舟泊岸問陰晴醉來待旦挑燈坐理學新編勘
姓名時五溪贈鋪

擬遊三洲岩官舟二更過之未果偶作

聞道三洲欲御風官舟夜坐夢猶從酣眠擬問
白雲老宴坐空懷碧眼翁山鬼年來無伎倆若
花時到點春王神仙骨相憑誰識笑殺蓬萊有
路通

遊南華寺五絕

肩輿風送到曹谿翠柏紅花自曲蹊物外客懷
無間隔禪房一榻與雲棲
且避塵埃過遠林雲間岑寂有金鍼眾僧傳得
袈裟在試問誰傳六祖心

谷平先生文集

卷之四

五十六

白雲拄杖管烟霞無外風光處處花笑殺山中
迹不得困眠饑飯在禪家

山中趺坐思冷冷宇宙無分一點靈明月在天
雲在戶有人牕下念惺惺

偶過南華一問衣昔年已逐火煙飛山僧若得
真空意莫向人前說是非

梅關謁曲江張丞相祠

相業惟前顯高風起後思數來觀嶺海無媿拜
公祠動忍聖修地治平天定時浪知冥會在下

馬薦新詩

石洞夜坐二首

洞中明月掛山松
鹿豕能知野興濃
檢點江湖成底事
百年莫負玉齋翁
良夜清風坐翠厓
誰隣世路總如俳
掃雲獨看武夷月
試問當年許魯齋

石洞中秋

中秋不見月野思自清虛
紹子時斟酒鄰翁亦
煮魚桂香浮洞府
雲影落山居誰會桃源境前

村更覓驢

靜坐繹師教

金用火試人用財
試齋先生先齋
玉齋夫子千古定議
總角時聞良心默識
長遊四方多識多視
潔潔無欲幾人能至
師傳切要開示自治
內觀觀人其道一致
孔門深戒小人喻利
欲爲君子出利入義
義利之辨存乎吾智
從事主一達于不貳

山翁語予昔年解學士嘗遊石洞在四十

谷平先生文集卷之四

五十七

日而去口占小絕記之

解老昔年遊洞居
四十日霞外問山翁
猶藏學士筆

贈周欽之訪石洞二首

直從雲際問神仙
燈火連宵話洞天
不向鄰家沽美酒
嗒然松下酌清泉

深山明月掛新簷
好友還來發浩歌
一笑蒼天分付意
清風時掃白雲窩

夢先師玉齋先生有感

總角年來入士林
玉齋門下受知深
當時直指程家學
到底期傳孔氏心
幾向千秋明璞玉
浪思百煉是精金
夢回石洞無言坐
感慨洋洋師保臨

過瑞州仰山廟思荷峯陳都憲

昔年陳子會話別
仰山臺對醉香醪
盡還求村釀來酒
飲盡復從村落借
酒錢予于仰山廟携
交情今已矣客思
向徘徊宿草憑興
望羅衣檢舊裁
荷峯陳子玉色羅子開其節世乃裁爲深衣以識其意

谷平先生文集卷之四

五十八

德安縣除文

德安除夕坐爆竹隔牆聲客館馳鄉思家人念
遠行寒爐宗族共補粥張循杯酒歲時傾多謝
吳明府世途故舊情

紫雲訪異人李大瓢

四十餘年住紫霄了無煙火獨逍遙客途誰會
收心法物外奇逢李大瓢調詩云在此何

偶成

說着棲霞亦愧哉人家受用自家栽饑嗔飽喜

未除去何必談玄說妙來

登獨宗山

雲山坐午風人間灑落是仙宮天台道士
歸付處笑把刀圭問獨宗

重遊水南寺

水南山寺浪重經僧指門前柏樹青莫把安心
還問我細觀司馬洗心亭

珠江公署夜坐

別館珠江上良宵興未涯水光浮淡月鳥影抹

丹霞宦轍三巴轉聖途萬里賒院深誰共語嘿
坐對葵花時行臺蜀

富順院中夜酌

滌熱開軒坐清鐔向夜傾迎風觀燭影待月聽
金聲對士論心學逢人講義兵廓然無間隔宇
宙一家情

廣安道中

一雨一陽笑闔開廣安道上思徘徊 聖朝日
月憐臣病石洞烟霞待我回清夢浪從巢父後

先天曾問伏羲來乾坤活活行藏意飲水寒溫
祇自裁

金堂訪石坡李侍御

漢州迂路過金堂風動蓮花遠送香海宇當年
逢鮑子青山深處問羲皇幽亭對酌何辭醉明
月相看笑坐忘贈處慙慙郊外意還將大易印
行藏

崇寧朝發

崇寧朝出境春信渡溪橋梅蕊觀先得松花笑

久要江村憐凍餒山徑間漁樵極目天無際悠悠世路遙

思先師李凝道先生

凝道李夫子湖南舊大巡訂脚激揚真御史重厚古賢人桃李春風曉芝蘭化雨春百年門下士慙負對洪鈞

歸去來辭贈中丞張西野翁

歸去來兮西蜀民夷誰與歸於昭天命之當畏視人窮而深悲方拊循之旁達胡肥遯之聿追

合而聽之則聖本公是而公非企望隆於赤舄晉日補于衮衣乃浩然而求退蓋知彰而知微令旗遠指竹馬猶奔辭榮金闕夢入衙門世途綽綽成性存存淡雲藜杖白酒山罇放宦情於秋色藹春意於酖顏非求異以自異抑各安其所安釋羈策以自得剖藩籬而無關味黃花之晚節登太行而達觀會大化之無息自一往而一還適物外於未老壯餘力之桓桓歸去來兮惟思日與天游原隱顯無二道一隨遇而

自求樂溫公之獨樂愛范老之先憂從容泉石之康濟最可觀于惠疇風清西塾月上漁舟歸神仙於平地飽煙霞於帝丘友千古以忘己與萬物而同流須無欲之見一詣君子之日休洋洋乎四時行兮百物生宇宙何滯復何留從事乎義又思得之明良逢嘉會世道有昌期緊時行而時止于心田以日耔畝畝猶不忘國按七月而陳詩維乾坤有重擔百年負荷在無疑

西川元宵

旅邸元宵天下節去春紫石巖州此西川詩情月掛紅梅上酒興風吹翠柏前點出神仙延雅會銅鈿年預齋約榜請戲五石侍高飛烟火映華筵連霄都司會往來萬里橋頭路黎庶酣歌大有年

答高三峯都憲用舊韻

無分坐卧與驅馳一點圓神宰四時混迹塵埃超世界忘情歲月會天怡人間虛室元無物雲

外丹丘却屬誰大易閉關提要訣銘心喜讀內
江詩都憲詩有綱

贈石涯鄧閩赴建昌用燕崖韻

依依楊柳對江天閩外風光問有年行處感
恩歌四壯離亭把酒侑初筵須教旗幟遙驚秋
莫使山禽或在田自是杞人慙肉食臨岐珍重
贈龍泉

廣都三章

贈瀘溪范子也范子以蜀藩大叅入賀
乃贈之言一章言其地也二章言其時

也三章言其入
賀之本意也

廣都之堤兮楊柳依依兮與子相離兮
廣都之雨兮大蘇禾黍兮與子餞祖兮
載馳載驅觀國之光拜手稽首肅觀天王載歌
天保君明臣良君明臣良四海平康

過瞿唐峽

我來川水平捲簾觀濫湏如馬還如象可開不
可御巉巖東洪流正須弘濟具急檣援漩洑舟
人亦拮据知險則知易何思復何慮烟外鷄犬

聞結茆見野處客思翔幽樓丹霞入饜飮風浪
寂無驚大觀天攸助頃刻抵巫山水泛何大速
有客與同憂殷勤問由豫予笑皆天行一來又
一去君子動惟時此之謂不與

過雲門渡

耿耿疎星伴曉行隔江指點合州城雲門渡口
聊觀俗陞卒能知翰苑名雲門驛故魏之

夜韻少司徒高三峯見寄絕句三首

澹泊官居味固窮此心無繫自明通年來最喜

伊川學直指仁爲天下公

一聞一闢本無窮干古人間幾變通吾道從來
扶世運經綸事業問周公
書前易理儘研窮浩浩乾坤一會通時止時行
非我與莫論野老與三公

觀晚菊

秋菊開還謝冬來又晚花素絲元不染白璧自
無瑕先後憑真宰異同勸物華悠然芹曝思安
敢秘蓬麻

錦城留別諸子己亥

浩歌雲外醉離杯三載西川笑往來平野牛羊
憐在望隔川鷗鷺尚相猜誰從官舍驚禪室我
憶溪風掃釣臺道遇幽人無一語數聲鐵笛過
江隈

西禪寺夜宿

金川下車處隔壁駐西禪行役家鄉近平安故
舊傳佛燈孤榻外客思一陽前後至日脚債償
何日餐霞卧洞天

謁聖廟

橋上飲洙水人間洗俗腸欽承 皇帝命喜到
聖人鄉風送釣天樂月明詩禮堂幾年瞻望遠
今日拜門牆

登泰山一首

大舜東巡狩仲尼登泰山遺跡幾千載此心在
尚間峻極於天境努力勤躋攀日觀峯上立浮
雲時往還願得長風來白日照人寰
巡撫東土紀行有序

予以嘉靖己亥冬十月奉命巡撫東

州三月敕開府視事秋九月村驛始起關

安阜登謁孔廟擬巡幸泗水偶以事遂過海

右至昌邑道嶺川過部咨為河道事遂反清

州會書暫聞少司馬王石岡來乃由利國徐

監驛東過濟寧適曹太守屬以紀事至予以

張溥後同省七月十有一日濟寧衛指揮

縣朱徵遣人肥城報予里許忽歷城縣知

御史總督布南京按司沈方至伯安寧村官吏

越龍二日賁報亦至晚抵寧陽翌日石岡至

遂省七月二十入廟陪酒同泰安州報曹太常至

日接 勅九月初三日啟行過濟寧縣次

德州初十到屬憲副談禮將由在勅諭東

阿東平南行

此心安於正聖學是極摯修已安百姓體用元
不貳眇予撫東藩迂疎殊自愧周旋一年餘出
入皆安地七行無一間翹臨按寧村驛起關行
驛登舫乾坤真奇事一蠹荷 皇天象數屢昭

示披衣中夜思惟恐負 天意任重而遠道乾
乾勵初志

谷平先生文集卷之四終

谷平先生文集卷之四終

六十七

谷平先生文集卷之五

文二十八

贈陳廷紀歷滿歸家序 壬申

長沙瀏陽陳廷紀先予以正德壬申十二月二十
十五日來歷事大理每晨入與廷紀諸君聚于
庭間予謂諸君曰此大理先正薛敬軒先生所
嘗仕之地也吾輩當相與興高山仰止之誠庶
幾不愧立此地諸君然之未幾廷紀歷滿眾爲
乞言嗚呼予何言哉試以前言申之昔敬軒先

谷平先生文集卷之五

生以一代醇儒官于大理作大理箴自警以直
道忤中官王振逮辨民疑獄而當時有阿附振
者誣證先生出入罪後以家人祈代罪獲免
退休于家六年給事中程信薦出爲南京大理
寺丞欽恤爲心民得輸情推謙之下多所平反
時又有中官金英以公過金陵九卿餞于江上
獨先生不往英還朝曰南京好官惟薛卿耳予
每念至此未嘗不激百年慨慕之心而中官英
亦知爲好官可見天理之在人心自有不可泯

者敬軒先生以聖賢之學推而爲大理之政雖中官英輩亦以爲好官豈有讀聖賢之書惡事大理景仰先詰可不知其所以爲好官而以自期乎紫陽夫子嘗云士居平時處下位視天下事意若無足爲者及居大位遭事會便覺無下手處信乎義理之難窮而學問之不可已也廷紀其何以哉

河源縣志序 丁丑

河源惠之屬邑正德甲戌秋莆田鄭君自修來

谷平先生文集 卷之五

令是邑越三年政務次第舉行以邑志久無完書力圖修輯公餘自任筆削屬邑庠典教暨邑士夫校正積以時月成書凡十卷題曰河源縣志乃走書幣徵爲序諸首古者列國各有史官掌記時事自秦罷侯置守令史職攸廢後世罷邑志亦史也修之者多出於賢守令或罷邑賢士夫無定筆也儒者有言經以載道史以載事中曰此非至言也道外無事外無道觀諸事之失得則道離合可見矣夫豈有二乎哉茲縣

志一邑史也曰地理曰食貨曰職官曰文教曰武備曰祀典曰郵政曰選舉曰人物曰恩典曰古蹟曰祥異曰藝文曰外紀此其據事直書也其要有三在養民在衛民在教民其本有一在得人曰地理食貨郵政所以養民也曰武備所以衛民也曰文教所以教民而曰祀典選舉人物恩典由斯而出曰古蹟祥異由斯而辨曰藝文由斯而格曰外紀由斯而外職官得其人則所以行之者以實而道無不合職官不得其人

谷平先生文集 卷之五

三

則所以行之者以名而離道也遠斯志今既爲完書自宋元至于今數百年間其故具在繼于今者必歷稽諸古某時某吏此土所以養民衛民教民者何如近考諸今某時某吏此土所以養民衛民教民者何如師其可者戒其不可者信之弗疑行之以方則有以納斯民於阜成之地斯志之修豈曰小補哉雖然無不同者道也不同者時也益之損之與時宜之而同歸于道者志外意也神而明之存乎其人

環溪詩序 庚辰

三山多佳山水環溪其一也陳柱史獻可居之因以爲號焉邵堯夫詩有云心靜方能觀白日眼明始會看青天嘗思之白日青天三尺童子皆知觀看之而以歸於心靜眼明者必有所以然矣予竊謂人之於山水亦然世之沉酣于聲利者日馳逐於紅塵紫陌而投於予奪得喪之私一心之微眾欲之蔽是何與知夫山水無味之味間有放情山水者又玩心於山水之末一

谷平先生文集

卷之五

四

嬉一咏不過與烟雲水月粧點文飾而罔裨于身心雖知好之而不知所以好之其何以超然冥會于山水形迹之上者耶君子之學異於是蓋道外無物物外無道溪水一物也行而有常流而不息此可見者也其所以然者非聞見所及也君子體之而爲洗心之學焉推之而爲澤民之治焉故曰君子以常德行習教事時可以行則行時可以止則止又何有凝滯不通者歟若此者非心靜眼明者其能然歟柱史幼而學

於家壯而達於國其所以常德行所以習教事者殆亦有得於環溪者乎是知所以好之者雖然好之者不如樂之者予知柱史之心未已也終日乾乾無少間斷幽探夫不息之機深究夫妙用之神優游涵泳而有得焉其於天以生爲道必有以洞見之則不知手之舞之足之蹈之詩曰默觀窮壤間氣者神之宅維水亦顯然流行貫今昔誰識環溪心不徒泥粗迹變動會何居生生無體易

谷平先生文集

卷之五

五

八桂詩集序 辛巳

自唐詩格律興倣其體而習之者至於今朝敲夕推月鍛歲鍊苦心終身以爲學之未至妙之不窮也程子曰不欲爲此閒言語夫詩自賡歌至於雅頌其來遠矣吾夫子曰興於詩而程云然者後之詩非古之詩也古詩三百篇夫子之所刪定也讀鴟鴞烝民曰其知道乎許商賜之學者可與言詩也已總其一經之要取魯頌一言曰思無邪此詩之道可以默識矣世降至于

唐古詩大變近體盛行其沈溺之弊乃有曰詩有別趣非關理也自是以來以詩名家者皆以是言爲詩學妙訣噫宇宙只一理虛圓下測神妙無方體物而不遺也埋外有詩是何詩也此道雖以李杜號稱大家猶未免爲行不著習不察況其他乎程子之言豈不然乎詩道於此皆熄矣道非熄也人自熄耳或曰邵子云畫前有易刪後無詩何如予曰畫前有易則易皆詩也易之外豈有詩哉惟畫前有易則刪後有詩此

谷平先生文集

卷之五

六

人心自然之經無古今也刪後無詩特爲後世之詩家者流而言然亦抑絕太過岐而二之耳天道不言而四時行百物生人心寂然不動感而遂通一而已矣此詩之所由章也天道人心萬古不易刪後自有詩矣安可以厚誣天下後世乎知此道者則天地設位易行乎其中者孰非二南大雅之洋洋乎哉

竹屋序 辛巳

皇封南京刑部主事永新甘翁惠繩太守欽采

之家君也讀書尚行性愛竹當種竹萬竿構屋其中自號曰竹屋人稱之亦曰竹屋翁也予謂翁之愛竹不滯于竹也天地間萬物皆吾同體故曰君子親親仁民而愛物萬物皆吾所當愛也豈滯于竹哉且心之本體猶大虛然洞然無物隨感而應若一滯于竹則心有所繫便與天地不相似矣不亦爲心之累乎是故有愛蓮者而觀草又曰與自家意思一般不滯于蓮也有愛草欲見造化生意者而以盆池畜魚又以爲

谷平先生文集

卷之五

七

欲觀萬物自得意不滯於草也是可見何思何慮天下之道得矣彼謂不可一日無此君者癖也不通主人徑造竹所者怪也謂無竹令人瘦俗者陋也三者皆滯也不知所以愛竹也竹屋之意殆不滯於竹也或曰竹屋之號殆無所取義乎曰有聖人作易立象以盡意天取其健地取其厚山取其止水取其游君子體之有以盡其性也若夫竹也者亦畫前之易也予爲之辭曰竹虛心勁節君子以靜虛動直翁觀竹之象

玩其辭而有以自得焉則竹屋之號亦作易之義也

龍飛利見詩序畧 癸未

宇宙一感應而已矣正德年間匪人相繼用事
五爲欺蔽變亂國是至己卯宸濠之變天地一
晦俄而掃除海宇廓清之機也歲辛巳 眞主
起自南服入繼大統以綱維斯道以彌綸天地
以造化民物以開中興太平此天地之感應非
人之所能爲也明詔一宣四方風動賢良耆章

姦回者遠疾病者起鬱滯者通呻吟者謳歌強
梗者改慮柔順者植立譬如雷霆之鼓而無遠
之不震日月之明而無幽之不燭雨露之降而
無物之不滋此天下之感應千載之嘉會也

龔坊書院記 甲戌

弘治甲子同邑龔氏育齋以有宋厥祖義甫創
龔坊書院至元燬于鄉兵迺倡議復之越十年
育齋冢嗣栗夫屬予記之予惟書院之建子孫
攸善先賢方其幼時舍近墓市則嬉戲爲築埋

賈術之務比遷學旁則嬉戲陳列俎豆揖讓進
退耳目所寄厥心繇適之路也書院之地有聖
賢之書有朋友之訓子弟日從事於斯則身於
是心於是又非但學旁之外望而已君子之地
烏有不可馴至也哉然千古以前千古以後與
天地相爲終始惟此一心維昔儒先往往闢書
院以潛心大業多全一心以至一身充一心以
保四海推一心以教萬世書院之關係匪輕矣
後世建書院者亦間有之而其底于成者多媿

於古昔何哉大學之學未成者以小學之學未
有以爲之基也赤子之心古人之心也方其幼
學不有以養其良知良能之天而鑒之聲色臭
味之欲及其長則以先入之言爲主雖從事于
六經亦誦言忘味玩物喪志而已先儒以學校
之教不如胎教與無誑之教真的見哉就以遷
學旁欲習禮容者亦其幼時之務其長學于道
自爲聖賢之歸故曰大人者不失其赤子之心
也龔坊之書院子弟者必先專心于朱子之小

學以養其本然之心然後從事大學之道以盡吾全體大用之學窮則善一身善一鄉達則善天下則書院者君子之地也義甫之創育齋之繼殆不爲虛矣反是奚於書院爲哉

逸菴記

正德壬申予欲游羅浮止于南海主陳親濟武客舍間求先乃翁別號逸菴記予問曰逸菴何爲曰逸菴不求仕進放跡江湖風月爲侶鷗鷺爲羣或往或來靡牽靡繫理亂不知黜陟不聞

自樂而已矣予曰非也天下理吾人安於大平之治天下亂吾人無苟全之地進一君子萬姓蒙其福用一小人萬姓受其禍使天下亂焉小人用焉雖欲求逸不可得矣理亂黜陟逸菴可不知不聞乎逸民陳希夷魏仲先林和靖也陳希夷喜宋祖之得天下曰從今天下都無事我在山中睡得牢魏仲先知寇萊公之是美之曰有官居鼎鼐無地起樓臺林和靖知天書之非自慶曰茂陵他日求遺藁猶喜曾無封禪書之

三子者理亂知之黜陟聞之會以其逸而忽然於天下與逸菴生際聖人御世君子在朝其放逸江湖優游自得者聖君賢相之賜也可

不知所自也耶君子之或仕或逸時焉而已若夫處江湖而憂其君在家而憂其國者君子未嘗一日忘世之心也逸菴已謝世仕與逸後人所當知也竊聞之逸一也義有三焉逸民之逸以隱言無逸之逸以欲言作德心逸日休之逸以理言君子隨其所居之位以勸勵爲勉以逸

欲爲戒使人心日消道心日著此之謂作德餘是時仕而仕仕亦逸時逸而逸亦逸無生而不休焉必如是而後可以語逸而不偏於逸矣客唯唯而退因書以復濟武逸菴名某字德欽

思椿堂記

父子之道天性也孝子之思父而弗忘焉孝子之本心也天下有達詞稱父曰椿者莊周曰上古有椿以八千歲爲春八千歲爲秋人子期父之壽也父弗有矣而猶曰思椿者著其本心也

客問曰思椿云何予曰父母俱存人子至願人子欲養而父弗待焉天也非人之所能移也追思弗置形之大息大息弗置形之涕泣思之其能已乎客曰然予曰未也父之不及養所得爲者惟誠於歲時之祀焉禮曰霜露既降有悽愴之心雨露既濡有怵惕之心又曰齊之日思其居處思其笑語思其志意思其所樂思其所嗜思之其能已乎客曰然予曰未也人子之身父母之遺體也父母者吾之父母也乾坤者天下

之大父母也人子之心即父母之心父母之心即天下大父母之心也是心也至無而有至虛而實生生其無息浩浩其無窮思之而有以不失其本心焉是爲吾父母之孝子天下大父母之肖子焉故曰孝者善繼人之志善述人之事者也又曰知化則善述其事窮神則善繼其志

硯記 甲午

此端州硯也其背刻銘云磨而不磷以壽斯文正德甲戌予以刑部主事謫惠州府通衢驛泰

和王子宜學以翰林院編修謫潮州府三河驛以此得相往還一日王子饋予此硯其書云銘出鐫工正合愚意故以奉贈詩云期君堅白堪磨涅贈取貞銘勒硯端噫王子不可作矣予出入世途携此硯以相隨故記之以無忘王子之意云

怕人議答 乙亥

或曰怕人議可以入於善乎李子曰古之學者爲己今之學者爲人若怕人議然後爲善則不

怕人議將不爲善乎此正後人爲人之學其流之弊必至於鄉原而後已天地之道仁也人得之以爲性此固有之善也君子爲善本乎自慊無所爲而爲也故其進退去就與時消息是動以天也浮議何恤乎易曰艮其背不獲其身行其庭不見其人然君子之所爲亦有非人所能識者是以晏嬰不知仲尼淳于髡不知孟子蘇軾不知伊川林栗不知晦翁晏嬰輩且然況眾人乎

勉學問答

長樂余貳教仲魯長子槩留心于學客曰彼年稍長恐難底于成予曰學以求仁求不虛此生而已豈可以年稍長而自疑乎朱子曰二十歲覺悟便從二十歲立定脚跟做去三十歲覺悟亦然使年八九十歲覺悟亦只據現定劄在硬寨做去昔蘇老泉年二十七始知發憤究心經傳卒成其學彼詞章之學猶未足論也王魯齋少慕諸葛亮之爲人自號長嘯年三十讀書魯

谷平先生文集 卷之五

十四

論至居處恭執事敬惕然嘆曰長嘯非孔門持敬之道遂易魯齋乃從事持敬之學以求仁卒聞其道魯齋浙人也鄉黨之間其必有爲魯齋之學者乎槩乎歸而求之必有師

朱學問答 甲午

嘉靖甲午夏五月予卧病隨州報恩寺一日學子請問曰朱子之學何學也予曰聖人之學也曰何如朱子詩云玄天幽且默仲尼欲無言動植各生遂德容自清溫彼哉夸毘子咕聶徒啾

喧但騁言辭好豈知神鑒昏曰予昧前訓坐此枝葉繁發憤末刊落奇功收一原曰神鑒曰一原朱子之學可知矣曰或疑其釋大學何如曰此學必論大頭腦處如明明德此大學大頭腦也朱子以虛靈釋明德不可易也明之之功則曰因其所發而遂明之以復其初此工夫至簡易也何疑之有曰或疑其格致求於外也何如曰此不得朱子之精也朱子曰本明之體得之於天終有不可得而昧者是以雖其昏蔽之

谷平先生文集 卷之五

十五

極而介然之頃一有覺焉則即此空隙之中而其本體已洞然矣當時有問介然之頃一有覺焉則其本體已洞然矣須是就這些覺處便致知充廣將去朱子曰然如擊石之火只是些子纔引着便可以燎原蓋介然之覺一日之間其發也無時無數只要人識認得操持克養將去此朱子之精孔門求仁之學也學者當默而識之學子曰然遂記之

求仁問答

嘉靖甲午秋七月予遊大洪山張子叔平從焉
一日張子問學予曰求仁問仁曰主一曰孔子
之學惟以仁爲訓何也曰天地之一動一靜人
心之一動一靜一本也仁也求仁之學萬古聖
學之正脉也曰仁之體何如曰仁道至大不可
求之言語不可求之訓詁吾夫子在川上曰逝
者如斯夫不舍晝夜此仁之體也蓋一動一靜
天命之流行也惟其動靜此所以不窮顏子之
見卓爾孟子之謂必有事焉而勿正是皆有見
於一動一靜之妙也非知道者孰能識之孟氏
之後千有餘歲惟伊洛得聞之此道明之會也
明道先生曰天地之間只有一箇感與應而已
更有甚事又曰天地萬物之理無獨必有對皆
自然而然而非有安排也每中夜以思不知手之
舞之足之蹈之此是天理二字自家體貼出來
者也伊川先生曰有感必有應凡有動皆爲感
感則必有應所應復爲感所感復有應所以不
已也程夫子兄弟所謂感應亦有見於一動一

靜之妙也一動一靜生生不已仁之體其洋洋
乎優優乎主一則動亦定靜亦定而仁之全體
在我矣張子曰唯乃書以授之

書邢太守南庄八詠卷丁丑

此太守邢侯南庄八詠詩評者謂善寫林下閑
散之意予謂田野康濟自家身底事便是康濟
天下底事昔人喜未老得閑方是閑之句而高
文忠公謂程夫子曰先生最天下閑人先生曰
我做不得天下閑人何也蓋道無方所在田野

行乎田野在朝廷行乎朝廷則刑侯南庄之詩
豈特善寫林下閑散之意而已哉

書陳克菴先生挽冊後辛巳

天台陳克菴先生之風真足以廉頑立懦海內
諸君子之言亦發乎人心天理之不可已非有
所爲而爲也而世之好事者猶或有矯激沽名
之議是不識君子之所爲也天下之道只有一
箇當爲而爲者也以克菴之大端言之爲御史
凡所論奏皆繫大綱紀爲提學務明古訓端士

習此其所當爲人皆知之及布政東廣因中貴假貢獻大肆青害於民克菴七疏論其姦卒以此得禍好事者咎克菴之矯激沽名或以此且身爲大方伯受一藩之大寄爲庶民之依托若坐視中貴之肆毒而不敢言之是鄙夫也豈克菴之所謂哉克菴抗疏折姦不少假借是其所當爲爾爲非有所加者其得禍者不幸也非克菴有以取之也張褰亦上疏訟克菴冤可見天理之在人心不死也好事者觀此亦可以省矣

噫率天下之人而禍於善者必矯激沽名之言夫

跋蒼谷王子錦夫書

壬辰

王子書云網惟斯道失傳世無師友亦久矣執事屈阮默契遂出獨見之學綱以聾瞽獲侍左右幸爾與聞蓋嘗於元公過有初平之望也今將遠違杖屨如此情何昔人有云不我遐棄是望是祝惟執事全體大用往無不可茲者總憲一方持衡萬里用雖叵盡殆遠人之福吾道之

慶耳早晚珍重行見巖廊召還矣此蒼谷王子錦夫書也王子由吏部陟叅政十有七年以來或出或處而起浙江右方伯予時以叅政總理糧儲王子一見語合遂爲知己每夜必提燈相過共謙虛好問之善真可師也逮予轉東廣總憲離浙在道王子寓此書壬辰春羅道承冬官道湘歸報其謝世予悲之間檢故篋得其書特錄之而書于后著王子之善云

書解學士歐陽氏族譜後

丙申

予先母大夫人爲迹符歐陽氏西原先生之仲女予不幸七歲失恃少長予父教予謂汝母嘗言文忠公其遠祖也蓋西原先生爲當時醇儒家庭傳授必得其真予謹識之既而往來母氏之家見其南廳高懸一幅爲先正解公學士親手筆以贈外曾王父巖泉翁者云歐陽公嘗云吾平生無大過人但平心待物耳其子某某皆知名當時陰德之報也未特書曰縉紳書與延熙延熙巖泉翁字也解公以此爲贈是蓋揭歐

陽家法以爲勸信迹符爲文忠公之後的然無疑必有以也嘉靖丙申予自粵過家卧病一日鄉進士道亨過予道亨名興其祖由迹符徙富田予因問其先世族譜道亨謂舊譜有解公序予爲之喜囑道亨以序來觀未幾道亨錄序寓予輒三復之大要在發之孫紹世宋時還鄉部符鮮公親見之考究真酌敘次明白此迹符族譜百世之公案也嘗見世之士大夫凡觀江南世家之譜多疑其僞冒夫僞冒者固可疑乃并

於其真者而槩疑之過矣余讀解公歐陽氏族譜序既喜其信以傳信而解公又自述其師友皆出迹符則迹符歐陽氏之文獻誠足徵矣謹書于後使歐陽氏之子孫知所勸於繼承而後之君子且有考焉

書宮保遺墨後

宮保大司馬梧山李先生弘治間出刺隨州與郡承章止菴先生厚善止菴刺眉時梧山過蜀所貽詩二絕詩有云爲民憂國我君先又曰爭

道眉州太守賢書有云入境士民之頌如出一口然秋霜之後繼以陽春又與造化合德矣其稱美之實切惻之益非苟言也余出梧山門下深知其慎許可後之欲知止菴者考其言一公案也止菴家嗣祥裝潢成卷余讀而嘉之乃書于后章氏之子孫向有以寶之哉

祭下符墓文 辛巳

維大明正德十六年歲次辛巳十二月己卯朔越十九日丁酉孝子崇道謹以羊一豕一祭于

先考才二府君先妣才二孺人之墓嗚呼維我父母偕老用賢天命本有之性不假言說而自全忠信篤敬終身惟虔窮而不厭老而益堅明自乎于遐邇幽可質於神天俯仰之間夫何媿而何愆蓋造化有陰陽家運有盛衰往古來今理之自然嗟我父母昔當衰運而我父母爲善益專遂及見夫門戶詩書孫支科第子子孫孫方熾方延固天心之有以勸善而實人力之可以回天吾祖宗之以忠厚傳家久矣至於我父

母之善扶已衰之運肇可大之家其成績又有以啟後而光前八十餘齡疾病弗痊百歲之望子孫空懸大德未報痛恨纏綿善終善始全歸九泉下符之地藏於禹年生平忠厚以承家傳臨穴一酌血淚如川嗚呼痛哉尙饗

野吏亭告陳文惠公文 癸未

公之素懷見乎野吏江亭之蹟公之相業存乎朱子名臣之編予友石湖吳舜弼曰野吏二字真有與物同春底氣象文惠入相規模卽此具

矣旨哉言乎蓋亦有以得乎公之大全中也乙亥抵惠拜公之亭大揭野吏見而悅焉七載通衢亦曰野吏靜而思之不知何以契公於此大抵曠遠而無私昵實古今人心之同然近寓公亭客懷日清敬陳薄奠用表乎仰止之誠公靈不昧尙其鑒歆

祭先考文 癸巳

嗚呼予父庭訓屢謂中曰天順庚辰汝曾祖昭一府君病於隨州汝祖才二府君扶之還家將

入門予時方八齡奔迎於門外昭一府君見之摩予頂曰見吾孫足矣蓋以嗣續付託責之也至今若干年予幸有吾子汝有子曰元生紹生寅生庚生元生有子曰曾子子孫孫光大爲期上天無私惟德是培汝曹勉之他日予見祖考於地下庶幾無媿矣嗚呼予父以子然不絕如綫之餘承祖考付託萬鈞之重上奉二親色養天至時當極貧不以家產爲累而毅然以教子孫爲已任更涉事變艱苦萬狀卒之五十年餘

見子登第七十年餘見孫登第當是時不以顯耀爲事而惓惓不負祖考付託之重爲喜此其志豈世俗所能識哉中任典學迎養於西廣西廣之人無貴賤咸悅服之繼任叅政迎養於兩浙兩浙之人無貴賤咸悅服之是豈聲音笑貌之所能爲哉質任自然人心服也逮中陞廣東按察使六月便道歸省仍請行焉予父曰試近天熱汝速行予秋涼至矣乃承命單車就道纔抵任卽遣僕隸問安日切望雲而訃音來止號

天扣地抑何所及孰知拜辭出門之際已爲永
訣終天之時矣病不嘗藥殮不臨視不孝之罪
無所逃避天乎痛哉嗚呼予父寬厚性成績祖
考積善之緒平生無怨惡之迹宜享其隆乃不
有於躬而施于我後人天之意豈不有所待耶
起塋惟時奠于祖道而告以此情幽明一理尙
鑒臨之嗚呼哀哉尙饗

祭先師玉齋先生墓文 甲午

維嘉靖十二年歲次甲午正月戊戌朔越二十

谷平先生文集

卷之五

二十四

日丁巳門人通議大夫廣東等處提刑按察司
按察使谷平李中謹以牲醴庶羞之儀致祭于
先師玉齋楊先生之墓嗚呼先生之心灑落庖
犧先生之學宗主仲尼經綸時晦教導日施邈
世無悶獨立不疑貧而不厭老而不衰精明弗
息至死弗迷聖代遺逸後學筮龜中在孩提父
司愛之指言長大舅公是師先生外祖母也撫趨
門下總角之時惓惓善誘勤勤遠期或疑過與
先生曰非聖人之學所貴者資後生可畏存乎

有爲識之小子惟日孜孜大哉教旨銘于心思
饑驅弗已二十年奔馳天地一蠹身世何裨上
憶師教慙負何辭敬陳薄奠以竭衷私千年知
已死生一 感通無間佑啟悠尸斯文未墜天
覺在茲竊圖晚景以報夙知尙饗

祭先師梧山先生墓文

維嘉靖十八年歲次己亥五月戊辰朔越祭日
辛巳門人四川布政司右叅政李中謹以牲醴
庶羞之儀祭告于明故太子少保叅贊機務南

谷平先生文集

卷之五

二十五

京兵部尙書贈太子太保諡康和先師梧山先
生之墓嗚呼公乎早歲翰苑出刺隨州敬信手
遠善類日求予初見公命題堂試善政善教公
有深意力薦于學誘掖維勤大哉公志以人事
君佩服提撕出入門下未幾遷臬馳仰西華偶
登科第捷報于南公喜不寐郵誨至三再見臨
江情誼潑潑坐侍中宵殊沃傾渴最後有語聖
學惟欽所謂大人存存此心予竄乎粵公鎮于
汴都府書來教良磨練留都叅贊當輪予衷緘

徵引易論及明農尋閨公退寓于楚澧蒼生屬望溘焉不起皇念舊臣贈謚攸行太子太保康和稱情生榮死哀蓋棺已定有子克家遺祖其盛眇予小子屢蹈嶮巇幸不墮落皆公之遺維道維退恐負公教知已之報思圖後效行役過門稽首公墳敬寫誠意洎乎無文尙饗

下符墓記

先公諱傑字爾肅姓李氏江西吉水谷平人高祖默誠妣蕭氏曾祖仲鼎妣周氏祖沂泳妣宋

氏考復泰妣龍氏四世皆以忠厚傳家不仕公生於宣德戊申正月初六日資稟質實動不違理平生嗜好一於澹然或見諸妓女輩皆必斥之未嘗一注目焉凡宴飲雖至醉端莊自如終身未見其少亂事父母以孝謹父昭一府君嘗買客庄於湖廣隨州白石里間歲一遊其地公侍焉天順庚辰昭一府君沾病公卽扶之還家途次備嘗艱苦而孝事曲盡抵家月餘昭一府君卒公塋之以禮事祖深一府君以敬順待諸

從弟以友愛晚歲家固窮公安處之凡財之入無所營計亦不苟取子孫侍側凡所教戒必曰天理雖至密語未有不可對人談者子孫或有過失公終日正色待之不與之言內處于家庭外處于宗族鄉黨至於親姻平交確乎皆以忠信之道自壯至老行之無少渝間有強悍公從容處之固不與校亦不之畏宗族鄉黨論世之忠厚者必同歸之於公無間言也至於樵牧兒童一聞公名皆曰忠厚人也正德辛未冬十月

公得病卧於床禪神氣猶清語言無異平時間疾者無間昕夕是月廿五日夜公疾革目顧其子者屢手牽其孫男者三以廿六日子時遂起而端坐終於正寢年八十有四宗族鄉黨弔哭於門皆曰善人其亡卒之夜有嫗自哭於家曰好人今其死矣卒之踰年家之小臧獲思慕及公猶私自垂涕泣公之忠厚宗族鄉黨信之婦人女子信之樵牧兒童信之者何也蓋公雖不事乎言語文字之學而其天衷在我不鑒之以

巧僞而得之以忠信自有以感乎人心之同然皆非有所爲而爲孟氏曰人皆可以爲堯舜驗我公而益信配羅氏同里泉溪處士復真之女慎儉之性本乎天成事舅姑以孝順公與處相敬如賓自結髮至白首閨門之內離離如也家貧處之裕如凡用財一毫不妄費家之巨細事務一以至慎處之平生無一毫輕忽之念處妯娌以和睦或有忿戾絕不與校教子孫以謙和或聞其與人辨論是非必切戒之曰毋生事待

僕婢如見子孫有笞罵之則大不悅曰彼亦人也遠近皆知其賢淑生於宣德丁未二月十七日終於正德己巳十二月十四日年八十有三男崇道女三人皆適名族孫男一中女一適黃澄溪羅氏曾孫男元生紹生寅生庚生女一適湓塘楊氏以正德辛巳冬十二月十九日丁酉合葬于本都下符李一陂巽山乾向嗚呼中七歲不幸喪母上賴我祖父鞠育教誨及至年弱冠明經予父承公命携中遊隨州舊寓地今

大司空西蜀李公士修時出刺隨州力薦中入州庠以正德丁卯叨中湖廣解先是冬予父卽攜中妻子歸省中春試罷尋亦歸省是時祖父母皆以八十之年康寧無恙予父子私慶百歲之期得及祿養不幸己巳辛未二年祖父母相繼謝世而中甲戌歲登進士我祖父母不及見之嗚呼痛哉中初官刑部以直諫遠竄廣東通衢七年今新天子御極詔復官得便道過家予父方經理茲葬事及命中記其世系遺德刻之而藏諸幽且將來請作者表於墓道用垂永久昊天罔極嗚呼痛哉

先考李府君墓記 癸巳

先府君諱垣字崇道姓李氏江西吉水人曾祖沂沭妣宋氏祖復泰妣龍氏考爾肅妣羅氏三世皆不仕府君生於景泰癸酉九月十六日人性寬厚平生無怨惡於人事父母孝愛天不教子以正學弘治間携子中遊楚隨州祖父舊寓地時官保大司馬李公士修出刺隨州薦中入

州庠正德丁卯發解湖廣是冬府君不遑他務
卽携中妻子歸省侍養三四年父以疾終湯
藥殮葬俱躬從事甲戌中舉進士先是府君遺
之書曰若得前進忠孝二字諒吾兒能自盡不
須我囑也是歲冬中以刑部主事上疏闢佛教
得罪遠竄南海通衢過家府君忻然携中之任
未嘗慍也族祖侍郎觴齋翁謂人曰子庸父子
甚樂蓋謂此也抵通衢尋歸大史王宜學序曰
坦翁先生視世之榮利無一毫與於已而爲善

必果若不可解於其心於乎此非行古之道者
邪坦翁府君別號也嘉靖間中典學廣西叅政
兩浙皆迎養于官舍兩省士夫下至吏胥咸心
服起敬當時諸大夫俱有贈言辛卯中升廣東
按察使六月便道歸省仍請行焉府君以時尤
熱且試期近命中先行俟秋涼就養乃承命單
車就道逮抵任卽遣僕隸問安十月既望計音
卒至矣嗚呼痛哉蓋僕隸以九月四日抵家是
時府君尙康寧無恙得中書甚喜日詳問焉不

幸以七日得疾至十二日終于正寢享年七十
有九遠近士夫聞訃齋咨前後弔祭相繼娶歐
陽氏處士輔政之女先府君四十七年卒繼娶
王氏羅氏俱先卒子男一卽中也女一適黃橙
溪羅氏俱歐陽氏夫人出孫男四人長元生戊
子鄉進士次紹生次寅生次庚生女孫一適漣
塘楊氏曾孫一曾以卒之三年癸巳春正月初
三日丙午塋于本里桐江赤石潭癸山丁向於
惟先君方八齡時曾祖昭一府君病自隨歸見

其奔迎于門外喜曰見吾孫足矣是故居常深
念受祖考嗣續付託之重備嘗辛苦以教子至
於成立高祿養二十年乃不以顯耀爲事惓惓
以不負祖考付託之重爲念此府君之志世俗
固不識也其爲子孫之所永賴者實在是矣不
孝中號慕痛苦無以自容敢竊記其世系實行
刻而藏諸幽如此若夫表於墓道以傳悠久敬
俟他日請於名筆所謂非敢緩也蓋有待也哀
哀父母生我劬勞欲報之德昊天罔極嗚呼痛

哉

故妻張氏夫人墓志銘

漢東白石里予先曾祖祖父舊寓地弘治辛酉予以羈旅遊隨州庠是歲冬議吾妻張氏夫人始聘焉張氏世水田人父有智淳實一鄉善士母胡氏夫人生而端重明淑祖政奇愛之慎爲擇配乃以癸亥春正月歸于予時予極貧夫人安之予父在堂極力善養不以貧薄自委祖父母在原藉寓衣被歸以遠獻爲敬慕念無間予

谷平先生文集

卷之五

三十二

欲購書輒脫簪珥以供費無悖情也正德丁卯予發解是冬夫人卽挈子女隨予父歸原籍侍養時祖父母年八十餘歲夫人竭力奉養惓惓愛日之誠得其歡心鄉黨宗姻咸稱其孝甲戌予舉進士調官廣東通衢丁丑迎夫人于官舍嘉靖壬午僉憲廣東癸未典學廣西夫人皆從焉予之飲食衣服躬從事清守官居以順予志所至人皆信之丁亥冬予再典學廣西奉予父就養夫人朝夕敬養無異在家之日戊子春余

谷平先生文集

卷之五

三十三

巡視兩江五月回司夫人病兩月矣遂集諸名醫調治時減時增至十月廿日後病危神清不亂顧予曰殆不起無以爲報也遂爲治棺廿五六日櫛髮點視歸歛衣衾分遺首飾衣服教戒諸子時予偶出外病益危迫猶戒家人毋浪報予恐致驚悸也廿七日晚余過勞病咳坐內廳夫人命家人請余入房避風毋重疾也余憫之至廿八日卯時卒于正寢距其生成化庚子五月初二日春秋四十有九嗚呼痛哉是年十一月冢子聞訃奔喪奉柩歸時以未得地殯于方塘之西園今癸巳卜以十一月初六日葬于桐江赤石澗癸山丁向穴在余父塋地右按今以左爲尊也子女六人長男元生戊子鄉進士次紹生女一適澁塘生員楊浩俱夫人出次寅生庚生女一幼俱副室楊氏出男孫曾夫人天資貞順孝敬本大然凡祭祀事必以身先之待家庭姻戚以禮愛子女以正絕無姑息之念視異出于女無異已出也知忠婢戊妹嘗效勤勞于

祖父母待之加厚服用間務欲酬其舊勞順予
不忘規正間見予宴客困酒翼日謂予曰酒困
何以示法子女也平生規益類此病卧江西鄉
書至見冢子中式喜甚是日病若去體予意其
愈於喜而竟不起噫惜哉昔予未議婚時在江
西得奇夢隱然張姓爲配及在隨求婚諸名門
多欲締親吾卒得吾妻予甚異之相處廿有六
年好合如一日而警戒之意常流行乎其間予
意天之所以成之者遠也詎知其弗克壽矣夫

然終養吾祖父母生子且著代焉由今至于無
窮夫人爲不亡矣是大有功於予家夫人之生
真無忝也哉獨念予以中道失此良內助未遂
偕老百年之願爲可憾且亦天也予何言哉銘
曰千里之緣中道遽折愛樂無端循環不竭神
會于終瞑目而訣終養續傳久大光烈尙有以
俟天賁于碣

義姐袁氏戌妹墓志銘

丙申

義姐姓袁氏字戌妹余家佃人袁慶德之女僅

十歲我母歐陽氏大夫人取而養育于家稟性
貞醇無二予姊氏及予之幼義姐抱持效勞予
弱冠時予父携予出漢東先世舊寓以求祿養
余大父母在堂義姐以服事爲已任外供薪水
內供炊爨悉心幹理勞苦萬狀時其母遠珍再
適他姓頗饒裕欲以義姐室後夫孫義姐毅然
不可每具飯進主而自糠粃人皆知之其心淵
塞使其生爲男子則爲子必孝爲臣必忠無疑
矣正德丁卯余發解是冬余父携余妻子歸事

大父母時義姐已四十餘妻厚遇之欲爲擇配
義姐曰一心事主不欲配人也旣而予第進士
僉憲廣東提學廣西叅政浙江義姐皆同行其
在家在官凡事終始照管無少懈怠以至于終
噫婦人之勤勞或爲夫或爲子孫義姐子然一
身無夫無子孫而勤勞終身如此亦無所爲而
爲也人性之善豈不可見哉義姐生於成化丙
戌十二月十二日酉時亡於嘉靖丙申十一月
初四日辰時享年七十有一塋彭家山簪箕窩

庚山甲向以塋甚迫殊書于磚以銘銘曰
貞勤吾家 孝順以翼 我銘其墓
以報厥德

谷平先生文集卷之五終

附誥勅于後

奉

天承運 皇帝制曰書稱邁種德言世徵也古
之君子有積德百年之前而徵報於易世之後
者固其流風遺澤所未泯也爾李傑乃四川布
政司右叅政中之祖父侃毅忱恂孝友慈愛篤
好古道重違于時以禮檢身心以正教子孫鄉
人無賢不肖咸以忠厚歸之用是樹善行於里
閭衍餘慶於聞孫登予方岳揚休政途名因以

谷平先生文集

勅命

顯德由是徵茲特贈爲中大夫四川布政司右
叅政服此特恩光生幽窆

制曰秉德肇基是曰祖功追崇之典伉儷均焉
所以推恩以體孝緣禮以重本也爾羅氏乃四
川布政司右叅政中之祖母生於名族歸於吉
人賦質徽柔持身貞恪節儉儀刑於閨闈工容
垂範于雲仍蓄深流遠積厚發光鍾秀懿孫作
予良翰綏懷西服爲國倚重其有自哉是用遠
究本始錫以異數茲特贈爲淑人英靈未遽歆

此寵渥

嘉靖十八年九月初四日 勅命之寶

奉

天承運 皇帝制曰一鄉之善士能積躬以興
賢胤天固申命之國典曷其靳哉爾李坦乃四
川布政司右叅政中之父寬厚性成孝愛天至
不以貧窶嬰心惟知教子是急其和風懿行足
以寬鄙而敦薄是以鄉閭愛重怨惡用希雖潛
德弗耀而慶鍾于後篤生詰嗣爲國忠藎且訓

谷平先生文集

勅命

二

廉誨忠之諄諄切於筮仕揆爾之休豈可泯哉
用頒卹典增賁九原茲特贈爲中大夫四川布
政司右叅政用昭幽德良慰孝思

制曰母氏劬勞義兼教育不有錫類之恩奚隆
罔極之報乎爾歐陽氏乃四川布政司右叅政
之母儒門淑媛隱德好速貞靜之操得于父
誨柔順之懿本於天成輕財養舅姑之志慎食
循胎教之方愛而知勞遂成令子婦儀則足
以師世而風俗斯爾之褒恩可後邪茲特贈爲

淑人精爽不昧歆時寵光

嘉靖十八年九月初四日 誥命之寶

奉

天承運 皇帝制曰國家稽古設布政司以藩
宣屏翰卽古方伯之職民生休戚攸關矧邇爾
藩服外障秦楚西距吐蕃朝廷綏化柔遠必得
剛明豈弟之士庶克保釐爾四川布政司右叅
政李中遜志時敏篤學慎修首薦鄉書駿登甲
第筮仕秋曹讞獄明允非佞愷良時諱罔忌用

谷平先生文集

勅命

三

是左遷驛宰而素履不渝仍晉前官益著聲績
七遷編藩臬之官四省揚冰檠之譽董學則士
習丕變督儲則民免侵漁政茂修于敷歷才實
練于通方爾在西蜀乃能恪持清謹矢竭精勤
德澤洋溢于甸宣訏謨允展于饒餉厥勛懋哉
茲以大禮覃恩特進爾階中大夫錫之誥命於
乎舜咨十有二牧首之曰食哉重民事也爾其
念之克畏民暑往服朕訓

初任刑部湖江清吏司主事

二任廣東惠州府龍川縣通衢驛丞

三任刑部湖江清吏司主事

四任廣東按察司僉事

五任廣西布政使司右叅議

六任廣西按察司提學副使

七任復除廣西按察司提學副使

八任湖江布政使司右叅政

九任廣東按察司按察使

十任廣東布政使司右布政使

谷平先生文集

勅命

四

十一任今職

制曰朕崇陟岳牧思與保釐宣化退省及於厥私有召南之風焉必有賢內助者迺克臻此是以寵華之典逮于室家無間幽顯也爾四川布政司右叅政中之妻張氏性稟惠柔心安菲淡宗黨稱孝善養姑嫜儆戒相成茂修婦道猶能力儉以佐官廉勵勤以襄家裕是用弼爾夫子若時登庸宣猷展采惟爾之賢槩可想見夫乃中道委謝良可悼惜茲特贈爲淑人唯爾有靈

欽承時命

嘉靖十八年九月初四日 誥命之寶

勅

皇帝勅諭廣西按察副使李中 朕惟自古帝王治天下者率以興學育才爲首務而學校之興廢人材之盛衰治道之隆替係焉此蓋已然之明驗也今特命爾往廣西巡視提督各府州縣儒學爾其欽哉夫總理一方之學政是卽一方之表率也然率人以正必先正己爾其務端

谷平先生文集

勅命

五

軌範嚴條約公勸懲俾爲師爲弟子者一崇正學迪正道革浮靡之習振篤實之風庶幾儲養有素而待用不乏斯足以稱簡任之意如或因循歲月績效未彰朕將爾責焉爾其勗哉所有合行事宜申明條示于後其慎行之無忽故諭嘉靖二年閏四月十五日 勅命之寶 皇帝勅諭廣西按察司副使李中 朕惟自古帝王治天下者率以興學 公兩任廣西提學

嘉靖六年五月二十四日 勅命之寶

皇帝勅諭都察院右僉都御史李中山東地方各該州縣近年以來多被水旱災傷兼有盜賊生發人民窮苦以極今特命爾在彼巡撫操練軍馬修理城池撫安人民及提督一應稅糧邊糧屯糧并預備倉糧關防安插達子務在宣布德意扶植善民摧抑強暴使軍民依時耕歛各安生業貧窮下戶及被災之家盡心設法區畫賑濟應該蠲免停徵錢糧照依該各部題奏事

嘉靖先生文集

勅命

六

理論令各該軍衛有司官員明白覈實寬免除豁不許重複科派凡遇盜賊行劫即便調遣官軍民壯分布防禦設法勦捕毋令滋蔓官吏有能奉公守法修舉政務者量加獎勵其貪酷不才害人誤事者從公黜罰除軍職及五品以上文職有犯具奏區處其餘就便拏送所司究問臨清爲南北衝要之地四方商賈所聚及東昌至濟寧一帶中間多有亡命之徒在彼結構爲非與賊詞訟等項尤須督令兵備等官往來巡

捕用心禁治凡事有便於軍民者聽爾從宜處置應與巡按三司等官會同者須從長計議而行其徐州黃家關至臨清戴家關一帶河道照依該部題奏事理往來總理朝廷以爾素有才力諳練事體故茲簡命爾宜持廉秉公聽忠竭力撫綏軍民以靖地方斯稱委任如或因循怠忽責有所歸爾其慎之慎之故諭

嘉靖十八年十二月二十八日 勅命之寶

皇帝勅諭都察院右副都御史李中今特命爾

嘉靖先生文集

勅命

七

總督南京各倉并象馬各草場收支一應糧草嚴督監管郎中員外主事御史於收放之際務要關防慎密出納分明不許纖毫忽畧疎失違漏作弊如遇倉場牆廩損壞隨即量撥軍夫修理其監管收支官員并倉官人等但有怠慢侵欺作弊刁蹬及巧立名色濫罰米物等項除文職五品以上并軍職具奏鞫問其餘輕則量情責罰重則就便拏問如有官豪勢要之人干損攪擾爾即指實奏聞處治仍監督南京各衛屯

田比較子粒其清出撥軍田地若有仍前侵占
及屯軍恃强奪占民田者即與究治剖斷下屯
官軍亦不許別項差占有妨農務爾受茲簡命
宜持廉秉公除奸革弊以副委任毋或偏見乖
方自取過愆爾其勉之慎之故諭
嘉靖二十年八月初五日 勅命之寶

大明嘉靖二十六年賜平翁祭文
維

嘉靖二十六年歲次丁未十月戊申朔越初十
日丁巳良吉

皇帝遣本布政司左叅議張永明 諭祭都察
院右副都御史李中 曰惟爾穎敏之資醇
實之學中第蜚英郎曹建議謫居卑職操節
益堅討逆預功奉 詔敘錄再擢憲司督理
學政寬敷爲教淑正士心繼叅大藩歷長藩

各平先生文集

臬撫巡東魯德澤旁敷治盜捕蝗民命攸賴
留都督餉夙弊剗除績著 兩朝官途二紀
大施未竟遽爾淪亡訃音來聞良用悼惜特
頒塋祭庸示褒卹九原有知歆承殊渥

附錄

明故通議大夫總督南京糧儲都察院右副都御史谷平李先生行狀

門人羅洪先撰

昔孔子沒顏氏又復天死門弟子無所歸命欲師有苦當是時非賴曾子數言其事固未止也夫內言而止亦必因言而遷其於是非之微固非顯然辨也明矣彼皆親炙聖人而終身其速肖亦且七十不可謂不衆也而易惑猶且若此

谷平先生文集

附錄

又況其遠者哉自孔門至宋儒得數人矣自宋以後其言愈明其實愈晦於極晦之餘有能得其立言之旨雖未計其所至淺深要之皆可以追逸駕於諸子豈虛語哉夫學至不易矣而端緒之別又且什百而千萬於什百千萬之中歷世取遠幸一人焉有志者聞之其不切思審問求其傳述探其紀載固非情也今世之於宋儒求儒之於孔門槩可見矣後之視今豈異昔哉故谷平先生之行無間巨細洪先必究終始次

第言之要亦有待其人焉謹按先生姓李氏諱

中字子庸吉水谷平里人也李氏居谷平久而繁世爲著姓宋有諱次魚者以道鳴南軒晦翁善之學者尊爲復齋先生又幾世爲先生高祖沂涿沂涿生復泰復泰生爾肅爾肅生崇道號坦翁是生先生先生貴自坦翁二世俱贈中大夫四川布政司叅政配羅氏歐陽氏俱贈淑人先生生有異質不假訓習而穎悟絕人在豫羅歐陽淑人撫之曰汝繼舅氏業乎蓋歐陽出文

忠公後其父西原先生有道者也五六歲未識

附錄

書解爲聲偶數試之不能窮八歲讀書忘寢食大父嘆曰是兒必昌吾家然自高祖以下世敦行誼無厚貲會淑人亡東修不常繼弘治壬子年十四始授尙書學舉子業明年從坦翁如郡城道出周文襄公墓下聞行事心慕之丁巳受學玉齋楊先生之問玉齋先生名珠里之諱溪人歐陽淑人母舅也其學自傳註遯濂洛能窮理道不苟榮勢貧老瞽而無子橫經授徒未嘗

見戚容出其門者以解釋考據爲名家然自謂所學不在是也晚得先生與語喜曰吾甥女固未亡乎盡以其學授之且謂曰吾言本之明道明道其醇者也而吾未嘗輕語人驗其資皆不足多也聖人與人何異亦爲之而已矣子勉之夫財利者人所至欲而易以迷動意於此不可以語道吾嘗有言金用火試人用財試未有役於財而強於義者子勉之先生自試慨然有志望賢之學戊午遊遂江爲子弟師明年冬坦翁

杏平先生文集

附錄

三

攜如楚寓景陵景陵多師之辛酉訪大父寓舍如隨州是時大司馬李公士修初爲州守見其文異之薦爲州學增廣生明年議婚又明年年二十有六張淑人始來歸然猶不能市書一日見一峯先生集手錄歸嘆曰大丈夫不當如是耶始獨居遇大雪食且盡室無烟火誦書不輟忘其餘寒在身也此爲州學生月廩矣復分以給鄉之貧人貧人異之聞於隨愈益敬憚先生故不假人辭色卽州守子弟來學意不合不能

少留以是行輩私語不名而指所居里稱爲白石先生正德丁卯舉湖廣鄉試第一人甲戌賜進士出身高等楊少師一清爲吏部將舉臺諫數召試不往六月授刑部浙江司主事是時武宗皇帝縱西僧出入禁內宦官居中用事先生憂之上疏切諫疏有曰今日大權未收儲位未建義子未革紀綱日弛風俗日壞小人日進君子日退士氣日靡言路日閉名器日輕賄賂日行禮樂日廢刑罰日濫民財日殫軍政日敝

杏平先生文集

附錄

四

天變於上地變於下此道之不明不行陛下之心惑於異端故也其他指斥忌諱辭氣激壯疏入武宗大怒人人危之先生藁坐飽食待罪從容以當道收解得免踰月忽出內降謫通衢驛丞縉紳嗟曰先生辭言職矣顧以言去豈常情哉爭爲詩歌之乙亥奉坦翁之通衢闢愛梅亭讀易其中戊寅病移長樂學宮是時新建伯王公守仁鎮贛州檄先生與王君思議軍事己卯三月至贛而宸濠方謀不軌時

論煽搖王公問計先生豫策必敗引古爲證方贊其決變作王公邀以助已平居不屑自叙語莫得聞濠既平返通衢辛巳今上卽位有詔叙復未行壬午擢廣東按察司僉事八月監鄉試事多仰成部下有訴鄉貴人奪民田鄉貴人方恃寵衆多畏之聞監司受訴求質甚厲先生不與辨無何竟還民田張都御史某鎮梧州家人自鄉雜商販來爲張巡檢所詰張將罪之先生嘆曰逢人怒以奪官烏用法爲不聽判張

心銜之以他故上疏論劾爲朝中所理不行癸未春陞廣西布政司左叅議其夏陞廣西按察司副使提督學校先生憫俗學支離喪失真性凡教一本於身不事言語嘗曰墮書所載廸正道崇正學此吾職也又曰感于此應于彼不行而至自有以潛奪汙俗興起善心誠之不可揜固如此於是擇諸生聚處五經書院五日登堂講說敷悉自晨至暮不休人多嚮之甲申夏以繼母某氏憂歸諸生追送有泣下者丁亥起

復補前職廣西人十聞者交賀己丑陞浙江布政司右叅政督糧儲除催科苛令辛卯夏陞廣東按察使八月監鄉試九月監武舉十月以坦翁憂歸往先生官廣浙必奉坦翁行曲盡娛樂是年再強入廣不聽計至卽日就途不復候謁同官以賄金至盡卻之乙未起復陞廣東右布政使巡按御史戴某用法峻刻欲罷南海番禺吏六十人先生驗無實面斥戴戴不樂且曰是六十人者寧無枉法意耶先生面發赤曰法者

治其太甚者也以意罪人何以救過且不聞有故入律耶徑趨出戴既慙怒會曹叅議卒于官都御史以婚故令賄千金先生曰不能還鄉者法得賄曹也何待賄卽賄豈必千金也竟賄以法同官請益不可都御史面語又不可而故事平大盜布政必具宴犒諸司藉以賂者數十百金先生舉宴不以賂都御史愈怒故拒宴當先生先生既無所謝而前宴金亦不復償因是與戴交誣坐不稱職當罷朝中顧諱抑御史而直

先生爲疏解曰李某素著廉節復有才望第不能俯仰爲眾所嫉應留用以責後效蓋霍公渭先筆也而時宰中復以先生無關說爲慢已竟謫四川布政司右叅政督糧儲始先生在廣東聞彈章欣然且歸答同官書曰此事於予無損益但恐仕者以予爲懲則薄俗日流于苟媚世道向賴獨此不忘情耳及是之蜀無悻悻狀丁酉至官數月乃具疏乞休人有問者復之曰士君子行止自有孔門家法不可苟焉自小也所

謂家法吾心天理是也進退遲速莫非天理之流行叅以毫髮意氣不免爲過高之病皆私也同官力沮乃止明年告之撫巡不允已亥明堂禮成得推恩三世先生以爲方切感恩未可言私其夏假入賀歸道陞浙江按察使未至陞都察院右僉都御史巡撫山東庚子春至歷下始謁學廟見車馬取道屏外先生瞿然曰是不可待行即命撤之曲阜三氏學生舊無廩建議增給曰使東土人知天子敬學庶其

興乎是年大歉蝗蝻且起餓者流離道路先生會計郡縣不足取泰山祠金以待賑乃命流民捕蝗與穀與蝻穀倍蝗數又慮盜賊將熾下令曰官軍非郡縣得調緩急全恃民兵今應募多白丁游食不識弓矢萬一何賴其限郡縣募驍男籍記練之河南關繼先黥盜也能散金岳得死力嘗被擒鉗鎖加三木守衛之其黨竟穴地入獄脫去不能得遂流劫燕趙韓魏之間數十年無敢當者至是由燕入青先生部下設伏禽

之而燕之撫臣援以爲功先生不辨其他訟獄細務責成所司不欲侵職務存大體辛丑陞右副都御史總督南京糧儲往時運艘泊江轉搬旣爲市民所給而官稽程期鮮不得罪先生乃令自水門入庾次又令監視者無先放衙無使庾人侵羨病諸役者人皆便之壬寅十月偶得痰疾而是時先生爲金御史所誣當調金御史者嘗按四川疏先生之賢于朝及是怨不德已而公卿中又多懷忌以故其誣得行代者未至

猶三日起堂視事是日晨起將出忽端坐而逝十一月九日也距生成化戊戌十一月一日年止六十有五而張淑人先卒十有五年子男四人女一人長元生戊子舉人次紹生縣學生女適縣學生楊浩皆淑人出次寅生庚生俱縣學生出側室楊氏孫男五人長大學生曾次縣學生春次

孫女三人皆幼喜

靖癸卯十二月廿三日元生等奉柩葬桐江赤石潭山遷張淑人合窆焉先生氣剛而豪貌

杏平先生文集

附錄

九

莊重聲吐震厲對客終日危坐身不傾倚步趨如有循手容張拱望之嚴不可犯然意態安舒不甚求異言有可采雖田夫孺子皆得曲盡其情意有不存雖王公大人未嘗輒阿所好每默坐問答注目傾聽隨言剖析億逆比昵之態不少藏蓄平生於物價低昂事情微暖會不經意至當大事決大疑聞大謗眾人牽係於利害得失噤而不敢發者灑然脫卻若江河百折東下而不可回蓋其性成然也是以平生雖極窮苦

而出納之間校量不形自人仕至按察副使十餘年俸入不足以供朝夕居憂嘗留門人飯貸米乏薪至爨浴器日暮矣竟不及飯而別起復見時宰無一帋以爲贄終其身官且顯而田廬居室敗壁腐榱雞埒豚豎不蔽風雨然竟不知文一木覆一瓦爲子孫計其興致蕭曠又若處九層之臺俯萬有而享百珍也蓋先生早年間玉齋先生之言即以聖賢爲必可至以學爲必不可已停涵操習之久失復困頓之類於是性

杏平先生文集

附錄

十

命一委於斯道而無一毫常情俗見參雜其中惟其不知不愠不見是而無悶故懲創履蹈必極其茂實信其可信闕其可疑故辨難往復必極其精研早悟高明則以何思何慮爲標準而未嘗冒古昔之訓以爲門戶晚循漸次則以知及仁守爲難能而未嘗矯世人之弊以爲高奇嘗述程子之言曰吾學雖有所受天理二字卻是自家體貼出來由是觀之先生之學雖受之王齋至其主張斯道以求仁爲主本以閑邪爲

入手以直任天命流行無事安排而中心洞然
圓無畔岸爲實際則其植立擴克濯磨究竟豈
一朝一夕之故哉雖其一時嫌忤萋斐橫生而燕
居閒言不一致辨家庭族黨或有不悅而出入
接見曾不加損至於日侍左右不善觸機則又
沉嘿渾淪畧無強聒此其積累之厚蘊藉之深
卽謂之間世一遇猶未足以喻其難也如是而
視其民沒不爲撰述以傳于世而待乎其人鳴
呼將非自絕於先生哉洪先不肖自丙戌歲與

王龜年周子恭輩始趨門墻得聞緒論躬行不
逮實負儀刑尙冀來者可追期之末路而天不
憖遺遽爾痛割悲夫先生祭玉齋文曰斯文未
墜天覺在茲竊圖晚境以報夙知是在先生猶
有未已者也況於門人小子哉諸孤俾撰至行
得效管窺不愧冥愚輒加詮次先生不尙語言
晚年好易諸所論著竟未筆札應酬感述咸寓
道機手澤所存謹各輯錄總爲疏草二十有八
目錄三百餘條書問三十有三詩與文一百六

十有五藏諸其家并示來者

明故總督南京糧儲都察院右副都御史
谷平李公墓誌銘 友人鄒守益撰

嗚呼是爲都御史李公之所藏魄守益志而銘之者也按狀公姓李氏諱中字子庸世居吉水谷村里爲邑著姓宋有復齋諱次魚者以道學鳴南軒晦翁善之大父爾肅父坦翁崇道以公貴俱贈四川布政司右叅政坦翁以上世敦行誼頓之資斧携以入隨州大夫司馬李公士修異其文羅而置諸增廣生正德丁卯舉湖廣鄉

谷平先生文集

附錄

十三

書第一人甲戌賜進士出身授刑部浙江清吏司主事上疏闢異端以正君心謫丞通衢驛陽明王先生開府于虔檄公與王君思叅錯戎行已卯宸濠變作力贊義師預測其敗論功加俸一級 今上嗣位叙復擢廣東按察司僉事癸未叅議廣西晉按察司副使督學政甲申丁繼母憂歸丁亥起復仍前職已丑以叅政督糧于浙辛卯陞廣東按察使十月宅外艱乙未起復以右布政陟廣東因忤御史及梧州闖坐交

誣謫叅政于蜀且疏乞休撫巡沮留弗得遂明年大禮告成以入賀得推 恩三世道陞按察使未上尋轉都察院右僉都御史巡撫山東辛丑陞右副都御史總督南京糧儲壬寅偶得痰疾以十一月九日卒於官舍癸卯十二月二十三日諸孫元生等卜塋桐江赤石潭遷張淑人合墳焉公生有異質穎悟絕倫五六歲未識書解爲聲偶數試之不能窮八歲讀書忘寢食會淑人棄遺艱于行修年十四始授尚書治博士

谷平先生文集

附錄

十四

家語丁巳以身贅就學于舅氏楊玉齋珠玉齋固蓄好學安貧默識傳註迺濂洛關閩能躬理道每以營勢射利爲深恥公卽感悟慨然有志于聖賢之學司馬奇而拔之復議婚得張淑人年二十有六矣然猶貧不能市書手抄一峯集以爲矩矱遇大雪食且盡室無烟火伊吾不輟得月廩輒以給鄉簞人子忘其身之在餒也生平不假詞色于人卽州尊子弟來學意不合不少留其成進士第冢宰召試臺諫固弗往未幾

竟以直諫謫其疏有大樞未收儲位未建義子未革紀綱日弛風俗日壞士氣日靡言路日閉名器日輕賄賂日行民財日殫軍政日蔽小人進而君子黜禮樂廢而刑罰濫以干天地之變者陛下之心惑于異端故也縉紳交詠歌之及入通衢闕愛梅亭讀易奉坦翁曲盡其權遷廣東某鄉貴人有奪民田者當事退怯莫與理公獨按還之視學西廣正身作範不事語言嘗謂 聖書廸正道崇正學以潛消汙俗興起善

類遜諸生聚處五經書院三日一登堂講說敷悉士習丕變戴御史按廣東用法苛察欲罷南海番禺吏六十人驗無實直之戴慙怒弗允公徑趨出會曹叅議沒都御史以婚故微賄千金公竟賻以法故事平巨寇備宴享諸司藉以賄者纍千百金弗止公竟舉宴不以賄兩院交搆連章捏誣部院疏解曰李某素著廉節重有才名第不能俯仰爲衆所嫉應留用以責後效曲阜三學舊無廩餼公爲巡撫建議增給歲值蝗

蝻餓殍載道百方措賑全活居多捕蝗給粟蝻則倍給又慮盜賊將熾具鞭策將領論刺勇怯不少姑息黠盜關繼先流劫燕趙間自燕入青設伏禽縛燕撫臣攘以爲功竟不與辨及總督南京也運艘泊江市猾轉輸耗折負責莫敢誰何公啟水門入庾次檄監視無先放衙臨流交兌宿弊剗除至今賴之無何卒矣元配張淑人先公十五年捐館側室楊氏筑焚守孤丈夫子者有岡長元生鄉貢進士拜海州知州調桂陽

州知州次紹生張出次寅生又次庚生楊出俱縣學生女一適縣學生楊浩孫男五曾大學生授浙江都司都事春縣學生以例貢次會次皆又次簡縣學生孫女二公氣剛而豪貌莊而重聲吐震厲對客終日危坐步趨若有循然意態安舒不假作爲言有可採不鄙樵牧意有所拂不阿王公自筮仕至憲副俸入不供朝夕居憂留門人飯貸米乏薪至爨浴器終其身官且顯未嘗支一木覆一瓦爲子孫計其主張斯道以

求仁爲主本以閑邪爲入手以直任天命流行無事安排而中心洞然四時畔岸爲實深門人羅子洪先周子子恭李子輻王子龜年皆卓然有聲輯錄手澤總爲疏草二十有八目錄三百九十六書問三十有三詩與文一百六十有五粹而傳于世羅子叙公平生無習染之鑿故其簡靜近于夙成無逆億之懷故其知識全于質任而益以精思深詰之勤故能直信乎己而無分于外視附和他人口吻依違似是自以爲得

者豈直不可同日語哉是皆師友切磋礪藍青漸染蓋得其確云益也同游虔臺同贊義師同期闡明斯道以詔來學乃公竟弗起也可勝悲哉海州守命弟姪介羅子狀徵銘于予予又安能忍於弗銘也銘曰維質慤維行卓朝有直臣兮鄉有先覺弟子述兮詳且確黃鍾震兮破群咏展孝思兮幽隧斲雙璧石潭兮終古有焯

祭文

門人羅洪先

嗚呼天於斯道常默維持既顯其精必振其衰苟載籍之微不傳則生先覺以覺後知江門日遠俗學澆漓繩趨尺步者多迂濶以相視而分章析句類習爲進取之規雖以舊學宿儒號爲通博者猶未得其肯綮孰能不由師授闡千古而獨馳於惟先生間氣所尸遠識雄志剛腸瑰姿雖啟源於玉齋之倡事至其一言終身確然不變而深造直詣必涵泳於道涯者若天縱其

步而神界以私故不知者以爲簡於泛應樂於無爲不計情變不虞誑欺其知者亦惟見其壁立萬仞而千夫莫撼不苟一芥而千駟莫移處寂寞而不怨在溷濁而不迷無黨與而自楫非世俗之可羈交不阿其所好禮不妄有所施義之所安犯人言而莫恤情有不屬假一盼而猶有忸怩望之凝峻端重有如泰山喬嶽就之則怡然盎晬而鄙吝之化不覺冰釋而雲披故歷窮遭變處人之所不堪而笑談自若視榮名好

爵其得也若適然之遇而邈無前期固少成而若性雖聞風其可師此其有足述者皆形迹之似也而不知其難及者則立命之基蓋凡世情之所甚欲而不可必得者未嘗一入于念而以聖賢爲可必學所謂千萬世之上下此心同此理同者則篤信而不疑慨惟此日談學多岐妙解者每先入于所主而茂脩者矜一節之高竒不然則各持門戶或有待而興起不然則自成論說冀來世之有遺求其自幼刻厲絕類等夷

不求成章以表襮自任甚重而不辭則當今之世足與配者其伊誰故有心之所得口莫能盡而意之所指人莫能知然視人之不知漠然中無所動而古人之語有能達吾意者不復增損矯飾而有事于發揮此非惟二三子承面命而耳提者莫肖其分寸雖家庭內外日與俱者亦或未能深察以爲若斯蓋平生所宗在濂溪無欲以學聖而延平之隕然若田夫野老惟身有之故常口誦而心唯洪先失學罔辨妍媸羹歲

丙戌奉先君之嚴命偕我同志獲執業而就鑪錘閑邪求仁惟人秉彝既示蹊徑復指瑕疵始識有生之大萬有不足以易而父母之生我者必如是而後罔虧自是稍有嚮方不敢置身於不義實惟罔極之德雖聚散不一而聞警欬受餽誨者亦十有七年于茲痛惟始也懷聞見而領畧及其繼也持議論以支離虛聽言而未聞道類枵腹而觀朶願逮至近歲始悔莫追方回首以瞻遡阻山川其遠而聞朝命以待次慶

厄羸猶可醫計歸軺之在邇奉拂拭于臯比當默會于意表庶微隱之可闕懲多言之躁妄去異見之夸毘究時習之所在日俛焉以孜孜隨童冠以風詠樂天性之恬熙悵從遊者咸不及門而塊獨處者幸異聞之我貽夜夢寐而携手朝跂足而望之將謂世無鳳鳥幽人貞吉豈意歲非龍蛇而哲人告萎倏然返棹桐水之湄不見繡裳乃見繡帷既失聲以長號復拊心而自悲縱昊天其見奪胡不忍期月之少遲而今而

後有悟將孰與開其扇鏑有惑將孰與正其謬
龜豈天罰吾過而示譴亦天愛吾道而靳與之
資遺行可憶至言有稗期竭才以追影憤苦難
于後時既宣情以相控矢斯志之無隳耿明靈
其不昧尙翼行而啟思俾眇末之有成亦輝光
之永垂德何時而可忘徒仰望而涕洟湛空觴
以薦誠聊泄哀于片詞哀哉尙饗

祭文

門人周子恭

嗚呼昔人有臨婚之期而夜逝者詢之則自顧
性命投師學道而去嗚呼彼所謂性命豈吾所
謂性命彼所謂師與道豈吾所謂師所謂道哉
至其央謝世緣善自得師以有所成固一矣子
恭每感激此事未嘗不三復流涕也慨惟幼習
務外好高自棄性命幾絕生理丙戌之歲幸從
一二同志禮拜師門先生首發復見天地之旨
次及閑邪存誠之功謂聖人爲必可學謂大道

谷平先生文集

附錄

二十二

爲必可開當此之時傾領至言耳目俱新則如
去蛙鼓之音而驟聞韶濩又如處暗室之中而
忽睹光明自是而後日漸月染旦往夕來或問
答詳於書東或研究得以親承語下學上達之
功則必自不怨天尤人始究原始反終之說則
必自先天圖書入原孔門師弟之授受則本求
仁爲要訣體濂溪不二之心印則指無欲爲真
傳蓋一掃聞見之陋而洞然示我以至正之門
矣若泰山喬嶽之容堂堂正直之規望之似孟

氏之壁立及就而卽之又見其心平而氣和色
霽而言溫苟可以發其談笑雖庸人俗子可親
而不足以傾其蘊奧則雖及門弟子猶秘其說
而不竟似又有得於程伯子之沉潛頹然若田
夫野老似延平之默識至其篤信好古多識前
言六經語孟之訓諸子百家之書無不詳說而
講究則又不遺乎晦菴之窮研富貴功名之念
聲色貨利之欲不留於胸中譬之掃片雲於一
瞬出大明於中天而世俗委靡之態常情計較

之私殆漠乎若堅與白之不相沿乃其自得之
深自信之篤則有孔孟不能回其毅王公不能
易其介譬之祥雲靈鳳獨見於世而古今異同
之說依倚遷就之見舉無所投其間雖其所推
信者指玉齋爲軌法要其中之所自任則直自
謙洛而邇之以上達乎洙泗之源此又得於親
炙之久自不容不潛消夫鄙吝之萌者也嗟夫
凡民之流待文王而有與中智之士恃模範以
有成先生渾淪之體不鑒之眞此殆天授非由

人力竊自反觀恐終身所造或不足以肖其毫
分而猶藉以自慰者先生年未期耄而子恭有
志卒業自今以往期追隨於谷平之野石洞之
原以陶以鎔以泳以游庶幾力久漸復自然而
少之少壯者得之末路詎知梁木崩摧哲人遠
告萎哉何奪我筮龜而去我典刑何存我形骸
而斷我性命何靳斯道之大明而使後死者不
得與於斯文耶子恭聞計之日魂飛魄喪不知
所云卽思稟官奔趨爲築塲之事竟拘以職守

未能自由俯仰無聊猶千里而含哀聊寄情於
斯言嗚呼哀哉尙饗

谷平先生文集後序

孔門之學以求仁爲的而其所爲學則如家常飲食不事標榜至語顏冉諸徒曰克復曰敬恕曰訥言則因人以立教其歸於求仁一而已異同非所論也蓋道無二孔門之傳亦無二是故欲無言不爲隱言終日不爲賢此其所以爲萬古聖學正脉也自是而後以理學鳴者惟宋與我

朝爲盛無不祖述仲尼爲斯道羽翼世教有裨

焉第倡起於聖學秦蕪之後咸務正言斷辭以啟衆人之聾瞶故其指遂人人殊甚者爭辨求勝往復未決論者至比之對壘則其實使之然也予師谷平李先生生有異質不墮世緣感悒師訓慨然有志聖人之學其大要一主於求仁而以閑邪爲入手蓋超然獨契於非禮勿視聽言動之旨而其簡易得於天授溫厚本於性成雖深造遠詣匪夷所思而先生等諸無事未嘗自立門戶以爲高竒視近日之學徒尙語言

而不求事實者尤切戒焉晚年惟周易相對則

入忘言孔氏家法將不在茲乎文集凡五卷予同門羅太史念菴氏與先生之子德甫立甫次第輯錄蓋有年矣嘉靖庚申歲予邑令小灣羅君請而梓之以傳太史於先生之學獨得其宗是集所載先生之精蘊具存斯可以傳矣先生往司藩臬更歷兩粵風教之流令所素企今寓宦吾土又得與太史相往來宜其於先生之集梓之恐後也令名黃裳字美至粵東高明人已

未進士政尙忠實不以近名爲先於先生之教有身體焉者是集之梓也而豈徒哉予故併著之以見同志之雅且使閱斯集者知所興起云嘉靖辛酉歲春月門人謝體升頓首謹書

重修李莊介公愛梅亭記

賜進士第中憲大夫太僕寺少卿前巡按雲南

貴州山西道監察御史

賜進士第文林巡按四川奉

勅督理鹽法湖廣道監察御史

莊介李公

武宗朝由比部以忠諫丞通衢十年始

召環至今百餘年而公之正氣正學譚之有生

氣先是龍川令孫君雲翼令其地悽然曰名

谷平先生文集

愛梅亭記

臣履跡在焉仰止謂何遂于公所植梅亭當
讀易其中者一新焉而專使來屬記予以赴
召未遑執筆嘗思先輩有美不彰後來者之
責也時怏怏于中今年春忽公家諸子姪官
于粵廣州李長春曲江令生文海陽令賓過
其處迴迴涕泣不忍去曰先公今雖炳燭青
史然當時憔悴百折千生千死于此視湘纍
何後先焉諸君子常以一丸泥遞修至今而
後之人不思爲千秋計惡所稱爲後人也者

乃各出俸金大加修葺視昔有加焉又走使

屬記鄒子於公爲里中後進蓋嘗私淑公之

餘韻見公羹牆冷泠濯濯居然先輩典刑宜

傳至今流風逸韻使人興起不替也歟常思

子輿氏云奮百世之上使百世之下人能興

起夫人有興起者此真性不容昧也而所以

使之興者則必有莫之爲而爲之者在子瞻

謫黃州宣公謫忠州潯菴謫崖州其風采掩

映湖山其入人亦各以其所自持者而入公

谷平先生文集

愛梅亭記

二

在通衢蓋蹇蹇匪躬者也世遷客流人多傲
然以官爲懸贅附麗上之人一切寬假故得
以遂其高亢之性公蓋志聖賢之學視萬善
皆分內事如田畫云蓋不以一善自多者孳
孳汲汲復性爲功其托於愛梅蓋以自況也
梅當嚴凝之際霜雪所不能侵風雨所不能
驚而節可比素味堪調鼎香可翳俗公之意
蓋不在梅元公之愛蓮元亮之愛菊豈在蓮
與菊哉古之至人超然形氣之外寓意於物

不留意於物大都然矣予因公不能無慨焉
神宗朝末年嶺南遷客數十人而至者寥寥至
而不能暮月者公沉埋十年矣遷客賜環即
登華秩公

賜環而婆婆藩臬十餘年矣近一掛軍功不難
橫貴公與王太史相新建征豪功最懋而不
賞蓋公直道事人終始如一先朝淳樸之風
亦可想見貞芳之節愈久愈光近

光宗賜易名莊介蓋於世有補天下未有晦而

谷平先生文集

卷梅亭記

三

不著誠而不動久而不昭者公是也公雖未
得大行於世以正學廸文恭羅公爲公高足
火傳無盡今少司馬邦華侍御日宣大行元
鼎司理長春邑令賓生文皆公之支屬以傳
公之學無涯謂莊介之通衢即新建之龍場
可也停輅至止讀予文能無有悚心乎

銘曰

莽莽塵途 人誰介立 猗歟先生
清姿勁質 憔悴五羊 寒梅手植

隱几一亭 案頭惟易 晷安樂玩

物象俱融 極深研幾 有感斯通

霜前貞幹 雪裡芳叢 皎皎孤衷

芳潔與同 玉樹當窓 暗香入席

豈若孤山 長懷岑寂 明月輕風

通衢古驛 何遜楊州 謫居同適

坂宗首亂 草木燔焦 三軍一莖

眾渴旋消 纍纍珠實 羹鼎須調

澤灑諸藩 騰茂先朝 穆穆貞皇

谷平先生文集

卷梅亭記

四

易名顯烈 莊以明德 介斯昭節

陶菊周蓮 伊誰鼎列 翼翼梅亭

光垂奕葉

賜進士第資德大夫太子少保正治上卿都察

院掌院事左都御史前吏部左侍郎刑部右
侍郎

詔起大理寺卿兩京吏禮兵刑四部郎中員外

郎主事奉

詔起用特授吏科給事中侍

經筵蒙

恩予告里廼後學鄒元標頓首撰
天啟四年甲子孟秋月吉旦

廣州府推官

李長春

韶州府曲江縣知縣李生文

潮州府海陽縣知縣李 賓仝脩立石

先中丞一代典儒委草莽者八十年僅得門
人羅文恭公手編數帙照耀人間耳吾粵鄒
南臯先生常指其文示不肖輩曰此君家布
帛菽粟不可一日無此而先生功在千秋原
不求知卽其集中奏疏序書銘狀等編皆文
恭不忍遺手澤意其實非先生意也先生之
意乃在日用語錄是其當時一副眞精神自
不可磨眞濂洛眞諦而洙泗正脉于是摘其
要援不肖輩不肖輩因得拜先生之序而壽

卷平先生文集

卷一

之梓也而予不肖更有感焉不求知者古之
人爲已真心而必不容不知者先聖後聖其
揆則一而何百年陽秋蕩漾未有定也然則
人知安足憑也不肖先生誰肯搜遺珠于赤
水哉不肖侄孫曰鄒頓首謹跋

谷平文集五卷

江西巡撫
採進本

明李中撰中字子庸吉水人正德甲戌進士官至
總督南京糧儲都察院副都御史諡莊介事迹具
明史本傳是集爲其門人羅洪先所編其曰谷平
者以其所居之里名之也凡疏二十有八目錄三
百九十六書問三十有三詩文一百六十有五大
抵講學者爲多